

近代中國史料叢刊第十三輯

沈雲龍主編

咸同貴州軍事史

凌惕安撰

文海出版社印行

咸同貴州軍事史序

凌參議惕安行劭而文茂感於民生之疾苦戰爭之慘酷爲咸同貴州軍事史一書著當時致亂之源及所以撥亂反治之道以爲當前之龜鑑其意甚盛閱嘗過其著書之廬獲觀全稿五編九十二章都數十萬言目張綱舉洋洋大觀卽論其子目已覺窮原究委雅瞻逾尋常矧復運用科學方法於歷史紀述之中批郤導窾條達疏邕是尤吾黔前此所未有也

光

翔歡喜讚歎繼以流涕回溯當日情狀雖揚州十日嘉定三屠不足方其慘酷就此編所估計人民死亡之數至三四百萬人公私財產損失至二萬萬五千



萬兩被兵城鎮三千餘處于役職官三千餘人戡亂  
動員至七八萬衆影響十餘行省廿年後定凡此驚  
人之數計叢爾貴州一以當之吾民何辜罹此慘毒  
追源其始皆由貪之一字以階之厲小民不堪在上  
者之朘削求其生而不獲相率鋌而走險卒皆同歸  
於盡而莫之或免以今視昔民之憔悴奚踰什百而  
旣機之伏亦適成一正比例此在稍知民隱者類能  
言之何容爲諱未來之恐怖不寒而慄所願手斯編  
者共引以爲戒勿使後人而復悲後人是則惕安編  
述之初志亦卽光翔所垂涕泣而道者也是爲序

民國二十年九月桐梓毛光翔

咸同貴州軍事史序

黔自元明以來數百年間天時人事之隄蕩與夫治亂興衰之迹已不可勝原而咸同一役尤系時變之大者其變亂雖若囿於一行省其影響實徧於西南延及現代論黔事者靡不認此爲一絕大關鍵焉而其致亂之源及所以撥亂反正之道又實吾黔今日一親切有味之龜鑑也顧紀載之書寂焉鮮聞雖光緒初年當軸者延易笏山羅質安諸賢掌記事局有平黔紀略之編輯究屬設局官修之書限於義法牽於顧忌僅成排比之功且轉相傳寫斷簡訛文觸目皆是至有被芟夷遭改竄者時至今日已不足鑒吾



人之望凌參議惕安博聞強識於鄉邦文獻搜討尤勤茲憑一己之發憤成千秋之盛業有成同貴州軍事史之作體裁新穎紀載翔實參取新舊之長作公平正直之觀察本末兼賅鉅細不遺總論一編尤見精審舉凡當時政治社會學術民情莫不條分縷析發微闡幽手此一卷不翅生當其時身處其境有照臨八方之樂而於民生疾苦尤能表襮無遺蘊足爲當時人民一吐胸中不平之氣是又向來軍事紀述所未有也總攬一過至腴於懷衆論翕服信非偶然余旣感於是書之關係於吾黔者大乃謀付梓行俾資借鏡庶惕安之編述爲不負而前人之犧牲爲有

償矣自維德薄能鮮謬膺疆圻重任時凜冰淵冀保  
无咎區區弭災防患與民更始之心可質天日其猶  
未至者則時代環境之所使然而莫之能逆者也方  
今民生凋敝思想危險當前古未有之變局深慮咸  
同慘禍將復見於今日同盡之歸其何能免嗚呼往  
車屢折來軫方遘對此鴻編蓋不勝其憂懼矣  
民國二十二年十月王家烈序於貴州省政府





咸同貴州軍事史序

邇余在燕凌生惕安書來謂將有咸同貴州軍事史之作就商體要三數年來窠其矻矻采獲猶飲食於饑渴往往以一人一事之微郵筒徧走南北其孟晉精瘡至可驚歎比余歸里則屬藁已定五編九十二章都六十萬言大抵根柢平黔紀略一書益以旁遠摛紹所得事具其本末類能以新時代之眼光於他人略不厝意之端批其窾要卷首圖像若干幅頗多珍祕史料則又時代文化之賜也自余承乏省志恆苦鄉人著述絕矜慎黔又數亂什九歸於泯滅故最近代史實之失墜尤不易掇拾惕安此作可謂助我

抑惕安之惓惓尤在著當時致亂之原若所以撥亂之涂術覬借鏡於現代意至微而累也夫咸同之際吾黔之亂棘矣顧彼苗教榔槓之徒寧皆生而匪性乎亂蓋有激之使不得不然斯無弔而走死方亂之萌益陽胡氏以梅尉先幾之燭爲徐福曲突之謀其條陳東路可慮十五事可謂畏微而知著而彼惛不知猶以朶削爲得計馴致鹿鋌魚爛而莫可捄拏二十年中縱橫豺虎之窟我黔人幾於靡孑矣人有亂極之思物處窮變之勢又得張惠肅曾文誠黎文肅諸賢長官提衡於上邦人君子石少司空丁文誠唐少保趙剛節公昆季交徧勗力於下席寶田輩乃得



假手以告成功蓋自亂而之治又若是之難也乃吾  
民之獲登衽席曾幾何時喪亂又極於今日民生之  
彫劫既未聞於前而國命之傾危則縣巖轉石無以  
喻其嶮哀我人斯夫何使我至於此極也其諸取不  
遠之鑿凜同盡之歸天誘其衷以悔其旣毋爲帝國  
主義者之俛而令赤色黨人竊笑爲驅除難乎然而  
孰爲爲之孰令聽之滔滔者旣已絕望於今日之中  
國吾知惕安此書終未足動當世目盲心死者之一  
顧視也嗚呼

民國廿一年七月任可澄





咸同貴州軍事史凡例

一吾國史裁至備源流派別可得而徵一曰正史自漢司馬遷作史記勅紀傳體後世宗之者凡二十三家一曰編年以年爲綱庶事爲紀漢荀悅綜輯漢書成漢紀爲編年體之嚆矢一曰紀事本末綜括一事之起訖研究其治亂得失宋之袁樞本司馬光通鑑以一事爲一篇各詳其終始嗣是以後遂成別裁貴州當前清光緒初年大難旣已當軸者延易笏山佩紳王雪澄秉恩羅質安文彬吳清臣寅邦諸賢掌記事局將咸豐四年至同治十二年二十年間之軍事編年紀月以事系日成平黔紀略一書都二十卷顧以頭緒紛繁不易尋求原委且疏漏舛譌時所恆有因不揆構昧就原書綱領仿紀事本末之義益以現代體例之長斟酌今昔較量得失而成是書內容計分五編九十二章都六十萬言

一第一編曰總論總述當時之背影環境前因後果是非得失糧餉來源收支大概以及政治經濟社會文學之類第二編曰漢族之

運動第三編曰苗族之運動分述當時各種軍事運動之屬於漢族與苗族者每種各爲一章各窮其原委第四編曰回教民族之運動則專敘次當時威甯普安漢回相攻殺之事第五編曰善後分述善後諸事宜及事定後之各項計畫

一平黔紀略既爲清代設局專修之書立場不同取舍自異茲一本歷史之眼光公明之態度以逆之純處於超然地位無從前人我偏私之見有善必彰有不善亦無庸諱飾惟求真實可信昔人謂公私著述儻懷挾恩怨卽其書可燒自信無此弊病

一既純處於超然地位故本書命名亦但就時地事三者而言凡平定戡靖字樣皆不用

一本書所采史料有在從前認爲不足存者今乃彌足珍貴從前以爲不可無者今殆了無足取是則時代之所使然亦卽德人尼采所謂重新估定價值也其間穿穴聯剝會費平章

一醫生解剖須有三種修養曰鷹眼獅膽婦人手竊嘗以爲屬史稿



亦當如是觀察須極敏銳斷制要能放膽不爲常見所囿秉筆時又須極精細之能事蒙雖無似於此常留意焉

一古人如班之於馬雖全襲其詞不爲詬病緣事實未可憑虛構造也茲所采錄多就原文未暇一一註明出處且往往百衲成章尤註不勝註昌黎謂惟陳言之務去非所論於纂錄之文也

一本書於平黔紀略但依據其綱領取材不過十之五六餘皆從搜討得來較原書事實增補不少如趙旭之發姦桐梓鄭珍之協守荔波黃輔辰之安定巴鄉莫友芝之誦讀圍城林自清之保全安順章永康之殉難大定但鍾良之全家慘滅鄧第武之一門忠憤等等皆較有關係者也

一本書自以軍事爲主然爲求整個的了解不嫌旁敲側擊反覆敷陳務求了無遺憾使閱者不翅生當其時身處其境有照臨八方之樂

一平黔紀略及各種紀載對於對方往往錫以賊逆僞惡等字時代



不同原無足怪茲則直書其名如曰楊龍喜曰楊元保又或書其團體族類如曰黃號白號仲家苗則曰苗衆回則曰回衆其故用醜惡字如水家之爲狄回之爲狝仲之爲狝者亦各改正至行文時爲便利計則用敵字不過表示對方之意可無過於拘泥

一本書紀事功罪分明不若前此史官多所顧忌一味抹殺即使有罪而情有可原者亦必究其所以使之之故以示哀矜而資警省

一本書紀事力求簡當緣茲事體大不容費詞也其忠烈節義之士之傳狀碑銘及有關係之詩文函牘軼事遺聞之類則各爲附錄件系條綴以資觀感而增興趣然皆出之謹嚴甯闕勿濫傳狀碑銘先取裁於名人集中其不可得者始就用清史列傳或全錄或節取視關係之多少爲定良由本書性質不同非故爲割裂也其求之終不可得者暫闕之諛頌之失當者則摒不錄聖武記有附錄體例意趣之同差不謬於昔賢

一亭林有言天下興亡匹夫有責當今外侮日亟匪患日熾端賴地

方人士各知捍衛故本書於當時團練較爲側重其有功桑梓者采輯尤多

一當時兵制兵餉及其他有關軍事紀述以其爲本書正文言之極詳亦如聖武記之有武事餘記也

一本書敘次於年號干支之外加註公元以便回溯

一本書聯貫下遞每編之中各有若干章各章自成一結構可分可合使後之采訪者得各據爲首尾完備之史料

一每章之中仿通鑑例每年一提首分段則空一格

一人各官階於每章初見時及有升降時具之其死職守亦具著盡職也棄城覆師亦具著溺職也

一地各官稱奏諭咨札以及引用詩文之類皆存其真所謂當時語也至著者立言則依現時功令

一當時軍事複雜敵常互相勾連難於分析茲視主從爲詳略於略處則註詳某章以免重複其如黃號白號之時合時離不能分別



主從者則於其合處兩見之

一司馬遷勅十二諸侯年表簡當明瞭至今奉爲極則近世事物繁  
頤統計分類深資利賴本書於此尤三致意

一昔人垂教往往取古人之事蹟可爲法者圖其形狀使人觀省蓋  
鑑其氣貌較諸空言記載者爲尤警切動人也隋書經籍志有會  
稽鄉賢像贊五卷此繪像成書之最古者茲於關係較大之人物  
多方訪求其遺像冠之簡端以爲型儀之助惜搜求不易僅乃得  
此不無遺憾其他有歷史價值之事物亦併及之然皆各有來歷  
未或假借

一軍事要圖首在扼塞形勢而黔地叢脞數里輒一易名稱一失檢  
竟至進退東西顛倒錯誤莫可究詰是以讀史貴習地理也平黔  
紀略雖仿聖武記例詳細註明於下方終嫌隔閡茲特詳加調察  
證以水道提綱一統輿圖諸書託由貴州陸地測量局代繪爲五  
十萬分之一地圖以與本書對照讀之如示諸掌

一今昔地名略有更異本圖以今爲主而加註昔名於其上使閱者知今之某地卽昔之某地郵政電報設置處所亦姑存之以資旁證近見丁文江編明人徐霞客游記所附地圖亦卽就現今地圖加經行綫與此同一用意

一本書爲便於經眼起見於文中重要處特註眉標以便檢查

一光緒初年大難初定已苦史料難於蒐集歷時旣久尤爲不易茲憑郵筒向省內外訪求所得乃大出人意表則時代之賜也而吾師楊覃生先生藏書旣富又嘗如舊都鈔存內閣檔案多種有爲外間不易得者予取予求無不如願則尤足感已

一馬君空凡獲見稿本卽以現今本省各縣纂輯志乘正苦於咸同軍事採訪困難認此書於全省八十餘縣皆有深切普遍之關係足資取材因力主印行復承毛省主席羣麟王省主席紹武先後共助刊資三千五百元由慈惠圖書館印行盛意均爲可念而彭丈公武金君漢初丁君純武蔣君葆丞胡君壽良亦嘗殷勤贊助



焉

一關於採訪方面所以獲助於省內外諸君子者至衆其尤著者如當時在事諸賢長官之哲嗣及本省八十一縣教育局長楊純夫楊海文程敘五諸君而本省民政視查委員何問秋譚夢卿楊金谷余寶書諸君致力尤勤至其他之銘諸心版者尙多也

一司繕寫之最力者爲陳君竹樵全稿皆出自一手所楷繕終始如一至爲難得任君用章嘗助整理材料

一本書稿本係煩由王君蓉舫攜帶赴滬承沿途護持至爲感謝

一現代印刷便利出版事件不應再如昔日之視爲名山盛業過事鄭重往游日本見彼邦人士凡箇人研究所得無論屬於何者無不付之鉛槧公之於世任人批評與化鄭燮之言亦曰有些好處不妨大家看看若無好處覆瓿可也此稿之終不自秘居然如各方之所督促禍棗災梨者旣以其數年精力所寄不免享帚自珍而區區之心亦竊附於板橋之意云爾

一本書蓄意在十年以外故曾隨事搜討操觚屬草則四經寒暑稿  
凡三易而後定昔邵陽魏源著聖武記梓行後二年頗覺舛疏復  
事刪改嘗慨然曰學問之境無窮未審將來心目又復奚似災梨  
之悔豈有旣哉惕安於此惟有愧汗夫平黔紀略之編輯以羅王  
諸賢之手筆猶且歷時數年始告殺青茲以一人之精力且又甚  
譾陋其爲測海增岱抑可見矣挂一而漏萬在所不免尙祈博學  
君子不吝賜教以匡不逮則非一人之幸也

民國二十一年六月凌惕安





參考書目

胡文忠公全集湖北初刻本

韓果靖公奏稿韓方朴手鈔散片

韓果靖公遺稿韓方朴手鈔散片

張惠肅公奏稿張氏手鈔本

黎文肅公遺書光緒七年湘刻本

丁文誠公遺集光緒十九年京刻本

石侍郎奏稿鈔片寫

岑襄勤公奏稿光緒二十三年武昌刻本

李文忠公全集商務印書館印本

駱文忠公年譜駱氏家刻本

丁文誠公年譜唐炯撰文通書局印本

南溪韓公年譜陳昌運撰振綺堂刻本

張惠肅公年譜林紹年手訂稿本

城山自撰年譜唐炯著宣統三年北京印本

劉統之先生年譜通書局撰文通書局印本

珍林自訂年譜楊樹著貴陽文通書局鉛印本

羅文僖公行述羅氏家刻本

先府君行狀冊蹇閣撰家刻本

先府君行述江李氏家刻本

本軍門廖勇巴案冊趙德光幕府作原鈔本

趙剛公大事紀實龍山張杰著同治八年刻本

暢園府君事實楊樹著原鈔本

慰三府君事狀趙氏原稿本

皇清一統輿圖湖北刻二年

水道提綱原刻本

明史金陵刻本

黔書田雯著 原刻本

續黔書張澍纂 西年貴陽刻本

黔史猶法賢著 圖書館印本 貴州

黔南識略愛必達著 十年貴陽刻本

黔南識方紀略羅丁繞典輯 光緒未刻本

清朝全史海日中著 日本稻葉君山出版

清代通史蕭一山著 印書館印本 商務

十朝聖訓石印本

碑傳續集江甯刻本

聖武記魏源著 揚州三道光二十六年重印本

中外地輿圖說集成上海商務印書館印

內閣檔案民國三年楊恩元在清

清史列傳中華書局出版

中國與中國革命陶希聖著 新

中國之人口問題許仕廉著 商務印書館本

平粵紀略同治十年京師聚珍齋檢字本

平定苗匪方略欽定本

太平天國戰史商務印書館本

平黔紀略羅文彬等著 又羅文通書局印本 鈔本

平黔戰事記藍廷玉撰 光緒中武陵刻

黔亂紀實劉書年撰 自寫稿本

援黔錄唐炯著 自刻本

平番權彭援黔日記蹇閣著 自刻本

石達開日記世界書局出版

貴州百苗圖民國二年石印本

岑襄勤勳業介福圖石印本

播變紀略十年山野史道署刻 緒二

遵義平匪日記空大居士撰 振綺堂刻本

獨山平匪記空大居士撰

苗變紀事韓超撰

兵燹記羅興仁撰

平越咸同兵事始末探訪

安平兵燹紀略王汝震撰

銅仁府兵燹記探訪

都濡備乘楊宗瀛撰

鎮遠府兵燹記探訪

黃平縣志續大事記探訪

貴州通志道光末

貴陽府志咸豐元年

安順府志道光末

安籠續志民國十年

大定縣志民國十五年

遵義府志道光二十年

遵義續志楊恩元撰

都勻縣志文通書局

黎平府志光緒十八年

平越直隸州志光緒丙申

思南府志道光末

古州廳志光緒五年

廣順州志道光末

定番州志原鈔

永甯州志光緒二十

鎮甯州志光緒元年

平遠州續志光緒十六

黔西州續志光緒甲申

麻哈州志原鈔



正安州新志咸豐八年刻本

清平縣志光緒辛巳年刻本

安平志稿陳楷未刻稿本

桐梓縣志待刻本

綏陽縣志民國十六年文通書局印本

荔波縣志蘇忠廷撰原稿本

獨山縣志未刻稿本

湄潭縣志光緒己亥年刊本

甕安縣志民國四年文通書局印本

天柱縣志光緒中刻本

婺川備乘楊宗瀛撰鈔本

麻哈縣志待印原稿本

鳳凰廳續志光緒中刻本

洪雅縣志擇印散片

鹿山先生全集蕭光遠著初刻本

巢經巢全集及遺詩鄭珍著文通書局印本

邵亭遺集莫友芝著金陵刻本

百柱堂全集王柏心著貴陽唐氏刻本

天台仙館文集李元度著初刻本

春在堂集俞樾著原刻本

望眉草堂全集顏嗣徽著黔刻本

拙尊園稿黎庶昌著光緒乙未金陵刻本

夷牢溪廬文鈔黎汝謙著家刻本

成山廬稿唐炯著民國八年文通書局鉛印本

鈴石齋詩鈔黎洵著川東道署刻本

芋巖詩鈔錢衡著光緒十二年校刊

介臣遺詩王介臣自寫殘本

播川詩鈔趙旭著貴陽文通書局印本

芋香館詩楊文照著民國十六年紫江朱氏刻本

體訓堂遺詩孔慶齡著光緒乙未臨縣刻本

息影山房詩鈔黎兆祺著黎家刻本

龍溪草堂詩鈔張日崙著光緒壬申年崙刻本

屈廬詩鈔鄭同著鄭通書局印本

一樹梅花書屋詩鈔楊學焯著楊自刻本

東屏山館詩鈔李世鈞著通書局鉛印本

弗堂類藁姚華著王伯羣印本

桐梓耆舊詩後集趙憑彝輯民國丁巳年刻本

悅拙遺詩鄭晞著光緒戊子日本刻本

慕畊草堂詩鈔黎庶燾著光緒戊子日本刻本

枕戈草堂吟草趙德昌著原鈔本

函樓詩鈔易佩紳著自刻本

籀經堂詩文鈔胡長新著通書局印本

水雲山人詩稿廖景煜著民國十三年奉天刻本

三不惑齋詩稿楊恩元著通書局鉛印本





咸同貴州軍事史目錄

序

凡例

參考書目

圖像

識大體知治法之胡林翼 戶部官票 大清寶鈔 受任籌辦  
全黔防務之朱樹王珣高以廉 陣沒遵義之雲貴總督羅繞典  
誦讀圍城之莫友芝 毀家紓難之丁寶楨 叛修遵義新城  
之李蹇臣 沈勇慷慨之韓超 投筆從戎之莫祥芝 協守荔  
波之鄭珍 貴州提督孝順忠勇碑 具政治手腕之黎培敬  
志切梓桑之石贊清 危局獨撐之張亮基 百戰艱難之趙德  
光 趙德光之戰衣戰裙 趙德昌立馬圖 都勻城陷死事邑  
人陶廷杰遺墨 大定城陷死事邑人章永康遺墨 湘援主持  
者駱秉章及其遺墨 罷後之張亮基 烜赫一時之田興恕

督師援黔之唐炯 唐炯援黔臨發前寫付其子戒辭 統領川  
軍援黔之蹇閻 統領援黔湘軍李元度及其在黔時手札 總  
統援黔湘軍之席寶田 功成其手之曾璧光 有益於黔之清  
恭親王奕訢 上書李鴻章商榷黔事之黎庶昌 攻豬拱箐之  
岑毓英 岑毓英攻豬拱箐戰圖 太平軍馬蹄下之永甯州知  
州胡繼學家栗主 保障一方之劉官禮 久任興義之孫清彥  
參與唐炯軍務之于德楷 當時將領張樑何雄輝張文德  
參與興義漢回和局之法國傳教士胡博理任國柱 上游善後  
執照 下游善後執照 黃平石礪 鎮遠府招集流亡札子  
一官兼署二缺會札 變賣絕產修復城垣衙署執照 困回長  
濠木城及回衆恃固堅守城礪圖 九股生苗 裸羅 黑苗  
蠻人 軍事運動者之各種勢力百分比比較圖一 圖二 咸同  
貴州軍事輿圖 另套

本文

第一編 總論

第一章 緒言

剝一種現象形成中國數千年之歷史苛法統治者對於民衆之  
衆未之反抗自不得不然之勢慰 桀黠者之利用機會民衆  
之起因 來日大難 為當前之龜鑑

第二章 軍事初起時國家之背景

漢滿之猜忌 明季遺民之衝突日亟 有不可侮之興起 鴉  
片一役之關係 官民之衝突日亟 有不可侮之興起 鴉

第三章 軍事初起時貴州之背景

胡林翼之防微杜漸 蔣蔚遠適承其敝 十五可慮 地方之治  
亂視官吏之貪廉

第四章 軍事大要之經過及吾人應有之態度

茶毒之慘為貴州空前所未有泥於一切不平等有以激成之  
應加以嚴重之制止 不得泥於一切不平等有以激成之  
不受時代之拘束

第五章 軍事期間各個時期之代表人物及各種勢力之百

分比較





### 第十章 軍事期間貴州旅外之人物

當時旅外之人物於本省軍事有重大之補救 補救之途  
徑 李朝儀 石贊清等略歷

### 第十一章 軍事期間清廷對貴州之態度

貴州地位之重要 清廷辦公程序之完備 中央集權  
批答諭令之中肯 欲以田興恕定黔 能用張亮基黎培  
敬 假李鴻章之聲威以資收拾 能得久任之文武職官

### 第十二章 軍事期間之政治問題

軍事期間之政治 吏治 財政 試事 荒政 例件

### 第十三章 軍費之來源

軍費之四大來源 協餉 年協 月協 捐輸 捐輸之  
中又分二種 捐局 義穀 蘆穀等 蘆金 零星挪移

### 第十四章 糧餉之董理

札佐糧臺 善後糧餉總局 軍需總局 糧餉總局 軍需糧餉  
總局

### 第十五章 兵制之變遷

清因明制有練營制兵 咸豐初貴州兵額為三萬六千餘  
名 一提四鎮十協分布 全省額馬兵二千四百餘名 匹  
獨山一役專用制兵 後則專資勇力 苗練義練  
兵工食一口糧 勇練糧餉各自為制 勇練編制多倣湘制

軍 制兵缺曠通常在七成以上 練勇缺曠較少

### 第十六章 軍械與軍裝

軍械 有西洋鎗炮之輸入其形狀有同乞巧 教練射擊之  
軍裝 戰禍連軍費支絀其形狀有同乞巧 教練射擊之  
戰衣戰裙 苗族兵器之利

### 第十七章 軍事期間之兩政治家

張亮 樊慰 趙德光 時父老至今 亂時稱 撫心力交瘁 內安循將  
士 樊慰 趙德光 時父老至今 亂時稱 撫心力交瘁 內安循將  
迂緩 曾壁光承為之一揚 黎八屆 敬 繞越履任 苗 同官笑其  
學政 輟車八十金增至無不徧歷 由積極方面轉移人心  
庫存 由八十金增至無不徧歷 由積極方面轉移人心

### 第十八章 軍事期間帝國主義者之侵入

侵略之野心 北京條約 所謂 游歷二字 擴大運用 抵隙以伸  
教堂 擾攘中有所謂 游歷二字 擴大運用 抵隙以伸  
張其勢力 貴州之恥辱 胡博理挾條約 青巖事件 開州  
怨之府怨力 尙未沒却 却民辱族之自信 力 青巖事件 開州  
事件 貴定事件 仁懷事件 遵義事件 儼然特殊階級

### 第十九章 鄰援之前因後果

鄰援之始 四川援軍 湖南援軍 雲南援軍 廣西援



第二十章 死事及有功者之紀念辦法

蓋忠樓 張慰忠祠 忠裔所公祠 忠裔塾 昭忠祠 趙剛節  
公祠 黎文肅公祠 曾文誠公祠

第二十一章 糧餉徭役徵發時人民之哀號

竭澤而漁 哀詩 人民之婉轉哀號 當時詩人因多不平之鳴  
鄭珍三哀詩 南鄉哀 經死 哀 刑紳哀 唐炯蕭光  
遠等遺詩摘句 鄭珍抽釐哀 張日崙拉夫行

第二十二章 散落之劫灰

流離之苦 死亡之衆 飢疲之慘 戰爭之酷 疫癘之  
盛 軍法之苛 軍功之濫 官爵之賤

第二十三章 擊鼓聲中光焰萬丈之貴州著述界

尹珍 王守仁 沾溉 許 周起 渭為黔人 張目 陳法之真品  
實學 程恩澤 擢揚 鄭 莫與傳以樸學倡其徒教其子  
弟 賀長齡 整理貴州文獻 鄭莫與之學術 西南二子光  
焰萬丈 擊鼓聲中之特點 莫與傳等四十餘人之著  
述 當時文武職官之著述

第二十四章 軍事期間人口資產損失之估計

人口死亡之數 軍費消耗之數 人民資產損失之數 國庫收入損失之

第二十五章 軍費與軍糧支出之概算

第一次計請銀三千六百餘萬兩 第二次計請銀一千四百餘萬兩 共

### 第二十六章 咸同貴州軍事運動者之類別及其特殊之歷史

漢族之運動 白蓮教 哥老會 游民 饑軍 教主 劉儀順 支蔓 麻醉人心 乾嘉間 白蓮教 之役 教軍 白蓮教 之

來黔 哥老會 符錄 社議 乃其 哥老會 除暴 哥老會 符錄 社議 乃其 哥老會 除暴 哥老會 符錄 社議 乃其 哥老會

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

苗族之種類 七苗 來歷 習慣 苗族 轉疆 移土 寢成 中原 相植 民之

### 第二編 漢族之運動

問題

南對之役 回衆 貴州 政治 變受 滇之 貴州 之於 漢回 教不 協族 實一 重

第二十七章 楊元保之役

元官保獨當大軍故敗元保父以抗起痍斃旋退元保忿而抗變

附錄 吏目教官之貪橫罔利 韓超之不輕於撤兵

第二十八章 楊龍喜之役

舒犬誘龍喜起事陳泰奸先起悻蒙仁桐懷縣之陷楊團龍喜

之被義羅莫友芝久在圍城與趙萬春之失機上羅繞之詰責

赴軍蹇諤之大捷祥芝出敵前起鄉兵楊龍喜敗於石阡葛順移龍里

餘黨復起不蹇諤戰沒柿岡軍螺蟹餘黨復起炳琳圍攻鼻孔

梁宗魯為質 穆梁等就擒 螺蟹平

附錄 鄭珍聞賊入桐梓詩兵不助失賊魁而返詩鄭珍寄邵亭

圍城五首 陶官軍敗於板橋賊聞郡東門外街肆盡毀詩移

君黎恂避地石阡詩紀事八鄉韻賊平消息芝遵亂紀事詩府

首二十六首 趙旭遞遭兵燹一號首和觀音寺感懷王守城遺詩二

旭傳 趙旭破賊營詩 苗練之由來 胡林翼略歷 羅繞任



莫等之練團趙旭輓會儀軒詩哭晉寒諤傳略  
莫友芝桐梓餘賊入落水洞為守者所縱詩悼寒諤四  
首孟蘭會

### 第二十九章 王三鮚疤之役

王三鮚疤起斂錢聚眾在緣與楊龍喜合圍黔西  
繞犯永甯敗死  
附錄 楊學煊賊平旋里感賦呈福韻濤六首之四

### 第三十章 余令恆之役

余令恆惑於迷信入新城學政踰垣免陷安南逼  
興義府陷普安縣入誅令恆餘黨悉散

### 第三十一章 曾煜華之役

曾三浪素不法與楊龍喜潛約何變投誠不實解省

### 第三十二章 羅光明等之役

羅光明等起紀內應陷犯清平入羅苗互相扇誘陷  
都江廉余正紀內應陷大塘入羅苗互相扇誘陷  
川軍援都勻與苗練相結楊均等先戰死職古鹿丕宗陶  
桂林之自焚都勻府之陷石均等之戰死職古鹿丕宗陶  
廷杰周熹之慘殉維藩之解圍孝逼黎平軍民之傷悼  
獨山之危急楊維藩之解圍孝逼黎平軍民之傷悼  
軍大舉攻犯荔波團民大捷獨山團練名震遠近入古  
與恕援黔

州 張亮基請三省會剿 湘軍撤回 寢致消滅

附錄均本傳芝聞鹿丞宗以本傳解圍詩鹿張之桂林死事陶廷杰本

傳都勻城陷詩杰遺事却寄一陶廷杰之鮑源深書孝順自殺事芝聞

孝順詩順聯顏嗣徽曉死孝順詩片王孝順運鹿壯節公祠碑

邱樹桐經都勻有感詩盧振德謁鹿壯節公祠詩略歷何

亮清曉陶方伯詩萬大章詩謁鹿祠詩歐陽朝相雜州

都勻詩

### 第三十三章 楊通貴等之役

擊犯貴定舊縣江與羅光明勾結薄貴定縣城川兵來合

場黃輔辰赴巴香撫輯滇軍來主力消滅承齡退虎

附錄賊黃琴場墓表生往擊山老人年譜記乙卯年事鄭珍

### 第三十四章 紅號之役

印以苛征抗變陷石阡府銅仁府城屏縣松桃廳府青縣南府連陷

大湘軍來會擊鎮遠府松銅之呼紅號據梵淨山中敵死五洞三

洞皆變 紅號走鎮遠與苗眾合起 教茅仙諸路被擒 湘撫

之煩言 教首復紛起 包茅仙起 茅仙逸 審所具始末 與白

陷石規衛 包林湘黔軍會攻觀音山死 茅仙會審所具始末 與白

### 第三十五章 岑亮弼之役

與齋教 岑亮相結 逼歸化 擾冊亨 劉寶善之遺愛 孝順破

### 第三十六章 燈花教之役

黃七貪殘復 與教黨結 陷 逼都芳壇之醞釀已久 與黃平苗結

分趨平 襄安之幾 陷 杜芳壇之誤殉 久 與黃平苗結

出兩岔河 退據牛場 犯舊州 勦降 攻上塘 與苗眾結 紹

麻哈都勻 蔓入清水江 陳銘勦降 陳紹虛等降 紹

### 第三十七章 槓眾之役

掠水城 魯經芳往安撫 據滑竹箐 首欄入威甯 和集苗槓

首集乾河溝 畢節槓首 據苗相結 槓眾相結 阻糧運 槓

數千架 悅服 雍槓首 降 威甯 平遠水城 槓眾相結 阻糧運 槓

以那架 悅服 雍槓首 降 威甯 平遠水城 槓眾相結 阻糧運 槓

千叛不成 羣四出 楊紹貴 張油客 劉嶽昭 以槓匪肅清 聞 楊紹



第三十八章 大小白滿等之役

大小白滿逸 與楊龍喜餘黨結 竄省伏誅 與趙帽頂結

第三十九章 王安國之役

集團防剿頗得力 王團 喉糧頭脅官 江炳琳突案其

附錄 鮑源深首發其事 似刑過於罪

第四十章 姜映芳之役

與苗相勾結 與教黨相結 湘軍會擊 自滿洞復起 匪山

據天柱邛水思州界 陷天柱縣城 桂軍復天柱 匪起 山

第四十一章 白號之役

打府之陷 劉儀順來黔 圖龍泉首為江縣 練首與通 脅從益

兼白號出烏江東西岸入遵 周夔辦思南軍務 貴州提督龍泉白號

黃號第武白兄弟三人走援 慷慨樹義 水逼石阡武一門忠憤三招

致和團首圖正安白號 桂蕊香戰沒 涪潭縣之陷 沙堆 白號楊德友斬

趙遵義 江炳琳力戰死 思南西度南略 屏藩 汪麗金攻捲

環呼有兄弟親戚者悉來歸	焘劉儀順至成都殺之	焘辭任善後克餘衆就撫首之被擒平降唐焘抵玉華山遣人	敵川軍援黔開會攻偏刀水威力唐焘主張部署降衆以敵攻敵	寶第武克羅頂山李何元度催會劉儀順等走被擒刀唐焘統	髮降西下教黨覃德徵以二元度劉營降彭芝亮攻大頂寨	仁黔分進州城蹇閻等會軍新棧李元度與苗仲李鎮甯州城	陷順防範之疏虞吳元彪叛被圍乞援劉儀順府城	正諸安遁趙德光克黔西劉嶽黃號分拒湘軍	定陽不朱明月等陷正安州城何得勝黨與白號合苗衆	號全祖凱攻龍泉山解圍朱明山之陷桐梓縣城	戰死朱明月太文破小屯山思南團首陳敵勢溪場敵	出義略定禹金門寺禹鳳凰山之築寨沈宏富取諸敵	通軍大蜀山口餘敵走玉華山逼城陽東路略清圍荆竹園敵	進子規計不下汪應溥力戰死南劉儀順悉衆守野馬礮等	子規計不下汪應溥力戰死南劉儀順悉衆守野馬礮等
-------------	-----------	--------------------------	---------------------------	--------------------------	-------------------------	--------------------------	----------------------	--------------------	------------------------	---------------------	-----------------------	-----------------------	--------------------------	-------------------------	------------------------



附錄米黎樓於禹禹門門詩寺築寨成山鄭人年譜門山峇圖詩家隊戰

詩事二記 王楊彝珍戰事記題詞 蕭光遠紀亂詩一 紀亂

第四十二章 黃號之役

周獻廷大堡患 黃號之紛起 奉劉儀順為教主 復仇 鄧玲

川縣之陷 楊和風據老鷹岩 逼沿河司 破新寨山 佛山 徐

河清辦思南軍 賀濟川蚤死 防為征 徐田興恕援黔 木溪 攻

王代周就擒 賀濟川蚤死 防為征 徐田興恕援黔 木溪 攻

荆竹園 敵攻石阡急 逼思南府 破楊夢岩 戰沒黃號 曾據

壁光乞援 金湘太文 思石大降 敵還 吳宏盛 中 陷 伏 金 太 文

鄭慶湘軍被執 不 屈 小 屯 復 陷 華 隨 苗 衆 陷 大 定 於 陣 陷 江 松 桃 危

襲陷正安州 襲陷石阡府 掠黎平 趙崇慶 稟

中總辦下 游軍情 襲陷石阡府 掠黎平 趙崇慶 稟

圖攻頂山竹園 張文席寶田 援軍至 銅仁 楊開雲 戰沒 降 衆 李 元 寒 閭

軍援黔 樹木柵掘地 源溝 檜木園 川 唐 炯 主 用 降 衆 黃 號



附錄 李元度印江知縣鄧君別傳

### 第四十三章 陳加誥等之役

與湖南教首勾結 裏黃巾 韓超軍出擊 湘軍同擊  
湘軍却敵 陳加誥 亡去

### 第四十四章 李文茂之役

太平軍別遣隊 陷錦屏鄉 田興恕援黔 獨山州之陷 衆走  
荔波 攻荔波 不下 侯雲沂之激昂 文茂圖走合定番大隊不得  
雲沂巷戰死 州 闔家皆殉  
走廣西南丹州去

附錄 李世鈞獨山城陷紀事詩 弔萬人塚詩 侯雲沂

### 第四十五章 曾廣依之役

石達開別途 發展 永甯州 銳意 圖黔 胡繼學力戰 縣 逼府城之  
薄貞豐州城 永甯州 銳意 圖黔 胡繼學力戰 縣 逼府城之

復入 但鍾良 定闔家同之 陷 歸化廳之 寶力 戰 慶全 逼省城沒

長寨 廣之 幾 陷 田興恕至 省 薄安順 府城 陷 間道走平遠

安儀 軒 依 修 外 城 保 全 者 衆 江 劉 嶽 昭 來 梓 援 以 遵 義 府 城 城

至 綏 陽 南 去 李 愈 南 被 圍 散 漫 四 走 毛 口 河 傷 亡 頗 衆

附錄 莫庭芝胡繼學墓誌銘 周夔死難詩 學事 廣順但氏瞻

建池館林園之勝 蕭光遠 顏嗣徽 弔但氏西園詩 建義外城議

### 第四十六章 余誠義之役

復自南丹來入荔波縣之陷 李國材死 圍黎平 退錦屏 韓超迫入湖南境去

### 第四十七章 石達開之役

石達開意在圖蜀為川湘軍所敗 收拾遺衆入貴州 于鍾岳邊防 退四川敘永 由仁懷復入遵義 田興恕 壓迫入川去

附錄 蕭光遠紀亂詩

### 第四十八章 李文彩之役

石達開別遣隊 由湖南敗走入黔 請三省會剿 沒湘軍 寨 吝湘乞援 圖黎平 張亮基 姜吉瑞 陣 湘軍 撤 李文彩開關降 粵湘會攻 變 胡長新之建言 唐文炯援黔 李 文彩開關降 文彩復變 張文德之建言 李 文彩據平

浪變 何雄輝 李文彩相持 周達武 出赴何雄輝 營降 文彩 再變 何都勻仍陷 燧燧 周 文彩益狼狽 李得貴 奏績牛塘 李文彩附馬登科 文彩

### 第四十九章 賈福保之役

結陳紹虞陷 獲安縣城 與黃平苗 巡撫 蔣 遠卒 省城 趙德光 曠擊 札佐修文之蔓延 苗 巡撫 蔣 遠卒 省城

啓之危 啓應 趙據巴香 省城東北皆敵 趙德內奸  
破敵 賈福保障 趙德光進 軍置復修文 清江內略清 趙德光奸

### 第五十章 何德勝之役

破起據王卡平越	戴戴鹿鹿芝芝	趙趙德大昌小退谷龍	里皆肩與敵蹤送還	敗省城嚴重江去趙德昌入城守	德何得勝敵疾得賈勝福保降屠其王家卡之攻入進軍大勝逸去	平趙德得光勝軍又饑逸	至趙德光圖再起	張亮基遣	顯勿任戰百死	家山殉同
犯上大坪	遣守開合州擊	永樂逼省城	趙德昭札節制近湘援諸軍怒戴鹿進規五騎省東敵數十	趙德昌入城守防沿德江諸隘逼羊場趙德光却敵	趙德光射率死憂糧進攻夾子拐遣軍阻擊上大	趙德光上軍大平不遂	趙國澍軍逼敵入水相持復	趙國澍軍逼敵入水相持復	張亮基遣	趙德光移軍洗馬河
與賈福保結省城為震	去顏佐才乘勝剽擊	戴鹿芝單騎說敵略何得勝不犯各好地	趙德昌入城守防沿德江諸隘逼羊場趙德光却敵	趙德光射率死憂糧進攻夾子拐遣軍阻擊上大	趙國澍軍逼敵入水相持復	趙德光上軍大平不遂	趙國澍軍逼敵入水相持復	趙國澍軍逼敵入水相持復	張亮基遣	趙德光移軍洗馬河
趙德光進	趙德光進	趙德光進	趙德光進	趙德光進	趙德光進	趙德光進	趙德光進	趙德光進	趙德光進	趙德光進



勝之陷何潘圖厄省城趙德昌退黑石頭官紳兵民登陣結防何得

飛檄林自清星夜赴援民敵不具得糧食軍趙德光林自

清等前後左右躬自搏戰破鎮西衛東山順長寨之陷孤軍轉戰

再陷世舉思反正趙德光夜襲東山順長寨之陷孤軍轉戰

修文既復旋陷趙德光夜襲東山順長寨之陷孤軍轉戰

張亮基圖疏餉道何得勝大屠戮軍務張樑何軍潰奔小關

走安順光慮民受趙林軍出沙子哨開修略清林趙何相持

趙德光慮民受趙林軍出沙子哨開修略清林趙何相持

苗利相結趙德光解開州之圍何潘益逼省城內江清鎮何黨與

陷益李庖臉陷安平從敵據照鼎等議三路分兵數十鎮再安

順府城分據李忠恕剿撫中路去入至相食勝走死轎頂山何

潘南北分據李忠恕剿撫中路去入至相食勝走死轎頂山何

張文德規照鼎何得勝妻繼起集羣從拒軍唐炯援黔

何妻黎氏降何得勝妻繼起集羣從拒軍唐炯援黔

附錄俞樾戴鹿芝墓表戴鹿芝遺事廖景煜輓刺史詩戴鹿

### 第五十一章 覃大士之役

覃大士以致望叛大士與羅柳犯荔波吳德容莫芝茂先後

### 第五十二章 王正儒之役

衆歸之依陳山險自固遇釐私權田興恕密圖之

第五十三章 何山斗之役

為民請命 抗釐金釐 殺之 姚宗 保復仇 韓超 注案 為上官所不悅 苗民萬餘 趙匡胤 局戕

附錄 為羣衆犧牲 黎庶昌之言

第五十四章 陳選發之役

自四川走據貓貓山 竄至安化 與黃白相結 敗之 田興 怨至 銅仁 會

劉進逼 抵貓貓山 汪應濤 陣沒 毛震壽 乞援 攻言頂 山事 定

第五十五章 王元興之役

變據王母亭 犯冊亭 魏羅 與仲家結 下江 三十二

第五十六章 安中和之役

苛斂私權 補路仲為 根據地 屯集 苗槓 數千人 官軍 被

第五十七章 劉世慶之役

劉本典史 被擁為帥 異言 異服

第五十八章 吳元彪之役

帥變據鄭場以七星坡為根據地 藍山虎厚其勢力誠稱都督大元  
東之陷 薄邵綏陽縣城哭陳辭圍久張亮基圖援綏陽縣道之陷  
梓之陷 邵維新痛哭陳辭圍久張亮基圖援綏陽縣道之陷  
元 彪 邵維新 劉嶽昭 張日崙 與黃白 邵維新 里民謀變 被坑龍團附  
人 元 彪 軍圍死守 綏陽 元 彪 乞援 何得勝者 又乞援 元 彪 乞順  
降

附錄 蕭光遠紀 亂詩二首 黎汝謙先府君家傳附記

### 第五十九章 奈世舉之役

即奈三三衛民計降敵 厄省城 不意散走 圖擊反 婦孺知名  
桂芳往按遇害 奈之被圍 突何過江來攻 光緒中猶有見  
之者

### 第六十章 林自清之役

省城危急 徵調文書凡十三下 署安義鎮總兵城之危 尤有  
大功於滇 被徐之銘排擠 卒鎮總兵 戕陳世鎮  
祥 張亮基 檄調不至 力守丁桂祥堡 據中華山 順 畢 被陳希  
殺 桂祥



附錄 論林自清 或者曰

第六十一章 青號之役

仁懷縣之突陷 音場 駱秉章奏以文武互推 援誘 馬鈞被執死 餘黨走觀 率軍敗敵 仁懷 應團紳之呼籲 掠遵義西鄉 劉嶽昭 期先肅清 仁懷 敵營 呼 攻平 霸 青號 平 鄉

第六十二章 曹元興之役

元興本游僧 三屯均屬元興 韓超令變服受節制 便水 軍以元興通敵告 湘撫令周洪印圖之 誘殺之 於 便水 驛

第六十三章 程尚文之役

變陷定番州城 嚴雋熙馳剿

第六十四章 王正紳之役

與會匪相結 湘軍進逼 毀松坎 釐局 逼 鐸尖山 正 紳等出降 並殺之 歷十餘年 始平

第六十五章 陳喬生之役

先與團首不翁 吳錫琛 遠以變聞 大塘紳民 願懼 變應 潘名 杰 趙德光 遣擊 掠大塘 屬 大塘 紳民 願懼 變應 潘名 趙德親援 趙軍直趨 何雄輝 進攻 牛場 喬生 妻 五 與合 逸 德 餘黨 復起 趙 張文德 何雄輝 進攻 牛場 喬生 妻 五 與合

喬生集衆反攻，以免死。何雄輝攻牛洞，不下。李榮春圍硝洞，陳喬生乞降，以免死。何雄輝攻牛洞，卒殺喬生及妻妾三子。或曰：喬生實未死。

### 第六十六章 馬金奎之役

與知州張銓不睦，殺張銓。陶萬順令任暉密圖之。突變據安南縣城。

### 第六十七章 何正冠之役

變從何得勝。余世舉請勒限剿之。張文德督剿。正冠降。

### 第六十八章 黃泰等之役

以勸糧逼變。丁旗逼安順府城。突入定南。溫志學辦安順七屬軍務。

### 第六十九章 鍾昌林之役

殺鍾昌林，收其衆。

### 第七十章 袁紹先之役

迫於強敵，強團殺之。獅子口。龍山。數次反正，復從敵。何世華來查辦。

### 第七十一章 譚五受之役

永甯圍急 永甯之陷 楊宗藩不屈死 復犯郎岱 白  
建黎奔郎岱 譚馬相倚角 潛渡鐵索橋 赴何營降  
多不法 不自安 赴蹇閭乞撫 卒殺之

### 第七十二章 黃德粹等之役

聚眾以逞 黃宗耀剿辦 皆見殺

### 第三編 苗族之運動

#### 第七十三章 生苗之役

台拱廳苗起 派員調查 巖門汛之陷 彭汝璋陳  
慘死 苗勢大 張殺戮極慘 毒 嚴錫珍痛哭 陳詞 丹江

廳之陷 嚴錫珍等之殉 府縣之稟 陳陳圍台拱情形 永從縣  
下江廳之陷 鎮遠府縣之殉 陳陳圍台拱情形 永從縣

之陷 凱里被圍 經年 施秉縣之陷 兵民得脫者 僅數人  
清江廳之陷 余宗惇等之殉 川軍來援 黃平州之

台拱廳之陷 邵鴻儒等之殉 川軍來援 黃平州之  
順督辦全省軍務 與齋衆結之 圖攻荔波 圖鎮遠 州之

襲 湘軍援黔 與齋衆結之 圖攻荔波 圖鎮遠 州之  
終攀梅何 趨雲頂關 省城大震 鎮遠衛城之陷 府之

廷鏃殉 趨雲頂關 省城大震 鎮遠衛城之陷 府之  
之陷 吳登甲戰沒 全家同殉 陳田興恕援黔 略 黃平舊州

陷 杜琢章死之 韓超之稟 陳田興恕援黔 略 黃平舊州  
縣之陷 苗結回衆 略 興義州之陷 柳署提督之陷 韓沈士瀛

屯田之陷 苗結回衆 略 興義州之陷 柳署提督之陷 韓沈士瀛



巷戰死 苗士瀛守柳霽五年山破翁奇團遠府鎮入守 湘

軍援撤 苗乘太平軍下獨山 韓迢催鎮遠府鎮州之 湘

回蔣立冊炳父子 韓超署 陳昌運 與回辦下遊軍務 犯冊亨汛之 苗

松陷分 犯與天柱得勝 竄王卡 苗教 與白號 結 苗攻 聯家 張高禾九

駐奏三省會 結 姜映芳 苗教 結 據 黎平 寨 蒿 湘 下 游 移

之 趙旭情之 殉 入 荔 苗 憾 荔 人 殺 之 之 幾 盡 彭 趙 培 垣 范 定 邦 等 之 鄧 殉

第 武 苗 與 苗 相 持 錦 屏 之 貴 州 軍 務 責 李 瀚 章 小 北 播 五 犯 理 古 州 包 大 馮 壯

指 揮 材 圖 進 剿 撫 募 席 廣 勇 助 代 北 琛 軍 州 苗 犯 府 城 藩 禦 擊 張 亮 席 基 免

曾 璧 光 署 巡 撫 席 寶 田 代 北 琛 軍 州 苗 犯 府 城 藩 禦 擊 張 亮 席 基 免

至 務 弄 仁 席 寶 田 還 軍 邛 水 潘 老 小 帽 團 攻 古 州 各 營 江 南 北 秀 密

據 統 敵 川 軍 援 葉 北 蘭 代 席 寶 田 軍 吳 洪 貴 遇 害 回 犯 唐 炯 安 之 稟 唐

地 祠 劉 鶴 齡 進 塘 軍 地 規 黃 平 復 舊 州 哈 州 擊 斬 田 大 白 眉 報 南 復 燒 敗 天 柱 土

縣 州 金 幹 幹 出 川 軍 後 寒 間 以 舊 部 防 喪 開 清 席 寶 田 逼

之 策 畫 會 湘 撫 再 遣 援 府 石 據 重 安 之 建 言 取 黃 平 新 州 祥 赴 黃 平

與 唐 炯 會 剿 復 鎮 遠 府 石 據 重 安 之 建 言 取 黃 平 新 州 祥 赴 黃 平

獲 逼 谷 隴 洗 進 擊 台 隴 黃 復 清 之 敗 黃 潤 昌 鄧 子 垣 復 施 秉 死 縣

犯 巴 野 維 善 各 被 圍 苦 飢 力 戰 死 輝 攻 牛 洞 苗 廣 西 遣 援 張 會 璧

成司員川軍

三

十三

陳寶箴散放賑米會璧下江應苗復變善勒逼激變九毛分就道安	定善後章程賑米會璧下江應苗復變善勒逼激變九毛分就道安	捷擒諸破香爐山阿馬就擒軍彈分軍防守下游公山道高酌	就擒諸破香爐山阿馬就擒軍彈分軍防守下游公山道高酌	平茶五寨死進據苗至十餘萬人捷苗之金大五乞湘撫奏	平茶五寨死進據苗至十餘萬人捷苗之金大五乞湘撫奏	天窩金幹創走獲善後苗設粥賑苗進軍黃飄山軍取	天窩金幹創走獲善後苗設粥賑苗進軍黃飄山軍取	進抵凱里克雷公山之復羣苗圖清清水江諸軍同進逼宜威	進抵凱里克雷公山之復羣苗圖清清水江諸軍同進逼宜威	湘軍後勢九股河丹台略定進逼雷公山直攻牛場興	湘軍後勢九股河丹台略定進逼雷公山直攻牛場興	周達武軍提督越取防台水唐排生遣軍回川集斬麻也拒軍	周達武軍提督越取防台水唐排生遣軍回川集斬麻也拒軍	聽勤希祥規台拱苗據山丙入會壁光奏參唐炯復台拱廳兵	聽勤希祥規台拱苗據山丙入會壁光奏參唐炯復台拱廳兵	翁貴稟陳進攻蛟蟹飄清得江北岸尸悉定出谷唐炯規師都勻撤破	翁貴稟陳進攻蛟蟹飄清得江北岸尸悉定出谷唐炯規師都勻撤破	洞州巖門北岸略清洗湘軍暫緩南圖川軍乞糧之會奏入唐朗	洞州巖門北岸略清洗湘軍暫緩南圖川軍乞糧之會奏入唐朗	飄稟陳中之橋驛姚復新萃突圍不得脫鳩寨進營取囊衣龍坡唐	飄稟陳中之橋驛姚復新萃突圍不得脫鳩寨進營取囊衣龍坡唐	圖攻新城之鄧善燮招民歸耕募唐炯還軍重安拔施洞同趨黃	圖攻新城之鄧善燮招民歸耕募唐炯還軍重安拔施洞同趨黃	寶田假滿還軍降李鴻章督辦貴州軍務沿河以東略清三難	寶田假滿還軍降李鴻章督辦貴州軍務沿河以東略清三難	新之奏廣西湘金川軍幹截天暑停征略思銅游軍劉士奇暑提督簡	新之奏廣西湘金川軍幹截天暑停征略思銅游軍劉士奇暑提督簡
----------------------------	----------------------------	--------------------------	--------------------------	-------------------------	-------------------------	-----------------------	-----------------------	--------------------------	--------------------------	-----------------------	-----------------------	--------------------------	--------------------------	--------------------------	--------------------------	-----------------------------	-----------------------------	---------------------------	---------------------------	----------------------------	----------------------------	---------------------------	---------------------------	--------------------------	--------------------------	-----------------------------	-----------------------------



撫勸會劫殺鳳議沿驛善後局成建碑撤遣黔軍撤回丹江丙游勇苗逸  
以勸逼犯軍降鄭有德邱古丹江之變難窺古州堽苗變下走江  
苗出掠苗乞降破九邱入寨同丹江仰藥死擒殺李公蕨菜平  
進入寨皆角世華馳入寨悉定同丹江仰藥死擒殺李公蕨菜平  
苗之屈伏弱小民族之苦痛

附錄 彭莫友芝與韓超吳書簡楊彝錫彭君略 莫友芝書

春發事略 莫庭芝楊君墓誌銘 楊樹先府君事實  
余宗惇傳略 鮑源深書楊刺史死節事 吳登甲傳

何事 傳略 王先謙 黃潤昌傳 記 王先天謙 李公神道 占魁 記 趙旭  
肅席公神道碑成山 繆荃孫 周公神道 第二軍行雜感 詩 孫田

公祠版文 節成山 繆荃孫 周公神道 第二軍行雜感 詩 孫田  
首軍次歲暮遣興 感 休士 部分 積雨 彌月 懷示 不能 寐 作 此 告 黃

哀黔 唐炯 援黔 詩 九首 會 議 後 黔 鳳 苞 黃 平 題 壁 詩 王 楊 介  
照黔 中感 事 詩 九首 會 議 後 黔 鳳 苞 黃 平 題 壁 詩 王 楊 介

臣詠 苗 變 詠 詠 黃 平 巖 門 司 凱 詠 丹 江 清 詠 清 江 詠 施 秉 友  
詠 鎮 遠 變 詠 詠 黃 平 巖 門 司 凱 詠 丹 江 清 詠 清 江 詠 施 秉 友

芝上 李中堂 書 援 黔 籌 撥 餉 需 片 書 王 柏 心 鴻 章 遵 旨 援 黔  
籌 陳 大 略 摺 書 援 黔 籌 撥 餉 需 片 書 王 柏 心 鴻 章 遵 旨 援 黔

所貽 銅 鼓 歌 易 佩 紳 夫 黔 雜 感

所貽 銅 鼓 歌 易 佩 紳 夫 黔 雜 感

第七十四章 仲家之役



仲家素強悍	六枚汛	平黃瓜	策應	破隴	安順	果樹	圖與	安順	城變	希祥	岱廳	巖武	達武	後
鎮南各地	來會	丁寶恆	吳感佑	柴新	趙德昌	羅孝連	太毓平	各屬軍務	安順軍務	去扁擔	城烏東	大五結	武剿客	仲家投入
沈世家	會剿	春破水塘	河毀民	河頭	進軍	通等馳	結書諭	稟陳	林自清	山又不靖	隴不靖	寨鳳鳴	陶茂林	天主教
仲家起	各地	羊武仲	房數千	仲家	岑鳳來	普安	復與	盧貴	趙德昌	郎永鎮	易佩紳	白鳳鳴	林剿扁	陶茂林
敗	沈世家	久家	據安	安南	桂林	進攻	廖天杰	西道	河塘	鎮仲家	招撫	據屯	扁擔	陶茂林
福連	沒	梗道	回仲	仲城	孫清	烏東	乘間	赴鎮	汪炳	希設	烏東	徐達	徐達	陶茂林
王成	逼	遣	相結	相結	仲家	孫清	張亮	苗軍	陳炳	局招	受撫	擒殺	擒殺	陶茂林
歸化	歸化	戴鹿	周夔	周夔	家勢	仲家	基檄	苗軍	苗軍	擊招	吳仲	吳貢	吳貢	陶茂林
廳進	廳進	芝擔	胡繼	胡繼	復盛	家勢	畢大	苗軍	苗軍	扁擔	吳貢	吳貢	吳貢	陶茂林
取	取	駐山	學	學	葉桂	失勢	錫	苗軍	苗軍	山	吳貢	吳貢	吳貢	陶茂林
圖	圖	關	論	論	田林	來降	督	苗軍	苗軍	定	吳貢	吳貢	吳貢	陶茂林
安	安	朱	解	解	攻	亂	辦	苗軍	苗軍	番	吳貢	吳貢	吳貢	陶茂林

附錄 任秋元獨坡聖戰守紀略

第七十五章 水家之役

九千水家之起 芝山中 鄭珍代 兵練守具 劉芝山 敗敵 蔣

附錄往鄭徵君墓表 蔣家毅本傳 劉芝山事略 鄭盡  
 死之一首 十月二十日一首 劉三行

第七十六章 熟苗之役

石松 桃石 復就 衛苗 乘亂 甯思 逞裏 紅號 與結 七星 據衛 城教 黨相 扇破  
 結顧 岷苗 檳合 掠至 害至 豬拱 箐據 水豬 拱福 集之 險峻 畢苗 節據 為根 據地  
 乞援 恩彬 攻退 濱阿 頂山 屯田 與土 恕目 遣援 畢節 李有 恆郎 移岱 水城 苗相  
 李有 清鎮 苗攻 民萬 餘人 毀鎮 西衛 蘆局 媽龍 塊苗 走比 德葉 姓團 分據  
 大兔 揚貓 畢場 大錫 李有 恆建 言攻 平海 遠姑 不下 大屯 之畢 大錫 胡劉 正龍  
 約會 攻場 畢場 大錫 李有 恆建 言攻 平海 遠姑 不下 大屯 之畢 大錫 胡劉 正龍  
 明書 五指 雲龍 棄營 走苗 入樂 大東 河府 之驚 章永 康倉 卒大 肆屠 難戮 羅  
 劉正 朝等 還規 大西 定苗 二趙 教襲 陷正 安州 大城 錫逼 西亮 基檄 趙  
 德光 援剿 大定 黔西 二苗 趙復 襲陷 正安 州大 城錫 逼西 亮基 檄趙  
 軍至 印威 甯即 岱鎮 甯州 之陷 策畫 苗仲 入安 平縣 任剿 豬拱 箐大 五略 岑  
 至郎 岱多 岑毓 英進 平剿 豬拱 箐趙 苗仲 光敗 陣走 清鎮 蔭荻 哨嚴 大五 闔  
 聚黨 愈多 岑毓 英進 平剿 豬拱 箐趙 苗仲 光敗 陣走 清鎮 蔭荻 哨嚴 大五 闔  
 省皆 震不 魏士 民之 哀岑 思軍 集鐵 攻脚 海板 馬姑 張亮 巖大 五趙 陳奏 寨忠  
 勇勤 廉不 魏士 民之 哀岑 思軍 集鐵 攻脚 海板 馬姑 張亮 巖大 五趙 陳奏 寨忠  
 安平 苗突 犯安 順府 溫志 學馳 之辦 陷安 順七 屬軍 務陷 嚴鎮 甯大 五  
 黃金 印逼 安順 府順 溫志 學馳 之辦 陷安 順七 屬軍 務陷 嚴鎮 甯大 五



與林自清相持川軍知府唐炯援黔祥進川督遣陳山祥袁

開第苗說黃金印嚴大五子入安南楊發貴苗回分趨普安大

五薄郎清岱于略水城赴安順相機劉撫苗于犯安平縣抵烏東

隴武襲據小屯凌蓉第力戰陣沒伏軍突起擒殺之甯州城提督周

降苗縛獻嚴大黃宗耀破金亮礪何世華署安義鎮總兵

附錄 黎庶昌章子和墓誌銘 廖景煜哭趙總鎮即公神道碑

軼事三蘆荻戰衣戰裙迴瀾述趙公德像贊事一趙剛節公案冊

汪炳燾趙德公聯 曾壁光為趙德光請歸宗奏片

### 第七十七章 潘名杰之役

以貴定為根據州地攻逼省城橋 據霸芒定縣兩薄貴定龍

里患 趙德昌節制近省諸軍 龍里三縣分防 鶴年死事杰時為龍

趙德光軍次光沙遣援與何得勝結縣 潘何連營王卡與趙德

剿敵二芒堡 設伏大栗樹 潘名杰再入定番 龍里縣之陷于

鍾岳徑擣安順舊州之鍾岳戰歸化廳之陷沒長者之眾陷廣順

1



么驛等名杰至省南馬棚街司 潘名杰薄安順府城 潘黨竄  
羅斛名杰至省南中曹司 趙德光進軍樂雍 潘何復  
三偏安順府城 張文德督軍進規龍貴大塘羅斛告急 張亮基  
援黔名杰復犯貴定 諸軍克龍里 破甕城橋 復貴定  
都勻 潘名杰迎降

附錄 援黔錄中之潘名杰 潘成山年譜中之潘名杰 潘名杰傳 潘

### 第七十八章 柳天成之役

起據難賈河 率制都麻官軍 來擊潰張樑軍 至獨山  
犯荔波 奪據三關 自平洲 掠據通州 唐炯遣人諭降  
黃清源 來剿 怨攻降苗 自守 唐大炬進攻內外 套 柳天成見  
民屯多陷 殺 天成子與餘黨降

## 第四編 回教民族之運動

### 第七十九章 威甯回變之役

漢回相攻殺 派兵助剿 犯威甯州城 撫回 失業漢  
民與馬家屯回 尋覓 福善主撫回 福善單騎赴小張關  
滇回突入威甯 民衆驚殞三百餘人 遣軍襲馬家屯  
餘黨散去

### 第八十章 普安回變之役

長城濠	萬屯魯	還青山	保衡等	法趙傳	翔屠馬	復李岷	練圖規	毛興義	吝興義	亨之陷	木橋土	者亦數	新兵之	澍凌人	張凌人
困殺回	屯魯屯	屯魯屯	團等被	德光教	馬忠朱	岷戰沒	加喜興	義縣回	撫義回	大坡鋪	人斃回	仲數百	何連升	遣人說	翔等起
之首	再陷	再陷	九營	士參辦	家天貴	安南縣	之義勒	趨鎮甯	府陷三	尹事定	回四來	家裸羅	逼誘殺	回降不	漢回構
新馬斯	楊宗藩	楊宗藩	馬仲陷	甯回降	陣沒母	復天貴	索陳樹	甯義回	陷胡霖	勳死安	援千餘	分擾安	興義降	從回構	興義
地勢之	不屈	不屈	陷興義	金萬照	沒母沒	復天貴	樹南復	五屬皆	霽謝為	縣之縣	人峯人	南普安	府回	興義	府與
新險要	戴秉	戴秉	安南復	照誘殺	清彦入	結回破	張亮基	羅皆陷	難回民	再再陷	英攻華	普安縣	坑回復	府與	兵來
據回益	張定中	張定中	張普安	馬忠自	播政忠	黃忠為	催圖貞	回據普	割安趨	胡祖寅	家屯不	被脅普	衆九百	兵來	羅結
請降	崇來降	崇來降	縣檄復	興義府	孫清彦	內坡木	安南孫	趙崇慶	興趙興	府寅趙	示貸回	普安苗	張福田	援結	不倚
何世華	何世華	何世華	興義回	甯州之	下補磨	城下補	清復彦	慶請進	義安南	寅陶光	下死擊	附城不	人福田	利滇回	胡自
環主	官禮	官禮	甯州之	李	張凌翔	天貴入	清復彦	之興義	縣徐之	德昌突	張定中	中不	女數赴	胡霖澍	胡霖
新破	新破	新破	李		凌翔	興義	之普建	言復	銘	圍入守	州之	滿十	海子	主胡	霖

軍分駐驛道 與義府城復 滇黔諸軍環攻新城 周達武留

不死許於安定中降 金張照之死 誘金萬照出降 殺降回四

屬辦回教民族後之運動失敗 周康祿送降回安置各

附錄 金萬照之子品高致 劉著者書下 孫清彥補磨歌 聶

樹楷劉統之先生年譜節錄

### 第五編 善後

#### 第八十一章 各方軍事之底定及全黔之肅清

咸同廿年間起作軍事之運動者凡五十四起 事定之原

#### 第八十二章 善後之規畫

善後之條陳 曾紀鳳善後七事 羅應旒善後十四事 吳德溥善後條陳 陳寶箴善後事宜 鄧善變善後十五

事

#### 第八十三章 田業之清查

清查田業章程 續定清查田業章程

#### 第八十四章 田畝之招耕



人民散之四方 爲繁榮起見 設招耕局 招耕局章程

### 第八十五章 田畝糧冊之清釐

恢復國家收入 糧冊之清釐 佈告

### 第八十六章 要隘之屯戍

沿驛路建礮七十座 撥兵弁屯守

### 第八十七章 驛站之恢復

憑當時之智力 驛站之設置 陝西驛由湖北道上年永新驛  
分路 咸五以後 驛道改由川 陝入京師者二十年  
陝負擔加重 於光緒元年恢復

### 第八十八章 臨時款項之停止

暫時之釐定 臨時款項之停止

### 第八十九章 吏治之整頓及兵制之恢復與改易

捐納勞績人員之激增 黎培敬從事整頓 岑毓英之裁  
法 正本清源 軍事日亟 始募練勇 分別遣撤或改勇  
入伍 招復額兵 兵制之劃一

### 第九十章 殉難人員之採訪

飭屬採訪 飭示之悽愴 犧牲之慘烈

### 第九十一章 最後之印象

城池失陷之統計表  
未失陷之統計表  
統計表之一說明  
碧血遍齊原野

### 第九十二章 結論

兵力連動員至七十八萬人  
公私耗費一萬萬五千九百九十萬  
合五省之

陷城鎮百餘座  
被兵四千餘處  
予役職官三千餘人

總附錄 喬用選傳 蔣蔚遠傳 韓超傳 劉源灝傳  
何冠英傳 張亮基傳 勞崇光傳 曾壁光傳

黎培敬傳


跋





圖  
像

圖  
像



識大體知治法之胡林翼



丁巳年... 圖像



戶部官票



咸豐三年十一月  
發行有貴州布政  
使印長一尺零五  
分寬六寸蘭紙製  
銅版印字作藍色  
拾兩字下方框內  
文曰戶部奏行官  
票凡願將官票兌  
換銀錢者與銀一  
律並准按照部定  
章程搭交官項偽  
造者依律治罪不  
貸


# 大清寶鈔

咸豐八年頒行

文亞泉藏

長七寸二分寬四寸四分穀皮紙木板印準制泉二千文係黃字五千八百二十九號中鈔「大清寶鈔之印」印下有文曰「此鈔即代制錢行用並准搭成交納地丁錢糧一切稅課捐項京外各庫一概收解每錢鈔二千文抵換官票鈔壹兩」

按此所謂官票鈔者即指戶部官鈔也



籌辦全黔防務之朱樹★

王珮✱ 高以廉△





陣沒遵義之雲貴總督羅繞典



誦讀圍城之莫友芝



毀家紓難之丁寶楨



丁寶楨  
圖像

四



勅修遵義新城之李蹇臣



沉勇慷慨之韓超



圖象

五

一丁がをニミ

投筆從戎之莫祥芝






協守荔波之鄭珍



鄭珍

六

貴州提督孝順忠勇碑



孝順忠勇清廉得軍民心自戕都勻之後西路士民共建  
此碑於安順東關外今諸碑皆毀惟此獨存以其為真正  
民意之所在也

具政治手腕之黎培敬



圖象

七



志切梓桑之石贊清



危局獨撐之張亮基




百戰艱難之趙德光





趙德光之戰衣戰裙



衣以藍色布  
爲表裏內襯  
白夾紙多層  
面綴穿山甲  
甲片層層遞  
護令滿緣以  
黑絨重十八  
觔運掉能自  
如裙製如戰  
衣特裏用絹  
重八觔被泥  
污有血跡想  
見當年塵土  
征衣之概云

小...

趙德昌立馬圖



墨遺杰廷陶人邑事死陷城勻都

曰辨簡曰往見泰山  
 為嶽以五身四語甚  
 盤之物有忠孝因廣  
 為男也景三泰山喬  
 嶽之牙海潤天也  
 腹和風甘雨之色日  
 照月臨之圓旋乾結  
 坤之手盤石砥柱之  
 是此深願君之心至  
 潔冰清之肅此二景  
 余甚愧之願與有去  
 者皆勉焉屋漏之地  
 不愧鬼神宦家之中  
 不厭妻子於後謂之  
 真學生養  
 芥軒二六四一第因是也



大定城陷死事邑人

章永康遺墨

美人年復心事大洋波腥酒聽一笛  
 春入洞庭 辭誰一鬼縱橫淚稠長飛瓊  
 深寒夜持入珠燈一點青  
 山前 誰燕雪入手出燕燒夢碎燈殘倒  
 京華又幾年 送窮窮下誰陰涼酒離離快  
 者歸艱從英雄天受憐 石蘭采桑子奉題  
 劍雲母兄大集印一語別日本不工六六從他日耳  
 書屋為霜冰繞屋故與一六幾多少割海鶴

戎客刁撻魂白燈旅旅夢勞 關心燈騎絕月  
 美雲寒風甚高冬有也 衣冠無所悲也  
 湘蘭恨不消 石蘭和卿子  
 涼燈二葉別恨十年餘念生平魂銷音斷草  
 湖小處即奉

劍字仁虎教正各款時款要皆有在之思耳  
 子蘇弟永康如蒙 題

湘援主持者駱秉章及其遺墨



雲城克大關，別後數日，惟是秋維

福履恒經，如盤來承平，四省

潭，權為度而，頃日未名，路尚無，鮮報，其易之，賊，前隊已，正仁

位，九，半，亦有，賊，距，桂，陽，防，塔，最，為，要，使，傳，江，西，各，軍，皆，有

至，其，塔，截，此，後，賊，將，未，知，誰，何，屢，窺，越，能，和，疾，速，三，賊

距，桂，舟，僅，二，三，里，江，未，特，之，高，為，已，利，駐，長，安，僅，黃，子，未，想

仍，在，經，寧，昨，日，特，是，東，信，貴，州，有，城，甚，小，危，急，思，鎮，遠，一

一，疑，為，價，係，勇，本，已，揚，軍，前，月，也，言

性，挺，先，伴，皆，隨，准，惟，由，疏，都，轉，主，件，去，先，必，在，此，即，詳

去，盡，亦

光緒二十七年七月

罷後之張亮基



1



烜赫一時之田興恕



圖像

十三

督師援黔之唐炯



唐 烟 援 黔 臨 發 前 寫 其 子 戒 辭

但願溫茶直錄之友來  
 此辭字語通未，客友經  
 和之行德業相勸過支相  
 規，教訓我子身健勿端。  
 於非備不願狂操清操  
 之後矣此得之飲酒長傲  
 佈非薄，騷著法浩之  
 事務，會時難貨之錄定頑  
 望社故氣有動，去我事，不  
 省事功由前之統是稱良士也  
 後之統是謂凶人我子身弱  
 速良士而速凶人是謂速子戒  
 也戒之

此五成二書命於此也其子身弱  
 命不能作事也其子身弱則其  
 命不能作事也其子身弱則其  
 命不能作事也其子身弱則其  
 命不能作事也其子身弱則其

此五成二書命於此也其子身弱  
 命不能作事也其子身弱則其  
 命不能作事也其子身弱則其  
 命不能作事也其子身弱則其  
 命不能作事也其子身弱則其



統領援黔川軍之蹇 閻



統領援黔湘軍李元度及其在黔時手札

天壽山三十三歲小影



其

李元度字子大，湖南人。咸豐初年，李元度在湖南督辦軍務，因援黔有功，授雲南提督。其在黔時，手札多有關於軍政之論，其言多切實，為當時人所稱許。此為其在黔時所寫手札之一紙，內容多關於軍中事務之處理，其言多切實，為當時人所稱許。

其

李元度在黔時，手札多有關於軍政之論，其言多切實，為當時人所稱許。此為其在黔時所寫手札之一紙，內容多關於軍中事務之處理，其言多切實，為當時人所稱許。

總統援黔湘軍之席寶田





功成其手之曾璧光



文司貴列聖厚也  
圖像

十五

有益於黔之清恭親王奕訢



上書李鴻章商榷黔事之黎庶昌





攻豬拱箐之岑毓英

岑毓英



# 岑毓英攻豬拱箐圖


班蘭地



1

太平軍馬蹄下之永寧知州胡繼學家栗主

永寧州知州胡繼學家栗主中有文曰皇清誥贈文林郎諱敏顯考胡公曉峯大朝奉神主旁書繼學奉祀字蹟以年久黝黑不



能顯影太平軍別遣隊會廣依部既入永寧繼學死之所部以疾清廷官吏多貪墨苛虐因及其先人故以矛刺所供栗主今痕迹尚在其實繼學蒞任未一

月也於此可見太平軍之興起實由於清政之不綱有以激成之相傳每下城邑官吏之不及逃者必割其肉以獻旗謂為么頭肉云么頭者軍中呼清廷官吏之稱也

保障一方之劉官禮



或司貴川區厚也  
圖像

十八



久任興義之孫清彥



參與唐炯軍務之于德楷



當時將領 何雄輝○ 張樑○  
張文德○



○



○



○

參與興義漢回和局之法國傳教士


胡博理 石膏像



任國柱



照執後善游上




又司... 圖像

二十



下游善後執照






黃平石碕

遺址一



遺址二






(上) 鎮遠府招集流亡札子


(中) 一官兼署二缺會札

(左) 變賣絕產修復城垣衙署執照





羅 傑



九 股 生 苗


戎司貴川圖畫

三三





鐵人



黑苗

咸同貴州軍事史

貴陽 凌惕安 編著

第一編 總論

第一章 緒言

吾國數千年歷史汗牛充棟已甚繁夥顧其遞嬗之際要不外一種現象所形成卽統治者自身之崩壞被壓迫者之起而反抗桀黠者之乘時借勢攫取政權也

彼統治者爲求一己一姓之享樂以天下自養視國家爲其私產對於民衆剝削之壓迫之繁苛慘酷而不恤民衆旣感受生活之不安與不能心懷怨望而溷跡社會之游民又係一切階級破落下之滓積有犧牲之決心一旦互相團結互相利用遂致不擇手段一意破壞故吾國歷史戰爭中游民之作用極爲顯著發蹤指使恆處原動地位如秦末之陳勝吳廣西漢末之樊崇王常東漢末之張角柳根王歆隋末之竇建德關謹唐末之黃巢朱溫明末之李自成張獻

忠等皆此類也

夫民衆之心懷怨望鋌而走險與游民之不顧一切相與附和演成混亂之苦戰無主義與方法徒苦生民誠不可宥然夷考其實際亦可憫矣古之殘民以逞者當以秦隋爲最後世之指摘之者亦頗不乏人伍被曰秦爲無道百姓欲爲亂者十室而五使徐福入海百姓欲爲亂者十室而六使尉佗攻百越欲爲亂者十室而七作阿房之宮欲爲亂者十室而八賈誼曰趙高傳胡亥而教之獄今日卽位明日射人其視殺人若刈草菅然置天下於法令刑罰德澤亡一有而怨毒盈於世下憎惡之若仇讎董仲舒曰以貪狠爲俗賦斂無度淮南王安曰秦使尉屠睢攻越鑿渠通道曠日引久發適戍以備之往者莫反亡逃相從主父偃曰暴兵露師百姓靡敝孤寡老弱不能相養賈山曰秦爲宮室之麗使其後世曾不得聚廬而託處爲馳道之麗使後世不得邪徑而託足爲葬藎之麗使後世不得蓬顆而託葬以千八百國之民自養力罷不能勝其役財盡不能勝其求人與之



爲怨家與之爲讎魏徵曰隋惟責不獻食或供奉不精爲此無限而至於亡方其未亂自謂必不亂未亡自謂必不亡所以甲兵亟勤徭役不息又曰恃其富强不虞後患役萬物以自奉養子女玉帛是求宮室臺榭是飾外示威重內行險忌上下相蒙民不堪命陳子昂曰煬帝恃四海之富鑿渠決河疲生人之力柳宗元曰隋氏環四海以爲鼎跨九州以爲鑪爨以毒燎煽以虐燄沸湧灼爛號呼騰蹈煬帝本紀曰詔江淮諸郡閱視民間童女姿質端麗者每歲貢之總一百一十三萬三千八百號二百萬其餽運者倍之癸未第一軍發終四十日引師乃盡旌旗亙千里七月九軍並陷將帥奔還凡此種種皆予民衆以乘隙抵瑕之機會而自身崩壞之幾先也

由此觀之統治者之壓迫民衆既如此其殘酷剝削民衆既如此其繁苛則民衆深感於生活之不安與不能卽不得不起而反抗雖九死而不悔者亦勢之不得不然者也獨憾一二桀黠者乘時借勢利用機會自居於領導者地位從事於統治者之摧毀運動以遂其企



圖亦云狡矣

及統治者既摧毀之後一己之新興勢力漸臻雄厚乃自取而代之遂亦不得不將自身之新統治勢力加以培植求傳之萬世而不替此其動機仍不外一人一姓之享樂也民衆自身則復轉到新統治勢力之下恭作順民依然承受新朝之剝削與壓迫從未得澈底之解放與安慰一部廿四史卽此一例往復循環以至今日可爲長太息者也

然此特彰較者耳其他各時代各地方之民衆因慘遭魚肉忍無可忍起而反抗鄰於暴動者何可勝計哉試一按其結果不過徒苦吾民枯萬人骨以成就少數人之所謂功名富貴而已此蓋各地方之政治當局曾不知有民衆上下交征利而仍惟一己之享樂是求當清代咸同間貴州各種民族亦因遭受剝削與壓迫感於生活之不安與不能遂起而反抗失業之游民更從而附益之演空前之慘劇留痛深之創痕不殊揚州十日嘉定三屠及今回溯但餘涕淚顧

來日大難禍幾四伏其情況之險惡以視往昔奚逾什百未來之恐怖不寒而慄蓋民族複雜環境惡劣思想危險偶一失據禍患必且隨之也

黔中軍事若元之平八番明之平奢安雍正中之平古州嘉慶中之平南籠雖曾大費氣力歷年後定然其義意之嚴重未有甚於咸同之役者蓋實我貴州自建置以來數百年間相決相蕩之一最大關鍵也其犧牲既極慘烈而所以昭示於吾人者亦極深刻

夫歷史之紀述在明澈因果辨別是非利病以爲當前之龜鑑事實雖屬已往以視一時之言論與主張爲尤重要然則將足資借鏡之事實爬亂豈遐以貢獻於國人俾了然其因果而思所以避免之亦今世之要圖也

## 第二章 軍事初起時國家之背景

明社既屋滿人入據中夏掌握政權對於漢族特見猜忌牢籠摧抑無所不用其極二百年來或劫於威或脅於利相率入其彀中習於



巽順而不自覺卒以種族之見未泯陰鬱已久積怨日深民衆復仇之念不能自己明之遺民復遺不少之暗示故明亡之後民間之秘密結社假宗教方式以號召徒黨從事於光復舊物者比比皆是而白蓮教實隱爲中心勢力乾嘉之季一再發難風靡五省清廷竭全國之力十年後定其分布蔓延於各省之八卦教青蓮教哥老會等皆其苗裔也

凡此秘密結社其源流支派雖無從深悉顧其構成之質素要不出釋道二教與夫各種舊小說之感染輾轉附會互相損益五光十色不可究詰而其教義與信條浸淫於中下等社會取得相當信仰有不可侮之勢力

然事變之起必有所因所謂物必先腐而後蟲生也乾隆六次南遊靡費不可紀極無非出於苛捐厚斂當時物力尙足支持嘉道庸庸因仍不改燎原之勢已成迨道光季年鴉片一役龐然自大之中華忽見挫於素所蔑視之英人數千年東方古國弱點一一暴露黔驢

無用騰笑四鄰京旗綠營疲茶實况更完全表現而滿人鉗制漢人之政策且行之愈厲漢人外受列國侵陵之侮辱內遭異族歧視之刺痛已忍無可忍又復連年荒歉人民流離飢寒無以自全自活於是揭竿起事鋌而走險者實繁有徒慶遠有張家福鍾亞春柳州有陳亞貴定武有劉官方梁亞九象州有區振組潯州有謝江殿新甯有李沅發雷再浩等所向披靡其餘不得主名旋起旋滅者尙數十殿清廷於此應付無術捉襟見肘窘態畢現雍熙康樂之幻局至此已洞穿雪亮了無實際

當時各地方文武官吏錮於承平結習苟且恬嬉玩視民瘼又復上下爭利層層剝削相與塗澤扶同隱徇於是吏治日媮民生日蹙而失業者衆貧富階級日以懸殊政冗法苛人心思亂

迨咸豐改元愈積重難返諸凡惰弛而親貴重臣亦惟爭權奪利罔識大體彼秘密會黨旣灼知清廷統治力之不足又夙切齒於貪官汚吏土豪劣紳之壓榨朘削觸發之機已熟官民之衝突日亟



太平軍之興於焉脫穎揭反清之旗幟倡革命之新義一時風起雲湧八方震動清廷之命運乃不絕如縷

### 第三章 軍事初起時貴州之背景

太平軍之興起影響至大清廷方竭全力以赴故各處之變亂漸萌嶺嶠以南駱越滇黔諸山中奸宄亡命狐嗥梟嘯四出剽掠勾結營兵胥吏爲民大害無敢侮之者貴州則安順之冒頂大五小五諸渠魁聚衆爲姦黎平台拱清江黃平之苗民亦適發動肆虐搶劫拒捕戕官積案百餘件皆經巡撫喬用遷檄知府胡林翼相機搜捕先後擒首要二百九十餘名置諸法而新甯李沅發之變屢闌入黎平林翼力事防堵復經貴東道周作楫古州鎮總兵崇福鎮遠鎮總兵秦定三等於湘黔交界處堵勦沅發旋就擒咸豐元二年間太平軍出永安下全州以入湘貴州設防籌餉已苦竭蹶林翼以雲貴總督吳文鎔貴州巡撫喬用遷薦補黎平府知府蓋隱然以黎平一郡爲貴州全局屏障焉林翼乃令州判韓超同知張禮度以辦團練建碉堡

連屯相望更主張環邊要隘均須築堡守禦以爲言戰不如言守用兵不如用民用民力以自衛不如先用地利以衛民蓋逆知來日大難力主實倉廩備城守也

顧當此之時貴州之隱患已極多據林翼之觀察則有十五可慮茲條舉之如左

一麻陽船戶辰沅水手皆强悍有力鎮遠以上驛路脚夫亦游蕩不羈兩三月來客商裹足不前無所得食人心皇皇殆不可支夫以官養民不如使民自養爲盜而死忍饑而死等死耳犯法可以賒死忍饑則將立斃可慮一也

一各府各廳之苗寨大者一二百家小者三五十家連年盜劫積蓄一空爲良則畏盜而又畏官畏差爲盜則一無所畏是將迫之使爲盜可慮二也

一良苗終日採芒爲食四時不能得一粟入口耕種所入遇青黃不接之際借穀一石一月之內須還至二石三石不等名爲斷



頭穀借錢借米亦然甚至一酒一肉積至多時變抵田產數十百金心怨之而口不敢言其黠者則怨恨所積引羣盜以仇之而漢奸終不自悟方且失之於盜劫而取償於盤剝可慮三也一苗產盡入漢奸而差役採買仍出於原戶當秋冬催比之際有自掘祖墳銀飾者矣蒿目痛心莫此爲甚各廳並無錢糧贏餘專恃差徭採買一切陋規以爲公私之用近年民力日絀官事日多卽令如數收納尙呼瘠苦何能禁止而強以不情且力役粟米之征一概停止則苗民脫身化外不復知有上下之分是禁之固難將縱之而任其多取乎則窮愁怨歎苗民日見其蹙將更法而歸於受田之漢民乎則差役採買有已成之俗例而非賦役之正供苗寨本無錢糧漢民豈肯領受訐告紛紜上下其手可慮四也

一官取於苗者十之三土司通事差役取於苗者十之七取苗民之精血以供其宴安酖毒之資台拱丹江古州八寨清平其敝



尤深可慮五也

一漢奸恐喝苗民無所不至卽如上年十月倡言某人帶兵見黑便殺雖大張曉諭開布公誠而浮言不止其造言恐喝之人卽平日盤剝之人亦卽異日倡亂之人欲借以快其私耳人心思亂無理可喻可慮六也

一官兵數萬已成廢器卽令千人爲營而十賊可破凡有血氣莫不痛心屯軍九千餘名布置各堡本極周密然虛籍徒存實政無補數十年之積弊不能一旦挽回今日之食屯田者半是刁生劣監一旦繩之以法則捏造黑白勾煽愚苗其禍且益速操之大急是鼉錯峭直之弊委之任運是胡廣中庸之誚可慮七也

一邪教之興隨地皆是根柢旣深萌芽已露惟大臣持正而不阿小臣奉公而潔己則無隙可乘尙可不卽舉發黔中近年大憲兢兢業業察吏頗嚴然在上有震動恪恭之心在下有得過且

過之意未經患難不知恐懼公牘所到寓目卽忘可慮八也

一天下治亂之機不外乎義利二字人心嗜利則亂嗜義則治近年嗜利之人豈惟官哉凡在官之人皆然也卽在野之人亦駸駸乎其莫不然矣用人而不得所養雖堯舜之憂勤不能以治天下亂則耗財多處已亂將亂之時則賞不得不重罰不得不輕故耗財尤多度支已竭仰屋空嗟可慮九也

一禍積於蕭牆勢處於危急而不能不資成案素舊例絳侯之乞憐於牘背魏尙之見屈於刀筆吏古今同慨必重決裂不可收拾例案一無所施而後節目疏闊則事已不可爲可慮十也

一勤王事者食於官舉義旗者食於民舍稽事而割正夏湯是也孰敢不簞食壺漿以迎將軍諸葛之言是也南陽太守稽留義師斬一守而人皆奉令孫堅是也天下非鄙吝之人不能聚財非抑勒不能散鄙吝之財明懷宗之勸慰而不助軍餉李自成之腦箍而盡數以獻叔季人心大抵類是粵逆入鄂括取民財



計逾千萬設官爲董勸則十萬亦難不至此時不知悔懼人心又大抵類此黔中官兵仰給於藩庫藩庫又仰給於鄰省轉運則有所不能抑勒則有所不敢畏首畏尾必致官危而民亦不安可慮十一也

一貴東一路幅員至大非挑練精兵八百人分防分捕且戰且守不足以攝奸萌而資防範一年之費又將安出可慮十二也

一黔餉設令不繼則兵民皆困禍不旋踵將任其自亂而自已乎抑將養壯士而去老弱核名實而察空曠乎非常之原黎民所懼行之不善是明季裁驛卒之事行之而善是商鞅變秦法之事事成則爲怨府敗則爲禍階可慮十三也

一保甲團練實救時之善政委員之辦事其時甚暫恐民不信其勢相隔恐民不規則非牧令不爲功矣然而奉文者無實意察小害者忘大利大憲之董戒不啻穎禿而舌焦各屬之奉行惟有稟復與告示可慮十四也



一大江東去望風瓦解刺臂奸細反來黔地卽是逃匿之餘亦恐  
勾結之禍可慮十五也

吾人就以上十五事以觀之則當時之貴州卽無外患內憂已甚堪  
虞故二三年間黃平甕安之莠民以抗糧爲名狡焉思逞林翼鑒於  
武備之弛庫帑之虛人心之虛僞恇怯不欲輕動但以計解散脅從  
旣不窮究生事以啓禍機復力懲貪婪獎勵廉隅蓋欲暗爲轉移以  
弭大難也故其上用遷書有曰自來西域臺灣連州新甯桂平等處  
起事原因皆因官吏貪鄙會匪得以藉口鼓動煽惑愚民如四川匪  
衆之惡戴如煌而愛劉青天其往事之明證也卽如近年新甯之事  
因李博平糶勒價二千一石而市價止一千六百文又因差役訛詐  
凌辱雷再浩之妻室以致民心不服遂致李沅發之倡亂桂平韋俊  
因捐監謬懸登仕郎匾額差役迭次詐贓因而倡亂僞稱太平王前  
次羨慕登仕郎而不可得而後乃猖獗至此鋌而走險誰爲厲階是  
有會匪之地如得廉吏主持必不致釀成事端無會匪之地而以貪

吏混跡則平民亦可釀亂此一定之理也林翼知治法識大體惜未盡厥施卽匆匆赴鄂去迨蔣爵遠繼任巡撫不學無術又適承其敝黔愈不能倖免矣

因設防籌餉官吏更借捐苛斂抑勒則苗禍興征收則教民起抑勒之弊官吏土司通事奸商扶同朋比事不一端人不一術也征收之弊時有所謂跣毆踢斛樣盤零尖諸名目巧取術弋正供之外多所婪索而民不堪命故楊元保一發難而貴州空前未有之慘史開卷矣

#### 第四章 軍事大要之經過及吾人應有之態度

咸同貴州之軍事蓋一混戰之局面也當咸豐四年

甲寅八五四

外防

未解內變疊興楊元保發難於獨山楊隆喜起事於桐梓涂令恆突發於安南梅濟鼎戕官於銅仁下游則黃平清平苗教交訐上游則安順仲家同時並起兼以黃號白號疊起環生回衆槓衆抗拒擾害中間石達開部曾兩次來黔李復猷深入腹地何得勝窺逼省城前



撲後繼此去彼來擾攘蓋二十年荼毒之慘空前未有嗣川湘滇桂合力會辦加之裁制首要雖先後解決餘黨仍負固不從土匪濫練隨處肆虐二十年間遭害之久靡爛之甚萌芽之多戡定之難爲被兵各省所未有而苗教回仲各有分地出沒無常必歸本境地方元氣因之凋敝譬之附骨之疽不至銷蝕盡淨不止也

此輩豈真天性好亂哉實由於剝削壓迫之太過一切不平等有以激成之耳然除太平軍當別論外其他之不顧最大多數人之禍福無主義與方法一意破壞者其行爲要不可宥亟應加以嚴重之制止天下事之可原其心而不能略其跡者此類是也故吾人對於清廷之軍隊與官吏雖甚不滿而於其制止變亂之用心則甚贊同且對於當時之法施民勞定國忠於職守以死殉地方勇於戰陣以身捍患難明於大義矢志保鄉邦及其他之茹蘖飲冰不屈不撓者應致相當之敬意不得泥於昔日忠君死節之狹義抹煞一切致湮沒其忠勇貞烈之精神焉緣事實最富威權人心自存公道時無間於



今昔人無分於中外只須精誠毅力光明正大能為人羣求真正之福利者無論何時何地皆足動人觀感資人景仰而不為時代所拘束也

第五章 軍事期間各個時期之代表人物及各種勢力之百分比比較

咸同貴州之軍事應分為五個時期各個時期又各有其代表之人物表如左

次序	時期	期	間	代表	人物
甲	醞釀時期	自道光季年至咸豐四年	喬	用	遷
乙	發動時期	自咸豐四年至八年	蔣	爵	遠
丙	劇烈時期	自咸豐八年自同治六年	張	亮	基
丁	衰落時期	自同治六年至十年	曾	璧	光
戊	善後時期	自同治十年至光緒三年	黎	培	敬

道光季年貴州因受外界之激宕內亂屢興岌岌不可終日巡撫喬用遷知人善任得知府胡林翼故能弭變於已萌防患於未然然醞

釀既久大勢已成而莫可挽回蔣蔚遠以庸才承其敝宜其治絲愈紛也張亮基受任於崎嶇危難之中外內交困兵餉兩絀危局獨撐厥功最偉曾璧光本張亮基之遺規有黎培敬之贊畫奕訢方當國又能得其力功成其手有以哉培敬擅政治手腕善後大計多出其手其澤至今未昧

當時漢苗回各種勢力互相消長茲就本書材料以百分法試估計之則漢族約占百分之四九苗族約占百分之四〇回教民族約占百分之二一漢族中黃白號齋教等則占百分之四九中之二一何得勝等占百分之四九中之一五太平軍占百分之四九中之一〇其他則占百分之四九中之三苗族則生苗占百分之四〇中之三二熟苗仲家等占百分之四〇中之八回教民族所占之百分之一一普安之役占百分之一一中之二〇威寧之役所占不過一一中之一耳其比較圖見插圖中之兩圖吾人於此可略得其象徵焉

## 第六章 軍事期間各年之軍事情況

咸同貴州軍事大要之經過及各個時期之代表人物既如上述而各年之軍事情況尤須有簡明切要之提示以明其體系茲編制咸同貴州軍事簡明年表如左

咸同貴州軍事簡明年表

年號	紀年	干支	民國紀元前	公元	軍情	況
咸豐	四	甲寅	五八	一八五四	獨山楊元保起旋定 桐梓楊隆喜起 黔西緣衆起 巡撫蔣蔚遠出省督軍次札佐 雲貴總督羅繞典親赴遵義督辦至即卒 普安涂令恆起旋定 鎮甯曾毓華起旋定 川湘來援 川提督萬福兼署貴州提督 丁寶楨結鄉團禦守 苗禍日亟 桐梓安南仁懷貞豐先後陷復	蔚遠次安順旋移龍里 楊隆喜敗死於石阡 葛彰司上下游所過蹂躪清軍隨後侵擾民氣 騷動變亂迭起 台拱苗變起殺戮慘毒石土皆赤 郎岱鎮甯仲家起 上江齋首羅光明
咸豐	五	乙卯	五七	一八五五		



咸豐		
七		
丁巳		
五五		
一八五七		
大定檳衆起 銅仁紅號餘黨送省伏誅 川	<p>江黃平清平先後陷          桃銅仁羅斛先後復 永從古州施秉都勻清          咨請慎選廉吏撫循新復城邑 大塘石阡松          恆春將遠革留省城戒嚴 湘再遣援 湘撫          都勻邑人陶廷杰毀家保城金盡城陷殉          台苗結 銅仁五洞民以苛征爲詞起應紅號          松桃石峴苗與銅仁紅號結 余正紀與清          以苛斂激變永從苗 白蓮教惑變落別仲家          廣西泗城岑亮弼等逼歸化 黎平知府多文</p>	<p>後陷          印江思南石阡玉屏青谿思州各府廳州縣先          辦 大塘都江丹江銅仁羅斛下江八寨松桃          遠咨請川湘防堵 雲貴總督恆春請赴黔督          仁紅號起 荔波水家起 下江生苗起 爵          余正紀與光明等結 龍里貴定土匪起 銅          天明等起 孝順補授貴州提督 都江書吏</p>

	咸豐	八	戊午	五四	一八五八	<p>軍來援 提督孝順自戕都勻由巴揚阿暫統其軍 安化羅應儒等起 湘軍來援 佟攀梅補授貴州提督 遵義團首王安國恣肆被誅 天柱姜映芳起 楊隆喜餘黨猶盛 思南白號起首領劉儀順 湘軍復永從 思南陷 印江繼陷 龍泉湄潭危急</p>
						<p>佟攀梅革留旋以蔣玉龍補授貴州提督 白號分出烏江東西岸四道侵略 苗陷麻哈攀梅等死之 苗復陷都勻 龍貴急省垣大震 教首沈中和圖獨山州城大敗被擒天明亦陣沒喪亡極多獨山鄉團各震遠近 思南黃號起 銅仁復警 思州陳加誥結湖南晃州教民姚通寅變 白號逼思南府城襲陷之 黃號陷婺川 李文茂等自廣西柳州入黔攻陷錦屏圖黎平 苗陷鎮遠 湘復以副將田興恕援黔次黎平旋以知府張由庚參將田宗蕃援黔 苗陷黃平舊州 普安回民張凌翔起 千總賈福保結教首陷甕安</p>

咸豐	九	己未	五三	一八五九
咸豐	十	庚申	五二	一八六〇

襄安復 苗再入舊州 鎮寧仲家復構豐安  
 順紳民伍雲泉等來省乞援 爵遠奏留與恕  
 鎮古州 黎平苗愈張 開州何得勝起據平  
 越上大坪 苗再陷襄安 石達開部入荔波  
 楊隆喜餘黨平 何得勝略開州潘各杰走  
 平越丁寶楨練退札佐省城大震 白號陷湄  
 潭 湘復遣都司周洪印等援鎮遠 回陷新  
 城 白號自湄潭趨遵義知縣江炳琳戰沒遵  
 義險隘三度關失守 蔣玉龍革職留營自效  
 提督印務由田興恕署理 湘黔軍合復鎮遠  
 爵遠病布政使海瑛護巡撫 貴東道韓超  
 請辦屯田議行

湄潭復 川軍剿黃號頗順利為首賀濟泮蚤  
 死 爵遠卒海瑛權巡撫事 苗陷平越 省  
 城大震 回陷普安縣城旋復 興恕奉督辦  
 全省軍務之命自鎮寧領虎威全軍進至銅仁  
 開州知州戴鹿芝單騎說何得勝降何留之



	咸豐十一辛酉五一八六一
<p>無降意謂係好官不犯以肩輿送還 興恕籌先得思南石阡 新授貴州巡撫劉源瀨至省時省城東北數十里皆不靖 石達開部會廣依自興義縣圖府城旋自貞豐入永寧經歸化下廣順定番青巖長寨 賈福保陷修文 源瀨奏請興恕赴援省城興恕覆奏自駐石阡策應旋以十月至省人心稍定 奏請抽釐勸捐以貴東道何冠英綜其事 永寧修文甕安先後復 石達開部李文茂下獨山</p>	<p>源瀨授雲貴總督不拜海瑛護巡撫事 定番長寨復 余誠義復自廣西南丹陷荔波 源瀨乞罷何冠英以貴東道調署按察使兼布政使至是署巡撫事 回苗陷貞豐 興恕檄趙德昌回鎮安義 普安縣再陷旋復 銅仁餘黨包茅仙復起 韓超以病回省檄鎮遠知府曾璧光護東道兼辦下游軍務璧光辭乃以候補知府陳昌運接辦璧光副之 興恕主抽田</p>

毅候選道趙國澍總其事 何冠英以七月卒  
興恕兼巡撫事 鎮永仲家復威 興恕殺清  
鎮團總何三斗於省城 大定畢節稍靖 歲  
闌糧儲道以二品頂戴署理貴州巡撫

同治 元 壬戌 五〇 一八六二

川滇總督查辦田興恕被參各款 興恕欲赴  
川助剿贖過超為請留 興義府陷 興恕繳  
欽差大臣關防以提督辦軍務 雲南臨沅鎮  
總兵林自清將卒入川旋遣撤回 天柱陷旋  
復 石部退敘永遵義解嚴 苗再陷青谿  
趙德光軍饑難任戰屢進復以糧竭退回 李  
有恆剿豬拱箐 沈宏富奪取玉華山自山至  
遵義南鄉四百餘里略清 趙德光率死士夜  
破上大坪以軍少多病難守悉火之旋以病回  
省復失守 滇督徐之銘咨韓超飭安義鎮趙  
德昌停兵候辦撫回 興恕被議 普安縣陷  
回入普安廳城據之 石部由綦江敗入黔  
北遵義以紳民新修外城保全甚多 姜映芳

	同治	二	癸亥	四九	一八六三	<p>被擒旋殺之 回陷安南及興義縣城 張亮          基奉命署理貴州巡撫兼署提督 潘名杰陷          龍里 歸化陷</p>
						<p>韓超請留興恕被斥興恕所部責成亮基撫綏          彈壓 羅斛再陷 安順全境略清 號匪多          擾遵桐 亮基請免抽釐穀 余正紀復入古          州 清台諸苗合窺黎平 韓超罷歸 金文          太破小屯 雲貴總督勞崇光以教案來黔          趙德光與何得勝潘名杰相持於王卡 安南          普安縣既復再陷又復 普安廳復 張亮基          檄趙德昌進勦江外楊巖保由白泥防剿沿江          一帶趙德昌為翼長勦壩芒 湄潭汛把總吳          元彪變據綏陽鄭場 新城回招滇回二千人          來援 沈宏富一敗塗地開州陷 省城危急          亮基檄德光來防 修文陷 石部李文彩等          突至開泰境 亮基檄趙德昌出禦自率布政          使以下官紳兵民登陴巡防復飛檄在籍雲南</p>



					<p>臨沅鎮林自清星馳赴援 貴定陷 龍里陷          崇光會亮基以沈宏富署提督趙德光遙署          古州鎮 巴布蠻竄入威甯旋逼城下</p>
同治	三	甲子	四八	一八六四	<p>龍泉解嚴 李文彩等圖黎平亮基請三省會          勦 興義縣城復 何得勝陷廣順再陷長寨          定番 白號陷桐梓 古州廳復 德光荷戈          縱馬護翼省城 湘桂軍防剿古州獨山一帶          復上江廳城 雲南昭通回入威甯 候補道          樊希棣督辦龍貴軍務 苗教再陷天柱 仁          懷一再陷旋復 修文龍里復 黔西陷 回          首張凌翔破興義府城入屠馬忠家 苗再入          定番城 苗陷大定府城 吳元彪圍綏陽          畢大錫部羅明書等棄營走樂東河三十營皆          潰 鄧爾巽署東西道督辦軍務 苗陷玉屏          定番 元彪陷桐梓 馬忠率軍薄興義府梯          城入擒張凌翔馬河圖誅之府城復 趙德昌          署提督</p>

同治 四 乙丑 四七 一八六五

何得勝以趙德光故不得志多趨內江 周洪  
印誘誅曹元興 崇光亮基合奏請餉益軍  
白號陷正安 廣順歸化再陷 吳元彪陷綏  
陽 清廷諭令勞崇光赴滇督軍貴州軍事責  
成張亮基認真辦理林自清准署安義鎮總兵  
銅仁略清 法人胡博理遣其傳教人任國  
柱撫興義回 天柱略清 苗衆黃么驪等進  
至省垣附郭馬棚街潘名杰逼青巖趙德光等  
禦擊之 川督駱秉章奏以雲南布政使劉嶽  
昭率湘軍自合江援黔 正安復 石阡陷  
德光克黔西 鎮遠鎮總兵張文德自鎮募  
勇逕黎平至獨山 亮基病假布政使裕麟護  
巡撫 德光復大定 潘何益逼省城 崇光  
檄文德同赴滇以副將周伯雲代防大河 潘  
名杰黨分趨青巖定番廣順逼歸化 湘軍副  
將劉鶴齡率軍二千繼嶽昭後進松坎 學政  
黎培敬以防守懈弛馳奏 舉辦義穀 清鎮

同治	五	丙寅	四六	一八六六	安平陷 遵義幾陷 永甯陷
<p>黔西大定再陷大定旋復 吳元彪勢孤入綏陽死守劉嶽昭督軍築堤決水灌之不下 亮基奏請嶽昭專辦黔中軍務仍由川濟以鉅款 劉鶴齡圍攻華尖山急 金萬兆誘殺馬忠復陷興義府城 雲南布政使岑毓英進攻豬拱箐 元彪乞降貸其不死以樹風聲 荔波陷 嶽昭新授滇撫以道員林肇元副將李家福統軍駐遵義亮基奏留復陳三策 浙江按察使李元度由湘率四營援黔 鎮甯一再陷 趙德光接署貴州提督 清廷令劉嶽昭勦辦仁懷黔西畢節大定 川督駱秉章檄丁憂四川候補知府蹇開率安吉兩營駐遵義 廣西按察使嚴樹森疏陳黔事六端清廷令赴嶽昭軍會辦 趙德光救安順危 林從太軍潰回大關省城戒嚴 亮基令畢大錫署貴西道辦理大定軍務而以安順全屬責成趙德昌</p>					



同治 六 丁卯 四五 一八六七

大塘耆民願傾產供餉乞趙德光援 烏江略通 亮基爲乞餉事至是疏凡十一上 德光率軍援定番先籌防省策 行屯田法 湄潭復 岑毓英勦豬拱箐 亮基奏請劉嶽昭暫駐貴陽助勦龍里壩芒上大坪 中岑安插歸降湘軍李元度 廣西提督馮子材破黎明關荔波復 安順知府汪炳敷設局招撫 毓英率楊玉科破豬拱箐受降豬拱箐平 提督趙德光敗敵安平蘆荻哨中伏遇害 學政黎培敬借考試收拾人心 張亮基罷免以糧儲道署布政使曾璧光加二品頂戴署巡撫 何得勝自開州回走死橋頂山 湘撫劉琨奏參兆琛疲玩以席寶田代之 安順苗走陷長寨 李元度下江家寨之芋頭灣大小尖山 四川將軍兼署總督崇實統籌援黔機宜留新授貴州提督在川派四川候補知府唐炯督師援黔 湘軍席寶田軍至銅仁 鎮寧再陷

同治 七 戊辰 四四 一八六八

席寶田李元度攻拔黃號荆竹園根據地 何  
 得勝妻黎氏繼起拒軍 白號首要朱明月被  
 殺 唐炯軍至偏刀水 曾璧光檄安義鎮温  
 志學馳辦安順七屬軍務 劉嶽昭以滇事急  
 以軍付四川候補道劉嶽曙留防黔西自赴滇  
 去 川湘軍下觀音營黃白號門戶失旋下橙  
 木園水源溝炯以降衆陳璧光有可用因部署  
 之俾相攻殺 元度破安化大堡擒殺黃號首  
 胡黑二 寶田拔頭寨 川湘軍下偏刀水擒  
 首要田應武何繼述等殺之降其黨七八千衆  
 川督崇實奏以唐炯籌辦貴東善後炯條陳  
 事宜祇任軍務 元度留軍布防自撤軍回湘  
 正安婺川白號平 龍里復 貴定甕安復  
 炯拔玉華山烏江北南兩岸肅清黃號平  
 炯拔上大坪擒老主劉儀順檻送成都殺之  
 興義陷 炯遣唐天佑入平越州城 滇撫岑  
 毓英遣援興義 川督復檄記名提督陳希祥

	同治	八	己巳	四三	一八六九	<p>援安順劉嶽曙防清鎮 林從太護提督防省          城 安南又陷 工部侍郎石贊清以川湘入          援教匪浙平惟苗衆尙須大懲奏請裁減湘軍          移餉濟黔 張文德復都勻河內略清 天柱          復 清台苗復逼古州 寶田規清水江北岸          略清 湘撫劉琨奏遣記名按察使黃潤昌江          西卽補道鄧子恆率軍援黔會寶田於寨頭</p>
						<p>陳希祥誘殺林自清於安順軍次 潤昌等復          鎮遠府城 川督檄希祥去扁擔山仍不靖          湘軍復清江廳城 川軍復清平縣城 唐炯          督劄重安策應 黃潤昌鄧子恆與提督勞維          善再進襲谷隴敗於黃飄皆戰死 張文德假          滿自湘回黔隨募軍出都勻規八寨雞賈河沿          河苗衆皆降 畢大錫設局招撫扁擔山仲家          席寶田以黃飄之敗自率六營自巴野東馳          赴援斬殺頗衆復請以清江絕逆木植變價給          軍 廣西復奏遣副將潘其泰援荔波 苗教</p>



連擾普安廳滇督劉嶽昭巡撫岑毓英皆遣援  
席寶田病假以軍事付提督龔繼昌代理分  
防鎮遠施秉 張文德夜走獨山就糧遇伏大  
敗都勻復陷 文德因傷以劉士奇接署貴州  
提督 曾璧光給免死示誘陳喬生降因並殺  
其妻孥 清廷諭令協辦大學士湖廣總督李  
鴻章督辦貴州軍務川湘黔各軍統歸節制

同治九年庚午四二一八七〇

李鴻章奏述黔事三難並請飭川省裁軍騰餉  
及酌撥洋稅銀兩 席寶田新募九營馳黔部  
署旋拔施洞口 川督奏飭曾璧光辦善後俾  
抽川軍之後防為前敵旋趣炯進戰炯以軍餉  
兩絀艱於負荷請別派大員辦理 寶田軍取  
巖門司 川軍援剿甕谷隴 湘省奏請援黔  
各軍暫緩南圖 川省亦飭唐炯裁汰羸疲通  
籌全局有撤軍意 巖大五擾水城久至是他  
竄廳境略清 鴻章赴陝不果來 川軍定清  
水江北岸 唐炯移師待撤陳希祥軍遽潰於

				同治	<p>清平苗勢復張 曾璧光奏請補救 炯請解  兵聽勘舉貴州提督周達武自代 寶田還自  沅州謀規清台 台拱廳城復 永甯陷 達  武軍至平越接防唐炯遣撤各軍回川 湘撫  派員視師 李文彩赴何雄輝營降 都勻龍  里貴定安順興義貞豐普安永甯各地仍未靖</p>
				十	<p>雄輝奉令入守都勻顧餉道 李文彩復變入  都勻旋復 丹台間苗寨略定 湘軍復凱里  黑苗柳天成被殺 蘇元春等克雷公山  威甯積衆楊紹貴叛不授撫 回民張定中請  降滇督劉嶽昭因檄定中自具就條件曾璧光  令縛獻安南譚五受自贖 黃平舊州復 清  平縣城復 譚五受自安南赴何世華營降  湘撫檄援軍進軍深入一出剿北岸一剿南岸  一取仰朵 貞豐州城復 貞豐降人楊樹森  縛巖大五等來獻并殺之 湘軍通施黃大道  何世華攻新城環城鑿濠以困之回據壩下</p>
				辛未	
				四	
				一	
				丁	
				八	
				七	
				一	

同治十一壬申四〇一八七二

擊金萬照張定中陽請降世華令繳械萬照不允

新城回乞降何世華一意議剿璧光因咨滇進軍會辦葉正固撫回失敗會璧光以留黔補用道曾紀鳳督辦平壤麻清黃善後八寨排卓至烏鴉里禾一帶皆靖何世華奪據新城萬壽山築礮掘地道攻城達武以苗正饑窘諸軍大集通飭分取香爐山平茶五寨烏鴉之捷苗疆略定聞國興搜入雷公山獲苗首高禾殺之清台丹凱各屬大靖興義府城復達武留軍萬五千人分防下游驛道及要隘璧光定下游善後章程世華築長濠千七百五十丈以三十三營圍攻新城璧光奏催各省積欠協餉百一十萬辦善後湘派候補道陳寶箴攜款入黔賑放丹台凱施降苗張定中誘新城回金萬照出降解省殺之殺其從四百八十八人於安順璧光以候補道



					徐達邦督辦上游善後 璧光商達武委湖北道員周康祿辦上游鎮撫事宜
	同治	十二	癸酉	三九	改軍需糧餉總局為善後總局 璧光商達武撤黔勇以紓經費 達武遣撤各營勇散走雜處逸而思逞哥老會從而煽惑康祿不能制仰藥死 各處苗教餘波就平 黔局特定 達武將率所部十二營入川清欠遣撤 巡撫曾璧光提督周達武會兼署雲貴總督岑毓英奏報全黔肅清

第七章 軍事期間國家之當局與疆吏

清廷當咸豐同治兩朝皆幼帝嗣位又丁多事之秋國事之裁決多在軍機所謂樞垣是也而咸豐時代之軍機大臣為賽尚阿祁寯藻何汝霖彭蘊章穆蔭杜翰柏蔭匡源載垣端華肅順同治時代為奕訢桂良沈兆霖文祥寶鋆曹毓瑛李棠階汪元方沈桂芬李鴻藻等漢人視滿人為多

清廷自入關以來至咸豐初各省疆吏滿人常居多數太平軍之興處處聞風崩潰滿人督撫之死事者有人而敢與抗者無有也肅順初頗延攬漢人挾漢人以自重有絕大勢力咸豐既沒落同治孩提慈安柔順不敢負重慈禧位卑不孚人望思得一望重之親支佐理之肅順既不爲所用乃垂簾聽政開有清一代之新例以奕訢爲議政王總理軍機大臣此一時權宜之計也奕訢既輔政乃汰滿用漢故同治初年滿人爲督撫者甚少爲歷來所未有同治八九年間各省文而督撫武而提鎮又爲湘淮軍之有功者居泰半焉

鄰近貴州之川湘滇桂四省之政治當局於貴州軍事尤有密切之關係查咸同二十年間之四川總督爲裕瑞樂斌王慶雲有鳳曾望顏駱秉章崇實吳棠湖南巡撫爲駱秉章惲世臨毛鴻賓李瀚章翟誥劉琨王文韶雲南督撫爲羅繞典恆春徐之銘吳振域張亮基潘鐸勞崇光劉嶽昭劉長佑岑毓英廣西巡撫爲蘇鳳文張凱嵩曹鍾澍劉長佑蔣益澧等



第八章 軍事期間貴州之軍政當局人物

軍事期間貴州之軍事政治當局人物由巡撫主持大計間與司道  
布政使司按察使司糧儲兵備道之簡稱合謀於糧臺或軍需局營務處以應付各方武  
 職提鎮商承征伐雲貴總督無直接責任不過兼轄而已學政例不  
 得問軍事鮑源深且以此獲譴是以二十年間貴州當局人物當以  
 巡撫為首長文則司道武則提鎮隸焉茲分別列表如左

咸豐四年至同治十二年二十年間貴州軍政當局人物姓氏

一覽

甲文職

咸豐四年	貴州巡撫	布政使	按察使	糧儲道
一八五四 甲寅	蔣 霽 遠 <small>咸豐元年十月任</small>	孔 慶 瑚 <small>咸豐元年二月以按察使來黔本年署布政</small>	孔 慶 瑚 <small>咸豐元年二月任</small>	承 志 <small>咸豐元年十二月任本年九月調辦札佐糧台解任</small>
		覺羅炳綱 <small>本年 月任</small>		方 濤 <small>本年九月自候補道署</small>



咸豐五年	貴州巡撫	布政使	按察使	糧儲道
一八五五 乙卯	蔣 爵 遠	覺羅炳綱	孔 慶 瑚	方 濤
			本年六月告病	本年四月以承志回任
			承 志	承 志
			本年六月以糧道兼署 十月解	本年四月自札佐糧台 回任
			桑 春 榮	
			本年十月任	
咸豐六年	貴州巡撫	布政使	按察使	糧儲道
一八五六 丙辰	蔣 爵 遠	覺羅炳綱	桑 春 榮	承 志
			本年四月解	
			承 志	
			本年四月以糧道兼署	
咸豐七年	貴州巡撫	布政使	按察使	糧儲道
一八五七 丁巳	蔣 爵 遠	覺羅炳綱	承 志	承 志
			本年四月以糧道兼署	

咸豐十年	貴州巡撫	布政使	按察使	糧儲道					
	覺羅海瑛 <small>本年十一月以布政使 權任</small>	龔自閑		韓超 <small>本年二月以候補道簡 授未到任</small>					
一八五九 己未	貴州巡撫 蔣蔚遠 <small>本年十一月解</small>	布政使 覺羅海瑛 <small>本年 月</small>	按察使 龔自閑	糧儲道 龔自閑 <small>本年二月解</small>					
咸豐九年	貴州巡撫	布政使	按察使	糧儲道					
			龔自閑 <small>本年 月署</small>						
一八五八 戊午	貴州巡撫 蔣蔚遠	布政使 覺羅海瑛	按察使 福連 <small>本年 月</small>	糧儲道 龔自閑 <small>本年 月兼署按察使</small>					
咸豐八年	貴州巡撫	布政使	按察使	糧儲道					
		覺羅海瑛 <small>本年二月任</small>	福連 <small>本年十月再任</small>	龔自閑 <small>本年十一月自貴西道 署</small>					
									本月二月解
									本年十月解
									本月十一月解

同治元年	一八六〇 庚申	本年 月解	本年 月	本年 月	本年 月
	一八六一 辛酉	本年 月解	本年 月	本年 月	本年 月
	咸豐十一年	本年 月解	本年 月	本年 月	本年 月
	本年七月署	本年七月署	本年七月署	本年七月署	本年七月署
	本年七月署	本年七月署	本年七月署	本年七月署	本年七月署
貴州巡撫	貴州巡撫	貴州巡撫	貴州巡撫	貴州巡撫	貴州巡撫
布政使	布政使	布政使	布政使	布政使	布政使
按察使	按察使	按察使	按察使	按察使	按察使
糧儲道	糧儲道	糧儲道	糧儲道	糧儲道	糧儲道



一八六二 壬戌	田興恕 本年正月解	覺羅海瑛 龔自閔	龔自閔 承 本年二月實授
同治二年	韓超 本年正月任	布政使 按察使 糧儲道	陸傳應 承 本年四月任十月解
一八六三 癸亥	韓超 本年三月解	覺羅海瑛 本年四月解	陸傳應 承 本年四月以糧道兼署
同治三年	張亮基 本年三月任	龔自閔 本年四月任	龔自閔 承 本年十月以糧道兼署
一八六四 甲子	張亮基 本年三月任	布政使 按察使 糧儲道	徐志導 承 本年十月升按察使
	裕麟 本年正月任六月護巡撫	承齡 本年十月自糧道升	曾璧光 本年十月自候補道署

	同治四年	一八六五 乙丑	貴州巡撫	張亮基 本年六月解	裕麟 本年六月續九月解	貴州巡撫	張亮基 本年九月任	同治五年	一八六六 丙寅	
賈臻	布政使	承齡	承齡	承齡	承齡	承齡	承齡	布政使	嚴樹森	會璧光
	按察使	承齡	承齡	承齡	承齡	承齡	承齡	按察使	會璧光	鮑桂生
	糧儲道	會璧光	會璧光	會璧光	會璧光	會璧光	會璧光	糧儲道	金均	

一八六七	丁卯	張亮基	曾璧光	黎培敬	葆亨	林肇元	樊希棟	趙崇慶	本年十月解
本年十月奉	本年十月升巡撫	本年十月任	本年十月任	本年十月任	本年十月任	本年十月任	本年十月任	本年十月任	本年十月任
同治六年	貴州巡撫	布政使	按察使	糧儲道	林肇元	樊希棟	趙崇慶	本年十月自候補道署	本年十月自候補道署
同治七年	貴州巡撫	布政使	按察使	糧儲道	林肇元	樊希棟	趙崇慶	本年十月自候補道署	本年十月自候補道署
一八六八	戊辰	曾璧光	黎培敬	林肇元	樊希棟	趙崇慶	本年十月解	本年十月自候補道署	本年十月自候補道署
同治八年	貴州巡撫	布政使	按察使	糧儲道	林肇元	樊希棟	趙崇慶	本年十月自候補道署	本年十月自候補道署
一八六九	己巳	曾璧光	黎培敬	林肇元	樊希棟	趙崇慶	本年十月自候補道署	本年十月自候補道署	本年十月自候補道署



同治九年	一八七〇	庚午	曾璧光	黎培敬	林肇元	趙崇慶	貴州巡撫	布政使	按察使	糧儲道
同治十年	一八七一	辛未	曾璧光	黎培敬	林肇元	趙崇慶	貴州巡撫	布政使	按察使	糧儲道
同治十一年	一八七二	壬申	曾璧光	黎培敬	林肇元	趙崇慶	貴州巡撫	布政使	按察使	糧儲道
同治十二年	一八七三	癸酉	曾璧光	黎培敬	林肇元	趙崇慶	貴州巡撫	布政使	按察使	糧儲道

右據題名碑並參以當時實際輯成外有雲貴總督駐昆明查總督題名碑則二十年間雲貴總督為羅繞典恆春吳振棫張亮基潘鐸勞崇光劉嶽昭劉長佑岑毓英九人

乙武職

咸豐四年	貴州提督	安義鎮總兵	古州鎮總兵	威甯鎮總兵	鎮遠鎮總兵
------	------	-------	-------	-------	-------

一八五四甲寅	佈克慎	威豐三年八月命本年二月革	趙萬春	本年二月命	桂林	威豐三年七月命	常山	威豐三年五月命	秦定三	咸豐元年九月命本年二月命
一八五五乙卯	萬福	十二月以四川提督兼署	趙萬春	本年二月命	桂林	威豐三年七月命	常山	威豐三年五月命	秦定三	咸豐元年九月命本年二月命
咸豐五年	貴州提督		安義鎮總兵		古州鎮總兵		威甯鎮總兵		鎮遠鎮總兵	
一八五六丙辰	孝順	本年六月命	饒廷選		桂林		常山		金剛保	
咸豐六年	貴州提督		安義鎮總兵		古州鎮總兵		威甯鎮總兵		鎮遠鎮總兵	
一八五六丙辰	孝順	本年六月命	饒廷選		桂林		常山		金剛保	
一八五六丙辰	孝順	本年六月命	饒廷選		桂林		常山		金剛保	

戊子司... 第一編

三

	咸豐七年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八五七丁巳	孝順	饒廷選	修攀梅	常山	金山	剛保
本年二月自裁	本年六月調浙江衢州總兵	本年二月升提督	本年六月解			
	咸豐八年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八五八戊午	修攀梅	顏朝斌	巴揚阿	懷他布	金剛保	
本年正月革職留營差遣委用	本年六月命七月黃岡陣亡	本年二月命五月調雲南開化總兵	本年六月命	本年十月解		
	蔣玉龍			遮克敦布		
本年正月命				本年十月命		





同治元年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八六二壬戌	田興恕	趙德昌	楊巖寶	萬化林	朱承先
					本年三月休致
同治二年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八六三癸亥	田興恕	趙德昌	楊巖寶	萬化林	張文德
	本年三月革				
	張亮基				
	本年三月以巡撫兼署十月解				
同治三年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八六四甲子	沈宏富	趙德昌	趙德光	萬化林	張文德
	沈宏富				
	本年十二月署				

						本年九月革	
			趙德昌	本年九月以安義鎮總兵兼署	貴州提督	同治四年	一八六五乙丑
			趙德昌	本年十二月赴川未果	貴州提督	同治五年	一八六六丙寅
			周達武	本年十二月命	貴州提督		
			趙德光	周達武未到任以前以趙德光署	貴州提督		
			趙德昌		安義鎮總兵		
			劉士奇	本年三月命	古州鎮總兵		
			劉士奇	本年正月十七日奏准補授古州鎮總兵以三月到任	古州鎮總兵		
			萬化林		威甯鎮總兵		
			張文德		鎮遠鎮總兵		
			張文德		鎮遠鎮總兵		
			萬化林		威甯鎮總兵		
			劉士奇		古州鎮總兵		
			趙德昌		安義鎮總兵		
			趙德光	本年五月二十九日上海貴州提督仍著趙德光接署	貴州提督	同治六年	一八六六丙寅



一八六七丁卯	趙德光 <small>趙德光以本年七月初五日陣亡</small>	趙德昌 <small>本年三月召京</small>	劉士奇	萬化林	張文德 <small>本年四月丁憂</small>
	張文德 <small>德光陣亡之後其督家務以張文德林從大劉士奇先後代</small>	慶瑞 <small>本年三月命五月休</small>			羅孝連 <small>本年四月命</small>
		曾桂泗 <small>本年五月命十一月無下落</small>			
		唐仁廉 <small>本年十一月命</small>			
同治七年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八六八戊辰	林從太	唐仁廉	劉士奇	萬化林	羅孝連
同治八年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八六九己巳	劉士奇	唐仁廉	劉士奇	萬化林	羅孝連
同治九年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八七〇庚午	周達武	唐仁廉	劉士奇	萬化林	羅孝連

同治十年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八七一辛未	周達武	唐仁廉	劉士奇	萬化林	羅孝連
				本年六月革	
同治十二年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八七二壬申	周達武	唐仁廉	劉士奇	張文德	羅孝連
		本年八月丁憂		本年六月命	
		周壽昌			
		本年八月命			
同治十三年	貴州提督	安義鎮總兵	古州鎮總兵	威甯鎮總兵	鎮遠鎮總兵
一八七三癸酉	周達武	周壽昌	劉士奇	張文德	羅孝連

右據清代國史館貴州武職大臣年表參以貴州當時實際輯成

就甲乙兩表以觀自同治七年至十二年六年之間曾黎林趙周唐劉萬羅張諸人皆得久於其事責專任久全黔遂以底定此中關鍵要不可忽張亮基撫黔五載當全局極糜爛之會司道多兼署及遙領且時常更調而疑忌之者又從而齟齬梗阻之危局獨撐其功何可沒也遵義黎庶昌曰黔亂紕餘孰爲其烈文則銅山武則剛節可謂持平之論矣

### 第九章 軍事期間人民自衛團體之組織

黔亂初起當軸者如能洞識幾先加意撫循未嘗不可潛爲轉移卽不然亦決不至全局糜爛若是其極也乃胡林翼匆匆赴鄂去政治當局求其能識大體者竟至無人巡撫蔣蔚遠本統袴子弟嗜好深沉養癰貽患予黔人以莫大痛苦罹空前之慘劫數十年來談黔事者靡不切齒痛恨焉

當咸豐初年時事日非清廷詔各省興辦團練以縉紳主之貴州則奏派在籍漕運總督朱樹江蘇蘇松太道王玥湖南攸縣知縣孔憲



典鹽大使高以廉等籌辦全黔團防事宜迨大難既作各地方人士知官與兵之不足恃起而聯團捍禦保衛梓桑者極衆其著者如平遠之丁寶楨丁仕芳都勻之陶廷杰周燾遵義之李蹇臣黎庶蕃黎兆祺興義之劉官箴劉官禮王永隆廣順之但鍾良安順之熊光照荔波之邱樹桐龍泉之李璠桐梓之趙旭石阡之鄧第武貴陽之唐炯高以廉趙國澍貴定之庭中瑜等皆先後起而作保障捍衛之籌備丁寶楨陶廷杰且毀家紓難雖志在全局安危而陶廷杰不輕去其鄉使社會失重心失指導尤有足多者時獨山團練遠近馳名鄧第武之鄧家隊發揚蹈厲兄弟子姪前撲後起以捍大患尤爲激昂而遵義之禹門寺築砦支拄十餘年與全黔軍事相終始保全尤多遵義郡城之不亡禹門一砦之力也而賢人君子如黎洵鄭珍等皆託處其中時人謂之桃花源八方聞風嚮慕黎庶昌有禹門寺築砦始末記言之極詳足資興感時方多難人力可以挽回是在平日之相與努力耳此鄉村自治之所以不容緩者也至不肖者之借團自

肥勾結羣小危害桑梓二十年中亦正不乏其人焉茲將咸同貴州各府廳州縣團練大概情形就採訪所得者錄如左間有未具者姑闕之

貴陽府

附貴陽縣

咸豐初在籍舉人唐炯自京口歸道遇苗練勇

丁之散歸者語輕官軍因告父老以大難將興不可不豫爲之備因就城東北四十五里之水田坵集衆立團曰忠孝團分十二局推公正者立之募壯健者百數十人勒以什伍教以戰守又勸富者出資製旗幟兵器存局備用積穀之家量力捐輸籍記而自存其穀有事之時碾致之局兼行保甲之法防患未然而知府黃輔辰及子彭年亦嘗致力於此而高以廉初本與朱王同奉命籌辦全黔防務迨朱王旣逝乃獨力担任貴陽團防事務軍民愛戴爲敵懼憚係全局安危衆稱高十二公而不名趙國澍更於城南五十里之青岩石堡地方興辦團練爲省城犄角迭著成績深資捍衛



龍里縣 縣東北羊場地地方憑高結寨地勢最佳軍興以來地方人士創威遠團於其間以自保其後縣城屢陷卽長官亦寄寓團營以爲退守進取之地其地下通貴定以達獨山上通青岩爲省門要道民食軍糧之所關尤大

貴定縣 新司龍山爲省南衝要之地三面臨敵相去不過十里左右大小十餘隘歲養練千二百人皆民衆捐輸省門頗倚爲重又有永清永隆永安永和諸團而平代之永固團組織尤爲完備

修文縣 修文自咸豐十年城陷後民衆始聯團自保由舉人陳象乾貢生陳文鳳等主之

定番州 穀種團首程尙文等嘗聯團自保振興團組織完善甚有名州屬之大塘則有田發泰者亦頗能聚衆守禦

廣順州 文家屯團首文師尙能聚衆防禦在籍翰林院檢討但鍾良等頗主城防事



開州 開州團初能自立後見逼於何得勝奈世舉竟降敵

羅解廳 廳固無城民衆皆結屯自保無甚組織昂武苗變嘗齊

團五百人往勦

安順府

附普定縣

道光季年胡林翼爲安順知府行保甲法迨黔

亂作民衆復設城防分四正四隅立二十四團如三合六合等是熊光照等尤能羣策羣力以事防堵城之不陷蓋地方人士之力也

鎮甯州 軍事既起鎮甯團練初由地方官募集助守迨咸豐八

年孝廉陳方瑜請命州牧築牆防禦附近屯寨相聯爲團曰靖

銳團一場九屯相友相助他若丁旗堡苦戰力守保全尤多婦

女則捶鉛丸壯丁則演戰陣以資捍衛故葉松年有句云鉛錫

捶丸勤婦女旗槍演陣鬧兒童其情景可見迨同治六七年間

安順府知府畢大錫不時臨堡訓練凡有攻剿堡中團丁首先

開拔五年城陷人民多託命堡中州牧亦居中辦事次年雲南

臨沅鎮總兵林自清還籍隨帶有滇練二百聲威益振自此同心協力以自保保人孤堡之僅存以爲規復本州之根本自清之力也而邑紳葉汝霖魯錦章等又曾集衆築屯於獨坡是爲獨坡聖與阿果聖後山聖羅漢聖等相犄角合寨人民移居其中勇壯守隘復募死士百人爲游兵隨時梭巡披肝瀝血歷盡艱苦卒能捍衛強敵汝霖至爲衆而死烈矣

郎岱廳 同治中坡貢中寨團楊開祥等數集衆禦守勢漸盛寢驕恣卒爲安順府知府畢大錫所殺

清鎮縣 邑人何山斗聯團禦守民多歸之後以爲民請命抗釐金釐穀議爲巡撫田興恕所殺

安平縣 安平團練之著者如忠順團忠義團南靖團等南靖團主之者爲陳蓮池忠順忠義團則夏偉堂黃義仙也其築囤砦以收召散亡者如雙堡之周全各平莊之黃印山時有楊奠川田德者更助官軍四出攻討而白雲莊龍場台子上桂麓莊各



村人民亦集資修固築牆設堞口建營門以自保又有薛家固者初由平莊人黃體泉倡議修固於是新寨平莊雲莊華原紛紛仿效新寨張衡堂張景之張幹臣父子尤矢忠義飛虎山則由黃義仙等修固砦備戈矛以資防剿落伽山則黃體泉黃義仙等募資築砦置械以科條範衆一德一心以捍衛生民迨縣城既陷地方官得就山堂辦公以圖規復其關係甚大

興義府 咸豐初冷令恆起攻郡城知府張鎔亟謀守禦適有閩商黃紹奇者勇而好義善槍法鎔使之募集民兵數百人助守城門是爲興義府團練之始旋以株守城中非計乃突圍策四郊號召民團三日內得數萬人遂以克復新城安南普安其後興義縣知縣胡霖澍代知府事假軍需名任意苛斂民間倉儲爲之一空人心離散大局不堪問矣郡紳周詠齋始籌集兵餉圖保境又調開廣練五百人爲助練皆雲南開化廣南兩府人故名卒以府境回苗勢大難於收拾時有賴於興義縣團之協助焉



興義縣 興義團練於貴州有深長歷史下五屯距縣城東五里  
劉氏世居其地築堡曰永康興辦團練以保生民聲名遠震敵  
不敢犯劉官箴官禮弟兄三復縣城王永隆亦築景家屯  
捐資募練以守二屯實系西南安危其詳散見本書此第一發  
其凡耳

安南縣 咸豐十年張殿才等集團禦守有力

貞豐州 咸豐中貞豐回苗先後起築營環攻遊擊千把相繼陣  
亡人民誓死苦守組織團防局羣推武舉羅廷珍李輔廷等繼  
任又商請知州蔣時純之子立炳知州事求安攘之策卒無辦  
法復公推貢生劉世楨上省求援世楨在省日久所請不遂復  
到安順提著作秦庭之哭而紳民胡時興時煥兄弟則日以掩  
骼埋胔爲己任者有年

普安直隸廳 普安爲回衆勢力範圍漢人怵於威脅乃集衆禦  
侮多至十三團體三萬餘人迨同治以後董懷經任士雄等繼

之而起亦各團也

大定府 咸豐五年緣匪攻城居民卽起而協助官軍守城一時有在緣在團之分在團者爲良民在緣者爲匪黨而主團練者如王治昌陳世昌杜湘宋璠張天鈞高永霖趙廷萃彭詠詩鄧萬春張維藩余文明羅詠春王珍用王杰昌杜永慶吳桂芳徐世楨等皆較著者也風起雲湧相與保境安民固不能以城土陷與不陷論

平遠州 黔難初作在籍翰林院庶吉士丁寶楨雲南府經歷丁仕芳等毀家紓難練湘勇以防剿所向有功黔撫蔣霽遠倚以爲重其後黔上下游皆烽煙四起省城危岌無餉無援寶楨提孤軍數千人往來救護併日不得一飽鶉衣百結故當時有丁家濫練之稱迨寶楨出爲岳州府知府州之人士亦能奉寶楨之志衆志成城平遠卒未失陷可見人謀之關係矣

黔西州 平定團首軍功莫如全慷慨好義咸豐初奉檄堵剿散



家財製軍器募練五百迭著功勞廩生駱敦書武生陳登榜亦招練助剿而楊學煊父子兄弟忠義奮發集衆防禦桑梓尤足令人興感

威甯州 威甯團之著者首推陶家海團主之者爲陶廷相等

畢節縣 咸豐十年威甯紅苗數百犯七星關團首金研箴等却之團首葛致遠亦敗敵豬拱箐時環境四面皆警縣城紳民集資練團防範嚴密城卒保全同治五年東里團衆擊殺副將鍾昌林收其衆千餘人復集合二百餘屯民兵抽丁練團自守六年團紳周箕攻尖山有功箕當軍事初起卽捐資募練與七星關團及宣義團防剿素著功績

遵義府

遵義縣附郭

軍興以來邑之人士亟圖自保舉人李蹇臣蕭

光遠等首倡團練蹇臣尤以忠義激發其子諤閻諤先戰卒閻後主援黔川軍則關係全局安危矣蹇臣復勅修新城保全尤多迨黃白號起舉人黎麻蕃等復於禹門寺築寨練團爲久守



之計且以餘力數解府城之危且復綏陽各縣城以一寨支柱十餘年幾與全省軍事相終始而西鄉花苗田王安國團當軍事之初起勢尤大三道河之孫文光團亦頗有力

仁懷縣 仁懷團蔡永清蒲正相等聯團禦守與遵義團相通聲氣曾有力於地方

桐梓縣 楊龍喜起邑人趙旭等聯團圖自保其後起如王正儒等至爲民害矣

綏陽縣 咸豐四年楊龍喜起擾及綏陽知縣章滌凡率團民禦之六年軍功李煥南及團紳李茂松宋人鳳歲貢生王慕青庠生楊遇澤諸生沈麟邑人陳治安蔣開林廖熙麟文占魁等皆嘗戮力桑梓而邑人張昭捐餉發給秦安慶軍保全尤多至王魁堂築營官路場以拒吳元彪爲能見其大迨同治二三年邑人宋人鳳復辦團禦敵則再接再厲矣

正安州 咸豐初正安亦依照功令作團練之組織其著者如達

君陶會心吾嚴宗六安邦雲胡先紹胡先科等其後勢力漸大  
寢致不軌者亦有之四川知府唐炯援黔曾嚴懲數人

仁懷直隸廳 仁懷直隸廳地處黔邊軍事之影響不易波及故

團練之組織不甚健全

黎平府

開泰縣附郭

咸豐初胡林翼爲知府曾擇地建礮堡以自保

厥後頗收堅壁清野之效舉人張熙齡奉令團練備城守卒獲  
保全軍興十餘年間熙齡始終防禦其力最多而舉人胡長新  
亦嘗有力焉

古州廳 古州隸屬黎平府黎平清鎮堡旗總蔣貴矩勢力足及  
古州古州向少團練之組織迨事亟段志鐸廩生陳錫元以城  
守危急往黎平乞援死於八匡而土司楊占先素忠勇總兵桂  
林激以義憤使協守亦死於陣其後廩生陳建寅楊有道楊國  
隆楊嘉隆起義兵助攻剿頗著成效而三里七十二寨尤爲盡  
心捍衛有曰款軍者組織尤爲完備



都勻府

附都勻縣

苗教既起都勻府知府鹿丕宗札監生蔡正清

修石卡復修城郭增高一尺浚便河引水繞城下爲護城濠募練勇設城防總局於考棚聘在籍陝西巡撫陶廷杰江蘇徐海道周燾總局務以丕宗婿石道安及趙印洪帶練勇廷杰燾等當軍事初起卽以忠義激發子弟盡心捍衛杰更散家財開倉廩以食衆且不圖自便而輕去其鄉爲郡邑中堅卒不克保全者非其罪也

丹江廳

丹江爲苗江要隘漢人勢力微弱建土城於高山之上

土地荒蕪屯卒寥落成豐四年通判嚴錫珍到官始招集流亡一時復業者數百家苗事亟乃捐廉募練五百人擇地扼要先機防禦苗不敢犯已而巡撫誤撫悍苗禍亂日亟錫珍復添募二千人朝夕訓練數却敵與參將烏爾滾珠同心協守以二千疲乏之衆禦苗六萬人其不保者勢也

獨山州

咸豐初翁奇團首廩生楊維藩生員羅光華等各聯團



禦守歷解城圍而翁奇在州東北爲衝要之地維藩以一身係全州之安危者至多當時獨山團練名震遐邇敵不敢犯者有年

麻哈州 楊龍喜入麻哈知州何鋌集民兵擊之旋以地方多事民團之組織漸臻完備其著者如卡烏之張清瀾火壤卡之李春培羊場之熊魁元翁井之羅國輔陳建勛營郭里號保家營蕭汝正駱盛珍曾奉省檄辦鄉團高德善募鄉勇號新豹勇

清平縣 咸豐五年五月學政鮑源深按試都勻清平諸生稟懇咨請大府發兵以救生民情詞慘切源深感動爲請兵而兵不至苗變日亟旋邑人張昱設局城南斗口寺招集散亡凱里唐蔣二姓亦募練數百僅能守城其後則有防守局之組織而生員孫茂檀黃槐等當事之初起卽知非聯團自保無以圖存因分道致力人心得以自固黃槐團練名聞遐邇關係爲不小也荔波縣 縣屬十六里惟上羊奉半里六團能自守而邑人邱育

泉邱樹桐父子盡力爲多教諭鄭珍曾相隘設關深資利賴育泉者珍之弟子也在珍指導之下數以保民自任故珍詩有夜雨遺門生之句

石阡府 咸豐八年白號起時黔上下游徧地烽燧石阡亦陷敵勢益倡各團皆望風納款惟鄧第武兄弟三人抗言曰從賊而生辱甚於死大丈夫甯死不爲也且我輩世爲良民忍爲非耶不如齊心抵死相抗家產願供軍食倘一戰而勝固善萬一不濟死亦香耳衆壯其言選壯士得四十八人卽夜起兵削竿爲矛斂刀鑷爲械老弱者鳴鑼以助聲威由是聞風興起者萬人號曰鄧家隊第武兄弟皆戰第武再接再厲忠義奮發至今尙虎虎有生氣其後併入思南饒以爵軍以自効

龍泉縣 黃白號旣起軍功李璠練團自保組織得法勇敢爲下游冠其時敵勢甚熾所至殘破惟龍泉一城孤立其間支柱至十餘年之久不爲失陷璠之力也同時武生李祖香亦以得力



稱

鎮遠府

附鎮遠縣

鎮遠爲黔東重鎮水陸要衝有清設總兵官一

員鎮守之兼轄銅仁松桃清江三協其地位之重要可以想見惟是承平日久武備廢弛自丹江台拱各處苗匪先後告變如火燎原勢不可當會學政鮑源深過境知府吳登甲與紳民人等瀝血上書求咨大府派兵救援大府卒不省迨咸豐八年鎮城失守登甲殉難人民男婦老幼之投河自盡或死於鋒鏑者以數千計脫險者多流離轉徙於湘西沅州晃州一帶迨同治初年大軍克復鎮城而避難四方者始各挈家回里時大亂甫平匪氛未淨風聲鶴唳一夕數驚鎮遠府縣守令乃會札紳衿蕭杭饒雲喬文斗黃凌霄潘懋官聶奎斗吳禮堂陳錫齡等籌設府縣兩屬團防總局清查戶口編聯團甲以圖自衛而補兵力之不逮地方於是漸就甯靖又得靖守吳自發安集流亡休養生息不數年而元氣亦復此同治間鎮遠團防之大概情形



也

清江廳 咸豐初州判韓超知黔將亂抵任後募勇丁六十名一日三操教以戰陣數月悉成精銳上下同心一以當百嗣後人數日衆深資得力四出征剿地方人士爭相則效多募練自保其時清江練勇頗爲著名

施秉縣 施秉苗族繁多咸豐初以年荒歲歉夫役浩繁欠糧日盛復以折耗過重苗族遂結怨漢人一致團結見漢人卽殺漢人團結未及死之不少四鄉住戶除少數居住囤砦外概移入城株守自困丙辰城破人民死傷極多當時施秉大戶首蔣宋二姓有宋半城蔣半街之稱然宋姓數千家獲逃出者僅數十人其慘狀可知當城未破時知縣劉玉麟雖札武生蔣鴻鈞軍功宋劭珠各募練百人分守城門究無補益也軍事初起邑人宋復萬等曾捐資數千募練守城東門其後生員宋劭樑監生宋嘉穀招集流亡充實城廂作復興之計

天柱縣 咸豐中紳民王先和王恩培潘世堃夏天長王貞聖等  
籌辦保安團衆千五百人克復縣城者再同治四年因餉乏城  
陷殉者六七百人後建祠祀之而王寨毛坪團亦頗能捍衛

黃平州 咸豐五年苗變起倉卒知州楊承照告急無援始練團  
兵爲自保計西鄉猪市均有壯士吳德剛部署子弟數十人伏  
要隘斃苗十數人於是人心奮發各鄉更集團互衛激勸紳民  
捐募民兵四百餘人協營防守而舊州團楊安邦張耀模鄧海  
六等率團衆數千曾予苗以重創海山陣亡之後統率無人團  
練從此解體矣南鄉人民乃始築團於冷屏山北鄉人民築團  
於梨樹坳四鄉人民築團於達子團就中以達子團最險要居  
於團者係二三百戶團首爲黃任才狄綱義等組織完密州城  
陷後出救城內人民無數往居之

平越直隸州 楊龍喜過州境民心擾動識者因知團練之重要  
迨苗焚重安江至平良距州境不二十里檇義長官司金家良



暨武生熊源齊團紮小巖頭卡堵禦而文生劉國士及在籍知縣劉毓松訓導劉從矩貢生沈士龍等均募練聯團是爲平越團練剿賊之始

湄潭縣 咸豐初桐梓楊龍喜起進擾遵義湄潭與遵義接壤時聞轟炮之聲知縣張志紱飛札各里集衆防堵是爲湄潭團練之始於是寶經啓新回里紛紛齊團自保風起雲湧不可殫述啓里各團曾救龍泉之危其後龍泉文生安居田宗烈等就湄潭龍泉間築營李保固招集散亡以實之約二千戶固高二里許西爲石壁東亦高山誠可戰可守之地爲湄龍保障而附近因以立營者不少代辦知縣秦安慶復築營城西龍保塘號火樹營又營五里坡下之文家場與綏陽之山羊口相連令啓經二里人士從喪敗傾覆之餘竟能收召流離求保生民者如興隆山隨陽山牛心山八脚山將軍山高方營龔巖固則以附近李保聖而立營者又如鞍子固之於馬尖山太平山瑪瑙山懸



繩圍內即大溝明圍之於上壩溝則以互相救援而立營者至曾

祖芳蔡思位之營東溪砦周愛棠之營平定營則又獨自立營與敵相持卒能保守土宇李保國所恃者以有龍泉而龍泉亦倚以爲重此湄潭團練之特著者也其與敵相錯壤而抗不相附者則寶里之石家砦新里之高爐砦均力守數年不屈不撓至秦安慶所募練衣飾旗幟純取黑色稱烏旗隊人雜性悍時相喧囂與敵暗通湄之糜爛乃以此也

甕安縣 歲貢商景暘等奉檄練團保衛桑梓全家殉難景暘僅以身免又武生王士杰庠生王崇植等亦爲清平倚重關係全局

餘慶縣 縣城團防組織尙爲完善略當敵衝卒獲保全蓋人力非天幸也

思南府附安化縣府城連陷舉人饒以爵武生安定邦結團與官軍連爲一氣互相倚賴大著功績又李春華鄧人俊黃金燦亦

以團練著名其後平頭蓋楊得友黑羊溪李興國渡蜡溪陳光華泉口寺田慶杰下四房安應斗諸大團互相爭長爲官府干涉

婺川縣 咸同之間黃白號之亂陷縣城貢生申晉芳主城防調團募練動數千人供應無缺生員申炳章申維藩覃元貞安宅仁皆散家財以急地方之急又貢生王懷瑾主潔行團戰守有方深得其力

印江縣 印江團練大體尙具同治三年曾保縣城

思州府 咸豐九年府屬團練數協清軍敗敵鴨溪又六卜河木梁各團亦嘗破敵楠河

銅仁府

銅仁縣附郭

拔貢覃方仁主團練職員李丕基武舉萬象春等先後亦團練保梓桑其中以李石基等之三元團爲大後分爲九小團又四目團亦爲三元團分化成者

松桃直隸廳 宋景嵐武舉戴奎光等曾立團保地方



第十章 軍事期間貴州旅外之人物

軍事期間貴州一省之命運雖操之軍政當局顧當時貴州旅外之人物亦與有重大之關係或受職中央對於本省文武從事監督加之糾彈或代表全省之人民向中央建言及呼籲或運籌鄰省帷幄關心桑梓或身任他方官吏盡力鄉邦或武功顯著樹本省之聲名或著述宏多揚一方之雅化二十年中直接間接皆有造於貴州者也其時鄉土關念較重心所謂危不得不言中央對黔設施亦往往徵取宦京黔人意見故補救實多茲將當日旅外黔人姓名略歷就所知者述其梗概如左

李朝儀 字藻舟貴筑人咸豐三年直隸南路廳同知五年隨僧格林沁修大沽口炮臺九年補用知府十年分辦直隸團練十一年署直隸順德府知府同治三年調廣平府知府五年補大名府知府八年升永定河道

石贊清 字襄臣貴筑人咸豐四年直隸順天府治中六年調天



津府知府十一年特授順天府府尹同治元年刑部右侍郎旋授直隸布政使二年湖南布政使六年上黔中事宜疏條陳八事薦黎培敬七年遷都察院左副都御使旋授工部右侍郎八年卒

徐之銘 字鼎新開泰人咸豐四年湖北按察使六年四川成都將軍樂斌奏留辦理西秀防剿事宜七年補湖南按察使調雲南按察使八年授雲南巡撫十年兼署雲貴總督

黃輔辰 字琴隲貴筑人咸豐二年截取知府三年分發山西旋乞假歸里時楊龍喜變作因集士紳修碉卡行保甲撫輯清江水諸苗弭其怨隙復捐穀建倉旋以道員赴山西兩署冀甯道加鹽運使銜九年在直隸辦理防務尋至四川應總督駱秉章之聘參贊帷幄陝西巡撫劉蓉復調赴陝西委用同治五年授鳳邠鹽法道

黃彭年 字子壽輔辰子咸豐三年回籍隨父辦理團練長寨等

處漢苗不相安清水江一帶尤猜忌親入苗寨勸慰同治初年四川總督駱秉章延之入幕陝西巡撫劉蓉聘主關中書院直隸總督李鴻章聘修畿輔通志成書三百卷兼主保定蓮花書院

周佩蓮 字信芳鎮遠人咸豐四年由舉人任南陵知縣八年署定遠縣九年以功保同知直隸州適捻匪圍城佩蓮以死誓守巷戰死

黃輔相 字□□輔辰弟以知縣在廣西用咸豐初授鎮安府知府旋改南甯府知府兼右江道

黃鳴珂 字韻珊安平人咸豐初安平仲家之亂集鄉勇攻克沙木窰功保加知州銜知縣用揀發江西爲南城令曾國藩攻景德鎮委佐老湘營糧台事保以直隸同治用署樟樹通判旋署南昌府事又補吉安以治行稱江右

蘇鳳文 字餘嗜貴陽人咸豐四年由舉人教習知縣仕廣西薦



升府道晉授藩臬同治五年擢廣西巡撫

傅壽彤 字青餘貴筑人咸豐三年翰林院庶吉士六年免散館授檢討旋以知府記名奏留河南治兵授歸德府知府同治三年調開封府知府七年授南汝光兵備道

楊文照 字劍潭貴筑人咸豐六年選貴州麻哈州學正不能赴乃佐幕旋去河南佐傅壽彤戎幄同治五年館於南陽郡齋旋以內閣中書官廣西通判

但明倫 字雲湖廣順人咸豐三年江蘇鹽運使其後太平軍入江蘇納金八十萬以不入揚州爲條件當時人多非之

景其濬 字劍泉興義人咸豐進士累官至侍講學士河南學政劾張亮基仕至內閣學士

鄧國暄 字牧伯普安人咸豐初授雲南開化府知府七年回變全家死難

楊 塏 字爽泉貴筑人咸豐末年四川夾江縣知縣躬與藍大



順之役

桂中行 字□□貴筑人咸豐六年從翁同書定遠軍府爲曾國藩所倚重攝合肥蒙城阜陽等縣知縣授知府有治績

莫友芝 字子偲獨山人咸豐八年截取知縣且選官意所不樂乃出京從胡林翼於太湖明年從曾國藩於皖越四年又從至金陵同治四年大臣密薦學問之士十四人友芝與鄭珍與馮國藩與李鴻章及諸朋好爭要出仕敦勸甚至辭謝不就鴻章受任督辦全黔軍務友芝因上書論列黔事甚詳仁言利溥聞者感動友芝名旣高自通都大邑至於山陬嶺隅公卿鉅人學士大夫罔不推重黔中軍事隱以爲重焉

葛致遠 字毅山畢節舉人咸豐五年署岡縣知縣在任二年日在軍務倥傯之中旋即告歸與地方防堵之事

周 灝 字子純貴筑人咸豐四年官直隸旋以強項置閑散同治元年卒以遺愛在民得建專祠於正定

孫濂 字霽帆貴陽人初以諸生參與貴州軍事後以府經歷在四川候選同治九年四川成綿道

唐炯 字鄂生遵義人道光己酉科舉人咸豐九年官四川南溪縣知縣同治元年署綏定府知府七年以知府銜督師援黔同年五月加兵備道銜七月准以四川道員補授並加按察使銜八月加二品頂戴布政使銜並給法克精阿巴圖魯名號九年回川旋授雲南布政使雲南巡撫貴州上游軍務其功爲多

蹇閻 字子和遵義人咸豐初以桐梓事以訓導候選八年改捐縣丞分發四川九年以同知用十年署四川彭水縣知縣同治三年保知府四年補忠州直隸州知州旋丁憂四川總督駱秉章奏留辦理西藏事宜後升道員八年率兵援黔會辦遵義教案

莫祥芝 字九莖友芝弟咸豐初參桐梓貴定軍事後從曾國藩安徽軍營以勞績得知縣旋調任江蘇江甯縣知縣頗以吏才



見稱當世

劉朝縉 字青溪龍里人咸豐中七品小京官同治三年保守鄉邦六年舉人旋入京供職轉主事

丁寶楨 字稚璜平遠人咸豐三年進士以翰林院庶吉士旋黔適軍事起毀家紓難保障鄉邦五年得五品銜花翎六年授編修八年記名以知府用十年授湖南岳州府知府同治元年調長沙府知府十一月署陝西按察使二年授山東按察使三年授山東布政使五年署山東巡撫六年授山東巡撫在巡撫任內對於黔事多所陳奏

何亮清 字湘雪貴筑人咸豐十年庚申進士旋以翰林院庶吉士歷官四川保甯府知府

周景濂 字娛陵貴州舉人以協守定遠功由知縣保直隸州知州咸豐十年署望江縣知縣望江當兵燹之後撫綏休養剔弊鋤奸以積勞卒縣人祀之



金玉貴 字□□鎮遠人咸豐初從賽尙阿軍以功得獎銀七百兩保都司太平軍起各省皆依制兵後乃稍稍召募楚軍之與戰武宣戰桂林戰湖南戰金陵黔軍聲譽最著而玉貴尤以勇聞每戰輒衣白襦襠以自標異後給驍勇巴圖魯名號以副將署壽春鎮總兵卒於軍

羅雨春 字□□銅仁人由軍功於咸豐十年從軍安徽以把總用十一年擢守備同治元年以游擊儘先補用旋以參將加副將銜二年總兵銜兩江總督曾國藩以布置戰守迭著奇功奏以總兵記名簡放隨江蘇布政使曾國荃攻雨花臺國藩奏其功以提督用得捷勇巴圖魯名號七年陣亡直隸

朱洪章 字□□開泰人咸豐四年從貴東道胡林翼入鄂七月復岳州五年曾國藩保爲侍郎千總加守備銜九年從道員曾國荃復景德鎮十年升都司換花翎十一年復安慶以參將留湖南用給勤勇巴圖魯名號同治元年擢副將旋以迭克名城

功以總兵記名簡放力解重圍加提督銜三年六月十五日金陵地道成國荃令諸將推前鋒數問無應者洪章慷慨投袂起願先登十六日火發城奔洪章率死士先登四年授湖南永州鎮總兵

蔡標 字錦堂威甯人咸豐八年以勇目入滇投効克宜良授六品軍功十年克路南州以把總拔補同治二年以功敘千總四年署守備五年署都司加游擊銜六年隨岑毓英出師貴州保升游擊七年署鎮雄參將九年保副將十年雲貴總督劉嶽昭會商貴州巡撫曾璧光檄標與吳奇忠剿威甯積衆誘執積首陳大桿械入威甯璧光上其功以總兵升用旋以提督記名得一品封

陳貴 字□□貴筑人先在軍營有功遞保至守備同治元年充哨弁旋克江蘇太倉崑山保都司三年攻浙江嘉興府城力戰死



周萬順 字□□鎮遠人由武童投効果毅軍入川迭著戰功同治二年克太平縣以千總用四年隨同援陝復漢南郡縣五年隨同援黔攻拔華尖山保副將七年進剿黃平舊州連破關隘兩城同時克復全黔底定回川

田玉廣 字美堂鎮甯人咸豐八年由武童投効湘果中軍入川剿匪解眉州圍授千總同治元年擢守備二年攻破石達開營擢都司四年入陝從軍升游擊六年以捷擢副將七年克鄜州以總兵記名九年陝甘總督左宗棠委辦陝西營務處十一年以防剿出力保總兵旋以提督用

羅大春 字□□施秉人咸豐初投効廣西軍營充當勇丁轉戰兩湖江西安徽閩浙身經九百餘戰薦保總兵補授福建陸路提督

李端棻 字苾園貴筑人同治二年以聯捷成進士授翰林院編修六年典山西試九年分校順天試十一年授雲南學政



黎庶昌 字莼齋遵義人同治初元應詔陳言以知縣發往江蘇  
交曾國藩差遣旋入國藩幕中以文學鳴一時李鴻章受任督  
辦全黔軍務庶昌上書言事

譚鈞培 字敘初鎮遠人同治元年進士以編修充順天鄉試同  
考官八年授江西道監察御史十二年上貴州事宜疏條陳六  
事後授江蘇常州府知府

李文森 字恕皆鎮遠進士奉天知縣同治元年曾國藩奏調安  
徽署亳州知州僧格林沁委讞案受知於僧擢潁州府知府升  
廬鳳潁道四年安徽按察使署甯池太廣道五年改雲南委用  
道六年入滇道卒

周國遠 字永安黃平人同治元年隨西甯鎮總兵張華去甘肅  
以功擢都司入督標營九年陣亡

周之瀚 字□□□□人同治三年任內閣中書曾領銜陳黔事  
楊先棻 字茹香貴筑人同治三年任翰林院編修

楊相田 字□□□□人同治三年任戶部郎中

張拱辰 字□□□□人同治三年任主事

楊先澤 字□□□□人同治三年任戶部郎中

李佩璜 字□□□□人同治三年任郎中

蕭廷滋 字潤宇□□人同治三年任員外郎

周鶴 字竹生貴陽人同治三年任主事六年侍御

楊樹 字珍林安順人同治十年任內閣中書

第十一章 軍事期間清廷對貴州之態度

貴州遠在西南建置較晚地瘠而民貧元明以來因昧於地理知識不知貴州所處地位之重要不甚為朝野所注意有清中葉對於貴州開拓與建設較力官吏之任用雖與各省無甚軒輊然人與地實經考慮其時區宇混一辦公程序集歷代之大成故雖咸同之際幼帝尸位全國鼎沸各省軍事中央仍得例總其成迄無偏廢曾不以其偏遠而少之此則當時之特點也且對於各省之批答與諭令率



能得其旨歸少隔靴搔癢之弊而獎懲操縱具大受用吾人於此不  
得不深致服於當時掌事者之明達矣

當楊龍喜之變起清廷知大難已興不欲貴州之捲入漩渦故一再  
諭令巡撫蔣蔚遠乘其未熾雲集環攻免致蔓延顧其勢已成蔚遠  
又不學無術治絲愈紛遂亟令湘川滇桂從事援剿然請兵請餉卒  
無以益貴州迨田興恕振旅入黔湘黔兩省爭之太過清廷欲得其  
力以定黔局不惜優加拔擢假以便宜興恕年少任大驕滿自師人  
民入火愈熱入水愈深則非清廷初料之所及已嗣後知張亮基之  
才以西南半壁付之可謂得其人矣復納石贊清之建言以學政黎  
培敬晉縮藩條劇亂之時得此擅政治手腕之人物黔乃有瘳曾璧  
光德量有餘才氣不足顧能隨張之規畫奕訢方當國因璧光之故  
復有以益黔亦黔事之轉機也其時各省軍事已將結束惟貴州尙  
無端倪乃假李鴻章聲威以資收召雖李不果來清廷對黔事之重  
視及貴州當時之陷於無辦法境地已可見矣而同治六七年之後



文而巡撫司道武則一提四鎮皆得久於其事不遽更調責專任久黔之底定其關係於此者爲不小也

### 第十二章 軍事期間之政治問題

咸豐四年至同治十二年二十年間之貴州直一混亂之變局除軍事外於政治方面幾無可述茲分敘其大略曰吏治曰財政曰試事曰荒政曰例件

一吏治 黔亂二十年其起因全在吏治之縱弛貪婪媮惰視爲固然民生疾苦漠不關心而公牘所到寓目已忘政令一出稟復遂已奉虛文而無實意上下相哈得過且過惟嗜利忘義則同心一理黔素貧瘠卽有一二潔己愛民足當上指者亦往往安於故常以得受代去爲心軍事旣起守令之以死殉職守者固有人而城陷遁逃畏葸離省者實居多數亦苦不暇執法以繩馴至人員不敷分佈故有一官兼署數缺或遙領職銜或外省人員借署在黔者及後捐輸之例開分發來黔者日愈多然收復之地仍少得缺不易株守省門饑

寒不堪言狀此輩困伏日久攘財心切收復之地撫循爲先又往往不敢遽令之赴任故前者曾奏請加揀來黔後者曾請暫緩分發二十年中人員之消長昔嘗不足而今有餘卽以委任而論已極掣肘氣象龐雜違言臻上理耶而巡撫司道當同治五六年以前亦常多調任或兼署無久任者此數年中又當全局極糜爛之會張亮基危局獨撐功不可沒田興恕任用非人民間之疾苦爲已極矣曾璧光繼任巡撫自同治七年至十二年六年之間文則璧光與布政使黎培敬按察使林肇元糧儲道趙崇慶武則提督周達武安義鎮唐仁廉古州鎮劉士奇威甯鎮萬化林鎮遠鎮羅孝連皆得久於其事六年之中迄未更動責專任久全黔遂以底定雖人心之厭亂此中關鍵要亦不可忽也

一財政 黔省賦稅歲入不過十餘萬兩而歲出之數約百餘萬向恃各省貼協太平軍興各省自顧不遑漸致停協咸豐四年戶部奏頒戶部官票見前圖十萬兩到黔以基金缺乏搭放兵餉分賑收捐均



感困難而貴陽大定兩府先經奏鑄當十大錢於搭放俸餉役食制錢內添搭此項大錢一賍本以資周轉乃安順興義普安各屬民間以錢交易習慣不分錢之多寡一以斤兩之輕重較出入之多少大錢之用途仍屬偏枯咸豐八年戶部復奏頒大清寶鈔見前圖以濟其窮軍事日亟卽此應收之低額賦稅亦苦無從得司道庫存地丁課羨銅鉛硝本無不挪移一空藩庫存銀似僅八十金以其太少未經動用歷任皆就此爲交代此外則恃釐金捐輸各省月協以支殘局又常不能應時濟需其拮据情形不言可知故二十年間之財政皆由糧台及善後局總其成除軍費外幾無政費之可言其有已經收復地方城垣衙署之修復則每就各該地之逆產絕產變價興修焉

一試事 貴州十二府一直隸州三直隸廳惟貴陽安順興義歲科分試餘俱歲科並行咸豐四年十月學政黃統按試普安適宿新城遇涂令恆之變越垣逃走僅以身免嗣自鮑源深以來下游各屬均未按考黃圖南繼之上游則興義府普安廳未考下游則全未按臨



至陸仁恬則通省僅考大定安順二府及都勻屬之獨山荔波二州縣而已餘均不敢出省門一步輶車塵封渴候三年受代得去爲幸迨同治三年八月黎培敬來到處繞越考試借以收拾人心補錄八屆名額鄉試亦停頓已久向例逢子午卯酉之年各省一律舉行六年丁卯巡撫張亮基始請舉行本年鄉試並補行乙卯戊午兩科鄉試照例止准補行一科清廷以貴州軍事正亟欲歆動人心亦特許兩科並補九年己巳又補行辛酉甲子丁卯三科庚午以後始如例舉行

一荒政 軍事初起貴陽會由在籍郎中黃輔辰漕運總督朱澍江蘇蘇松太道王珩翰林院檢討但鍾良湖南攸縣知縣孔憲典候選鹽運司副使高以廉等倡捐穀一萬伍千四百五十六石又捐義倉銀一千五百五十兩於兩學宮內建倉三十八廩並訂管理章程以備糶濟後省垣饑困頗得力於此此外各府廳州縣亦本有備荒倉穀計共存穀一百七十二萬二千石除被焚劫之八十四萬二千石

外則移作軍食矣

一例件 其他例有定限之件如甲應繳解之地丁耗羨課稅乙命盜參罰丙盤查倉庫丁清查戶口戊覆查保甲等均經奏緩辦理矣

### 第十三章 軍費之來源

軍費之來源曰協餉曰捐輸曰釐金曰零星挪移當咸豐初年設防籌餉庫帑已虛故戶部官鈔於咸豐三年十一月已頒發寄黔以資調劑矣軍事日亟庫中存銀似僅八十金黎培敬年譜謂歷任皆以此八十金作移交以其太少未經動用其情形可以想見而黔之貧瘠爲各省最糧賦年只十餘萬故各省向例年協貴州七十餘萬兩咸豐四年以後各省自顧不遑寢致停協貴州適於是時烽煙四起視協餉較平常爲迫切於是爲軍費之急需而作協款之呼籲幾於聲淚俱下繼之以血詔諭諄諄而成效毫無吾人今日試取當時貴州巡撫奏稿觀之未有不感動者也張亮基痛哭流涕之餘繼之恚忿慨然奏請變更建置請以貴州上游之大定等郡益四川以下游



之鎮遠等郡益湖南不則以四川重慶一府瀘州一直隸州撥歸貴州管轄卒格於議不可行迨亮基罷去曾璧光繼爲巡撫以有奧援協餉稍稍可得直至同治十年各省軍事稍定始經奏定由各省按月從新奏協貴州軍餉二十一萬六千兩計湖北山東福建江蘇浙江每月各協二萬兩湖南廣東九江關東海關每月各協一萬兩四川月協五萬八千兩江西改撥一萬八千兩嗣四川減爲月協二萬八千兩又於廣東浙江江西各加一萬兩仍足二十一萬六千兩之數江蘇之二萬後竟改爲月協一千兩矣此新奏定之協款以恭親王軍機大臣奕訢之力幸可撥解緣璧光曾授奕訢讀璧光之授黔撫訢與有力自此專函各省令如數撥解訢方當國聲勢煊赫一紙私函勝於當時所謂煌煌詔諭非復前此之萬里哀號而百無一應也故同治十一二年間兵皆全餉解餉委員絡繹載道焉

軍費之來源其二曰捐輸捐輸又分二種一曰捐局二即取之民間如義穀軍糧穀釐穀田捐戶捐等是也捐局係經奏准在粵鄂川湘



魯豫等省設立捐局派委員經理其事官有定價可以報捐實官與花樣實官可以捐至府道而花樣則有所謂捐花翎捐升銜捐儘先補用捐單雙月捐免驗看捐封典等等惟阿堵物之是程一切可以隨心所欲羊頭羊胃由來已非一日名器之濫至此而極究之同時各省皆同一例互請設局而市利乃大減色於是又花樣翻新規定折扣以招徠之如捐道府州縣等按百兩折收實銀四十兩雜職折收實銀二十兩等實收可以轉移捐照可以空白是直同貿易矣至於義穀釐穀軍糧穀田捐戶捐等雖曰名正言順出之人民樂輸然擾民之甚視盜匪爲有過之無不及如梳如篋之歎古今一轍也咸豐十一年田興恕韓超任巡撫時代通飭各屬抽收釐穀以助軍糧按畝抽收民不堪命同治二年春巡撫張亮基到任之初因民間咨怨奏請停止後因經費浩繁協款不濟米價又極翔貴所需兵勇糧米無力採買供支各營庚癸頻呼幾至飢潰乃變通辦法酌減舉行名曰義穀或十而取一或二十而取一所收穀數係由紳局經理

當局者迫於餉匱但求散支遂致不暇核實承辦者熟知當局之難因以爲利民受大害事無小補至軍糧穀田捐戶捐等尤爲層出不窮公家巧立一種名目民間多受一番壓榨有不勝其紀載者矣其三日釐金釐金創始於遜清季世於水陸要隘分布卡局以抽行商貨物之稅者大致照物值抽若干釐之一種通過稅故曰釐金咸豐三年太平軍之役大江南北屯兵數十萬以太常寺卿雷以誠辦理糧臺職司轉餉時支用浩繁國帑空虛一籌莫展適有歸安策士錢東平抵掌獻策勸雷創行抽釐之法按貨抽釐居者設局行者設卡月會其數以濟軍急雷納其策創辦釐捐於揚州其效大著咸豐四年兩江總督怡良根據江蘇釐捐情形奏請清廷令各省一律採用限翌年實行以值百抽一爲定率其時人望所歸如曾國藩輩皆爲釐金張目雷旣初始於江北晏端書復推行於廣東其後胡林翼左宗棠曾國藩諸人亦倣行於湖北湖南江西安徽本因軍餉不繼爲暫時之計後遂變本加厲視爲大好源泉貴州則創始於咸豐十



年庚申八六。○當時抽收以食鹽爲大宗故僅就川鹽入黔之仁綦涪永四岸設仁懷松坎龔灘瓢兒井四局又就粵鹽入黔之黎平設托口流塘二局湖南爲黔省門戶出入所經就湖南冕屬設龍溪口一局同時設局凡七局各設卡嗣以歧路過多偷漏繞越稽查不易乃擇各州縣要路次第添設局卡四十餘處除食鹽定率抽收外自餘零星百貨估價抽收各局自爲風氣同治初始定通省釐金章程刊發各局大宗商貨雖改照章抽收而零星小販及章程所未載者仍各從沿習蓋初本注重食鹽百貨已在所輕迨食鹽改由川省包征而本產土藥起而繼之收入大旺百貨仍非所重原定比較年額銀二十餘萬兩乃旺年收數不過十六七萬公斂之外更加私求無益於事有損於民而民怨騰沸

此外挪移公款者則有司道庫存地丁課羨銅鉛硝本瀘鹽變價各府廳州縣常平倉穀解存應交各款又有發給印票實收籌借之款二十年間羅掘已盡綜計各款收入不過二千餘萬兩然民間所獻



納者或相什百或相倍蓰已

第十四章 糧饟之董理

貴州混戰二十年關於糧饟之董理不可不詳述其經過當咸豐四年獨山軍興之始剿辦支發專委候補道承齡桐梓之變奏明設立札佐糧臺總其事者爲糧儲道承志分其任者爲前敵糧臺佛爾國春中路糧臺係候補知縣陳鼇汪先煊計一總臺兩子臺均於桐梓解嚴後先後裁撤未幾各匪麇興烽煙四起始於省城設立總糧臺併歸布政使覺羅炳綱辦理七年二月覺羅炳綱交卸仍與接任布政使覺羅海瑛會辦九年十一月覺羅海瑛護理巡撫事糧臺事宜仍由覺羅炳綱專辦其初設總糧臺時曾於上下游分設子臺上游設臺於安順係委員俞邦燾劉昇平經理下游設臺於鎮遠係委員趙大松段志紳經理安順糧臺因餉竭裁撤鎮遠糧臺爲賊陷失守十年二月撤去總糧臺改爲軍需總局同治元年七月又改爲糧餉總局二年四月改軍需糧餉總局自此十年之間局中支出經費已

不僅限於糧餉茲就黎培敬詳定善後局停止各款章程以測其對  
象則凡各府廳州縣辦公經費及修理城署監倉疏通水利整理道  
路陣亡殉難人員義助夫馬差費與夫耕牛種籽民屋勸建等費皆  
由局中開支至黔軍所在常就民糧川湘行師則事採買迨十二年  
正月大難就夷兼辦善後因改爲善後糧餉總局改臺設局以後則  
專歸歷任司道布政使按察使糧儲道之簡稱會督委員公同商辦旋改稱善後局  
以迄於有清之亡此之所謂善後云者有的款無正當用途寔爲官  
場取給之所人員逐鹿之場矣

### 第十五章 兵制之變遷

貴州原有之兵卽綠營制兵也又稱綠旗兵其旗用綠色爲別創始  
於明代清因之有馬兵步戰兵守兵三種隸於提督總兵總督巡撫  
節制提鎮提鎮之下有副將參將游擊都司守備千總把總等官皆  
綠營之將弁也

康熙二十四年定貴州制兵二萬名雍正用兵黔疆從新規定撫提



二標及各鎮協營實有兵三萬二千四百八十五名乾隆四十六年增五千二百八十四名嘉慶二年新設銅仁一協增兵一千六百名嗣於嘉慶十九年道光十一年二十年節次裁兵二千八百九十二名至咸豐二年實在兵額爲三萬六千四百七十七名二年三年清廷令確查空名錢糧總覈裁汰並令隨時斥退老弱講求戎政四年二月議裁兵三千九百九十二名以符舊制巡撫蔣蔚遠分咨提鎮遇有缺出勿庸挑補東南苗族聚居險要之地酌察情形定裁兵之多少以資控馭然督撫咨商未定時調赴湖北江南各省未歸伍者尙有四千三百餘名迨楊元保起於獨山豐寧上司時貴州實有兵數爲三萬二千一百七十七名分一提四鎮十協提督駐安順四鎮爲古州鎮威甯鎮鎮遠鎮安義鎮十協爲遵義協銅仁協清江協大定協都勻協松桃協定廣協平遠協永安協上江協並通省各營四十一處此外更有額馬二千四百七十七匹其中有四百八十一匹係經制額外外委四口八十一員騎馬外實馬一千九百九十六匹



馬兵一千九百九十六名咸豐二年議裁馬兵四百一十五名裁馬四百一十五匹未及裁而變起

獨山一役專用制兵嗣因兵單仍資勇力桐梓事起悉調全省制兵以進攻復征川滇制兵以助勦以有額之兵當無數之衆勦既不及防亦不周自咸豐四年起征調省制兵百十餘起其間或殉難或潰散或撤回歸伍或挑選爲練五六年之間所謂綠營制兵已略無存者此後專資勇力無復所謂制兵者矣

所謂勇者卽臨時召募加之部勒者也制兵旣不足恃天然淘汰各營將帥紛紛募勇以振軍威黔營則募有黔勇川營則募有川勇滇營則募有滇勇或稱南勇而各府廳州縣處處戒嚴存城制兵悉被調遣亦不得不聽其募練以自衛則又各有其制各有其名是以鄭子尹珍巢經巢詩有曰兩年辦賊初恃兵兵不足恃招練丁

此外尙有苗練精練捍練義練不一其名二十年間卽言兵勇練團之變遷已足致人民於苦境矣

綠營制兵月給工食銀一兩每日攤作三分三釐強故黔諺謂由兵出身曰三分三出身卽謂此也

工食之外有口糧每兵一日一升月合三斗月需米九萬六千零五十三石六斗歲需米一十一萬五千二百六十三石七斗二升遇閏加增九萬六千零五十三石六斗

出師係照雲南永昌軍務成案支給鹽糧後因餉絀未能澈底

至勇練糧餉則無定制早年募練按名計日給予工食自七八分以至一錢不等工食之外每名復給口糧一京升獨山札佐兩役尙能計日授糧後遂不支不得不酌減每名工食口糧共只給銀八分

其由楚省招募來者仍照楚省定章每名月給銀四兩五錢本省所募征防各勇則照本省新章迨同治三四年間米價翔貴黔勇日得口分不敷供餐始議日給銀四分扣留四分採買食米按名勻發合計每名仍係八分之例後竟並此八分而無之終日荷戈不得一飽勇練制度並不一致大約曾國藩湘軍營制頗多做效統兵者謂之



帶糧子被募爲勇者謂之吃糧並無番號但謂之某字營如曰達字營復字營等是所謂某字營之某字多以帶兵者之字冠之如達字營爲周達武所帶者是旗幟服飾各自爲制全不劃一然無論綠營制兵與夫新募練勇其最大通病卽缺額之多是也據當時各方之函牘所紀述制兵缺額平常在七成以上是貴州額兵三萬四千餘人實止萬餘人矣迨臨事時始倉卒招募莫邱亭友芝詩有欲逃不得進不能大補額兵招滿市之譏練勇則缺額較少以正當有事之秋也

### 第十六章 軍械與軍裝

當時軍械有大礮謂之大龍視爲無上利器此外有土砲烏鎗魚箭刀劍戈矛之類其後有洋鎗砲之輸入中國用洋鎗洋砲自淮軍始李鴻章初至滬見各國兵強由於器利因令諸將練習程學啓用之尤精時謂之洋鎗隊所向有功於是各省爭效之貴州亦在例中土砲烏鎗所用彈丸由糧臺設局製造所需硝磺柳炭銅鐵等料運購



自外省洋鎗洋砲則向外採買是居然購械矣唐炯購械且聘用英人麥士尼教練射擊夜間行軍則燃炬辦大竹尋丈膏以畜脂每二三百人而一炬宿營備鍋帳亦有千里鏡近見當時統兵官所遺較尋常者爲精軍裝有號袿戰裙號袿卽軍衣或作半臂式紅羽毛製黑絨爲緣中心綴白油布圓塊曰號把書識別戰裙則左右腿各披一幅上端相連繫腰間由糧臺製造頭裹青布包巾足躡草履然此則承平時如此戰禍牽連經費支絀則形狀不堪問矣旗幟則種類頗多最需要者爲姓旗紅色料爲之幅幘廣闊以大爲榮中間以黑絨綴統兵者姓氏然亦往往各自爲制五花八門令人駭怪黎培敬奏稿謂林自清大燾書蓋世英雄字樣又有兵着紅綠色衣褲頭繫白布大套插野雞長毛英雄結者是直同兒戲矣統兵官則另有甲冑笨重不適於用操會大典時一用之臨陣多着短襖亦自爲制取便利近得提督趙德光戰衣戰裙衣以藍色布爲表裏中襯白夾紙多層外更綴以穿山甲片層層遞護令滿緣以黑絨重十八斤運掉

能自如裙製如戰衣製特裏用絹重八斤被塵土有血跡想見當年塵土征衣之概云

至苗族兵器則有烏鎗桿子環刀弓弩兜鍪皮甲等苗生子長大卽鍊鋼以爲刀終身用之試刀必仰刃牛項下以肩負之一肩卽殊者良刀也弩名偏架以一足蹶張手背傳矢往往命中桿長二丈餘用以護弩戰則二弩一桿相將而前執弩者口銜刀而手射人敵或冒刃迫之桿無所施弩人釋弩取口中刀奮擊以救最近多用烏鎗以其尤爲敏捷也

苗人烏鎗製作極精將鐵筒車數數打磨光溜俾子出無滯子堂引門俱有法度硃硝山鑛處處皆產用爆木灰和之煙白易然見煙則子已到能遠及數十丈之外

第十七章 軍事期間之兩政治家

咸同二十年間之貴州雖屬軍事時期顧其中擅政治手腕者得二人焉一張亮基一黎培敬



張亮基 亮基字石卿江蘇銅山人同治元年十一月以雲貴總督受任貴州巡撫督辦軍務二年三月抵黔時黔事方急苗教得志正當劇亂時期上下游徧地淪陷百端廢弛餉糈奇絀軍饑民困全省岌岌可危亮基設防籌剿察吏安民心力交瘁時或兵勇索餉鼓譟全憑一片赤誠空言撫循激以大義將領以下咸知感奮合力捍禦樂爲之用提督趙德光蔚爲一省之干城亮基獎誘之力爲多德光所部嘗饑困於冰天雪地之中無法生存德光乃衝寒回城袖刃來謁將自刎以明志乃亮基一見遽解所衣貂裘加諸德光之身掖之入座爇薪祛寒慰勉有加復起入內集銀數兩以授之令勉所部再忍饑寒以衛地方德光感奮卒效死無去以一身繫全局安危貴陽之保全尤受其賜黔之父老至今艷稱每及張趙必挺巨擘曰好脚色好脚色遵義黎庶昌亦云黔亂紀餘熟爲其烈文則銅山武則剛節洵公論也至亮基之於田興恕林自清尤盡操縱之能事田林虎性難馴獨於亮基感恩戴德願效馳驅亮基一言旣出則糾紛立解



能得其用此豈偶然者哉况其時帝國主義者之侵陵日甚一日亮基委蛇其間明其分際持其大體不激不隨以圖補救在黔五年日在崎嶇危難之中乞餉乞援百無一應內安外攘萬緒千端卒至讒人高張詿吏議去是可慨已亮基既罷流寓長沙日寫十三經以寄意林下風光正所以報之也罷後一像見前可以見其丰采焉曾璧光繼任巡撫底定全疆一切措置實本亮基之規畫爲多雖曰功成其手而所以使之成功者亮基也璧光奏謂亮基在黔清嚴慈惠民間被其德澤蓋其實也

黎培敬 培敬字簡堂湖南湘潭人同治三年八月以翰林院編修簡放貴州學政時貴州烽煙四起人方爲培敬危而培敬卒取道四川以入黔及抵重慶適大定不守川黔當軸咸阻其行培敬竟繞由合江畢節水城安順於次年三月達貴陽蓋繞越跋涉者八閱月矣至則貴陽危急饑軍濫練四出侵擾人心惶惶不可終日乃培敬遽檄首郡飭屬錄童送考同官難之或笑迂緩不識時務人民疑慮詫

其突奇以爲意在棚費培敬不顧一切考棚諸費不取諸人悉自備辦且補取八屆生員約六百餘人擊鼓聲中得此安慰當時士氣爲之一揚人心大悅謂之黎八屆云乃復出省考安順調試普安廳文武生以次至都勻時都勻守移駐獨山州卽以州爲試院未至而敵圍城都勻守遣使間道請緩期培敬益前行敵亦旋去試畢復假道粵湘以試黎平黎平屬縣永從苗族故有學籍以變亂不就試者久矣時苗變正亟培敬因取苗生楊家相爲拔貢以歆動感化之自是永從熟苗不復生心繼按試銅仁甫至而荆竹園大股亦至距城十五里馬脚巖礮聲震動城內官民一日數驚銅仁府縣請緩試培敬日與教官監試論文言笑自若應試生童亦倚之而無懼迄試畢終無一兵至且有自敵中逃出應試者人以是服其識量於是歷試鎮遠石阡思南遵義以至大定各府凡十餘年學政輶車所未至者無不徧歷所至每策一騎挈書吏僕從數人與應試諸生開說大義以化洽於無形培敬蓋深了悟科舉之作用者自以爲人心不固無以



安民文教不修無以弭亂人心浮動正可借此以收召散亡引浮躁於安靜由積極方面轉移人民心理亦解決軍事之政治手段也時人謂培敬能以詩書作干櫓以絃誦靖兵戎黔亂潛消其功不在撥亂反正者下昔唐太宗設制科登高以望曰天下英雄入吾彀中培敬固早悟其旨矣蓋亦奇人也哉旋於同治六年八月因工部侍郎石贊清之薦以編修署任貴州布政使此在有清一代爲特例焉迨就布政使後精心擘畫庫入由八十金增至二十餘萬兩善後事宜其力尤多云

第十八章 軍事期間帝國主義者之侵入

鴉片一役五口通商而海禁大開彼帝國主義者挾侵略之野心以馳騁於中國如入無人之境至咸豐六年丙辰英人又借亞羅船事件以合縱之利說法俄美三國約各派大使會於北京並共同起兵俄美兩國與我無開戰之意僅允派遣大使以求利益之均沾法則適以是年廣西傳教人被害求償未獲遂引爲口實與英聯盟



出師致有天津條約之締結及咸豐十年英法聯軍入我北京焚燬  
圓明園增結北京條約之事

初英法諸國在我國內設立教堂由來雖久迄未融洽各省人民或  
本民族之精神或因思想見解之不同時起反抗過激者憑一朝之  
忿至戕殺其傳教人於是此項條約之內得自由傳教並得往內地  
游歷彼因將游歷二字擴大應用隨時隨地自由行動居心叵測作  
一種文化上之侵略焉

貴州雖向有天主教堂然不甚顯露迨道光二十四年甲辰四四弛  
禁之後始漸形活躍茲以條約新立又當本省多事其間所引起之  
糾紛遂日甚一日緣當時人心對於外人教會不仇則佞加以不良  
分子往往憑借外人勢力甘爲鷹犬魚肉同胞以遂其私於是此兩  
種極矛盾之心理互相醞釀互相激蕩作鷸蚌之相爭怨毒深入人  
心難於相安有一觸卽發之勢矣

當軍事擾攘中青巖開州貴定永甯普安興義遵義各地遂有所謂

教案之發生予人以絕好機會乘間抵隙以伸張其勢力其結果適足以形成法人今日在貴州之特殊情況此凡留心黔事者類能言之不可謂非貴州之恥辱也

咸豐十一年北京條約發寄到黔法國傳教人胡博理以奉有條文准其自由傳教往謁巡撫請予便宜適政局變化數月之間三易巡撫何冠英田興恕韓超先後署巡撫事其時黃號白號正事蔓延田等深慮莠民借教滋事影響治安故拒而不納此在當時固爲政治上應有之步驟乃胡博理不能諒解意存缺望挾條約以臨之興恕因暗中防範將入教人戶口加以調查更授意貴陽府知府多文勸胡引退一面密函各府廳州縣加意防範語意或失之挺直奉行者遂不免操切而田之文案繆煥章又揣摹風氣編輯救劫寶訓一書田遽令梓行遂予人以口實而興恕府怨矣其辦事顛預誠有可議然其獨立自尊之精神尙未沒却民族之自信力以視後之甘心媚外者爲何如也興恕奏中有曰各爲其主常懷犬馬之忱無禮於君



妄擬鷹鷂之逐彼時人心與見解大多若是茲據當時奏報分述關於傳教一事各地方所引起之糾紛如左

青巖事件 咸豐十一年四月貴陽屬青巖團務總理趙國澍因田興恕派令帶團攻剿圖復定番即在青巖等處搜捕隱匿天主教堂適毗連民舍遂致延燒又因誅除奸宄其中或有習教之人亦未可知又或借公報私亦意中事彼因逕由駐京法使哥士耆向總理各國事務衙門投訴清廷諭令兩廣總督勞崇光通書議定以傳教人胡博理所失書籍如追查無存由貴州巡撫飭令地方官賠銀五千兩其中誤死教民張如洋等四人每人議卹銀二百五十兩並令國澍興修富麗墳墓四座後經幾番交涉以張如洋係本國人按照大清律例所載人命門內原有由兇手名下追給死者之家埋葬銀二十兩一條因照例由國澍追給張等四人之家埋葬銀各二十兩於書籍賠償之外加賠銀一千兩並發條約二十張交貴州巡撫張貼



開州事件 同治元年正月開州夾沙龍地方人民祭賽龍燈人多滋事傳教人文乃耳及教民吳貞相等五人因之斃命胡博理因呈法使向總理各國事務衙門投訴並稱傳教人文乃耳被開州知州戴鹿芝極刑慘死清廷令由四川成都將軍崇實查辦崇實委派候補道宣維禮駐防協領吉祥馳黔調查後議援引廣西西林縣知縣張鳳鳴致死傳教洋人之案辦理復以事在寄到條約之後加重懲處法使猶不允必欲並罪鹿芝國澍及興恕牽延數年卒不能決迨張亮基爲巡撫始令貴筑令蔡興槐相與周旋居中轉圜乃漸解結時鹿芝雖已殉難仍欲殺興恕勞崇光時督雲貴亦持其說亮基以興恕縱有罪亦國之命職如予抵償國體攸關抗議最力後法使柏爾德密在總理各國事務衙門定議之結果索賠銀一萬六千兩興恕遣戍新疆貴陽六硎橋興恕房屋撥付法人作教堂之用編輯救劫寶訓之繆煥章則革職永不敘用

貴定事件 同治三年冬間貴定縣民黃丙揚偕妻庭氏致死李老大旋即投入天主教內李老大邀約同寨十餘人赴黃家理論黃即聲言已入教司鐸爲作主即告官亦不怕黃妻庭氏手執鐵鋤向李兇毆黃亦上前助兇李遂受傷同去之十餘人咸抱不平即將黃妻擊斃黃姓屍親知衆怒難犯理屈自餒並未告發胡博理因爲代訴卒如其願

永甯事件 同治四年六月間永甯州人民任聚五因恃強霸廠之嫌殺斃教民謝長生等五人胡博理誤以爲永甯鎮甯興義共同仇教之證經獲三十餘人分別懲辦而在監庾斃者至十五人之多

大定事件 同治四年閏五月有傳教人梅西滿自四川來黔行至大定行李遺失胡博理謂爲畢節縣知縣茹含章家丁指使行劫後經含章獲得三人大定府知府獲二人供無指使之人卒認賠償



興義事件 同治四年興義有撫回之事屢次商洽迄未定局胡博理因參與幹旋令其傳教人任國柱調和撫局忽聲言安義鎮左營游擊劉鴻魁從練有殺斃教民之事而興義縣知縣陳聘儒則謂三月初間任由新城來縣住宿萬屯劉因探報新城回張老滿等率黨數百在鄉滋擾派練防堵則有之實無殺斃教民之事而任國柱亦未能實指被殺者爲誰胡博理必欲去劉而後已張亮基因暫將劉撤任詎五月二十五日劉赴捧鮓汛布置江防忽被汛守備李鳳才魯布把總張開業於閏五月初十日使人將劉刺死當時奏報謂胡博理等由漸而入積小致大欲舉興義普安之勇將能吏之不附己者草薙而禽獮之云云亮基不能制因請由總理各國事務衙門轉致法使約束博理令照和約履行不能干與地方公事及剿撫事宜遇有入教之人須令出具切結聲明並未違犯事故方准入教或按月或按季彙冊照會督撫衙門轉行地方官立案入教之後倘有



犯法爭訟事件悉聽地方官與平民一體依法辦理此雖正當辦法卒無絲毫效力奏報又謂鴻魁勇直爲回衆所畏爲胡等所忌崇光欲市恩於回與胡因遣李刺劉並欲去興義府知府孫清彥普安廳同知錢燠亮基以清彥與燠皆才守兼優之人持不可乃崇光復以教徒黃景軾爲幕僚如虎傅翼威福益恣勞張之間遂成嫌隙張之罷去黃曾肆毒焉人民於勞乃大怨望省中謠誅繁興夜絕行人

貴定事件 同治五年正月貴定團紳張玉光亦以小故傷斃五人以係教民所爲竟亦不敢拘押

仁懷事件 仁懷於此時適有教案糾紛其詳未悉

遵義事件 同治八年五月初五日遵義縣團民楊樹勛等循例酬神忽有教民楊希伯因挾夙怨將樹勛手中表文撕毀糾約教民入廟將神壇經像全行搗毀衆人不平各赴天主堂將經堂醫館打壞遵義知縣當將傳教人邀入署中以便保護殊傳

教人誤會反以爲拘押在署堅不肯出且借爲口實向總理各國事務衙門投訴清廷令交北洋大臣李鴻章一併查辦而四川成都將軍崇實亦奉令帶印赴黔會巡撫曾璧光查明辦理鴻章因派道員余思樞來黔余會遵義在籍道員蹇閻及崇派委員楊蔭棠查辦迄無結果九年九月法使羅淑亞遂親身出京由天津一帶往見李鴻章總理各國事務衙門因密函三口通商大臣崇厚相機轉圜據稱有二種辦法一照議賠償一或將地方官吏調更如兩皆不行則令兵船到漢口江西駐紮教案卽交伊國水師提督辦理以爲要挾後經協議賠銀二十五萬兩由崇實在川墊付了結崇實以遵義設堂行教地方旣已遵照不違惟從前匪徒入教之後恃教爲護符抗官藐法甚至串同蠹役劣團遇事把持磕詐以致良民寒心特擬定民間善後條規十二條雙方遵守教民楊希伯發極邊烟瘴充軍楊樹勛杖一百流二千里附和之段屏山陳因云分別枷責



自此以後其聲勢日盛儼然特殊階級推原其始皆我地方官吏與人民快私意而忘大害貽國家無窮之患爲虎作倀而不自知吾人於此更何暇以責人嗚呼棋輸一着壞却全枰鴉片一役之後各省感受同樣之苦痛者爲不少矣

第十九章 鄰援之前因後果

自明以來貴州每有軍事向賴鄰省援助始克平定良由兵力有限財力尤苦支絀也而鄰省因恐波及亦往往改防堵爲攻剿以免攔入本境楊龍喜旣起雲貴總督羅繞典率滇軍來黔巡撫蔣爵遠等遷延畏葸以致不可收拾兵部侍郎王茂蔭適奏請飭胡林翼自湖北星馳入黔辦理軍務且請由四川湖南兩省添兵籌餉以弭戰禍會爵遠亦請令林翼選帶所募精練並於湖南近黔各營挑派勁旅千人統帶來黔幫辦軍務清廷以林翼帶兵湖北軍事孔棘未可離鄂因令湖南巡撫駱秉章由湘派精兵一千名迅速赴黔並令四川成都將軍樂斌將綦江合江防堵之兵改守爲攻合力兜剿是爲咸



同貴州軍事鄰援之始茲分述之

四川援軍 咸豐四年十月四川成都將軍兼署總督樂斌既奉清廷諭令改防爲剿因遣署按察使曹澍鍾重慶鎮總兵阜升相機進取十一月四川提督萬福更率川兵至仁懷縣之天池水十二月十六日進復桐梓縣城翌年四月以兵多疾疫撤回十月爵遠又請飭四川參將蔣玉龍率川兵來黔會剿六年正月四川提標游擊參將傅崑率川兵一千名至貴定八月樂斌再遣參將鍾琦率川兵千名來援爵遠令隨玉龍防剿鎮遠七年續調援黔川兵至貴州提督孝順軍八年二月四川總督王慶雲奏以阜升防綦南綏甯協副將鄒鸞章防酉秀徐圖移剿九月川兵之自南川進者破乾洞子自綦江入者老頓乾木埡不進復以綿州知州毛震壽會鸞章防酉秀十一月綦南川兵破飛梯巖難民避兵穿眼山等處者多誤死遽還軍九年十月四川彭涪黔防營前任陝甘固原提督孔廣順候補道程理潤等改防爲征分東西中三道並進遣城口營都司吳毓光開復守

備張正倫等先攻巖寨十年克緡水川軍罷回四川總督曾望顏以彭涪黔肅清而貓貓山事方劇西秀軍毛震壽等久無功復檄黔彭營都司譚健率千人往會同治三年六月川邊防軍會援松桃十月雲南布政使劉嶽昭因帶湘軍躡石達開入川川督令檄副將賀連璧破仁懷白雲寨四年四月四川總督駱秉章奏以嶽昭率湘軍自合江援黔嶽昭先遣總兵李家福率五營自南川規正安自率諸軍次松坎爲聲援八月何行保自新站入綏陽九月在川湘軍副將劉鶴齡率湘軍二千繼嶽昭出趕水攻松坎桐梓十月四川復遣耀安營總兵成耀星副將潘長青等來援十二月川軍至仁懷廳五年正月川軍周達武率軍擊破仁懷四月嶽昭以克綏陽新授雲南巡撫將回川以林肇元李家福統軍駐遵義巡撫張亮基以事有可爲奏留嶽昭清廷令嶽昭將黔西大定畢節收復再行赴滇七月秉章會成都將軍崇實奏以嶽昭全軍剿辦仁懷黔西畢節大定又以遵義獨定桐梓何元易猶據油羅口檄丁憂四川候補知府蹇閻率永安



兩營駐遵義以副將唐大有振武三營何行保忠字一營仍歸閩節制檄升用提督成耀星率耀安二營移軍松坎會辦九月二十二日清廷復令嶽昭由遵義馳赴安順興義郎岱一帶節節剿洗六年二月亮基奏請飭嶽昭暫駐貴陽助剿上游以重根本三月川北警唐大有振武三營回川十月秉章令川防之安吉忠字營由川入黔與遵義防兵合力先清廟壩等處再與湘軍合力夾攻荆竹園巡撫曾璧光亦籌兵與川軍兩路夾攻並防省垣達武新授貴州提督秉章奏留在川十二月四川將軍兼署總督崇實以達武須在川奏派四川候補知府唐炯選帶八營並增募千人由綦南出境轉戰而前又飭四川候補道劉嶽曙於嶽昭所帶果復營中挑選精壯二千八百人歸其統帶駐防黔西平遠北防水城南截烏江兼爲省垣聲援七年三月統領援黔川軍四川候補知府唐炯以總兵劉鶴齡自綦江先進炯黔人有守有爲鄉里知名深悉亂由迫脅不欲多殺以要功令鶴齡沿途收撫四千餘寨初十日鶴齡抵偏刀水十二日炯亦至



嶽昭旣以璧光之奏請留黔收拾龍貴頓軍數月因滇事亟以二千八百人付嶽曙留防黔西自赴滇去四月炯請檄防涪南之總兵成耀星副將熊英豪參將劉順堂等易防爲剿七月炯主張嶽曙等移駐清鎮修文並應諸道並進清廷因令川湘援軍歸會璧光節制八月崇實復檄記名提督陳希祥以二千餘人援安順檄嶽曙移防清鎮黔西八年正月陳希祥正謀規上游川督檄令迅率所部赴黃平與炯會剿因炯提孤軍深入苗疆地闊兵單下游情勢較爲重要也平遠事則付成耀星嚴密布防二月唐大有駐楊老固川軍後會雲南調大有去川督檄希祥接代黔西防務仍付耀星耀星復以病退而以記名提督成鼎臣代辦五月唐炯以軍中疫癘大作死亡日多餉餉旣艱鉛丸且竭請斂軍分扼黃平重安俟秋涼瘴退再大舉深入十二月擬俟湘軍進規約同先清施黃再分兵守巖門螃蟹屯因遣劉鶴齡分兵出清平據下司自銅鼓擺仰而下約湘軍自施洞口而上以規州台九年正月崇實及川督吳棠以總兵梁安邦率兩營

代成鼎臣軍三月炯請黔軍牽制都麻俾得深入棠以炯爲停兵糜餉趣進戰六月棠忽令炯先汰羸卒並通籌全局此時棠主罷兵節餉全撤川師月協貴州五萬歸黔自辦炯則主張挑留十營選派將領分布烏江諸隘徙平甕遺民填實北岸就地耕作掘河而守一年之後黔局稍定再爲遣撤七月清水江北岸肅清璧光歉炯之專遏糴不與炯亦以軍中疫重糧竭請移師休息就糧待撤十六日檄諸軍分由地松楊老撥退以鄧錡及成忠率六營劄甕安縣城以向長曙等十六營並安平兩營劄牛場自率三營劄興隆堡俄十九日希祥軍潰於清平苗衆勢復張璧光因揭參炯爲進退自由大局弗顧旣不稟川咨會又不俟軍接防退劄內地奏入清廷雖令崇實吳棠嚴飭炯迅速進兵顧不滿於吳等省餉撤兵炯至是請解兵聽勘舉貴州提督周達武自代十二月棠約璧光令貴州提督周達武馳赴本任接辦唐炯軍務月撥的餉以圖補救且給與幫辦軍務名義以資統率並請准與璧光會銜奏事閏月十七日貴州提督周達武率



川軍六千至平越接防唐炯遣撤各軍迄回川計炯所部安定果毅二十五營年需餉七十五萬六千兩十二月梁安邦撤回川十年何行保奉調回川九月達武奏調陝西漢中鎮總兵李輝武來黔輝武至川棠留之別遣提督胡國珍總兵文德盛各率一營入黔十一年七月達武以川軍六千之外選留黔軍及陸續增募已至三萬餘人餉項無着十二年十二月達武率所部川軍十二營回川清算積欠給軍遣散此川軍援黔經過之大略也

湖南援軍 咸豐六年正月湖南巡撫駱秉章派鎮筵都司侯光裕守備田宗蕃舉人吳自烈率楚軍援黔至銅仁二月克復銅仁松桃代守銅仁城至七八月之久七年三月秉章遣甘肅參將萬年新援黔至靖州病訓導丁際可會守備熊興柏等移軍靖州西六十里之糾坡復不進至是再遣直隸州知州兆琛率龍勇八百人並同知吳自烈率鎮筵幹勇赴靖州錦屏鄉旋收復錦屏永從等處將議撤霹遠咨請秉章暫緩撤兵八年九月湖南復以副將田興恕援黔軍至



局同貴州軍事  
黎平西南五十里之潭溪司更檄前寶慶知府張由庚參將田宗蕃  
援黔九年三月興恕自黎平撤回四月楚軍正剿唐家營以寶慶被  
太平軍圍困撤回三千人往救五月兆琛亦以湘事亟奉檄撤回十  
月湘事少紓復遣都司周洪印同兆琛來黔鎮遠十五日洪印至焦  
溪十一月爵遠奏請飭興恕來黔十年二月興恕奉督辦全黔軍務  
之命自鎮筵統虎威全軍進至銅仁閏月秉章咨貴州巡撫海璘催  
鎮遠知府入守城將調兆琛移駐晃州貴東道韓超稟請轉咨緩撤  
十月洪印兆琛卒以靖州警撤回十一月天柱團失利湖南黔陽縣  
遣托口防軍來援十一年六月湖南辰沅道陸傳應率游擊侯文炳  
吳永清以千人援至銅仁大興場同治元年楚軍周洪印戈鑑援至  
銅仁辰沅道兆琛復以千五百人發沅晃進援五月洪印以晃州警  
撤回七月邛水汛城復洪印等亦由晃州且戰且前往趨天柱城復  
二年五月駐大興場游擊田宗營援至松桃七月宗營洪印以楚警  
回十月黎平乞援洪印遣李金榜等先後以千人至三年正月洪印

至黎平二月湖南永州鎮王永章等率軍先後至黎平旋進王嶺汛旋永章洪印回湘四月興恕以四百人援松桃六月總兵保慶出正大營援松桃十一月洪印敗於玉屏之寨頭旋回駐防楚邊之湖南總兵田宗揚不及救玉屏之陷五年四月湖南巡撫李瀚章奏派新授貴州布政使兆琛帶兵來黔五月前浙江按察使李元度自湖南率貴字四營援思石六月兆琛總辦下游軍務自沅州至邛水會洪印天柱軍剿清江台拱六年十月湖南巡撫劉琨奏參兆琛日久玩生以席寶田代之十六日兆琛遂率諸軍由邛水回湘檄吳自發分屯青思印三地寶田軍方至沅州十二月十一日寶田軍至銅仁布署既定自率七千人赴荆竹園七年閏月元度撤軍回湖南五月寶田丁憂自寨頭回以軍事付安徽道員葉兆蘭九月兆蘭遣軍擊九大白等二十四日寶田還至寨頭工部侍郎石贊卿奏請裁減湘軍移月餉十三四萬濟黔清廷令貴州巡撫曾璧光議復璧光請緩撤十二日琨復奏遣記名按察使黃潤昌江西卽補道鄧子恆率楚軍



援黔會寶田於寨頭二十八日軍至青谿八年寶田遣軍分剿寨頭巴野略盡旋以軍多疾疫以軍事付提督龔繼昌代理略事部署待秋涼再舉乞假三月回籍旋以黃飄之挫楚軍斂守下游軍勢爲之一頓十二月寶田假滿爲前規劃分劄各軍軍少乞湘撫增募十六營旋馳至寨頭軍九年六月初七日寶田以巖門北岸略清以天暑疫作不能進取仍以軍事付繼昌等即日回沅州去九月十六日寶田還至沅州部署諸軍十月寶田將規台拱十一月湖南巡撫遣營務處候選道張自牧視師十年五月寶田以風痺乞假回沅州諸軍亦以暑瘴停兵八月御史張灃奏寶田一年每歲需銀二百餘萬兩頓兵六載費至千餘萬請調應援全軍半回楚省自固疆圉援黔軍餉請令湖南覈算再於兩廣四川湖北江南江西等省釐金酌量撥濟清廷以鄰援正資得手不得半途撤退時楚軍正克雷公山十月寶田請假回籍就醫軍事仍付繼昌等十一年四月湖南巡撫王文韶繪苗疆地圖奏捷清廷令委候補道陳寶箴攜銀三萬兩馳黔撫



卹十五日湖南統領清字營卽選道戈鑑病沒台拱以湖南候補知府借署古州同知儲裕立領其軍七月寶箴自台拱放賑還湘以代辦苗疆善後五條言於文韶十一月鄧善燮亦陳苗疆善後十五事善燮自六日以來安插降衆萬三千人至是撤軍回湖南十二年文韶以疆苗日就安輯遂次第撤防

雲南援軍 咸豐四年九月雲貴總督羅繞典以親赴遵義督辦入奏拜摺卽行遣雲南鹽法道王成璐署楚雄協副將白人鵬先進五年四月桐梓事定撤還六月貴州提督孝順續調滇兵至鎮甯十年三月葉如松請調雲南開化鎮都司何占標由平彝會剿華家屯十一年二月雲貴總督張亮基病免道出畢節以尋霑營千總高應選率滇勇二百隸李有恆軍同治五年三月雲貴總督勞崇光奏以署布政使岑毓英督剿豬拱箐七年雲南巡撫岑毓英遣都司陳發昌等援興義由安邊進八年五月雲貴劉嶽昭遣副將張松林等率練千人毓英亦遣平彝練千三百人先後援至普安廳七月普安廳圍

解滇軍悉還九年二月雲南同知張旭中增募練千人自平彝來援興義縣十年四月威甯積衆楊紹貴等與雲南參將蔡標有隙復叛嶽昭以副將屈洪泰等來撫不受撫七月嶽昭復遣副將吳奇忠等至威甯剿辦紹貴等十一年正月璧光咨請嶽昭毓英遣雲南鹽法道沈壽榕等軍二千進興義副將劉占宏等進普安會辦回衆

廣西援軍 同治二年二月廣西西隆州知州陳錫藩率練出西隆上捧圖踰境規興義九月回軍十一月興義府知府孫清彥圖復府城約錫藩及千總韋士良駐坡燕相犄角三年廣西巡撫張凱嵩以撫標參將楊廷桂率七營來會到黎平二月陳韋以粵警回廷桂率軍出羅城經慶遠之宜山恩恩赴荔波以幫辦副將黃仲慶先馳至九千六月廷桂以軍多疾病旋撤退蘇萃超募廣勇出西隆州圖由冊亨規興義十一月貴州巡撫張亮基檄廷桂由古宜移剿黎平三洞廷桂遣游擊孔憲隆進次播陽四年三月廷桂復率軍進次黎平長春堡六年三月廣西提西馮子才進剿荔波疏黔粵大道先遣副



將何元鳳參將宋福慶等進取黎明關自率參將劉玉成游擊黃興仁等出板寨四月子才督元鳳等復荔波縣城子才促黔軍接代亮基奏請子才督軍將荔獨一帶一律掃平不宜徒復虛城便稱凱旋五月子才以南丹小警遽回元鳳進剿九千檄黃清源會清源至馬場元鳳旋被議去軍多散走副將孔憲隆來領其軍駐牛洞至是九千益張亮基數乞援憲隆始遣參將吳開運等赴援八年四月廣西復奏遣新大協副將潘其泰率三營會憲隆進圖荔波九千初十日會軍茅蘭場六月憲隆其泰以粵邊警回援七月其泰自荔波撤軍憲隆亦回防暫以都司劉貴榮等防九千九年六月清台苗侵入廣西界廣西副將黃仲廣何元鳳等擊敗之進軍葛亮署黎平府知府倪應復請留其軍自葛亮進古州期與獨荔諸軍會黎平黎平東南有粵軍西北有楚軍可以久安

咸同貴州之底定鄰援之關係極大下游則湘援上游則川援之功爲不可沒黔中當局能力所及僅在附近各州縣故湘軍收復下游



各地恆代守城池統率川軍如唐炯者則往往不復關白焉

第二十章 死事及有功者之紀念辦法

二十年中全黔糜爛關於當時所謂殉難死事之官兵不遑作詳細之調查與表彰雖時有奏報而挂漏殊多非復如沿江各省之隨時作忠義之採訪也及同治四年巡撫張亮基始會同安義鎮總兵趙德昌捐廉購料在貴陽東南十里之圖雲關建造蓋忠樓祀歷年陣亡將弁兵勇同治六年三月亮基又以黔省昭忠祠向設貴陽南門外數里地方遠外郊坳規模狹隘歷年來員弁兵勇之死事者以千萬計未能一一設位附祭且死難者家屬困苦無依半多流爲乞丐傷心慘目莫可名言乃就老東門北隅堰塘坎地方有貴陽府入官房屋一所率同司道籌款捐廉庇材鳩工改造修葺修正屋三楹添造東西兩廂以死事者總木主設於正屋之中陣亡文武官紳各具木主附祀左右其餘兵勇團練及殉難婦女各別男女分祀兩廂春秋二季與昭忠祠同一致祭名之曰慰忠祠又於祠之西偏建房一

院前後六層名之曰忠裔所以居死事者窮無所歸之家屬按時資助正屋之後設館延師以教死事者之子孫名之曰忠裔塾一切費用查絕田逆產以資之更由亮基等籌捐以益迨光緒十一年丁寶楨總督四川時更奏請建昭忠祠於貴陽城南雪涯洞之側祀寶楨與唐炯援黔之軍之死事者此咸同貴州軍事之役對於陣亡死難者之報饗辦法也

至有功之得建專祠者詔令雖見明文卒以不暇及此遂至擱置者亦多有之趙德光祠則以其盟兄趙德昌挺身主持之故今貴陽城中三浪坡趙剛節公祠尙巋然存在至饜人心張亮基張公祠在東門外九華宮內曾文誠公祠在四川會館黎文肅公祠在湖南會館惟斯數者頗爲民意之所寄云

### 第二十一章 糧餉徭役徵發時人民之哀號

咸同貴州軍事期間糧餉之徵集不殊竭澤而漁民間之擔負旣無限制復無一定辦法上下相蒙變本加厲其苦何可勝道哉人民之



婉轉哀號於其下者將二十年當時詩人作品因多不平之鳴鄭子  
尹珍有南鄉哀經死哀刑紳哀三首尤爲慘戚南鄉哀云提軍駐省  
科軍糧縣令鼓行下南鄉兩營虎賁三千士迫脅富民莫搖指計口  
留穀餘助官計貲納金三日完汝敢我違發爾屋汝敢我叛滅爾族  
旬日坐致銀五萬秤計釵鑊斗量釧鳴呼南鄉之民哭訴天提軍但  
聞得七千經死哀云虎卒未去虎隸來催納捐欠聲如雷雷聲不住  
哭聲起走報其翁已經死長官切齒目怒瞋吾不要命祇要銀若圖  
一死卽寬減恐此一縣無生人促呼捉子來且與杖一百陷父不義  
罪何極欲解父懸速足陌嗚呼北城賣屋蟲出戶西城又報縊三五  
刑紳哀云文紳繫牢髮一尺武紳坐獄面深墨此虜守財勝鐵牛明  
日請看死豬愁問爾得何罪祇爾無財亦無罪問爾何深讎祇爾送  
錢亦無讎雞飛狗上屋田宅賣不足搜盡小兒衣無人買誥軸嗚呼  
白金入手鐵籠開未至一日出者埋此在凡有人心者無不髮指也  
此外珍與唐炯蕭光遠梁一誠等詩之詠此事者尙多如餘生能有



幾賊去官來掠謂言供軍需賊滅汝安樂肉盡瀾可療忍痛何難割  
但恐仍舊年徒然飽谿壑何來吏叩門雞飛狗上屋聲言符牒下按  
戶抽軍穀流人何處辦脫我身上服軍需更操切箕歛及釵縱教粟  
二百年浮費一剗空賊梳練更繫人民憤填胸民食耗於軍更爲賊  
所擄那有米足炊並無菜堪煮食殘梧桐皮剝盡枇杷樹糠粃及粉  
泥隨取塞餓肚一官甫下車四里未登穀排隊向中田搶糧日不足  
甯甘送賊酒千觥不願助官一斗秬順賊寡取官取盈愚民顧利不  
顧名賊之焚掠有漏戶練所搜括七箸殫朝食米百筐暮食米百筐  
此則製軍裝彼則犒豬羊賊來尙可避兵來不容藏穀米刮盡民飮  
糠朝朝比戶責輸米夜夜登陴如戍屯處處聯團屯要隘朝朝挽粟  
督窮民賊徒至郡下科歛已二旬何責愚民輸戶米坐看海國是雷  
台近聞仁江上募米漸東出青蛇越三國行卽履我闔城中設大局  
捉人勸輸將詔書令核常住田一僧三斛養一年餘穀盡輸作官用  
官爲護調於其間但過十石十抽五常平縣倉侍補填但惜官之所

能獲幾何貓翻甌盜狗飫多要千誰敢九百九屢次軍需稱樂捐曾  
是以爲樂民之樂否

其寫釐金之苛擾者如巢經巢詩之抽釐哀云東門牛截角西門來  
便著南門生吃人北門大張橐官格高懸字如掌物物抽釐助軍餉  
不論儂歛十取一大賈盛商斷來往一叟擔菜茹一叟負樵蘇一嫗  
提雞子一兒攜鯉魚東行西行總抽取未及賣時已空手主者烹魚  
還瀹雞坐看老弱街心啼噫吁噉買東布者不能得一匹羸售蚪鹽  
者不得贏一升釐金大抵恃商販欲入閉門焉可行村民租銖利有  
幾何況十錢主簿先奉已縱得上供已微矣乃忍飼爾餓豺以赤子  
害等邱山利如米嗚呼貫率括率有時可暫爲盍與桑兒一再心計  
之

寫徭役之苦者如龍溪草堂詩鈔之拉夫行云瘡痍未復腹不飽清  
晨出門吹欲倒謀生不得稻梁歸忽遇豺狼當大道拔刀怒目驅之  
行今日大兵方遠征爾輩應作犬馬走壓肩行李猶嫌輕鄉民伏地



放聲哭待死殘息委草木嗷嗷數口不足惜病骨安能任行役兵人  
咆哮刀光起風馳電掣數十里可憐一路鷓鴣啼無限鄉民馬前死  
吁嗟乎山中鼠竄豺狼多出門又遇兵人過天寬地闊無避處民兮  
民兮將奈何

以上所舉十未一二已甚慘酷非人理要皆人民疾苦哀號之聲特  
憑詩人之筆以寫之耳

### 第二十二章 散落之劫灰

咸同時代貴州民衆所遭逢之浩劫豈惟空前所未有抑亦當時被  
兵各省之所無也近世之言慘變者每以揚州嘉定爲言其實揚州  
嘉定兩役爲時甚暫非若是之普遍長久也居今日而欲溯其實况  
誠無以概其全體僅能就劫灰之所散落者見其巖略焉而流離之  
苦死亡之衆飢疲之慘戰爭之酷疫癘之盛軍法之苛軍功之濫官  
爵之賤皆此二十年間之特產物也卽以鄭珍莫友芝張日崙諸賢  
之詩而論已多傷感之作



其寫流離之苦者如記清平輿夫語云清平圍三年糧絕至食人食人逾百日十月歲丙辰初十之夜子苗火乘高垣霜鋒晃大炬灑血如翻盆疲民抵虐燄誰不刀下魂哀哀卅口家瞬息同灰塵負母墮積屍誰知尙生門扶攜瞰宵遁冥茫犯荆榛那識登頓惡但畏虎狼聞西來幸遠賊并日乏一殮在昔列大肆輕肥耀鄉鄰負擔豈所習終朝幾顛掀飢寒長筋力漸已能苦辛辭甕靡定居風鶴仍驚奔故鄉尙蒿蓬我伐何時伸飄搖母子兩終恐溝壑填轉恨陷城日胡爲留此身餘生苦云黃塵莽莽戰場闢天昏地慘鬼神泣有客搔首不勝情痛哭流涕長太息居民大半死干戈虎口餘生餓殍多縱使脫命亡川楚喪家之狗能幾何蓬蒿塞滿城鄉路老馬不識途何處萬家煙火瓦礫場剩有殘黎巖穴住烏鴉成陣豺狼驕暴骨滿原肉盡消世門有土無人葬遊魂夜哭風蕭蕭鳩形鵠面誰家子氣息慙慙病欲死側目見有長官來伏地哀號淚不止哭訴頻年苦遭劫家鄉無處非盜賊大火燎原成赤地更有官軍害更烈賊過如梳兵又篋

土匪猖狂直如剗可憐脂膏剩無多又爲團長刀割碎倉皇無路訴  
冤苦幸覩長官民父母呼天籲地聲慘然冀救餘生出網罟我聞此  
語心忡忡怒髮直指冠上衝盜賊可除兵可戢團長之禍將安窮幾  
時世運轉紅羊天忽回心救此方使我借得上方劍舉手斬盡山中  
王移民哀云樂安上流六十里避賊移民去如蟻經巢一叟攜老妻  
亦雜其間溯江水人多徑窄時不通十步徐行九步止嗚呼樂安戶  
口能幾何一路且然想空矣若賊初來侵我疆但集此路幾里之逃  
吐縱不殄除亦驅出何至乃爾誰實貽之殃傷心哉鄭令推去樊守  
來苴裘當門揖且開團局奴趨楊總管令守父事田欽差外邊賊日  
規我肉內間只解抽釐穀樂安民窮歲禦賊偏又今年旱乾獨有者  
全輸煬火糧無者苦抱銀鐺哭山團旣破潰壩團鑼擊碎督禦自攜  
糧百呼無一至守土經旬如未聞局司團長皆潛奔百里連山賊紛  
下顧此散衆安能軍噫吁噉樂安殺賊素有名遵義所恃爲長城前  
年賊及禹門山斫賊如瓜不聞聲秦營楊營費鉅萬半歲不聞出一



兵去秋樂安三百丁一日龍水破九營不因秦令阻越境那許塋山  
遺蘖萌一誤復再誤春來賊飢不可度草根食盡食人肉大疫復行  
尸滿谷樂安策期誓滅賊更莫放令及秋熟不費官家半錢及粒米  
亦不望論功告身一張紙但求不科擅舉罪使衆安眠事耘耔老夫  
當時生熱腸萬言指畫言之詳豈知殺賊必官練謔謔反笑余風狂  
到今樂安一片賊令守受替方屏當歎息徒令百姓苦君門天高奈  
何許北風吹日江水寒女躓兒顛號滿路嗚呼萬家逃去將安歸但  
活一朝父子忍死莫相離

寫死亡之衆者如老馬行云老馬慣識天涯路底事出門多却顧風  
起時聞碧血腥草深常見白骨露徘徊輾轉不敢行怕有豺狼當道  
遇僕夫太息前致詞長官那得知其故黔南兵火二十年殘肢斷體  
渾無數彼蒼豈忍殺人多毋乃國法所不忍請看道旁橫死人更比  
豺狼尤可惡收埋枯骨云天地好生人爲貴殘肢斷體何可廢自古  
戰場屍滿原亦築京觀昭慈惠十餘年浩劫過殺人滿地白骨多至



今四海煙塵淨積骸恨無馬革馱安得持畚走天下埋齒掩骼成山坡  
坡黑夜當有青燐出嗚嗚鬼聲同笑呵我輩魂雖限異域幸免拋露  
豺狼拖賴君一念仁枯朽感激能無淚滂沱

寫飢疲之慘者如黔省飢民爭食人肉駭目驚心感而作此云殺人  
滿地屍磊砢豺狼飽嚙鴉爭啄肌膚慘變形色惡血腥臭甚腐絡  
見者欲嘔心駭愕何物餓殍死復作顛倒匍匐來溝壑欲過屠門恣  
大嚼赤手恨無寸刀割橫吞浪齧齒欲落自項及肩兼及腳粘皮帶  
骨爭相攫肉味甘香豕不若撐腸一飽樂復樂人生亂世悲老弱人  
不殺人誰救藥願得屍骸滿郊郭化作豐年大收穫吁嗟狗馬得天  
薄豈忍同類相賊虐試將片肉當前掠狗馬無知亦踉蹌未必人心  
獨喪鑿哀哉腹內空無著甕安城外一飢婦欲割病民而食爲牧童  
呼救乃遁去云破瓦堆中斷垣底時有殘民病不起氣息慙慙止一  
絲幾希鬼道無人理忽逢飢婦蹣跚來兩鬢蓬鬆雙足跣鳩形鵠面  
眼昏花斜視病民垂涎喜手執鋼刀五寸長欲割不割進復止一身

肥瘠私較量手足之外肉無幾拔刀將下病民醒呼救無聲惟死耳  
不意牧童偶見之披髮狂奔叫不已村人未集婦已逃病者魂消顛  
有泚翻使膏肓疾頓失失馬塞翁安料此乃覺萬事總由天人生何  
用談生死餓四首云鄰里原來熟相逢認不真形容枯近鬼問答語  
無神素有中人產今無一飯親又聞吹角晚呼促站牆頻一石償五  
石惟圖顧目前貪民知過利砦主已開先時價配新糴美聽無息錢  
乘時當致富持算亦由天處處人相食朝朝耳駭聞棄尸旋剩骨過  
七始名墳<sub>下缺</sub>神農嘗贖草富媪妄生苗平日牛有吐今時鼠並燒  
初陽整野岸細雨洗溪橋誰放輪班者中多兩日枵  
寫戰爭之酷者如戰場云雲氣模糊衰草黃塵沙黯淡日無光天外  
黑風拔木起蕭蕭戰馬鳴秋霜雷奔電掣旌旗靡喧天鼓角聲惶惶  
馬蹏一踏陣雲破殺人滿地尸骨僵頃刻煙消鳥獸散空山日落天  
蒼蒼羣鴉爭食肉未盡殘肢斷體供豺狼一坏之土不可得馬革雄  
心空激昂磊磊落落誰家子花染紅塵骷髏香石上血痕久不滅青



苔綠蘚生寒芒熒熒化作燐火出鬼影瞳瞳翻夕陽遊魂夜半鬼聲  
起天涯何處覓故鄉英雄勇敢貴無敵拔山蓋世今何常我亦十年  
戎馬客觀此能無心感傷偶然望天歌一曲颯颯陰風吹戰場毛髮  
倒立齒交戰鬼聲嗚咽何悽惶回頭上馬加鞭走一夜夢魂入大荒  
弔戰場云萬山風起葉落秋瘴雨含酸雲撲愁天陰衆鳥巢林休月  
黑青燐螢火流是誰夜夜戰場遊恍惚鬼哭聲啾啾似爲白骨無人  
收豺狼爭噬鴉相仇無限遊魂泉下憂在昔豪氣誠赴赴故從戎馬  
立勳猷一朝勇往同梁周拍馬揮戈死不謀奮身前進已無頭哀哉  
壯志覓封侯只望姓名聞九州圖畫凌煙閣上留無那此願徒悠悠  
冷落空山如古邱那得人間土一抔荒煙蔓草鬼爲儔魂魄翻爲庸  
衆羞借問轉輪道士囚再生猶爲勇士不殺運云賊如梳兵如篦土  
匪直如剝更有團練凶殺人如草等兒戲尸骨撐天血滿地生靈久  
已無生氣愚賤有何辜大劫不能避新鬼號冤故鬼哭乾坤慘淡魂  
猶悸傷心哉何處可招魂且把生人直當死人祭



寫疫癘之盛者如疫三首云始砮三千戶經年一半無兵戈雖藉免  
疫癘更難逋著病多三日昇尸或兩夫傷心臨絕際妻子共模糊太  
息防偷砮宵陣未敢疎巡呼終夜裏寒暑一年餘重以勞耕鑿兼之  
茹草蔬病來安不死醫藥况粗粗親鄰垂喪盡屈指一潛然欲活真  
無地何辜只叫天自春餐夏草撐命待秋田空及高低熟無人薦墓  
前

寫軍法之苛者如殺二首云滅等投江便偷升斬首隨月潭龍改穴  
風岸犬爭尸現罪甯當死羣情亦有私終宜崇任恤天地亦含悲各  
衛妻孥命情通孰不親稍違視軍法偏苦必顛民日落寨公起月斜  
花戶呻令嚴休妄語盡力得安身

寫軍功之濫者如東家媪云東家老媪六十五日指其夫詈還數當  
年自比朱買臣今日窮無一棺土赫赫軍功鄰舍郎生時曾爲煮蘭  
湯役門轉眼士門貴但看人尊新嫁娘卽云功成賊未見勝似牽被  
覆頭不出面卽云主案舞上臺勝似未嘗見有顯者來豈少金夫惜

衰老苦隨雞狗終身哀嗟汝老媪莫長怨到憚恥以取高官此翁正頗重聽亦何傷不見太公齟齬師文王

寫官爵之賤者如西家兒云西家小兒年十六抱書過門訴我哭不憂所學終無成但恐學成空一生州家久罷童子試鄉貢長停鳴鹿聲處處賣官賤如土阿爺只識求科名同學去年猶乞相今日巍巍八擱上榮身何必在讀書學作貴人吾豈讓雖云人多缺少取償難但折十牛終是官雖云丈夫致身貴選舉十科舉人已空苦有子留金焉用爲勸說宜從丈人所嗟汝小兒休歎呻孔孟固應避錢神便嗟汝爺排上兌祇今三卯正需人

第二十三章 擊鼓聲中光焰萬丈之貴州著述界

貴州建置較晚文獻落落莫自漢之尹珍從許慎受經書圖緯學成還鄉里教授實開貴州講求學術之先河明王守仁謫龍場風氣爲之一振後之以經史詩文鳴者至不乏人清初貴陽周漁璜起渭負經世之學挾天之才於詩之一道瑰偉特出冠於一時當時之京師人



文極盛若姜西溟顧書暄湯西厓毛奇齡諸人傲睨文壇吮墨懷鉛之徒率不敢望其項背起渭異軍特起拔戟成隊姜等至是相與斂手歎服江都史蕉飲贈詩有孰與夜郎爭漢大手攜玉尺上金臺之句若是乎其傾倒之深也文淵閣大學士陳廷敬予告陞辭康熙間當代第一詩人廷敬曾舉起渭以對此於當時足爲黔人張目乾隆中安平陳定齋法以真品實學受知當世著述甚夥四庫全書曾收及之自是厥後時有聞人迨道光季年歙縣程春海恩澤督學黔中訖揚許鄭之學獨山莫猶人與傳教授遵義更日以樸學倡其徒教其子弟風聲所扇四方景從而人才輩出適湖南賀藕耕長齡巡撫貴州亦以文學經術爲一世倡掇拾文獻訪求闕失復檄各府廳州縣纂輯志乘一時著書講學蒸爲習尚烽煙燧火不足以撓其勢瑣尾流離適足以工其詩爲鄭子尹珍莫子偲友芝學究天下識通古今著述之宏富義理之深醇在有清一代之著述界占極重要之位置天下交稱鄭莫江山文藻蔚爲一省之光當兵戈擾攘之中戎馬



倉皇之際貴州之著述界乃如火如茶光焰萬丈焜耀西南爲前此所未有亦鞞鼓聲中之特點也軍事旣起全省徧遭蹂躪至今各地方史乘尙有可攷者長齡督飭整理之功爲不可沒一若逆知大難之將興豫作一度之檢點者蓋亦奇矣茲將道光季年至同治十二年以前黔人之著述就所知者分舉其目如左以見一斑焉

莫與儔有 貞定遺集

黎 洵有 鈴石齋詩鈔 大姚縣志 千家詩註 四書纂義

讀史紀略 北上紀程 運銅紀程 農談 素問集註

史勝書有 秋鐙畫荻草堂遺詩

戴粟珍有 對牀聽雨詩室詩鈔

唐樹義有 夢硯齋遺集 夢硯齋遺詩

孔慶齡有 體訓堂遺詩

鄭 珍有 遵義府志 母教錄 巢經巢詩鈔 巢經巢文鈔

播雅 輪輿私箋 汗簡箋正 說文逸字 說文新附考

鄭學錄 其未成者尚有 說文大旨轉註考 說文諧聲

釋名證讀 深衣考 說隸 世系一線圖 親屬記 老子

註 先秦古書讀 巢經巢癡語 無欲齋詩註 危語

莫友芝有 黔詩紀略 遵義府志 聲韻考略 過庭碎錄

邵亭詩鈔 樗蘭譜註 唐本說文 木部箋異 其編訂未

竟者尚有 邵亭文影山詞 邵亭經說古刻鈔 書畫經眼

錄 宋元舊本書經眼錄 舊本未見書經眼錄 資治通鑑

索隱 梁石記

陶廷杰有 陶文節公遺詩

傅壽彤有 澹勤室詩 孝經述 古音類表 孔庭學裔 汴

城籌防備覽 歸德塞堡圖表 湘灘別志 十六國春秋年

表 吳越游記 吳越歸程記 澹語 真靈篇 古文辭

傅氏庭訓

楊文照有 芋香館詩

蕭光遠有 鹿山先生全集

李蹇臣有 守拙齋詩鈔 守拙齋訓語

李寶堂有 格致編

趙鳴枝有 愛魚堂稿

楊培國有 醉墨齋詩稿

徐元禧有 周易理揆

黎愷有 石頭山人詩鈔 石頭山人詞鈔 教餘教子錄

黎兆祺有 息影山房詩鈔

黎庶燾有 慕畊草堂詩鈔 依硯齋詩 琴洲詞

馮正杰有 野人堂詩集

黎兆勳有 侍雪堂詩集 石鏡齋詩略 葑煙亭詞鈔 詞林

心醉

黎兆熙有 野茶岡人學吟

汪光憲有 藕汀詩館詩鈔 十峯草堂詩鈔



王作孚有 金字山房詩稿

易為霖有 自省齋文稿

趙旭有 播州詩鈔 輯健為文學爾雅註 桐荃

黎庶蕃有 椒園詩鈔 雪鴻詞

石贊清有 釘短吟

黃彭年有 陶樓詩文集

蹇閻有 權彭平番援黔日記 諍廣雜著

唐炯有 成山廬稿 援黔錄

胡長新有 籀經堂文鈔 籀經堂詩鈔

鄭知同有 屈廬詩鈔

何亮清有 蒼漪山房詩稿

黎庶昌有 拙尊園叢稿

章永康有 瑟廬遺詩

廖景煜有 碧齡集 秋冷蟬吟 竹雅齋詩鈔 修竹軒詩鈔

癡吟小草 水雲山人詩鈔

謔德波有 古柏堂詩鈔

高以莊有 怡怡樓詩稿

鄭 璫有 悅均遺詩

宦□□有 播變紀略

此外咸同貴州文武職官中如韓超有南溪四種趙德昌有枕戈草堂詩鈔張亮基有退思齋日記及退思齋詩集黎培敬有黎文肅公遺集張日崙有龍溪草堂詩鈔其他之攜載歸橐但知其名未見其書者尙多也

### 第二十四章 軍事期間人口資產損失之估計

杜佑通典曰古之爲理在周知人數乃均其事役則庶功以興國富家足教從化被風齊俗一夫然後災沴不生悖亂不起是吾國自來對於人口問題之不忽視於此可見祇以方法不善不能得精確之結果寢至廢棄不特此也卽退而求較爲切實之間接材料如戶數

家屋數納稅人數等均苦無有至資產之統計尤難言矣

吾國對於人口資產之調查既向無可言今欲於咸同軍事前後之貴州人口與人民資產得一明瞭之比較當然為不可能之事因之對於當時人口資產之損失惟有估計之耳茲試估計之如左

據當時當局者之奏議函牘及其時之詩文稿什所載加之推測則貴州兵燹之餘所剩人口似僅三成

據乾隆六年之調查貴州人口為七百萬即使歷乾嘉道三時代而毫無增加則七成之死亡已有四百九十萬人所餘者不過二百一十萬不可謂非浩劫也

又據民國十五年中華郵政局之調查貴州人口為一千一百二十九萬一千二百六十一人即就此數內除一百二十九萬餘人為外

省流寓之數光緒初四川湖南會大移則此千萬人者當為劫餘

之三成人口所繁殖是則每成人口之繁殖數為三百三十餘萬人視七十萬為四倍強當時人少食物多百年之內有此激增實為可



能之事

近百年來美國人口增加十倍英國人口三倍俄國四倍德國二倍半見許士廉中國人口問題

由是觀之貴

州如不受咸同軍事之影響本此七百萬繁殖之力則貴州今日之人口當為三千餘萬幾可與山東河南抗衡其繁榮為何如者據若

民國二十年二月內政部公佈之數貴州人口為一千四百七十八萬六千人則尤眾矣

關於人民資產之估計假令八口之家之公有資產為四十兩則每人平均為五兩是已死亡之四百九十萬人之損失數計共二千四百五十萬兩此於當時貴州人民之財力可不謂之重創乎況其實際必不僅止此數耶而二十年間國家賦稅之收入完全停頓據檔案所載貴州每年收入約八十萬兩是二十年為一千八百萬兩矣至於軍費一項消耗之鉅尤出人意表查四川湖南廣西雲南四省援黔各軍實際皆由各該省直接開支二十年間四川約三千餘萬兩湖南約二千餘萬兩廣西雲南各約二百萬兩共約六千萬兩貴州約三千餘萬兩是軍費一項已費一萬萬餘兩雖然此特就右之四項言之耳其他文化上之損失尤為不少黔自

建省以來數百年間人才輩出著述之豐富何讓中州其遭此役之摧燬與撕滅者何可勝計哉

第二十五章 軍費與軍糧支出之概算

軍興以來軍需收款專恃協饒捐輸釐金三大宗以支持危局然協饒不以時至且其時各省皆自顧不遑而捐輸之向粵鄂川湘魯豫等省設立捐局者又因各省皆同一奏請在各該本省以外設立捐局故收入有限釐金則徧地荆棘商旅阻滯難有起色其拮据情形可以想見此外挪移公款者則有司道庫存地丁課羨銅鉛硝本鹽變價各府廳州縣常平倉穀解存應交各款其收取民間者則有紳民捐輸釐穀義穀軍糧穀等款又有發給印票實收籌借之款二十年間搜羅已盡查光緒二年四月十五日黔撫黎培敬奏請存案覈銷歷年軍需支出各款係以咸豐四年軍興起至同治三年六月底止爲一案又自同治三年七月初一日起至同治十二年閏六月底止爲一案兩案所請覈銷者卽二十年間全黔軍事期間所支銀

錢穀米數目茲分列如左

咸豐四年至同治三年六月底止計請覈銷

寶銀 一千八百一十八萬七百五十三兩

鈔票銀 五十三萬一千四百七十四兩

大制錢 一十九萬二千六百四十串文

京石穀 六十四萬四千一百六十五石

市石穀 二萬七千三百七十六石

京石米 六十八萬六千九百一十五石

同治三年七月初一日起至同治十二年閏六月底止計請覈銷

寶銀 一千八百零九萬五千八百九十六兩

鈔票銀 二百三十七萬九百四十兩

大制錢 一千六百二十串文

京石米 一萬石

兩案合計共請覈銷



寶銀 三千六百二十七萬六千六百五十兩

鈔票銀 二百玖十萬二千四百一十四兩

大制錢 一十九萬四千二百六十串文

京石穀 六十四萬四千一百六十五石

市石穀 二萬七千三百七十六石

京石米 六十九萬六千九百一十五石

原奏有兩串石以下細數茲概省去以四捨五入法計之

右合計共請覈銷之錢穀數目卽二十年間黔省支出之軍費與軍糧但收入款項實止二千餘萬兩其餘均係積欠計

同治三年六月底止欠發銀 八百六萬一百四十一兩

同治十二年閏六月底止欠發銀 六百八十三萬五千零

七十九兩

兩共積欠發銀 一千四百八十九萬五千二百二十兩

查此積欠之數於光緒二年十一月二十七日經黎培敬據湖南巡

撫惲世臨奏例所有積欠一概不發實銀只作爲捐輸請獎本身實職升銜封典或移獎子弟或加廣各原籍學額中額而統帶援黔楚軍兆琛統帶援黔各軍李元度統帶援黔川軍唐炯等所需一切均係在川楚支領均未支用黔省項款

貴州當承平之時每年應收各省協餉七十餘萬以二十年計之共應收協餉一千五百餘萬今用兵二十年連各省扣借本省正支歸還借款失守無着統計在內又除積欠一千四百八十九萬五千二百二十兩實只支去銀二千一百三十八萬一千四百三十兩可謂樽節者矣

又查黔省各府廳州縣原額常平倉穀截至咸豐四年尙存穀一百六十四萬五千零四十四石合以溢額社義便民各穀共存穀一百七十一萬二千七百七十一石除以搭放兵饟暨軍需動用之外其銷於烽煙燧火之中者共京石穀八十四萬二千石云

第二十六章 咸同貴州軍事運動者之類別及其特殊之

歷史

咸同貴州之軍事蓋一混亂之運動也其運動者之類別可分爲三類曰漢族之運動曰苗族之運動曰回教民族之運動茲分敘其特殊之歷史

一 漢族之運動

當時漢族之運動除太平軍別論外要爲四種社會所形成一白蓮教一哥老會一游民一饑軍游民饑軍之作亂爲當然之事而白蓮教哥老會之運動則有其特殊之來源不可不一詳述之貴州當咸同間漢族之運動有曰齋匪曰緣匪曰黃號曰白號曰燈花教諸名目其名雖異其實則一蓋皆白蓮教之支流也

齋匪卽指白蓮教教徒而言白蓮教徒持齋奉佛後因擾亂治安乃稱齋匪又曰教匪白蓮教本秘密之教派其系統出於佛教之白蓮宗先是晉代有沙門名慧遠者結白蓮社其宗旨在皈依淨土後衍爲白蓮宗爲佛教中一大支派元時最爲盛行後漸生弊端作奸犯



科好貨謀利在所不免至順帝時紀綱不振樂城韓山童本其祖父所創之白蓮教煽惑人心後假借讖緯符籙焚香誘衆詭言彌勒佛後身河南江淮間愚民多迷信之自言是宋徽宗之後當爲中華正統之君主乃刑烏牛白馬誓告天地與劉福通等祕謀起兵用紅巾爲號事覺山童被擒其子林兒逃亡與劉福通聚衆十萬聲勢浩大尊林兒爲幼帝稱小明王據亳州國號曰宋迨朱元璋起始行銷滅然白蓮教之名自此起此後二百餘年當明代隆盛時代不聞其名直至天啓五年乙丑二五白蓮教又蔓延於山東直隸山西河南陝西四川等省有薊州人王森謂得妖狐異香自稱聞香教主其徒黨設大小傳頭與會主等名號後被捕庾死在獄其子好賢與徐鴻儒于宏志等奉行教義徒黨愈衆相約中秋日起兵消息洩漏迫不及待鴻儒遂先起事自稱中興福烈帝連陷鄆城鄒滕嶧三縣後被官軍長圍黨徒請降鴻儒被擒戮於京師臨刑歎曰我與王好賢父子經營二十年衆不下二百萬事之不成天也自此之後白蓮教銳氣

大挫明清興廢之間伏處未動乾隆時代於白雲派下嚴令戒禁而白蓮教又起

白蓮教教義自以祈禱唸咒可以治病號召一般民衆全是一種精神上作用在二三百年以前頗足麻醉人心乾隆四十年乙未七五

有河南人劉松者常秘密遣派徒黨至西南各省傳播教義仍以符咒治病爲名後經官府注意充軍甘肅其餘黨劉之協宋之清等仍布教於陝西湖南四川等省日久黨徒漸多以爲時有可乘宣言清運將終共推同鄉王發生冒稱朱明後裔煽動流俗五十六年事機敗露發生以年幼免死流於新疆獨劉之協遠逃嚴令搜索州縣官吏逐戶搜緝胥吏更借事威虐人民不堪其擾武昌府同知搜查荊州宜昌地方時株連羅織至於萬千富者破家貧者庾死當時川鄂黔粵困於征苗軍費又有無聊人民因禁止食鹽密賣與貨幣私鑄失業者多於是仇官思亂卽以荆宜作根據地將大暴動聶人傑張正謨起於荊州姚之富等起於襄陽孫士鳳徐天德冷天祿起於四



川張士龍張天倫起於陝西聲勢浩大有席捲西南之勢清廷初不  
介意今忽張大出於意外始於嘉慶元年丙辰七九六令湖廣總督畢  
沅都統永保彈壓湖北總督宜棉討伐陝西福甯英掃蕩四川然皆  
無成效永保督率大兵只敢尾追不敢近擊徒黨到處焚掠四方蹂  
躪全無忌憚荊州襄陽一帶被害極烈焚掠十八州縣通四川道路  
幾千百里皆被荼毒慘狀可知

當時明亮與德楞泰因有堅壁清野之條陳請多設堡壘堅爲守禦

嘉慶五年庚申八一〇。殺劉之協於北京七年壬戌八一〇。二經額勒登保

那彥臣楊遇春討平其餘黨從此之後民閒諱言白蓮教但根株終  
於不能絕滅隨時伺機發動貴州東北與川楚毗連成爲逋逃藪處  
處理伏種子及咸豐四年甲寅一八五四楊元保楊龍喜之變官軍疲於  
奔命各省亦當多事之秋實予此輩以絕好機會於是老教主劉儀  
順來黔主持輾轉附會萌芽頗多黃號白號燈花教緣匪等皆屬一  
類其主動力雖由於白蓮教之煽惑然實由於清廷種種措置過於



違反民意相激而成康熙乾三時代連連用兵耗去財力已足驚人故康熙時已開捐例又以乾隆六次南遊勞民傷財加增各省租稅小民負擔過重生計艱難人心思亂白蓮教窺透隱微互相號召揭竿而起符籙讖緯乃其工具與手段寓政治意味於宗教之中利用人民信仰宗教之觀念以達目的至其所以之煽惑人心者據杜陽雜編載同昌公主有疾召術士米賓爲燈法乃以香蠟燭遺之烟出其上成樓閣臺殿之狀因蠟中有唇脂故也愚民不知遂互相驚服至此類秘密結社之於清代尤別有作用考前清秘密社會多出於明季遺民有三祖教者俗謂白蓮教之支流又有無爲教檀香教諸色目每歲教民大會點蠟一次其法煎油於鍋以燭芯醮之彼此相傳大約取傳薪之意有望法船摸姻緣諸目行跡秘密非在教者不得入觀其事如何誠不可知有老儒施星渚曾入教數年出謂人曰明季遺民之所爲傳者失其意耳其教主每年各處一到收教內之酬費清廷曾搜獲僞印文牒會單確有不臣滿清之證其牒文年號

作大中國國字作囹不曰大清會單分作八卦似有部伍軍隊之意  
曰某隸某隊焉此白蓮教之大略也

至哥老會之緣起似在明末清初蓋當滿族入關之時殘酷特甚漢  
人苦其虐乃密謀抗拒時粵中有某姓乃創爲斯會以復仇除暴爲  
宗旨某姓凡兄弟五人長曰大爺次曰二爺次三四五爺五爺兼理  
庶務以大爺爲最尊所部無不奉號令者會中以兄弟義氣爲不易  
之箴言視若金科玉律或以爲其起源甚古化除階級制度誅除強  
暴保衛婦女禁止淫虐清釐血統會中首重服從命令扶持患難以  
三國演義劉關張爲模範會員之中品彙不齊有文士有官吏有富  
室有軍人尤以軍人爲多全會分五級稱曰門以仁義禮智信爲別  
略如五服之制一以排滿扶明爲志迨清廷無道政綱失御社會痛  
苦愈深此輩愈不能平寢致擾害社會川湘滇黔同志尤多咸同之  
役頗與有關如大定之積衆等蓋受其感染也茲述當時漢族運動  
之經過如第二編



## 二 苗族之運動

上古之時漢族文明於黃河流域放強烈之光彩後漸延及長江流域有長足之進展珠江流域之人類生長深山窮谷之中山性使人塞開化非易渾渾噩噩有同原始之人享受大自然之恩惠滋生長養不知幾千萬年少有文字遺留故無歷史之可言雖亦有歌謠神話但無從知其內容又因受瘴煙毒霧之襲擊毒蛇野獸之侵陵在在足以養成其好勇鬪狠之性格非勞動不能生活故有勤苦耐勞之習慣知識不發達故好詛信鬼

然當上古之時珠江流域似亦有所謂文明故有昔炎帝娶赤水之事赤水卽今羅甸之紅水江蓋上世貴州嘗爲聲教文物之邦故其君長有與帝室聯姻之可能特不進則退又復滯塞

至論及苗族之感染則有歸罪於蚩尤者故有蚩尤代炎帝爲政尙利好殺不恥淫奔之說遂謂苗族有跳月劫奪之風證以延及平民罔不寇賊鴟義奸宄奪攘矯虔又似言之近理



考苗字名稱之由來則謂高辛氏衰有三苗據洞庭彭蠡間以爲國復行蚩尤之政好詛信鬼其威勢所及被於今之滇黔川粵之民皆從其化於是聲教文物之邦遂成蠻俗苗之名因由此起又曰其遺民之在赤水之北者被三苗之化已久不可復改帝舜惡之列於荒服此直不與同中國故有分別三苗之事

因分別三苗之故所有中原之文明皆不能接受自身方面又因限於交通卽欲接受亦爲環境所不許竟至被人欺侮故又有帝堯代高辛爲天子使重黎攻三苗克之其後復叛帝舜攝政使禹滅之竄其君於三危洞庭彭蠡間遂列於中國之事又不能不以小事大故又有周僖王時有國名牂牁者畏齊桓公之威遣使貢獻於天子之事

及後中原多故戰爭失敗者遠竄南來苗族所有疆域漸受侵擾或竟將苗族所有疆土作殖民之地我國歷史有以下七例

一戰國時楚將莊蟜滅夜郎時蔡侯爲楚所滅遂遷其公族於牂

牂

二漢武帝滅且蘭置牂牁郡遷蜀之大姓龍傳董尹於其地

三武侯定南中令大姓各長率其部曲

四五代時楚王馬希範遣兵戍南甯因命之世守其地

五東晉時命謝氏世爲牂牁太守

六唐時紫薑縣令之部曲散處今貴陽平越地

七宋儂智高爲狄青所敗走泗城廣南諸府

按牂牁二字本義乃繫船柁也華陽國志楚莊蟠伐夜郎軍至且蘭繫船於岸而步戰既滅夜郎改名牂牁漢改置郡今貴州遵義以南至思南石阡皆其地隋置牂州尋改州爲郡

所可怪者此輩一入深山遂別爲一境界直與中原隔絕聲教文物無從沾溉瘴煙毒霧蠻風犴雨隨處可以轉移其性格與習慣於是與漢人相忘既不知有漢遑論魏晉各奉其正朔亦各自爲制故現今苗族中有以六月爲歲首者如花苗是有以十一月爲歲首者如



天家苗與紫薑苗是有以十二月爲歲首者如獯家苗是獯人則以六月二十四日度歲凡此皆可證明其移殖之先後與苗族種類複雜之原因

試考苗族之種類約在百種以上在貴州實際可以調查者約有五十三種卽黑苗白苗花苗青苗紅苗山苗青頭苗紅頭苗喇巴苗高坡苗狝家苗蔡家苗宋家苗儂家苗狗耳獯家馬轡苗狝子狝橫天家苗東苗西苗童家苗里民子老土獯鬼獯黑獯白獯補獯苗紫薑苗犵狫披袍犵狫鍋圈犵狫打牙犵狫打鐵犵狫青犵狫紅犵狫犵狫兜狝犵狫鴨子苗洞苗六額子雙耳子鴉雀苗花兜苗獯人狝苗狝苗獯人狝人獯人

以上五十三種苗散處貴州各地各有其風俗習慣智愚因有不齊不殊集合太上世上世與中世紀之人類共同生存於一時也

再考蔡家苗卽楚將莊蟜滅狝荆遷蔡侯之公族於狝荆所繁殖者龍家苗卽漢武帝滅且蘭置狝荆郡捋蜀中大姓龍傳董尹徙入者



其後龍姓一姓比較繁殖故成一大部族宋家苗卽武侯定南中遷入之大姓宋姓所繁殖者羅鬼獮獮卽武侯定南中大姓有曰羅濟火者有部曲在牂牁與夜郎之間故曰羅甸隋唐時蠻中推雄長曰鬼主者之部族故曰羅鬼其後聲音轉變曰鹿盧又轉變曰獮獮晉時邛笮之間有一種人曰山獮其實乃周武王時代之髦人其繁殖力甚強現在貴州苗族中狃獮卽其所繁衍者更因其有役屬之故稱之曰主獮主獮二字聲音轉變成狃獮獮人之役屬曰僕獮此二字聲音轉變又爲狃獮唐時貞觀二年戊子明州山獮反交州都督李道彥擊走之與高宗時剡州獮反都督謝萬歲討之此卽獮人之歷史也狃家乃五代時楚王馬希範遣兵戍南甯因命世守其地其部曲等與苗族同化因將主帥之姓作名號故曰仲家仲家或作狃家至今仍以貴種自居東苗西苗乃東晉時命謝氏世爲牂牁太守後侯景亂梁遂生阻礙牂牁更與中原少通消息但謝氏仍保有其領土唐時牂牁分裂有東謝與西謝之分東謝是東苗西謝卽西

苗漢末移殖來者更有姓季者其部族曰季子後來聲音轉變曰夷子曰蟻子又再轉變曰獬子趙家轉變曰天字童家轉變曰獐家獮家苗是儂智高爲狄青所敗智高奔泗城廣南一帶不能歸子孫繁殖此外播州楊氏族屬在貴州者曰狎獍其他若鴨子苗洞苗六額子夔人鴉雀苗猺人狝苗狝狗就無從攷查其來由其中以黑苗爲最奸詐險狠外愚內奸實非善類貴州歷次苗變多是此類狝狝狝狝則頗能歸附漢族矣

苗族之人口究竟多少歷來未經調查大概總不可侮試觀雍正乾隆對於苗疆兩次用兵當時奏報文書不曰苗患卽曰苗禍苗患與苗禍皆成談虎色變之名詞其繁殖力可以見已

苗族享受大自然之恩惠鑿井而飲耕田而食畜牧佃獵勤儉耐勞喜清潔好勞動婚姻注重個人意志有歐美人風氣天真爛漫不受殺人禮教所束縛無深思遠慮坦然生活於天地之中近有不少學者正從事於苗族之調查亦一有趣味之事也



歷代以來對於苗族多用羈縻政策從不注意開發其智慧元明兩代往往將雲南貴州四川三省之土地懋賞有功漢族移殖來者日多一日又常欺其愚蠢侵占其土地不以平等待之漢苗之間糾葛日多漢人則結合團體以禦之因有理番防蠻之設計是夷狄視之矣苗族抵制不得入山愈深聲氣更爲隔絕其中與漢人相習者曰熟苗編爲戶口登記官冊曰苗戶漢人本懷柔遠人之古訓採取以苗治苗辦法創立土官制度

土官又曰土司予以世襲統率其他部族有總管宣慰司安撫司長官司指揮使千戶百戶等等武職又有土府土縣土州判土吏目等文職頒發的印信使世代相承有無限之威權生殺自由階級制度頗嚴厲常以虐政殘害部族但被欺陵被壓迫者又各有其信條皆能安然的絕對的服從漢人則受流官之管理

明末之時安宋兩宣慰司統領苗民聲勢日大乃對於巡撫抗禮干事其舉動巡撫不易知中央與地方情況却予彼等有偵察之機會



漸致暴動後經朱癸元五路進兵殺安邦彥癸元忽將大方定今大水

西今黔西烏撒今畢節一帶土地歸還安氏留一禍根直至清初安坤變

亂乃改土司爲流官歸巡撫管領

吳三桂領有雲貴時對於苗疆曾取其地三藩之變三桂擬假苗族勢力乃將略取土地歸還苗族三桂敗後康熙復注意苗疆雖先從調查戶口入手終於無較善辦法清代對於苗疆之建設自雍正始

雍正四年丙午二大雲貴總督鄂爾泰覺苗族足爲雲貴兩省之大

患欲圖漢人之安甯非先制服苗族不可欲制服苗族非將土官改作流官不可於是改土歸流之建議將從來管理苗族之土官改爲普通行政之官署是之謂改土歸流

改土歸流之事行之五年及雍正九年辛亥三一雖經種種之艱難

與失敗卒賴鄂爾泰拔識名將哈元生於行伍中特加任用借兵力與苗族相周旋苗族歸化者乃收其土地改設流官得次第成功雍正十二年甲寅七三四哈元生進呈新闢苗疆圖誌於清廷謂之新疆

六廳卽古州丹江都江清江下江台拱界於都勻鎮遠黎平三府分  
由三府管轄

鄂爾泰開拓苗疆約三千餘里有貴州全省幅員二分之一全恃兵

力驅逐苗族於深山窮谷之中雍正十三年乙卯三月因徵收

官吏壓迫遠近各寨苗民又大舉暴動新疆全局幾至動搖乾隆元

年丙辰任張廣泗爲七省經略大軍壓境據張報告燬苗寨一

千二百二十四寨赦免三百八十八寨斬殺苗民一萬七千餘名俘

擄二萬五千餘名獲銃四萬六千五百餘具刀矛弓甲不計其數經

此一番掃蕩苗族受絕大打擊不得不暫時屈服鄂張乃銷鋒鑄鍊

將所俘獲苗民軍械鑄鐵柱於貴陽南城南明河上甲秀樓示砥柱

中流鎮壓狂瀾復永免苗民租稅禁苗地典賣苗族訴訟歸流官裁

決但乃從苗俗不拘律例此其中包涵有懲艾與蘇息之意亦屬正

當辦法惜對於教育二字未經注及待遇仍不平等

迨乾嘉之際松桃永綏各地之民蠶食苗地幾至盡占苗族豪右倡



言驅逐漢人興義銅仁苗民亦因漢人盤剝激變先後經嘉勇公福康安雲貴總督忠銳四川總督和琳侍衛額勒登保等人從事防剿合數省兵力終未根本解決征苗勇將花連布陣亡忠福和三人先後死於軍中結果仍恃官爵金錢聯絡苗族豪右直同求和而湖廣總督畢沅更創民地歸民苗地歸苗之調和方法並撤去舊日防營是不異對苗族表示屈伏矣

顧漢人欺陵苗族仍是不免道光六年丙戌二六清廷又令貴州巡撫嵩溥飭禁漢奸私入苗寨勾引滋擾當經委員逐細調查其結果是

一各屬買當苗人田土客民共三萬一千四百三十七戶

二佃種苗人田土客民共一萬三千一百九十戶

三貿易手藝傭三項客民共二萬四百四十四戶

四住居城市鄉場及隔屬買當苗人田土客民共一千九百七十

三戶



五住居城市鄉場買當苗民全莊客民及佃戶共四千四百五十五戶

當時禁令有自經此次編查之後如再有勾引流民擅入苗寨續增戶口當買田土者將流民遞籍並將勾引之客民立時驅逐出境田產給還苗民追價入官仍照違制律治罪又禁止盤剝準折等弊清廷因感覺苗禍之烈欲以消極方法使苗民各安生業自然感化使生內嚮之心此蓋不可能之事也借使帝國主義者得此機會其爲患不堪設想矣

觀以上五項調查之結果漢人侵陵苗族之進度有加無減此蓋智愚競爭天演公例非人力所能挽回者也

其後苗民生齒日繁生活艱難屯軍又從中侵略官吏雖不敢公然征糧却巧立名目盤剝壓榨有曰採買者雖曰官發價向苗民買米養兵實際上苗民是無從得錢或取或求又無一定之方法與限度害更甚於征糧其他如徭役苛斂訴訟需索胥吏抑勒重重壓制暗

無天日苗民實難於忍受並因官吏隔閡而有土司土司卽假託官吏以欺陵苗民因爲語言不通而有通事通事卽從中作弊互相給謊猾民奸商更擁多金乘苗民空乏作高利貸放本利相生債額遞增苗民傾家破產不能相償傭身質子女以益之而受質之人又虐待其子女凡苗民所在漢人上下交侵欺侮積怨報復之心日甚一日

及至道光末年胡林翼爲黎平府知府與清江通判韓超知苗民有可用之才組織苗練以緝捕盜賊防衛奸宄曾得相當之助力是在用之者爲何如人耳

咸豐四年

甲寅

八五四

貴州烽煙四起獨山楊元保遵義楊龍喜等先

後之變官軍紛紛征調集合全力不能戡定巡撫蔣蔚遠胡韓曾得苗練之力乃命黃平清江鎮遠各招募苗練二百名韓超亦招募五百候補道承齡招二百齊赴遵義遵義事平蔚遠令黃平營把總唐定魁率苗練二百至札佐遣散卽用知縣徐清河所募數百已赴黔



西正資得力苗志久已不戢此番應募又多桀獩難馴者忽募忽撤愈生其心而往來各營壘間知官軍之無濟又習於營伍進退而苗禍日亟

當五年春遵義唐炯自湖北歸道遇遣散苗丁咸鼓噪官軍之無能知大亂將作向父老陳說應卽設防爵遠正鋪陳戰功不及及此苗人乘機劫掠日見恣肆迨三月十五日台拱苗變戕官攻城一發不可收拾矣

苗志久不戢一旦發難四處響應蔓延旣廣人數又多無一定計劃與宗旨目的在爭田土壤城垣劫掠財物勝則羣趨敗則各遁無旗幟營壘行列號令然不畏雨雪不拘晝夜不問險阻吹角則集各帶糧食器械盡力破壞盡力屠殺據險要之地攻之不下若解散逃竄深林密箐無從搜索服強侮弱叛服無常出沒無定可謂貴州一重大問題也茲述當時苗族運動之經過如第三編

### 三 回教民族之運動



回教實卽伊斯蘭教西元六百二十二年卽唐高祖武德五年摩哈默德始創於阿剌伯其徒有由波斯而入回疆者回疆在天山南路其地卽漢書西域傳之南道諸國漢以後佛教輸入唐時龜茲于闐佛法尤盛人民喜宗教故宋元以後伊斯蘭教亦頗盛行其教之至中國實自波斯其經行線有二一由波斯至印度而南洋羣島以逮廣東此航線也一由波斯而阿富汗而回疆以至秦隴此陸線也今之伊教大都由陸路來經回部故又曰回教回部舊汗本元太祖次子察哈台之裔世有其地明季有瑪墨特者爲摩哈默德之裔與其弟兄輩自麥地那分適各國始踰葱嶺遷至喀什噶爾是爲新疆有回酋之始清初元太祖十九世孫爲葉爾羌汗以其諸弟分長八城是時元裔勢衰回教徒漸強其勢力日以伸張秦隴滇黔以地理關係感受較深以信仰習慣之不同與漢人常成仇隙

回部宗黨分爲白帽回黑帽回兩派以其人民本分爲黑山白山兩派也兩派時相爭競乾隆時代大小和卓木之爭清廷乘其內亂用

兵回部伊犁將軍兆惠始終其事準噶爾及喀什噶爾之地至此盡入版圖稱爲新疆建伊犁塔爾巴哈台烏魯木齊喀什噶爾曰鎮設官分治歷嘉慶道光兩時代常有軍事行動至咸豐初年中國本部軍事迭起影響及於邊地多思脫離羈絆於是雲貴陝甘乃有回教民族運動之事起

陝甘之回教徒統稱曰東干彼等以何時徙入內地紀載不詳大約始於元代至時其族甚繁衍漢人之奉其教者亦日多白山黑山兩派各分新舊以相仇殺迨同治元年太平軍陳得才欲解南京之圍遣說回民起事有赫明堂任五者舉兵占領渭南一帶地清廷令團練大臣張芾往撫出言失檢任五糾衆數千人擊之手刃張以報怨回教徒勢力遂至不可侮其後雖經勝保多隆阿穆圖善德興阿劉蓉等之撫禦以餉源不濟兵練又常與回衆通迄無辦法至同治六年清廷見回勢日熾改令左宗棠總督陝甘兼帶欽差大臣之印立三路平定之策以名將劉松山劉典等分任其事於十一年降其衆



雲南回教民族之運動自咸豐五年起至同治十二年止此事之結果於外交上留無窮之禍患考雲南之回教徒或云自唐代移來實較陝甘爲早又或言移自元代據彼教中傳言西曆第八世紀之頃雲南大亂巴格達特教王即打應中國皇帝之請發土耳其兵三千名以助戰及事平回兵因與食豚肉之中國兵久處不能回國遂流寓於此是否雖不可知然證諸雲南回教徒多與漢人雜居則固無庸疑也咸豐元年辛亥一八五一雲南官吏因漢回相爭干涉之回教徒憤其不平允訴於北京未有結果五年回之悍民與漢人衝突於臨安遠近之回教徒聞風響應馬金保藍平貴起於姚州杜文秀起於蒙化次年失地遂多將迫省城時雲貴總督恆春督師在黔以滇事亟匆匆去昆明已在回教徒包圍中矣其後擁衆至三十六萬人之多經岑毓英楊玉科之策畫於同治十二年二月以後雲南回變始告平定然因提督馬如龍用兵時曾仰給兵器於法國至是法國竟以由紅河入江之航權相要已



雲南陝甘回變之事皆各自爲謀不相關聯然受太平軍之激刺思有以自立自見則一也蓋彼輩屢遭漢人之輕視遭官吏之誅求久已忍無可忍一旦有隙可乘乃不謀而合當滇回變起之初貴州興義普安各地之回教徒遂躍然以起黔蓋受滇之影響也

回教教徒經此重創人數頓減其所以與漢人不恰者自以彼教源非發於中國而發於天方國其最大原因也其次則以不食豚肉不與漢人共烹調行旅不止於異教者之家歷書不同於中國尊重亞刺伯文字不肯與漢人同化皆其主因也彼輩既與漢人不恰其意志之團結遂益強固一夫夜呼應聲而起者衆矣據近日之調查今中國全國之回教徒竟至千二三百萬之多其勢力之大吾人其可忽乎

當雍正七年己酉二九清廷因鑑於各省回民爲當時戶口之重要部分特諭飭地方官吏優加保護應一律平等不得以異類視之且曰各省皆有回民居住由來已久其人既爲國家之編氓卽爲國家

之赤子從俗從宜各安其習非惑世誣民者可比地方官不得以回民異視當以治中國人之方法治回民而回民亦不可以回民自異一面更於京中宣武門內設回回館以便與其餘諸國一同進貢其後安徽按察使魯國華彈劾回民不法事狀以不奉正朔及設立禮拜寺院爲詞至被雍正却斥反舉回民中拔萃人物如哈元生馬進良等以折之此蓋特示寬容態度以結其歡心耳蓋政治手腕也惜爲日稍久漢回之間互相仇視演宗教戰爭之慘史貴州亦捲入漩渦至不幸也時至今日回教民族實爲貴州之一重大問題中山之言曰國內各民族應一律平等有以哉茲述咸同貴州回教民之運動如第四編

咸同貴州軍事史第一編終

江蘇謝公允校字



咸同貴州軍事史

貴陽 凌惕安 編著

第二編 漢族之運動上

第二十七章 楊元保之役

咸豐四年

甲一八五四  
寅

春二月二十七日都勻府獨山州齋衆楊元保

抗變豐寧上司時廣西軍事已起貴州設防籌饟官吏或藉派捐苛斂元保父以抗捐庾斃民多不平會廣西南丹州土匪犯獨山境元保居豐寧下司遂聚衆應劫掠平州司及荔波縣羊奉里旋圍獨山州城巡撫蔣爵遠檄護貴東道都勻知府鹿丕宗護古州鎮總兵台拱營參將彭長春清江廳州判韓超擊之 夏五月獲楊元保誅之時貴州制兵調赴湖北各省未歸伍者四千三百餘名現存兵據定額當餘三萬二千餘人元保烏合之衆實無能戰者又無一定計劃上江台拱凱里各協營分道并進復募鄉勇助之元保遂伏誅而餘黨頗散走滋不靖

九月楊元保餘黨余光裕等復入豐寧下司鹿丕宗會署都勻協副將彭壽署獨山知州侯雲沂防剿余等旋退

附錄

韓超獨山平匪記有云獨山袁吏目黃教官貪橫罔利州人恨入骨髓其執令箭赴鄉曾假楊元保威力以脅鄉民及元保反狀漸彰二人力保無他反嗾州官詰責告變者比賊鋒逼近二人先將眷口箱篋潛送出城已則微服欲遁士民截阻不許出醜詆之餘甚至欲毆袁逃匿倉下被衆搜出懼而自刎未殊也竟以民變上聞

又有云起事賊渠甚多當路僅以楊元保入告元保既擒領兵者或議以此蕝事超不可或曰奉派平元保今復奚求超謂元保雖擒其餘黔粵股數尙多事方及半何以卽蕝或曰天下之大我輩安能辦了且粵匪兇悍不可怒也怒恐難敵超曰彼亦人耳無足介意方得手遽撤兵賊必麇集圖報獨山都勻舉不



可保賊攻獨城上臺必以早撤貽患相尤責令翦滅能不遵命爾時燎原勢大辦理之難十倍於今日萬一有失盡棄前功事猶小貽害生靈則關係大矣或人語塞而罷然抽身之意已定後賊果大至超以不輕於撤兵辛苦艱危以少擊衆至有四亭大捷元保餘黨之及早撲滅關係於此

### 第二十八章 楊龍喜之役

咸豐四年甲寅八五四秋八月桐梓楊龍喜起龍喜又名鳳世居縣西

四十五里之九壩場身頡而長最狡猾先充縣總役爲前署知縣張

克綸革黜龍喜心弗善也會遵義大溪里賣卜人舒犬又名舒裁狗

先在獨山以邪說誘楊元保元保敗逸回復與傅喬壽蔡三保誘龍

喜龍喜遂謀起事結陳泮模陳良模李時榮等爲腹心陰造兵械刻

木印招流亡及僧巫妖妄之輩有陳壽者一作受素橫人呼爲小霸王

亦歸之事漸洩署知縣陳泰階遣門丁羅文邑人覃恩榮趙以淵等

往訶皆受龍喜賄與之合以無事報城中邑人趙旭計取證據示泰



階泰階仍不理知者多徙避是月署知府朱佑曾甫有所聞將往按泰階亦頗設備初六日龍喜遽入城泰階先遣人齎印至府坐堂上待之衆褫其衣冠逐之出城不知所終典史王國經千總杜廷柏等遁 佑曾始至櫟子橋龍喜進扼婁山關詭言受湖北太平軍信稱江漢元年更縣名興州張告示署元帥將軍等職迫脅各寨民獻糧免焚掠歸之者給以職招還城民徙避者先是遵義府屬錢糧欠耗歲遞增桐梓復有跣戣火錢票錢諸目跣戣者每花戶一票無論一兩二兩至一二錢者均加跣戣銀自二錢至五錢火票亦加至一二錢不等民往往控告中或有逋欠者至是龍喜以除加戣爲名因詐稱凡以浮征告官及欠糧者兵至盡誅奸宄因起應 初十日巡撫蔣爵遠聞警檄提標及上下游各營兵三千三百餘名赴剿以遵義協副將常勝逗遛不進撤任 十六日龍喜至板橋十九日逕據雷台山分陷仁懷縣城署知縣龍泉知縣容保太把總王明安死之武生曾占魁戰沒廩生林文德及兵民同沒者二百餘人於是龍喜分

據兩縣城悉衆聚雷台以窺府城霹遠檄署布政使炳綱督勦 二  
十二日龍喜又分陷溫水汛署經歷丁楚望千總張永春遁 二十  
三日已革開泰縣知縣降捐縣丞陶履誠鎮遠鎮遊擊保山擊龍喜  
於遵義大石堡戰沒 二十八日龍喜圍政府城署遵義協副將彭  
長春率安義兵千一百人至禦之喜退據南門關是日提督趙萬春  
至烏江會炳綱過江次螺螄堰敵來犯署思南營游擊富珠隆阿等  
却之萬春炳綱仍回烏江 二十九日署丹江營參將烏爾滾珠署  
清江通判韓超率下游兵由黃平平越進至隆平場遇敵力戰卽用  
知縣徐河清率上游兵自黔西至府由城內出兵合擊敵退 九月  
貴西道福連率兵至螺螄堰圖會萬春炳綱進剿會黔西有王三鮓  
疤之事不果而龍喜又分隊由遵義往黔西與王合蔣霹遠因檄福  
連回防黔西駐新場 初九日萬春炳綱進至黃泥鋪遇敵督標把  
總高天澤等敗之再進忠莊鋪約府城合擊威甯都司盛修志永安  
協守備唐德署貴陽游擊陳定元及富珠隆阿天澤等分搗南門關



豐樂橋紅花岡城內韓超等亦至獅子橋共破敵營敵仍退雷台  
十四日萬春入城敵環攻萬春不敢出敵時以百人爲羣四出索民  
糧老蒲場諸團輒誘殲之兵聚城內外者凡五六千人皆坐視旣而  
團民漸爲敵脅敵始鑄礮益治器械自雷台迤東而北屯糧魚牙壩  
新橋 十七日上諭曰桐梓逆匪分陷鄰縣竄徧郡城此股匪徒據  
蔣霽遠前奏夥黨不過千餘何以十餘日間連陷兩縣旋撲郡城地  
方官平日漫無覺察臨事倉卒以致文武員弁陣亡實堪痛恨該撫  
前調本省官兵已四千一百名加以續調各路官兵三千名兵力不  
爲不厚趙萬春旣已先行馳往蔣霽遠亦卽擬出省着卽督飭各路  
官兵四面兜勦迅速撲滅此等烏合之衆急則驚潰緩則負隅總須  
乘其未熾雲集環攻不致蔓延爲患欽此 十八日敵犯忠莊鋪營  
調署鎮遠鎮總兵新授廣西右江鎮色克精阿候補道承齡等卻之  
二十二日霽遠出省督軍次札佐炳綱回省萬春仍回忠莊鋪  
二十二日上諭曰蔣霽遠奏調兵勦捕桐梓縣匪徒據稱匪黨僅有



千餘何以檄調官兵至四千餘名之多是否匪黨不止千數該撫不肯遽行入告留爲續奏地步軍務重情豈可稍有粉飾著速將該匪滋事實在情形究係因何起釁地方官有無辦理不善以致激變之處及曾否蔓延他處確切奏聞該縣文武下落並著速查具奏其失於防範之署遵義府知府朱右曾著革職留營效力遵義協副將常勝臨事恇怯不諳機宜著卽革職欽此 二十四日敵攻府城天澤及安南營都司桂林敗敵丁字口在今新城內敵分黨犯綏陽縣署知縣章贊清禦之 獨山舉人莫友芝適主講遵義湘川書院久在圍城而誦讀不輟 二十八日萬春遣兵出擊韓超縱火焚附城之雙薦山鳳凰山諸敵營直搗雷台並毀龍喜前營龍喜將遁萬春遽撤軍超不得已引還然此機一失不堪問矣所謂棋輸一着壞却全枰也

四川總督裕端次瀘州提督萬福次綦江防龍喜 雲貴總督羅繞典以親赴遵義督辦入奏拜摺卽行遣雲南鹽法道王成璐署楚雄協副將白人鵬先進 冬十月初五日敵攻綏陽縣城章贊清等

禦之署台拱營參將富忠援至合擊敵退樸老場署平越直隸州知州邵鴻儒繼至再合富忠等擊走之初六日富珠隆阿韓超等擊敵府城外破鳳朝關敵營關今爲遵義城門武舉顏先楨戰沒福連自新場移駐黔西州城會王成璐白人鵬亦至因留同防羅繞典方至安順府奉上諭曰雲南省垣緊要且距京窳遠羅繞典着無庸前往若謂區區小醜本省不能剿辦動須總督親往則該撫等身任地方所司何事貽誤之罪責有所歸諒蔣爵遠不能遲延干咎也繞典覆奏略曰賊氛肆抗數月調兵已及萬餘遵義仍爲賊逼當此經費支絀誠恐兵心稍懈饟項虛糜懸揣益增焦灼勢不能不親往督辦以期迅掃賊氛遂逕至札佐會爵遠商軍事二十五日率成璐人鵬等至遵義四川成都將軍兼署總督樂斌遣署按察使曹澍鍾重慶鎮總兵阜升等防龍喜并相機援剿十一月羅繞典以憂勞故至遵義病初三日諸軍進攻雷台繞典登城督戰見諸軍抵敵濠急遣員持令促戰期必克且許重賞令未至而軍遽退繞典憤甚疾益劇



初四日敵來薄城繞典力疾揮衆奮擊敵退繞典氣上逆遂卒 初  
四日桐梓縣梁啓洪梁三發財余麻鄉約等應龍喜聚衆犯正安州  
城代理知州胡祖寅把總李秉皋等禦之旋走攻胡祖寅李秉皋力  
禦盛修志富珠隆阿馳援至合擊敵敗退旋走黔西與王三鮓疤合  
自安底趨平橋署都司李上達禦擊不利沙土汛把總梁開泗戰沒  
十八日敵薄州城福連會知州葛良治署游擊崔繩麾等率兵練禦  
之徐河清及署都勻遊擊傅權旋馳至黔西 萬福率四川兵至仁  
懷縣天水池志有天水遣署岷邊營參將蔣玉龍署漳臘營參將高克  
謙等分剿賊於良村仁懷廳同知汪申祿以都司達天培等來會二  
十四日擊走溫水敵時敵出沒溫水溫水克而仁懷桐梓敵勢頓解  
十二月十六日奉上諭曰有人奏桐梓之賊起釁根由并該撫等  
遷延畏葸以致賊匪橫行若如所奏是該處巡撫提督縱賊失機實  
堪痛恨着照所參據實復奏勿謂貴州距京寫遠朕無聞知也原控  
抄給閱看欽此原摺爲兵部侍郎王茂蔭所奏略曰貴州桐梓之變



初因遵義府各屬征糧過重楊鳳因而煽惑早有風聲前令張克綸不行舉發但新解任陳泰階於閏七月間見邑民紛紛告變遣門丁羅文往查而羅陰與賊通復寢其事邑民無所赴訴相率遷徙八月初六日鳳入城城已空無人居賊執泰階褫其衣冠送至府城縱之此賊初起桐梓之情形也遵義府朱右曾聞警招練約副將常勝帶兵往剿協兵除征調外尙應有四百餘名乃常勝向務侵冒僅存空冊無以應該府再四催促僅募五十人往有生員楊姓者率團練二百人約該協等往婁山關前而已從山後繞至夾攻迨楊姓至山後大呼無應者遂潰楊姓三十餘人俱被害該協既畏縮不進迨賊過婁山關反遁入城而賊遂長驅至城下矣此副將畏縮遵郡被圍之情形也省城聞報大吏相顧推諉至十四日始定議以藩司炳綱統兵至二十八日始與提督趙萬春至螺螄堰賊衆千餘薄營時兵不滿三百以重賞顧募挑夫出戰傷斃賊八人賊遂潰敗亦以見賊之不難破矣乃該提督等既不乘勢進攻又不駐紮防守反星夜奔退

烏江南之美竹箐而賊遂日熾省城震動矣二十九日貴西道福連率衆至螺螄堰遣迎大軍該提督與藩司不敢前約福連到營會議及至了無一語但欲福連同駐於是福連憤而去先是遊擊保山縣丞陶履誠署知州徐河清分路赴援二十等日又有韓超自隆平趨豐樂橋轉戰入城若該提督等乘此急往力勦不難立行殄滅乃頓兵不進致保山履誠遇害省中紳民咸咎之該提督至忠莊鋪超與賊戰已獲勝該提督登高觀戰爲賊所乘幾成擒矣幸超回救得免而軍械火藥盡失軍威大損有高天澤者總督羅繞典之戈什哈也奉令先來自二十八日後每率練與超河清等進攻爲前隊而提督分四五隊後隨每天澤等得勝回提督二隊不過隔山助喊三四隊則從未得見又有武舉顏姓於進攻時持大燾直前逼賊壘以後軍不繼而陷此提督懦怯屢次失機之情形也撫臣蔣蔚遠自八月初間聞警至九月二十日始駐札佐旣不前進又無調度遵義紳民奔請赴援該撫旁皇失措有自認庸懦無能之語又札佐米價與省城



同委員採辦多扣剋致民畏阻遂由省城搬運一石費兩石之價此  
又巡撫防賊辦事之情形也該省副將如此提督如此巡撫又如此  
似與所報迥不相符現在賊圍遵義分黨破仁懷困綏陽侵黔西漸  
成燎原之勢合省延頸企踵日夜望總督軍到而羅繞典甫到即沒  
又聞興義府屬普安安南土賊蠶起並聞獨山餘黨余光裕糾粵賊  
萬餘來深溝高壘其意叵測該省之危實甚伏思現在畿輔未清三  
江未靖何能籌餉調兵遠顧黔省然該省界連西粵粵匪方張必將  
連結若不早滅亦且蔓延該省地瘠民貧兵單饟乏辦誠非易然果  
先得能辦之人亦必有可辦之法聞桐梓初起時不及千人過雞喉  
關遵義北五  
十里大道約四五千人近在雷台約萬餘人分扼綏陽者四千人  
往黔西者千餘人此見辦理貴速方免蔓延之患又聞湖北臬司胡  
林翼前在貴州府道各任辦理有方賊黨聞風解散全黔士民至今  
思之此又見能得其人自有辦理之驗今湖北收復善後事宜料理  
或不乏人可否請旨特飭胡林翼星馳前往辦理軍務再請飭雲南



四川兩省速爲添兵籌餉以濟庶可速期平定胡林翼未到以前該請於該省諸大員中去其畏賊之人而責成不畏賊者督率福連韓超高天澤徐河清諸人力籌防剿庶免逡巡粉飾致誤事機至生員楊姓覆奏查其人武舉顏姓檄先皆以同仇敵愾奮勇捐軀似宜令查明請卹以作團練紳民之氣先是霽遠奏胡林翼久任黔疆素嫻韜略爲軍民愛戴請勅選帶所募精練並於湖南近黔各營挑派勁兵一千名統帶來黔幫辦軍務至是并奉上諭該撫等前後所調官兵爲數不少并已諭令駱秉章由湖南派精兵一千人迅速赴黔并諭令樂斌將綦江合江防堵之兵卽行前進合力兜剿胡林翼現在帶兵由湖北追賊東下未能調回黔省該撫惟當懷遵前旨就現有兵力速將遵義等處賊匪全數痛殲勿得專盼援兵遷延時日又奉上諭該巡撫提督有統轄全省之責當該匪初起之時旣未能及時撲滅及帶兵剿捕又未能迅速蒞功致令蔓延殊堪痛恨蔣霽遠著革職留任趙萬春卽革職仍留軍營以觀後效現在四川提督萬福已帶

兵由蜀赴黔所有貴州官兵均歸萬福統帶旋奉旨貴州提督著萬福兼署欽此時萬福進駐溫水遣阜升蔣玉龍等連下松坎新棧九壩各敵 十六日趙萬春王成璐承齡韓超暨雲南昭通鎮遊擊申有謀等攻克雷台山獲敵黨陳良模陳泮模殺之已革知府朱右曾暨獨山汛守備王敦倫候選教職蹇諤舉人羅燦奎克雷台後老蒲場諸敵營初諤募兵扼府東巖磐石要隘絕敵輝自軍馬家河時襲敵後龍喜部李時榮瑯七據桐梓城龍喜困來援至隆平場水口寺諤率各團圍而火之殲時榮及敵黨千餘人龍喜懼遂焚雷台率黨走黔西時人謂爲軍興以來第一大捷 十六日四川兵進復桐梓縣城邵鴻儒富忠章贊清等擊走曾家堡敵 十九日仁懷縣團首雷昭然復仁懷縣城黔西敵圍州城復分黨渡六歸河掠平遠州境桐梓敵又盡趨合大定平遠黔西縱橫三百餘里多被脅署大定知府曹興仁署平遠知州阮文藻署大定協副將佟攀梅署平遠協副將明德等各遣兵練備禦趙萬春王成璐率兵由遵義赴援 二十



六日敵攻城福連遣本城兵練及各路先至者合擊敵敵走窺猓結  
渡蠟雍渡統或作革丁憂在籍翰林院庶吉士丁寶楨雲南候補府經歷  
丁仕芳率鄉團却之越日成璐至安底破敵而前萬春由新場進三  
十日敵犯大定府城興仁等禦卻之

咸豐五年

乙卯 八五五

春正月署定廣協副將特克慎援至黔西王成

璐白人鵬趙萬春先後至初六日會福連擊敵城西雲南廣南營把  
總何有保署東川營參將申有謀先陷陣斬敵黨陳受等徐河清高  
天澤破州南大小關各敵營州城圍解先是敵在黔西數分走平遠  
伺畢節至是平遠把布土司安紹緒等亦擊敗敵於毛栗坡

州有數寨

丁寶楨等敗之猓結河對岸羊耳箐畢節團首楊連山等敗敵花果  
園乾河溝至是龍喜意注畢節益率黨西走十二日掠至小壩生員  
羅慶源武生劉永祥等禦擊戰沒慶源子桂林殉明日敵逕攻縣城  
署知縣錢元善等禦之十四日特克慎躡至敵衆不滿二千南走郎  
岱廳黑塘掠羊場司大巖脚二十七日陷落別汛署把總龐瑞蘭死



之作別本

萬福率四川兵自遵義至黔西遣蔣玉龍由平遠進 二

十九日蔣爵遠移次安順府城檄興義府知府張鏜率興義府練由永寧州進 二月初二日敵由落別走扁擔山至永甯境旋由坡貢驛犯州城署知州徐震翱禦之敵東南走韓超烏爾滾珠賈連升等追至埡口關敵拒守超等分進銅仁協把總楊紹賢陣斬王三鮓疤賊走頂營司張鏜率練適至合擊賊走難場平劉書年安順防軍敗之震翱復同署募役汛千總張永興躡擊永興戰沒鏜遣練出小箐哨截擊帶練廩生王元超武生白經邦同沒敵南走郎公河鏜追至敵走打邦羊場爲蔣玉龍白人鵬等要擊遂東南走歸化廳打記羊場玉龍等進擊賊走羅斛分州邕羊署州判徐達邦集團禦賊尋走盧山汛 二十日陷大塘分州署州判孔繼志把總譚興禮遁繼志子候選主簿廣幹自經死敵旋去連日走都勻屬牙州司平州司及麻哈州宣威司清平縣撒毛所至虜掠輒揚去 二十九日敵攻麻哈州城署知州何鋌禦之都勻府知府鹿丕宗馳援敵西北走 三

月蔣霽遠自安順移駐龍里縣督軍追剿咨萬福還遵義扼敵回竄敵走平越楊老汛獲安縣牛場署平越遊擊龍雲化署獲安知縣吳德容等禦之生員趙懷陣沒 初六日敵走餘慶縣龍溪橋署知縣彭瀾禦之韓超率諸生莫祥芝間道出敵前趙萬春白人鵬申有謀特克慎署臨沅鎮游擊呂飛鵬等悉至環擊 初七日龍喜敵突圍走石阡府葛彰司方渡水各軍追至乘半渡殲之或曰龍喜喬裝遁餘黨東走自龍喜由遵義而西由黔西而西北由畢節而西南由永甯而東南由羅斛而東北至是復由石阡而東九十餘日上下游所過蹂躪兵隨其後相繼掠奪而官吏或以搜支黨爲功或以斂經費爲事民滋不靖一二桀黠者旣知官軍疲沓復乘民氣騷動遂益倡亂於是殲除首要之捷甫奏而上下游之變蠡起矣

龍喜餘黨旋復推舒犬爲首出石阡逕銅仁府松桃廳境將走四川秀山縣不得逞復西由思南回伺遵義夏四月舒犬回犯桐梓境代理知縣劉毅禦之初四日至洞子河廩生曾式衡及其從子覃慶承



慶等遇害復竄遵義審上湯王成璐蔣玉龍暨署遵義知府楊書魁署知縣顧崑揚團首王安國等逕擊十八日獲犬殺之餘黨悉散冬十月龍喜餘黨鄒神保復起初神保嘗從龍喜受上將軍職龍喜敗從舒犬犬就擒神保窮蹙降楊書魁給頂戴歸蘆溪里仍假團練名聚衆思逞桐梓知縣劉毅請捕之書魁不聽至是神保率穆二童劉沛然徐子容何元易張開梓等二十三日起攻縣城毅及把總王明德生員趙旭等力拒凡七日書魁同副將祥福等援至敵始退二童穆法賢猶子也 十一月初十日遵義在籍候選知縣蹇諤追擊神保等於柿岡戰沒敵復攻城二十六日千總池蓮培擊之於李家灣亦敗沒鄒神保從兄元明圖降約起應官軍神保覺殺元明及團首王朝魁等數十人會桐梓正安遵義練皆集分道擊走之神保等敗回鴨塘署仁懷知縣江炳琳等亦援至毀紅巖頭敵營 十二月祥福及外委陳紹升雲南都司王萬祥等連敗敵於岡沙壩張開梓遁回石步場劉沛然往依之開梓取其首以降萬祥等追擒徐子容



於石步土洞劉毅獲鄒神保拏神保與穆二童遁水落洞

咸豐六年

丙辰 五六月

九月鄒神保等被圍水落洞既以官軍不相能

遂乘間逸去至是與穆二童及其子玉朋糾梁三發財曾喜徐福等

復聚桐綏間之中岡署遵義知府竇奉家會祥福設防

咸豐七年

丁巳 五七月

冬十一月龍喜餘黨之在螺蟹者自龍喜平復

從余麻鄉約等屢撫屢叛率未大懲春初竇奉家祥福及代理桐梓

知縣王錫祿會勦仍受撫至是趙里之楊應棗及思南大小白滿等

因糾螺蟹黨復起螺蟹廣袤二百餘里在桐梓夜婁二里間與正安

綏陽四川綦江南川錯雜地多險遠有石筍鼻孔馬嘴層巒諸山洞

有巖門刺豬筍殼四寶猴子刺麻鋸子飛梯巖紅溪河諸險螺蟹其

統稱也石筍在亂山中肖形尤奇險絕徑上頂坳如釜有水不涸馬

嘴鼻孔亦以形名刺麻近馬嘴層巒有龍珠洞牛心子諸險名九曜

山諸人中梁三發財最著

即梁三童

頻年官軍既以招安蕝事遂恃螺蟹

爲窟藏數爲患正綏桐間先是八月中白滿等至螺蟹結三童等讎

團衆時衆不過百餘桐梓綏陽以曾受撫不以聞十一夜突至趙里二甲劫殺團首任志富家揚言但殺團首衆因不之救遂據三撫廟錫祿托病不出於是穆玉朋等據層巒曾喜徐福據石筍三童據鼻孔及紅溪刺豬猴子諸洞則余麻鄉約等分據之四寶猴子鋸子各洞爲刺豬紅溪儲糧所互據以爲聲援惟大小白滿周三八等往來無定所遂又不可治

咸豐八年

戊午八五八

正月螺蟹穆玉朋等剽掠正安綏桐小白滿等

竄綏陽川主洞馬腹平綏陽把總吳文海失利同訓導宋人鳳等退劄大關蔣霽遠以江炳琳兼署綏陽防剿二月初三日綏陽趙帽頂結大小白滿等由渡頭河卒犯旺草壩署遵義副將祥福被禽不屈焚死帽頂又名趙火槍三與楊應棗等皆曾從龍喜據趙里三甲羊巖馬腹平飛梯川主大小麻王馬尿豬鑽羊跳流水硝灰諸洞之險久爲患至是因螺蟹勢愈張旋據毛垭螺蟹衆亦出桐梓石牛欄薄縣城署知縣蔣立炳同巡檢陳聘儒迎擊敵退元田壩轉掠楚米



鋪鴉鵲窩會帽頂等復掠中岡毛壩白露孔水瓜廟邊境立炳檄團  
首楊秀江及綦江邊團會剿不利團首江桂泰陣亡江炳琳旋至綏  
陽進攻毛壩敵棄營遁飛梯洞炳琳調團首路人鳳周卜政外委陳  
待聘扼洞後打猴平寬闊水斷敵援比敵至待聘遽潰卜政人鳳繼  
巖走敵據打猴平炳琳分軍進擊敵出軍後擊殺軍功胡占平並潰  
千總左覲光兵炳琳等設伏敗之四川總督王慶雲奏以阜升防綦  
南綏陽協副將鄒鸞章防西秀徐圖移勦三月江炳琳以廣西訓導  
秦安慶等分擊仙人洞獲數十人炳琳自擊破平巖進麻王洞洞居  
山腰下臨深溝趙帽頂徒據之蔣立炳進攻中岡敗敵石關口敵退  
雷家洞結余麻鄉約分掠夜郎壩團首王正儒擊敗之追至擦耳巖  
敵遁入層巒山 夏四月江炳琳攻麻王洞急川主洞敵來援敗之  
黃村壩馬腹平敵復援至黃村壩數里之石坎 五月蔣立炳陳聘  
儒等破梯子洞大白滿竄馬腹平與趙里敵合江炳琳以在籍四川  
縣丞蹇閻攻破之大白滿仍逸炳琳復分軍破走附近仙人洞黃村



壩甌子巖硝灰流水羊跳豬鑽諸洞合軍攻川主洞以生員張師敬  
進攻麻王洞 六月初十日阜升始遣副將賡良出綦江進木瓜廟  
合攻層巒遊擊方定中自南川進婁里獅溪口合攻鼻孔江炳琳旋  
破川主洞楊應棻等就擒遂遣秦安慶攻螺蟹石筍山自督張師敬  
等生擒趙帽頂等安慶等軍次唐貓水走巖門敵炳琳亦移軍圖螺  
蟹 秋七月蔣立炳退酒店埡桐軍亦潰層巒敵因守石筍圍秦安  
慶軍猴子洞各敵復截鐔道安慶困守十九日署正安知州于鍾岳  
援至野貓阡始解九月川軍之自南川進者破乾洞子自綦江入者  
老頓乾木埡不進 冬十月桐梓軍攻克層巒山趙火槍三遁江炳  
琳復破走刺麻洞敵石筍刺豬鼻孔山敵走襲唐貓水巖門于鍾岳  
援走之十一月綦南川軍破飛梯巖難民避兵穿眼山羊等洞者多  
誤死遽還軍梁三童因復張仇團衆生員曾銳祈援蔣立炳立炳遣  
幕友湖南生員楊道南赴之敗死三岔廟 十二月刺豬洞余麻鄉  
約等懼逼徙據馬鬣山山右俯紅溪河左卽螺蟹深坑江炳琳以候

選從九顏佐才剿刺豬餘黨而以 袁超等攻馬觜敵依山砌石

爲小屋如豚圈容五六人置槍孔中下擊官軍不敢上炳琳自督攻

創股因回遵就醫以軍事付代理綏陽知縣鄧爾巽接辦

咸豐九年己未八五九九春正月鄧爾巽累攻猴子洞破之蔣立炳以陳

聘儒等合攻層巒亦破亦有斬獲穆玉朋遁四寶洞 三月蔣立炳

等再攻四寶洞穆玉朋復遁鼻孔山封洞而還 夏五月初江炳琳

自馬觜創回鄧爾巽接辦以候補知縣容德慎守唐貓水營二十四

日營陷德慎中礮沒德慎容保泰子也 秋七月鼻孔山石筍山紅

溪馬觜久不下江炳琳得檄兼署桐梓縣馳剿道遇餘黨余三獅子

於羊墩禽斬之羊墩爲螺蟹入川要隘 八月初八日江炳琳以生

員婁希賢軍功黎衛青擊中山寨癩子溝先後下鼻孔猶拒炳琳遣

陳聘儒營張家灣王正儒等營鼻孔附近龍子岡自與蔣立炳等營

岡後鎔鐵刻期進擊梁大童二童出拒敗回守于鍾岳等猶攻石筍

九月江炳琳圍攻鼻孔久敵負險不下因鑄巨礮擊之敵掘穴避



轉以槍穴牆下擊軍多傷時兵練萬餘糧皆取給團民不時輸者斬之搜括垂盡會敵糧亦乏乃出所禽敵王正啓父子重賞縱去令招賊降敵欲得舉人梁宗魯爲信宗魯操行不苟鄉里信之敵不犯其田廬炳琳乃禮延宗魯來入誓而陰設備以待 二十八日穆玉朋梁大童三童等皆至大小白滿亦至炳琳遽縛之餘黨四百餘人皆就禽鼻孔山平毀其巢炳琳親解入省伏誅玉朋道逸遁遵義縣馬滾坡旋爲其下所殺自龍喜起事大童父子應之凡六年螺蟹平

附錄

鄭珍巢經巢遺詩聞八月初六日桐梓九壩賊入據其城一首云賊期聞遠近邑宰坐睢盱乃以一中縣取之三百徒殘明何足假賊假名 么麼爾真愚垂老驚奇變哀時祇痛呼

趙旭播川詩鈔邨居第二首云早秋亂形著信讒官故狃罷市已紛紛力箝告者口殺人以媚賊出迎議更醜我避城旋失二子尙落後眼見城未閉擁入爲某某是時宰升堂祕書出諸手



泣呼賊負我問弁弁先走第三首云月卯日壬寅八月初失城  
當辰初越廿日戊午潛歸視吾廬吾廬難幸存城市何頓殊鬢  
宮積馬矢官廨安鍾爐闈者怒握刀欲入還趨趨遙瞻百尺竿  
大旗風捲舒早行逢故人戈戟雜旌旆寵受新頭銜腦後垂青  
帶恩仇一時報權勢合家汰夾路恐其見趨避頗狼狽亂離無  
是非流俗計利害揆諸前日情一身隔世外

鄭珍巢經巢詩聞九月二十八日韓南溪超別駕督練卒百人  
攻雷台斫柵深入以官兵不助失賊魁而返一首云百夫着翅  
上雷山慚愧諸侯壁上觀肯助使君犀角隊定懸么麼鹿皮冠  
紛紛紙背談三略落落軍中有一韓且饗椎牛休快卒禽王終  
恃寸心丹

獨山莫友芝當遵義被圍時適在圍城而讀書講學不輟巢經  
巢詩有十月望莫九莖自郡至山中始知邵亭數月在圍城寄  
之五首云消息難真自亂初人傳汝去獨山居豈知烽火連三

月猶在囚城守一廬覆被可憐新習勇劫灰不到苦收書茫茫  
天意吾能解紀事圍中正要渠無上平天總擅尊從前薪突  
不須論黑山誰養張牛角南嶽終推漢馬援亦恐老師財易費  
不知多算意何存人卑擬草黃家狀暮暗朝啼未敢言歎息  
婁山賊隊來競將鼠子認龍媒稱名謁道衣冠智策馬關城將  
吏才何責愚民輸戶米坐看海國是雷臺卽今小疥成疔瘡人  
事天心盡可哀亂世無親各自忙靈棋樂道信東方亂初亦  
知白屋無人責敢說黃巾避我鄉薄宦計堪逃虎豹先墳忍棄  
踐牛羊平生恥作違心事嬰命區區聽彼蒼誦讀圍城志轉  
勤絳頭毛面等秋蚊談何蘇過來隨賊從此包咸遠讓君纔信  
子能當亂世益知天未喪斯文何時寇退修牆屋走視先生七  
十人

又十三日官軍敗於板橋賊遂趨郡云一鼓上婁山可以落賊  
膽據關者數百驟進彼何敢副戎亦何怯見賊氣先撼我師朝



未鋪返奔不容纜空餘大酒肉歸賊快一噉雞喉與排軍盍亦  
稍爲塹如何七十里薄郡日未暗國家祿爾曹其罪舉當斬日  
夕望播城風雲方黯黯

弄穀云曩郡穀一石中價二兩銀十年賤及半亦已傷農民今  
乃至六錢售者且無人輕糶豈所願日夕憂賊氛常恐劫掠來  
猶勝俱無存苟作目前計兩值豈復論物理極必反至賤貴所  
因老氏亦有言兵後凶年臻賊徒至郡下科斂已二旬兵食盡  
官貯賊口空鄉困待掃蜂蟻場公私甯不貧我囊久空澀粥料  
方升新亦慮落人手密弄防見聞暮共鼠掘穴朝與兒薶盆唯  
期億不中亂靖無饑呻過求亦何害不妨空苦辛

移書云家書數十篋篋篋丹漆明平生無長物獨此富百城祠  
屋築墓下堂廂接前榮萬卷輝其中俗見頗眼驚狂寇起倉卒  
土賊因肆行處處聞夜劫搜掘若鳥耕顧此古先籍四壁粲縱  
橫安見非慢藏不如顯與呈米樓據谷口上下空不局移之妥



帖置盡去鏽與滕示以無用物着手冷如冰自料非人圖萬一  
運所丁梁上亦君子何必仇六經南中鮮藏書苦聚神所憑前  
時作複壁亦恐殃池頰繼乃就石窳復虞濕與傾曷若洞心腹  
萬事格以誠影山盛珍祕弄室聞南征存否知若何賊壘未遽  
平聊以保吾巢呵護煩百靈

廿八日前開泰令陶實卿履誠出北門攻賊與參將寶玉泉山  
同死云赴援師猶薄稽誅賊甫驕如何陶大令欲作霍嫖姚血  
濺蓉江水身僵竹鼈橋賊肝終祭汝毅魄不須招

望捷行云郡城西望殺氣紫礮聲隱震八十里昨日殺賊已數  
千烏合雖多那足死若曹可笑不自量作農猶惰乃欲王獷眼  
強精會挾盡聚而殲旃天所憤

聞郡東門外街肆盡燬云吳橋松坎木來關肆接肩摩七里間  
出東門度吳公橋沿湘岸南至丁字坎二百餘年成望郡數千  
西南行街極木來關東北行極松子坎  
毛賊致空闔天心壹似懲澆詐賊燄何能恣狡頑已見凶徒連

日盡不知元氣幾時還

黎恂鈴石齋詩鈔避地石阡一首云婁山關前烽火紅天狗墮  
地聲隆隆約約奔迸頑浪胸環城鼎沸攢賊鋒長戈利矛森撞  
春一條殺氣纏蒼穹探丸惡少乘釁攻黑夜剽掠羣肆兇邨民  
逃竄荆棘叢風聲鶴淚皆兵戎豺虎磨牙闕我墉蒼黃出走思  
潛蹤提攜幼稚心爲恫負蟹如駘虛蚤蚤蒙犯霜露踰湄龍驚  
魂稍定相噉喙夷州山水清而雄米鹽價賤薪炭充結鄰聊爾  
作寓公亦有新知常過從吁嗟乎梁生賃廡遷吳中管甯皂帽  
居遼東古人避患猶冥鴻今我胡爲歎飄蓬祇愁故鄉邨落十  
九空側身西望消息何由通

聞家鄉賊平消息一首云觸鬪蠻爭各論功羸顛劉蹶孰雌雄  
大鑪不喜聞金躍下策無如火攻擾擾是非評燕蝠紛紛得  
失歎雞蟲道人擁褐階前坐雲散青天月滿空

蹇閻先府君行狀有云咸豐辛亥用言官薦奉旨與前漕督朱



公<sub>謝</sub>等團練本省時地方官視爲不急之務迄未舉行甲寅八月桐梓縣役楊龍喜倡亂陷桐梓仁懷兩城先君聞警驟集鄉人處分防禦事粗有緒賊已蹈境乃命先兄<sub>諱</sub>及<sub>不孝</sub>聞入城協守自馳赴鄉里整飭各團賊隨深入屯聚雷台山以窺郡城先時邑西人王安憫以聯團抗糧得衆心比賊至團勢漸張遂倡爲不助官不從賊之議賊志在得城而力不能下安憫遇其團皆不犯附者踵相接先君曰團練所以助官禦賊非僅苟全身家也方今承平日久兵備廢弛郡城危在旦夕矣然遵人十倍於賊能協力與賊爭賊必敗若不從官是坐視城之陷也無論絕無是理且賊得城則居中馭外身家可終保乎力糾鄉人激以大義衆多感憤八月廿二日賊分股出擾通平里之三邱田先君督團往攻擒獲三十五人立斬之自是鄉團始敢殺賊東南北各路團軍聞捷響應由通平迄南鄉用稍安堵顧賊攻城益急諸路軍雖雲集久持不勝十月中與年丈壽山<sub>廷椿</sub>合



東南境內爲大團蕭年丈吉堂光遠亦集團於北鄉聲勢益振  
旋命先兄乞兵二百餘人募勇丁百人兼率團卒往營雷台山  
東十數里之馬家河斷賊餽道賊屢悉銳來攻均敗去未幾遂  
會官軍破賊帥李七亡於水口寺擒斬千數百人時推爲軍興  
以來第一大捷又以十二月十五日令先兄率練團攻克賊屯  
糧之金錢山焚其積聚時各軍亦屢捷川軍又收復桐梓賊卽  
是夜西走黔西大難遂平己未仲冬獲安號匪竄入南鄉邑侯  
江公戰沒江公素知兵有平定遵屬五城功爲闔郡所倚賴旣  
沒賊得內侵人情洵懼先君立與官吏畫城守策外飛書促門  
人陳君紹陞等率團往禦遂破賊於深溪水賊始遁去郡復安  
全自甲寅迄庚申遵義防勦無虛日先君皆身肩機務官民交  
恃爲安危辛酉春漸覺精力就衰乃避居北里是冬不孝聞迎  
養入蜀始息肩焉

鄭珍十一月二十五日挈家之荔波學舍避亂紀事八十韵云

鎮遠歸四年我如僧閉關一日數看墓數日一下山兒知讀藏書婦解理後園今年婚嫁完余髮亦已斑自謂禮堂業可以終吾年一命乃受職出處曾細權生理豈不苦仕更較此難留待寫銘旌吾甯守叢殘八月探丸起大呼據桐梓揚旗婁山關飲馬板橋水么騰何足道一鼓盡禽耳武官更愛錢文臣尤惜死麾兵皆市人草木直兒戲見賊白石口投戈已奔圯遂令長驅來其勢固弱蕙五日始薄郡實行七十里稍拒亦解散閉城待其至此時方編甲倚堞時一視城外笑拊掌城中戰搖腿徐徐雷臺山突兀布重壘游惰日景從紛如肉附蟻遣徒勸四鄉謂我不汝傷助我一石米免汝三年糧愚民顧身首何惜竭蓋藏擔負日廢至露積高於岡岡頭娶子婦歌舞陳優倡朝殺千頭豚暮殺千頭羊官軍在西岸坐甲遙相望相望厭相礙上策焚民房闐闐四五里蕩爲灰燼場非無總戎者遙遙營忠莊調兵一萬人日費十千鎗猶名募私練已飽復已防練官約進兵練



進兵已亡鄉團請助兵十請十不違制府至卽死固無責短長  
撫軍駐劄佐距賊四日強藩使臨延水一宿還貴陽官大盡膽  
小恃誰安此方四縣失仁桐正綏亦鬢鬢郡城賊不攻自然固  
金湯何辜四鄉民坐餒蠶與蝗羣公皆特簡曷以對我皇我皇  
甯識此痛哭呼彼蒼及今四閱月村禍可勝說其渠名將軍所  
率號皇卒操刀入弱里雞彘任搜括姦兒假其威篝火夜馳劫  
聞聲卽潛逃來者或弟姪中間報睚皆日日聞攘竊亦有葫蘆  
軍又賊所齒切相抗或不濟連村轉燒殺吾家在東鄙巨嶂與  
橫截藻溪若桃源居人安墾墾近聞仁江上募米漸東出青蛇  
越三國行卽履我闔殺賊吾未能義無苟全活無論餉升斗已  
與賊爲列傷哉負夙心去矣一言決鹿鋌不擇蔭微祿况養拙  
倉皇泣祠墓慘澹雪中別弟妹送我行拜倒哭失聲鄰里送我  
行欲言皆淚盈考妣送我行松楸颯颯鳴攀松撫長楸此別豈  
常情賊平與汝見賊劇慮汝頰向後不忍思哀哀隨命丁回頭



語兩弟莫悲吾獨征處患事各殊未可一理評不有汝居守誰  
當視先塋先人實仁孝後嗣天必矜嚴霜殺百草谷豈無冬榮  
禍否未可知田廬善支撐萬一理不信暫避鋒莫櫻甯令罄所  
藏勿污餉賊名挈室我誠苦借勞解刀兵亂定當來還天道陂  
則平去去各努力無徒淚縱橫收涕即前路寸腸千感并回思  
適來事夢夢如前生

莫友芝遵亂紀事詩云婁山關南講善果婁山關北藏賊夥祆  
經咒水暗相通官裏成年鼓中坐北者九垓南板橋揭竿一起

關 雄關天險棄不守頓使賊氣秋峯高桐梓縣九垓賊 九垓

之賊來未來桐梓城門不敢開兒啼女哭縋城走縣官千總空  
裴裒賊來搜城且三市無民有官亦不殺募人作賊還募糧兩

官鼠竄無人納賊揚言九月二日當破桐梓城城中居人先半

絕至九月六日賊黨陳八十以梯入空城奪知縣千總衣冠而  
縱之出徧招城民移者還以籍募人募糧助之反邨里皆徧惟  
不溱溪賊一里 羽書夜走百廿里副戎聞之哭欲死欲逃不得進

不能大補額兵招滿市額兵未足且出城六日未逾初次程幸

哉此賊僅自守不爾已渡延南行遵義副將某聞賊起僞病不敢出復聞桐陷乃徧招市人

補缺額兵遵兵二百餘人額缺久懸招三日得數十人官民

皇皇議城守郭外巨家皆否否按戶出丁聊壯觀見敵能無弃

兵走迂生浪發清野謀聞者翻為笑不休遵之藏富在城外若

以資賊將誰尤自開桐陷來即為城守之議擬移附郭積聚入城城外諸人頗不然之唯議姑家出一人持兵

相衛且言城必不守稀稀朗朗天下星密密搜搜城頭燈街

街巷巷鈴鐸緊門門戶戶刀槍明北來賊勢已不小檻囚更報

西邊擾可憐有月無中秋一夜蒼黃到天曉中秋之夕城上為守具二更後仁懷

縣急辛解六人至云賊陳啓新兵新勇弱且礮板橋已逼心

膽搖賊來奔甲委軍械太守副戎齊遁逃遁逃乘月走中夜喘

息屏營駐城下啟明饒導還入城揚揚不顧旁人罵副戎十四日

路太守自六日先募勇出是日同進十六日副貧人分堞不

敢怨富民挾資走如箭賊鋒已逼遵義城我兵不救仁懷縣仁



懷縣官非吏循能鬪而死亦足珍遵城地寬守具略日夕關

空愁人仁懷陳四之子糾其族率諸亡賴仇官知縣容保泰把

近城之山何復重去城三里有賊蹤揚兵奮武試一出北路

已踏蠻營空參戎武略大尹才輕敵乃被狂蠻哈州守全師亦

已幸不見二子使心哀門廿三日署鎮甯州徐河清以兵出北

縣陶履誠撫標參將保山獨取小徑出乾田垣碧雲峯名即

紅花城岡名在倚城隅賊必自此攻吾虛守城文武各材俊屢聒

莫為先事圖飛梯果自西南出趨堞官兵汗流溢我饒火器賊

尚無不爾孤城能不失廿八日賊攻西南城城兵以火器禦却

事起屢以西南城當宿兵重兵聒賊氛南溢漸以盛材官來

者次而聽清江通守南谿韓馳突先驅為開徑南谿文吏何桓

桓不道提軍行路難提軍入境已三日胡為返次烏江關出賊南

豐樂橋望州四一帶下游各營兵來者次不敢進廿九日署清

江通判韓超至乃先驅挾諸營兵戰而入城而提督總兵官趙

萬春以兵至螺師堰駐前有噬熊後齧虎左觸鐵矛右彊弩



千林萬壑相迴環南北東西阻復阻城兵漸增仍守城夜不合

曉常到明風瀟雨晦忽九月膏殫米盡愁何勝據自入九月賊盡

日攻城城中兵皆奮欲出提軍屢以書來戒提軍退次未即

返幾日城人望穿眼幸有文士遠相迎關不倚烏江限聞道聚

師五營聯細埽南道清伏奸日行十里或五里能到定過今月

圓提軍還次烏江遵義候補教職蹇諤晉自昭何瑞附郭鱗

鱗萬家屋居人奔置成賊窟仁慈守令議存之軍行乃恐焚不

速昔討温水屋數間尙費糧甲如邱山可令一屋一温水坐見

瓦礫悽心顏議八月廿九日清江兵勇被民舍伏賊銃傷帶兵者

兵擊退九月十八日復有伏銃傷清江兵自是日焚城兵裹糧

奮欲出軍門令來轉愁疾署通判韓超署知州徐河清議以九

出城提軍令來至戒重陽已過閑不勝且向花岡試師律岡東賊

出牽我兵岡西伏賊起建瓴清江營頭好猛士揚旗獨上千人

傾九月初十日韓通守以兵出紅花岡擊迴龍山賊提標定廣兵

竟披 軍門未至聽賊狂軍門既至益狻猖四門攻徧應不暇

還營無路仍城藏威甯新添有勁卒抄過桃源探賊窟鎗疲矢

竭無奈何退奪南橋罵秋月九月十三日提軍結大營於忠莊鋪十月四日以小隊入城賊四門疊

攻且運斷山豐樂橋道提軍遂不敢出城其所遣威甯新添兩營兵取點燈山小徑出桃源後山搜殺伏賊已逼賊雷臺山大營

以無援而不敢 十五十六行未成十七出城還入城長兵短兵

奔盈谷了無一賊惟虛驚嗚呼提軍者如此城中小兒笑不止

城中文武數十人閉口無人敢非是輝行門一十七天未明整隊出城

賊至矣從人探聽軍械猶在山谷中乃知無一賊也 邨團併力

誓殺賊斗米束芻不令得枕戈結聚待官軍捷音不至生惶惑

官軍力已非昔單師老儲空忘據鞍長機大礮我所恃使賊能

備攻逾難皆誘以百人為軍門既至我兵已五六千人十日不一

攻賊邨團結聚於海龍壩造鎗刀其火器已不少 賊兵未及

五千人攻城劫營一何勤屢斫機輪斷我汲更絕粟道飢吾民

賊營去城不五里儲糧峙甲連雲起安得天公遣火焚不用官



軍一條矢

賊營城東雷臺山自東而北魚牙壩新橋大營堡皆其糧屯一月以來我師未有往發一矢者

郡

橫縣橫隔谿峙劫火炬炬同日燬孔子文昌無奈何撤盡門牆

賸階厖湘川講舍南山南閉城一月空煙嵐長髮獨處守書卷

死生存毀無由探

九月廿五日焚府縣學署經籍皆燼文昌宮魁星樓亦燬府文廟牆門皆撤去時閉城月

餘講舍存否尚不得消息

朱鴉日日東南飛連宵照耀生曙輝講堂文獻

拌已矣豈意尙與靈光巍貴州開省五百載耆舊聲華幾猶在

天荒撥拾良獨難定有呵護勞真宰

連日豐樂橋北民居焚毀殆盡聞湘川講舍縱火未

雖然及縣文廟尚在此道以漸通亟募歸講舍中文籍雖頗亡失幸黔詩紀略詩稿本十九猶存尚易補綴

何山不

容嘉卉敷何事托跡當城隅千樹紅梨萬頭薜但見赤土無根

株雙松百圍氣屈彊寓公爲屋欣相傍主人含涕取斧斤客子

相看各惆悵

北隣梨園爲城兵薪又空其茶園二松夭矯參天爲城中橋木之冠主人度不自保遂自伐之

我軍飛猿渡湘水火攻百道連山起衝鋒競說通守公匹馬橫

戈下高壘賊來逾月今膽寒闖竇窺墻走欲還無端拔旆訝元

帥功虧一簣唯長歎

九月廿八日我兵分四道進攻賊營韓通守以下游兵出沙鹽坡焚雙薦鳳凰諸賊



營直搗重臺山焚賊前營賊楊鳳毀寺墻欲遁提軍遽撤大隊還通守亦不能盡攻而返 斗壁重岡茅石

坎阨賊捷途當頸領連村列格事垂成七道妖烽夜爭閃村中

志士蕭冉徐殺賊如麻膽氣驪援軍不發半義鬼失此巖險可

嗟吁茅石坎一帶為自遵義走磨盤山九頃捷道蕭吉堂光遠為團長聯絡數十里扼其亢已殺賊百餘人十月十一日

賊以七道進攻團眾不能禦吉堂子永京走軍門乞援又不應吉堂弟儀遠死之吉堂走免其被擒者皆令拜賊旗免死唯蕭

冉徐三姓不拜皆被殺蕭氏男婦死至五十餘人 官軍南奔賊北走中宵一戰誰勝

負明朝空壁更無人壁上小兒齊拍手賊不賊兮官不官雷臺

自有險老君亦有關不聞塞函谷止用一泥丸催軍疊石作門

戶蠹爾麼賊誰能攀 賊壘一層還一層鐵蒺藜刺溝棱棱何

物狗子乃辦此使我欲進無全能忠莊老營聊可恃且浚深溝

護高壘胡然拔燧倚碧雲始知制軍親將兵 負山帶谿此崇

墉扞賊已自秋徂冬當時發議不守者遁而復還各言功嗚呼

此曹懷異衷牽率萬戶奔波空市恩弛禁復相引孤城岌岌愁

人胸

又賊退口號云火光百道射崔巍賊壘連山次第摧不是烏衣  
飛虎隊爭教一夕掃雷臺 紛紛賊旆盡空杠逸出樊籠氣未  
降寄語多同休自大小遷今已渡延江 旄頭昨夜落前營三  
窟休誇狡兔成阻隘自憑千健將殲渠終藉一書生 旌旗滿  
路菜花明萬隴千村接笑聲洗盡甲兵乘好雨盡銷鋒鏖事春  
耕 追奔轉戰疾於飛七郡熊羆大合圍南夷一鼓平劉胄早  
晚封侯屬奮威 欹崖負水插曾雲鳥聚猿攀尚作羣帶箭跳  
鋒忽分散始知天上下將軍

又和朱亮甫太守圍城述憤六首云徒隸竊威柄盛氣罔不陵  
民思墜諸淵胡乃挽之升此輩本梟獍呼朋卽戎興伸手蔽日  
月舉眼無寸明士林所羣望亦倚延聲稱仰睫附子弟何者敢  
不承其來匪朝夕積戾薰以蒸乖風召惡劫無術止亂萌驚心  
昨春暮殺氣騰樊蠅危城在呼吸一籲天竟磨羣兇走雷雹不  
費一矢征事首僅長繫讎民尙枝撐那知伍伯曹別有難當憑



飄風犯城邑殘我林與枋癸丑三月遵義令信其總快給糾合

諸里欠糧人以反因而誅之天忽大雷電擊散諸無賴事乃解

也 落落副戎兵農燈牘殘膏豈有數尺隄欲遏萬頃濤弃甲

任賊驅百里餘腥臊桐事起半月遵義副將始率新募禦賊主

客萃文武登陴藉崇高富氓奪門走懼作逆命苗賊偽示言能

殺不貧氓差守義分堞助干旄攻術變不休鬼車和悲號城存實

天幸守者豈不勞竟有賊窟歸詭蹤兩端操平常習寬大非種

不忍孳豺狼方塞途虎豹日夜嗥保無講張者磨核布妖桃賊磨

桃核貫之者即予以桃珠承平二百年事變誠已卒極盛丁字

街瓦礫遂狼藉嗟嗟市井中競利守膠瑟賊來拌捨弃敵愾旬

助役一炬誠可哀創深或知惕我軍之氣挫已自岳崖北侯補

陶履誠署副將保山被猛將誤岐途懦旅亦難率因循令賊蔓

肆出污清白村墟焚掠徧卅里無完室山城積聚少近野悔浪

擲可憐中下戶日有不黔突逃城逾萬人去苦盜充斥扶攜還



郭下老稚餘懷慄踉蹠求生門欲飽那易得 軍門轄諸鎮重  
寄在安邊兵家無巧久夫子豈不宣聚師已逾萬坐聽孤城懸  
帟月未百里漸匱九府園進攻必良辰失利乃屢傳誰令燎原  
火欲熄還更然我觀弧矢星光燭西南天豈容草間竊久飲郭  
下川潭潭制軍公好謀能萬全在昔襄漢上掃除無寸羶已聞  
發滇海前旌指溫延士氣待之奮會見十當千談笑靖妖氛快  
聽代鼓淵 恂恂講屯拒露白楓未丹昏昏幾何朝千林霜雪  
殘四民久失業別有心力單肉食尙臞黑何者猶好顏李舅不  
合來蜀山越千盤解鞍逢寇至恂恍難具言日夕想歸路短景  
逾小年語舅且少住勿計望與弦白波弄餘腥楊賊自謂與江  
南賊洪秀全同  
黨已克復潢池本無源縱彼開戶玩持我得算觀古來禍亂定  
早貴能者肩茁枿愁斧柯涓流詎濤瀾昔遊江湖事回首百憂  
攢 俯擊防水根潛攻畏雲末當頭雨泉注拂面風刀割四山  
成戰場一步不可越平時遊覽處血污驚歷歷飢瘠多病馬寒

瘡半痛卒根柢薪樹空泥沙井泉渴軍家貴持重會有賊亡月  
健旅蹇不親懦士容為悅誰施調劑手運以剛柔克我懷于田  
師號令何嚴壹八道趨海龍尺寸非荒惚明萬曆庚子平播李

龍聖計尺寸分攻鑿崖懸梯柄空猶在

又王介臣个峯遺詩云桐梓之變溯厥亂階則由前令張克綸

久於其任年老政弛民不堪命綸知事不諧革龍喜而禁其子  
力求退職泰階初任事一切茫然因與綸同鄉悉踵舊令尹之  
政龍喜遂作亂破城逐官劫獄燒寨因紀之以詩曰溱溪小吏  
先跳梁私計欲興播州楊三百人中年少者桀驁敢自稱霸王  
振臂一呼城已圯未交一鋒折一矢入衙見官長作跪勸官出  
奔吾反矣嗚呼舊尹之政焉可恃惜哉泰也欠一死

又曰仁懷界連桐梓龍喜等破桐後分股撲仁懷仁懷役與龍  
喜交好相約破城以城堅難破誘官出與賊戰保泰中計與把  
總王明安出城賊均縛而殺之縣首於城城隨陷保泰人頗淳



謹誤聽桀役之言以致於此人笑其懦然較諸棄城而走者霄壤矣紀之以詩曰容侯鎮日耽書史縣城未破身先死拋書作吏昧賢奸奸徒竟賊夫人子老嫗遮道侯不還一心唯知殺賊耳見賊不殺胡為哉嗚呼腐儒真可哀

去時有嫗遮道勸容無去容不信容字蓮峯廣

西舉人

播川詩鈔有自板橋至忠莊鋪遞遭兵燹一自云兵早下桐梓九壩賊尚微一鼓可以擒餘黨無所歸兵早據樓關間道同指

揮關左響水堡拒小水田各路賊勢縱猖獗安能著翅飛奈何

典兵者動輒多乖違侵冒強新募奮勇固已稀焚屋首先逃庸

懦甘失機八月十守大日賊遂長趨堂堂大播州坐受四月圍使

非蜀兵來愈覺捐國威我行經郡城憶昨徒嗟唏市廛變焦土

人地都已非元氣豈易復所賴知民依願借賢守令久治流清

徽

播川詩鈔記楊書魁招降鄒神保在桐梓城西一百二十里之



觀音寺與遵仁交界其觀音寺感懷詩二首云短衣深入虎狼  
區守令招降膽氣粗爲枳江淮譏水土搔瓜梁楚劃邊隅求安  
豈是拚孤注難事其如處兩姑草木蕭森風鶴警萬山涼湧月  
模糊 紅巖頭上信難真通踏坪前戰具陳響應漸教成滿地  
風聞先已急比鄰誰知相忌同爭博自計無恩到徙薪藤酒香  
濃聊痛飲來朝返轡度嶙峋

趙旭等力拒七日播川詩鈔有守城一首云七晝八夜攻甚迫

雲梯攬版兼礮石柴草硝磺廣堆積求救不得通一隙官民婦

孺心共赤以氣吞賊一當百賊旅若林分五方後四門我守南門

賊尤強手持短劍立女牆鉛丸飛擊右臂傷憤不顧身痛自忘

大聲呼殺血裂瘡霧濛濛霜皎皎月暈昏日光小時維乙卯十

月杪廿二之午賊騎繞廿九解圍野火燎援兵剛奪樓關曉初

秋先已逆謀肇言者諄諄聽藐藐賊首鄒神曾劉沛然穆童二高

盛侯魁梁灃徐容陳蠻如蝟毛沿途裹脇民繹騷僵尸累累填

城濠

斃賊以百計傷者甚衆

狐狸巧避豺狼逃但擒腐鼠揮亂刀賊耶民

耶爭釐毫是役也我親見文官誰劉署縣

毅

武官誰王營弁

明德教職

蓋教諭樹楷典史國經

同督戰六十兵三百練紳民

堵禦久弗倦陣亡止三人受傷者殆徧公牘虛實有天知作詩

竊附忠義傳

桐梓縣志趙旭傳桐城雖復從逆者未及大創旭同新令劉毅

往夜婁里安撫蘆里鄒神保亦願投順又同府縣去撫察賊性

無改回城招練十月鄒逆糾股萬餘來攻旭內安反側外禦強

橫忽中飛礮幾折其臂強撐七晝八夜斃賊無算孤城獲全實

旭首倡之力也

播川詩鈔於蹇池之沒有破賊營一首云蹇君

縣候選

死寺岡

初十日池君

總候補千死半山

六日賊膽較我壯賊謀較我姦天時

值寒沍地勢尤險艱坐此屢失機任賊自往還兵驕將復怯義

憤激市闐男兒好身手中夜按刀環子月戊子日九日侵晨雨



潺潺三路逼賊營死拒方當關奮勇拔其柵突入矢石間乘勢徧縱火一炬天爲殷斬馘及生擒來獻賞同頒首逆雖在逃亦足警凶頑快飲策勳酒舒我壯士顏

林岡原書作寺岡

又當時官民賊練之間頗多訾議故劫數一首云賊殺賊上年失身今爲國民殺民私忿特假公義伸官忌官爭功避過袖手觀練忌練去後來前訾隔縣善者未必生惡者未必死亂世原難究天理歸之劫數而已矣

胡林翼湖南益陽人字貺生號濶之道光進士以翰林出守黔中歷任鎮遠安順黎平知府與韓超等練苗捕盜至爲得力除暴安良軍民愛戴黔亂之萌早爲胡所料及嘗上書巡撫喬用遷儕鶴力戒官吏貪污會匪借口書中有云有會匪之地如得廉吏主持必不致釀成事端卽無會匪之地而貪吏混迹則平民亦可釀亂可謂洞見結癥已迨黔事亟官民情殷借寇故王蔣均有請胡來黔之奏而胡以湖北爲各省戰事之根據地不



能輕離也

羅繞典湖南安化人字蘇溪生而有文在其手曰典故名繞典道光進士以翰林累擢至雲貴總督平東川回亂曾三爲貴州布政使遵義之變黔撫本有全責乃竟憂思焦灼不自暇逸親往督師以致於死可謂有責任心矣卒諡文僖

丁寶楨字穉璜平遠州今織金縣人以嘉慶二十五年庚辰二〇四

月二十八日生於平越牛場鄉老屋咸豐三年癸丑八五三年三

十四歲成進士朝考一等改庶吉士請假回籍十一月丁憂明

年甲寅桐梓楊龍喜起故丁適在籍會敵圍遵義府城訛言

日至鄉民皆依擔而立乃與兄立如弟魁選毀家紓難練鄉勇

資捍衛歷六七年所貲財散盡衆人且多殉難者賊勢訖不稍

衰退罷不能進展不可困頓至不可言迨咸豐十年庚申八五〇

年四十一歲特授湖南岳州府知府始得脫手個人事業亦得

一新局面云

初胡林翼歷任苗疆與韓超等練苗捕盜頗得力於是有苗練之目林翼帶數百人征湖北未幾撤歸遵義事亟蔣爵遠檄黃平清平鎮遠召募苗練各二百名既而韓超募五百承齡募二百先率赴遵義比事稍定黃平營把總唐定魁繼率二百至札佐爵遠檄遣撤而徐河清所帶數百已赴援黔西苗志久已不戢其應募者尤多桀黠忽募忽撤益生其心往來各營壘間旣稔知官兵之無講義習於什伍進退以自精其技苗禍因此益亟云甲寅之夏賊圍遵義蔣爵遠檄苗丁禦之適唐炯自金口歸道遇苗丁之散歸者語輕官軍卽知大亂將作爲父老陳說宜早爲計然則官軍之疲茶爲桀黠者所乘已非一日特主持者之未能燭幾先耳

團民被脅有可慨者遵義王安國聯團抗糧頗得衆心比楊龍喜起勢亦漸張乃不齊心禦侮反倡不助官不從賊之議龍喜志在得城而力不能下安國遇安國部皆不犯附之者踵相接



力能制龍喜而不肯爲力雖經邑人蹇棲鳳之激勸未能回其  
意後卒不免爲龍喜所脅惜哉

時遵義舉人蕭光遠貢生任大培等亦起而練團禦守而蹇諤  
之募兵捍衛實承其父蹇棲鳳儀軒之意志儀軒曾於咸豐元  
年用言官薦得旨與前漕運總督朱澍等團練本省時地方官  
圖苟安視爲不急之務迄未舉行迨龍喜走儀軒迫於義憤集  
鄉人處分防禦事復遣子諤闖入城協守參與戎事於地方補  
益不淺

曾式衡等之遇害播川詩鈔有輓曾儀軒一首并其序云儀軒  
名式衡邑之洞子河人補遵義府學廩膳生吾師納川明府之  
少子也賊始謀時儀軒兄星樓發首發其奸當事者不之究遂  
成燎原賊旣起屢次威脅皆不屈惟團練拒賊迨大兵復城其  
兄弟擒斬賊首從百餘人賊銜之刺骨乙卯四月舒犬至銅仁  
逃回於初四日由綏陽中岡入桐梓經紅花園急走百餘里夜



抵洞子河猝攻其家團戶驚不敢救賊執儀軒縶割而投尸於  
火其猶子覃慶承甥杜俊秀美秀表弟侯德淳老僕呂升皆殺  
其子萱茂等身受重傷不死先世藏書焚擄一空星樓先以事  
入城得免儀軒六世祖諱宏才官曲靖總兵死永明王之難後  
先輝映儀軒此死可謂重於泰山矣遺二子長萱茂次寶成白  
刃交下火烈揚援兵四絕環虎狼書生就義肝膽張猶子甥僕  
死一堂曲靖遺微得益彰吾師含笑相扶將于家于國同有光  
鬼雄上訴趨帝旁維帝嘉爾獻大綱俾爾千古膺馨香驂蚪龍  
兮騎鳳皇洞子河水流湯湯仙人山高雲茫茫魂歸來兮障此  
方

哭曾倡繩覃慶塔一首云爾父瀕死幸不死罵賊而死乃有爾  
忠孝節義萃一門會見芳名附青史通眉長爪碧玉姿身則清  
羸氣權奇髻齡便作母母兒舉家親愛泯怨咨吾以世交締姻  
誼休戚相關凜大義早知與賊不兩立屢囑豫防貴先事窮寇

奔逃倉卒回耳不及掩聞迅雷燔爾叔父鸞爾弟攢矛刺爾胸  
鬲開爲國傷死者長已矣存者尤慘傷吾女未亡爾女生呱呱  
四月憐孤惻婦翁病處危城裏南望重山淚暗傾

蹇諤字一士號昌言家遵義府城外之白田壩父儀軒道光乙  
酉科舉人諤年十六補縣學弟子員道光丙午科舉人兩赴禮  
闈不售癸丑大挑二等出都陝撫王雁汀邀入幕甲寅八月還  
家適楊龍喜破縣邑且圍郡城勢甚猖獗先是父儀軒奉在籍  
團練之命諤至聞變謂事起倉卒猶易撲滅俟其蔓延便難爲  
力未及解裝卽四出助父整飭練勇排軍助防敵旣入境於東  
南兩鄉激勸民團爲殲敵計及提督趙萬春布政使炳綱督師  
至螺螄堰卽偕張源走謁陳說情況請速進兵時敵已據雷台  
山清軍屢攻未得手諤策雷台山東十五里石盤頭爲東路要  
隘可截敵糧而制其背屢請兵屯之至十月十五日乃得兵練  
四百餘人往營其左近之馬家河復捐貲募勇二百益之敵來



攻十餘次皆擊退時出奇兵勝之水口寺之役爲軍興以來第一大捷人稱快焉寺岡之敗其弟閻重賞募人求遺骸至十二月初四日始訪知爲近村王叟所匿王蓋被兵練誣作賊而諤查明釋之者也喪回迎者數千人道路祭者踵相接肩相摩也婦孺執香遙拜多泣下者家人易棺重殮顏色如生面受石傷五徧體刀矛傷七在頸及腹二傷皆洞穿尤爲慘不忍睹方舒犬授首後有勸諤赴都謁選爲自己功名計者諤以鄉里粗安餘黨未清必將煽動已而鄒神保果據婁山關旣下諤又將赴援客又以無官守無言責尼之者諤南望喟然曰桐城被圍七晝夜望救之心急於星火我軍新勝奈何不乘勢解桐圍乎卒督練援桐桐人搏顙歡呼泥首馬前以爭識面爲快其鄉人以與同殉之武舉池蓮培及先殉之知縣陶履誠遊擊寶山並祀爲四忠祠清廷復令於遵義地方建立專祠焉

莫友芝邵亭詩鈔桐梓餘賊鄒神保等窮蹙入落水碕復爲守



者所縱一首云聚師還壓石門牢後舞前歌太自豪瓊鼈竟能  
生羽翼釜魚誰使縱波濤龐勛虛幟還供米彭樂收金漫舉刀  
大鎮幾多逋敵者知難小邑問牛毛

又悼蹇諤四首云桐渠唾手入樊籠推爾龍平第一功甲寅秋

龍喜李七亡等陷桐梓仁懷兩縣趨雷臺山圍遵義府城至

百龍喜口始懼又二十餘日焚雷臺寺七亡及餘賊竝殲騰蹋已看

辭李馬君初次大挑二等歸至是積鄉拚飛何意更桃蟲身經

百刃旗猶掣援斷重圍鼓不雄鬪死遂令羣盜盡九原英爽定

無恫 新秋才手一編詩付我嚴刪更勿辭有約馳驅能竝轡

此中磨淬正多時七月中君手其晉遊秦遊兩草付余南取謁

晚尚不成行至矣關山故滯鴻泥蹟鋒鏑翻增碧血悲從此匣中

秦晉草題篇須擬客豪詞 黔國攻圍轉益多長材歎息半消

磨人心蹙蹙空思治天道冥冥竟奈何上計車書迷楚驛頻年

天地積荆駝此生出處俱難問羨爾勞生馬革過 金口孤忠

媿古人甲寅正月建義唐子四岡又見子成仁英各竝壯健山

色殺氣應回臘雪春馬卒捐生還傍主牛蟠收骨竟歸轡君臨

從卒會明標王仕洪不肯舍去同力戰毀維桑文獻平生事再得

擣詞刻翠珉

孟蘭會一首云去年亂定孟蘭盆撞鐘吹螺九朝昏肥僧臭道

鬪酸唱黃童白老相歡奔生天脫罪復何有佛力會銷兵劫源

罌桐抽刃已數見宵信爍火能炎燔甲寅歲建義西鄉油桐子

抽作長以呈大劍者遂有楊鳳之亂乙卯此樹復然中元前鄉民會折以呈官未幾遂有鄉辰保之亂二逆皆桐梓民也居

然發難在旦夕攻城殺將何喧喧雨雪行師更徂暑獲鼈插翅

教騰騫此時佛法何處救袖手低眉泥土蹲故知平等匪真惠

長惡翻結無窮冤古來亂國用重典乃以止辟非寡恩莠驕不

拔尚害稼何事叛藁培其根此曹狼性那得改一息尚在思噬

吞作逆可生即教亂嗟彼良善何由存祇今逸魁未授首愁遽

韜甲少扞藩婆心大尹別有喜喜此節序仍中元刻繪縷綵續



大會好與婦孺嬉花幡重令傾城走折趾巷舞衢歌誇不諼嗚呼當途善後只如此使我氣結何能言

第二十九章 王三鮮疤之役

咸豐四年

甲寅八五四

秋九月黔西州王三鮮疤假神佛惑衆以符水

洗目輒見古衣冠人金珠璀璨人皆信之因歛錢聚衆爲首者稱教主入教者謂之在緣名曰緣上人先是楊龍喜起走攻正安入黔西王三鮮疤與之合自安底趨平橋冬十二月遽圍黔西州城復分黨渡黔西西六十里之六歸河略平遠州境

咸豐五年

乙卯八五五

春二月初二日初王三鮮疤略平遠州境龍喜

部又盡趨合竄掠畢節郎岱羊場司大巖脚陷落別汛至是由落別走扁擔山至永甯境旋由坡貢驛犯永甯州城署知州徐震翱禦之旋東南走清江通判韓超丹江營參將烏爾滾珠等追至埡口關王等拒守超等分道并進銅仁協把總楊紹賢斬王三鮮疤於陣前餘黨散走伺機萌動附麗黃白號擾害畢節黔西大定各地直至同治



五年始漸消滅云

附錄

楊學煊一樹梅花書屋詩鈔甲寅冬十一月黔西王逆之亂家  
 馨湖二兄及兒輩琇枝珩枝集鄉鄰合眷口避賊於山前之雅  
 撫洞修軍器為捍衛計余與璐枝過鴨池河請兵勦賊十一月  
 十七琇枝合鄉團數千助官兵擊賊於大關賊潰轉黔西之北  
 門穆家坡乙卯春賊平余自城旋里感賦八首云日擊櫓槍景  
 殘灰入劫年干戈悲骨肉墟里盡烽煙曩日癰成潰隣封寇又  
 連黔西王逆勾結桐梓楊逆鄉關何處是離亂暮雲邊 忍淚離桑梓前途  
 為請纓全家依古洞羣寇逼重城諸賊十一月城斥堠軍書斷郵  
 亭虎豹驚總戎停幕府翹首大關營古州鎮臺因兵至鴨池河為大關所阻兵不得進  
 冬至妖氛滿梅花不復春詩書逢浩劫篇簡入囂塵兒輩以  
實書其土綠字光無色黃巾焰逼人時平重拂拭展卷淚酸辛  
 賊勢張梟獍兒曹集議工紅旗鄉士裏大義里團中合力推

妖焰同仇賦小戎關頭殘寇靖報國在和衷 一戰雄關闢鄉

團荷戟從枕戈同赴敵擊楫共衝鋒旗指天坪路天坪與軍摧

穆氏峯十二月二十六日跳梁春日盡乙卯正月六日王道台

黎庶半歸農 窮寇紛奔後全家返敝廬故園開密窖老圃出

殘書隣里收餘淚悲歌拾野蔬比閭重話舊痛說賊來初 戎

馬關山外羈栖別小園忽從松徑至已覺鵲聲喧盜賊全消跡

茅簷或負暄故鄉寥落景淒惻望平原 白首遭兵燹離家歲

暮時西東羈旅別雨雪弟兄知桑土消殘壘荆花返舊枝追談

鋒燧事回首涕漣漉

又乙卯二月呈貴西觀察福韻濤公六首之四云妖氛一夕起

邊塵禍釀蕭牆更有人甲寅冬十一月黔西安底王三莊誰信

清流餘白壁訛言滿地盡黃巾河聲虎視雄關險賊分股據鴨

賊焰鴟張野水濱逢水蒿枝壩一百尺孤城防守重令嚴鼓角

已兼旬福公糾合士民晝夜附守城賴以安雉堞重重靜不驚頻勞擘畫此專



城冰霜時節兵威肅星月周防衆志成獨與諸生聯犄角城公與內

諸生籌畫欲憑赤手斬長鯨軍書羽檄寒陬外日盼巖疆細柳

營公望援關頭屹立鬱嵯峨翹首天山可奈何自有請纓來

下士煊三兒練枝糾集鄉團合安銘郭占熬三團人過鴨池河

仗天坪入城遂教擊楫渡洪河郵亭接戰軍聲振賊天坪與城闕踰溝

士氣多東門接仗萬姓歡呼聯壁壘倚公鎮定此人和城隅

一戰及郊垆到城二十郭占熬三團人二十三日煙火彌天血

戰腥得虎已將臨鉅穴斬鯨尙未入滄溟我軍已燒毀賊巢七

賊營財物傳來王導安營壘咸豐五年正月王蓮潭觀更聽韓

蕲擁將星韓南溪刺史亦由一日潢池同覆轍炎天焰熄等流

螢正月破賊於西門外王觀察大林

### 第三十章 涂令恆之役

咸豐四年甲寅冬十月興義府普安縣涂令恆起令恆縣屬猓

羅衝人有地師謂其祖墓得異穴令恆惑之適府屬各營兵多赴遵



義令恆與武生李林春營兵冉秉忠等謀作亂先是鄰寨王五先往投楊龍喜至是偕二人來益以神佛相扇結二十六日起掠巴林汛學政黃統試府畢方宿新城二十八日令恆入新城燒縣城署劫驛館署縣丞楊開泰千總龐三錫遁統踰垣免徒步至安順幕友廣東南海縣生員黃夢蓮被害三十日令恆進攻安南縣城十一月初一日令恆分黨犯貞豐州知州蔣時純長壩營游擊善寶等禦之初二日令恆陷安南縣城署知縣坐補郎岱同知朱佑賢死之先是縣兵爲都司率赴遵義佑賢聞警亟募鄉兵共守敵至遽走右賢與妻周女蓮芳皆自經死署典史王藻千總郝朝元等遁令恆分逼興義府城防堵委員清江通判胡霖澍守備周崑舉人景其全等迎擊不利引退知府張鎡等禦守初五日令恆走陷普安縣城初署普安縣知縣綏陽縣知縣崇璟聞安南陷謀守城駐城把總率兵往遵義城中存兵二十一名實數人典史馬世臣稱赴鄉召募貢生梁宇自請募勇齎銀二百兩去訖不至會普安營分防劉官屯把總項德

明率兵五十名赴遵義道縣崇璟厚給兵糧留共守敵將至德明遁  
居民相繼盡去敵至遂入城崇璟大罵死之妻張長子婦司女順格  
格瑞秀格婢小梅皆殉長子于鍾岳次子于鍾毓僅免於難於是令  
恆部多趨興義 初八日安南縣敵去王藻入城 初十日普安縣  
敵去于鍾毓及署普安廳同知毓崑入城 敵趨攻府城張鏜等力  
禦之胡霖澍增募鄉勇來援率衆合擊敵退據卡子河府北五十里  
即魯溝河一  
名阿掠及卞子河南五十里之屯脚 十五日新城敵去楊開泰入  
城 十六日生員李士英王作輔等自敵中約團外應誅令恆餘黨  
悉散

第三十一章 曾煜華之役

咸豐四年甲一八五四冬十一月鎮甯州孔旗堡曾煜華人謂之曾三  
浪及其子廩生承傳等素不法鄰寨周小滿以符水惑衆與相結自  
楊龍喜涂令恆先後起潛約伺變安順府知府劉書年署普定知縣  
鶴年等調知上其狀合鄉團捕之會委員思州府經歷魯經芳至輒



招撫三浪入城小滿等屢率黨至不得逞旋去 劉書年等捕孔旗堡周小滿等誅之以曾三浪投誠不實解省訊辨

第三十二章 羅光明等之役

咸豐五年

乙卯 五五

六月二十五日上江齋衆羅光明羅天明等起

攻八寨廳城署同知馬世璜署遊擊楊廷柱等拒之明日走陷獨山三脚屯州同楊明千總霍元發遁外委王齡陣沒屯水陸四達齋衆據爲要會遂犯清平縣城候選同知徐河清雲南守備高天澤等禦之天澤中傷齋衆逼都勻知府鹿丕宗遣軍禦之太平把總何九錫敗沒是時漢民習齋教者羣誦五公經謂能避邪互相扇誘苗衆亦多效教衆所爲與爲依附光明等始稱王并軍師元帥諸名號 秋七月初八日高天澤及貴陽營千總黃掄元外委王雲龍梁占鰲率兵民擊羅光明於清平冷風口掄元占鰲陣沒天澤敗走齋衆旋薄城候補道承齡等固守卸署羅斛州判徐達邦生員黃槐以平越雞場鄉團援至齋衆始解圍去因攻雞場 二十六日羅光明陷都江



廳城署通判周汝椿署上江協副將佛恩遁壩街外委羅廷貴戰沒  
旋陷打略汛初光明潛結都江書吏余正紀圖廳城汝椿不知授正  
紀兵使守致陷正紀故吏因呼老科云 署古州鎮總兵桂林始遣  
守備吳立綱率兵援不及齋衆復攻圍八寨廳城分掠麻哈獨山各  
境鹿丕宗遣荔波候選知縣邱樹桐往擊道遇敵生員張清瀾武生  
陳秉忠等戰沒樹桐敗還齋衆遂圍都勻府城丕宗等固守會畢赤  
營守備楊啓鵬大定營把總陳繼楨等援至齋衆解去巡撫蔣爵遠  
奏禱丕宗職仍留署都勻府事 八月十四日余老科陷古州定旦  
汛遊擊興瑞把總宋士林死之佛恩方自都江遁古州桂林不納令  
同吳立綱圖復廳城遇齋衆於八開汛受傷旋沒把總王大魁楊芝  
元外委王兆麟隨行皆沒老科自定旦沿河剽掠而東犯古州廳城  
九月余老科抄掠古州左衛各堡俱遍惟靖鎮堡靖鎮堡屬左衛左  
衛總旗蔣貴矩率團民拒守洛本保三里七十二寨爲聲援齋衆旋  
由古州犯朗洞鎮兵多調出守城兵不滿千桂林等現募八百人禦

守代理黎平知府多文等赴援次廳北五里之車寨不進 初七日  
都勻齋衆結貴定土匪西襲陷大塘城署州判王問政守備李應發  
遁 十三日復由大塘犯羅斛州判吳瑞生千總王廷標拒之板庚  
瑞生敗沒廷標走遂入羅斛城分黨北犯定番州城署知州蕭澤洋  
等拒之 十一月初二日羅光明等陷八寨廳城署同知普定知縣  
馬世璜署遊擊上江協都司楊廷柱衛千總明焜古州千總顧學禮  
廳學訓導劉煥死之舉人楊超儒世璜母劉妻許妾周俱投井死子  
榮槐及幕友陳勛佐縋城走出被害幕友胡有焜廷柱二子明焜全  
家超儒三子俱死廷柱果敢有勇略楊元保初起先赴獨山籌守具  
州城克全洎守八寨亦屢卻敵云 署鎮遠鎮佟攀梅自貴定援定  
番敵解去旋西陷廣順州威遠汛 余老科掠取古州滾縱王嶺八  
匡各汛逼廳城 十二月初四日余老科陷丙妹城縣丞周鍾秀遁  
署千總董定國死之 貴州提督孝順自往會候補道張鏜及佟攀  
梅等分剿定番貴定擊走威遠汛敵



咸豐六年

丙辰 一八五六

春正月孝順以貴定兵集因同佟攀梅等圍大

塘孝順出定番十二日佟攀梅復大塘城 二月孝順連敗敵板庚

羅央羅化十九日復羅斛城 五月四川提標參將傅崑前以援黔

來至是告病以四川平安營都司張正倫四川提標守備都司李春

錦分領其衆出貴定谷撒援都勻訓導丁卓選從之數敗敵至凱口

佟攀梅旋自平州赴都勻敗敵崇義哨自長塘來會敵方攻都勻正

倫卓選等馳至圍解 古州事方亟會清台苗練數百爲廣西巡撫

撤回道下江敵悉招致爲首者稱龍大王據三保與余老科等分扼

古州益困黎平屬古州司羅里土司楊占先素勇敢敵頗憚之桂林

遣使致書激以大意占先遂訂期來援敵獲使者乃設伏王嶺待占

先而分黨攻城使牽制不得應占先及生員楊含春進至六百塘敵

回擊伏兵出其後占先含春戰死一軍皆沒外委柴占魁劉順孫榮

祿徐巽文連日先後出城禦擊亦敗死敵勢益張 六月楊占先之

沒古州城中不知猶望援初四日敵佯退城中以爲援至爭出應伏



發把總劉兆奎陳秉剛外委閃林戰死精銳盡喪初八日黎平外委  
歐丹奇來援復戰沒口寨 七月古州久困草木雀鼠羅掘皆盡守  
者皆飢無人色多文等遣守備王世章援至八匡汛會大雨敵掩至  
遽潰乞援之廩生王錫元監生段志鐸同遇害世章中創旋沒二十  
三日遂陷古州廳城古州鎮總兵一等輕車都尉桂林自焚死調署  
鎮遠鎮攝理古州左營遊擊副將何觀元右營守備雲騎尉蕭名揚  
護上江協副將都司玉文等皆死之前署照磨林奎釗紳士吳鏡台  
被禽罵敵死桂林妻吳佳氏子志敬志寬同時焚死佛恩妻偕桂林  
妾張子婦博爾濟吉特氏孫女二及僕婦婢女投池死桂林幼子志  
坤年八歲僅免於難署同知周湜署照磨劉向榮不知所往 八月  
初二日齋衆陷都勻府城代理知府同知直隸州石均署經歷穆承  
春教授周至德浙志謂至德降敵訓導丁聯芳署都勻協中軍都司陳玉恩  
右營把總張劉順外委正世忠等皆死之前知府鹿丕宗解任居城  
中與妻蕭自焚死在籍前署陝西巡撫布政使陶廷杰前江南徐海

道周燾嘗捐資數萬助守燾先病沒廷杰與其弟前湄潭教諭廷襄子附貢生慶升從子監生煜升從孫廩生佩琳及婦女五人皆自經死燾孫中書職銜周官亦被害麻哈訓導魏中瑩拔貢涂中成廩貢周子勳廩生沈德昭張樹德羅桂芳生員周樹棠周景棠李炳光楊登榮許名揚監生蔡正清武生張正魁并沒署知縣仁懷知縣高得善典史孫嘉猷教諭熊廷星等遁初孝順移軍去城頗孤旋有敵百餘人來降均等安置城外先一日敵遽攻城城中浪人徐天炳藍老二及僧凡覺應之遂陷 十月孝順與雲南昭通鎮總兵巴揚阿同破都勻城南敵營遂攻城二十五日敵開東門走府城復敵走麻哈犯城佟攀梅等却之恩騎尉張興發禦敵祭秧敗沒

咸豐七年丁巳八五七春正月羅光明等窺獨山東南九千水家掠荔波者兵練多失利州東南益警獨山汛守備王敦倫率安順黔西兵來防復潰光明等乘虛進至基場汛馬到獨山州知州侯雲沂以水城守備楊啓鵬防基場遁復以守備梁獻廷扼大坡塘敵逼龍德河



獻廷潰於地陽敵進至大坡塘雲沂嬰城守二十六日敵分掠猺蒙諸村寨集於大河平洲團首楊應舉入城助守敵退馬到

二月提督孝順自戕於都勻軍次孝順自勦辦上游仲夷轉戰至貴定都勻族奉命統帶川滇黔三省兵練節制在事文武疆吏因忮之事多掣肘正月麻哈糧絕以兵練數千駐灰坡轉運獨山圍急無以援既而滇兵聞昭通陷多遁歸孝順母及眷屬亦在昭通事會棘手愈憤懣是日黎明起自然槍洞腹卒遺摺置衣帶間以不具未上有云臣明知一死不足以塞責然處無可如何之時有不得不死之勢軍民聞而傷之蔣霽遠奏以翼長雲南昭通鎮總兵巴揚阿暫統其軍 永從古州相繼陷齋衆吳文明一稱齋門教主余老科結苗衆龍才貴即龍文稍稍掠黎平寨屯久之遂薄城下多文等屢祈援蔣霽遠令就近檄鎮遠八弓汛兵汛即水并祈楚軍進剿楚軍以未奉檄不至 羅光明等在獨山焚附郭梯城傅侯雲沂力守翁奇團首廩生楊維藩生員羅光善援至始退維藩旋以翁奇警馳回以團首六品軍功楊



和先來援戰沒初八日翁奇圍復至連毀敵壘至大坡塘斬獲甚衆  
州城圍解州東南基場東北翁奇皆居間要地自齋衆起往往掠靖  
彝塘兔場偪翁奇維藩等集各團防禦敵憚不敢犯蔣爵遠始遣川  
軍都司杜文富自平伐赴援獨山 齋結苗衆數逼黎平多文檄蔣  
貴矩等率團駐懷來堡擊斬齋衆首領吳文明自都江變起貴矩卽  
聯洛本保三里七十二寨及高羊各款扼險拒守且時赴黎古之援  
保全頗衆多文因畀以右堡軍事所謂款者明時衛軍禦苗號曰款  
軍今爲團三里近大平山屬上江西百二十里在喬桑烏洛間高百  
二十餘里上平坦足屯萬人羅光明初據之後歸老科云 多文復  
遣代理開泰知縣袁鴻基祈援楚軍并導師初湖南巡撫駱秉章遣  
甘肅參將萬年新援黔至靖州病訓導丁際可會守備熊興柏等移  
軍糾坡復不進至是再遣同知直隸知州兆琛率龍勇八百兵并同  
知吳自烈率鎮算幹勇赴靖州進錦屏鄉 四月獨山齋衆猶與苗  
衆據天星屯杜文富至擊之高寨侯雲沂赴基場集團禦之羅天明

由獨山突至貴定之長衝趕壩貴定縣知縣樊希棣出江肘擊之署  
貴州提督巴揚阿亦遣兵團來會羅陰約馬鞍黃絲黨人出貴定南  
十里之東苗壩據大興場圖貴定典史李穉同都勻協都司賈連升  
等禦守候選同知徐河清遣北牌團馳援希棣聞警以忠義團防江  
肘巴軍亦焚木老坡而退 十月余老科羅光明乘獨山東北團出  
剿乃進母窪據荔波楊安楊安毗獨山爲基場中壩門戶侯雲沂赴  
黎子樹會四川都司薛占超進剿以固獨山遣貢生胡培元率爛土  
團由甲倒出羊猛楊安敵退 十一月大平齋衆及苗衆掠黎平九  
朝據東鄉駐九朝千總李秀祥連敗之敵退入臘北琛等駐長春鋪  
不進六洞據敵時出掠 薛占超時進焚比寨打果分兵進剿羊翁  
敵退入水潘與占超相持不下母窪高寨毗荔波侯雲沂將會荔波  
縣知縣吳德容進剿 十二月侯雲沂薛占超與敵相持母窪而慮  
三洞水潘敵襲其後潛約水家內應火母窪敵遁高寨又毀之  
咸豐八年戊午二月余老科陷黎平之皮林出六洞楚軍潰九



朝府練潰長春鋪楚軍復東退平茶師老有去志惟日取投誠結狀  
趣多文辦善後留之不得 自麻哈都勻陷獨山西北亦警侯雲沂  
薛占超及翁奇團皆回防羅天明及都勻教首沈中和將乘間圖州  
城先遣軍扼甲乃使清軍他備天明等裹三日糧由中安母魚河趨  
基場 十七日卒至涼亭鄉團遽潰遂昇梯百餘傳城上攻主簿徐  
時鍵與占超出戰不利雲沂亟檄團衆來援武生黃可興等自東門  
上弦坡外委韋玉春自西門得勝坡來赴敵不虞其速至方大驚三  
脚州同吳兆麟復率羊安練由小路合擊遂潰追及大坡塘主簿廖  
景淇遮其前又潰至母魚河州同羅際雲武童黎廷珍沿途要擊貢  
生譚鳳章則先塞中安昂寨隘口設伏待敵殲敵幾盡自獨山至中  
安八十餘里沿途屍骸枕藉陣斬羅天明生禽教首沈大六中和斬  
首二千餘級羅光明自都勻遣楊光善來助亦被禽當是時獨山練  
團名震遠近敵不敢犯者累月 初古州團首楊鳳舉生員楊春芳  
以古州田土荒蕪請署古州同知錢元善進劄顧春耕元善爲赴宰



麻歸柳至二十七日余老科適出千洞元善及春芳皆遇害沒者甚衆 七月沈思雨中和子也復結黨犯鼠場馬場兵練退爛土苗翁 九月獨山敵逼苗翁練團再退母魚河侯雲沂祈援蔣爵遠檄桂林往不進遣署大塘守備龍建極赴之 齋衆結趨攻黎平九洞四十八寨苗乘之楚軍潰青龍嶺大坡脚北琛退入城湖南復以副將田興恕援黔軍次潭溪司二十二日興恕率兵二百入城明日毀附城敵營九旋回 十一月羅光明余老科等結苗教進破爛土分道取獨山至涼亭侯雲沂以龍建極合團衆禦擊

咸豐九年己未八五九九春三月田興恕自黎平撤回敵勢轉張老科自太平移據斷頸龍 八月羅光明等集苗衆水家於猴場復犯翁奇分黨出兩套陳蒙窺大河爛土苗翁各卡先遣難民祈降侯雲沂覺其僞斬之遣團練屯老營盤山羊蓋波作羊第一扼敵渡河以秋收故約龍建極吳兆麟楊維藩等斂守 九月都勻八寨都江太平山朱沙廠齋衆因羅光明益逼翁奇東南至苗翁乃東攻羊落中安南攻爛

土

咸豐十年庚申八六。春正月羅光明結苗教屢犯荔波城至楊家椿

城北一里吳德容及荔波參將范定邦等却之。三月獨山屬拉牆莪蒲

塘諸村寨自八寨都江失守以附近故久從敵侯雲沂始撫之俾聯

團禦侮羅光明等走水龍雲沂即遣其衆擊之敵走八寨。四月羅

光明復至八寨逼天星屯水民多降以侯雲沂遣援故退。六月二

十四日齋衆陳小介等導太平軍石達開部李文茂趨獨山旋下獨

山州城詳見第四章。九月獨山齋衆四出剽略團衆數却之時以魯祖

芳代理知州因聯團逼州城敵復分掠荔波羊奉方村吳德容及范

定邦三洞汛千總莫芝茂及團衆却之回。

咸豐十一年辛酉八六一。秋八月初永從六洞苗就撫後二千九諸寨

均招安惟余老科尙觀望而逼於三脚苗數被困糧且盡至是赴黎

平降且願隨剿三脚苗代古州鎮成應洪因率軍往撫比至古州而

苗已破大平餘黨多奔三脚屯猴場坡并郭家平附羅光明應洪撫



定以石部警旋馳回 十月獨山三脚苗附羅光明數犯爛土翁奇代理獨山知州劉毓林率團衆合擊禽劉直等斬之敵始退

同治元年壬戌夏六月初二日羅光明率衆圍攻古州都司袁

忠清於三脚忠清孤軍無援獨山團練至大河敵阻河口不能進營

遂陷忠清及營官譚鴻恩被禽死之洪都勻探訪作譚古州下江復警

獨山亦戒嚴

同治二年癸亥春正月羅光明疾 二月二十三日余老科等

復叛入古州廳城成應洪僅以親兵數十名與古州同知田宗超駐

寨蒿敵大掠去應洪赴洛本保三里集團齋苗復趨下江應洪所遣

都司雷三佳頓高阡不進署通判張永煦亦在高阡籌糧二十六日

各營潰敵再入廳城署遊擊任大興千總韋玉芳把總梁永昌皆沒

應洪以古州城恆多毀孤軍難守移軍過江保恩榮堡 四月遊擊

陳銘勳言下游軍事都勻以羅光明爲最餘如谷里堡陳廷英莫永

清鴉善堡羅六王阿溜堡陳小介皆其從也麻哈以潘名杰爲最餘



如馬鞍山羅匡明擺郎藍三壽其從也其何得勝陳紹虞皆以羅潘聲氣相通互爲援應我軍若右出都勻則羅光明據其前名杰襲其後左出平越則得勝據其前光明三壽襲其後都難得志若中出貴定圖麻哈則名杰據其前羅何左右夾擊更難得手數年來賊蹤不常我軍無可如何者大都坐此 十二月初一日余老科羅光明攻陷古州諸營遊擊穆雙有都司范國璽敗走麻高洞武進士顧本立陣沒署古州廳同知方憲修仍駐寨蒿不至巡撫張亮基咨湖南促總兵周洪印援剿請以洪印銳字右營參將李金榜護理古州鎮檄金太文由銅仁馳援湘撫惲世臨奏略曰連日據總兵周洪印稱李七自竹平退據四寨河地與粵西毗通古州恃險負固分結齋衆余老科羅光明唐連應等與爲狼狽靖州相距三百餘里楚邊防兵分駐黎平城外人數不及五千勢難深入

同治三年甲子八六四春正月古州齋衆結石達開部攻九洞將出竹

平新洞犯黎平黎平府知府馬樹清以都司梁承琛襲擊旋遣間入

四寨解散脅從因約楚軍伏山谷鳴鼓縱火敵驚走丙妹屬之弄反平江剽掠三保羊洞育洞周洪印至黎平出扼地里張亮基奏請三省會剿以楚軍擊其東粵軍出獨荔截其西而促楚軍參將金太文等往會廣西巡撫張凱嵩旋以撫標參將楊廷桂率七營來會剿太文不進 二月平江敵連日回竄順寨漂寨周洪印同李金榜知府戈鑑等擊走之適永州鎮王永章趙福元率楚軍先後至同進軍王嶺汛古州敵夜走二十五日古州廳城復洪印乘勢擊走平江餘敵都江敵分出三脚由三洞竄朱沙廠古州略清永章福元旋回湖南十八日洪印會參將彭炳武戈鑑羅建章李金榜各軍發古州道出都江定旦多水家生苗地余老科等自平江敗後多於頻都江八開汛高孖高舊平宇壩階諸塘設卡阻軍洪印等以田宗超爲導十九日由都江汛南渡敗敵谷口衝復都江汛城沿途破卡而進二十九日復上江廳城洪印以懸軍深入請張亮基促金太文馳赴黎古防軍後太文先屢以餉缺爲言自是得楚餉始次王嶺羅光明屯八寨



境初洪印進都江金太文始遣三百餘人來會洪印屢促太文復以糧艱言其前隊劉福旺甫至八開遽爲苗敗太文退黎平而已撫入蒙諸寨以官勒糧復集定日將叛洪印再撫乃定至是洪印以輓運掣肘後路多梗又得楚撫檄令查酌緩急以定行止毋遽懸軍深入十七日遂撤軍回上江平江仍爲敵據 九月羅光明余老科合趨古州隴頭寨楊廷桂圖撫不果署古州鎮劉元勳遣定日遊擊莫芝茂及穆雙有駐防王嶺張亮基以齋衆苗等聯合爲害甚大奏請三省會剿

同治四年乙丑八六五閏五月鎮遠鎮總兵張文德自鎮招募勇逕黎平至獨山基場將進剿於是署都勻副將周發榮署都勻知府兼獨山知州吳德容及署獨山守備羅顯模等出麥衝進長衝趕壩檄楊維藩并牙州凱口巴開諸團練起應文德擊敵水潘不利總兵江有貴副將楊廷瑞守備馬自玉陣沒引回三脚屯余老科等出都勻過大河鎮遠鎮總兵張文德進逼大河至此與苗教合趨古州黎平間



逼獨山不能自立寢致消滅矣

附錄

莫友芝邵亭遺詩聞都勻麻哈以次解圍云剛夷煽旁溝肆毒  
 靡隙地艱虞周一星沈霾始開霽都勻自三脚一陷不復制八  
 寨續上江剝牀益無恃圍城夏徂春告急不論次去省四日程  
 竟無一兵至差賴老守賢鹿簡堂能協搢紳士相將率錢粟召募  
 保百雉四野焚掠空攜扶盡來避人稠鹽米絕百倍無處貰捐  
 廩得士行陶子俊方伯糜粥稍相濟死亡雖枕藉豈不活一二麻哈  
 彈九州災傷益彫敝城小隔野民萬計處郭外回環代羊馬飢  
 餒敵鋒刺賊至奮一呼往往走其幟觀察提師來盛氣何驕恣  
 耗餉十萬餘半道盡奔潰雷霆撓勁旅威令嚴總制嶽動提軍  
 營風馳參戎騎東驅幹夷腹北出洞賊背桓桓金馬客所向亦  
 橫厲一綫開血塗獷逆屢挫銳聲息得外通兩城始生氣疲民  
 餘鳩形十宰匙一在田廬飄蕩久身計安得遂台鎮捷未聞拱

平清道仍閉清平越旁連裏外古剿撫猶不易我師持勝算猛  
進妨小怠寄語諸將軍珍重干城寄

督辦貴州軍務湖南布政使兆琛片奏桂林事狀云原任貴州  
古州鎮總兵桂林滿洲正黃旗人由世襲一等輕車都尉揀發  
雲南咸豐四年擢任古州鎮總兵五年七月苗教陷都江時賊  
氛日熾烽燧燭天桂林繕甲治兵乘城設守凡樓櫓雉堞備禦  
之具皆修葺完善未幾而賊果大至桂林開城縱擊擒斬無算  
賊甫退而復至百計環攻大小數十仗多方捍衛城賴以完六  
年二月風雨晦冥賊架雲梯乘夜蟻附登城桂林立斬十餘賊  
餘衆驚惶墜城逃遁復糾衆至絕糧運斷汲道更築長圍古州  
遂因之坐困城中糧食既盡掘草根剝樹皮以爲食力竭時危  
之際桂林殺戰馬以食軍其妻吳佳氏復拔首飾以犒士兵民  
皆感奮泣下糧罄援絕仍希圖死守至七月二十三日城陷桂  
林巷戰殉節妻吳佳氏妾張氏長子閑散治寬長媳博爾濟吉



特氏次子候補筆帖式治敬均舉火自焚閣門殉難查古州鎮總兵桂林抗守孤城身經百戰一門殉難大節懷然迄今紳士軍民愴懷遺烈追慕前徽籲懇建祠俾伸誠悃

清國史石均本傳云石均直隸灤州人由議敘知縣分發貴州補永從縣知縣保同知直隸州歷署郎岱同知鎮甯天柱各州縣所至興利除弊卓有政聲咸豐六年委署都勻府知府時郡城四面皆賊孤城懸寄無餉無援均遷老幼婦女於城親督兵團出奇擊賊迭有斬擒嗣城中糧盡兵民皆感奮八月初二日賊圍攻益急乘間由東門梯進城隨陷均督飢軍巷戰因賊衆兵單力竭被賊酋羅光明所執欲誘以降均大罵不屈以首觸石而死事聞優卹光緒丙申署都勻府王繼先轉寄該府紳耆孔憲章等請建專祠由巡撫嵩崑入奏允之

均字竹生

清國史鹿丕宗本傳云鹿丕宗直隸定興人由拔貢生充鑲紅旗官學教習期滿以知縣用道光十二年分發貴州十五年補



施秉縣知縣二十年擢平越州知州二十四年升都勻府知府咸豐元年以苗疆俸滿賞加道銜四年二月兼護貴東道十二月獨山州匪徒煽亂拒捕撲城丕宗督兵勇進剿殲擒首逆巡撫蔣蔚遠上其功請寬免失察處分下部議敘允之五年九月桐梓餘匪勾結黔西土匪擾竄大定等處丕宗會合官弁夾擊殲其渠餘匪肅清奏入賞戴花翎十月所屬都江廳城陷革職留任十一月丹江廳陷諭仍留都勻府本任以觀後效下游台拱苗匪連陷數城漸逼都勻境龍里貴定兩邑教匪復合攻府城丕宗募勇登陴親歷各門指揮督戰間出奇兵迎擊之殺賊甚多並訪獲城中匿匪悉誅之以忠義激士民人皆感泣困守年餘糧盡援絕六年城陷死之妻蕭氏自焚死時丕宗已卸任十有八日矣貴州提督孝順等奏聞賜卹如例并於原籍建祠同治七年巡撫張亮基奏請予諡並在貴州各任所建祠其隨同殉難之家丁孫福李壽黃元侯婦周趙氏李王氏婢冬桂一

併附祀尋予諡壯節子傳霖

宗字簡堂

傳霖字滋軒當都勻城陷時倉卒奔其外舅興義府知府張鏜任所曾與鏜子之洞讀書講學於邑紳宋杰家迨光緒季年鹿督四川張督兩湖復同時官軍機大臣大學士卒後鹿諡文端張諡文襄此在當時頗以爲美譚云

清國史陶廷杰本傳云陶廷杰貴州都勻人嘉慶十九年進士改翰林院庶吉士二十年散館授編修兩充順天鄉試同考官道光二年轉湖廣道監察御史官三年轉掌山東道監察御史四年升吏科給事中五年充廣東鄉試副考官十年調刑科給事中十一年授江蘇蘇松糧儲道十八年擢甘肅按察使二十二年升陝西布政使二十二年署巡撫二十五年來京陛見以四品頂戴休致咸豐三年貴州盜賊烽起御史蕭時馥奏請命廷杰會同地方官辦理團練允之六年八月古州黃平都勻城先後失守廷杰督勇禦賊死之十二月貴州提督孝順巡撫蔣蔚



遠以聞得旨從優議卹尋賜卹如例子諡文節賞騎都尉世職  
廷杰字子俊丰裁峻整美鬚歸田後詩酒自娛與鄭珍莫友  
芝時相唱和尤好弈先世多厚德父灌園爲生一日憩於井旁  
見有遺囊就視之金也負之歸妻謂之曰我不勞驟富而人且  
以此致命何以安因坐原所待之俄有吏倉皇來急迫萬狀泣  
且不成聲因還之不受謝且邀至家飲食之後三子皆克自樹  
立廷杰其季也當圍城急廷杰不輕去其鄉傾資助守者數閱  
月資罄力竭而事仍不可爲城破廷杰督家人子婦先死池淺  
不得溺雉經又不能遽死因令各自逃生去己則自縊後園桂  
枝上敵入城其首領首詣陶宅聲言索償數月攻城資蓋怨廷  
杰毀家助守致稽破城時日也及入見廷杰死狀且身有矛傷  
知爲地方浪人所爲乃佯揚言曰何人爲此快意事衆人中有  
攘臂自得者果邑之奸慝也因殺之於桂花樹下復訪求廷杰  
子婦視殮事子婦初不敢出訪之再乃出歸見屋宇皆毀四壁



洞穿惟中庭差全因倉卒成殮廷杰有三女子其二已笄敵數  
索之亟毀容雜死屍中乃免孫女之幼者甫三四齡家人未及  
攜與偕亡敵亦未之覺後數日其乳媪念之因來視見方輾轉  
泥淖中撮泥土而食子二其一先以知府宦浙江一隨侍在側  
城破後被敵驅司號火旋輾轉入陝西陝之人士感廷杰遺愛  
醵資賻之

廷杰有題都勻文峯塔七律一首頗見胸襟及平素修養其臨  
難不苟免不輕去其鄉私圖自全有以哉詩云水抱全城萬象  
涵到頭關鍵豈空談千夫建石方圓合七級凌霄日月參故址  
立成新雁塔中峯長鎮老龍潭一枝健筆鍾靈秀振起人文冠  
斗南

莫友芝邵亭遺詩聞都勻城陷二首云經年辛苦扞孤城待到  
援師喜更生誰使病偏加小愈那堪功竟敗垂成樓山繞郭飛  
燐影板水連宵送哭聲一樣捐軀新舊守天心人事兩難平

千帳貔貅擁近郊軍門營對總戎旂如何萬炬飛城雉不見偏  
師響箭駁唾手頽垣終走敵傷心破卵更無巢猶聞襲背誇王  
霸堅壁居然作解嘲

又自省南往獨山道不通且一歲始得猶子遠猷來書知州人  
以社團自保城尙無恙却寄示一百韻云遵桐昔未亂齋匪假  
妖術糾結異種人豐甯肆侵軼燈花走愚惹趨死不自悉其渠

雖就殲同惡未盡桎遂乘白錦釁還擾白陽卒甲寅二月二十七日獨山齋匪

楊元保亂豐甯上司三月會圍州城四月十八日就擒九月楊鳳等圍遵義城元保餘黨余光裕等復起下司之芒場旋

擊我時在重圍涕泗念兄姪倉皇乏毛羽敢信何土吉雄兵萃

三省惡馬馳萬匹雷台走虔柳逐北數道出連郡驅風颯巨慙

屬鐵鑽楊鳳以十二月十六日破走乙卯一時反側子何者不

股栗坐想乘勝師一鼓痛爬櫛指搗清鬼教叱咤洗蠻猾譬之

湯沐具何處留蟣蚤捷書馳爾叔謂指安江末方隨子通部橫

戈更磨刷阿兄適南共喜破憂憊家人兩無恙鄉亂庶可輟



握機者誰子自誑不暇恤耳目忘腹心枝條昧根節朝防趣甲

弛暮豐覩竿揭驚傳崖門陷旋報合州失卯六月三日凱棠

匪陷三脚壘釀成燎原患尙冀杯水滅南行歸路斷八番取回

屈千峯低粵徼黯黹送落日滿道逢流亡老小互扶挈疋羸衣

履破飢餓言語唳偶然風鶴警戰縮有餘慄荒荒洪崖河饜徒

盡還蹶牙洲昨夜火生死介一髮迂遲免新恐返轡復何說半

道得遮要草堂敞修潔平生文字知忠憤待選述表章有賢嗣

敘次敢辭拙翰林名父子羈羽息飛歛一巷呼可鷹朝昏破愁

疾廣文隔勞江踉蹌弃冠黻相逢尤意外自詫虎口脫人誇德

星聚亦笑窮鳥聒干戈自滿地詩酒竟累月浩歌惜劉三授命

偕蔣冽劉芝山字伯龍激浦人能手提六十劬大礮蹲發之輒

芝山僅六品鈕頂巡尉職不就率其部冶鐵於南丹子尹與荔

波令蔣嘉穀守城時應募來助遇賊無不披靡十月十七日嘉

中穀追賊深入戰死二十日亦勻南請詩人間關逾急切相

將趨大府痛哭眼欲瞎稍知吾遠子失業久投筆糾旅當北藩



猛氣頗盪決危哉黃梁戰幾作灘頭血桐刀仍北亂北走顧我

室無從助多算回望屢愁結十月月中楊鳳餘黨徐子入門餘飢

劬小女遽天札桐棺完遺嫁忍淚且作達愁聞我行路妖黨轉

滋孽豚湄指沅首橫巨伺局鏞延辰更始間木耳又草竊壞城

未一收弃乃過七八儒冠即戎首詩禮竟何物材官工遁逃文

吏安用詰毅哉兩游戎鬪死更不怵楊君吾保障愈令想屹嶮

孝廉楊與蹇寸祿未干舌殉義同錚錚士恥稍可雪後三脚壘

十月都江應八月定旦營十月大塘羅解兩州判銅仁府八寨廳

定日遊擊保齡入寨遊擊楊廷柱八寨守城使者有勇謀楊元保

事起先至獨山之守具州城得全元保檢還守八寨至是屢却

人截取死於學宮謁選撫軍令其暫歸團唇亡歎八寨我州愈艱

脆連書戒持重飛夢遶嶢岳遲爾消息來重裘換單葛開函乍

驚喜涕淚幾橫溢言從去年夏州境環賊窟州人爭敵愾奮發

氣莫奪秋成皆入保官私稍充實宿飽使荷戈何銳不摧折所

以一歲周崇墉尙完屹今年耕作計僅有二分一眼前縱無虞  
常恐到支絀矧自我里焚乙卯八月五日賊焚兔場全家寄城闕東南姑姊  
妹驚聚守飢渴遠也扞賊衝百戰苦力竭傷心四叔病遽此多  
難沒醫藥了不知喪葬從草率既死謝百憂生存盡旒綴北道  
猶未通呼援趣徵發鄒南鄰阡危久常恐更蹉跌荔何當偕衆  
叔升斗相响沫暫爲太平民所願亦已畢遠乎爾誠難世事非  
故轍我生既不早死地覓真活荆吳漫耶蘇滇雲肆回紇綠營  
卒已罄水衡費徒括驍材多掣抑鶩帥習喪蹶欲紆宵旰慮差  
賴巡社乞唐澤潞步兵山河子第宋河朔巡社陝近者觀湖湘  
遠者東南越連城自保障百撓匙一拔故令新使者行省概增  
設剛頭丁亂始柔氓與筋骨延北尋次之其衆益勇傑邇雖遺  
小蠹冒使更延茁黔盜自如毛兩徼足式遏天心苦厭亂勁選  
在此列老我習頗領出處信天抗時危右韜符戎經頗穿穴善  
師如轉環絲隙不受鏃吾家君顯公開疆有前伐遠乎團子弟



千銳慎一茶偏氛觸手靖羣逆好槍鐵繩武良在茲以慰老眼  
刮

鮑源深書孝順自殺事云咸豐乙卯黔中苗患起自台拱廳當事者誤用撫賊勢益熾連陷鎮遠黃平都勻黎平各府州下游二十餘州縣賊徧擾繼雖用勦而檄調者率皆疲茶之兵無能致敵當事束手無策制軍自滇奏令滇省提督孝軍門援剿軍門率兵二千赴黔至詢初時勦辦情事歎曰蠢爾賊何遽至是撫之實縱之耳與中丞言不合慷慨出省門向人誓曰成敗未可知若臨敵退縮中丞殺我若飾敗爲功中丞殺我若勦賊未盡苟且完事中丞殺我我無怨惟軍實糧餉以時給毋掣我肘耳是時省城數十里外皆賊道路不通者數月軍門節節蕩掃直抵都勻城城立復入城安營居之捷書報省垣請中丞速置文武官並給餉復遺書中丞左右曰吾能復城不能守城吾去城雖復仍委於賊官來則吾軍可前進復他城幸毋緩中丞得



捷書檄某知府往以病辭改委某仍如前辭不許則故遲遲其  
行中丞無如何而餉亦不往軍門書迭至迄無應於時軍門坐  
困空城已逾一月欲退不可欲進不能食將盡兵飢欲譁盼官  
與餉終不至喟然曰何遽殺我也我死不足惜所惜者功未成  
纔收復一城竟畢命於此耳乃作家書遣人間道回滇安其七  
旬母在城朝夕以好語慰飢軍軍中皆不知萌死志也詰朝坐  
帳中命取火吸淡巴菰隨遣使者出曰我欲少息侍者甫出帳  
忽聲發急趨視則以小洋槍自戕洞胸死矣中丞聞信遣人視  
殮某守始來檢衣帶中有紙書字數行潦草不可辨大意鳴其  
自死之心中丞入奏但言餉未繼至情急自戕朝廷雖予以卹  
典疑其輕生而公效命之苦衷無由上達矣靈櫬歸旅婦人孺  
子皆哭士民設祭者盈道旁蓋軍門忠勇過人衆所夙仰合省  
望其功之速成故無不惜其死之速是非固在人心也公而有  
知亦可瞑於九原矣公諱孝順字行先滿洲某旗人論曰昔人

有言死或重於泰山或輕於鴻毛公之死重耶輕耶吾無從遽定也然古今論人必審其時察其勢而進原其心處乎不能不死之時迫以不得不死之勢毅然以一死謝天下雖其死不免於激而其心固可以對君親而無愧矣而當事者或以輕生議之嗚呼公既捐其身以死決不計其死之後議之者何如也而議之者亦曾爲公思之公果何爲而死也哉

復輓以聯云志未酬功已非常拚一身保障黔疆魂魄竟何歸猶想見勇冠三軍威先百戰死雖激名乃不朽盡兩字公忠赤忱重輕姑無論且博得士民隕涕婦孺含悲

光緒三年貴州巡撫黎培敬奏云孝順由健銳營副前鋒參領揀發雲南遊擊游升黔提剿安順郎岱鎮甯狃夷貴定都勻苗教各匪多出奇制勝身先士卒閭閻深資保障糧餉實際艱難咸豐七年二月初一日在營自戕經蔣霽遠奏報情形奉旨照提督軍營病故例卹嗣以全黔糜爛文報不通部議卹典皆未



奉到臣於同治四年視學入黔卽訪知該提督死事之苦並地方紳民愛戴之深該提督沒後遠近軍民同聲痛哭靈柩至省紳民婦孺焚香遮道行哭失聲委非功德在民不能感動至此迄今衆口談及猶爲感慨難忘

孝順旣自戕安順人士感其澤惠因醵資就東關外伐石樹碑以資紀念其文曰百戰無敵用兵如神鞠躬盡瘁殺身成仁綿篤棐蹇蹇王臣馨香萬古永勒貞珉此碑建之生後固真正民意之所在也

見插圖

楊文照芋香館詩聞安順提督孝順自死都勻軍營一首云籌邊同受主恩深戰勝還聞淚滿襟量盡黃沙孤月暗腥飛紅雨大星沉死生輕重當時論功罪分明萬衆心傳說龍山人散去鬼車聲又到空林

顏嗣徽望眉草堂詩有輓孝順一首云牛皮箐前飛劫灰遺孽今復作瘡痍陰傳木刻磔赤雞揭竿蠢動西南郵盲風怪雨倏



合離遊狐飛蠱相追隨血人於牙嘯且嬉睽賜跳跟爲爾爲孝  
侯假節來視師籌邊日上高樓危七郡輿圖指掌窺安貴勻黎  
銅鎮思犀甲三千手親提橫掃直到丹江湄勢如長風秋籜吹  
摧枯拉朽立芟夷老當益壯志不墮矍鑠顧盼熊虎姿森然如  
戟張鬚眉生鐵鍛鞍驕馬嘶白羽軍前笑一麾風雷號令萬夫  
馳手擲髑髏血淋漓全力搏兔如搏獅八番九股誓神威眠不  
帖席食失匙侯常在此勞面依男丁女壬安耕犁夜郎天未止  
殺機得失反復爭毫釐賀蘭坐視睢陽圍米船不救溫嶠饑引  
弓射倒無字碑拔劍斫斷惡木枝日落寒聲入鼓擊推床扼腕  
空嗟咨帳前風雨泣神駢報恩自矢革裹屍臣職伐叛當死綏  
茹荼如飴安足辭書生談笑弄毛錐雌黃妄將輕重譏蠅蚊點  
璧難瑕疵白日輕天赤膽披吁噫嘻千鈞僅恃一髮垂大廈獨  
賴一木支長城傾圯柱石頽風塵瀕洞雲慘悽忠魂毅魄竟何  
歸

王闔運詔建定興鹿壯節祠碑云有定興名族曰鹿氏其先以直節忠孝六代相繼祀爲鄉賢世戴其美絃冕所興皇運二百篤生壯節君諱丕宗字簡堂卽鹽運使君荃之季子文安教諭君泰吉之孫也風儀頎偉禮孝自童減產萬金以宦昆從年三十有五始以拔貢生教習八旗官學生又十二年議敘知縣發貴州四年補施秉知縣前後歷開州修文龍泉桐梓郎岱廳平越州以異績特薦升直隸知州仍補平越黃綬委佗超翔州郡署安順府黔西州臺拱廳遷知都勻府再送引見聲聞於天以覲宣宗克饜帝心還省未上權守大定明年涖本官五載底績道光三十年廣西寇興界連都勻羣情波駭奸民朱尙洵謀伺變乃設謀悉禽其黨同官貪功君依實上幾獲讒謗以直得申威略始章院司賴焉奉滿加升銜兼護貴東兵備道禦獨山之寇解麻哈之圍六載靡甯嬰疾辭任巡撫謂君以忠節之後宜僇力於艱難有感壯心效之以死咸豐五年臺拱苗叛時清平



遵義省兵猶盛督撫憚發姑務解網君諫以示弱宜移勝兵長  
駐不從羣苗鴟義遂殺招安二官連奪州縣龍貴凶徒相合來  
攻食盡援窮吏民疾疫帥厲壯義固守一稔躬犯礮丸若鬪雷  
霆寇伏其勇咨且退舍會督撫來援疑君虛張罷遣救兵奪其  
郡符七城皇駭三叛踊躍潛師夜旋內宥關門六年八月朔夜  
半府城不守自茲浹旬九城淪痛僉以貴州之亂失機於此君  
當斥退之會無官守之譏天開其生於義可全乃闔門積薪與  
繼妻恭人福山蕭氏舉火自燔奴婢感義六人赴燄於是提督  
孝順巡撫蔣蔚遠感欽遺烈乃懷忠智奏復君官吏部給襲禮  
部祭葬兵部賜卹國史立傳悉依三品官例有詔聽許入祀京  
師保定都勻昭忠祠明年鴻臚寺少卿王兆松以鄉里公義追  
稱碩德畿輔人士各合詞論賢請於縣城公建專祠有詔聽許  
以蕭氏附祀同治七年貴州巡撫張亮基以黔中士人追述吏  
政孤城扞寇功烈昭睹請加恩予諡所任十二府廳民祠同死



奴婢併請附祀有詔聽許諡曰壯節惟君稟沈深之智流慈廉  
之化教翔苗疆敷政優優讞疑禽盜風行若神吏不出門弦歌  
洋洋循良之惠允合祀典繫豈哀死而官祠民祭與閭黨相望  
夙承高躅式瞻老成祇奉詔書遠惟樂公立社之誼近依太常  
專祠之典棟宇顯啓閔主徘徊咸告嗣子周咨羣彥謂宜述徽  
迹表之後來是用代石西山鐫詞麗牲銘曰咨忠節輔高陽屈  
訐謨竭忠貞祠巍巍明德昌傳六葉繩其良起道長顯令望牧  
都勻奠蠻荒苗盜兵侮五常臧弗庸坐受殃矜其憾志勇強生  
虎視士慨忼黔茶炭始念功拜三疏名顯章列崇豐昭馨香眷  
舊里靈來翔慶陰陰降在旁嗟我士跂其行求良迪作典型

莫友芝貴陽道中聞二月十七日都勻賊以五道攻獨山州團

民迎擊大敗之其南路三千人殲幾盡走筆寄大遠兩猶子兼

示鄉里子弟四首云勻哈無遺堞風傳總震驚麻哈以正月廿

八日相繼失守惡氛驅五道盡銳向孤城結士投膠固摧鋒掃

葉輕南來衣帶水不愧有剛名  
急燧搖行省林垆漫賊屯捷  
書馳到處妖火散無痕四鎮兵非弱三年戍已煩誰能此乘勝  
翦絕亂根源 迢遞鴉關外歡聲動路岐我行忘折屐兒輩想  
搴旗草棘猶相蔓毛葫好共持何時影山屋復有竹林期 比  
郡凋殘極天胡愛此州賊驕宜自挫我病或應瘳待整千旗出  
遙思萬馬秋且勤耕戰備一鼓靖旄頭

楊文照芋香館詩八月初一夜聞都勻失守云櫓槍影裏昂星  
明聞道勻陽失重兵壯士功名求異等健兒身手愛橫行八公  
草木邊城路六將旌旗戰將營按轡無從招濟火何堪猿鶴話  
南征

又古州等處失守云南來驛路亂峯橫邊寇難分倍道兵夜雨  
巒山留伏莽西風鐵馬起邊聲高年賴有種樞密飛將誰 李  
北平喋血秋原垂翅後流民涕淚數危城

楊維藩字价臣獨山州人廩生少負偉略道光戊申韓超權州



篆札辦團防咸豐甲寅楊元保之役與八寨游擊楊廷柱密約  
協攻保全不少茲復聯團禦侮地方人民賴以不恐時方多難  
如維藩者所宜則效者也

邱樹桐經都勻有感云百子橋頭日色昏行人灑淚上西門驚  
風拂馬塵沙起盡是傷心國士魂 數年冲瘴斬苻萑太守鹿

三十年廣西賊警時出巡邊相其險要設關卡令鄉民自衛一  
善察奸斬諸謀應賊者以數百郡賴以無事者四年苗乃變

夜妖星逼將壇朝露無痕薪火盡桓榮何處覓衣冠公均城陷宅自

焚角巾羊祜早懸車急難於菟又毀家千載泮池橋下水生

香不斷白蘋花仕前陝西布政使陶公廷杰致 轟轟山城百雉

強森森黑獄九頭倡府君自有平生在笏血淋漓繼照堂時有

公張賊者大吏命石公均來代石公審經費絀甚謀樽節遂減  
守城兵及燈火任事甫經旬而城陷勻人怨之有謗其降賊者

不知公罵賊文昌 林猪山頭烽火明谷濛江上角哀聲出城

十里羅荆棘漫道天河便洗兵 吹律不揚狼尾高年年鼙鼓

殺聲焦寸腸打得星星碎爭聽城西入夜潮



盧振德謁鹿壯節公祠堂云龍頭石上角聲起雨花臺下賊如

蟻天地人和呼滿城賊入城時內應於高真觀門外龍頭石上吹角城中火四起賊相呼以天地人和字

為口男婦山崩血流水火光燭天聲熊熊端笏中坐衡州公九

闔碎匄振天鼓天兵指日龕渠凶生時未湮渤海波死後猶盪

條侯戈山童就誅林兒斫伐鼓淵淵公有懌教匪羅光明首禮老賊也及其子老

券俱敗死甕安自言見公部兵擊之以及於敗

何亮清蒼漪山房新稿輓陶子俊方伯一首云良臣雖死作忠

臣洵是千秋不朽身猿鶴成軍都解甲龍蛇厄歲恰逢辰藐孤

猶幸能存趙聞公幼子為家人攜去遺愛應知久在秦公曾任甘肅廉訪使由陝藩致仕

聞道騎箕歸去日藏衣揮涕到黃巾城破後賊葬公衣冠且為位私祭之孤城黑

厭壞雲垂愁賦招魂楚些詞授命自成千古事感恩猶憶十年

時余十歲隨先君赴戍所見公於蘭城自是滯迹六載飲食教誨謬許以國士嗣丁外艱復解俸金復為舟之助乃得扶櫬

歸淵明徑裏松猶在宏景山中鶴亦悲遺恨九原應殺賊西風

獵獵捲神旗公以去歲九月殉難

康金鼎謁鹿壯節公祠堂詞調寄大江東去云四方多故正伏  
 波翼鑠據鞍時節局局黔山膚寸地花帽紅巾竊發捧土盟津  
 驅車印阪盲老釘人舌冷灰一片銷沈數斗熱血 太息七尺  
 昂藏扶風歌罷竟澆漿短碣温詔旌祠多少事總算閒雲點綴  
 薛燭不逢青萍自倚老項空疆偃屈平天問天公更向誰說  
 歐陽朝相雜詩四首牛角山尖牛角雄棉花沖裏棉花紅報道  
 陣亡何九錫字賢協鎮再從容鹿本府屢梟大寇苗匪素備始  
逼城都勻協副將李賢易之遣九門不可總何九錫東討時承平  
久綠營兵習頑脆九錫尤輕率公知不可爭之李協不聽九錫  
率衆出城中無賴子弟從之盈千餘人行次無紀律至棉花沖  
不見賊衆大呼聲滿山谷方解甲將休忽半里外兩槍突鳴衆  
驚爭退人馬自相踐及墜樂邦三溪溝中斃者以數百計傷亡又  
百餘人九錫殲焉得入城者僅三百餘人時李協方坐南城樓  
候捷敗兵至惶急無主但曰再從容再從容數稱而己至是  
賊始跳踰於城下後聞賊中云衆自入寨上屯牛場不敢進浪  
隊二十餘人謀掠樂邦半途見兵皆返走惟七人伏田塍下戲  
以火繩發他手中槍耳及兵潰始奔告衆乘之云觀乎此當日  
營兵之情 前日十人守一堞今日一人十堞空殘燈不明號  
 事可見矣

火熄老將酣睡鬼呼風

本府石公均接任太守城兵

四馬才



西東復馳爬梳羣盜朽蓬飛觀兵苦李坳頭後陳六殘魂再不

歸陳大六盜魁也嘗逼城而陳公督壯丁搏之去大六故梟悍及

是欲降無何入寨陷大六遂負固然自此敗大六其甚不復

至城下訖城破獲鼠伏苦李坳明日乃敢入城且其目以是病

雀瞽後竟以盲兔走狼逃擾擾時成衣店內忽彈絲高歌未

歇綿山劇烈炬光中恤介之紉工人也小紀云帥師輔及其弟帥中

方按賊閉戶不應連夜忽酣歌其鄰人胡之門杜如故兄弟

妻率六人並踏竈下衣服未餒猶二寸爛不可辨識而第嘗效紉

中供鹿壯節公神牌香未餒猶二寸爛或謂師輔兄弟嘗效紉

公署或謂公嘗從其死殉之皆不得其端委然不層汗賊

慕其長上之義從而殉之而就命之時從容擊節歌古烈士能

為士大夫之所難不亦矯然足異哉而妻李也吁可以風矣

又萬梁詩澹園詩酒日相親入室不知誰主賓衡宇相望今數

武月明把臂證前因澹園陶名取我田疇鄭子產盡籠貨物

漢宏羊不因三月咸陽火誰識慈悲九曲腸圍城時公收檢民

有諱言一帶紅牆當路高數聲清磬落松梢人歌人哭何常

事分付寒江夜夜潮

又萬大章詩雄心夜夜枕雕戈攘臂能令虎渡河聞說繞朝空  
贈策千秋斫地一悲歌

王介臣介峯詠都江之變云老科胸中早成竹周郎心中若枯

木賊登臥榻尙茫然談笑之間成痛哭裏瘡求救來王君義旂  
一舉息妖氛妖星再現城復破頓使王君閣室焚戰敗周郎傍

榕樹榕城百雉葺身固二周協心同據鞍蟻賊隔江那得度老  
科竟敢犯榕門圍城三匝萬馬望兵單食盡榕亦破二周聯袂

俱出奔都江居都勻之南羣苗之變而此次之亂偏出漢人且

威也余館且蘭即聞彼方不靖寄書囑備周竟茫然遇變城破  
老科感官平日相待之厚不之殺遂奉母移出乞救於鄉團貢  
生王啓宗以兵收復城池老科又復破城盡殺王啓宗一家時  
周尚未入城復得免於難遂奉母至古州與周湜結為昆季共  
守榕城

又詠八寨云不能殺賊能作賊作賊殺人心不惻長官苦守亦  
頻年莫謂書生無膽識長官本是古循良奉母逐祿就遠荒羣  
盜如毛箭如羽城中戰士如羸羊死守不去官之職誓與楊君



同鬼域可憐幕友亦淪亡有母空閨兩鬢霜入寨居都江既失入寨危

夫破入寨者為應貢生羅天明天明家本素封道光季年被賊苗劫搶時其女歸甯姻姪雲集苗悉擄而淫焉家因以落至是

為亂世璜初任謹飭舉人楊超儒以截取到班赴省請客聞變回籍守城同死於難幕友胡君被執至巖寨死焉

詠古州云諸葛台高城帛繞乾隆乙卯年間造後來乙卯亦有

變只有城台尚完好王江浪盡忽風波千艘雲擁來老科城外

炮聲地欲裂城中戰士人無多朽楷敗草填胸腹支離病骨荷

戈哭銅錢二百售一觔十字街前賣人肉明史安邦彥圍貴陽大十字街賣人肉每觔

兩銀一城下蒸蒸飯初熟城上餓夫心輾轉賊用蒸熟者雲梯登城

坦途耳城內空空賊不喜惟見瘡痍瞠目視鎮衙一炬武夫死

湜 同奔挈妻子萬民塗炭官獨否破布蒙頭夜蒙被餓萃痛

罵賊剝衣徒走跚跚老無恥長安陳君人已仙一棺權寄榕城

邊死人可取活人死池魚殃及尤堪憐陳大興實任同知先卒於苗起其柩剝其衣

妻子死焉古州廳城係乾隆乙卯年張廣泗所建以通黔粵之路後雖變更未失城池余老科破都江後旋攻古州古州久

因糧盡援絕余老科謂曰事已至此城破必矣不宜久居四面與湜一同救出城破二周帶眷出奔古州丹江台拱清江四面

皆苗民不能出  
故荼毒尤甚云

詠都勻云陶練出都勻失城失民心壹淵明歸去來子荆善居  
室毀家紓難世難得太守方剛亦慈血卹蜂屯蟻聚抵死來鼓聲  
不斷麾士卒三年鏖戰賊胆寒幕上羣鳥鳴夜闌歡呼寇去驚  
魂定從此孤城得苟安忽傳制府牙常至太守新來稱得意散  
去當時舊虎羆招來此日新嬌穉此時餘灰若復燃孤雛緼火  
亦容易須臾羽探夜深回報道城門扇扇開火光照天同白晝  
守陴夜卒鼙如雷舊守城紳自焚死城中守土皆賊壘新守執  
戟出營門大呼殺賊麾將士將士本是賊中人楚歌一起亡其  
身新守之守良足珍孝侯繼到城旋復繼守高君亦華族殘區  
少卒胡為來賊至無多守者哭嗚呼君死不愧石與鹿賊破江  
旋攻都勻知府鹿丕宗城紳前任陝西布政陶廷杰前任淮海  
道周濤募集兵練相誓固守賊遂引去六年丙辰滇督恆春用  
參將陳守城奸細得軍務撤入內應竊發城遂破丕宗夫婦自焚  
募新卒守城不虛矣後經提督孝順收復順死復失署府高廷  
濤以病死廷杰抗節死均被執拷掠死或謂都勻之破由於均  
之撤陶練蓋不虛矣後經提督孝順收復順死復失署府高廷



英死之廷鹿石以無多之卒守其破直自區眾寡不敵偏亡俱亡  
吾何尤焉鹿石高與予俱好其曲直在人心不能偏諱也

### 第三十三章 楊通貴等之役

咸豐五年乙卯八五五秋八月龍貴兩縣楊通貴等起應苗衆 九月

逕犯貴定舊縣汛署貴定縣知縣鄭選士新添營都司高明堂遣兵  
練禦之黔西營把總水興邦生員郎承澤敗沒署鎮遠鎮總兵副將  
佟攀梅會統滇兵升授浙江湖州協副將鄂勒霍巴等敗之黃土坡

冬十月初七日復結都勻齋衆西襲陷大塘城詳見第二章佟攀梅

等擊之樂雍大敗署安義鎮守備張席珍武監生安榮先雲南署永  
北營參將開化鎮都司安如嵩大理營千總趙鯤維西協千總趙朝  
謨署普洱營千總李助國永昌協千總何有順署昭通鎮把總張宣  
署提標外委馬加珍等及兵丁九十餘人戰沒巡撫蔣蔚遠檄候補  
道張鏜出辦進省軍事率題升台拱廳同知高廷鏜等擊敵貴定平  
定村自平伐南進毀栗木敵營 十一月初六日敵薄貴定縣城張  
鏜遣援署貴定縣知縣樊希棟合擊敗去 十二月貴州提督孝順

自往會張鏜佟攀梅等分剿貴定定番連日候補州同于鍾岳雲南都司褚克昌敗敵龍里南之張萌卡直合北鄉團毀沙子坳敵營樊希棣別遣鄉團魯祖康率團破斬馬鞍山敵黨宋三妹等

咸豐六年

丙一八五  
辰辰六

春正月張鏜集貴定團毀擺耳山敵營再敗之

東山平會四川提標游擊參將傅崑率川兵一千至貴定鏜與合擊敵大平代司四川平安營都司張正倫先進連破敵高廷鏜以滇兵同毀甲定臘利敵營已又破敵栗木九頂谷紀關斬敵首楊通貴等

二月樊希棣數敗敵東山平敵邀之乾溪失利生員熊開元張繼銘武生熊魁元熊占元等皆沒于鍾岳褚克昌等分擊之於四百戶傅崑攻大塘山皆不利平番千總守備潘玉春永甯外委趙奮揚千總岳奇斌皆沒二十五日敵徑渡清水江在籍舉人唐炯督團攻之已而掠至巴香汛大小谷龍龍里生員羅國珍陣沒知府徐河清時防清水江不能禦省城戒嚴貴東道承齡先由平越退守江內洛邦至是再退省城東五十里之虎場俗名日時山西知府黃輔辰貴筑



人以貴州大難既興關懷桑梓遽請歸歸而從事撫輯至是馳赴巴  
香解慰之縛斬首要羅憲章王登學姜洪三人 巡撫蔣霽遠以承  
齡督辦不力奏褫職仍隨營效力以張鏜署貴東道會雲貴總督恆  
春遣雲南昭通鎮總兵巴揚阿先後至巴揚阿會鏜擊貴定東南五  
十里之王寨河尋同雲南新陵參將張才敗敵大谷龍 三月徐河  
清張才高天澤雲南曲尋守備張文標等擊敵平遠在籍翰林院庶  
吉士丁寶楨及舉人章永孚唐炯等會之十二日共破敵老鷹洞清  
水江內敵退 夏四月巴揚阿等連敗敵貴定大小范平白巖脚  
六月巴揚阿張鏜等次貴定馬工河圍首袁瑞興禽斬敵黨朱狗妹  
於馬橋屯巴揚阿率副將慶保褚克昌圍首包興等破走翁樹河諸  
敵進乾谷龍打鐵寨李春錦等下大平伐之猴場 秋九月初一日  
巴揚阿率褚克昌等破貴定螺螄壳敵營丁寶楨等自平伐上司擊  
敵濫山斬敵黨羅懷江等再進平浪司敗之大關口滅其主力餘黨  
東西突竄寢至消滅

附錄

郭嵩燾黃琴隲先生墓表云君諱輔辰字琴隲貴筑人少貧讀書自刻苦遭父喪徒步走雲南三千里告貸所親得三十金歸葬至是貧益甚至屑糠以食日夜自砥於學無所得書故湖北布政使唐公樹義少與友善時攜小童負書籠就公公遂以博覽經史周知古今事變慨然有志經世之學由進士官吏部文選司主事遷驗封司員外郎再遷考功司郎中以知府分發山西昆明寶君埤爲鐫石曰硬黃以贈公於是人知公直諒能任事而憂公之道不行於今公至山西聞貴州亂作遽歸歸則倡議團練躬自察形勢建碉堡積穀省城二萬餘石治垣堞樓櫓以其間撫輯清水江諸苗已而賊犯清水亂民四起公急馳至巴香平其亂以功擢道員旋署山西冀甯道其勦巴香賊有武生羅憲章者大猾也與賊通族衆且強公至問曰巴香亦有以死拒賊者乎衆曰有羅燦奎憲章叔父也公召其子慰撫厚卹



之衆感泣召憲章問通賊情狀厲聲曰誰能保憲章不反者卽反與同坐衆出不應莫敢應公顧曰汝羅姓亦無敢保者乎卽縛斬之衆大懾凡斬王登學張洪二人自是巴香民無反者卒於陝西鹽法鳳邠道任巡撫劉蓉上其事入循吏傳祀名宦祠子彭年以學行顯官布政使

唐炯成山老人年譜記乙卯年事云甲寅夏桐梓楊鳳作亂圍遵義郡城韓太守超募苗勇禦之余反自楚道遇苗勇散歸者語多輕官軍余曰大難作矣營葬時時爲父老陳說利害當早爲計父老請余主持乃約鄉里十餘寨請於官行保甲有忿爭者來愬於余余則爲平其曲直止無訟行之兩月道不拾遺遠近數十寨爭來附是時台拱以徵糧激苗變矣乃請於官立忠孝團分十二局局各設於適中地推舉父老之公正殷實者主之余曰團立矣而不練猶無團也乃擇其子弟之壯健者局數十人教以擊刺勒以什伍余時閱視而賞罰之曰技藝習矣徒

手可搏賊乎父老然其言乃勸富者出資財製槍礮旗幟刀槊  
火藥各存於局余曰器械備矣無食不可也有事貧者出力凡  
以爲富也富者量力出穀若干籍記於局而存於其家有事碾  
而致之局凡有舉余必爲之倡父老故皆樂從余言行八閱月  
一切大備而巴香夷酋龍丹山亂作承觀察齡退至虎場賊尾  
之省城戒嚴琴隲黃丈方爲城守計書約還城余以還城無能  
爲役復書當率團練搗其巢賊自退以忠孝團與巴香止隔一  
南明江也夜分遣人四出調團沿江守隘鄭子尹詩唐君夜召  
毛蒞火把驚喧四

村狗紀其實也子尹是時  
在成山爲書先君碑陰

而自率五百人由牛場進賊聞遁歸

平遠少保丁公寶楨時以庶常在籍率練勇自大谷龍乘之賊

遁外江踞老鷹河少保圍之余乃歸

鄭珍巢經巢遺詩咸豐六年二月二十三日偕唐鄂生往其成  
山別業拜子方先生墓因爲書碑陰留二日聞賊度清水鄂生  
督團衆往攻擊余遂還行省往返得詩四首用高秀東紙書質



鄂生云鳴鞭曉度城東陌宅谿春水流瀼瀼一句不出邨已春  
柳絮花團裏晴色紅邊十里好溪山宋氏舊園荒草間風靜月  
明空好句精渠誰復似阿蠻 成山端莊如偉人諸峯羅揖唐  
公墳謾謾長松響終日察書恍惚來精魂致命歸君骨歸父華  
屋邱山感今昔羅平妖鳥今七年太息人亡淚如雨 寨戶麕  
奔督師走賊軍燒過巴江口唐君夜號毛葫蘆火把驚喧四村  
狗兩年辦賊初恃兵兵不足恃招練丁今日練丁去何處嗟爾  
團民苦此行 夜半雪聲蟹行竹朝來不見麥與菽老夫歸路  
傲前人誰到清明踏瓊玉坐聽農語生客愁豆莖麥穗俱斷頭  
飯至唇邊勿奪去人事天時真可憂

第三十四章 紅號之役

咸豐五年乙卯五五 冬十月銅仁府徐廷杰梅濟鼎起二人皆府屬  
舉人平日師事毛家寨巫者毛大仙名正年詭言嘗夢神人稱之長  
眉仙授乩筆咒因以惑衆三月中以府吏苛征聚衆議糧至是初二

日率衆突入府城毀文武各署知府葛景萊受傷沒護副將松桃右營遊擊達冲阿署知縣劉兆壇典史彭希齡等遁時劉世美起江口田宗達吳燦奎等起印江遙相應宗達子瑞龍隨廷杰入銅仁廷杰謂瑞龍前身爲蜀漢趙子龍以愚衆謂大仙子位元爲釋迦佛大仙弟士福爲白鶴仙以紅巾蒙首名紅號 十一月初二日陷松桃廳城署經歷陳鏞死之署同知恩彬署副將鄂清遁初四日陷府北六十里之正大營署縣丞趙世欽署守備宋興邦等走敵旋退 十三日陷思南府城署知府石阡府知府福奎署游擊富珠隆阿署安化縣知縣湄潭知縣吳雲煦等遁府學教授張鴻奎死之外委姜仲元戰沒 十五日陷印江縣城代理知縣何維炳遁 十六日陷石阡府城署知府黃培杰署都司黎平守備陳定元等遁培杰妻曹死之敵凡入城鈔掠旋去之各城亦旋復惟石阡猶爲所據 二十七日陷玉屏縣城署知縣吳曾保等遁敵分黨屢犯湖南鳳凰廳及四川秀山縣境 十二月初一日連陷思州府及青谿縣城知府張翰中



署玉屏知縣兼署青谿知縣吳曾保等遁敵旋退趨犯邛水署縣丞  
劉侶鶴署游擊楊家瑞出禦千總汪尙壩自鎮遠來援合擊敗之敵  
還思州 湖南護辰沅永靖道翟誥等出境會擊鳳凰廳土守備吳  
永清舉人吳國瑞等先至松桃敵退 巡撫蔣蔚遠以候補同知王  
敬烈遙署銅仁府知府清江協副將圖塔納遙署銅仁協副將各率  
兵屯湄潭縣拒守鎮遠府知府吳登甲及署鎮遠縣知縣張淮稟蔚  
遠略曰下游五府已失其四鎮遠孤懸非能固守實天不絕黔留此  
爲收復根本儻祇命王丞駐湄潭爲自守計是已失各城不能收復  
卽未失鎮遠各屬亦將全傾况賊由施黃可渡重安雖守湄潭何濟  
於事卽謂龍貴定廣土賊逼近省會防堵宜先而下游亦皆赤子失  
陷各城任民從賊任賊殃民耶銅亂七旬之久苗亂將近一年若令  
修鎮鄂協張道早赴下游何至四府廳縣全淪現在銅賊屢敗於鎮  
筭沅州復敗於秀山川楚客兵早已臨境黔省主兵尙在湄潭去銅  
八日程卽不思救下游何以對川楚耶 雲貴總督恆春奏請馳赴

貴州督軍剿賊

咸豐六年

丙辰 一八五六

春正月十一日石阡舉人劉慶元等率直橋團

圖復府城不利慶元同生員劉鳴盛楊應清思南增生周璜等陣沒敵出攻直橋時武生左觀光求援思秉罵溪團首朱德高十三夜援至黃第德高與其弟亦敗沒敵益趨直橋黃培杰陳定元等在馬桑平乘虛襲府十四日石阡城復敵自直橋回焚附城河街培杰等固守 十五日敬烈及餘慶縣知縣彭瀾率軍至與培杰等共敗敵福奎富珠隆阿等又敗之邵家橋仙人江署龍泉縣陳世鑣敗之桶口塘頭時鎮筭都司侯光裕守備田宗藩舉人吳自烈亦率湘軍援至銅仁屢敗敵鄂清等往會 二十三日徐廷杰等出城走死梅濟鼎中礮早死銅仁府城亦復敬烈培杰等乘勝毀石阡荆竹平敵營賊退毛家寨敬烈瀾等復毀之 十三日敬烈會圖塔納追敵印江江陽仁懷營把總唐見龍戰沒毛大仙等祈援茶寨王士秀士秀亦號大仙先與合至是縛獻大仙及其弟士福印江教首李春林亦降培



杰誅之 二月連日思南據黃蕭錫桂擊紅號餘黨於龍泉板橋驛  
敗沒毛大仙餘黨犯石阡王敬烈黃培杰等却之安化生員汪會川  
郝鳳儀沒於陣 上諭駱秉章奏克復松桃銅仁兩城請飭辦善後  
以弭衅端一摺黔省教匪肆擾攻陷松桃銅仁經駱秉章督派員弁  
兵勇不分畛域由楚入黔先後將兩城克復辦理尙爲迅速惟逆首  
徐廷杰是否就戮尙未可知而在逃餘匪亦必搜捕盡淨方能永杜  
亂萌蔣爵遠身任該省封圻責無旁貸銅仁之變旣以錢糧肇衅總  
由官吏不善以致頑民轉相扇惑著蔣爵遠簡擇廉能文武員弁酌  
帶兵勇前赴松桃銅仁妥爲經理一面安撫良民一面將在逃餘匪  
嚴密搜捕毋任漏網總期剿撫兼施肅清邊境至各該地方員弁如  
有貪虐激變及臨事逃避者卽著具實參辦以儆其餘欽此 銅仁  
紅號餘黨朱元兆等挾幼童肥宅宅復起肥宅宅本姓吳名三童元  
兆等謂其眼長耳大左右巨指有斗文稱爲主復託乩筆以劉世美  
田瑞龍等爲帥聚頗衆 恆春檄布政使炳綱按察使桑春榮等曰

接准湖南撫院咨稱上年銅仁起事實由錢糧折色征收谷賤病農所激而成此民間疾苦所望官爲斡旋者第事隔省未便越俎代庖所賴於善後事宜首先籌及則官民浹洽可期永遠相安等因本部堂閱此真上無以對朝廷下無以對百姓並無以對鄰省愧恨交集無地自容未識該司亦動念否 夏五月銅仁五洞民

迪羅襄怕敖寨大家復以苛征爲詞起應田瑞龍二十八日犯江口

敗王敬烈圖塔納等外委夏宗禹廖占先及兵勇陣沒者四十餘人分黨犯茶寨生員滕懷珠陣沒 六月初一日王敬烈圖塔納等禦

敵銅仁望城坡敗潰軍械盡沒自是不復振湖南兵勇代守府城

秋七月銅仁紅號據梵淨山 恆春稟參王敬烈圖塔納等辦理不

善且以上五洞士民梅慶雲等呈稱有派捐折糧縱容兵練淫擄等

事革職逮問會署貴東道張鏜告病乃以楊書魁署銅仁知府兼護

貴東道彭瀾署銅仁知縣 八月楊書魁自遵義赴銅仁初四日遇

敵閔家場擊殺武生李杰春即李帶練委員候選從九閔錚而執書魁



去 九月掠至松桃茶溪爛泥溝三保營署同知周夔等却之 湖  
南辰沅永靖道翟誥稟巡撫駱秉章略曰查銅仁教匪雖曰烏合而  
五洞土民胥變賊黨蠡起若不早圖後將滋蔓前此賊犯晃州黔省  
若能出師前後合擊可期盡殲乃大兵甫出卽接銅仁彭令稟稱招  
安已有成效豈料護道楊守先爲賊劫彭令親入五洞至今未回銅  
仁壩盤及松桃後路均有賊扼守調探亦難深入銅仁並無一官所  
遣黔勇五六百饑餓之夫無員統領每假楚軍之名日肆劫掠甚賊  
揚言賊至縱火內應風聞趙子龍日催五洞收穫屯糧趣造軍火器  
械徧張告示仍取銅仁爲糧台先與鎮筸抗衡分路犯楚楚以孤軍  
在彼外有強寇內存悍勇空城一座代守已久撤旣不能棄又不可  
賊衆秋收大舉之說實非虛言黔省以披靡之餘燼始旣因循繼復  
掣肘坐視羽毛豐滿復肆鴟張前功竟棄深爲寒心云云秉璋據咨  
蔣爵遠爵遠仍令王敬烈圖塔納戴罪自效同湖南代守銅仁之都  
司吉隆阿田宗蕃等剿辦 初銅仁征糧之苛惟府屬爲甚其倡亂

與附從皆五洞民三角莊者五洞地也縣屬徵收較輕民情頗順故五洞變而三洞未變三洞自相保聚者爲三元屯至是屯內奸民與五洞通亦遂爲敵據 冬十月湖南復遣軍進擊銅仁紅號丁憂知縣北琛同吉隆阿田宗蕃吳自烈等連破敵清水塘文筆街據三元屯再敗敵壩盤敵還壩盤子千總周洪印等援至同敗之吉隆阿自烈等復敗敵松桃東南之鐵鑛北琛等亦敗敵路溪於是大小江兩隘悉爲湘軍所扼敵分略印江田家壩蔣家壩副貢吳大奎生員蕭汝成等率練敗之北琛吉隆阿宗蕃等搗三角莊王敬烈圖塔納等往會二十六日克之出楊書魁敵中敵分走思南石阡時周夔駐軍大平營 十一月銅仁紅號分走鎮遠與苗衆合湖南及思南石阡兵練追及於鎮遠三角阜 施秉稍木溪先後獲教首吳燦奎即吳孝祖劉世美即劉美楊宗保即楊桂芳田宗達毛位元即毛大仙等鎮遠餘慶練團獲教首田瑞龍即龍子楊占鰲等解省伏誅 十二月駱秉章咨蔣霽遠略曰銅仁賊滋事經楚省派兵越境帶饜從征克復松銅之後駐兵



代守時歷數月嗣因署銅仁府王敬烈等辦理失宜賊黨得以乘勢  
勾扇愚民聽其蠱惑倡亂有辭遂至五洞倡變府縣被困楚省當兵  
單饒匱力盡精疲之時念切鄰疆不分畛域增兵選將分道趨銅仰  
仗國威疊次獲勝迅解銅危犁穴禽渠剿撫兼施肅清銅境卽咨請  
遴選賢員來銅任事王丞圖協前次辦理不善官民久存芥蒂茲復  
令統帶兵練而所帶兵練多係前招無賴游民到處搶掠肆行罔忌  
各洞近有赴府納糧者該練及不肖書役又誣爲賊平空構衅勒詐  
多端糧戶聞風裹足且聞王丞復顯帶練前往人心惶惶痞匪乘機  
揚言追剿藉詞恐嚇鄉愚羣情驚擾遷徙避匿難免激出事端該丞  
等本係逮問之員前次經理失宜致一郡良民激而從賊經辰沅道  
等起獲賊示均以該丞等藉口其不協輿情已可慨見茲復委帶兵  
練該革員等不知愧悔圖功妥爲辦理勉贖前愆尙復聽練勇書役  
擾害黎平勢不驅民爲賊不止設使再釀衅端激成禍亂楚軍豈能  
再爲越境之舉且爲黔計與其寬一二釀亂之吏令其播惡於民致

數十萬蒼生橫遭浩劫曷若慎擇廉明文武窮撫兼施出水火登衽席俾黔民從茲戡定楚境亦得以息肩也

咸豐七年丁巳八五七春正月銅仁餘黨以肥宅宅遁回牛渡灘拔貢

覃方仁獲之送省伏誅 秋七月初八日銅仁餘黨進喜老陳即楊成德

結川湘游民及沿河不逞之徒二百餘人走掠寨杉與團首武生夏

開禮尋釁殺開禮外委姚承恩馳擊亦遇害十三日代理銅仁知府

周夔等擊散之 冬十二月二十七日銅仁紅號順溪陳大春等掠

江口據一椀水與思南印江應銅仁官軍出剿失利周夔祈師翟誥

誥遣教授沈祥焜來援

咸豐八年戊午八五八春正月周夔奉檄馳辦思南留署銅仁協副將

閃雲辦順溪餘黨 二月周夔去銅仁閃雲旋以順溪平告至是教

首李八癩子起結小江進喜老陳據盤壩旋家壩教首楊標大五亦

走合由凱碾漏溪徑犯府城守備許占泰及代理銅仁知縣王鼎沅

會永清等敗之敵退江口小江而毛大仙餘黨安毛等亦掠興隆場



黃培杰遣把總來光斗擊之敗沒 夔甫至省進軍貴定蔣爵遠聞  
銅仁警復遣還往反奔波軍多道死 三月銅仁紅號餘黨走七江  
敗於湘軍竄入梵淨山谷叢邃素伏莽卒不得敵處所吳守清等  
屯太平場千總王占鰲屯江口防之 秋七月李八癩子等回掠松  
桃南六十里之寨映場銅仁金子觀音諸山周夔擊走之

咸豐九年

己未

五九

夏六月初五日銅仁餘黨張癩子劫殺團首羅

天德等分掠閔家場銅仁知府黃楷盛馳赴江口檄省溪土司楊建  
東以三十人往捕張癩子被害敵逼涼亭坡兵練倉卒走楷盛禦却  
之乞援翟誥誥撤防唐家營七百人往會擊潰於馬家場癩子起事  
僅百餘人楷盛等不急撲滅幾蔓延至是仍逸 秋七月李八癩子  
復竄至安化刀壩場汪麗金率團練擊斬之

咸豐十一年

辛酉

八六一

夏五月銅仁餘黨包茅仙復起知府沈丙瑩

閃雲等調兵團設防銅仁西南百餘里伏魔山地深邃爲思南安化  
松桃青谿錯壤自徐廷杰亂後逸亡者多走 至是思南白號覃福

美因清軍進逼荆竹園遣其黨王朝清等潛走伏魔山結茅仙等扇亂牛場坡號召約三千餘人剽掠於是銅松青谿戒嚴 六月十四日伏魔山敵犯魚龍鄉團衆潰走當包起時沈丙瑩等以府城存兵無多檄諸汛兵守以鄉團扼隘團新集不能戰遽潰明日至清水塘團再潰徑圍府城大北門外民房梯攻城丙瑩等力拒礮殪教首楊玉洗會湘援軍亦至大興場敵始退場爲湘黔總隘當敵起時辰沅道陸傳應以游擊侯文炳吳永清率千人馳防敵攻城時文炳適赴援晃州回乘敵後遂退沙壩場丙瑩等以湘軍暫駐城外鎮壓以銅仁縣知縣葛壽增委員蕭培基分守自與游擊張正貴等率兵團由清水塘魚龍鄉出敵後徑至伏魔山敵烏合結草爲營火之悉潰救出脅從難民數百卽以其糧資遣沙壩場敵亦潰走路溪溪與湘邊松桃毘時傳應已親率兵至大興場松桃兵亦至再敗敵路溪追至黃巖駱家屯擒王朝清等數十人斬之教首雷大榜猶據屯守 七月初十日沈丙瑩等會湘軍破駱家屯擒雷大榜等斬之包茅仙不



知所往

同治二年

癸亥 八六三

夏四月細眉隴餘黨與松桃包茅仙等走犯銅

仁鄉團多潰二十五日陷石規衛城署守備劉玉芳衛千總胡萬洪等走平頭司署松桃協楊家瑞署同知劉侶鶴以都司朱衣率五百人馳赴太平營復以玉芳及守備劉榮興率三百兵同往敵至玉芳力戰死朱衣榮興敗退敵踵至薄城下湖南把總張我臣出擊陣沒會湖南駐防大興場游擊田宗營聞警援至敵始解退孟溪 五月包茅仙攻孟溪小寨楊家瑞劉侶鶴以都司周洪勝胡萬洪出防幹串均敵至潰還田宗營遣軍援復之敵走犯宗營宗營敗之 六月總兵田連考率軍出松桃將入川從田興恕楊家瑞劉侶鶴等因約同剿二十二日進復石規衛城湘軍參將金太文率軍援銅仁至閔家場賊來犯却之 七月包茅仙方與田宗營相持金太文由四十八溪進剿敗敵堡脚 周洪印攻孟溪太文等攻水月菴截敵後敵不支敗竄松銅界觀音山宗營洪印旋以湘警回 八月金太文劉

侶鶴楊家瑞與思州府知府陳昌運等攻觀音山敵據險不下會安化王家堡土目吳興才及苗衆白大仍等將聚衆爲包茅仙援把總楊朝佐及三元團首李丕基等襲入斬興才白大仍逸 九月金太文陳昌運等攻觀音山游擊張貴山陣沒敵勢蹙請降不許多走大江時田連考遣都司石洪會攻陰允敵降令入營假官軍衣幟潛走太文等要於道令獻首要出盡斬之搜捕餘黨略盡包茅仙仍逸連考訐太文冒功專殺昌運練不滿百多驅鄉團從事而松桃紳民旋稟包茅仙擾松經費悉就無事諸汛募捐漢苗盡室輸將谷繼以錢錢繼以米茅仙衆止數百田勇衆至數千不聞一出及敵竄走各村戶已十毀八九田練復以欠糧爲詞按戶搜虐請撤退田勇以蘇民困 冬十月包茅仙逸銅仁馬鞍山金太文遣李丕基等率團勇千人同都司吳勝金等圍攻屢日敵復凱德磅渡河走江口據岑忙各軍追至力擊敵憑高拒勝金等皆被石傷沒於陣團練負創力戰敵復由後山上入梵淨山丕基率團衆搜捕不獲



同治三年甲子八六四春正月包茅仙復結荆竹園大小屯白號出苗

旺塘竄木桶渡老金廠貴東道徐河清以銅仁三元團李丕基等形迹叵測慮與敵結茅仙則匿丕家 秋六月湘軍圍松桃之太平營包茅仙仍逸

同治四年乙丑八六五春正月包茅仙久匿寨頭鎮遠甘佃目團首李

國仕率衆捕之獲包林林等茅仙創劇死林林等稱茅仙素與三元團首李丕基雷洲通前湘軍克太平營茅仙即匿丕家去秋所擒乃茅仙弟小三於是巡撫張亮基會湖南巡撫委員赴沅州會審林林等始具本末上略田竊查銅仁小江自徐廷杰倡亂即聯團防剿團首增生雷洲職員李丕基武舉萬象春等始立三元團名目六年秋茅仙破三元屯團多被脅衆以小江與茅仙近姑與合冀保身家而團與賊從此通氣七年後聯團愈寬良莠混雜茅仙出掠莠民隨從於是前鎮箠胡道有三元團變之稟湘省據以入告團衆因懷猜懼於沿邊楚師多不合以致賊過團境并不出擊湘軍屢北於是有三

元團均已從賊之謠同治三年夏賊犯湘邊周洪印自黎平回援鎮撫團衆將賊擊退團與賊於是又不通氣周鎮知丕基等與茅仙往來情形遂將丕基等羈之銅仁革去三元大團分爲九小團限十日禽獻茅仙久之不獲因謀斃包小三冒茅仙爲自脫計周鎮慮不實因取銅仁文武印結於是湘黔會稱茅仙已獲陳昌運繼聞不實密諭各團查拏丕基等恐茅仙復出遣間刺之茅仙覺立斃刺者而團與賊從此成仇益不通氣至四目團原從三元大團分出所居與茅仙近丕基等因重賄四目團刺殺之川軍曾志友軍秀山聞之許給三千金令將茅仙送往四目團遂向三元團增索川營之數數日風聲大震方報聞仍留尸不解昌運遣護鎮遠鎮總兵慶瑞往提不與周鎮許給千金始得尸及林林等云

附錄

莫友芝邵亭遺詩聞銅仁五洞復警云已道三山谷夷氛旦夕清伸威方走敵縱暴復連兵杼柚愁鄉里流移半死生誰爲石

空



希尹天外作長城希尹鎮貴州其威名自銅仁參將始

王介臣个峯遺詩詠銅仁思南石阡思州云海上海上神仙不可求

壺中日月那足恃世以吞吐求神仙欲享長生轉求死大仙本

是人中愚專工吐納山中居羣從紛紛冀拔宅相約共上崑崙

虛神仙渺茫安得見乘牛乘鯉非其戀有時遊戲到人間肯助

兇徒事征戰兇徒騁怪心先蠱雷電繞指煙焰吐黔東一帶勢

燎原楚兵滅之止一鼓吾鄉太守真可哀春光洩漏胡為哉此

事造禍為訪戴成事者誰徐與梅斬妖之劍斬爾首遏其邪術

擒其魁須災又報思南變死灰復燃誰橐扇城池頓毀官亦亡

施石思銅連一片石阡有毛大仙者山居學道講吐納之術舉

葛鳳來廷舉人戴世翰入幕亦毛黨也將銅仁收糧章程微洩

於外徐廷杰等聞之即邀花戶赴衙強納鳳來出彈壓以人心

銅仁石阡思南思州遂成民變徐梅悉糾其黨趙子龍等連破

趙伏誅思南石阡思州銅仁各官均以即時收復免咎思南遂

府福奎因保舉不公團民復反福奎及城內官民被害思南遂

成邱墟止哉傳聞亦因福守變並非苗變之可比且旋失旋復無守

城之苦收復之功可  
以記載故特從略

### 第三十五章 岑亮弼之役

咸豐六年丙一八五春正月廣西泗城府岑亮弼等結羅斛齋衆據  
昆歸化之擺羅寨逼歸化歸化通判曹琅告急岑亮弼復分擾冊亨  
分州百弼亭八渡汛署州同劉寶善都司徐輝等拒之 三月二十  
五日署冊亨州州同劉寶善擊敵團蛇寨敗死生員劉志明等同沒  
寶善潔己愛民其死也苗民哀慕共祠之二十九日千總劉國恩及  
其子武生煥章陣沒八渡汛 四月提督孝順連敗亮弼於羅斛巴  
歪河上下納平毀坡發響水敵營 五月孝順破敵於擺羅追至牛  
角寨十五日亮弼敗死其子鍾朋鍾英鍾鈺鍾楠等同沒

### 第三十六章 鐙花教之役

咸豐六年丙一八五夏六月初都勻府甕朗人黃豐爲府貢生饒資  
財值丹台苗變起知府鹿丕宗檄辦團禦守豐以年老辭弗獲其族  
人野狗七者武生行七性貪殘若野狗故名素習鐙花教黨羅天



明等常往來其家至是賈緣當事得副豐辦團厲兵積儲招致亡命  
寢致擾害治安焚掠村寨丕宗遣隸開喻之野狗七殺隸於豐室豐  
大驚仆門枳上折其齒於是人皆指目豐反狀豐尋死七益得志而  
沈中和即沈胡連玉即胡趙廷珠即趙陳銘勳即陳賀洪恩唐天佑  
等復趨之遂據瓊朗逼府西北銘勳則出據楓香坳時府地皆警瓊  
朗尤密邇爲肘腋患醞釀既久一發遂不可遏大六者渠魁之稱湖  
南鬪字牌者以大六爲最彩也

咸豐七年丁巳五十七春二月沈胡等逕盡趨麻哈谷洞樂平巡撫蔣  
霽遠遣守備呂鳴盛赴樂平谷洞防禦之檄定番大塘集團赴都勻  
防保陽平浪各隘 三月雲南昭通鎮總兵巴揚阿自都勻遣兵攻  
楓香坳外委胡成友敗沒沈中和復至麻哈出沒附城賴板橈祭秧  
各地代理都勻府知府高廷鏌上言府城廣七里難民不盈三百戶  
賈家河馬尾大河羣賊時來犯城中仰食獨山貴定少滯卽虞斷炊  
於是蔣霽遠遣川軍平安營千總黃廷超赴馬尾大河助雲南遊擊

燕升雲等攻麥冲瓶口關貴州提督佟攀梅亦遣水城游擊北喜都  
司宋朝榮賀萬年等率三省兵出大河會攻瓶口并令獨山檄翁奇  
團由楊五坳合擊屢進不利 夏四月教首陳銘勳逕犯黃泥坂蔣  
爵遠調長寨定廣兵二百五十人益守樂平時都勻麻哈谷洞馬尾  
大河各軍乏食將入省索餉爵遠遣都司汪文鈞止之而檄貴東道  
承齡集龍貴團遏阻不遵者殺無論 五月初一日胡連玉趙廷珠  
竄平浪永聚團首許詠棠等赴防江肘胡等分破凱口場外委秦元  
興敗沒敵進攻定南營破貴定劉紹義團營於麥冲逼平伐江肘貴  
定團首庭中瑜等率團衆赴平伐敵分據凱口平浪蔣爵遠檄威甯  
游擊張占鰲率定廣長寨兵會樂平防軍同赴平浪敵犯沙寨永聚  
等團力禦千總包興等來援敵回馬尾大河陳銘勳等南竄吳王司  
逼獨山翁奇趙廷珠等旋走合 閏月都麻苗教以耕畢於是謀以  
沈中和賀洪恩陳銘勳等分趨平甕留黑苗柳天成等牽制都麻清  
軍初五日中和等出蘆平擊潰平越東北地松諸團陷龍昌堡北路



惟高平諸團未破先是蔣霽遠檄遙署銅仁府知府王敬烈及甕安團首王士秀援平遠調都勻協都司賈連升駐楊義司防州至省路均不赴平遠在籍翰林院庶吉士丁寶楨及雲南都司褚克昌兵練多散其駐州者不敢出洪恩則出藍家關攻牛場據之十五日西犯甕安縣城據附城書院鐙花教首宋三元應之夜攻城會城內泥蔘商有衆三百惜其貲集精壯出以死當衝太平里團又赴援得不陷初三元已爲甕安縣知縣劉昇平擒係獄而縣紳民多陰習其教者懼三元發其事相率祈縱之俾和敵教諭杜芳壇屢爭不聽比三元出明日遂益招致黨來攻夜半城垂陷機銃雷鳴殺聲震城內有誤傳城陷者芳壇亟率妻楊子婦尹及二女女孫投泮池死芳壇將投池猶指書胸次日宋三元飛出方城恥之恥之比解嚴惟長女適唐者及外孫以水淺得不死平遠州知州高本仁請飭署開州知州石虎臣渡河進扼中平過甕安敵旁軼并鎮撫高平各團又檄貴定北牌團赴平越西鄉楊義司各團扼岔河防入省路檄湄潭團出袁家

汛進援甕安蔣爵遠然之唐天佑旋自甕安回據楊家林走掠龍昌堡楊義司平遠在籍雲南府經歷丁仕芳及褚克昌禦不勝高本仁則請趣都麻大軍乘虛直搗其根本甕圍自解爵遠則檄知府徐河清以千總賈玉美率上游仁懷等兵分路出清水江援平甕貴定北牌團首生員熊枚率衆至牛坡提督佟攀梅自麻哈遣千總蔡光榮及灰坡軍安義千總謝贊清等援平越都勻敵屢犯城高廷鏜遣團衆及千總談堯華外委聶占元出擊占元陣沒 趙廷珠胡連玉自平浪走掠蛇皮衝忠義諸團退翁樹河包興退都勻尙義團敗之翁樹河廷珠創退谷洞 六月初高本仁請以徐河清賈玉美軍由箐口進平越會北牌團首熊錫齡以生員舒林防大坳林降敵轉結敵由箐口進雞兔場木耳山河清始同貴定縣知縣樊希棣渡江合熊枚等敗敵野鷄坡東北進至粑粑箐敵退楊義司時分走開州至地平石虎臣率團首余士舉等敗之龍旺河玉美始來與虎臣會 甕安敵東走黃平結新州苗出兩岔河分據柿花土雲霧山黃平州知



州陳世鑣出梭洞率團練敗之再敗之墮頂關世鑣方逐敵回甕安甕安敵以圍城久不下多散走於是王敬烈率團首蕭明士王士秀始赴援至猴場擊敵紅燈堡世鑣與會於白果寨劉昇平繼至合擊敵悉解退牛場 秋七月高本仁會王敬烈擊敵崇扯失利會石虎臣軍亦敗於山王廟本仁走回平越王士秀亦去敬烈遂退甕安丁寶楨所遣職員桂蕊香軍同時退楊家林平甕敵復集蔣爵遠檄賈連升及兆喜陳世鑣馳援世鑣急至上塘馳至章閣會翁梅敵擊潰黃平團首劉文魁軍於打鐵關因約文魁同進不至二十八日世鑣敗敵落柳敵悉衆大至圍之世鑣戰死敵遂據大小冷水上塘兆喜始至花梨與石虎臣會軍平越西北之巖門關 八月石虎臣遣團首馬廷颺馬華豐等東南進圖牛場虎臣兆喜至高平敵間道天堂桅杆平犯巖門營虎臣兆喜回援卻之華豐已至上大平逼牛場敗敵苦蕎平會沈中和賀洪恩不睦同陳銘勳之平越雞場洪恩走據大小冷水都凹山甕安稍靖虎臣遂自牛場回兩岔河北兆喜移軍平

越 初甕安事方劇遵義縣知縣江炳琳同署湄潭縣知縣張志紱設防遵義東南百三十里合江河蔣爵遠以援甕兵練多無統紀乃檄炳琳督辦平甕軍務甕安銀定街梭羅藍家關皆牛場達縣要路王敬烈賈玉美桂蕊香等扼守多失利炳琳得檄則遣訓導張思敬舉人黎庶蕃同候選知縣趙本敖等東出藍家關自率軍出落柳章閣東南進逼都凹山以地松團首生員劉雲齋及劉文魁等進扼上塘炳琳鑑於各軍之失以爲民情不靖內患不靖則難免勾結請約束兵練以靖人心 二十一日炳琳將圖都凹山以山路陡險乃同蕊香文魁等由長坡進攻大小冷水遇伏失利與候選從九顏佐才俱被創大小冷水後爲胡盧灣羊馬頭通黃平新州路炳琳移軍上塘以黃平營守備張福震駐羊馬頭防後竄趣玉美及牛場甕安團來助福震旋回守舊州文魁移防陽平而去敵掠至羊馬頭 九月初一日大小冷水敵犯舊州焚附郭平寶寺據大翁鋪蝦蟆塘時丁憂知縣代理黃平州知州杜琢章未至張福震嬰城守



賀洪恩以都凹山乏食出掠炳琳遣千總左覲光敗之平西壩沈中和自新州來援破重勝營屯南猛攻塔紙屯炳琳復遣桂蕊香合覲光敗之炳琳旋以徵糧回遵義留顏佐才防禦 冬十月賀洪恩連日掠黃平金坑北犯餘慶屯松平藍家關仍分黨攻上塘賈玉美顏佐才擊敗之遽去營追逐他敵突襲營黎庶蕃拒守外委李金品陣沒玉美佐才馳回始退玉美旋回軍牛場江炳琳時自遵義先檄劉文魁及廣西訓導秦安慶由陽平援上塘自率左覲光繼赴阻敵藍家關不得進蔣爵遠檄兆喜援餘慶會平越敵數犯葛鏡橋丁寶楨練以費絀撤遣高本仁留之守平越而與兆喜同遣訓導王金山千總桑萬清率永安兵二百餘人赴援不利爵遠嚴飭本仁仍促兆喜速進 十一月佟攀梅軍饑甚遣兵自麻哈來趨餉遇敵皂角埡外委楊以清遇害灰坡清軍轉軍至高規爲敵奪僅以騎五達麻哈而州吏游連生扣餉爲佟攀梅覺懼誅叛附敵益教敵絕攀梅餉道陳銘勳因阻遏於高規西之青菜塘二十八日雲南游擊燕升雲督鐔

至高規遇伏與安南千總汪振揚普安千總方朝清四川萬全營把  
總宋朝聯水城把總王復順額外劉起鳳貴州提標外委嚴五芳年  
元林皆陣沒兵練死者凡五百人佟攀梅遣兵來迎被阻冒沙井不  
得達 初劉文魁援至上塘稱饟絀與顏佐才約五日留遂去越日  
賀洪恩悉衆攻上塘圍佐才營數匝江炳琳軍亦潰於藍家關不能  
援甕安鄉正王崇植力圖補救佐才突圍出生員史世英陣沒敵焚  
上塘略盡乘勢南下重勝三和渡狗窩河據蘇麻平越震高本仁遣  
練赴蘆平會熊枚扼打鐵關兆喜始率二百餘人赴餘慶至龍溪小  
河與敵戰不利遙駐西堰不進王士秀來援亦敗去敵蹤頗蔓延此  
役江炳琳一籌莫展惟崇植尙有寸功云

咸豐八年

戊午

八五八

春正月二十二日

陳銘勳唐天佑等隨苗衆陷

麻哈州城二十九日又隨陷都勻府城都勻府知府高廷鏌殉之銘

勳斂瘞之旋結趨甕城橋雲頂關龍貴急省城大震

詳見第七  
三章

教首

陳銘勳唐天佑俱州人銘勳先以法被繫楊龍喜入州境釋罪人爲



練銘勳乘間逸把總張劉順捕之不獲州陷天佑舉各官柩及家屬送出無所傷賊遂長驅都勻 都麻敵延竄雞場與黃絲驛馬鞍擺郎諸敵合出犯楊義司折洞據乾壩野雞衝分掠后壩兔場各團俱潰 霽遠檄石虎臣渡兩岔河扼清水江各渡遏敵上竄 賀洪恩走死金坑餘黨竄餘慶知縣章樹勳却之兆喜始自縣城退小坡 平越敵復蔓入清水江內虎場霽遠再檄石虎臣出大兩岔河落掌會永樂堡防軍合擊敵復擊敗徐河清軍於落掌丁寶楨援至始解敵旋回渡清水江燒大麻窩而去趙廷珠胡連玉等則西北走平伐徑至谷脚關圖遏定番米危省城會龍里貞義團生員劉炳燮等敗胡連玉於鐵廠是時練團不翕漫無統束各團解 於是霽遠再檄署思南知府周夔來援趣新授貴州提督蔣玉龍先馳赴省 自麻哈都勻陷獨山西北警知州侯雲沂與都司薛占超及翁奇團皆回防沈中和將乘間圖州城先遣劉士元擐甲乃使清軍他備而自裹三日糧與羅天明等由中安母魚河趨基場十七日卒至州城東三里

之涼亭鄉團遽潰遂昇梯百餘付城上攻中和卒被擒詳見第三章月貴定忠義團生員庭際清稟略曰諸賊皆各有分地進兵亦宜責成各軍分路攻之俾各爲守而不能相救則備多而賊勢分矣略中此路清則逕高坡水竹園直抵巖寨而陳大六之老穴破矣至趙五胡四巢近舊縣宜以巴軍及忠義永聚各團分兩路一出月亮洞一出江肘通保陽與翁奇平洲諸軍會瓶口遙應亮水壩芒牛壩山各軍都麻糧已盡賊取資八寨今苗教多離心如能招降趙廷珠唐天佑潘名杰等一二人諸賊不難圖矣 按察使福連始至貴定遣包興等移軍樂平胡連玉等悉衆走擺梭把總劉正等失利 夏四月初一日趙廷珠結黑苗柳天成等犯牙州練目何俊敗廷珠於杉木關初劉士元犯甲乃頗得利聞沈中和敗而退至是收餘燼犯天星屯敗於團復邀韓達五宋三元及上江八寨苗逼羊落爛土侯雲沂薛占超遣千總莫芝茂同練團陳煥會團扼鷄場黎子樹初黃平苗教交訐於小高坡教黨走據餘慶古佛山小地大平至是陳銘勳竄



古佛山其黨因之亦出蔣玉龍遣都司姚安邦同已革千總張廷尉及石阡府知府黃培杰遣外委陳紹宗同往援不利 十一日廷尉擊敵敗沒銘勳分黨竄黃平生員王漢章率革老團禦之不勝劉文魁時屯塔紙屯團衆頗苦之又其部練見敵卽潰漢章往祈援不至杜琢章同張福震赴屯趣之文魁他徙亦不赴漢章遁去小地教黨旋出香林巖清池擊潰團衆至猴場劉昇平却回之 六月平越教黨略平倉犯武勝關小地教黨掠至松洞三岔水旋退蔡家灣張福震却之杜琢章自塔紙屯聞警馳援檄劉文魁來屯接防仍不至 秋七月初三日小地大平教黨走犯甕安王崇植乘虛襲之小地教黨進據重陽平焚浪洞 八月陳銘勳率衆赴巴揚阿降 九月重陽教黨薄舊州陷岑花平穿花堡前銅仁府知府楊書魁自清水江移防分軍扼黃岑坡敵又陷之候選縣丞劉德湖陣亡並焚唐家屯分圖牛場王敬烈集練扼守高本仁遣訓導周信謹舉人趙澤雅率軍赴之敵已陷牛場本仁遣吏目陳鏜嬰城守巴揚阿先後遣練來

援澤雅稟略曰賊據蘆平者實扼平甕之吭或由牛場北取甕安或由平倉南攻平越毫無阻滯今北鄉新谷初登糗糧頗足若得援師一二千進擊賊黨雖衆紀律全無剿撫兼施不難略定若久據蘆平則平越難保平越失省會必震議者謂省門有清水江可守不知以內賊曾兩次竄入所以不劇抵省者徒恐平越貴定議其後也若遺平越不顧恐龍貴隨之而省門亦危矣 古佛山教黨下竄包溪冬十一月平越教黨苗衆猶逼石虎臣出軍巴香陽平則迎拒敗之故退翁樹河馬鞍敵時攻鴨溪壩又敗走地松浪坡敵掠過河去虎臣旋進大巖圖陽平以孤軍無助回兩岔河劉昇平謂仍王敬烈扼牛場巴揚阿遣人至古佛山招教黨陳紹虞等一千餘人降仍安置玉華山賀洪恩等百餘人不至 十二月十六日千總賈福保叛結陳紹虞等襲陷甕安縣城署知縣劉昇平遁平越福保本姓何名添源賈玉美養子頗饒幹昇平以平越復請給五品頂戴紹虞既降平甕團不堪其虐昇平堅信不疑轉遣外委柏占元往慰之及從兵四



人皆遇害昇平不設備比禍作乃以平越團首李樹德激變告蔣蔚遠禱玉美職以石虎臣督辦甕安軍務虎臣率師至中平敵退玉華山重陽教黨聶澤民稱姜太公以符咒扇惑難民卒聚衆走襲高寨陷之紹榮被害古佛山小地各敵時渡烏江分掠文家店甕溪司三到水逼塘頭姚安邦及外委劉文寬敗之

咸豐九年

己未 八五九

春正月十三日署開州知州候補直隸州石虎

臣戰沒甕安高規初虎臣進軍高規扼開甕通衢教黨苗衆所出入敵奪險屢敗之天文士人羅加弟時餉玉華虎臣擊斬之會甕安敵悉衆遽至環虎臣營虎臣揮軍拒戰斃三百餘敵圍厚不得脫力竭沒於陣雲南候選教諭白子銓及書吏家丁數十人同沒於是甕安敵多出高本仁王敬烈劉昇平等乘虛進攻火東城樓二十一日甕安復敬烈昇平再遣招轎頂山陳紹虞降紹虞日索糧三百石給之復不至甕安千總李春華自舊州招撫木老平諸寨聶澤民方與苗衆交訂春華乘間遣人入其中刺殺之三月初五日陳紹虞略

至天文李春華馳擊之 夏四月高本仁再陳病祈代蔣霽遠不許  
惟檄王敬烈以五百人馳往代辦 五月龍溪教黨自餘慶回竄班  
溪雷洞走合施秉轎頂山教黨犯石阡銅鑼堰 七月劉昇平屢招  
陳紹虞不至復合轎頂山敵陷木老平李春華營 八月龍溪教黨  
暨金坑下河諸苗略施餘各屯走應風崖營響鼓平 冬十月初黃  
平團衆上言願以團作練屬黃平都司李春華回防蔣霽遠因檄春  
華還重陽十六日獲黃敵合攻獲安附近羊場陳家寨圍李春華及  
外委蕭廷浩營春華等拒守三晝夜營陷春華廷浩皆陣沒敵再陷  
豬場

咸豐十年

庚申八六

春正月十三日巡撫蔣霽遠卒布政使海璘權

巡撫事

二月近省苗教剽掠乾壩仙人撒網脚渡二比官莊所至

殘破

冬十二月麻哈州舉人周魯培等上言云州屬巖下司唐天

佑本爲教黨脅從每力止殺戮全活無算前曾約降未果現有軍功

周鎮邦彭嘉澍等前往招降允反戈剿賊自是鐙花教首要或死或



降勢大蹙惟趙廷珠胡連玉時起時伏已不能爲役矣

同治四年乙丑六五春三月胡連玉趙廷珠與柳天成等分掠平洲

平浪平伐獨山荔波 秋七月胡連玉趙廷珠等自甲舍堡走陷翁

奇圍卡楊維藩失利 八月胡連玉趙廷珠突由邦水陷江肘各洞

剽掠定番大塘諸境 冬十月胡連玉趙廷珠及南丹土賊龍二等

相結往來獨荔定番間江肘爲定番獨山要害龍二等復略上下司

出甲照河遏獨荔餉道 十一月初獨山荔波急獨山州知州吳德

容悉調平州牙州得力團去胡趙愈延竄至是遂出江肘趨貴定清

正大窰團團衆先後潰平伐附近擺芻即擺蛇皮衝甲壤百餘里屯

寨多陷團首楊宗藩集忠義等團扼平伐谷紀遏賊入省路胡趙復

來攻宗藩率團固守 十二月胡趙等退回江肘邦水凱口附近略

清楊雙貴庭中瑜得檄出平伐進剿軍次凱口

同治五年丙寅六六二月胡趙復自甲舍堡進逼吳德容不能分顧

而爲荔波祈援巡撫張亮基團首文師尙來援擊賊退宗角胡趙又

自江肘擊潰貴定永清永隆永安永協諸團劄龍里頭營并龍里麻  
若等處窺青巖總兵楊發貴自紅關分扼曉碧寨亮基檄副將童三  
元赴青巖賊退永隆遏省道 三月胡趙進逼翁奇獨山亦戒嚴  
夏五月提督趙德光遣軍剿定番時陳喬生結胡趙走據大塘獨坡  
敗之

同治六年丁卯六七八秋八月胡四趙五據茅坡扼舊縣平伐 冬十  
月初五日張文德進規都勻部署諸軍分扼城內外各隘自率親軍  
折回巖下擊胡趙於擺沙盡入茅坡拒守文德集軍會攻又檄署定  
廣協徐安邦助之趙廷珠胡連玉降

附錄

莫友芝記杜芳壇死事曰君姓杜氏諱芳壇字杏東遵義人道  
光丁酉副榜貢生援例以本班分發委用署黔西州學正咸豐  
二年選甕安縣教諭竝有聲三年秋桐逆楊鳳亂遵義從平越  
州知州邵鴻儒剿辦綏陽一路事平以知縣卽選加六品銜賞



戴花翎未行屬鎮遠之施秉黃平者今之清平八寨相繼亂皆於甕安逼近署知縣吳德容留勦軍務屢計破天文山賊境內安輯六年以卓異薦明年德容改荔波新權令不習軍備五月天文山賊遂破牛場圍縣城先是鐙花教首宋三元已爲權令擒係獄而城人半陰習其教孝秀亦染懼三元且發其事因相率乞權令出三元和賊杏東屢爭不聽比三元出明日遂益招致勻哈沈大六陳大六諸賊黨來助攻矣當牛場破杏東卽遣子雲木純木及女壻唐起中微服行雲木獨不去從守東城十五日賊攻益急入夜陴民愈無守志多散歸舍三更許老門斗蹒跚奔至曰城破矣縣公盡忠矣杏東遽返學署謂其妻女子婦曰今城已陷吾力不能守當殉職若輩士族妻孥豈得汙賊且視若輩得死所乃死耳於是妻楊攜次女子婦尹抱孫女長女抱外孫以次投學池杏東指書胸次曰宋三元飛出方城恥之恥之乃授命雲木痛絕無可爲亦躍入池中死一門義烈更

不苟生難矣哉然是時城實未陷陣人雖不力而菸泥商方以精壯三百宿城中商惜貨故獨出死力當賊衝而太平里團練赴援適至擊賊後一時機銃雷鳴與呼殺聲相應不斷遂至門斗誤告杏東誤殉可哀也已論者猶謂杏東第稍緩須臾可以不死胡爲猝不核實自輕其身然而岌岌孤城衽席之旁率將束手應賊菸商之擊太平之援竝匪意料城不陷必不可得陷必未有不以爭三元仇杏東者故聞變卽信勿疑與其灑頸血汗賊鋒何如家人父子先以潔白還之天地祖宗此其舍生蹈義熟講確守自非取激一時意氣能猝辦者假令虛變不傳杏東父子必猶得留有用之身豈無濟時艱之一二而竟如此其唐氏女及外孫並得池淺而活不活者偉杜氏六人理耶數耶杏東雖死城猶完文報不敢以實遂有銃傷之說將恐他日執虛造櫟籍轉以失其磊落光明之心故詳論於篇雲木本名棧其諸生榜以字行更字邃青亦從綏陽防勦保舉訓導卽選年



二十二杏東年四十四邵亭子曰歲丁亥余與杏東先後補諸生杏東少三歲弟視之遇書一過輒記家無藏籍而博洽淹通下筆數千言立就余艱記誦文思又遲頗妒杏東敏杏東乃喜余持律益相得也官黔西時命雲木從余遊敏記遜乃父而好學過之黔尠學人將屬望於是而杏東頗領一官見危殉義雲木又僅僅以孝死悲夫

又邵亭遺詩哭杜杏東及其子雲木三首云縱賊誰和議攻圍轉益頻市人同疾首夫子獨捐身冒計凶言誤唯知取義真全家慷慨意談者尙酸辛君才吾所畏杯水萬言傾庠職且餬

口縣官甯稱情區區猶不遂擾擾益堪驚何取玉華水流傳烈士名周也相從日時時得取予及門推最小嚮道總無如殉孝愚堪憫懷忠計可徐倉皇胡遽爾誰與付藏書

周雲木小名

石虎臣字雲谷雲南昆明人原籍浙江會稽道光己酉解元咸豐壬子進士卽用知縣分發貴州咸豐五年署開州人民苦於

前官苛斂到任後卽減糧價百姓歡聲震天勤於聽斷訟至立判囹圄爲空城內艱於水捐資疏泉以便民食六年調署安平縣州民詣省請留以千計允之逾年民間感其保障功爲立生祠甕安平越餘慶匪亂陷城戕官蔓延全黔值鄰省皆有兵事協餉不至虎臣蠲廉助餉自練鄉團率隊追擊遂解甕安平越之圍八年賊首王天綬併何二強盜屢爲所敗以少勝多含恨甚深糾黨二三萬專犯虎臣之營半年餘互有勝負九年正月十三日虎臣勦賊於甕安縣屬之高規地方斬賊三百餘人賊遂大至圍之數重虎臣奮力衝殺陷入賊隊身受重傷猶手刃數賊力竭陣亡經撫院蔣蔚遠具奏從優議卹加贈道員給雲騎尉世職後喪至省開州紳民集數千人於撫院稟請昇葬於州城光緒十五年巡撫林肇元奏請於服官任所原籍地方建立專祠十九年撫院松蕃奏請將該故員死難事蹟宣付史館允之



第三十七章 槓衆之役

咸豐七年丁巳五十七春正月大定有曰龍槓者相爭殺日鬪龍夙爲患先是槓首劉鐵脚板剽掠威甯拉呼殲於團至是其弟劉三劉四復掠水城東北以個馬場爲團衆擊潰十七日水城通判魯經芳獲劉四及其屬黨於平街子劉三遁經芳旋至以個安撫生員安正中以槓首冉廣祥素與劉三等鬪龍又翁於苗仲鐵脚板劉四之獲多其力未幾劉三亦就擒 冬十月二十五日署威甯知州葉如松以兵團擊雲南槓首李廣元於州西北金家灣廣元遁回雲南昭通觀音山初廣元因事爲官捕急遁金家灣附近兄姑土目隨官緝之不獲至是回讐各苗寨冉廣祥因之復叛掠以個馬場魯經芳率團擊之廣祥遁水城北六十里之阿大奶河 十二月初前雲南巡撫張亮基道威甯語葉如松招撫李廣元等如松屢招不果至是廣元糾雲南東川祖大昌等竄據威甯膩書河署威甯守備鄭宗厚等擊之珠子街職員汪沅同千總賽金美等敗之廣元仍走回彝良魯經芳

亦率兵捕北車河槓首葉天成殺之

咸豐九年己未八五九春二月土目安如松禽斬槓首龔剛農雙龍一作龔

廣沅餘黨也

咸豐十年庚申八六〇秋七月大定槓首張油客及謝三火礮等集府

東百里之乾河溝掠至紅杪箐團衆捕剿多殺傷署大定知府魯經

芳敗之地尾坡張油客等逸 冬十月魯經芳率軍往七星關安撫

苗衆至十八家地值槓苗方掠至豬拱箐後經芳率團衆擊卻之

咸豐十一年辛酉八六一夏六月畢節槓首張二保據縣東五十里之

滑竹箐初太平軍破東里青山屯二保乘機據箐肆略會太平軍去

游擊李有恆楊巖保等因破之二保逸 秋八月初九日署大定府

知府陳濤擊土目安中和於高家店失利職員朱上達陣沒中和素

橫官不能制十年張亮基檄帶練赴威甯助剿抗不行倚衆苛斂違

者殺之私權於阿支孔據補路件爲根據地魯經芳請兵掩捕不果

中和益肆集苗槓數千人剽掠悅服嘉禾諸里至是濤始遣委員蘇



望嶺等率練七百出小屯松樹平進攻白鋪河以□□左森茂等率練千二百出小路坡進高家店圖補路仲濤率團衆駐對江屯是日上達及千總漆應元外委劉占魁職員盧占元等遏之高家店會大霧上達中創沒於陣應元占魁等被圍及兵練四十餘人皆無下落官軍遂潰回張油客因之旋率槓匪略嘉禾濤遣軍功龍遇榮率練五百并團衆擊之匪據大埡口山洞頗險邃婦女糧畜皆在其中築牆穴孔發槍軍多傷濤誘之出敗之 九月初九日安中和率苗槓出高家店攻對江屯營急會陳濤遣軍攻鄭道森等以數千人巡徼適至突擊始退 冬十月提督田興恕先檄李有恆援大定未行至是安中和病死餘黨祈降白鋪河一帶略清

同治元年壬戌六二春三月威甯大小白巖苗衆與槓衆結大定府知府鄧爾巽等檄土目安域臣擊走之 六月鄧爾巽赴威甯西道任撤遣部練餘軍歸署大定知府曹煥有恆以幫帶李斌接辦大定槓匪 秋七月槓首韋建元等出豬拱箐後分水嶺圖阻糧運李有

恆敗之新建元移軍拱籠平先是有恆進省面陳巡撫張亮基以餉  
乏糧缺願得萬金立可平賊亮基許籌給川餉萬五千金促進軍有  
恆復以瓢兒井畢節諸局釐金爲言時報剿平檳苗而苗檳如故

同治三年

甲子

八六

夏六月檳衆出府東百二十里之以那架

冬

十月納雍檳首羅祖發尙連壽以二百餘人降 十二月張亮基以  
安順府知府畢大錫係專辦平遠軍務練無統攝紛紛自潰遂使苗  
檳濫練蔓延爲患責有攸歸嚴斥之

同治四年

乙丑

六五

春二月平遠免場檳首何神佑結水城檳首張

元發陳友梅等攻掠各洞平遠協梁正春旋擊斬友梅於武著河

冬十二月檳首卿滿大回豬拱箐繼出百里陷范家營

同治五年

丙寅

六六

夏六月大定各屬檳衆千百成羣四出劫掠

七月水城同知袁開第以土目沙雲等捕斬檳首張油客張抓手於  
嘉禾里梅子洞悅服里檳首盧會聰復聚黨圖報復畢節縣知縣馬  
應鏜旋遣土目安吉宣捕斬之



同治十年辛未七八七。夏四月初威甯槓首楊紹貴獅狗楊五李起發獅狗李

四嘿素不靖威甯鎮總兵萬化林招之降而以紹貴署艾家平把總起

發署可渡汛把總會雲貴總督劉嶽昭遣參將蔡標赴威甯查辦陳

大桿子標先以紹貴等有隙至則集團圍可渡起發亦起與相抗紹

貴懼將復叛威甯文武馳告嶽昭始飭標回滇以副將屈洪泰劉占

洪來撫之起發紹貴遂叛不受撫 秋七月劉嶽昭復遣副將吳奇

忠至威甯剿辦李起發楊紹貴等十六日奇忠會威甯練團擊之香

爐山禽楊紹貴陳大桿子斬之都司王學魁陣亡起發遁入羅洲

同治十一年壬申八七一春正月楊紹貴誅後李起發卒不獲而嶽昭

以大定威甯槓匪全數殄滅餉道肅清聞

第三十八章 大小白滿等之役

咸豐七年丁巳八五七春二月初安化平頂壩土匪羅應儒大白滿小

白滿等素不靖思南府知府福奎嘗遣捕不獲至是復遣練目馮得

雲捕之蒲公溪斃應儒大小白滿逸至府北二十里之官舟合逸匪

冉國清掠思渠關福奎遣練擊走之再敗之官舟大小白滿故冉姓人又呼之曰大板板小板板云 夏四月大小白滿仍回據平頂壩馮得雲屢攻不下 冬十一月大小白滿等復糾桐梓螺蟹楊龍喜餘黨復起先是八月中白滿等至螺蟹與結均各有所據以爲聲援惟大小白滿等往來無定所

咸豐八年

戊午八五八

春正月龍喜餘黨剽掠正安綏桐小白滿竄綏

陽川主洞馬腹平綏陽把總吳文海失利同訓導宋人鳳等退劄大

關巡撫蔣爵遠以仁懷縣知縣江炳琳兼署綏陽防剿 二月初三

日綏陽趙帽頂結大小白滿等由渡頭河

河在縣北即合口

卒犯旺草

壩署遵義副將祥福被擒不屈焚死 夏五月桐梓縣知縣蔣立炳

巡檢陳聘儒等破龍喜餘黨於梯子洞大白滿竄馬腹平江炳琳以

在籍四川縣丞蹇閻攻破之大白滿仍逸

咸豐九年

己未八五九

秋八月初八日江炳琳圖龍喜餘黨大白滿同

出拒敗回 九月江炳琳圍攻龍喜餘黨於鼻孔會糧盡乞降二十



八日大小白滿隨龍喜餘黨穆玉朋梁三童等皆至炳琳逮縛之餘  
黨四百餘人皆就擒毀其巢炳琳親解入省伏誅

第三十九章 王安國之役

咸豐七年丁巳八五六夏五月遵義西鄉八十里之花苗田團首王安  
國自楊龍喜起卽集團防剿頗得力薦保藍翎守備銜以是聯合遵  
屬各團悉聽調遣敵頗憚之因得衆心名曰王團遂謠爲安國王清  
大吏聞而惡之勢旣大所爲亦寔肆初遵義完糧自完曰花戶其道  
遠者里魁包攬折價代完曰甲戶糧頭五年米賤民不願折價多納  
米前知縣顧崑揚受之去冬安國陰使糧頭郭麻三楊倫等請樹石  
縣署著爲令崑揚令毀之不從因格殺麻三等倫逸崑揚飭安國縛  
倫出不聽旋有五里鋪劫鹽商銀事僉謂安國所爲已而大定王建  
亭等逸至西鄉鴨溪扇亂大定府知府祥福獲之復聞倫聚衆將爲  
麻三等復仇遵義府知府寶奉家恐變請以署仁懷縣知縣江炳琳  
兼署遵義縣案其事二十五日炳琳間道突出安國家禽安國殲其

子千總鼎新鼎銘孫一以安國至府斬之戮其黨甚衆諭解其團

附錄

學政鮑源深見安國寢驕恣首發其事曾見之奏章

王安國之見殺似刑過於罪遵義續志江炳琳傳有云初遵邑

西鄙王安國者家素封爲人直實鄉人信服楊鳳龍之亂奉

檄聯團聲勢浩大賊不敢犯附者日衆有司疑之遽以謀逆上

告大府檄炳琳兼令爲安國也乃乘不備馳至安國家安國方

椎牛潔樽衣冠候門炳琳突執而殺之滅其家云云觀此則安

國勢大遭忌可知也突執而殺且滅其家毋乃太過乎

第四十章 姜映芳之役

咸豐七年丁巳秋九月天柱縣革溪汛姜映芳結苗衆據順洞

逕浦洞圖瓦寨思州府知府韓超禦之

咸豐八年戊午夏五月姜映芳復結廖洞教首陳老七等出清

江廳浦洞司掠小浦洞擊潰天柱練石榴坡署天柱知縣徐達邦調



練往擊湖南辰沅道翟誥亦遣軍勇出沙子坡會剿映芳焚順洞併入廖洞

咸豐十年庚申六月。冬十一月姜映芳自八年敗匿浦洞至是謀復

起貴東道韓超旋遣清江都司宗開發馳赴天柱防剿十二月韓超檄瓦寨防練及思州大小河木梁諸團襲破浦洞

同治元年壬戌六月。春正月姜映芳復起以龍海寬稱偽帥結苗衆

據天柱邛水思州界鎮遠府知府曾璧光祈援 三月姜映芳結苗

衆由八卦河東掠黃橋塘至距天柱七十里之冷水天柱縣知縣謝

紹曾出防 夏四月二十五日姜映芳陷天柱縣城署知縣謝紹曾

預出防走免署都司富珠隆阿棄城遁初敵至縣西二十里之登完

紹曾退走敵遂長驅至城內奸啓之遽陷富珠隆阿去之沅州紹曾

之遠口司映芳據城西犯瓦寨南掠王寨青谿玉屏亦警曾璧光祈

援巡撫韓超爲咨請湘軍時湘軍已援至銅仁辰沅道北琛復以千

五百人發沅晃進援 六月映芳復破王寨據牛場擊潰團首劉登

青龍甲三諸團練 秋七月二十五日湘軍總兵周洪印知府戈鑑等復天柱縣城先是曾璧光疊稟湖南巡撫毛鴻賓并函兆琛請分軍一圖柱城一補劄青谿玉屏圖邛水且趁秋穫在卽因糧於敵不至借資寇盜於是鴻賓始遣軍出兆琛因檄游擊滕加洪等會剿而洪印鑑等亦由晃州破敵而前徑趨天柱城遂復越日加洪等復破瓦寨姜映芳等走集漢寨汛 八月映芳以漢寨爲九龍山樹木城堅守湖南總兵趙福元及周洪印戈鑑以滕加洪等由石榴坡鈔寨後十七日會軍而前敵方出閱筭急擊破之合驅漢寨薄險并進十八日匝山火敵營敵潰圍走擊殺無數姜映芳仍逸福元回軍惟洪印等尙駐冷水八卦河曾璧光以映芳遁軍退將復張請留湘軍再進剿 九月初一日署清江協副將曹元興誘獲姜映芳誅之先是映芳率數騎逸入高拐匿不出苗衆多不爲助思州府知府陳昌運商元興遣各軍扼防懸賞緝捕降其黨楊大祿大祿誘映芳出攻因遂擒之解玉屏伏誅湘軍滕加洪及湖南同知吳自發等則謂曾遣



幹弁於高拐附近諭導令散黨羽并函元興合擊映芳懼湘軍誅因  
由瀟洞間道投元興營中於是湖南巡撫毛鴻賓奏克邛瓦天柱時  
黔省並無一兵一將協剿至是又奏映芳係繞赴元興營祈降與韓  
超所奏情形不符疊奉旨詰責云

咸同貴州軍事史第二編上終

江蘇謝公允校字

咸同貴州軍事史

貴陽 凌惕安 編著

第二編 漢族之運動中

第四十一章 白號之役

咸豐七年丁巳八五七冬十二月思南府致和團白號起致和團夙與府屬及石阡屬各團聯絡勢頗大有自餘慶黃平苗教裹脅中歸者多所獲曰打起發民羨之有鐙花教首劉儀順者四川涪州人年七十餘鬚長過腹白眉長寸許詭稱九十餘歲衆稱曰劉祖祖食齋拜鐙徒黨徧川黔秦隴兩湖寔致擾害治安川中索之急因來黔復扇惑團衆藉捐輸急聯團抗官安化南百里之江家寨首何冠一父子爲之副又一作觀益官一羣稱教首曰老先生以白布裹首爲號故曰白號黔中教黨至是咸奉儀順爲教主思南府知府福奎部練首趙金聲與白號通柔遠團廉得以告且請圖之福奎懼激變不許旣而人和團亦告變始飭差會緝然冠一已與璇家壩田教頭等樹旗舉



事府北四十里之鸚鵡溪矣 初五日突至近城大巖關金聲縱火  
啓之自山後入城中秩序大亂思南府城陷署知府福奎經歷鍾策  
勳安化訓導孔廣燮署守備陳士蛟把總趙以成軍功彭新元張慶  
祺程清舉人金世瑞均被害署安化縣知縣吳雲煦典史壽其仁署  
游擊富珠隆阿把總李仕能張鳳翔亡去男婦被害及走擠入江者  
三千餘人乃大掠歸分黨東北略印江西北略婺川西南圖石阡西  
圖龍泉湄潭初七日石阡府知府黃培杰遣軍功孫學懋守備王士  
秀等援出塘頭獲金聲殺之思州府知府韓超亦遣兵練至石阡敵  
復回府城搜括分劄大巖關潮砥 初九日圖龍泉縣城知縣茹含  
章率衆守含章妻誤聞城陷自盡敵旋去黃家池火神坳 時印江  
袁家灣有警十九日署知縣鄧玲筠出禦之夫子壩白號乘虛遂陷  
印江縣城據白雲蔓士秀分援印江 其圖湄潭者據羸馬店走綏  
陽場南略至峯巖場復圍龍泉外委方榮春出禦不利湄潭練適來  
始解當事初起不二十日分黨侵略數縣脅從益衆練團莫敢攖至

是遂不可治 鎮遠府知府吳登甲上言於黃培杰韓超與四川  
北鎮總兵蔣玉龍等曰現至塘頭進剿有功甚善惟賊志在劫掠既  
飽所欲乃散歸巢穴兵練不能深入持久則糧饟不繼殊非長策聞  
柔遠人和各團於賊去後已收復府城不如卽令團剿辦地道既熟  
首從姓名居止不難周知責以禽渠散脅重懸獎勵較兵練似易奏  
功或慮不相下再以明幹之員統率駕馭之更足相與有成 遵義  
縣知縣江炳琳遣典史吳賓燕廣西訓導秦安慶等往扼永興場遏  
白號入遵路并聲援龍泉

咸豐八年

戊午八五八

春正月四川北鎮總兵蔣玉龍補授貴州提

督剿辦思南府白號是時白號愈散據寨堡分出烏江東西岸四道  
侵略軍功孫學懋同千總潘忠友敗敵安化西南百二十里之鳳凰  
山王士秀同軍功周德勝援至印江鄧玲筠方敗敵官莊屯又同敗  
敵大田卒中伏士秀德勝併沒玲筠再擊之袁家灣敵回潮砥於是  
巡撫蔣霽遠檄銅仁府知府周夔馳辦思南軍務思銅石援軍皆屬



之夔乃率鎮筓勇鳳凰廳乾州土兵道印江出潮砥鄧玲筠因遣把  
總蕭明士出銅鼓埡自會夔潮砥擊敵仁洞 夔至則與韓超議以  
玲筠出敵後攻璇家寨自率舉人饒以爵及武生安定邦攻江家寨  
超出塘頭桶口攻一椀水時白號再入府城大略去玲筠旋毀上下  
搭平而進以爵等亦分敗許家壩敵合生員孫濂軍出暗溪超擊破  
一椀水敵營將進暗溪仍爲敵襲據死亡頗衆復退塘口 白號數  
逼龍泉縣城茹含章檄武生李祖香軍功李璠同湄潭團援至鄧家  
池卻之敵復出峯巖場西南略巡檢司朱家場擊潰餘慶防軍從九  
毛精一武生徐騰輝并歿敵攻城急含章假江炳琳防軍幟敗之  
是時石阡大坪地人和團畏白號勢盛欲納款免禍邑人鄧第武兄  
第三人獨抗言不從曰從賊而生辱甚於死大丈夫甯死不爲也不  
如齊心抵死相抗我有薄產願供軍食倘一戰而勝固善萬一不濟  
死亦香耳衆壯其言聚衆夜起而石阡所遣把總方凌漳方擊敵長  
林壩與從子榮發戰敗江西判官頭於是湄潭會遵義團練分防大

堰塘馬鬣嶺杉樹均偏刀水各隘遏敵 二月思南團練與江家寨  
敵相持周夔遣經歷瞿洪先軍功李宣圖寬平黃壩會饒以爵孫濂  
合攻之鄧第武亦以所部歸以爵夔移軍黃壩以爵先折攻亭子壩  
頗有斬禽會夔得援省檄遂率算勇同洪先等赴省以軍事交署思  
南府知府周獻廷接辦廷至則令以爵分扼各隘不亟圖敵 三月  
致和衆益自日頭巖折回饒以爵等不支退守絲巖鄧第武兄弟第甲  
第第舉沒於陣第武慘痛之餘誓死從軍再接再厲不稍餒黃號時  
至板平塘東瓜溪黃白號遂相結合蔣爵遠嚴檄獻廷回守不至  
夏四月白號復逼思南府城襲陷試用府經歷汪應濤營 蔣爵遠  
復嚴斥周獻廷取巧避匿株守無事之處虛糜餉需檄令速返府城  
卒不至時蔣玉龍自鎮遠率兵赴思南 五月白號走圍饒以爵於  
大尖頂蔣玉龍先後遣外委黃應春軍功冷致和援之汪應濤亦赴  
以爵突圍得脫生員朱潤南及兵練百餘皆沒於陣 初玉龍遣都  
司馬旭林先至石阡數月至是始出次桶口 六月白號略至永和



九月黃州官軍見  
場黃家池茹含章檄李璠禦之東山場亦潰多死傷含章祈援蔣爵  
遠檄候選縣丞桂蕊香自平伐赴之 蔣玉龍先遣馬邊千總鍾朝  
清防漆樹平自老鷹巖諸團被黃號潰卽被困至是復遣馬旭林援  
之玉龍所率兵凡七百七十餘名先以二百名赴思南朝清所率三  
百五十名玉龍僅以二百名駐塘頭因募苗練六百弁議調鎮遠川  
兵盡赴思南 秋九月自城頭蓋至峯巖場宋家坡二層巖數十百  
里間小道互通白號黃號得相走援萬佛山最高窺清軍最瞭因據  
之四出爲龍泉患士午大都壩河壩塘皆其出沒之區清軍處處戒  
嚴候選縣丞桂蕊香旣至龍泉出劄彰教壩以其弟候選從九桂枝  
高攻白巖土井不利清吉團軍功何守剛陣沒土井東山諸敵皆附  
二層巖 白號出偏刀水偪石阡知府黃培杰急策防 十一月申  
水煙三名文超招致白黃號圖正安上都壩防練潰回葛林窩遂趨  
丁木坳卒至青家灣正安州知州于鍾岳方攻桐梓石筍楊龍喜餘  
黨未下聞警以軍付桐梓縣知縣江炳琳亟馳回州檄團嚴守而自

率軍逐敵出日平上壩連戰皆勝練目姚汝勤禽僧勝海等敵遂退  
回婺川申等先分黨出神溪側溪團首胡先科亦敗之禽申三山申  
先靖是時事起倉卒婺正沿途二百里多從之于鍾岳乘機迅發直  
達婺川人心悉定 十二月桂蕊香及武生句如蘭擊敗龍泉敵敵  
併入廟壩

咸豐九年

己未 八五九

春正月白巖土井敵走犯馮家坳桂蕊香因遣

練出綏陽場毀土井 二月土井敵走還二層崖卒犯東山營蕊香  
軍亦潰 三月十一日龍泉二層崖敵陷東山場營候選知縣桂蕊  
香力戰沒敵逼彰教壩茹含章集散練扼守大石坳祈援蔣玉龍會  
敵糧盡四出寺頂山學堂平陷馬瑙山八角山營玉龍遣防諸軍潰  
沙堆瑪瑙八角皆沙堆通衢餉道頓阻風神閣通銅鼓山紅巖老鴉  
窩三路皆距敵近地亦四達且險要馬旭林前襲取不能守復陷富  
珠隆阿尙攻土地山亦敗外委高聯魁陣亡老鴉窩遂出風神閣玉  
龍禦之八卦山僅遣練援龍泉蔣霽遠亦遣游擊兆喜與江炳琳及



眉潭縣知縣廖遇春赴援以從九桂枝高接管蕊香練敵再陷魚塘  
坳 白號劫掌溪團營廩生趙鍾璵陣亡 夏四月初二日龍泉魚  
塘坳敵破大關壩屯平老鴉窩土地山諸敵屢與蔣玉龍持悉由栗  
樹坳趨陷馬鬣嶺諸團營玉龍以馬旭林率川兵二百餘人馳援會  
廖遇春亦遣眉潭團練八千人來會復大關旭林入龍泉夜敵復至  
眉潭團練潰遇春退新化鋪敵踰康壩陷桂枝高營高梁山枝高走  
入縣城遇春西走永興場敵直至抵水皆坦道無可守旭林亟往集  
眉潭練扼抵水攢子崖江炳琳方至永興場會傷發以訓導張師敬  
往遇敵河家壩退走抵水攢子崖又失旭林亦走永興自馬鬣嶺至  
高梁山三四十里皆敵日逼攻茹含章及枝高等嬰城守 五月初  
五日龍泉各敵稍稍走回思南桂枝高馬旭林廖遇春張師敬等乘  
虛復栗樹坳馬鬣嶺大關魚塘坳諸隘縣城圍解餘敵聚紗帽山遇  
春旭林等擊走之復火斃二百餘敵於弔嘴崖洞枝高再攻高梁山  
敵恃二層崖城頭蓋爲援不克遇春請添軍由屯平土地山並進遙

與蔣玉龍應使敵腹背受敵而玉龍久與土地山寺頂老鴉窩敵相  
持不下遵義府知府竇奉家會江炳琳上言玉龍駐偏力水堅壁自  
守老師糜餉致敵愈聚愈多姚安邦猶頓塘頭捐輸募練千二百人  
屢報擊敵實未渡江一步 六月覃憇憇二等擊破千總余占鰲於  
龍洞山營占鰲走三岔河團練望風潰蔣玉龍先後遣千總呂占青  
與馬旭林馳援寺頂學堂平各敵亦起應占青敗走慙溪旭林潰圍  
走鳳凰山千總陳占魁外委劉祥哈全林陣沒玉龍退扼泥粃橋反  
偏場敵路敵自沙堆進犯普利坳李疑即苦轉陷三角山團營 白號  
渡婺川豐樂河源出縣西南綏陽場東破官壩集田家平婺川縣知  
縣黃君澤自細沙溪回援 秋七月初六日沙堆敵再破馬旭林鳳  
凰山附近紅崖老鴉窩各營皆潰敵遂逼偏刀水蔣玉龍大營分掠  
永興場四達無阻廖遇春方擊龍泉敵撮箕山同桂枝高走援玉龍  
復奪據鳳凰山敵轉陷觀音山團營玉龍旋移守泡木寨 黃君澤  
破走白號於羅平壩羅口礮進至獨山婺川南三十里山立如一  
筍一徑可通周五六里



九月楊德友破覃家壩禽斬致和團首覃登賢等 高粱山敵與桂

枝高久相持白巖敵首宋福以魚跳塘龍泉白崖相距近小屯敵來

助枝高擊斬之魚跳塘亦降 冬十月白號連陷三尖峯普利均而

進川軍都司薛占超富珠隆阿及守備劉文明等皆棄營走外委陳

炳南陣沒川軍盡潰敵據偏刀水玉龍馬旭林退杉樹拗敵迤追至

再退興隆場二十二日遂陷湄潭縣城提督蔣玉龍署知縣廖遇春

走三度關有上度中度下度三關連東百十里界湄潭先是縣城久

圯既集資修築工甫半玉龍輒以餉乏遽提銀給軍縣屬富戶輸給

玉龍軍者復累萬搜括略盡城工無出不能守故陷玉龍不復成軍

逃兵潰練悉附敵勢益張乃調姚安邦來援安邦時頓雷公門爲黃

培杰約防龍溪屢報捷得檄不至敵因分據永興場馬頭山掠黃心

樹防軍悉潰茹含章桂枝高自高粱退保龍泉縣城蔣爵遠檄遵義

正安綏陽援剿護貴西道寶奉家署遵義知府吳德溥檄代綏陽縣

知縣鄧爾巽募千練由藍旗壩進檄正安州知州于鍾岳調團練千

人馳防馬頭山並檄調仁桐練二千人付江炳琳進剿爵遠以周獻  
廷剿辦久無功檄徐河清之思南府任接辦 十一月白號既陷湄  
潭多趨遵義東南署遵義知縣同知直隸州固勇巴圖魯江炳琳調  
團未集先以五百人由黃灘渡河黃灘江為湘灘四水會成之江馳至團溪十  
三日敵驟至練潰炳琳單騎走回未入城亟調仁桐練三千同往仍  
未集吳德溥趣急進炳琳先馳至隆平敵已集兩路口麾軍進擊敗  
之夜分草創數營俄敵大至團練無多且罷甚盡潰炳琳突圍走未  
一里函山起伏炳琳力戰負創不能脫遂自刎沒遵義協李成錦先  
奉檄與炳琳會剿甫至中興場鄧爾巽同廣西訓導秦安慶張師敬  
軍功鄢正達等率團練擊敵蝦子場九龍場敵尋入三度關遵東崇  
峯隱天互若長城俗曰嶺子南卽三度關也爲自府道湄甕者所必  
經嶺北板角關道出綏陽二關南北相距八十里中皆叢崖峭壁無  
道塗可徑實府東保障思南湄甕白號黃號覬覦府地率至崖而反  
鄉團扼守頻年楊龍喜鄒神保起後府境安謐者率賴此至是屏藩



胥撤敵蹤徧於遵郊玉龍自五年率普馬峨川北官兵由酉秀入黔移師鎮遠初時米折鹽菜銀兩均鐸自川欠發亦少迨師久無功玉龍旋移剿思南留鎮者欠餉至八九月遂潰府城隨陷八年玉龍補授提督仍轄川滇黔三省官兵然所部亦僅川兵比年由石阡塘頭進圖思南阻險不進老守偏場就地採米濟軍欠餉亦鉅兵民交頽穀儲垂盡玉龍富珠隆阿馬旭林薛占超先後潰至關殘兵稍稍集僅百餘人玉龍乃悉遣回蔣霽遠奏劾之旋奉上諭貴州提督蔣玉龍前因湄潭失守援剿不力降旨交部議處乃自移劄三度關後兵練逃潰招集不至並將存餘川兵悉數遣撤另行籌辦各情形咨會該撫殊堪詫異該提督以帶兵大員統轄全省當軍務吃緊之際不能申明紀律致軍心散潰賊匪蔓延實屬威令不行難期振作蔣玉龍着先行革職並拔去花翎仍留貴州軍營責令戴罪自効倘再不  
知愧奮卽行從嚴參辦所有貴州提督印務著記名總兵田興恕署理督辦該省軍務欽此 龍泉高粱山敵因茹含章等退守益合永

興敵進逼馬頭山綏陽場二防營間爲縣援不可恃含章以李寶屯地險遣團馳守爲犄角敵薄縣城桂枝高出禦屯團自後躡擊敵走新化鋪團練亦多死傷 敵之西趨湄潭也思南西南略紆西北敵仍竄走無定所徐河清至檄□□汪麗金繆煒李騰蛟及團首李春華安定邦分道進剿河清旋進毛田平 十二月李成錦敗敵團溪又會團首李崑山再敗敵上溪敵走據羊巖關蔣玉龍張師敬亦東敗敵度上關代理施秉縣知縣許權進至梭米孔鄧爾巽秦安慶旋擊走楊二坎茅坡場敵與權會進箱子壩于鍾岳遣軍功楊榮等擊破余家山老鴉山敵將援龍泉會廖遇春自荷包場集團進約諸軍復湄潭於是爾巽出土地堰安慶出雞場河于鍾岳仍留軍功王啓瑞等攻廟壩顧龍泉自出牛渡河刻期會軍湄潭而永興高粱諸敵方急攻龍泉桂枝高出禦敗走馬頭山潰練多變從敵含章復集河清等團嬰城守于鍾岳遂由馬頭山會龍泉諸團破敵鎗龍山三把車進復永興場含章因集軍功李璠等團乘勢出擊敵解退偏刀水



宋家坡天神堂同時啓瑞軍亦破川江台兩敵營廟壩仍不克是時徐河清自毛田平遣委員孫長源等擊雷公堡遣楊德友擊潮窪自擊天池蓋破之汪麗金繆煒等屢攻班鳩洞捲子平不下思南營營兵楊光華中礮沒軍稍却姚安邦駐瓦窰嘴距敵三四十里會龍泉圍解敵多回竄文家店甕溪司十七日安邦同把總楊文和以所部川軍由印江遁回四川麗金卽率候選知縣饒以爵馳赴塘頭以軍功安奪標等扼河防仍馳回潮砥剿捲子平潮砥塘頭爲府城南北門戶安邦以川兵二百駐塘頭二年敵至輒走多糜糧餉復括民財略盡至是誘挾婦女數十人而去

咸豐十年

庚申八六

春正月初一日廖遇春于鍾岳鄧爾巽秦安慶

擊走湄潭附城湄水上水三十餘寨進復縣城走牛場水涯子錫落關落花平偏刀水宋家坡張師敬將圖牛場以湄潭團首袁國楨進葛尖峯練目趙懷邦等進毛田平悉從清軍國楨進攻落花平教首劉么老拒守師敬聞李成錦等擊破羊崖關敵營圖與會慮落花平

敵襲其後再遣把總黎炳南助攻破之敵復回陷營沒練丁七百餘人敵追至水涯子遇安慶練援擊始退師敬至毛平敵亦踵至師敬走牛場敵以難民反覆屠之死數千人分略度上關師敬祈罷以安慶統其軍 二月初八日湄潭白號略遵義東南甚秦安慶先以練團四千餘營水涯子敵陷之亡三百餘人軍功宋正邦練目蔡文浩自興隆場來援亦敗會安慶援至同退餘慶火樹坳地爲遵綏要道敵據興隆場與相持李成錦時同知縣許權剿豬場敵敵走襲權營仁院成錦又乘虛襲據豬場仁院扼豬場後路與亭子壩敵相犄角又進毋鷄園一作木大台山諸敵紛出勢張甚成錦戒烏江諸團堅扼九黃渡團首趙洪渡江擊敵敗死拖船壩於是貴西道竇奉家遵義府知府吳德溥遣候選府經歷楊詠棠等進度上關五里坎分敵勢遣于鍾岳等由永興場楊二坎援火樹坳不能進復退李村敵轉陷餘慶中關練營至龍孔袁國楨圖由窰山進援會敵偪牛場國楨不支亦退塘頭河 三月田興恕自銅仁籌進規計奏以思南石阡爲



楚黔要道請先肅清兩府繼剿湄甕殲除賈何綏定省城再圖都麻黃平苗衆於是分遣副將田興奇以二千人援石阡副將沈宏富以二千人援印江參將劉吉三以千五百人援思南自駐石阡策應遣官四出勸諭紳民捐輸助餉分道設局抽釐時徐河清連二十餘營護沿河司大道天池蓋敵據如故汪麗金因藉團冒練漁軍餉既復減撤團練圖省糧捲子平敵遂出潮砥袁家坨進逼黃家山麗金退保江村參將李騰蛟約辦思石鎮團務委員勝秉縣丞計遠長以團衆千餘至河東合攻敵稍却十七日宏富率參將周學桂府經歷朱廷桂游擊熊煥章全祖凱彭廷勝守備孫殿元援至印江敵方偪城十九日擊敵楊家平學桂等陣殪敵首安太然敵望風走乘勝北破轎子頂西破大羅壩斬敵首冉大方袁長喜等餘敵趨捲子平沙子坡龍塘 閏月十二日沈宏富率軍進攻捲子平劉吉三軍亦援至大羅壩因約吉三擊牌坊分賊勢而自率周學桂全祖凱彭廷勝熊煥章等分趨捲子平賊拒戰都司毛良貴陣沒諸軍奪隘齊進破斬

賊首張宗學等吉三方同參將毛克寬金太文游擊羅孝連逼牌坊孝連先陷陣擊殺數賊吉三督軍繼進賊聞捲子平失倉皇潰走吉三方進奔連毀五賊營圖合軍進剿會札佐失省城戒嚴田興恕飛檄宏富等出石阡赴援留百餘人助繆煒防印江捲子平仍爲賊據河西合朋賊亦益張代理安化知縣新城縣丞張致昶遣團首軍功安奪標馳擊至沿河鹿井山戰沒二十九日湄潭再陷許權仁院糧營進攻豬場營李成錦固守不出把總鄢德全鄒開貴來援敵少卻婺川廟壩敵犯隘溪渡破趙國瓊田慶龍四團營黃君澤遣廣勇百人馳防牛塘敵分掠綏陽場蔓延龍泉上方洞平團營多潰惟錢青雲自保賊奪縣北三椀種虎頭壩猫猫埡諸隘薄城下青雲俟懈擊之賊稍却河東賊前爲宏富敗多走集安印界三角莊楓香坳白石梁河達松桃烏羅司凡百一十里候補布經歷汪應濤旣攻雞扒坎久不下至是約麻免司團移營官頂隘營未成十九日敵遽至圍之應濤力戰不得脫殺數敵沒於陣應濤先在安化防剿甚力已而



追敵至松桃爲毛震壽稟留助剿深倚之旣死軍中多惋惜賊據官頂五月興恕率軍督劉吉三駐龍塘而趣田興奇沈宏富等進軍猴場松平敵結鴨子頭玉華山敵攻興奇營興奇中創旋沒以副將楊岩保領其軍宏富營哨溪約岩保進剿鴨子頭李成錦因守豬場敵攻不下分陷甕水司團營成錦遣軍功潘玉貴扼爛泥寺并陷玉貴陣沒劉儀順何觀言等因河東屢敗悉衆守野馬礮大寺頂及龍塘雷公堡拒軍惟章占先殿元先攻破野馬礮禽斬敵首冉珍海張大海龍塘敵首覃復應旋降縛獻羅黑山何毛二等殺之田軍進思石湄潭白號愈集陷于鍾岳營於任家橋剽略李村馬頭山荷包場分走綏陽南截壩寶奉家檄秦安慶馳援復以署遵義知縣鄧爾巽率六百人赴鄭場助李成錦時豬場敵解去成錦遣鄒開貴防袁家渡自移攻橙木園秋七月雷公堡大寺頂諸敵數犯野馬礮熊煥章等敗之追破雷公堡禽斬敵首金成貴等徐河清聞捷趣文生蕭汝霖等急攻破天池蓋進攻平頂山遙爲湘軍應煥章等復

攻下白石溪徐家巖敵營餘黎家屯被脅諸寨皆反正河東惟平頂山大寺頂敵尙據 署綏陽知縣朱文香與鄧爾巽秦安慶等分攻綏陽場敵潰馬頭山敵略走燄硝平鍾子岩至官田壩茹含章却之 八月李成錦及代理甕安縣陳聘儒破走檀木園敵時遵東敵圖由三度關進犯湄龍思餘石各團衆流離在道者久思歸因隨軍助剿竇奉家遣候選府經歷楊蔭棠及武生吳元彪等率練千餘會團衆敗敵距三度關二十里黃家壩鄧爾巽方擊綏陽小關龍水平不利復調候選知縣王崇植以原練千人回同秦安慶攻剿會綏陽旺里三甲曾家山教黨起竇奉家復檄于鍾岳回剿山東北接正安遙與龍泉馬頭山應 河西敵數出張家寨絲林張致裊遣饒以爵卻之徐河清遣蕭汝霖襲據河東謝家渡阻河西敵援以把總馬德盛攻平頂山不下 婺川敵頗張代理知縣計遠長遣練出細沙溪擊走長干頭賊以攻獨山 九月田興恕督軍連破松平猴場敵進軍甕安李成錦亦由袁家渡過河應 冬十月初三日石阡江外敵



過江援四寨屯擊破劉吉三軍吉三中石沒於陣石阡敵多集江外  
吉三圍四寨屯久敵祈援江外白號吉三諜知函署知府莫超宗嚴  
防超宗調團衆千三百布防沿江一帶惟水口渡毗四寨不能防江  
外敵悉由此入吉三軍少遂敗 徐河清久與河東平頂山敵相持  
而遣武生張鳳颺等攻河西長安壩廟壩敵不下敵轉犯婺川豐樂  
橋再以署思南府經歷吳焯然援擊河西李家巖 二十八日田興  
恕至省城民心爲之稍安軍事頗順利興恕圖先規定番獨山再剿  
平麻并分軍出遵義進湄龍 十一月徐河清增募練二千合舊練  
八千餘人圍攻平頂山十五日破之禽斬敵首羅匡明等乘勝連破  
蕉溪涼水井旋移軍會印江練攻大寺頂結降覃老八爲應十七日  
再破之并下思南北七十里香爐山諸敵壘河東略清 十二月秦  
安慶得檄署湄潭縣知縣以訓導袁國楨州判袁清華領其軍 布  
政使海瑛權巡撫事 熊煥章等累攻江家寨張家坡敵悉走城頭  
蓋茹含章遣安宅仁等以團衆從之自率團撫降龍泉附近諸寨

咸豐十一年辛酉六一春三月思南牛渡灘敵竄覃家壩逼府城署  
知府莫超宗時回駐府城檄諸軍分防大小巖關觀音巖敵大至軍  
將不支熊煥章馳援至始解而城頭蓋敵旋由文家店南渡河入據  
荆竹園煥章圖進剿五月沈宏富自克天鵝屯卽頓軍甕安劉義  
方以三千人駐龍溪遙相應至是宏富始以副將全祖凱姚華勝等  
進剿花山參將劉祖成等濟袁家渡剿大山口益以遵義舉人羅燦  
奎團首盧培義之衆而自率副將田連考等進白巖破毛平賊營祖  
凱至簸箕平賊圍之六月全祖凱被圍急沈宏富率田連考等揚  
言援花山夜襲破深溪以姚華勝駐守始自出花山解祖凱圍進逼  
白巖以劉祖成攻橋冲坡敵擊斬賊首趙綰等羅燦奎盧培義復以  
團衆合攻大山口餘敵走玉華山大山口爲遵甕開餉道至是疏通  
時江外賊結施秉下河苗犯餘慶大城外民房知縣馮錫疇城守祖  
成馳援賊退綏陽屯山賊數竄旺草場十三日署知縣蕭澤洋出  
擊會湄潭賊復由公館糟鷄罩石至團練潰澤洋中創回數日卒



秋七月沈宏富出大山口連破魚溪老鴉山敵并移劉祖成軍至白巖老窪坡菊平敵中阻宏富及全祖凱姚華勝等破走之方宏富進軍時甕安敵由袁家渡間道西竄猪場羊巖關窺遵義梗沈營糧道敵旋徑檜木園潛出大劍口渡河樊希棣等率團乘半渡敗之田興恕於是檄候補知府于鍾岳攝綏陽知縣督辦遵綏湄甕軍務先由綏陽敗敵蟒水連攻旺草後大麗山巖運樹敵營破之旺草無賊綏境東南略清 八月十二日沈宏富以劉祖成扼菊平老窪坡遏玉華山敵援自率軍攻白巖發槍石擊殺副將左三發都司張興福守備田應春等宏富引退夜復潛軍劫之敵以清軍失利不虞復至倉皇奪路走毀其營 冬十月田興恕吳安康檄赴正安會于鍾岳辦軍務湄潭陳四骨董等依偏刀水方據聚寶場安康率軍至擊破賊禽陳四骨董斬之而遵東五里坎三度關復陷 十一月湄潭敵掠遵東蝦子場新舟分出綏陽鄭家場逼縣城遵義知府李德莪及于鍾岳遣張師敬等以千二百人出楊塢場練目熊培元等以千人出

綠塘河練目鄢慶廷以三百人扼宋家壩沈宏富亦遣副將向宗漢參將鄺光斌游擊左近光等助防蝦子場師敬營未定敵至與宗漢等皆敗退敵復出清軍後攻宋家壩師敬等回却之仍扼蝦子場而以光斌擊三台山守備鄒開貴擊八節灘敵皆敗之于鍾岳別遣練目王大珩出綏陽繳水進攻以練目彭蔚周朱榮三等西出鄭場獅子山而自率三千人由鄭場進敗敵麻家壩會大珩敗於火燒舟蔚周第亦爲敵攻于鍾岳遣候選州判胡先海分軍援之敵旋集攻于鍾岳營相持急于鍾岳力禦夜出死士火其營先海在獅子山聞警馳援至合擊始解斃敵三百餘 荆竹園敵出龍場潰月亮巖熊煥章軍盡毀附郭村寨逼石阡府城署知府徐達邦告急記名道楊夢岩率所部回守時思南亦警莫超宗劾罷以章樹勳接署仍駐府城十二月章樹勳出防許家壩自鸚鵡溪擊敵大水溪獅子口熊煥章始至河東邵家橋兩江口來援 向宗漢鄺光斌張思敬等破敵菜子坡于鍾岳馳至留宗漢駐菜子坡光斌及左近光守蝦子場自



率師敬及鄒開貴吳元彪等進新舟敗敵橋等守胡先海亦出鄭場  
敗敵楊家村

同治元年壬戌六二春正月于鍾岳趣張思敬吳元彪等擊毀皂角

堰新舟敵營自移軍皂角堰敵旋走潰鄢慶廷宋家壩營于鍾岳遣  
軍援亦敗退花山敵趨禹門寺圍出綠塘河阻鍾道高台窰上敵愈  
肆自三度關至東北麻家壩五里坎至綠塘河皆敵十一日副將劉  
元勳聞警始援至櫻桃坳于鍾岳旋馳敗綠塘賊與元勳相距四十  
里復遣胡先科等攻李家壩遣元彪及胡先海等攻大壩闌牛坎蕭  
家壩右路諸敵營皆下之方率師敬等由中路攻禹門而左路宗漢  
遽敗退南平再退戲子灘又退茶園三日連退四十餘里南鄉皆驚  
禹門寺者遵義舉人黎庶蕃等築寨自衛者寨有城濠樓堞組織完  
善爲一方重鎮敵所必爭者也 三月婺川廟壩獨山敵出掠署知  
縣田慶治率練二百人及團衆出扼羅家壩擊走安化鴛嘴溪并獨  
山附近羅口礮敵 夏四月于鍾岳久與敵相持禹門寺至是敵走

因遣吳元彪千總胡先紹等進擊岳家壩唐寶石諸敵皆走隆平巡撫韓超先遣劉元勳會安康軍出偏刀水援石阡元勳以爲高台窰上敵與偏場相應宜先圖南路不進 金太文章樹勳自思南移軍西南勦塘頭樹勳增募八百人出苗民司遣饒以爵等各團防河西太文及吳宏盛等先剿撫馬辣子蕉溪諸團二十九日太文宏盛樹勳等攻破塘頭分軍駐之徐達邦圖進剿龍洞與之應先攻老王屯五月初二日金太文吳宏盛擊破革老壩敵宏盛至板橋圖通石阡入烏江水道太文進剿小屯大壩場章樹勳回赴沿河司勸捐軍糧 沈宏富自攻玉華山軍糧多取給遵義至是敵阻隆平糧驟匱潰退高鑪再移團溪宏富復約于鍾岳於三岔河剿隆平敵于鍾岳旋敗敵大錫廠 十二日田慶治擊敗婺川獨山敵連下楊柳頭及安化石梁壩陽羅壩馮家溝諸敵略清 六月十六日于鍾岳自大錫廠約沈宏富合擊隆平敵敵敗走老溝場又追敗之馬家河殲敵數百餘走遵南百里之西平 秋七月吳宏盛進攻安全屯創退祈



援金太文太文至自小屯接攻宏盛就醫思南 沈宏富擊敵後壩  
場西平敵輒出援久不下會于鍾岳擊走西平之穿洞六水洞王家  
塘諸敵進軍溪田溝應宏富合攻後壩場破走之斃敵甚衆越日又  
破之張王壩於是計家坳官路場和尚場諸敵悉走高台窰上團首  
廖熙麟後還宗麟姓方禦高台窰上竄敵於新舟于鍾岳等馳至合擊  
大敗之 八月初九日沈宏富還取玉華山初宏富潰退遵義全祖  
凱尙營老鴉山旋亦移豬場玉華敵因四出掠桐子坡香鑪山至是  
遵義略定宏富復遣軍同祖凱由袁家渡規玉華自率軍至豬場擊  
走桐子香鑪敵乘夜合祖凱襲取竹繞河河在玉華山麓敵失險遂  
奪據之自玉華山至遵義南鄉豬場四百餘里略清敵悉集高台窰  
上偏刀水分掠湄潭石家寨張思敬吳元彪同宏富所遣參將何顯  
仕都司商肇淮等擊走之于鍾岳旋自團溪會宏富遣軍出九皇洞  
度上關三度關數敗敵進剿窰上 金太文擊破全安屯及附近諸  
敵思南西南達石阡大路略清惟大小屯鳳凰山天台寺未下會吳

宏盛自思南還分軍進偪而思南牛渡灘敵復結荆竹園敵掠河東平頂壩牛渡灘至平頂壩百餘里皆敵蹤團首楊德友連營拒之章樹勳惟往來河東西檄安化印江勸捐糧給軍 冬十月金太文訶鳳凰山敵乏食遣副將朱占元都司傅得勝鄧第武邀敗之乘勢進攻十八日得勝由山後攀巖抵敵壕中礮死第武旋率百長冷應宗等由前攻入敵多竄大小屯天台寺時荆竹園諸敵由龍塘東走興隆場太文擊走之回攻大小屯吳宏盛等亦擊敗敵板橋會河西敵復分黨出絲林犯大小巖關章樹勳方籌糧龔灘府城戒嚴太文連夜馳援安化縣知縣談廷桂李騰蛟等集團練禦之 十一月荆竹園牛渡灘諸敵走援大小屯仍據塘頭分襲老木林截金太文吳宏盛軍後太文等退江口敵復革老壩來犯太文宏盛合拒之白馬廟初三日總兵吳宏盛力擊却之追敵土地堂中伏戰死太文再退印江敵益分黨四竄韓超檄劉義方馳援 十二月白號首領僞秦王朱明月竄據桐梓鼎山寨沈宏富遣副將姚華勝援至敵方薄城華



勝敗之退據鼎山進攻不下

同治二年

癸亥 八六三

春正月十一日桐梓內奸啓敵入守者潰姚華

勝率軍力擊出斬數十人委辦正仁團前知縣胡鑑在城聞變走出  
爲團阻回敵旋犯大林木華勝擊敗之追至鼎山副將張開友亦由  
婁山關攻至紅花園會華勝攻鼎山 金太文退守印江敵屢攻夫  
子壩并分黨擊潰磨溪巖團營剽掠縣屬大道爲梗會太文先後遣  
赴湖南募練千五百人始至因約章樹勳廖遇春遣團練西敗磨溪  
敵 田慶治遣游擊田慶祥連日擊敵兩壇堡平陽蓋頗有斬獲進  
攻廟壩軍功田景山陣沒敵堅守不出時總兵龍再福勦廟壩久無  
功將調省攝正安知州李威中復稟留率衆駐方家河不進旋分黨  
出再復營後偪豐樂河糧營慶治軍以糧絕遽引還豐樂河再福旋  
以部將劫殺鄉兵威中以加徵丁糧皆褫職 二月白號多走遵義  
上溪場沈宏富于鍾岳以候補知縣秦安慶馳防懶板凳初二日敵  
大至安慶力戰陣沒敵至忠莊鋪勢甚張韓超田興恕方檄宏富于

鍾岳剿桐梓敵宏富以營務付候補同知張日崙遽去時桐梓敵已走仁懷何顯仕往援白號遂潰參將楊雙貴等援軍於魚洞坡及鄒開貴蘆江水營惟副將王國珍率團衆結營猫山戰稍利十四日敵悉衆圍猫山日崙檄開貴馳援遙隔兩山虛聲應敵圍國珍數重士卒饑疲多潰國珍獨持矛陷陣戰死螺獅堰懶板凳鴨溪皆敵宏富始檄顯仕回援於是新任巡撫張亮甚至自遵義嚴斥宏富于鍾岳摘頂翎勒限剿辦宏富始馳回進剿懶板凳督軍連戰皆勝遂復螺獅堰都司沈學見陣亡全祖凱亦率四百人渡烏江進同時擊敗敵進劄銀頂山 金太文以所部二千六百人少之請募足三千剿思石徐達邦稟言思石賊以荆竹園爲最欲剿荆竹園而大小屯躡其後故上年能軍先剿荆竹園失利本年金太文亦未先剿二屯坐失機宜時劉義方出朗溪司敗敵兩路口至印江值河西白號結苗衆圍攻饒家壩大小巖關思南府急義方因率軍出磨溪巖進援 三月荆竹園敵走閔家場張家寨降敵蕭文魁復叛應之蔓延馬鞍山



龍頸坳陳昌運祈援湘軍會湘邊有教匪之變不果昌運乃馳江口  
調團練禦擊頗有斬獲未幾賊攻潰火燒橋營軍械喪失略盡昌運  
退保壩旺祈援於金太文劉義方敗敵大小巖關金太文圍小屯降  
敵內應十六日破之禽賊首李世賢等先是章樹勳密遣團總候選  
知縣李春華鄧人俊招劉義順孫興邦等以所屬十營降至是以思  
南戒嚴太文等攻不利樹勳復遣人俊等密約內應因破小屯思南  
團首黃雲燦等以敵等稔知教黨情形請釋令爲內應圖敵因陳敵  
勢略曰竊查河西黃白青紅四號皆劉儀順黨西抵遵義湄潭南至  
思南縱橫聯絡鼎山白號朱明月據之高台爲白號韓梁二賊老巢  
偏刀水爲田興朝白號濟安黃號耕種其中安興凡則據覺林寺陳  
輔楊和風則據龍盤溪覃家寨則覃崽崽二脚標直字團據之儀順  
卽居其中江家寨則致和團首何觀一孫繼述據之號曰老團中岑  
一作城里華離思南屬南百一十九里爲安插鉢平字團城頭蓋爲王德興覃五據  
之並繼述黨皆白號也自中岑北出綠池河思南百五里中南出合

朋溪東北逼思南西北界張家灣

思南西十五里

屬德興自合朋

此朋西一

至牛渡九十里在西北牛渡灘木葉水南近思南屬覃五覃八由合朋

西北至大堡長安壩屬胡黑二其巖科營平陽蓋則德興繼述雜據

之自平陽蓋西北左至廟壩右至石重蓋

安化西北六十里

闌干子直抵豐

樂河亦屬德興諸賊以儀順爲總有輕之者亦有陽奉陰違者其青

紅諸號自上來者往來依附無定河西賊首八人有宜招有宜剿其

中又分宜以某官招某鄉兵剿者從賊所服也河東賊以荆竹園爲

最著黃平之黃號統於何瑞堂蕭桂盛又有何定乾李興德之黨二

三百人頗精壯剿撫較難然出掠衆不踰千家口動以萬計糧多餉

自河西若截其糧道則易爲力荆竹園旣分有大小屯又分而有張

家寨大小屯破張家寨自孤餘若轎頂山以外則新投白號不足慮

也張亮基因以徐河清署貴東道查辦時駐沿河司 十三日沈宏

富遣張開友全祖凱擊走上溪場敵敵多竄黔西乃遣何顯仕防西

鄉 夏五月全祖凱姚華勝與鼎山敵相持不下鴨塘小水田敵復



間道犯紅花園團營潰都司龍統靈陣沒鼎山敵出攻二十一日各營先後潰副將李明萬周顏遠游擊王永堂黃三多都司張繼春楊拔先胡開國黃本勝劉校賢守備唐正位張德勝等皆陣沒亡兵練二百餘人祖凱被創走入桐梓敵薄城祖凱等力守沈宏富時營板橋聞警急擊敗婁山關敵進規鼎山時吳元彪駐湄潭汛樊希棣數調赴綏陽不至部練多變結號匪犯遵義東路攻禹門寨 六月何顯仕自逐敵入黔西擊緣匪號匪於黃泥堡沈宏富軍進紅花園遣間入敵內應檄全祖凱等尅期會攻鼎山時朱明月已潛走正綏十五日宏富集諸軍乘夜攻克之斬首要何元翼等祖凱等復擊走甑子山諸敵黨鼎山平桐梓略清宏富回軍遵義適黔西敵敗回石板場八里水宏富檄祖凱及鄒開貴遮擊敵敗竄南鄉三岔河諸團練再敗之殄滅幾盡開貴創焉敵旋分趨老君關石牛河窺札佐修文正綏敗敵則竄婺川爲田慶治及游擊田應祥擊敗復走王家沱戕釐局委員鄭福壽渡河由四川彭水縣去遵義略定 冬十月徐河

清至沿河司思南敵多據絲林大格沱署安化縣蕭丕基署游擊談堯華及都司鄧第武軍功李宣忠等進剿連擊皆勝敵悉走時田慶治同游擊田慶祥亦擊敗楊柳塘敵敵還荆竹園張亮基因檄朱占元督辦思南軍 連日朱明月由偏刀水北據湄潭聚寶場擊潰永興場大平營諸團旋分黨犯龍泉縣城 十一月白號薄正安城西南倚山無壕敵尤逼東北僅溪田可守彭城募練千四百人會團禦擊敵走合川廟壩旋分犯龍泉香爐屯因會田慶治田應祥擊走之把總周應祥陣沒

同治三年

甲子

八六四

春正月初八日綏陽縣知縣邵維新遣團首安

宅仁會團首守備李璠擊敗龍泉敵縣城解嚴 初十日白號犯婺

川東城田應祥先奔敵剽掠各鄉 二十二日朱明月襲陷桐梓縣

城署知縣徐行走免先是敵出板橋行弗爲備敵間道蘇箭棚一作疏

卒犯西城千總游起署典史黃道安及行子啓豫同團總王大衡趙

作楨禦擊皆奔啓豫被害城遂陷 二月白號數攻綏陽不下知縣



李愈南遣團禦擊團首從九陳作安廖正倫均中創敗回初九日愈南調敵多趨黃家灣乘虛襲取杉木壩敵遂解走遵義北板橋適遵義西南白號方攻紅井寨復由忠莊鋪犯南門關張開友一再卻之、三月廟壩敵北渡豐樂河破楓香岡 至龍墩田應祥卻之 夏四月初二日徐行王大衡等入桐梓縣城時敵毀城垣屋宇略盡走屯府境剽掠鄉村署遵義知府張日崙同張開友守備蔣洪順等分營忠莊鋪黃泥鋪敵蹤及烏江大道爲梗 五月遵義白號西掠金山樂民諸寨張開友進擊頗利 六月初八日白號入仁懷縣城知縣馬鈞被害初黔西號匪竄縣屬三十灣魯般場已復有桐梓青號餘敵自南川綦江走掠溫水桑木埡合攻縣城分掠茅台觀音場劉汝祐始至與鈞齟齬敵旣至鈞汝佑與把總艾定國等分門守互譴諉官民意不屬先一日團首安邦雲率練百至比夜鈞不到城防盡弛夜分忽譁傳敵已由西門入城中鼎沸汝祐遽開城逸邦雲練亦爭出去數里始聞敵僅數十云敵執鈞索銀鈞罵敵死定國及典史

潘騰芳走出定國俄遇敵馬桑坎被害騰芳至桑木埡久之亦病死  
婺川敵退屯石柱埡連界池田應祥進擊中創引還 秋八月田  
應祥擊破石柱埡連界池敵敵走安化新井壩婺川略清 冬十月  
十五日遵義白號襲陷黔西州城署知州夏成業及長女適丁氏幕  
友王朝棟等皆被害吏目晏澄被創走出旋沒署游擊李忠恕遁龍  
潭鋪土目安銘團營先州之陷也敵僅數百越日卽載所掠集校場  
分散颺去白號始絡繹集分據城外東山木薑貴西道沈西序時駐  
大定檄副將劉正朝援剿進至武樂壩 廟壩敵竄陷龍泉團寨團  
首任正琦被害復竄黃都壩磬口襲陷婺川梅頭山團寨田慶治先  
遣團首王作霖守備滕德茂等擊走之 十六日白黃號隨苗衆陷  
大定府城詳見第七章

同治四年

乙丑八六五

春正月黔西州知州茹含章等攻沙子坡圖黔

西州城皆不利平遠苗號復過三岔河圍定南汛卸署安順府知府  
畢大錫復出白巖總兵林自清亦遣軍來會敵解去剽掠一柯樹狗



場二十九日朱明月蕭繼盛羅洪等苗教襲陷正安州城署知州楊言署吏目陸厚坤遁卸署吏目朗洞縣丞王德駿被害候選訓導徐亮采閣家生員萬化成閣家廩生教步瀛監生王正興等皆沒先是去冬繼盛略思小二里明月卽據馬村梨埡言等久無備而倚團紳達才連招降號匪莫飛鵬等爲練屢不法至是城倉卒陷民多受害而才連家獨完二月何得勝黨亦自六廣河西入與白號合略州東南幾盡已復略走鷄場逼大定擊知府鄧爾巽防軍守備譚占魁戰沒敵張甚獲安諸號悉趨遵義剽略各鄉幾盡爲首宋玉山橫據板橋紅花園阻入川道並薄桐梓圖逼川軍蹇元淵等據雷台教場壩斷府城樵汲遵義縣知縣馮澍率衆城守夏四月四川總督駱秉章奏以雲南布政使劉嶽昭率湘軍自合江援黔嶽昭先遣總兵李家福率五營由南川規正安自率諸軍次松坎爲聲援十七日家福擊破安順場進老鷹巖州敵出羊坎來拒家福遣總兵謝景春副將胡志淇參將謝景星游擊胡鳳歧等分擊都司成茂清守備

黎光甫把總鄧華書千總陳復勝戰沒景春等力擊始退景星復敗  
敵石峽口千總謝華山易得貴外委吳立楷劉雲漢先後陣沒 五  
月初三日李家福等進圍正安州朱明月棄城遁州城復劉嶽昭檄  
家福移軍綏陽取旺草自率軍進婁山關吳元彪方逼府城聞川軍  
至益集湄甕白號屯綏陽東西北三路旺草馮村后水回龍寺樸老  
場拒軍嶽昭軍次桐梓檄參將何行保擊梯巖敵降留軍同劉應升  
及團首王大衡等攻油籬口 黔西化處沙子坡鏵口山諸敵聞援  
軍將至入城斂守清軍進逼敵出擊鄧連升楊雙貴等引退雙橋  
閏月初五日提督趙德昌軍至黔西擊敵不利明日總兵趙德光繼  
至十二日德光夜率軍先登諸軍繼進克之黔西州城復敵分走渭  
河北入遵義餘東據新場安底 李家福軍至旺草壩元彪糾宋玉  
山蹇元淵高台窰上黃號白號王超凡殺人呼王曰等分拒 川軍病疫  
固壘相持宋玉山蹇元淵合王超凡等南掠投誠之大石坎梧桐村寨  
何行保自新棧來同團衆援擊 正安白號糾安播鉢走略下方上



方出彰教壩薄縣城李廷璧同李璠等城守 平遠大虎場化起白  
號旋自安順東北沿河石鼓寨推野七入逼府城大錫回同安順府  
知府呂序程防守總兵羅孝連及趙德昌軍亦先後至禦之敵趨安  
平舊州廣順去 秋八月初三日白號入廣順州署知州左茂森走  
出遇敵青山被害署守備蒲景春張定國把總趙文發署吏目王其  
達遁定國二女文發妻洪二子均被害初六日入長寨廳城署守備  
楊清外委盧義勝陣亡署同知計遠長署守備李騰蛟逼敵出威遠  
汛廬山十九日復入定番州城署知州嚴雋熙遁敵遂趨青巖羅孝  
連遣軍尾追不及 九月十四日川軍病少起進攻蹇元淵王超凡  
等仍剽掠反正諸寨不已 李廷璧擊賊彰教壩外委黃世鍾陣亡  
安播鉢等旋因元彪招赴援綏陽去 白號數攻畢節縣城茹含章  
等擊走之敵出已折平移據何家屯豬拱箐苗頗與合含章以周尙  
文往襲生員黃經元陣亡 十一月初四日宋玉山自白巖準率黨  
數百人潛襲遵義府城踰西南府署後玉屏山入縱火城中遵義知

府倪應復及馮澍遵義協賀朝岡等出不意無所措團民拒之六十  
字奮擊出之增生馮謙遇害軍功余文陣亡焚北門民屋百餘拱安  
關三百餘男女投河死者數百人敵仍回樂民屯越日何行保自四  
面山馳援成耀星潘長青率軍亦至回龍寺莫超宗始自陸家坳入  
府城劉嶽昭稟超宗辦事有名無實大不可恃當喫緊之際反將練  
勇撤散於城守漫無布置嶽昭所調耀星長青及行保等均爲遵郡  
官民遮留致嶽昭有增軍之名無攻剿之用此次援軍每月由川籌  
給軍火口糧等銀六萬有奇款不爲不鉅無如時艱賊狡兵力略單  
不免智勇俱困亮基以省城惟趙德光一軍爲數不滿萬人餘皆零  
星小隊防剿猶苦不敷難以分援奏請以劉嶽昭節制遵義文武各  
官遵屬軍務悉歸嶽昭一手經理駱秉章復詰責馮澍以老城之失  
賊不過三四百人足見平日毫無防範并指澍藉事苛派以致民心  
不固亮基因撤澍任并奏超宗在遵督辦年餘所部練勇無異於賊  
任用紳士王懷鈺把持一切超宗爲所鉗制致滋民怨繼藉外出益



長賊風所劄北興寨民不堪擾請革職於是嶽昭復約耀星長青五軍回回龍寺扼都場元彪祈援王超凡出遵南劉玉龍出遵北期東會四面山遏輝道耀星長青旋出四面山擊敗超凡洪江再會副將劉正廷何行保諸軍禽玉龍 吳元彪叛變被圍急祈援劉儀順儀順遣田舒文自偏刀水來會朱明月擾旺草圖襲東北清軍後嶽昭遣軍敗之於是遵義東鄉馬坎寨劉思隆卽玉龍父宋玉山楊子和張玉山蹇元淵等率西南螺蟹等二百餘寨赴府降

同治五年

丙寅 八六六

春正月初一日白號襲陷黔西州城署知州羅

澄鑑遇害署把總譚興麟把總胡廷彥外委劉洪盛澄鑑幕友李厥吉施慎齋等同被害署黔西游擊黃加富署守備張發甲遁敵旋回打鼓新場鄧爾巽遣副將賈連升等援始至遂入城 初四日仁懷縣羊窩大小屯號黨譚繼虞等出掠石寶寺大灘羅漢寺新授貴州提督周達武方防合江署仁懷知縣汪麗金駐官渡塘近合江因請援達武率軍擊敗之旋移防綦江仁懷廳團紳張廷塏等稟駱秉章

略曰廳處偏隅距黔省遠兼以庫款支絀勢難兼顧自號匪據大小屯寺縣城不守而廳境疲於防禦然賊黨雖多半爲飢寒所迫其據羊窩老號不過千餘而已去冬至今時窺廳城若順流而下恐江津合江亦危請飭大兵迅復縣城廳危自解廳屬地方三里軍興以來所募練團防堵經費俱民間籌辦長官平日所收釐金并未給予團練四鄉疊遭蹂躪此次焚毀民谷不下數萬石民力已竭若賊訶知則廳城不守秉章以有劉嶽昭各軍難更增軍俟綏陽復再議進取十六日打鼓新場號黨復走陷大定府城奪情署貴西道兼大定知府鄧爾巽遁六龍時府東有新場號匪北有猪拱箐苗南則平遠黔西諸敵出沒本境槓匪間起城初復民多未歸敵至卽入入亦無所據未幾復走六歸河趨平遠二十二日爾巽等復入城平遠教匪時劄化起龍場 荆竹園敵復入石阡府守備鄭大成擊之出前浙江按察使李元度旋自湖南率貴字四營援剿思石教匪元度先後稟略曰貴東數年以來徧地糜爛銅思石思松諸府廳久爲黃白號



盤據出沒之地現在銅松境內無賊其通賊之三元團雷洲李丕基等已經周鎮洪印會同銅仁府縣正法由銅至阡亦無賊阻石阡以西數十里內賊巢環布以荆竹園爲巨巢以大小屯爲門戶又有羅家巖板凳場三十餘處分巢皆歸荆竹園黃號蕭繼盛調遣又仰承於統領各號僞王朱明月以教首劉儀順言爲斷亦猶楊秀清之於洪秀全也計石阡境內不下十五六萬人能戰者數萬此外餘慶轎頂山甕安玉華山平越上大平皆黃號也龍泉湄潭思南城頭蓋偏刀水江家寨諸巢皆白號也下游五府界分烏江有江內江外之分南內思南則曰河東河西荆竹園轎頂山所謂江內賊也江外黃白紅青四號亦附明月上至遵義下抵湄龍首尾一氣明月詭稱崇禎十二世孫僭號嗣統三年年二十三歲荆竹園北負烏江賊恃爲天塹之固江外卽白號巢穴往來接應饋糧必逕烏江石阡小河曰龍底江者又名石阡河北流經大小屯自兩江口東一北入三烏江北江北境而來西小道水道凡二百里舊爲鹽船入阡之路擬添設礮

船以斷接濟亮基以丕基等并未奉旨正法飭銅仁府陳枚等查覆旋稟丕基等曾受明月偽封云 李元度率知府李光燦總兵王建章自銅仁分進元度建章率章貴營出印江大壩場何家寨攻大小屯光燦率銳中營自石阡圖荆竹園在思南南百四十里敵分據高家田爲大小屯援相去三十里元度建章分敗之大屯伍永富小屯張洪權降永富雲召子時以兆琛總辦下游軍務自沅州入至邛水會周洪印天柱軍剿清台苗洪印以貴州候補知府陳昌運分一軍屯鎮遠府衛兩城 鄧爾巽率軍進黔西圖治中副將李勝山亦來會敗敵五里壩黔西先後擊走大石壩店子場以歸那諸苗號 八月統領援黔川軍四川知府蹇閻與副將成耀星會軍新棧閻率安吉兩營忠字一營防剿遵義以耀星剿油籬口軍至小壩北距口何元易據隘守而油籬口洞中男婦六千餘人悉願受撫耀星陽許之會劉應升亦率團來會先下附近諸寨 初汪麗金擊下羊窩大小屯以仁懷縣復譚際虞降告未幾仍爲敵據麗金走死鄉間久無耗至是



嶽昭言際虞仍據大小屯汪草登等據簸箕壩大壩石洪明據棗竹山以及平壩馬滾坡羊窩縱橫五六百里皆敵期先肅清仁懷後路無虞乃能前進因檄前鋒諸軍刻期會剿自駐溫水策應 九月初七日白號與苗仲三入鎮甯州城無所掠則毀盡廟宇民居而出記名提督謝景春總兵宋華美等毀仁懷馬滾坡簸箕壩大小屯羊窩諸敵壘敵均入平壩副將鄒復勝亦毀來蘇場來會攻平壩嶽昭以仁懷空虛留總兵吳安康副將楊正高同代辦知縣鍾毓珣防守成耀星屢攻油籬口不克乃積薪洞口摻辣椒末扇火熏之元易及大小男婦悉斃 婺川廟壩敵掠走正安葛林窩知州彭城乞援署遵義府知府張日崙遣李得貴至 十一月棗竹山以南鉄匠平九倉壩諸寨皆降黔西下五里肅清惟上四里爛泥溝四方井沙窩大化竹龍場乾堰塘諸賊尙逼劉嶽昭進駐仁懷縣遣謝景春鄒復勝赴州會黔軍宋華美進打鼓新場 初四日謝景春等軍至黔西會圍練攻沙窩敵走爛泥溝及平遠龍場鴨池河

同治六年丁卯凡六春三月何行保等進擊水鴨子不下偏刀水荆竹園敵來援不利引退會川北警檄副將唐大有振武三營回遵南空虛蹇闇抽還行保忠字誠字安吉諸營分守敵轉攻戴家壩降民力守荆竹園敵屢創不出惟恃河西白號給糧自固河西敵亦倚爲屏蔽李元度久住三道水至是以記名提督邊曉堂率章字軍六百及知縣彭維翰等率貴字二營同鄧第武西渡先剿河西第武前以鎮遠陷褫職元度廉其材武自思南府城至許家壩皆第武舊團因倚以爲軍導連日至小河濱饒鈹頂寨進擊疊下河西白號十餘寨思南四境敵寨林立河西最著者爲江家寨偏刀水巖科而城頭蓋又爲諸寨最時中岑安插鉢方與江家寨何繼述等內訂遣間招插鉢而進軍擊青欄坡覃家寨江家寨敵援至游擊江誠香陣沒引回元度復遣胡其慶陳茂春來助曉堂督同擊破乾溪溝游擊陳貴章中礮沒插鉢旋以所據數十寨雜髮降元度令約龍泉義勇攻城頭蓋署龍泉知縣計遠長亦剿撫附近敵來會攻不克十四日



吳安康宋華美等進擊蔡板屯圍攻兩日敵夜走禽斬汪草登等及  
餘敵數百人焦連升遁走瑪瑙山團首羅源清蕭本茂等禽以獻  
邊曉堂遣胡其慶陳茂春同團首都司黎占魁分擊麻園溪進至羅  
家壩敵首覃德徵以所據二十一營降惟江家寨覃家寨相倚拒守  
抗不下牛渡灘敵時復分黨西援李元度遣副將鍾輔朝出潮砥同  
團首安天仁張文明等進剿不利仍退潮砥李元燦猶劄白沙廟  
壩敵因婺川知縣謝邦鑑出防間道走大竹園逼縣城邦鑑擊之敵  
走掠正安謝壩團寨出禾麻渡逼州城何行保援敗之 秋七月初  
三日劉嶽昭遣謝景春等進軍黔西敗敵楊柳河進攻牛場不下  
九月謝景春吳安康等圍攻牛場屯未下劉嶽昭復遣道員梁碩釗  
來助十四日遣練夜由人頭山下洞中潛抵敵營并分軍出玉屏山  
攻至賊不及防遂破之禽斬敵首潘先生等十餘人 湘軍及安播  
鉢等始擊破城頭蓋敵走併江家寨去 十月河西諸敵與湘軍相  
持久多散走記名提督彭芝亮等因率軍專攻江家寨寨有田數十

百畝資以耕戰積粟濟荆竹園旁有柿頂羅二頂大小尖山諸寨總名老團白號首何冠一繼述父子據之歷十年寨前大頂絕險芝亮遣鄧第武選百人聯繩附葛擲火燒敵房敵亂胡其慶等乘之大頂潰繼述退芋頭灣李元度復遣知縣裴鏞及游擊戴萬勝彭德清何雄輝副將李昌福潘楚棠總兵丁文友等馳攻柿頂羅二頂敵堅守不下十一月李元度以江家寨久不下檄水師李寶坤由桶口進雲山寺牽敵援彭芝亮督軍分攻柿頂羅二頂偏刀水荆竹園敵來援芝亮敗之遣鄧第武等襲破羅二頂初七日遂克芋頭灣大小尖山諸寨皆先後下禽斬何繼述子鳴鳳繼述遁覃家寨賊不納復走龍盤溪河西餘寨或剿或降惟偏刀水覃家寨巖科大堡牛渡灘猶拒守寶坤時擊破合朋雲山寺進一碗水元度令沿江上駛數十里拊荆竹園背芝亮等東渡以攻荆竹園之前

同治七年戊辰八六八八春正月初四日援黔湘軍統領席寶田既會李元度攻據黃號荆竹園老巢分下羅家巖七寨並判官頭二十餘寨



比夜再破覃家寨覃崽崽二何繼述劉儀順走偏刀水羣敵分走水源溝巖科玉華山上大平轎頂山寶田元度會軍進攻轎頂山以彭芝亮率章貴軍七千出覃家寨攻偏刀水寶田出龍溪牌坊營沿途招撫江外脅從諸賊高台聶正邦辜正邦及湄潭唐忠皆來降 二  
十八日席寶田督軍克轎頂山禽教首石廷士馬文祖等斬之餘敵走猴場玉華山曾璧光以玉華與開修僅隔一江以提督張文德馳防江口文德遣副將戴榮宗游擊滕代榮赴開州據真武山並規鼎照 二月席寶田破走諸敵軍銳甚至是以鎮遠苗敵犯沅州遽回軍轎頂山仍爲敵據時思州敵復出牛場坡金大鵬被圍孝連解之九松旋至擊潰防練犯府城據柑子衝會寶田前軍撤回擊敗敵寨杉場敵由茶店走楚軍遂回於是黎平敵復掠走孔團丙洞署參將李秀祥乞援沅州寶田檄防遠口總兵李金榜以七百人馳赴兵少不能進南路敵復陷忠義大團七洞 柱敵仍出遠口金榜復馳回又苗首羅洪亦以數千人走合永從六洞都江敵仍出古州六洞敵

以下三洞爲最強湘邊防軍駐平茶且爲四脚牛高赧敵牽制不能分援蹇閻以三營防邊義安定諸營未到軍單不能進取李元度催會剿且以偏刀水後路無兵慮敵他軼二十四日閻遂馳赴樂營寨以都司田應豪赴高台就下游降衆無歸者選精壯七百餘人練成軍時元度軍屯偏刀水攻東南北而慮西路覺林寺及水涯子龍鳳諸敵遙應閻因遣千總李元隆戴振邦率練軍分進并檄黎佐清移牛場應援元隆及降人聶定邦等招降龍鳳松烟六賊營 三月初一日聶定邦等進擊覺林寺敵乞降朱明月潰圍南走定邦邀禽之龍鳳寨明月本姓張名保山遵義火燒舟人以罪徒外赧回與劉儀順并起據鼎山爲白號首至是伏誅旣而覺林寺降衆不堪湘軍虐逃去數百人駐屯山蹇閻給口糧拊循之時統領援黔川軍四川候補知府唐炯以總兵劉鶴齡自綦江先進沿途收撫四十餘寨初十日抵偏刀水十二日炯亦至偏刀水地狹而長初蔣玉龍扼險築壘軍潰爲敵據益修治分八門守敵衆皆黃白號湘軍屢攻不下都司



李盛武程修武譚品芳守備張怡鳳等先登並沒士卒多死傷復以  
開花礮急攻敵驚呼爲天礮頗畏之王超凡集荆竹園諸逸敵圖來  
援炯及鶴齡等軍扼南路防之何繼述何發喜田應武王禮廷遣人  
赴營祈降炯函約李元度來會商元度時駐雲山寺距軍百八十里  
以病不至彭芝亮等意主戰炯因不許敵降會攻掘長濠困之超凡  
援至六郎屯炯遣降人李明遠先據屯守復檄參將吳洪貴已革知  
州顏佐才等取趙家營扼敵來路又約閻乘超凡出援遣軍進取橙  
木園水源溝黃號閻以何行保取猪場游擊鄒紹南及田應豪取銀  
瓶壩敵皆走閻旋馳至羊義均時敵多集烏江南惟橙木園水源溝  
在北閻復約炯分軍助炯遣振武軍唐大有赴之 二十六日偏刀  
水敵乘大雷雨突楚營湘軍發洋礮疾擊敵多傷都司戴富魁守備  
鄧金養陣沒敵轉犯川軍營劉鶴齡卻之 夏四月初二日川湘軍  
會攻偏刀水川軍前隊踰濠抵壘下敵悉衆出拒湘軍未集不利却  
回劉鶴齡及陝西候補知府張玉文候選縣丞于德楷再進力擊敗

敵唐炯及鶴齡以敵阻長濠走無路勢將死拒而湘軍以餉匱飢疲慮有失因去敵濠十丈樹木柵掘地道困之時王超凡等已渡烏江攻猪場何行保以敵衆固守黎佐清等馳援敗敵牛矢溪進至七里許大關頭中伏大敗還炯所遣唐大有軍適至始退初六日超凡復犯羊義均蹇閻軍後佐清馳援至伍家坳不能進復回銀瓶壩約鄒紹南田應豪等簡軍伏伍家坳更進擊超凡重創敗去僞帥王建芳祈降炯再檄吳洪貴顏佐才等合湘軍擊破觀音營超凡遣敵來爭洪貴等敗之黃連壩李明遠陣沒水源溝橙木園以觀音營黃連壩爲門戶後負袁家渡江界河退結玉華山上大平諸敵進與偏刀水廟壩敵爲援觀音營下敵門戶遂失十五日諸軍乘勢進攻水源溝橙木園敵立駭潰超凡等退袁家渡南走甕安江內去炯以振武三營扼防江口因稟巡撫曾璧光略曰橙木園水源溝各降衆中可選用者不下二千餘人急宜早爲布置一旦客軍他去此屬必仍據而爲亂現聞憲台委員在遵義募兵愚意與其收合游勇難望成功不



若部署降衆以賊攻賊今日之計未有便於此者 初炯入黔時慮廟壩巖科白號乘遣間張預遣同知鄧錡馳赴正婺龍綏湄界之土口圖之復請檄防涪南之總兵成耀星副將熊英豪參將劉順 等易剿爲防與錡會辦錡駐軍黃土壩闌干子學堂平十餘寨先後皆乞降復營逼毛龍蓋擊下巖科李元度時遣軍擊安化大堡牛渡灘會濟安號敵何永華等來降旋導楚軍襲破大堡禽胡黑二及王茂蘭田修武諸敵首覃光明文朝秀亦乞降黑二以濟安團叛十餘年至是伏誅於是偏刀水敵旣失王超凡之援又失河西之應勢益蹙 閏月川湘軍急攻偏刀水敵外援已絕而僞王向成高等猶力守唐炯密遣間誘降成高爲應敵內亂彭芝亮至是亦降遣間招敵許以不死敵無守志初五日鶴齡芝亮等督川湘軍分道攻入禽寄信王田應武黔陽王何繼述元帥何發喜何興儒軍師老教主王禮廷李長俊等殺之降其黨七八千衆皆免死薙髮分遣回籍收成高等入鶴齡營 初崇實奏以炯籌辦貴東善後炯因條陳事宜上言祇

任軍務請另遣大員籌辦至是暫以本地善後付龍泉知縣計遠長  
湄潭知縣張聰蘭遣參將周萬順赴廟壩助鄧錡 十二日先破走  
新田頭馬道三道遏敵前鋒乘勝進攻廟壩降敵田歪嘴開門應錡  
軍入敵首李志高遁巖科餘悉降 十七日錡再進擊兩壇堡敵力  
拒會總兵劉子貴等出闌干子萬順至平陽蓋間道合擊敵敗去旋  
執宋老帽等出降餘皆就撫於是李元度撤軍回湖南留章貴六營  
三千人以副將鄧真發柳大福扼守河東荆竹園以總兵黃開榜副  
將袁有名扼守石阡以芝亮率軍剿辦巖科芝亮軍至巖科敵悉降  
正安婺川白號平 六月炯軍直抵玉華山遣降人環呼有兄弟親  
戚者悉來歸敵愈蹙文定王陳紹虞執殺人王王超凡降 二十八  
日破巖門關老教主劉儀順及覃崽崽二間道走炯亟令降人劉俊  
民等追至楊保河擒以獻解儀順至成都殺之

附錄

黎庶昌禹門寺築寨始末記曰嗚呼軍興以來團練禦賊者衆



矣而以一鄉一寨枝拄十餘年幾與全省兵事相終始吾鄉禹門者蓋亦罕聞云咸豐四年八月桐梓姦民楊龍喜作亂破縣城出婁山關進窺遵義據雷台山圍郡城百二十日浸及於吾里里人就禹門寺設局治團練禦賊於是有築寨之議禹門寺者濱臨樂安江峯崛起周回里餘澄潭曲抱上有古寺頗壯觀曰禹門國初高僧丈雪徹智駐錫之所西距郡城八十里北距綏陽五十里東距涓潭七十里吾黎氏舊居左障山也明年春賊解圍遁築寨議尋罷其秋楊龍喜平下游苗匪教匪相繼起教匪陷銅仁思南石阡思州苗匪陷丹江八寨古州清江台拱施秉都勻黃平清平等府廳州縣七年黃平平越流民糾合教匪內侵官軍禦之於重安江失利遂陷黃平舊司據甕安玉華山爲巢穴同時思南人安某立靈覺團與鄰團不協鄰團以反狀告知福全謀執之安民陽爲應募入城殺知府以叛別有劉依元者本涪州教匪爲州官所捕名逃至思南剛家寨依油匠

何工顏以居仍以燈花教惑衆共劫大團名志和與安氏相比附其不入教者又聯餘慶施秉思南龍泉數縣人爲團以時和年豐民康物阜公平正直普樂咸熙十六字爲號別稱人和衆七八萬旣而兩團交攻爲安氏所并八年進圍龍泉陷印江石阡由黃精樹犯湄潭之偏刀水偏刀水巨集也提督蔣公玉龍軍此年餘戰敗遂爲賊踞自是賊之在玉華山者目爲黃號賊之在偏刀水者目爲白號而安氏所有之賊目爲老號玉華山賊以沈中和賀大六爲首沈賀死何二強盜殺人王王超凡及陳某傅某石某等統之各擁衆稱王爲省門巨患偏刀水之賊劉祖祖何工顏楊和豐冉八閩王秦崽崽二等統之劉祖祖賊中呼依元之稱也後二年新舟場人張保山本江西賈人子充團首不法爲遵義縣令鄧公爾巽所斥乃往投白號詭稱明代後裔衆惑之尊立以爲僞秦王總其衆號朱民悅或稱朱王鑄嗣統錢散行使民堅其信時湄甕思石間羣盜如毛獨龍泉人



李璠結團固守拒戰數年龍泉無恙遵義與湄潭毗連恃三渡關至山羊連山百餘里爲之障自乙卯以還四五年間吾里雖未遭賊躡然其間楊龍喜餘孽如鄒辰保楊應陸之踞桐梓落水洞何元驥穆明王之踞綏陽川主洞蠻王洞王龍之踞正安鼻孔山石筍官軍次第討除無不徵調鄉團防堵險要七年秋余兄庶蕃又募勇隨縣令江公炳琳勦賊獲安之上塘每有徵發禹門寺率爲東路兵饜會歸九年冬黃號賊渡羊崖關犯遵義江公拒戰兩路口失利死之擾及東鄉焚蝦子場庶蕃以鄉勇要擊於水白渡羊舞場賊旋退白號賊亦進踞孫家坡綏陽縣令秦公安慶破走之屯先鋒營以蔽湄潭十年十月又破之羊山口斬賊首伍得勝是歲也廣西賊僞翼王石達開自泗城竄入興義貞豐破廣順走黔西大定窺四川而提督田興恕爲欽差大臣勦賊檄總兵沈宏富統虎威軍進攻玉華山相持年餘不克退還遵義初平越人吳元彪以策干蔣公玉龍蔣公謂

其有反相不用又走遵義說當事當事者悅之命將二千人往屯高臺窰上元彪爲人沈勇有急智數計窘賊賊恨之甚合黨絕其饟道元彪乏食引還秦公解湄潭任先鋒營亦散遵義防弛十一年冬黃號賊乘勢趨渡上關安白兩號賊趨三渡關五里坎大板角分道入寇從兄兆祺縣人張師敬各率鄉勇禦賊於高洞子三渡關皆潰於是張保山據七星坡楊和豐據驪龍壩連營百餘里綏陽縣令于公鍾岳兼攝遵義湄潭正安三州縣事親率所部駐禹門分遣把總吳元彪都司鄒開桂屯金盆山馬鞍山沈宏富亦遣都司左近光屯宋家壩吳元彪攻賊於皂角堰以除夕拔之報龍大勝于公方移屯而宋家壩不守他鄉勇之往營牛心山者亦不能軍僞秦王張保山逕由楊柳田上據禹門寺同治元年正月十日也于公還軍綠塘河余兄庶蕃亦募勇出張飛隴約周開桂三面急攻賊遁仍復禹門寺吳元彪攻拔蘭牛坎驪龍壩疾襲張保山走之遂營七星坡正安



人胡先紹先科率團練來援破賊於麻家壩遵義復無賊然險隘俱習賊時去時來不常其得失來則所在焚掠團練禦之亦退由是築寨之議興矣于公之任遵義也屢勸鄉人仿古堅壁清野法修築寨堡自衛示三出而衆莫應至是余兄庶蕃從兄兆祺及里人劉漢英首任斯舉相度形勢就禹門寺築寨鳩工積石閱五月而寨成爲門者四濠牆樓堞皆具巋然一方重鎮矣同時興起者樂安里則有綠塘河白泡塘新舟場馬鞍山龍坑等以數十計而禹門爲最大東隅里則有東皋東勝東平等以數十計而東皋爲最大置守粗備秋閏八月石達開再由四川入遵義稱號十萬逼郡城城無見糧大恐于公檄調禹門團練助濟軍食兆祺以三百人運糧往與賊黨遇於米泥壩力戰一日夜卒護入城人心始定鄒開桂屯城外紅花岡賊張黃蓋登插旗山以瞰城城上發礮轟擊稍稍引卻又爭開桂壘開桂出戰殺數人賊無意攻城數日釋圍西走所過鄉寨有施放鎗

礮者輒搖手止之或僅索酒食復趨大定入雲南其餘迫近禹門兆祺禦之繳水敗還再發精銳要之賊已不宿而去二年正月東隅里人吳某誘高臺白號賊入寇與禹門團練戰於大水田賊敗走黃號復犯忠莊塘鄒開桂等挫衄遂徧擾縣西南境已而黃號聶定邦與白號爭高臺定邦破其十三營據有白號之地黃號益強盛至五月而吳元彪又反先是元彪至遵義乞饒于公陽應之沈宏富惡其爲人以他事報下獄其黨藍山虎等乘不備破獄出元彪遁回七星坡據營以叛知府張日崙欲和解之使人持五千金往犒元彪得金益張結盟與黃號賊合心知禹門必爲患害首遣其黨李春山萬得勝一夜行八十里襲禹門昏黑中賊已登陴守陴者始覺團勇奮起殺賊賊退再至再創之七月元彪改計攻綏陽亦不能下遂擾鄭家場大收其穀誘脅羣寨左至雙洞門右至堆蕃堡或破或降或觀望新舟場向與禹門犄角亦反爲元彪獨禹門傑然與抗其附禹門



者西路綠塘河一寨而已元彪使人說黃號專力禹門黃號亦利禹門有積蓄率衆來攻破斃其賊目賊退遷怒他寨遂屠白泡塘三年春元彪與聶定邦有隙定邦攻破元彪雙洞門元彪亦襲踞定邦紅心寨定邦救復之攻元彪黨李春山元彪詐爲黃號旗幟往助戰突襲定邦定邦敗走元彪誘白號賊平定營叛將劉名貴共擊雙洞門定邦不能救雙洞門復爲元彪有八月元彪再圍綏陽知縣邵公維新與邑人廖熙麟誓以死守其冬縣降人宋玉山糾合黃號於寶峯山寇掠東西南三鄉破數十百寨殺戮甚慘禹門益增守備築甬路屬之河以防汲道綏陽被圍久邵公四出乞援從兄兆祺以團勇赴救賊益廣白號劉名貴石先鋒等分擾四境屯繳水黃魚橋以阨外援阻不能達城中糧盡斗米值銀八兩餓死者相屬四年二月二十三日城陷邵公死之方是時禹門一寨北拒吳元彪東拒白號東南拒黃號環三面皆賊居民晝則疾耕採樵夜則分陴守禦危苦

萬端兆祺等數以大義稱說激勵寨中人皆曰誓不與此賊俱生其守益固二月十九日黃號賊大股來攻寨中出三百人與戰奪其營帳數百賊退屯龍坑距禹門十里賊因其糧日日索戰寨勇輒出應之殺傷過當夏四月賊從車水降寨楊大二等計火龍坑營引其黨近萬人直屯於隔江之大山坪與禹門相望示無還志數日又渡江營於寨旁之驛子堰後岡樵採道絕庶蕃等飛書至郡乞援郡人王藻章以壯勇三百來赴事益急使練總鄢正家募敢死士得百人乘夜登後岡逼賊壘而軍各持門扇籠之屬累土填石相距咫尺賊覺來爭刀矛接於肘腋間皆殊死鬪不退比明營成而賊氣大沮寨中多草舍賊自岡頭以火箭射入皆及濠而顛否則過越寨西未嘗一著草木又發大礮轟賊不知其先已入藥再食之礮炸而飛未傷一人論者謂有神助庶蕃等計議以爲賊今致死於我我不一大舉與決雌雄寨終不可保也五月八日悉發精銳分兩道出攻賊奇



兵別從尚水渡戒之曰草山以望我軍兵既交則疾出賊後斫其營縱火燔之雖死勿退賊戰正酣忽望見火光大驚反奔寨勇蹙之遂平江南各壘驛子堰賊亦潰退屯車水迎水棧寨首苟雲九素與楊大二有讎聞禹門寺破賊聲威大震來約濟軍潛往襲車水迎月既望又拔之楊大二黃號悉遁回高臺凡八十八日而圍解寨勇傷亡者幾三百人綏陽之初陷也聞楚軍統領雲南布政使劉公嶽昭駐軍綦江幾半年號爲援黔以不知虛實不敢進禹門寨首合謀遣綏陽附生楊遇澤遵義人劉應奇等齎蠟書往通消息進兵行至七寶寨五人者猝遇賊死余兄聞而復遣健往詭裝爲丐乃得達七月楚軍至綏陽合圍數月不下劉公問計於禹門寨北祺庶蕃等獻言曰綏陽城小而固吳元彪亦悍賊也堅忍善守然其城在平地近黃魚橋河源兩界有山下流頗狹若從黃土坎一帶築壩束水灌之可不戰而克也劉公從之綏陽圍攻正急宋玉山復誘黃號自南鄉

入襲破郡城北門爲城圍擊退劉公分軍往援五年壩成其夏水大至淹城不沒者二尺許元彪懼率劉名貴等降綏陽克復八月楚軍入遵義南鄉賊宋玉山等亦降遵義肅清禹門寺解嚴鄉人始下寨東南猶時時小警然賊到而希矣余以咸豐庚申去家至同治六年歸自河南曾文正公軍幕覽戰爭之遺蹟睹城堞之猶存慨然想見鄉人百戰艱難守死勿去之義郡城之不止禹門一寨之力也而其事終始不獲上聞寨始有二千餘戶丁壯數千人及是而罹於兵罹於饑餓罹於疾病枕藉如山死亡不可勝數而賢人君子若余世父雪樓府君從兄伯庸兆勳胞兄魯新庶燾及大儒鄭君子尹珍先後皆隕沒於寨數百里內外殘破創痍豺虎縱橫蓬蒿滿目國中終日行不見所識天運人事足以悽愴傷懷矣於是追述始末粗備掌故元彪後改名奇忠從劉公入雲南肅清大定以西每戰先登累功至督標中軍副將里人黎庶昌記光緒八年六月



鄭珍巢經巢遺詩題自作禹門山峇圖云禹門山順治初昭覺

道場地之西麓殆難為匹樂安江即唐元和志之帶水又名奪

牢水經山回為深潭類巖臨之影以古柏蒼蒼然環東而

南去諸佛未當人之絕徑後山坡陀不甚高得江水皆峻峭不

易近自己未來鄉人苦於涓賊遂相率因山砌壘聚居其中者

幾三山中人其屋三間當大回之頂余攜家自郡城還東將由

作此山一印丈師殘雪隨筆塗染庶它時談山故者愛而見我

鴻指爪一印丈師殘雪隨筆塗染庶它時談山故者愛而見我

云同治二年吁嗟生不辰將老逢百罹漫謂書上辭乃今親此

事三年厭避亂其禍日加厲何時置老夫西指草堂寺春風吹

孤雲忽墮蒼巖際 平生楊妹子自小親愛殊古來中表間兄

妹如此無各以畢婚嫁白頭弄孫雛相看豈無命時運堪嗟吁

回思十載前豈料爾此廬匪為爾此廬吾豈就爾居人事難逆

計苦業須消除枯魚且相沫後此知何如 此日是何日此山

是何山新林靜潭影好鳥鳴關關三杯出斯圖撫之慘我顏編

茅二千家強半皆飢癯惜余非耆域曷以扶汝孱慈悲海上人

遺影留此間當年菩薩果不忍聽草管叱起三生石漫言無往

還

又三月初四攜家自郡歸及禹門山住湘佩表妹寓舍擬居數日卽避亂入蜀旋綏陽道梗不能行因遷米樓於禹門四月朔入居之讀元遺山學東坡移居詩感次其韻云舉室赴蜀都過家別荒萊踟躕舊山堂赭基長莓苔茫茫風塵內何處安吾齋里寇誠可畏先塋尤可懷顏生務傳業不欲顧朽骸見家訓我意殊不然漁者終戀隈四方誰樂土矧乃氣寡諧本擬哭墓行卻仍守墓來播遷吾憊矣天眼何時開 蒼蒼禹門山已家二千餘買屋我無錢編茅我嫌居午山池上樓讀書之所於劫火爇不到寬潔無此如移旣省工費成亦幾朝晡我西卽妹東中間地頗舒因之置廚竈建除甯復拘寢處良已適一笑儋石無菽麥秀未實稻田待犁鋤我懷王孝孫殺牛而煮車未必遂如此忍飢且排書 我亦書滿牀我亦物滿箱惜我非遺山照世有文章畫祖愛巢居歷劫同金剛海岳木蘭詞一字一玉英堂堂



小韓子萬古神鸞翔更有衣雲倪復得漳浦黃浩氣濯元精煙  
墨何淋浪阿房賸秦瓦曾見無且囊商鼎銘父已恍聞和羹香  
高樓風雨來牙籤動鏗鏘左右盡古人坐我於中央若非值亂  
况容易此年光 念自西徂東我年方舞勺菜畦爭母鋤花援  
助爺縛圭灣廿載餘樂於金滿橐一從兩親失恍若無依託營  
成子午山兒長頭漸鶴誓言守松楸庶免填溝壑豈知世倏變  
亂况削日薄共求含性命未暇怨藜藿因懷太平日方知貧賤  
樂傷懷虎般彪遠逝意已懣安見非鬼神暗憐爲所卻大海搖  
黑風藏舟且潛泊不少古之賢幾曾死天虐 黃九與唐四冬  
來書屢餉促我赴浣溪勿到桃花浪羣賢正相待星聚井絡上  
昨日又書來已作半途望豈知徒兩思女怨夫亦曠殷勤良友  
心感激不能忘獨怪岷峨緣如海求方丈幾度風引卻春江空  
盎盎終尋祖師迹此誓故不忘渝南俟氛靜或當勇秋鞅明月  
平羌水勝具老猶強擬攜媚學子先訪可龍葬此屋聊小住苟

且非垂創 黔賊如亂流愈治愈無歸豈無開塞法劣吏安得  
知書生敢妄言出口卽怒譏我里苦湄賊湄賊實由饑舍田食  
人田可惡亦可悲斯塞聚殘破黎第爲之尸能使毒攻毒詎非  
忠信資紛紛功利徒誤國以營私肯信東長生竟致甘雨詩祭  
彤不去墓所望賴有茲世道豈長亂良臣誠可思王官旣難恃  
庶人可爲之百端縈我腸終日撚我髭少微方照人此世豈易  
辭 三日上松厓五日過團湖朝往日落還夫婦相爲奴回首  
廿年事處處增感歎青山不易居白髮不可鋤休誇樗里智漫  
恨北山愚惟有頭上翁處置吾不如 東坡處承平得禍福亦  
隨江山與朋友天固縱所爲遺山歷喪亂晚歲思有貽築成野  
史亭著述自娛嬉我今視兩公餘緒未能窺纍纍移居篇一讀  
一再疑天生獨角麟珍護在不移如何投九死不獨凍與飢信  
有萬里姿必加千丈羈而我何爲者尺鷃不過籬亦復逢百凶  
將老無所歸巖棲傍佛日汎舟寧久維安得回道入示我石榴



皮寒餓料不免苟全良所期多見幾回墓此外不必知

成山老人自撰年譜云戊辰年四十歲初駱公嘗謂黔亂皆起於州縣使百姓不能不作賊又謂蜀財力無多自顧不暇何能飽彼谿壑故不協餉不發兵但於蜀邊敘永綦合以至涪彭西秀沿江二千餘里設防萬不得已亦止駐兵遵義而已至是崇實公權總督以度支日絀問余何術理財余謂沿邊設防歲糜餉不下百萬州縣團防經費不與焉於黔無絲毫益而蜀已大耗長此不已蜀將坐困脫有佗警何以備之是今日理財莫若節用節用莫若裁勇裁勇莫若援黔爲議上之崇實公乃定計大舉援黔奏檄總師以進公問用兵幾何余曰萬二千人足矣佗日須用降衆今且募千二百人便制馭佗營因請果毅營劉鎮鶴齡偕湖南溆浦人所部三千皆黔人崇實公復檄唐大有振武軍千五百人聽調遣正月至渝募黔人之避地敘瀘者千人爲安定中營副中營又二百人爲親兵二月中果毅營自通

江拔來初台拱廳以徵糧激變黑苗其酋稱九千歲剽捍善戰古州八寨上下江丹江黎平苗應之陷鎮遠施秉黃平剽掠及於湖南沅州都勻麻哈獨山教匪繼起潘名傑爲其酋既而思州徵糧激民變思南石阡湄婺教匪應之帕首皆白稱白號其酋張保山田應武四川提督蔣玉龍兵潰偏刀水白號益熾遂以偏刀水城頭蓋爲老巢鎮遠施秉黃平平越甕安都勻麻哈獨山漢民無所歸者乃屯聚尙大坪玉華山大小兩轎頂山檜木園水源溝爲老巢跨據烏江南北兩岸稱黃號何得勝王超凡爲其酋僞公侯將軍元帥不可數計而何王兩酋最悍始與苗教相攻繼與之合陷開州修文清鎮黔西湄潭甕安平越蹂躪徧貴陽大定遵義三府剽掠至於蜀邊敘永綦江城下潘名傑者都勻鴨窠苗與黑苗爭麻哈連年相攻既擊斃九千歲遂雄據都勻貴定麻哈以貴定爲老巢上游則回匪據興義府城餘皆狎夷保險自活劉宜順者四川涪州人倡爲燈花教徒黨



徧川黔秦隴兩湖爲紳團捕獲知涪州某牧得其賄縱之遂逃於黔諸賊奉爲老教主稱以劉祖祖當是時何得勝張保山皆前死楚軍破城頭蓋進攻偏刀水黔亂十四年饑饉疾疫相繼白骨蔽野賊亦厭苦甚思反正特偪於苗又慮反正後官吏紳團追仇前事而降者官軍輒掠其婦女牛馬以是輒復負嵎偷生議者謂大軍宜從涪南進攻巖阿廟壩先固蜀邊余以爲我軍直指湄潭會楚師賊將斂而歸巢偏刀水下巖阿廟壩料理極易譬如伐樹當先其本根乃遣人持旗榜招諭巖阿廟壩賊緩其謀而令劉鶴齡率所部出桐梓急趨湄潭會楚師圍偏刀水沿道賊寨隨宜撫下禁止禁掠是時覺林寺降楚軍肆意虜掠婦女徵派米糧降衆悔恨約斷其歸路與偏刀水賊合覆之旣見劉鶴齡至軍嚴整謀乃寢余以三月十二日繼至遂合圍城堅濠深四面水田攻之不下王超凡糾苗賊數千來援乃分軍逆擊連下六郎壘趙家營猪場馬壘山羊又坳觀音營黃連

壩等巢收撫茅坪一帶五六十寨四月十五日乘勝攻拔檜木園水源溝王超凡遁玉華山附近碉寨皆反正總計男女老弱數萬人量爲安撫分遣同知鄧錡字伯平潯人率果毅副中營後營往勦廟壩等賊於是偏刀水外援斷絕乃密遣降人龐向忠往構間賊黨內亂閏四月初五日向成高開門納官軍男女七八千人降斬首逆田應武鄧錡亦攻克新田頭馬道廟壩兩壇堡四堅巢招撫二十餘寨巖阿大堡降於楚軍於是烏江北岸肅清無賊師行甫兩月云崇實公以聞蒙恩賞兵備道銜余集降酋詢以玉華形勢攻取方略僉云玉華山居平越甕安開州餘慶四州縣間巢穴險峻林箐深邃背負尙大坪前阻老鴉山左有石阡大轎頂山右有開州小轎頂山爲之犄角周環數百里寨堡如林往年貴州總兵沈宏富擁兵萬餘攻戰連年卒致糧道斷絕全軍潰敗良由官軍全聚一路而蹊徑叢雜首尾狼狽今宜分兵三路以一軍攻其前兩軍分勦兩轎頂山斷左右臂



然後繞出其後奪據酸棗坪長安營從高擊下事蔑不濟玉華  
既拔尙大坪雖險勢成孤立可傳檄下也乃留軍扼龍坑江界  
河袁家渡而與劉鶴齡赴遵義籌畫採辦轉運又遣軍渡烏江  
自老軍關至貴陽翦除荆棘隨宜搜勦以通商旅盡五月一切  
粗備而江外漢苗譚光前等五十餘寨來投皆給以旗榜令俟  
官軍渡江倒戈以應乃令諸軍分三道定六月初八日同時渡  
江並進導以降人於是鄧錡自袁家渡渡江譚光前等嚮應連  
下天文木老坪興隆堡平溪等十四寨復甕安縣城至二十日  
拔大轎頂山餘慶掃境肅清唐大有自龍坑渡江連下大營山  
雷坪宜池金塘高園乘勝撲桃子台我軍小却其時蹇閻所部  
安吉營尙未渡河振武單薄乃分遣知府張玉文帶兩營自麻  
池壩會之連下巖坑勝王等六寨拔小轎頂山至二十日青岡  
龍頭望等十餘寨皆來降遂由龍頭望進規尙大坪開州掃境  
肅清劉鶴齡自江界河渡江連下吳謝坪官塘深溪等八寨十

八日夜襲奪長安營余十八日渡江二十日馳抵長安營斷其  
汲道分遣降人呼其兄弟親戚紛紛踰巢來歸僞文定王陳紹  
虞率黨禽獻王超凡獲安掃境肅清安撫既定乃留鄧錡駐獲  
安縣城備黃平諸苗自與劉鶴齡于德楷等會張玉文趣尙大  
坪先遣降人劉俊民王虎臣持諭曉譬何得勝婦何黎氏二十  
八日開門迎降劉宜順乘間由烏郎逸劉俊民追至楊保河生  
禽以獻檻送成都伏法崇實公以聞前獲安克復蒙恩賞按察  
使銜以道員請旨簡放至是又蒙恩賞二品頂戴法克精阿巴  
圖魯勇號是役也我軍不滿六千渡河甫二十日而十餘年倡  
亂老賊如劉宜順十餘輩或禽或斬無一漏網著名老巢如尙  
大坪玉華驕頂一皆掃蕩老弱男婦十數萬人安堵如故以開  
示誠信撫用降人如親子弟爭機赴會兩驟風馳諸將領咸受  
約束秋毫無犯亦由崇實公委任專一所請必行也及九月總  
督吳公棠視事機緘深閤翕張變眩黔諸大吏復深忌余凡可



以齟齬者無不至遂齟齬顛倒而不得竟吾志矣

藍廷玉鄧家隊平黔戰事記記鄧第武事略云先是四川白蓮教匪劉義順漏網竄入貴州陰結龍泉縣姦民何公言稟官以立團爲名偏刀水以上曰覺林團大堡以下曰濟安團江家寨曰致和老團連袤數百里聚黨累萬突於咸豐七年丁巳十二月初七日謀反直陷思南府城知府福奎被戕經歷鍾策勳全家十餘口殉難把總趙以成舉人金世瑞赴水死城中男婦死者不勝紀其餘文武各官皆負印以逃同時印江縣亦陷蓋承平日久官民皆不知兵匪勢旣張肆行屠戮鄉團皆望風納款公時年二十有三卽挾義憤密謀搜勦之舉以勢太孤尙未敢輕動也咸豐八年戊午孟春劉儀順遂自稱老祖祖封公言爲大老闆其子劉么老爲大元帥公言之子繼述爲黔陽王以下遞授僞爵有鄉正元帥將軍千里等目民苗起應者以巾色青黃白別爲號於是黔省上下游匪蹤幾徧時石阡府城亦陷賊

勢亦猖風聲鶴唳草木皆兵鄉民晝夜惶惑莫知所措公家在石阡府屬江外之大坪地舊有團曰人和畏匪勢多欲納款免禍公兄弟三人獨抗言曰從賊而生辱甚於死大丈夫甯死不爲也且我輩世爲良民忍爲匪耶不如齊心抵死相抗我有薄產願暫供軍食儻得官軍相助一戰而勝固善萬一不濟死亦香耳衆壯其言於是選勇敢者得四十八人卽夜削竿爲矛歛刀鑣爲短兵令老弱者擊鑼以助聲威劉么老聞之卽派僞安龍元帥率衆三千突馳而來公出迎擊大破之斬僞安龍元帥追襲十餘里匪尸枕藉由是聞風反正者踵至不數日所集不下萬人當逆匪初起屠城略地勢若燎原未敢當其鋒而公獨一戰而勝劉儀順大驚率黨圍攻青岡坡團衆復解公見人心未固且無險可守乃於二月初八日率所部四十八人歸饒以爵以爵者思南舉人奉府檄辦團練得鄧軍喜甚以公伯兄弟宏充隊長三月十二日以爵督團進勦河西賊巢鄧軍爲先鋒



出思雄關連破賊巢十餘處日暮賊虜至我軍且戰且卻第宏身被十餘創猶持矛以護歸軍賊叢刺之忽踣墮急溜死衆軍歸公不見兄詢及軍士初多諱之繼得實乃躡踊繞隄求尸不得幾不欲生賊復分道襲我後公弟第舉堂兄弟甲與賊戰於許家壩同日陣亡公聞之益悲忿噴血死而復甦入白饒曰兄弟皆死於賊何敢獨生願分軍殄逆報仇且賊已分股襲我後可乘虛搗之亦釜底抽薪法也饒哀其志善其策許之俾補隊

長自是戮力桑梓有功於黔

下略第武字止侯石  
阡人累官常德副將

楊彝珍鄧家隊平黔戰事記題詞云粵寇干紀師久無功峒苗竊發首陷思邛思邛即江公獨仗戈不甘納款抵死與抗輒先右袒登壇誓衆歃血爲盟腰鎌柴斧悉成利兵躬帥虎威號鄧家隊賊聞落膽不戰而潰俾失所據焚彼老巢省會始通軍心不搖偷越重圍礮石如雨我軍適饑塗拾破釜摘彼樹芽圖充一飽救死何爲藉彰天討賊黨四竄暗伏山凹地寡草樹惟見蓬

蒿潛匿聲影值公巡軍伺其不備百千爲羣公與格鬪所傷在  
髀匍匐裹創十步九踣方苦入坎亟賴援救命與神謀兩獲冥  
祐記事中有黑備歷奇窮靡戰不勝天亦厭亂併使歸命底定  
全黔功將誰歸公獨不居退讓奚爲我作是贊不愧於色匪貢  
諛詞用勵凡百

蕭光遠紀亂詩云亂已亂又生搶攘八年中不自我先後感時

憂心忡安得撥亂才一劍掃氛霧昔兆甲寅亂利刃生孽桐桐樹

結關天險失婁關竄北遂延東西南保半壁怪哉漆園翁王安

首惡踞雷台造梯乘我墉劫灰飛白田滿郭爲之紅援兵四路

集陶保先犯鋒知縣陶公履誠制軍沒王事卓有古臣風

羅公蘇溪自滇一韓斬關來餉道始大通賊據紅花岡韓退之

顧侯何精勤盤錯久不慵四城日防守庶司欲疲癯太守楊公

門砲臺統領彭公長春宿北門樓守龍坪殲僞帥磨盆山賊寒

圍始鬆渠魁一夜遯黨散如飛蓬吁嗟是役也光焰而隆隆所



以易垂象積豕與牯犢當時政寬大餘孽成莽叢草檄墨磨盾

徵兵符燦銅數蹇文星暗兵殘武庫窮池邑李廉蹇一士諤武舉

境竇守揀幹員出羣自錦江川岷東江津公介侯先著除大圍餘力

破羣蒙擊強如救薤投械欲化楓山洞賊就擒纍纍解鐵籠七百

十何知虜乘閒渡河據要衝我侯一敗回再出遂聞凶前年旺

草市將軍膽氣雄慷慨禦賊死文武成雙忠祥副將安於綬尚

幸劉參軍脫身歸泮宮江府學訓導劉心齋從矩同當侯急南征

我薦陳元龍勁旅五百人奪之比巴竇把總陳榮階陞帶毛氏

公凶信乃隨李協戎深溪大斬獲一戰奏奇功元夜奪險關內

地始息烽元陳榮階結團首盧新科內應戊午自茲黃白號頻歲

交矛鏖甕涓既屬遵軍儲絡繹供若聚米為山高齊玉華峯玉

華開壽筵遵人禮盛恭望如慈父母直比諸梁公招降事不諧

威損而賊訂荒村號虎豹破甲生蟻蟲三士繼物故陳榮階與

陳泰階紹平趙即補訓導少遽延副將亦長終李協戎邑如久

病夫元氣漸不充軍需更操切箕歛及釵縱教粟二百年浮費

一朝空今年當夏五長髮又西攻西鄰俗强悍殺氣逼長虹西團

於大橋準待大軍集合圍殄羣兇何知再閱月虎威無勳庸賊

梳練更鬚人民憤填胸祇幸秋穀登聊可慰寒冬軍士疲久役

索餉勢洶洶遂致十月廿東關羣盜撞鄆子好身手豪氣匹終

童請纓志未遂愴與王生同樂安鄆氏陣亡數人伯通正達茂

陣亡江健兒盡喪氣遍野蜚哀鴻舊新尹之交軍事失統宗安

之與勝之誰為渤海龔蜀郡宜李守漢吏重于公太守李伯英

新宦司豈不仁千孔待彌縫閭閻豈不義百室無飧饗用威

憐剜肉用愛嫌養癰艱哉無米炊巧婦亦難工回憶軍興來急

符千百封人事常多乖何怨天不備撥亂及是時康濟在和衷

一請嚴師律再請寬脅從詰朝強寇滅銷甲事春農

蕭光遠紀亂詩云辛壬迄癸甲亂轍不勝數黃白既殊號每號

分數股就中雜逆苗絕技善鎗弩竄亂兩游間出沒無定所先



入我東南民氣尙足鼓武弁張微勝爭功欲擊柱水晶耀街衢  
白石如糞土名器先爾濫餘勇更誰賈敗軍或逃蜀主將遞反  
楚餘殃入號匪相倚作心膂去練而用團團疲難禦侮約圍以  
歸砦砦丁力則努鑿井無耿恭增灶失虞詔羽書血淋淋爲告  
莫我顧常爲淵毆魚現則柙出虎虎性誰能馴白號增一牯距  
城未三里軍事日旁午西北籌合剿無識又力阻往歲鼎山賊  
遵桐孰能禦左雄入大溪吾始安堵何如鹿山砦運厄本重  
五旋踞海龍壘欲尋楊氏譜和氣聯舊團同仇齊奮武晝攻而  
夜襲糧斷賊氣沮來援勢莫支羣醜一朝去桐失幸已收仁陷  
尙未舉民食耗於軍更爲賊所擄那有米足炊竝無菜堪煮食  
殘梧桐皮剝盡枇杷樹糠粃及粉團取聊塞餓肚飢已羊殘  
而更遭碩鼠招安竇漁利良民入罪罟先降而後叛已叛更難  
撫不效鷹鷂逐翻同燕雀處哀哉此猷爲何以勝艱鉅初莫供  
軍儲猶怪守錢虜計日出餘石半年竟何補卮漏何難實家毀

難莫紓我遵禮義邦文教匹鄒魯欲以亂兩城紛紛偃旗鼓牛  
馬祀桃源操心一何苦設營而建軍聊以固吾圉今年好歲功  
百穀承膏雨早秋稼如雲準擬盈倉庾何知疫大作寨門多絕  
戶比屋尙呻吟孰與收禾黍吁嗟此浩劫板板帝無語却聞趙  
總兵將略追往古修開徧投誠遮道奉 筮更聞李協戎威望  
若神父寶劍發龍泉七星屢罷舞綏桐得材官足資嚴隊伍亂  
極治將生王事歌靡盬經年省會隔天日不得睹自罪元道州  
亦非杜工部發憤作此篇吾氣聊一吐

王柏心百柱堂集夏秋丞太守去歲中秋殉節黔西今春乃知  
其耗賦詩追輓云故人凋謝盡君又殉危疆暮齒淪羈宦空卷  
奮國殤蓋勳隨陣沒傳燮與城亡回首千峯斷黔雲鬱莽蒼

書生起乘障軀幹不勝衣白刃真能蹈青燐祇獨飛熊轡空復  
壯馬革尙難歸襄卹隆朝典成仁不用悲 舊業青溪榜

青溪草堂

者君所居別業也猶存劫火中招魂惟化鶴濺血已成虹矩矱仍承昔



門庭各効忠

鄂君從子亦殉

今年花發處腸斷海棠紅

君園亭中

垂老興縱橫狂歌裂石聲登陴孤劍躍磨盾百篇成已奪詞

場幟兼垂節士名遺編豹皮在凜凜氣如生憶子牽絲出柴

門枉見臨

君赴黔時會

尋盟指蘿薜招隱眷山林但益九原慟

長孤五嶽心追維疇昔語淚溢大江深

遵義續志江炳琳字介侯四川江津縣人道光丙午舉人大批

一等以知縣分廣西在籍候咨時桐梓楊鳳亂川邊騷動其父

思濬奉旨團練力辭令炳琳襄事咸豐四年解蜀軍糧隨軍克

黔温水遂從征兼理温水桐梓安撫事再克米糧溝雙龍場樟

羊壩等處五年黔撫蔣爵遠奏留黔用帶兵安撫黔西三吉慶

等處旋署仁懷令擢同知直隸州曾么四嘯聚放牛坪馬桑坪

上楊壩竹桃溝紅巖等處率勇數日除之惟紅巖未克十月以

所部隨郡守楊書魁護協祥福直搗紅巖立拔之俘徐子容侯

老千碎等餘賊匿山峒皆次第殲除六年九月匪首鄒辰保等

踞綏陽趙三甲擾及仁遵外聯螺蟹賊於平頂山四十餘營十月會祥福分別剿撫立平之進據中岡又拔呂家墳分水嶺鹿巷杉木箐後台各處賊巢俘戮鄒辰保等綏境肅清除桐梓令七年六月兼署遵義令初遵邑西鄙王安國者家素封爲人直實鄉人信服楊鳳之亂奉檄聯團聲勢浩大賊不敢犯附者日衆有司疑之遽以謀逆上告大府炳琳兼令勦安國也乃乘不備馳至安國家安國方椎牛潔樽衣冠候門突執而殺之滅其家旋丁父憂奪情值獲匪圍城告急奉檄馳救立解獲圍八月攻大小冷水中石落馬九月孤軍力攻右臂復中石傷度糧餉不濟乃減兵選精銳千五百人扼賊來路而綏陽宿賊楊應象等糾螺蟹餘匪踞趙里作亂思南逸匪復攻石阡擾龍湄回遵防堵並援龍湄八月正月兼署綏陽令白大滿等踞穿煮洞等處余麻鄉約等踞螺蟹紅溪河一帶出營旺草二月初三日會祥福進剿祥福陣亡賊遁羊巖飛梯洞攻克之餘匪竄入麻亡



洞等處會桐軍攻之破仙人洞囤子巖穿煮洞馬伏坪陽跳洞各巢麻亡洞天險不可思議力攻弗克乃集石工千人自洞後山窪鑿地道直達洞後燃地雷轟之克麻亡洞及諸洞綏陽再肅清擢知府用移軍攻桐梓螺蟹之石筍刺猪洞猴子洞喇叭洞紅溪河鼻孔山等處俘周蹇六督辦桐綏軍務卸綏陽令十一月克喇叭巖門等四十八洞斬葉五俘趙飛天鹿等馳勦馬嘴右腰中炮裹傷督戰賊敗回遵調養九年四月援龍泉兼署桐梓令進攻鼻孔山久不下以降卒反間衆賊縛瞿咩六父子降又遣降賊入中山寨乘間縱火俘梁倡汶等兩巢旣克隨派兩軍連營張家灣龍子岡自營鎔鐵營晝夜環攻令擒賊王正啓入爲內應誘賊白大滿梁大童穆玉朋等出降穆大受在巢縱火大軍掩入立克鼻孔山毀同心三洞及各巢穴獲匪首余麻鄉約張大鉢鉢等百數十人桐梓肅清適偏刀水蔣提督玉龍失利奉檄會剿派兵協團禦賊三渡關各隘賊乘東警突竄

南鄉十一月初七日馳南鄉調團擊之殊賊已奪踞羊巖團溪等處飛馳回城召集舊部十四日薄暮抵龍坪賊聚兩路口督勇擊賊敗走天已昏黑草草安營三更賊四面圍困炳琳身先士卒突出重圍不料賊攔邀截後賊亦追及驀地渾戰遂陣沒刃其元去後得尸遍體鱗傷賊從此無忌遵邑乃糜爛大吏上聞追贈道銜襲騎都尉世職於遵義及原籍建祠炳琳自入黔戰必勝攻必克五載枕戈戰功之偉實莫與京遵人至今悲之陣亡時甫四十餘歲惜哉

#### 第四十二章 黃號之役

咸豐八年戊午一八五八春二月初銅仁府知府周夔奉令辦理思南白號移軍黃壩會得援省檄赴省以軍事交署思南府知府周獻廷接辦獻廷至則令舉人饒以爵等分扼各隘不亟圖於是楊和風起於魚溪溪毗城頭蓋婺川縣協和團賀濟泮起於濯水濯水地屬黃平相去七百四十里華離之最遠者也而安化濟安團胡黑二名勝久



傳燈花教亦起於乾溪梅林寺以黃巾爲號仍奉劉儀順爲教主是爲黃號二十四日逕至大堡廩生田作頌議守馬蹏溪敵卒至作頌遇害獻廷檄印江縣知縣鄧玲筠進剿玲筠自潮砥渡江次牛渡灘調人和團首楊德友等截乾溪廩生李春華攻其中玲筠直攻大堡胡黑二復回梅林寺是時四川總督王慶雲奏以川北鎮總兵阜升防綦南綏甯協副將鄒鸞章防西秀徐圖移剿 三月署印江知縣鄧玲筠擊胡黑二於大堡戰沒黑二遂西南略煎茶溪蔓延二百餘里團衆多變應之楊和風圖老鷹巖覺林寺團敗之石餘湄龍各團分路進老鷹巖濟安衆同時圖安化紅絲塘署婺川知縣阮文藻遣生員劉靖宇援之靖宇同兄玉祥及子姪五人先後陣沒敵焚石角沱殺團首句進武闔家進武走免周獻廷無所措置遂率所部去之沿河司留游擊富珠隆阿等守府城時衙署民居盡毀流亡未歸司爲商賈輻輳地且距敵遠於是獻廷軍出潮砥印江團衆爲玲筠復仇留之獻廷遣團過河進擊以乏食旋返時白號益自日頭巖折回

舉人饒以爵等不支退守紅絲巖濟安衆亦至板平塘東瓜溪黃白號遂時相結合巡撫蔣爵遠嚴檄斥獻廷回守不至 夏四月十三日濟安黃號由紅絲塘陷婺川縣城署知縣阮文藻典史談魚等亡去黃號大掠數日去濟安衆自牛渡灘北至思渠濯水據地三百餘里較白號爲廣衆多而虐以死爲得道飛昇各團畏其亡命不能禦蔣爵遠復嚴斥周獻廷以取巧避匿株守無事之處虛糜餉需檄令速反府城卒不至是時四川川北鎮總兵補授貴州提督蔣玉龍始自鎮遠率兵赴思南 五月三十日楊和風破峯巖場人和覺林各團營團首黃昇平等二百餘人覆沒餘衆退大堰塘和風遂據老鷹巖 六月楊和風進逼大堰塘團首陳熾等禦却之復自峯巖略偏刀水萬佛山團練死甚衆 蔣玉龍先遣馬邊千總鍾朝清防漆樹平自老鷹巖諸團潰卽被困復遣都司馬旭林援之玉龍所率兵凡七百七十餘名先以二百名赴思南朝清所率三百五十名玉龍僅以二百名駐塘頭因募苗練六百并議調鎮遠川兵盡赴思南 秋



七月濟安衆略逼沿河司周獻廷遣楊德友却之因進剿城頭蓋不克都司吳萬文亦自沿河司渡河西擊三角塘不利退金鷄洞生員文質彬陣沒 八月十三日蔣玉龍進軍偏刀水留都司姚安邦防塘頭遣馬旭林破走仰天窩紅巖敵進擊宋家坡敗退縣丞謝良把總馬化昌外委劉文魁陣亡玉龍調防獨荔川兵都司薛占超等來隨剿 九月自城頭蓋至峯巖場宋家坡二層巖數十百里間小道互通黃白號得相走援萬佛山最高窺清軍最瞭因據之四出爲龍泉患士午堙大都壩河壩塘皆其出沒之區清軍處處戒嚴 楊德友破走平頂蓋藏經平敵廩生崔璜亦取大塘平馮家山周獻廷因約川軍過河會攻胡家平 二十九日四川總督王慶雲復以綿州知州毛震壽會鄒鸞章防西秀 冬十月蔣玉龍破走萬佛山大尖頂敵敵退屯平自婺川陷阮文藻挈眷并千總劉榮昌避興義寨依南客寨團首廩生覃元貞元貞屢敗敵水口寺賀濟泮方陷思南白果沱三角山二十三日旋招胡黑二同取興義寨陷之迨元貞走因

執文藻榮昌等幽之梅林寺文藻遣其姪博經間道攜印走正安付知州于鍾岳同時其黨申水煙三名文超等亦敗正安練團於上都壩十一月申水煙三招致黃白號圖正安上都壩防練潰回葛林窩遂趨丁木坳卒至青家灣于鍾岳方攻桐梓石筍楊龍喜餘黨未下聞警以軍付桐梓縣知縣江炳琳亟馳回州檄團嚴守而自率軍逐敵出旦平上壩連戰皆勝練目姚汝勤禽僧勝海等敵遂退回婺川敵先分黨出神溪側溪團首胡先科亦敗之禽申三山申先靖是時敵起倉卒婺正沿途二百里多從之于鍾岳乘機迅發直達婺川人心悉定二十四日楊德友潛結乾溪民馮金龍敖朝宗等內應襲破乾溪胡黑二時在黃連平戮其孥救出阮文藻劉榮昌等十二月蔣玉龍等破走煙草埡宋家坡敵進擊銅鼓山屯平

咸豐九年

己未 八五九

春正月初三日周獻廷會鄒鸞章合川黔軍進

攻胡家平胡黑二尙在婺川遽潰走遂毀青龍堡諸敵營追至大石坳禽斬楊忠文等敵益東南趨印江思南於是

繆煒自印江出



防倒流水思南府經歷汪應濤自思南進班鳩洞牛渡灘文生陳治清團首李春華進合朋皆敗回敵陷小峯磊治清等走香樹林 蔣玉龍以川軍薛占超襲屯平不利退還 賀濟泮自婺川西陷龍泉大綠池團營蔣玉龍時以馬旭林破風神閣敵營 二月胡黑二走據婺川長安壩周獻廷進軍擊之印江敵連破班鳩洞團練汪應濤走援敗還敵陷長溝團首安宅仁聞城頭蓋敵走約外委方榮春等邀擊轉爲所敗陷三百人於黨家溝洞中悉薰斃脫還四十人 三月河東敵陷袁家灣繆煒營煒退螺螄溪 袁家灣敵分據河東趙家山何家灣與捲子平大寺頂敵相結汪應濤繆煒分擊不克參將李騰蛟以團衆擊敵白家山稍利 河西敵走陷細沙溪代理婺川知縣黃君澤馳援 胡黑二分據長安堡大堡木葉水依白號獻廷將圖木葉水會河東倒流水袁家灣相繼陷北距沿河僅數十里乃檄楊德友東擊敵犯譙家鋪旋退 六月周獻廷以楊德友等破河西安家渡吳萬文破河東馬閑溪印江團首譚恩等亦破趙家山簡

家坳各敵敵由關口槽合據暮溪崖汪應濤馳擊被圍署守備邢玉春援之還 賀濟泮復北掠至石牛壩 秋七月安化印江間小窩山饒於穀時爲敵據繆煒遣團首安定邦會汪應濤等襲取之敵悉走鵝項井李騰蛟攻之不克 秋九月寺頂敵擊破巖門薛占超營沿途團練望風逃玉龍退三尖峯偏刀水皆敵 周獻廷攻木葉水長安壩久不下復遣楊德友圍大堡毀鷹嘴各敵營敵走陷文生王作霖團黃君澤遣廣勇千人援敗敵黃家壩德友再破覃家壩遣軍功晏效忠會繆煒襲破新寨山山高險與大寺頂雷公堡敵相應冬十月蔣爵遠以周獻廷剿辦久無功檄徐河清之思南府任接辦是月奉上諭據四川總督曾望顏奏黔省婺川縣松桃廳等處教匪復熾逼近川疆現在到防兵勇一萬有餘足敷調遣正可乘此兵力厚集之時出境相機進剿與黔省官兵合力夾擊候婺川等處一律肅清卽移師赴西秀會剿貓貓山教匪著與蔣玉龍先期議定會合隣境紳團同日進剿總期以勦爲防不致虛糜軍餉欽此於是四



川彭涪黔防營前任陝甘固原提督孔廣順候補道程理潤等改防  
爲征分東西中三道并進遣城口營都司吳毓光開復守備張正倫  
等先攻大崖寨黃號從黨陳蠻兒力拒不克 十一月胡黑二仍回  
乾溪則遣把總李馥徐文友分擊以團首田慶儒等據大小尖峯野  
馬礮河清旋進毛田平 彭涪黔防川軍東路越雋營參將舒洪元  
游擊劉興榮等攻克石坎子筆架山鐵石巖三寨爲濟安王代周大  
本營屏蔽黃君澤亦破敵虎頭寨獅子洞爲之應

咸豐十年

庚申八十六

○春正月徐河清以木倒溪敵數爲天池敵援因

虛與天池敵相持自率軍功楊訓章等襲破木倒溪復還攻仍不克  
河東敵時陷雷公堡諸團營又陷繆煒營毛寨煒退板溪河清遣援  
候選府經歷孫廉饒以爵擊敵麻園溪亦回沙子坡敵出八大陣後  
與四川西陽教首陳發選合敵合彭涪川東援軍勦賀濟泮西路頗  
得利因約黃君澤會擊先是孔廣順程祖潤以王代周寨險要遣張  
正倫等中出大崖寨招降陳蠻兒并縛獻徐天玉王金玉遣吳毓光

西攻尖山寨及木耳山教首田興禮等先後降亦縛首要郭洪福洪受洪倫洪德獻東路舒洪元直攻代周寨代周遁花盤洞擒其子芝蘭越日再破五龍寨擒郭洪舉廣順祖潤益軍來助集攻花盤洞先破附近白虎嘴唐家宅諸寨出山後斷汲道十一日洞破擒代周及其父仕尙兄代唐并家屬宗族等二千五人共殺之代周本婺川團首與團首覃元貞構衅互鬪負固抗官遂隨賀濟泮變而陳蠻兒田興禮郭洪福等皆遙爲應者也至是始言濟泮蚤病死餘黨仍據濯水遂移軍進剿 二月初八日孔廣順程祖潤遣游擊劉興榮等克濯水礮殪教首李登雲禽斬洪喜韓喜等戮賀濟泮屍梟示其軍師蔡春遁雲峯寨李老高遁田家平之獨山餘黨傅彩鳳等遁徐家寨復結濟安衆逼婺川川軍乘勝連破青雲鳳凰諸寨殺首要賀世愚等餘悉就撫川軍罷回而雷公堡敵乘河清他去後陷石墩頭鹿溪井逼沿河司河清仍回毛田平河西敵又東過河陷何家灣大羅壩馬羸蓋諸練營繆煒北據涼風坳復退中正寺大和宮會署提督田



興恕奉旨督辦全省軍務自鎮算統虎威全軍進至銅仁河清等祈  
援三月田興恕自銅仁籌進規計奏以思南石阡爲湘黔要道請  
先肅清兩府繼剿湄甕殲除賈何綏定省城再圖都麻黃平苗衆於  
是分遣副將田興奇以二千人援石阡副將沈宏富以二千人援印  
江參將劉吉三以千五百人援思南自駐石阡策應遣官四出勸諭  
紳民捐輸助餉分道設局抽釐時徐河清連二十餘營護沿河司大  
道天池蓋敵據如故汪麗金因藉團冒練漁軍餉旣復減撤團練圖  
省糧捲子平敵遂出潮砥袁家坨進逼黃家山麗金退保江村參將  
李騰蛟約辦思石鎮團務委員勝秉縣丞計遠長以團衆千餘至河  
東合攻敵稍却十七日宏富率參將周學桂府經朱廷桂游擊熊  
煥章全祖凱彭廷勝守備孫殿元援至印江敵方偪城十九日擊敵  
楊家平學桂等陣殪首要安太然敵望風走乘勝北破轎子頂西破  
大羅壩斬首要冉大方袁長喜等餘敵趨捲子平沙子坡龍塘黃君  
澤連日擊敵黃連平高規溝敵走闌干子再遣團總田慶萬南破黑

巖埡遣團首黃瑞章東攻徐家寨不克 閏月十二日沈宏富率軍進攻捲子平劉吉三軍亦援至大羅壩因約吉三擊牌坊分敵勢而自率周學桂全祖凱彭廷勝熊煥章等分趨捲子平敵拒戰都司毛良貴陣沒諸軍奪隘齊進破斬敵首張宗學等吉三方同參將毛克寬金大文游擊羅孝連偪牌坊孝連先陷陣擊殺數人吉三督軍繼進敵聞捲子平失倉皇潰走吉三等進奔連毀五營圖合軍進剿會札佐失省城戒嚴田興恕飛檄宏富等出石阡赴援留百餘人助繆煒防印江捲子平仍爲敵據河西合朋敵亦益張代理安化知縣新城縣丞張致禔遣團首軍功安奪標馳擊至沿河鹿井山戰沒 夏四月婺川廟壩敵犯隘溪渡破團首趙國瓊田慶龍四團營黃君澤遣廣勇百人馳防牛塘敵分掠綏陽場蔓延龍泉上方洞平團營多潰惟錢青雲自保敵奪縣北三盃種虎頭壩猫猫埡諸隘薄城下青雲俟懈擊之敵稍卻河東敵前爲宏富敗多走集安印界三角莊楓香坳自石梁河達松桃烏羅司凡百一十里 五月興恕率軍督劉



吉三駐龍塘而趣田興奇沈宏富等進軍猴場松平敵結鴨子頭至  
華山敵攻興奇營興奇中創旋沒以副將楊巖保領其軍宏富營哨  
溪約巖保進剿鴨子頭 初黃君澤以婺川典史談魚紅絲塘巡檢  
王藻等剿徐家寨雲峯寨逸賊久無功至是傅彩鳳蔡春先後死餘  
衆悉降君澤復檄剿大小水 古佛山黃號結甕黃施秉敵圍攻餘  
慶縣城宏富因移駐木薑山遏江外賊以楊巖保馳援 秋七月雷  
公堡大寺頂諸敵數犯野馬礮熊煥章等敗之進破雷公堡禽斬敵  
首金成貴等徐河清聞捷趣文生蕭汝霖等急攻破天池蓋進攻平  
頂山遙爲湘軍應煥章等復攻下白石溪徐家巖敵營餘黎家屯被  
脅諸寨皆反正河東惟平頂山大寺頂敵尙據 十九日楊巖保至  
餘慶章樹勳先遣團練破走白楊榜滾龍坡賊二十一日巖保率軍  
攻古佛山敵潰走遂據之 八月沈宏富等擊破龍溪賊田興恕進  
軍餘慶縣 河西敵數出張家寨絲林張致昶遣饒以爵卻之徐河  
清遣蕭汝霖襲據河東謝家渡阻河西賊援以把總馬德盛攻平頂

山不下 婺川敵頗張代理知縣計遠長遣練出細沙溪擊走長干頭賊以攻獨山 徐河清久與河東平頂山賊相持而遣武生張鳳颺等攻河西長安壩敵不下敵轉犯婺川豐樂橋再以署思南府經歷吳焯然援擊河西李家巖 十一月徐河清增募練二千合舊練八千餘人圍攻平頂山十五日破之禽斬敵首羅匡明等乘勝連破蕉溪涼水井旋移軍會印江練攻大寺頂結降敵覃老八爲應十七日再破之并下香爐山諸敵壘河東略清

咸豐十一年

辛酉 六

春三月思南牛渡灘敵竄覃家壩逼府城署

知府莫超宗時回駐府城檄諸軍分防大小巖關觀音巖敵大至軍將不支熊煥章馳援至始解而城頭蓋敵旋由文家店南渡河入據荆竹園煥章圖進剿 思南覃福英因熊煥章進逼荆竹園遣其黨汪朝清等潛走銅仁伏魔山結包茅仙等扇亂牛場坡游匪約三千餘人剽掠以牽制清軍 荆竹園敵走據塘頭朱家巖田興恕趣熊煥章亟下之移軍出園後先是興恕慮煥章兵少遣知府楊夢巖回



湘募千五百人來助軍適至朱家巖濱烏江三面皆峭壁煥章率軍進攻以參將金太文吳宏盛邀敗荆竹園援兵夢巖亦率軍會破之禽斬敵首王玉林等煥章分軍駐守自朱家巖至三到水五十里略清以所部仍回牛渡灘圖荆竹園 冬十一月荆竹園敵出龍場潰月亮巖熊煥章軍盡毀附郭村寨逼石阡府城署知府徐達邦告急記名道楊夢巖率所部回守時思南亦警莫超宗劾罷以章樹勳接替仍署府城 十二月荆竹園敵攻石阡急副將劉義方遣守備英秀和自龍溪赴援將至敵出月亮巖走板橋龍洞義方旋以思州府知府陳昌運軍先後至義方出營東路羅家寨昌運遣軍出營浮橋口楊夢巖軍出營西北樣子坳

同治元年壬戌 春正月塘頭敵北走思南逼府城熊煥章馳援同游擊李騰蛟候選同知饒以爵等却之敵分黨擊潰舉人楊大鏞團營至石阡東石家場 二月楊夢巖擊破楓平哨俟敵回營石阡北十里之浮橋口進剿雷神槽初五日敵分道出犯夢巖亦分軍迎

戰而以副將吳通才間道襲敵營破二卡中槍陣沒夢巖率軍憤擊  
斬殺頗多敵始退會扼樣子坳之游擊陳友賓郭德勝以敵逼棄營  
走回城中皆驚徐達邦亟商劉義方分軍守 十八日石阡敵集團  
楊夢巖於府北十里之荆竹塘劉義方援却之十九日敵分攻大寨  
義方本營及副將曹元興關口平營皆陷之死傷頗衆義方自府馳  
援不及退據平地元興退小鷄公是花橋石家橋皆敵有旋分黨趨  
思銅陳昌運聞警遣都司朱萃山千總吳勝奎等分防小雞公三道  
拐固石銅糧道敵悉竄銅仁二十五日陷閔家場代理知府王雲敗  
退江口初石阡敵首伍雲召本銅仁土著將回竄遣間結土匪唐二  
等爲應雲詢知捕斬唐二進營閔家場至是後路青谿陰溪橋諸寨  
降石阡敵爲之應防軍退還江口敵益橫別黨竄掠野毛溪羊溪復  
分犯銅仁塘防嶺分水嶺客店溝章樹勳率把總方廷福馳援 三  
月初六日石阡敵復圍攻荆竹塘營陷湖南記名道楊夢巖戰沒徐  
達邦先遣援敗還劉義方自馳援未至府經歷李聲宏千總楊德馨



軍功王宗瀚劉光祖宋廷棟蘇朝梁丁光陬外委吳天貴同沒士卒死傷過半敵復分黨薄城達邦登陴會義方軍至敵却浮橋口義方集潰衆入城同守伺間出擊退打鐵都梅子均諸敵已而大定協副將周洪順都司田慶龍援至義方因出扼石家場敵益東竄江口銅仁協副將慶瑞分援江口隨湖北知縣黃廣焯率練五百將赴思南道銅仁王雲留助守敵大至不支雲退壩盤慶瑞退漏溪已復退保府城江口壩盤皆失鎮遠府知府曾璧光祈援湖南巡撫毛鴻賓請以現駐大魚塘湘軍遊擊滕加洪軍仍回鋪田遏敵竄并請以副將周洪印軍援銅仁 夏四月金太文章樹勳自思南移軍西南剿塘頭樹勳增募八百人出苗民司遣饒以爵等各團防河西太文及吳宏盛等先剿撫馬辣子芭蕉溪諸團二十九日太文宏盛樹勳等攻破塘頭分軍駐之徐達邦圖進剿龍洞與之應先攻老王屯 五月初二日金太文吳宏盛擊破革老壩敵宏盛至板橋圖通石阡入烏江水道太文進剿小屯大壩場章樹勳回赴沿河司勸捐軍糧

十二日田慶治擊破婺川獨山敵連下楊柳頭及安化石梁壩陽羅壩馮家溝諸敵略清 石阡敵陷龍溪營荆竹園敵出葛彰司旋合轎頂山敵掠大小巖琵琶溝潰武生滕遇春營旋屯洞徐達邦遣生員陳光第馳援陣沒 六月慶瑞連日由太平場擊破徐滿屯草鞋衝敵敵走茶寨復破走之 秋七月吳宏盛進攻安全屯創退祈援金太文至自小屯接攻送宏盛就醫思南 八月金太文擊破全安屯及附近諸敵思南西南達石阡大路略清惟大小屯鳳凰山天台寺未下會吳宏盛自思南還分軍進逼而思南牛渡灘敵復結荆竹園敵掠河東平頂壩牛渡灘至平頂壩百餘里皆敵蹤團首楊德友連營拒之章樹勳惟往來河東西檄安化印江勸捐糧給軍 冬十月金太文詔鳳凰山敵乏食遣副將朱占元都司傅得勝鄧第武邀敗之乘勢進攻十八日德勝由山後攀巖抵敵壕中礮死第武旋率百長冷應宗等由前攻入敵多竄大小屯天台寺時荆竹園諸敵由龍塘東走興隆塘太文擊走之回攻大小屯吳宏盛等亦擊敗敵板



橋會河西敵復分黨出絲林犯大小巖關章樹勳方籌糧龔灘府城  
戒嚴太文連夜馳援安化縣知縣譚廷桂李騰蛟等集團練禦之  
十一月荆竹園牛渡灘諸敵走援大小屯仍據塘頭分襲老木林截  
金太文吳宏盛軍後太文等退江口敵復由革老壩來犯太文宏盛  
合拒之白馬廟初三日總兵吳宏盛力擊却之追敵土地堂中伏戰  
死太文再退印江敵益分黨四竄巡撫韓超聞敗檄劉義方馳援  
同治二年癸亥六三春正月金太文退守印江敵屢攻夫子壩并分  
黨擊潰磨溪巖圍營剽掠縣屬大道爲梗會太文先後遣赴湖南募  
練千五百人始至因約章樹勳廖遇春遣團練西敗磨溪賊田慶  
治及游擊田慶祥連日擊敵兩壇堡平陽蓋頗有斬獲進攻廟壩軍  
功田景山陣沒敵堅守不出時總兵龍再福剿廟壩久無功將調省  
攝正安知州李威中復稟留率衆駐方家河不進旋分黨出再福營  
後逼豐樂河糧營慶治軍以糧絕遽引還豐樂河再福旋以部將劫  
殺鄉兵威中以加徵丁糧皆褫職二月金太文以所部二千六百

人少之請募足三千剿思石徐達邦稟言思石賊以荆竹園爲最欲  
剿荆竹園而大小屯躡其後故上年熊軍先剿荆竹園失利本年金  
太文亦未先剿二屯坐失機宜 時劉義方出朗溪司敗敵兩路口  
至印江值河西白號結苗衆圍攻饒家壩大小巖關思南府急義方  
因率軍出磨溪巖進援 三月荆竹園敵走閔家場張家寨降人蕭  
文魁復變應之蔓延馬鞍山龍頸坳陳昌運祈援湘軍會湘邊有警  
不果昌運乃馳至江口調團練禦擊頗有斬獲未幾敵攻潰火燒橋  
營軍械喪失略盡昌退保壩旺乞援於金太文劉義方敗敵大小  
巖關金太文圍小屯降敵內應十六日破之擒首要李世賢等先是  
章樹勳密遣團總候選知縣李春華鄧人俊招劉儀順孫興邦等以  
所屬十營降至是以思南戒嚴太文等攻不利樹勳復遣人俊等密  
約內應因破小屯思南圍首黃雲燦等以敵等稔知教匪情形請釋  
令爲內應圖敵因陳敵勢略曰伏查河西黃白青紅四號皆劉儀順  
黨西抵遵義湄潭南至思南縱橫聯絡鼎山白號朱明月據之高台



爲白號韓梁二賊老巢偏刀水爲田興朝白號濟安黃號耕種其中  
安興凡則據覺林寺陳輔楊和風則據龍盤溪覃家寨則覃崽崽二  
魁即覃直字團據之儀順卽居其中江家寨則致和團首何觀一孫繼  
述據之號曰老團中岑爲安播鉢平字團城頭蓋爲王德興覃五據  
之并繼述黨皆白號也自中岑北出綠池河南出合朋溪東北逼思  
南西北界張家灣屬德興自合朋西北牛渡灘木葉水南近思南屬  
覃五覃八由合朋西北至大堡長安壩屬胡黑二其巖科營平陽蓋  
則德興繼述雜據之自平陽蓋西北左至廟壩右至石重蓋闌干子  
直抵豐樂河亦屬德興諸賊以儀順爲主有輕之者亦有陽奉陰違  
者其青紅諸號自上來者往來依附無定河西賊首八人有宜招有  
宜剿其中又分宜以某官招某鄉兵剿者從賊所服也河東賊以荆  
竹園爲最著黃平之黃號統於何瑞堂蕭桂盛又有何定乾李興德  
之黨二三百人頗精壯剿撫較難然出略衆不踰千家口動以萬計  
糧多餉自河西若截其糧道則易爲力荆竹園旣分有大小屯又分

而有張家寨大小屯破張家寨自孤餘若轎頂山以外則新投白號  
不足慮也巡撫張亮基因以徐河清署貴東道查辦時駐沿河司  
六月金太文請以副將朱占元接剿河東敵自率軍合銅仁團練擊  
破大屯百級山大青山狗脚屯合攻張家寨蕭文魁不支復祈降太  
文陽許之令薙髮繳械撤屯來歸二十六日以數百人先至營太文  
悉分置去寨數里至夜遣軍盡殺之急破其寨文魁仍逸獲其孥餘  
奔松桃 秋七月蕭文魁逸至石阡徐達邦遣楊大鏞生員廖飛鵬  
等誘獲伏誅 九月胡黑二連日結荆竹園敵竄婺川陷金竹沱李  
興國團營至三陽巖并楊柳塘諸寨 冬十月徐河清至沿河司思  
南敵多據絲林大格沱署安化縣蕭丕基署游擊談堯華及都司鄧  
第武軍功李宣忠等進剿連戰皆勝敵悉走時田慶治同游擊田應  
祥亦擊敗楊柳塘敵敵還荆竹園張亮基因檄朱占元督辦思南軍  
務 十一月苗號薄正安城西南倚山無濠敵尤逼東北僅溪田可  
守正安州知州彭城募練千四百人會團禦擊敵走合川廟壩旋分



犯龍泉香鑪屯田慶治田應祥擊走之把總周應祥陣沒

同治三年

甲子八五四

春正月初十日黃號犯婺川東城田應祥先奔

敵剽掠各鄉

伍雲召包茅仙復結荆竹園大小屯敵出苗旺塘竄

木桶渡老金廠徐河清以銅仁三元團李丕基等形迹叵測慮與敵

結率軍至雪巖壩二十八日遣談堯華李宣忠擊敵乾田壩破走之

河清遣堯華駐昔土壩

十四日荆竹園敵分黨開道走陷朗溪司

十六日昔土壩談堯華營潰思南府經歷鄭慶藩被執大罵不屈死

堯華退木黃朗溪敵薄印江知縣林福培調團分禦敵退楓香坳進

犯雪巖壩徐河清却之敵復分黨北走松桃太平場擊潰團衆犯廳

城松桃協楊家瑞等調苗兵鄉團與在籍已革副將龍再福合擊敵

卻據棉花山

三月談堯華營次木黃普子坳距徐河清營五里敵

圍累日糧餉子藥皆罄二十七夜敵擲火燭營堯華揮刀突圍中槍

沒於陣李宣忠率團練始至力擊却之河清請以宣忠接署游擊領

其衆敵旋走併松桃會棉花山敵復竄至長灘地耶河脅孟溪一帶

飢民與團練相持因集攻廳城 廟壩敵北渡豐樂河破楓香崗掠至龍墩田應祥却之 夏四月賊攻松桃急楊家瑞等力守就近祈援湖南辰沅鎮道會田興恕在籍遣四百人來援敵稍却興恕復率軍至正大營敵遂燒麥地康金汎阻援軍興恕進擊不利旋撤軍入川去敵據太平營時分竄銅仁境 湖南總兵保慶出正大營援松桃破敵康金麥地長平敵分竄銅仁餘衆退保大平營川邊防軍亦來會以滕加洪逐敵至銅仁敵遽合土匪薄府城陳昌運檄守備楊朝佐等禦之敵走卜口場加洪朝佐敗之野鴨塘鷓鷯巖周洪印亦至合攻卜口場敗之洪印進軍松桃會圍太平營楊家瑞等亦集團練應二十二日破走敵 秋七月荆竹園敵連陷石阡西北龍洞諸屯轎頂山敵復竄走馬平小屯初八日石阡府知府欒淑元遣把總周尙忠援擊突圍重創沒小屯陷荆竹敵復薄附城五里華巖寺淑元以團紳舉人楊大鏞等伺間擊敵退龍塘 洪印以五百人來援婺川敵退屯石柱埡連界池田玉祥進擊中創引還 八月田應



祥擊破石柱埡連界池敵走安化新井壩婺川略清 冬十月廟壩敵竄陷龍泉團寨團首任士琦被害復合竄黃都壩磬口陷婺川梅頭山團寨田慶治先遣團首王作霖守備滕德茂等擊走之 冬十

一月十六日黃白號隨苗衆陷大定府城

詳見第七章

同治四年乙丑八六五春正月二十三日伍雲召結荆竹園敵陷銅仁

江口副將張開友軍潰退壩黃前署貴州提督沈宏富方回湘出銅

仁擊賊木壠 二十九日蕭繼盛朱明月羅洪等苗教襲陷正安州

城署知州楊言署吏目陸厚坤遁卸署吏目朗洞縣丞王德駿被害

候選訓導徐亮采閣家生員萬化成閣府廩生教步瀛監生王正興

等皆沒先是去冬繼盛略思小二里明月卽據馬村梨埡言等久無

備而倚團紳達才連招降號匪莫飛鵬等爲練屢不法至是城倉卒

陷民多受害而才連家獨完 二月甕安諸黃號悉趨遵義剽略各

鄉幾盡爲首宋玉山橫據板橋紅花園阻入川道并薄桐梓圖遏川

軍并斷府城樵汲遵義縣知縣馮澍率衆城守 十四日蕭繼盛等

襲陷石阡府城署知府嚴謹同署都司陳定元被害千總方廷元經  
歷李雲昇遁從九嚴誠候選同知吳大奎廩生席大純府增生成學  
醴貢生丁文德生員黃警知張源等并沒雲昇妻吳自盡繼盛始陰  
結謹練目陳德標圖城謹不之覺故陷大掠去十六日廷元等入城  
二十二日清台苗結教黨分道出古州通倒修文堡青龍嶺掠據  
黎平寨蒿并糾寨頭革苗分趨黎平天柱署貴東道趙崇慶稟略曰  
下游連歲用兵祇辦防堵二字剿則殊未易言楚軍駐天柱七營駐  
大魚塘龍溪口羊平亦七營約萬人現在苗教諸賊鎮思石南連爲  
一氣完區僅銅仁府縣松桃印江耳鎮思石三府要防有三曰三屯  
曰南嘉堡曰邛水一不得力則三府立受其禍而波及於思南松銅  
現在三屯勇目一千五百員各南嘉堡五百員各邛水一千一百員  
各三屯南嘉堡糧餉供於民其不敷暨賞卹諸項及邛水餉糧由貴  
東道以四成釐項所入籌應時虞不足而人數不敢裁銀米不敢缺  
管帶並不敢換者以有此三防方有此三府而官吏不知近有欲折



三屯歸各府自辦因以爲利者有截三屯軍糧以自備他用不顧勇丁枵腹者有欲染指南嘉堡釐項者并有以給還逆產圖用印過稅而不計受產之是否原主啓他時無窮隱禍者種種謬妄必欲墮此三大防而後快以致各總辦事事辣手如三屯鄭大成南嘉堡邵立功歐有發等均多方乞退陳道昌運諭於前劉署道力持於後能否弭厥釁端不致瓦解猶未可必由三屯迤邐而西北則皆思南石阡所屬黃白號教苗石阡屬居十之三思南屬居十之七並無主名賊巢亦幾無隙地其間最著老巢爲小屯大屯荆竹園賊卽三屯走出未降之老教結湄潭號匪鎮遠苗賊均朝發夕至而尤以大小屯爲前敵屯賊平日無多或官軍進剿或荆竹園賊欲出略始聚二屯倚以爲蔽云 秋七月川軍病疫因壘與敵持王超凡等南略投誠之大石坎梧桐寨參將何行保自新棧來同團衆援擊 九月十四日川軍病少起超凡等仍剽掠反正諸寨不已 荆竹園敵掠據石阡糞粃屯大小屯楓香平分黨走掠至印江南小澤溝知縣周步瀛先

出城趙崇慶遣練往守 冬十二月初十日荆竹園敵因練叛結復入石阡署知府兼署餘慶知縣黃啓蘭遁城南打石坡旋回餘慶家屬死者七人人民死者頗衆屋宇焚毀殆盡署都司張興剛遁往雞冠石十九日敵去趙崇慶遣都司田慶茂援始至啟蘭同楊大鏞等入城 吳元彪被圍急祈援劉儀順儀順遣田舒文自偏刀水來

同治五年

丙寅

八六六

夏五月荆竹園敵復入石阡府城守備鄭大成

擊之出前浙江按察使李元度旋自湖南率貴字四營援剿思石教匪元度先後稟略曰查貴東數年以來徧地糜爛銅思石思松諸府廳久爲黃白號盤據出沒之地現在銅松境內無賊其通賊之三元團雷洲李丕基等已經周鎮洪印會同銅仁府縣正法由銅至阡亦無賊阻石阡以西數十里內賊巢環布以荆竹園爲巨巢以大小屯爲門戶又有羅家巖板凳場三十餘處分巢皆歸荆竹園黃號蕭繼盛調遣又仰承於統領各號僞王朱明月以教首劉儀順言爲斷亦猶楊秀清之於洪秀全也計石阡境內不下十五六萬人能戰者數



萬此外餘慶轎頂山獲安玉華山平越上大平皆黃號也龍泉湄潭  
思南城頭蓋偏刀水江家寨諸巢皆白號也下游五府界分烏江有  
江內江外之分楠內思南則曰河東河西荆竹園轎頂山所謂江內  
賊也江外黃白紅青四號亦附明月上至遵義下抵湄龍首尾一氣  
明月詭稱崇禎十二世孫僭號嗣統三年年二十三歲荆竹園北負  
烏江賊恃爲天塹之國江外卽白號巢穴往來接應饋糧必逕烏江  
石阡小河白龍底江者又名石阡河北流經大小屯自兩江口三江作  
口府東北北入烏江北境環府西小河水道凡二百里舊爲鹽船入阡  
之路擬添設礮船以斷接濟亮基以丕基等并未奉旨正法飭銅仁  
府陳枚等查覆旋稟二月中竄松桃映賊卽丕基等所招丕基等已  
受明月僞封云 六月李元度率知府李光燦總兵王建章自銅仁  
分進元度建章率章貴營出印江大壩場何家寨攻大小屯光燦率  
銳中營自石阡圖荆竹園敵分據高家田爲大小屯援元度建章分  
敗之大屯敵首伍永富小屯敵首張洪權永富雲召子時以布政使

銜北琛總辦下游軍務 秋七月自大小屯降高家田楓香平諸敵  
皆走併荆竹園李元度章貴六營進逼十二山檄李光燦會團及黔  
營都司楊玉昌扼白沙白沙左近大轎頂山爲敵衝要以團總黎占  
魁防三道水十二山以東略清會大旱軍疫不能戰 冬十月婺川  
廟壩敵掠走正安葛林窩知州彭城乞援署遵義府知府張日崙遣  
參將李得貴至會團擊走之初湄甕黃號王元舉傅占魁劉鎮邦等  
降於何行保馮澍男婦約三四人安置遵義西鄉行保付澍經理  
澍以乏資聽之川軍副將鄒復勝率軍至西鄉知與民不翁徙之大  
渡口元舉等無食屢求在籍四川候補知府統領援黔川軍蹇閻閻  
亦無力先後散去二千餘人嗣復勝募練招鎮邦等數百人從餘千  
餘人并家屬均籍隸下游無所歸元舉遂率百餘人渡河仍投入黃  
號閻始擇占魁等精壯者二百餘人爲練餘仍遣散

同治六年丁卯 八六七 春正月湄潭敵久據署知縣張聰蘭劄民屯自  
保敵數掠走遵義鄭場九龍場何行保等卻之於是蹇閻以敵出沒



無常議改防爲剿。二月十二日蹇閻遣軍會何行保軍復湄潭縣城。先是破走水佛寺桐子堡高梁山洞堡大魚塘敵張聰蘭。上言云：縣城四面皆賊，祇啓祥里一隅稍謚。又慮廟壩賊來勢難駐守，廟壩爲婺川賊藪，最湄婺正安均苦之。教黨汪草登焦連升等走陷黔西水牛屯，并黔仁界蔡板屯汛，旋與黃號魏洪發等結圖襲州城。劉嶽昭率軍往剿，以道員林肇元扼三重堰，檄總兵謝景春鄒復勝來會。景春先劄爛泥溝，復勝劄松林，將渡河援剿。諸軍會攻破之，洪發遁。肇元設伏禽之，遇母洞盡殲其衆。三月何行保等進擊水鴨子，不下，偏刁水荆竹園敵來援，不利，引退。會川北警檄副將唐大有振武三營回，遵南空虛，蹇閻抽還行保忠字誠字安吉諸營分守敵轉攻戴家壩，降民力守。荆竹園敵屢創不出，惟恃河西白號給糧自固。河西白號亦倚爲屏蔽，李元度久駐三道水，至是以記名提督邊曉堂率章字六百人及知縣彭維翰等率貴字二營同鄧第武西渡，先剿河西第武，前以鎮遠陷褫職。元度廉其材，武自思南府城至許。

家壩皆第武舊團因倚以爲軍導連日至小河濱饒鈹頂寨進擊疊下河西白號十餘寨思南四境敵寨林立河西賊最著者爲江家寨偏刀水巖科而城頭蓋又爲諸寨最時中岑賊安雷鉢方與江家寨何繼述等內訌因遣間招播鉢而進軍擊青桐坡覃家寨江家寨敵援至游擊江誠香陣沒引回元度復遣守備胡其慶陳茂春來助曉堂督同擊破乾溪溝游擊陳貴章中礮沒播鉢旋以所據數十寨薙髮降元度令約龍泉義勇攻城頭蓋署龍泉知縣計遠長亦剿撫附近賊來會攻不克 夏四月邊曉堂遣胡其慶陳茂春同團首都司黎占魁分擊麻園溪進至羅家壩敵首覃德徵以所據二十一營降爲江家寨覃家寨相倚拒守扼不下牛渡灘敵時復分黨西援李元度遣副將鍾輔朝出潮砥同團首安天仁張文明等進剿不利仍退潮砥李元燦猶劄白沙敗敵葛閃渡 六月廟壩賊因婺川知縣謝邦鑑出防間道走大竹園逼縣城邦鑑擊之敵走掠正安謝壩團寨出禾麻渡逼州城何行保援敗之 秋七月轎頂山敵薄餘慶縣城



黃啓蘭遣把總鄧鶴齡會李光燦前隊都司楊開雲以百餘人馳援  
團首曾大海以五十人來會十九日開雲戰沒署餘慶縣知縣劉侶  
鶴乞援邛水湘軍兆琛乃以守備鄭大器赦六魁來援敵旋解去  
十一月李元度令水師許寶坤擊破合朋雲山寺進一椀水元度令  
沿江上駛數十里拊荆竹園背芝亮等東渡以攻荆竹園之前 十  
二月十一日援黔湘軍統領席寶田督軍至銅仁分所部三千人并  
選周洪印舊部數營以道員戈鑑鄧善燮謝蘭階羅建章駐靖防湘  
邊以思邛青玉責成湖南同知直隸州知州吳自發募千七百人駐  
守自率七千餘人馳赴荆竹園再檄鎮遠鎮總兵羅孝連募千五百  
人實後路以固銅仁

同治七年戊辰一八六八春正月初四日席寶田會李元度攻據黃號荆  
竹園根據地分下羅家巖七寨并判官頭二十餘寨更會軍進攻轎  
頂山 二十八日席寶田督軍克轎頂山禽教首石廷士馬文祖等  
殺之餘走猴場玉華山巡撫曾璧光以玉華山與開州修文僅隔一

江以提督張文德馳防江口文德遣副將戴榮宗游擊滕代榮赴開州據真武山並規鼎照 二月席寶田破走諸賊軍銳甚至是以鎮遠苗犯沅州遽回軍轎頂山仍爲敵據 蹇闈以三營防遵義安定諸營未到軍單不能進取李元度催會剿 三月初一日降人聶正邦等進擊覺林寺敵乞降旣而覺林降衆不堪湘軍虐逃去數百人駐屯山蹇闈給口糧拊循之時統領援黔川軍四川候補知府唐炯以總兵劉鶴齡自碁江先進沿途收撫四十餘寨初十日抵偏刀水十二日炯亦至偏刀水地狹而長初提督蔣玉龍扼險築壘軍潰爲敵據益修治分八門守敵衆皆黃白號湘軍屢攻不下都司李盛武程修武譚品芳守備張怡鳳等先登并沒士卒多死傷復以開花礮急攻賊驚呼爲天礮頗畏之王超凡集荆竹園諸敵圖來援炯及鶴齡等軍扼南路防之何繼述何發喜田應五王禮廷遣人赴營祈降炯函約李元度來會商元度時駐雲山寺距軍百八十里以病不至彭芝亮等意主戰炯因不許敵降會攻掘長濠困之超凡援至六郎



屯炯遣降人李明遠先據屯守復檄參將吳洪貴已革知州顏佐才等取趙家營扼敵來路又約閭乘超凡出援遣軍進取檜木園水源溝黃號閭以何行保取豬場游擊周紹南及田應豪取銀瓶壩敵皆走敵旋馳至羊義坳時敵多集烏江南惟檜木園水源溝在北閭復約炯分軍助炯遣振武軍唐大有赴之 二十六日偏刀水敵乘大雷雨突湘營湘軍發祥礮疾擊敵多傷都司戴富魁守備鄧金養陣沒敵犯川軍營劉鶴齡却之 夏四月初二日川湘軍會攻偏刀水川軍前隊踰濠抵壘下敵悉衆出拒湘軍未集不利却回劉鶴齡及陝西候補知府張玉文候選縣丞于德楷再進力擊敗之唐炯及鶴齡以敵阻長濠走無路勢將死拒而湘軍以餉匱饑疲慮有失因去敵濠十丈樹木柵掘地道困之時王超凡等已渡烏江攻豬場何行保以敵衆固守黎佐清等馳援敗敵牛矢溪近至七里許大關頭中伏大敗還炯所遣唐大有軍適至始退 初六日超凡復犯羊義坳蹇閭軍後佐清馳援至伍家坳不能進復回銀瓶壩約鄒紹南田應

豪等簡軍伏伍家坳更進擊超凡重創敗去僞帥王廷芳祈降炯再檄參將吳洪貴顏佐才等合湘軍擊破觀音營超凡遣部來爭洪貴等敗之黃連壩李明遠陣沒水源溝檜木園以觀音營黃連壩爲門戶後負袁家渡江界河退結玉華山上大平諸敵進與偏刀水廟壩敵爲援觀音營下敵門戶遂失 十五日諸軍乘勢進攻水源溝檜木園敵大賊潰超凡等退袁家渡南走甕安江內去炯以振武三營扼防江口因稟曾璧光略曰檜木園水源溝各降衆中可選用者不下二千餘人急宜早爲布置一旦客軍他去此屬必仍聚而爲亂現聞憲台委員在遵義募兵愚意與其收合游勇難望成功不若部署降衆以賊攻賊今日之計未有便於此者 初炯入黔時慮廟壩巖科白號乘間張預遣同知鄧錡馳赴正婺龍綏湄界之土口圖之復請檄防溪南之總兵成耀星副將熊英豪參將劉順堂等易剿爲防與錡會辦錡駐軍黃土壩闌干子學堂平十餘寨先後皆乞降復營逼毛龍蓋擊下巖科李元度時遣軍擊安化大堡牛渡灘會濟安黃



號何永華等來降旋導湘軍襲破大堡禽胡黑二及王茂蘭田修武諸首要牛渡灘首要覃光明文朝秀亦乞降黑二以濟安團叛十餘年至是伏誅於是偏刀水敵既失王超凡之援又失河西之應勢益蹙 閏月川湘軍急攻偏刀水賊外援已絕而僞王向成高與苗首江老亮等猶力守唐炯密遣間誘降成高爲應敵內亂老亮至是亦降 初五日鶴齡芝亮等督川湘軍分道攻入禽僞寄王田應武僞黔陽王何繼述及僞帥何發喜何興儒僞軍師老教主王禮廷李長俊等誅之降其黨七八千衆皆免死雜髮分遣回籍收成高等入鶴齡營初四川將軍兼署總督崇實奏以炯籌辦貴東善後炯因條陳事宜上言祇任軍務請另遣大員籌辦至是暫以本地善後付龍泉知縣計遠長湄潭知縣張聰蘭遣參將周萬順赴廟壩助鄧錡十二日先破走新田頭馬道三寨遏敵前鋒乘勝進攻廟壩降敵田歪嘴開門應鋒軍入敵首李志高遁嚴科餘悉降 十七日錡再進擊兩壇堡賊才拒會總兵劉子貴等出關千子萬順自平陽蓋間道合擊

敵敗去旋執敵首宋老帽等出降餘皆就撫於是李元度撤軍回湖南留章貴六營三千人以副將鄧真發柳大福扼守河東荆竹園以總兵黃開榜副將袁有名扼守石阡 五月二十七日唐炯軍發遵義炯以玉華山背負上大平前阻老鴉山東有石阡大轎頂山西有開州小轎頂山爲犄角慮軍聚一路首尾牽制因分三道先遣總兵唐大有參將吳洪貴由江界河袁家渡造船渡軍而進以鄧錡會軍酸棗平遣降人譚光前諸漢苗出楊家林截上大平賊援自同劉鶴齡由江界河當賊前復慮大有軍單且病則約蹇閻率所部出養龍東踰南望山同規小轎頂山六月唐炯復分軍遣間克大轎頂山陣斬石士貴張義方又遣張玉文率降衆五百自麻池壩破巖坑勝土而前再下舊土營遣降人龐向忠僞奔夜抵小轎頂山敵倉卒不及辨開關納入張軍尾之從中起立奪小轎頂山生擒何雙富等青桐寨及龍頭屯諸寨懼皆出降劉鶴齡亦渡江界河擊破吳謝平斬敵首丁紹綠迭取白巖官塘龍塘直抵玉華山炯繼至指揮諸軍圍攻



斷敵汲道遣降人據對環呼有兄弟親戚者悉應聲來歸敵勢愈蹙副將鄧鴻超及鶴齡開復知州顏佐才知縣于德楷候選知縣張瑞鏞等乘勢率死士踰險並進僞文定王陳紹虞知不守執殺人王王超凡獻率黨乞降餘慶甕安開州烏江南岸肅清黃號平

附錄

李元度印江縣知縣鄧君別傳云君諱玲筠字沼鄉原名凌雲甯鄉人父光廷邑諸生早世母吳撫之成立以節孝旌門君生七歲而孤踰冠舉道光二十三年鄉試五上春官不第咸豐六年以知縣發貴州七年四月權知印江縣時黔中倣擾苗教匪充斥匪酋以邪教蠱亂民有黃號白號等目團練多叛應之列郡無完土君下車壹意以約己便民爲務求先達下情每芒屨布鞵周巡村落間與田更畚叟握手詢利病凡道里阨塞士紳賢否及豪右莠民姓字皆手疏小冊藏夾袋中戴星出入民莫知爲官也而椎埋博塞諸白徒輒不意見執訟者至旣察其情

僞復徵諸冊片言摘發民驚以爲神先是思南賊熾地連印江君亟行保甲法慮以具文視也乃單騎詣各鄉手自敦率戶給門牌如式署紙尾十則曰忤逆曰習邪教曰私結盟黨曰劫掠曰藏匪類曰竊盜曰容留娼妓曰賭博曰鬪毆生事曰唆訟各擇士紳董之犯者同甲勿與齒改悔者許具狀保於各條下加小印曰自新其頑抗及無人敢具保者治之且計月以驗紳董之能否加勸懲焉甫數月訟獄衰息夜不閉戶臥乃加意課士割俸助書院餐錢與講求經世學並及軍政士皆畏愛之勸民修水利築陂塘揭示教以法纖悉備具有以浚塘聞者親履勘指示至再三不倦終不以勺水擾民慮邪教之蠱民也爲文告抉摘其所以然雖老嫗能解簡壯丁數百親教以擊刺法民間所輸餉皆筦以士紳一錢不以自污是年十二月賊陷思南太守福君投水死賊長驅犯印江印故無城君出營於雲泮以禦之賊耳君名以書來假道請終君任不復犯印君焚書斬其人



賊分黨掇君別遣大隊從間道襲城君方巡隘賊大至君袖銅椎出擊曰吾試觀賊能否乃揮椎斃賊三餘賊環攻君掣銅鑊格鬪莫敢近賊忽大呼曰印江已破矣君見四山火起力戰突圍出馳抵銅仁乞師於太守周某命練總王士秀領五百人隨君回擊一日夜行二百里居民見君至皆奮躍得壯士千餘仍從至雲泮是日大霧人馬對立不相見噪而進賊駭曰官兵至矣賊皆走自相蹴蹋墮巖死者數百君復縣城追賊百餘里至大寺頂鄉民赴義者約二萬人各誡其子弟曰爾不能從鄧公力戰無面目歸見父兄也當是時君冒矢石四十餘日戰中壩戰螺生溪戰袁家灣皆告捷八年正月剿撫璇家壩及潮底河以東大定亡何而越境剿賊之檄至大堡者思南府境也奸民胡黑二倡亂太守周某討之數失利聞賊最畏君乃鄧字旗幟賊而嚴檄君赴勦日三至士民以地非印境苦留之君慨然曰郡守檄縣令曷可違且殺賊固無畛域也衆請以二千人偕往

君慮餉無可出以千三百人俱師次分水堙居民爭餽糧賊僞  
爲運糧者昧爽入營門變作團衆驚潰君親搏戰飛石中其首  
手格殺一賊足被創遂及於難喪其元年四十有一後軍聞前  
軍失事憤極殊死鬪殺聲與哭聲併卒奪君屍還乃樹忠憤軍  
幟誓復仇賊懼夜退屯八十里時三月八日也喪歸士民大慟  
婦孺皆失聲無遠邇爭致賻賵有負販傭挈錢四緡將運鹽悉  
以充賻或曰如爾家何傭哭曰公死吾屬無葬所矣何以家爲  
其感人若此事聞得旨賜卹世襲雲騎尉印人醮重金歸其櫬  
母夫人猶在堂拊君屍哭曰爾能死王事吾家世世有光靈有  
知勿以我爲念印人聞言心稍安而益悲君之不能兩盡也君  
少負才名讀書兼習拳技令印時微行遇鬪者咆哮莫敢撓君  
躍入叢人中手擲其人文許叱曰去有識君者趨進欲與言而  
君去遠矣賊嘗遣刺客僞稱銅仁投牒者袖匕首將刺君君拉  
其脅曰吾不殺爾爾歸告賊酋速降當令復田宅毋死不悟也



居常與客語袖中時時以手作擊刺勢故能躬履諸險阨戰必身先士民懷其德立祠春秋祀之並刻君遺集曰鉅業堂稿又八年乃籲請建專祠並入祀名宦皆得旨允行贊曰君與余同舉於鄉屢見君恂恂儒者不知其兼資文武所成就及此也君學行皆本母教觀其言滂母曷加焉同治丙寅余治軍援黔印人士語及君皆泣下治團練至今守其法於是君死事八年矣父老口之如新各屯堡皆爲位以祀戊辰四月余帥師破大堡禽胡黑二及其一兄二弟暨僞軍師王茂蘭等乃設位告捷於君縛黑二等剖心致祭印人觀者數千皆大哭已復大快爭拊掌曰我公今可以瞑目矣烏虜君蓋死猶生也哉

婺川備乘有云劉儀順四川涪州葉坪人或云姓郭與同邑劉甲同開鐵廠遂冒其姓長身大頭連鬚鬚下垂及腹聲大如雷道光季年有妖道來至儀順宅邊密以龜屎研墨題樹根云劉儀順天星降凡當爲天子等語上覆以土久之乃謁儀順云昨

夢神云此樹有異共發之見所題字深入本裏不啻天成儀順大喜遂相與倡青蓮教招聚徒衆欲破塾江縣縣令覺而捕之先是儀順弟子陳迎祥犯事奔龍泉江家寨民何恭言師事之至是儀順亡命來

第四十三章 陳加誥等之役

咸豐八年戊午春三月湖南晃州偏洞教首姚通寅以傳教結

思州府老文溪民陳加誥徐慶雲起事人裹黃巾書天保字帖巾上掠青溪羊平思州府知府韓超軍及思州青玉各軍擊走之涼傘司湖南守備熊興柏以湘軍復擊之思州南三十里沅州界之回龍塘

冬十二月湖南寶慶府知府張由庚等擊破敵都平司徐慶雲等同鎮遠苗聚唐家營風巖營響鼓平州三地皆鎮遠屬由庚等進攻不克軍次聽井坳代理思州知府兼署青溪知縣陳岳霖遣千總

萬耀明圍首曹元與扼客樓數却敵

咸豐九年己未春正月初五日徐慶雲合苗教犯斗蓬巖平州



后斥責少軍與

思州在北崖東北百里聖施為都平扼陳岳霖遣萬耀明曹元興却之明日  
敵復犯湘軍營張由庚設伏擊斬慶雲加誥亡去

咸同貴州軍事史第二編中終

江蘇謝公允校字

咸同貴州軍事史

貴陽 凌惕安 編著

第二編 漢族之運動下

第四十四章 李文茂之役

咸豐八年

戊午八五八

秋七月太平軍別遣隊平靖王李文茂及其衆

黃金亮自廣西柳州敗入黔二十一日陷錦屏鄉逼黎平府貴東道何冠英等設守文茂分兵牽湖南同知北琛軍於中朝青龍嶺不能援北軍者湖南援黔之軍也 九月文茂等趨攻黎平九洞四十八寨苗乘之湘軍潰青龍嶺大坡脚北琛退入城湖南復以副將田興恕援黔軍至黎平西南五十里之潭溪司二十二日興恕率兵二百入城明日毀附城文茂營九旋回 十一月黃金亮等進破爛土分道取獨山至涼亭獨山知州侯雲沂以大塘守備龍建極合團衆禦擊雲沂駐基場策應金亮旋出荔波巴容搖六至水工生員邱育泉三洞千總莫芝茂不支遂至水搖荔波縣知縣吳德容却之已復至



水慶破荔波練團軍功黃坤泰黃玉龍陣亡仍擊潰水搖潰軍至大  
坳坡十二月黃金亮等圖荔波城吳德容退守以都司汪文鈞莫

芝茂出禦金亮回水慶

咸豐九年

己未

春正月龍建極約署三脚州同吳兆麟及團眾

合擊獨山東甲照山金亮潰走牛場又遣團擊巴佑爛土文茂部悉

走荔波攻敢務圍建極移營州東水巖塘鼠場馬場金亮等據如故

十月吳德容遣兵防敵於大造坡黃金亮先攻荔波縣城敗去至

是復合莫芝茂等猶攻過克陋卡不下

咸豐十年

庚申

春三月金亮等間圖荔邊二十餘里之牛洞吳

德容遣外委汪洪春馳防廣西南丹州土知州莫樹棠復新援於雲

沂二十四日李文茂趨獨山齋教教首羅光明實導之分黨牽制翁

奇徑由石板井獅子山至深河潰堯封壩圍於中山寺侯雲沂飛檄

龍建極吳兆麟把總吳善周及諸團赴援皆潰還文茂遂薄城雲沂

嬰城守上書巡撫曰攻城五日外援既竭內應亦不能出城中火器

皆盡惟激勸紳民悉力捍禦分赴鄉村收輯團勇倘能一戰圍解星  
飛馳報否則內外隔絕文報不通城存與存城亡與亡決不敢稍萌  
他念上負國恩 秋七月初二日李文茂時稱理天御攻陷獨山州城署  
都勻府知府兼獨山州知州侯雲沂死之署守備威甯都司龍建極  
署三脚州同吳兆麟學正張鎰訓導劉炳藜署荔波縣訓導白珩吏  
目徐景程把總吳善周職員廖開先廖景燦等同沒雲沂自軍事初  
起卽在州聯團防禦以死誓守先一日猶遣練縋城出擊陣沒軍功  
覃廷魁等俄地雷發轟陷小東門雲沂等督石工過圯處隨築隨拒  
文茂軍已由北門攻入雲沂等皆巷戰死雲沂妾喬子克善克義克  
和克禧克嗣子婦劉高已嫁女適顧未嫁女四孫男女四姪從九品  
敦惠敦葆餘親眷及家丁僕婢凡五十餘人皆殉署左地內文茂據  
城中苗教乘勢破翁奇分據苗翁四方并相犄角 九月李文茂四  
出侵略團衆數卻之時以魯祖芳代理知州因聯團偪州城文茂復  
分略荔波羊奉方村吳德容遊擊范定邦莫芝茂及團衆卻之十月



初八日獨山苗教分攻爛土翁奇團應文茂文茂亦破苗班營圖方  
村拉旺 十一月李文茂出三脚寨攻丙里圖走合定番大隊魯祖  
芳檄各團馳援截之仍却回十一日李文茂西南走上下司入南丹  
州去十三日魯祖芳莫芝茂等入城

附錄

李世鈞東屏山館詩鈔咸豐庚申七月初二日獨山城陷紀事  
云紛紛羽檄馳東北疑是從天來髮賊風颯雨驟迫吾邦邦人  
聞風皆失色維時兵事尙茫然執戈銳士強直前共道殲除同  
小醜不知惡燄可彌天重關迭戰告危艱虎狼過處胥流血長  
驅萬騎薄孤城四面合圍陣成列龍場市上屋排雲首踞爲巢  
肆惡氛捲金伐鼓晝復夜亂我不識意何云守陴人士誓完保  
恨無預測鰲翻道七日功成掘子軍霹靂一聲城垣倒別架雲  
梯翻越來目中已視無城堡憑陵殺氣更誰當人人思作先逃  
去六門頃刻煙塵生虜騎紛擁勢縱橫騰騰殺氣闕天黑倉皇

雞犬亦哀鳴尋生尋死苦無地刈同草菅惟賊意慘劫無分咫尺間屍骨須臾伏如山凶鋒聚處號神鬼驅全骨肉曾有幾可憐數萬舊生靈塗炭一朝命同蟻從此道途遍荆榛草間狐兔亦逼人間有遺孑干戈裏敢望後來春復春嗚呼吾鄉人民從此半摧折生齒至今尙殘缺相逢耆舊話滄桑簌簌忍將前事說君不見南城門外鼓樓岡纍纍高塚皆兵殤春秋不辨果誰是萬家猶祀於一場

又弔萬人塚云鬱鬱城南一古岡烏啼啞啞恨難忘青榛白草縈荒隴短碣高碑紀昔殤百族餘悲如共患一城最苦及偕亡我來話到茫茫劫淅瀝蕭風生白楊

侯雲沂字縵卿江蘇上元人以知縣來黔賦性純摯宅心仁厚故勤政而愛民知獨山州時值大難日棘與地方人士共圖守禦尤能開誠布公同甘共苦爲人民所愛戴危局獨撐數化險爲夷其時獨山團練名震遐邇爲敵所畏憚雲沂提挈之力也



方事之急或勸豫爲妻子地以防萬一雲沂曰是啓人民之驚  
惶而懈其守志也人心浮動敵乘之矣吾守土有責誓城存與  
存城亡與亡吾辦一死以報國家以對百姓吾妻吾子亦各以  
一死以報其夫以報其父各全其節可也聞者爲之感泣城陷  
闔門殉焉州人某有血性於城陷時倉皇救護雲沂幼子敘五  
以逃冀延其宗祀亦可哀矣

第四十五章 曾廣依之役

咸豐十年庚申八六。太平軍翼王石達開鑿於韋楊之難乃思別途

發展由皖入桂遣將分徇黔湘以入川其入湘邊者傷亡略盡桂亦  
不足自存因銳意圖黔 夏四月初四日所部曾廣依等自廣西泗  
城府走西林縣西隆州渡紅水江卒至興義縣分黨至岜皓逼府城  
執廩生徐謙問城中情形謙不以告因怒束以帛澆油然之興義府  
知府鄭訓達以都司德壽精額哩守河棒營自真武山回援德壽等  
走回廣依旋走貞豐十六日攻陷五里岡代辦長壩營游擊梁獻廷

戰死千總阮登雲把總張禧祚監生譚功遠同沒兵練團衆死者千餘人直薄州城十七日入東月城貞豐州知州蔣立炳率紳民嬰城力拒廣依攻數日去由石屯入歸化播東團衆皆潰遂薄城下署通判蘇布及護遊擊高鳳臨拒守先是石部自廣西百色廳敗後無所歸現因廣依自泗城府走西林縣西隆州滂紅水江得徑出興義自後所部絡繹來悉取道貞豐 五月廣依自貞豐圖永甯州署知州胡繼學聞警盤江橋調練未集以百餘人馳至沙灣力戰死遂陷永甯黃菓樹防軍望風走安順府知府周夔會提標中軍全興敗之竹英哨退走永甯東三十五里之壩陵橋據馬跑泉夔等進據大坡初五日廣依等自歸化走廣順將至代理廣順知州史悠洋出防土地關州無城郭依間道入陷之丁憂在籍翰林院檢討但鍾良弟六品銜知縣但蔭良堂弟但欽良勤良均被執不從死男女同沒者百三十五人提督巴揚阿始檄游擊賀萬年馮世興以千八百人徑廣興鎮來援十一日入州城廣依等分道西走安順五官屯北走安平飯



籠鋪陷護城團營生員黃金鏞陣沒再陷大河十三寨東走定番署  
知州恩常都司善保力禦之巴揚阿復遣萬年等邀之牛場依等由  
擺榜至大塘望城關署州判李崑城守乞援獨山知州侯雲沂遣牙  
州把總劉正朝馳赴依等旋退播翁趨羅斛州之董熙董熙細十二日  
依等陷歸化廳城署通判蘇布死之眷屬皆殉守備高鳳臨把總謝  
君實周北奎高飛鵬及紳楊金榜熊開祥鄭文炳羅廷蕙生員堯啓  
福周魯堂同沒石部自興義來黔者猶絡繹不絕十三日周夔復永  
甯州城夔聞永甯陷亟攻下馬跑泉敗之保關進至象鼻嶺依等走  
打榜渡河折由募役司逼鎮甯州城募役司巡檢馬世臣死之鄉團  
多營屯避二十日署安順府知府周夔提標中軍全興擊廣依等於  
歸化陣沒夔全興由永甯疾馳至歸化十五里之連升關營甫定依  
等集合圍攻故敗把總張起發等同沒先是夔等遇依等竹英哨夔  
隊長田某卓大旗而前旗標田字依素憚提督田興恕謂其自來遽  
走夔等遂易之是日大雨或阻其行不聽至關遂散漫無整依等亦

漸聞非是悉衆來故全軍幾盡依等修歸化城垣徵民糧分由九旗  
合廣順部圖定番青巖巡撫劉源灝檄普安廳同知葉如松署安順  
府圖剿 六月廣依等連日走攻定番州分圖青巖迤南而東略近  
龍里貴定平伐巴揚阿馳赴青巖同團首候選知縣趙國澍等拒之  
遣都司王萬祥防龍里龍貴團多潰萬祥及署龍里知縣王藻入守  
廣依所部多集大壩羊場 廣依部在歸化乏糧且多疾棄城走駝  
魯枝尖坡哨 十一日復入廣順州城據之分攻定番長寨劉源灝  
檄葉如松赴援不至 依攻定番十三日團首羅德光等入城會署  
永安協鄂清遣守備易飛熊宋景山復至爭入德光等以無文憑給  
以糧登城拒之飛熊等旋攻入難民多被淫掠 二十三日廣依陷  
定番州城署知州恩常署定廣協善寶死之依等初掘地道恩常等  
灌破之伏地雷墮城遂入恩常善寶巷戰死學正何廷杰署都司周  
崑署吏目陳秉鈞署存城千總唐德署斷杉千總董應忠威遠把總  
王飛豹署青巖姚廷標署方番把總劉朝貴署外委歐陽標皆遇害



秉鈞妻蔣并僕婢殉於署時巴揚阿以憂回省檄王萬祥自青巖會馮世興等援 八月定番廣依部圍攻巴揚阿營於北距青巖十里長田劉源灝數檄葉如松援省至則同退青巖王萬祥賀萬年援至亦敗退桐木嶺源灝檄李崑等助防不進旋咨巴揚阿曰風聞該兵練自退青巖屢趣出防不惟逗遛不前竟敢於青巖附近搶割田谷本以救民而反以殃民言之殊堪髮指 適廣依部逼省城劉源灝趣興恕近援興恕適復甕安縣城因部署一切自率副將楊巖保等二千餘人赴省 二十三日會廣依陷長寨廳城署同知劉宗元署把總吳文彪死之廣依自定番出赤土長田屢攻青巖城趙國澍等拒守遂出三都趨長寨副將賈連升長寨營參將蹇謙遁邕陽宗元嬰城守依等擲火攻入西城宗元回署坐大堂大罵而死生員方文炳等遇害富謙連升皆褫職 二十八日田興恕至省城近省事方劇民心爲之稍安興恕圖先規定番獨山再剿平麻并分軍出遵義進湄龍 十二月田興恕將率軍圖定番遣副將李有恆先期進安



義鎮趙德昌亦遣畢赤營游擊諶永昌以九百人赴廣順廣依等潰  
廣順宗角汛防練旋圍永昌及游擊徐遇恩營於海馬塘游擊陳銘  
勳方以八百人至州南鹽井援却之德昌率千餘人馳至巴茅哨應  
興怒

咸豐十一年

辛酉 春正月

田興怒至青巖檄副將周學桂等攻

定番城檄候選同知直隸州趙國澍緝斬奸商錚鹽濟廣依部者初  
四日地雷發城圯數丈依等完守力拒不克會有內訌初九日學桂  
等乘大霧薄城定番州城復初十日吳永昌諶永昌廣順州知州趙  
煦等分攻長寨廣依聞定番破無守志於次日夜走長寨廳城復興  
怒檄學桂移攻土地關關南間道可達安順預檄趙德昌派隊趨赴  
安順遇依等西走十三日廣依至安順舊州學桂等由會周馬場馳  
擊至車頭與楊巖保及參將毛克寬軍於大水橋疏安順糧道二十  
日營甫定依等遽至克寬迎戰擊殺數十人俄馬中礮仆克寬徒步  
戰沒軍大敗巖保等棄輜重退守安平依等圍攻縣城學桂等聞警



自車頭馳援廣依等不虞軍至遽退走舊州去安平圍解 二月初  
六日歸化仲家葉桂林以衆附會廣依部自舊州薄府城趙德昌先  
馳至遣謀永昌等營城外鳳凰山金鍾山都司顧鴻營五官屯自與  
葉如松城守依等分攻各營勢頗張適周學桂楊巖保等繼至擊之  
依退走西北薄定南汛城德昌先遣汛把總熊啓鵬回拒守依等營  
五岔口旋間道走平遠以那戛北渡三岔河據豬場虎場學桂等躡  
擊敗之平遠渡六歸河走薄畢節縣城幾陷李有恆自峯頂山回守  
人心稍定依等據城東梓潼關 初九日田興恕以都勻副將周學  
桂及楊巖保自大定進援畢節至歸化塘時依等方據附城東南民  
房穴地實火藥其中每穴將成輒有難民走告李有恆尋露營千總  
高應選調得其處引水灌之城中復鑿穴或相佐練與依部相詈而  
罷依等益環攻樵蘇俱絕決響水灘三道溝斷汲道天輒雨有恆等  
聞學桂至約前後合擊十六日學桂進望城坡戰不利卻回頭鋪橋  
依分出軍後截之學桂等力戰三時不得出會巖保與守備田興發

援至引還兵勇沒者數百人復期有恆以二十五日再進時廣依等焚梓潼關圍益急學桂因鑒前敗遣都司莫金標守營參將王萬祥扼歸化橋防軍後自與嚴保游擊熊俊進攻牛場橋毀依部所設柵初團民樹柵橋上頗堅依部至委棄依部據柵扼守屢攻不克至是始破頗披靡學桂俊追至松樹灣軍後忽爲苗衆截斷戰殊劇學桂重創突圍出歸逾日卒俊馳突不得出墮牛場河死兵練死亡頗衆學桂俊所擊殺亦相當是時有恆亦出軍力擊以敵力拒卒不能與學桂軍會與恕復遣總兵吳安康來援 四月畢節圍久十八日雲南尋霑營千總高應選中槍沒有恆再約楊巖保等合攻 五月畢節圍七十餘日不能下寢懈依部有張遇恩者觀兵城外中礮斃所部降者四百人李有恆令薙髮編伍軍南門外當前敵終於疑慮內潰十二日悉走黔西新場畢節圍解有恆及嚴保等火其營吳安康方至大定有恆毀東南民房略盡 七月楊巖保等追擊廣依等於黔西新場分走溫水汛一入四川江津一走遵仁界之牛渡灘桐梓



團首黃仕昌禦擊敗死依部旋入綦江嚴保及吳安康副將周洪順  
梁正秀各率軍先後至桐梓次松坎遏守 冬十月吳安康壓迫廣  
依部出境

同治元年壬戌六月二閏八月會廣依復自四川敗由綦江入桐梓擊  
潰九壩團衆徑逼縣城旋去由婁山關長趨至板橋半留遵義半間  
道鴨溪走黔西正安州知州于鍾岳馳入遵義檄舉人張師敬分扼  
大龍山紅花岡把總鄧德全扼董公寺于鍾岳扼玉屏山并約副將  
全祖凱自南鄉趨馬坎關邀擊 十四日依等大至德全潰退湘山  
寺二十日遂攻城遵義府知府李德莪及護協李秉皋等分守內外  
城初遵義故無外城八年紳民蹇儀軒等倡捐剏修與內城僅一河  
隅十年始葺事至是外城民居得無恙保全者衆于鍾岳督諸軍力  
禦依等退據附城鄉村所部猶絡繹趨板橋樸老場逼綏陽四川總  
督駱秉章方奏遣雲南按察使劉嶽昭同游擊熊煥章吳安康來援  
廣依部薄黔西州城署知州汪維翰集團練力守依等出入各鄉



村寨趨大定大定府知府曹煥祈援李有恆二十七日有恆率軍至副將沈宏富先奉檄援黔西亦同日至秋九月廣依至綏陽署知縣李愈南及都司廖熙麟以五百人禦之猫猫埡被圍于鍾岳遣軍馳援始解仍迤赴黔西宏富敗之李有恆扼之大定然所部半四川游練土賊假翼王石達開幟計惟剽掠所至輒潰至是全祖凱復由遵義迤追至大定黔西間多奔總已河間道分走水城平遠旋薄郎岱廳城不得志至毛口河會李崑自永甯走援郎岱遂乘虛蔓入州境崑回擊追敗之李有恆亦遣軍自畢節來援值方渡河半濟擊之傷亡頗衆餘走雲南入霑益州去

附錄

莫庭芝胡繼學墓誌銘云公諱繼學字芝庭安徽省銅陵縣人曾祖國棋祖鏞父楷道光二十四年隨伯父台銅仁縣任受庭訓仕黔補普安廳照磨丁父憂奏留軍營咸豐三年前州牧徐正鰲以父執召公平永普茶夷服闋署貴陽府經八年周觀察



竹樓知安順府延公辦理軍務戡河頭寨公致書永紳王世楷示夷匪以德威駐兵黃葛樹通大路疊著戰功夷民粗安保升府經縣丞賞戴六品藍翎十年三月周觀察薦權州篆五月初四日髮逆石大開僞將禮天玉等十數萬寇盤江偕趙守戎率師禦之賊衆兵單公嘆曰吾事畢矣趙君速公回州謝曰兄差矣彼此堂皇禦寇永無城盤江爲隘舍此則糜爛葑屋何面目見查城父老寧死守此兄請便託告家人老母送省遂單騎馳驅叱咤力戰陣亡沙灣板樞樹下初五日城破公長子日新姪子日宣均遇寇不屈死事聞於朝奉上諭代理永甯州事候補府經歷縣丞胡繼學督師進剿力戰陣亡情殊可憫著從優加贈鑾儀衛經歷銜照守衛所千總陣亡並照四品官例世襲雲騎尉三代給予恩騎尉世襲罔替以慰忠魂欽此公生於嘉慶丁丑年二月初七日死事時年四十有四城復永人葬公父子象鼻嶺崇祀昭忠介第銘學仕鄂次子文昕文曜文暉文昶分

仕滇黔長女歸王生槃次女歸何生鉞均守志孫正剛正名正  
麟正心等正名嗣公長子襲職文暉執經庭門請爲墓誌曩與  
令先大夫雅託知己慕其忠勇謹序顛末爲之銘曰果毅胡公  
盤江死守不愧臣工堅強哲嗣不屈心雄爲子死孝爲臣死忠  
忠孝全節安定家風皇極錫命異數優隆丹書鐵券帶礪攸同  
天財吉穴卜葬厥躬獅山象嶺慶衍斯螽春秋俎豆祀典尊崇  
汗青留照足慰幽衷恆嶽峙北九華江東龍碑百尺電影搖紅  
胡繼學殉永甯之難距就任未一月也當警報初傳時方深夜  
因令盧小田者馳撤盤江橋殊小田至新鋪困而酣臥比天明  
太平軍已紛紛渡江來繼學倉卒應變母方病臥入辭淚承於  
睫告語左右煎藥須和木香心亂腹飢索食不得遂匆匆馳出  
過二門幼子牽衣不肯釋手繼學痛澈心脾揮之去甫出城太  
平軍已大至見其乘馬知爲胡么頭么頭者太平軍呼清廷官  
吏之謂也遂及於難太平軍入署繼學長子袒腹受刃姪女已



笄繼學次子亟手刃之俾自全入上房見供有神主叢矛並下  
蓋數十傷以其爲么頭之祖宗云於此可知太平軍疾清廷官  
吏之甚矣

清國史周夔本傳云周夔江蘇吳縣人由監生於道光三十年  
選貴州永甯州知州咸豐元年調黃平州四年捐輸軍餉並勸  
修黃平州城議敘五年郎岱鎮甯夷匪滋事逆寨盤折百餘里  
養馬蜜蜂二寨兇悍尤著夔偵得養馬寨賊衆麇集偕署平遠  
州知州沈世良帶勇越山而入前後截擊疊次獲勝復有桐梓  
餘匪勾結黔西土匪竄擾大定畢節等處夔率所部會合夾攻  
擒其渠魁餘黨肅清貴州巡撫蔣霽遠奏入賞戴花翎並加運  
同銜六年黃平失守部議開缺時夔先期撥署郎岱各所印務  
缺任已久霽遠據實奏請更正得旨允行七年捐輸米石以同  
知候選八年勦辦鎮遠等處苗教各匪並克復永從縣出力奏  
獎以知府留於貴州補用九年署安順府知府時仲夷滋事夔

調兵練督同知州左茂森討之擒首從各匪六十餘名尋進薄隴夏柴薪兩寨並將河頭寨攻破各夷紛紛投誠波玉河至定南一帶以次平靖捷聞得旨遇有道員缺出請旨簡放十年賊竄永甯夔偕參將全興督兵由關嶺進勦擒斬無算乘勝攻象鼻嶺賊敗我軍直抵永甯州城下登城一呼殲賊甚衆州城克復旋有另股逆匪分陷歸化廳城夔領軍進擊次連升關距城五里許以賊衆兵單被賊裹入重圍力竭死之事聞得旨照道員陣亡例議卹並准建立專祠尋賜卹如例賞騎都尉世職

字竹樓

國史全興傳全興蒙古正黃旗人始祖俄奔岱以功封三等男爵全興由閒散於道光十六年襲爵咸豐三年揀發貴州以副將用五年奉貴州巡撫蔣霽遠等檄赴安順屬之老鴨石地方勦辦竄匪遇伏失機利摘去頂戴六年正月安順雙堡地方狝夷不靖踞杉木窩負嵎滋擾全興奉檄往勦會同在籍庶吉士



丁寶楨督帶兵練由海旗堡攻入賊迎拒力戰敗之陣斬多名並毀水塘等處賊巢賊來撲營復殄三百餘名餘奔潰我軍奮勇追殺直抵杉木窩四面兜擊戮賊四五百名盡毀其寨復經雲南鹽法道王成璐派兵伏隘迎擊擒逆首羅國玉等三名斬以殉地方肅清蔣爵遠得旨嘉獎十月以克復大塘汛出力開復頂戴八月補清江協副將十年粵匪竄擾黔省首陷永甯踞之全興偕署安順府知府周夔督兵追勦戰於關嶺擒悍賊四十餘名斬馘無算乘勝進攻象鼻嶺兵勇奮力夾擊賊敗退官軍鼓勇直前抵永甯城下躍而登殄賊數百俘百七十餘名復州城時歸化廳城亦經賊陷全興等移軍赴援進紮距城五里之連升關賊麇集我兵勢單被賊兜圍數重全興與周夔麾軍衝殺力竭均死之事聞從優賜卹如例予諡莊勇賞騎都尉世職同治元年准於歸化廳建立專祠

莫友芝邵亭遺詩安順守周竹樓夔旣以兵復永甯州追賊至

歸化廳後軍不繼死之一首云延南死石開州延北死江邊義

石虎臣字寅谷昆明進士知開州江炳琳字介侯江津舉黔江人知邊義縣並善戰屢有功得錫勇號去年先後死

千里撤重關嶺路千盤益難備閔雨不到地涸海常生煙區區  
有源水甯救石火燔周侯一麾障南壁悍髮強回皆辟易周侯  
士氣一當百糜爛安莊還衽席材官如林但嗟愕五更拔隊風  
火行躡賊已過和宏城後勁隔絕孤軍撐剡州甘爲萬歲死隴  
上不救陳安生嗚呼周侯好名逾食色所至謳歌騰石墨慷慨  
常存馬革心似此殉名良亦得回首鄉關意何極

但鍾良字小湖道光十八年進士翰林院檢討武英殿協修兩  
淮鹽運使但明倫之子明倫臨膏腴之地處潤自豐嘗輦鉅金  
築園廣順引河水入城擅池館林園之勝居處優崇冠冕一時  
致爲人所指目時玻璃初入黔人至驚爲水晶宮焉城破之後  
諸凡毀滅基址徒存人有傳其點綴之精者謂樓台雖毀而蓄  
禽鳥之一角鐵網架思連綿至廣石均雕刻精工細膩山石尤



玲瓏可愛信名園也或又曰明倫在揚州時曾以八十萬金餉  
太平軍以不入揚州為條件當時頗遭物議而揚州卒不能免  
廣順之陷於此不無影響云

顏嗣徽望眉草堂詩集西園

自太史家傍河築西園甚宏麗庚申五月五日城陷太史遇害諸姬

赴水殉焉家人某挈遺孤以逃而園亦尋廢矣生

存華屋零落邱山是可歌也得六百九十餘言 一首云西風

吹雨灑黃蘆見說蕪城此更蕪苑內殘花春少燕門前疆柳晚  
藏烏往日花柳紛在目往年勝事誰能續樽前強為訴興亡欲  
語吞聲還顰蹙感憶昔此地擅豪華累葉承恩內翰家萬卷縹緗  
開甲第兩朝蟬冕襲宮紗頭角嶄然君更好弱元銅龍通籍早  
柱笏貪看羅甸山挂冠不上承明草歸來重理舊平泉冉冉騰  
脂一水鮮綈几羅廚華月下飛甍繡柱錦江邊銀籥撥開金屈  
戌一重掩映一重出鈿砌移紅種海棠雕櫳罨碧垂盧橘蠟淚  
成堆徹曉明當階燈火九微擎高處料應凌紫府游來不敢唾  
青城尊君視離長淮岸金穴銅山蓄朽貫和嶠日將錢篋擬王

戎夜持牙籌算囊有豪貲興更濃平居服食擬王公貂裘蔽暖  
呼衣監懶隨求酥問宰饗名士合作名園主十斛明珠買歌舞  
反腰貼地鬪新妝擎掌迎風翻舊譜謝女工吟潘女愁雪兒善  
律香兒謳翠袖淺斟玻璃瓊銀鬢低按鈿篋篋結綰同心玉比  
美豆種相思木連理蛺蝶雙雙拂珮環鴛鴦隊隊嬌羅綺隊隊  
雙雙結束工呼伴嬉春圖繪同仙侶銖衣飄蕙帶美人畫槳采  
芙蓉朝雲暮雨溫柔裏占斷春光招不起自矜意氣本無窮自  
詡風流長如此佳景端陽綵鷁浮解纜筵開樂未休忽驚鼙鼓  
動地至鳴鏑飛刃風颼颼鐵騎奔騰殺氣逼一羣嬌鳥嘶荆棘  
可憐細骨并輕軀拋向桃花浪中溺復壁搜劫何恣橫遺孤三  
尺最伶仃漫許知交依文舉僅存傭保任王成倉皇萬事皆瓦  
裂從此朱門絃管歇字簷時竄鼯羣牆壁爭穿狐兔穴銀扉  
晝掩東西廂寂寂鬱金教妓堂層樓疊閣參差列榜額傾圮誰  
能詳闌干十二曲曲轉品字藏書弓字館

皆園內亭  
臺舊式

文窗無復



護綠紗欹橋尙是垂紅板粉澤脂香踏作泥無情流水知不知  
庭前野鶻閒調子簾外寒蟲暗吐絲金谷園林總衰謝綠珠子  
第都物化蒼蘚埋埋蟋蟀益碧桃壓倒鞦韆架破寺鐘聲出翠  
微斷阡殘陌付斜暉傷感故家零落盡不堪城市景全非往來  
冠蓋稀投足經年夜夜閉門屋芳魂應化杜鵑啼明月常照觴  
饌哭興慶連昌亦廢荒京華烽火更茫茫盈虛消長知何極搔  
首歎歎總斷腸

塞閫先府君行狀有云舊時城外居民與城內相埒延表約十  
里甲寅被兵因無捍蔽一炬燬燼賊退後議建外城邑侯江公

介侯

炳琳

請先君與張丈星齋

朝輔

總其事計費緡數萬役工

約三十餘萬衆有難色先君曰樂成易慮始難利在百年道謀  
豈復有濟時惟晉丈森林廷榮韓君進修正德等數人與先君  
議合乃約共爲規畫卒底於成嗣髮號各匪圍攻數年居民及  
附近避賊者不下數千戶皆恃新城得以保全云

蕭光遠紀亂詩云閏八月之初警來自桐梓長毛伏九壩勢如  
蜂擁起婁關險不防醜徒意外喜直入無人境一夜馳百里驅  
馬踰萬匹渾莫辨首尾輔山作長圍如獵捕鹿豕或夫喪其妻  
或母失其子雞鶩尙靡遺牛羊焉逃死有谷不反收橫斜在隴  
坻扶老攜幼來兩城附如蟻何物稱翼王後勁逼城址守令逸  
擊勞相機與敵抵礮聲震捷山戰血滴湘水負郭挺戈矛冒圍  
交石矢我日登高望壯哉有三士更羨東里英排隊濟軍米蹂  
躪四旬久環攻三日止羣醜整軍去尾追亦徒爾毛賊未出境  
號徒早紛起

第四十六章 余誠義之役

咸豐十一年

辛酉 八六一

春正月二十一日太平軍翼王石達開別遣

隊余誠義復自廣西南丹州入荔波渡舊縣河

水自縣東南折南入東來過縣南折南入

江龍二十一日陷荔波縣城守備曾佩麟一作麟千總王化龍死之主講

荔水書院貢生李國材大罵而死民死甚衆攝知縣兼署都勻府知



府吳德容游擊范定邦等時駐方村城虛無防故陷巡撫劉源灝嚴  
 檄進軍規復 三月初四日吳德容范定邦入荔波縣城德容等奉  
 檄復進阻雨逾月至是報收復誠義東出九千徑古州車寨至九朝  
 旋圍黎平署知府袁鴻基代理古州鎮成應洪等力禦誠義分據城  
 外大燄山文筆峯鴻基告急 初成應洪以永從六洞苗數反復親  
 往撫定之會誠義復至據黎平寨攻府城應洪與守備穆雙有姚廷  
 楨擊走之把總唐發與戰沒未幾路團苗起應余誠義悉衆至營萬  
 福山遏緝道會知府北琛至靖州先遣守備彭蓋勳率六百人至誠  
 義退黎平寨前定番州千總鄧元春因失守從敵至是由構洞遣人  
 約應洪爲應二十五日應洪率諸軍攻入三什江江府西十里匯入舟  
 路團都司周啓祥戰死元春由中起擊誠義退走錦屏貴東道韓超  
 適遣把總吳開相等迎擊遂走印溪開泰東三十里高屯入湖南境  
 去與大隊合

第四十七章 石達開之役

同治元年壬戌六月二八夏四月太平軍翼王石達開先於去年分軍入湖北來鳳自出湖南靖州沅州共圖蜀以同治元年正月合兩軍而西由利川僻徑趨四川之涪州境三月進圍涪州城川軍唐友耕與湘軍劉嶽昭內外夾攻大敗四月移軍綦江又爲知府唐炯所拒達開慮陷敵非計遂收拾餘衆入貴州正桐界至松坎各團望風潰走署正安州知州陳鑄署桐梓縣知縣蕭培基告急遵義府知府于鍾岳等急馳還遵義西北邊防會獲諜知由南川敗入人心稍定團衆仍回禦六月達開部退敘永遵義府解嚴旋又由仁懷突入遵義北鄉海龍壩會雲貴總督勞崇光赴貴州查辦教案道出綏陽之旺草汛達開部方爲副將沈宏富擊敗遮於道崇光檄宏富等飛援時田興恕自省赴川適至率軍先進與宏富合擊敗之被興恕壓迫入川去

附錄

蕭光遠紀亂詩云蜀人苦短韃黔人忌長毛毛賊竄相境氣陵



遵北郊時維四月中村村插良苗農務各自勤猥云賊尙遙近  
守木坊營遠恃鐵索橋賊行速如鬼不壘亦不濠馬騰蹄踏鐵  
豺噬口銜刀布藜足不傷投刃虜不撓虜踰萬夫衆吾敢一勝  
僥暴風捲營柵賊兆心私切平明未蓐食駭見髮森森練目遽  
先奔團丁誰再招此敗雖人事此輩亦天驕于公來視師迎擊  
斬其梟虜衆若蜂擁我寡誠難逃軍有全國法師占左次爻中  
夜又驚起市虎百□□力護我行寸鐵不曾操飛箭思魯連  
投筆愧班超書生不知兵北山騰笑嘲賊由北而西十室九悲  
號我當禦寇時咫尺鋒刃交事過轉心悸聊用作歌謠

第四十八章 李文彩之役

同治二年

癸亥 一八六三

秋九月太平軍翼王石達開別遣隊李復猷部

李文彬由湖南敗走通道縣之播陽所地通黎平洪州地青署黎平  
知府馬樹清署參將李秀祥設防代古州鎮總兵成應洪赴援府城  
十月成應洪率軍由地青進至下溜營初立十一日文彩率李輔乘

大霧突至應洪及署游擊雷三佳在籍貞豐州學正姜吉瑞倉皇拒戰軍潰吉瑞陣沒應洪三佳爲李部馬隊衝散走四寨李入地青中朝旋入屯竹平馬樹清祈援楚軍總兵周洪印遣參將李金榜游擊滕加洪先後率千人來赴應洪三佳集潰練調團圖再舉 十六日李由竹平分黨攻四寨會已降六洞苗首梁維幹截清軍後三佳再敗陣沒李益張據坑洞也洞四寨 十二月初一日李仍據四寨巡撫張亮基咨湖南促周洪印援剿請以洪印銳字右營參將李金榜護理古州鎮檄參將金太文由銅仁馳援湘撫惲世臨奏略曰連日據總兵周洪印稱李七即李文自竹平退據四寨河地與粵西毗通古州恃險負固分結苗衆余老科羅光明等與爲狼狽靖州相距三百餘里楚邊防兵分駐黎平城外人數不及五千勢難深入且據吳自發稱苗賊九松等率黨萬餘聲言分竄沅晃諸隘戒嚴洪印一軍不能不留駐靖州以資兼顧臣復調參將彭炳武等移赴通道調總兵趙福元移赴武崗先將楚邊布置周密以便相機進剿惟客兵越境



道路生疎兼之賊踪飄忽無常若伺楚師入黔而突出以襲其後則  
進退既屬兩難或楚師進偪而賊衆復已他走則進剿亦將不及李  
七爲李復猷悍黨兇狡與復猷埒年來隨同石達開滋掠數省多係  
百戰之餘黔中苗教諸賊雖扇亂有年究皆烏合倘李七合黨漸習  
髮賊伎倆必爲楚粵黔三省大患應請敕下雲貴廣西督撫迅派得  
力兵勇分由黎古融懷進攻一俟黔粵兵勇到齊臣卽飭周洪印等  
出境會剿能將此股悉數掃蕩斯苗教諸賊懾於聲威剿撫亦當較  
易

同治三年甲子八六四春正月李部攻九洞將出竹平新洞圖黎平梁  
維幹出平寨應之馬樹清以都司梁承琛襲擊旋遣間入四寨解散  
脅從因約楚軍伏山谷鳴鼓縱火李部驚走弄反平江三保羊洞育  
洞周洪印至黎平出扼地里張亮基奏請三省會剿以楚軍擊其東  
粵軍出獨荔截其西而促金太文等會廣西巡撫張凱嵩旋以撫標  
參將楊廷桂率七營來會太文不進二月平江李部連日回順寨漂

寨周洪印同李金榜知府戈鑑等擊走之適永州鎮王永章趙福元率楚軍先後至同進軍王嶺汛三月李部入據獨山紀賴旁寨水播略至三洞楊廷桂及副將黃仲慶自荔波進軍周覃三洞水利函約周洪印出定旦壩街擊李後復檄候選知縣廖景淇率團衆扼爛土防竄獨山李部僅二千據險不得下亮基促金太文馳赴黎古防軍後太文先屢以餉缺爲言至是得楚餉始次王嶺 四月楊廷桂黃仲慶等奪據新寨小嶺連下八猫佳洛諸寨逼已賴李部糧匱潛令水家土人備火具將夜走廷桂訶知慮入省亟陳張亮基請檄副將全祖凱扼爛土中安鷄場適戈鑑等至板妙署都勻府兼荔波縣知縣彭培垣亦往會十三日廷桂仲慶約三路進攻李部猶分黨相持會周洪印及參將彭炳武等續至橫擊大敗李文彩先奔各寨皆下文彩走三脚合羅光明屯八寨境初洪印進都江金太文始遣三百餘人來會洪印屢促太文復以糧缺爲言其前隊甫至八開遽爲苗敗太文退黎平而已撫八蒙諸寨以官勒糧復集定旦將叛洪印再



撫乃定至是洪印以輓運掣肘後路多梗又得湘撫檄令察酌緩急以定行止毋遽懸軍深入十七日遂撤軍回上江平江仍爲李據於是亮基以文彩已遁廷桂孤軍無繼奏請仍飭洪印等回軍會剿以太文逗遛革職留營李部餘黨多走爛土出來衝平浪走獨山東北十五里之擺九李文彩走爛土巴佑千總廖景奎等馳援不利文彩圍之巴佑洞景奎突圍脫回創沒文彩轉爛土由三脚大河潰翁奇圍營楊廷桂留防水播以黃仲慶馳援全祖凱亦至獨山州城六月黃仲慶自擺九進獨山約全祖凱由深河橋會擊兔場翁奇李部悉退都勻八寨合羅光明楊廷桂以軍中多病旋由思恩撤退請裁病卒簡軍伍候楚軍回始會剿七月李部攻楊柳頭彭培垣同荔波游擊范定邦合周覃三洞練團卻之八月李部與齋苗復據上江平江八遂略走永從灑洞楊廷桂時自慶遠移軍懷遠屬古宣斗江防禦黎平府知府徐達邦遣古州同知方憲修往祈會攻九月李文彩結羅光明余老科合趨古州隴頭寨署古州鎮劉元勳定旦游

擊莫芝茂及穆雙有駐防王嶺張亮基以李文彩與齋苗聯合爲害甚大奏請三省會剿十一月李部復入據黎平三洞張亮基檄楊廷桂由古宜移攻廷桂旋遣游擊孔憲隆進攻播揚

同治四年乙丑八六五春三月李部圖荔波時湖南餉道均改經廣西入獨荔達省故李覲之於是楊廷桂復率粵軍進次黎平長春堡與劉元勳金太文徐達邦等會湘軍進攻李部黎平舉人胡長新稟言髮賊實由多匪糾入以大洞爲巢穴六洞苗以髮賊爲爪牙負固相結若非并剿盡淨終屬巨禍

同治七年戊辰八六八夏六月援黔川軍統領唐炯率副將謝鴻章吳洪貴總兵李啓貴等克苗教李復猷部李文彩開關降炯遣文彩及降人劉俊民等追老教主劉儀順至楊保河禽以獻解四川伏誅再遣文彩赴都勻八寨諭黑苗柳天成降約候大軍至從中起應文彩等變去

同治八年己巳八六九春三月提督張文德等出都勻規八寨苗教結



李部粵賊拒軍 六月初張文德進規八寨至都勻或說宜以重兵屯瓶口顧後路糧餉文德易之敵由望瓶口斷餉道故敗於是李文彩等勢復張

同治九年

庚一八七午

夏四月李文彩據都勻平浪定廣協副將何雄

輝將率八營由凱口平浪進軍而患平浪李文彩躡其後 十一月初五日何雄輝與李文彩相持於平浪文彩分黨略小爛土擊走之戰稍利文彩約降遂不出會郭里陳建勛等亦反正雄輝無阻因得以建勛導由郭里進軍擺雪遣都司韋日昌等四營間道薛家堡大橋初八夜直襲都勻府城苗教以文彩降故多走入寨餘敗散遂入城雄輝仍劄尖坡巡撫曾璧光檄雄輝署理都勻協副將入守檄游擊李上榮填劄獨山凱口上榮進軍再擊走爛土敵 十二月初二日李文彩赴何雄輝營降以洋槍隊數十從雄輝令編其衆入伍遣游擊蒲廣懋監其軍仍駐平浪

同治十年

辛一八七未

春正月二十二日李文彩結李高脚殺管帶游

擊蒲廣懋復起於平浪提督周達武亟調總兵何世善由瓊安移軍來攻高脚遂合走獨山平洲之巴窩四寨二十四日陷麥衝雄輝退避文彩伏兵要於道營官陳德昌都司韋日昌及練丁百數十人皆死雄輝至馬尾大河都勻防軍不能守皆走府城仍陷烽燧直接邦水甕朗谷濛大江曾璧光責雄輝曰都勻復後卽將該鎮奏請優獎接署協篆原期固守嚴防以作干城之倚屢經飭令籌畫萬全至再至三乃該鎮未久卽遠駐麥衝屢促不還收復降人復不能善爲控馭以致反側無常變生意外實屬咎無可辭初文彩以平浪降實顯陰假雄輝道入都勻而因以困之雄輝以此得間道先入都勻旣知都勻不可守又慮爲賊算乃出駐麥衝得免於難文彩之降實廣懋爲之請及發難而廣懋遂先死 二月何雄輝遣隊擊賊勻獨間之普林軍功王智慧陣亡復分攻都勻戰稍利游擊戴長源從九何雄森中槍沒於陣降人鍾鈞佩亦禦敵邦水陣沒雄輝以孤軍無助請飭李上榮軍會勦璧光刻半月期令復城取李文彩贖咎雄輝旋以



傷病發乞退是時都勻四面皆警文彩據平浪十五日達武出次貴定檄何世善移擊平浪文彩敗走鷄買河回四寨達武至平浪雄輝再祈病請撤許之仍以張樑署都勻協副將五月二十三日李文彩與黑苗柳天成子阿二奔箠箕寨附馬登科不克自立六月李文彩益狼狽與柳阿二等走三脚旋走據凱里太平堡復結苗教黨走金坑至施秉之馬腦哨繼至思州鎮遠間之牛塘爲副將李得貴聚殲死亂軍中

#### 第四十九章 賈福保之役

咸豐八年一八五八年冬十二月十六日千總賈福保變結陳紹虞等襲陷甕安縣城署知縣劉昇平遁平越福保本姓何名添源千總賈玉美養子頗驍幹昇平以平越復請給五品頂戴紹虞既降平甕團不堪其虐昇平堅信不疑轉遣外委柏占元往慰之及從兵四人皆被害昇平不設備比禍作乃以平越團首李樹德激變告巡撫蔣蔚遠褫玉美職以平越州知州石虎臣督辦甕安軍務虎臣率師至中

平福保退玉華山

咸豐九年

己未 八五九

春三月賈福保走合黃平苗教掠七甲六品軍

功襲得勝敗之黃平州知州李春華又襲敗之會陳紹虞略至天文

春華馳擊福保乘之團練多傷

秋八月初三日參將趙德昌圖王

卡何得勝方回上大平遂破之賈福保原與何得勝相結至是來援

生員熊枚等邀敗之追至三十三灣 冬十一月賈福保何得勝由

定扒過大兩岔河圍攻團營六品軍功趙德光渡河躡擊敗之溺斬

無數 十二月賈福保何得勝據開州羊場蔓延札佐修文省城戒

嚴蔣爵遠方病乞假奏以海瑛護理巡撫檄趙德昌分三百人馳援

開州

咸豐十年

庚申 八六〇

春正月十三日巡撫蔣爵遠卒海瑛權巡撫事

檄飭諸軍云近來軍營氣習各雖剿賊實則距賊二三十里及賊乘

我始勉強接戰甚有見賊即退或因人勝攘為己功者現在由定扒

過江之賊

南十里 洛灣

當在羊場扛寨

省東北百五十里 開州東八十里

為省城肘腋患



前調諸軍會剿迄今未進開州賊實與扛寨羊場合開州現已得手則扛寨羊場賊勢已孤所調兵練加以鄉團何止萬餘若不乘此急攻貽患胡底 賈福保結苗教數千合拒於扛寨佐才戰敗中創走

貴定龍里舊縣敵走合扛寨敵趨大小谷龍大小田壩逼省城分

道出樂雍黑石蔓延崇義哨一作樂雍黑石距哨十里省城大震海瑛

飛檄賀萬年等由烏當貓場截擊德昌時在濫田灣後路已為敵斷

復馳五十里至貓場期與萬年等連營永樂堡泡江河龍里屬經二

月近省苗教諸敵剽略乾壩仙人撒網脚渡二比官莊所至殘破賀

萬年等由小龍谷龍退貓場趙德昌亦退永樂堡軍心渙散莫超宗

方敗退董龍寨旋檄防普渡河超宗一切委之蕭廷玉託病回海瑛

旋檄廷玉馳援開州顏佐才募練四千人約德昌出貓場合擊自由

烏當定扒至巴香會剿卒不至敵圍泡江河德昌拒卻之 三月賈

福保據巴香結苗擊潰鷄場壩元保寨團營 夏四月新授貴州巡

撫劉源灝至自省城時省東北數十里皆敵蹤 五月十七日賈福

保等陷修文縣城韓夢琦死之外委盧文明自戕妻殉典史張聰蘭  
遁初福保自札佐陷蕭廷玉於落邦廷玉回修文同守城紳以廷玉  
練多通敵願自保不令登陴團練復交訂因出駐油羅街再退鷄場  
千總楊通富先奉檄來援敵攻急豫繼城遁土匪顏大妹尹二費神  
陳雙應等啓之故陷 六月趙德光自鷄場進軍圍修文連破敵五  
壩新場大小諸場羊場壩民多思反正賈福保輒殺之民洵懼乃聯  
團自保會舉人陳象乾貢生陳文鳳等誅土匪陳雙應陳建中於六  
廣汛顏佐才亦由茶飯寨來會敗敵王關福保驅降民前與德光戰  
降衆則結清軍反攻敵悉走十四日德光復修文縣城趙德昌復遣  
德光追敵落邦 八月賈福保屢分黨圍白果寨泡江河貓場千總  
卜登友禦之走大小谷龍去 十月二十八日賈福保等退巴香趙  
德昌旋遣卜登友等出洛邦花金寨擊之福保等走尖坡旋渡清水  
江去江內略清

咸豐十一年辛酉春正月趙德光卜登友分扼清水江岸賈福



保復分衆渡小河犯德光營德光敗之保營羊場平寨德光率千總桑錦標等分出貨郎村先攻羊場復乘大雨疾攻平寨敵悉棄營走二月趙德光疊破走韓家營黃金營諸敵敵奔主戎山將渡南明河德光再敗之賈福保旋以衆降卜登友首請許之給六品頂翎更名復清令圖自効

第五十章 何得勝之役

咸豐九年己未夏五月燈花教首何得勝即何二強盜起據平越上大平與叛將賈福保結走略水場坡夾壁朵崖門關練目李樹德等團練不支退保王卡得勝復逕逼王卡爲平越西北要害東蔽開州接壤貴定 六月何得勝陷王卡據之阻餉道游擊兆喜先防甕開又調防兔場久不進至是副將趙德昌領其軍扼大麻窩 秋八月初三日趙德昌約平越州知州高本仁代辦平甕軍務王敬烈等設伏牛滾蕩青欄坡自率軍出光沙圖王卡何得勝方回上大平遂破之 福保來援貴定團首熊枚等邀敗之追至三十三灣旋走

陽平 冬十月初七日何得勝犯開州陷團首晏章漢三營於小牙  
屯守備周國泰自青蛇坡敗退白河雙山再退老鴉山敵出高隴金  
水竹茶寨數陷團營署開州知州鄭選士督團馳援敵再破白馬洞  
團營團首晏崑生敗沒蔓延修文安青翰林院庶吉士丁寶楨練退  
札佐省城爲震 十一月趙德昌仍上言巡撫蔣蔚遠勢難兼顧請  
以平越兵付高本仁守平越自得專守大麻窩遏王卡上大平敵趨  
北牌及走開州路不許何得勝結賈福保旋由省北四十里之定扒  
過大兩岔河圍攻團營六品軍功趙德光亦渡河躡擊敗之溺斬無  
算復進攻光沙燿姥老敵營周國泰李樹德時襲白沙雙山敵合青  
柵敵出柵木頭九道坎襲陷團首馬華豐團營掠高粱扼平羊場據  
米平會苗教走合薄開州城東北國泰回援敵竄至白馬洞團首晏  
章漢黃永盛禦之修文三板橋章漢陣沒永盛降敵時以戴鹿芝守  
開州鹿欲去練專用團國泰旋移養牛圈遇永盛適道敵至遽潰回  
永興敵追敗之五里山王廟再退順興場 十二月何得勝賈福保



據開州羊場扛寨 巡撫蔣蔚遠方病乞假奏以布政使海瑛護理  
巡撫海瑛檄蔣玉龍同已革候選州判顏佐才率仁懷練馳札佐鈔  
敵後檄遵義協李成錦仍由遵義南鄉攻敵前檄趙德昌分三百人  
馳援開州仍兼顧平越州城檄游擊馮世興賀萬年分二千人道出  
龍里貓場進勦江內羊場檄石阡府知府莫超宗前鎮甯州知州蕭  
廷玉出貴陽聯合團衆王聯芳等并督守備周國泰等出白泥會剿  
丁寶楨時由札佐進因遣貴陽游擊劉攀桂出防札佐平越敵東據  
黎莪坡西南據老燕山貓貓營附郭民柵盡毀僅遺孤城高本仁王  
敬烈拒守趙德昌馳援敗敵順巖河又遣趙德光過江敗敵水尾巴  
悉佐才道出養龍司遇敵敗之遂由牛角坡三板橋轉戰至毛栗鋪  
斬獲頗衆敵奔修文白崖據險守佐才急攻戴鹿芝亦遣練合擊敵  
敗由洞後走合側溪鹿溪督團練與相持官軍多傷佐才馳至合擊  
敵過河去佐才自養龍司至白巖馳二百餘里乘勝剽擊頗輕敵至  
是復出大水塘進剿敵合苗衆拒戰湖北試用知縣江鍼軍功黃紹

昱生員陳文熙敗沒

咸豐十年

庚申八六

春正月十三日巡撫蔣蔚遠卒海瑛權巡撫事

檄莫超宗賀萬年馮世興等云近來軍營氣習各雖勦賊實則距賊二三十里及賊乘我始勉強接戰甚有見賊即退或因人勝攘爲己功者現在由定扒過江之賊尙在羊場扛寨爲省城肘腋患前調諸軍會剿迄今未進開州賊實與扛寨羊場合開州現已得手則扛寨羊場賊勢已孤可調兵練加以鄉團何止萬餘若不乘此急攻貽患胡底時超宗國泰尙逗遛萬年世興屢摧始至羊場顏佐才亦自開州馳援約期并進會賈福保結苗教數千合拒於扛寨佐才戰敗中創走丁寶楨及超宗國泰諸軍相繼潰萬年等退保貓場敵過白泥剽掠巴香一帶 二十七日何得勝合貴定龍里舊縣苗衆趨大小谷龍大小田壩逼省城分道出樂雍黑石頭蔓至崇義哨省城大震海瑛飛檄賀萬年等由烏當貓場截擊趙德昌時在濫田灣後路已爲敵斷復馳五十里至貓場期與萬年等連營永樂堡泡江河 二



月何得勝與苗衆合剽略近省百里之乾壩仙人撒網脚渡二比官莊所至殘破賀萬年等由小龍谷龍退貓場趙德昌亦退永樂堡軍心渙散莫超宗方敗退董龍寨旋檄防普渡河超宗一切委之蕭廷玉託病回海瑛旋檄廷玉馳援開州顏佐才募練四千人約德昌出貓場合擊自由烏當定扒至巴香會剿卒不至得勝圍泡江河德昌拒却之 三月開州知州戴鹿芝以何得勝等出沒扛寨羊場方耕作單騎赴敵說之降得勝留鹿芝殊無降意鹿芝謾罵之得勝謂是好官不敢犯亦不擾開州境者累月民賴以耕後百餘日得勝仍以肩輿送鹿芝還貴陽營遊擊劉攀桂及職員何俊之軍潰於牛背場由白泥走札佐隨集攀桂及蕭廷玉復奔退沙子哨十三日遂陷札佐旋至三重堰海瑛檄趙德昌督近省諸軍防巴香以賀萬年防泡江河賈福保旋據巴香結苗衆擊潰鷄場壩元保寨團營賀萬年遣把總鄭洪外委楊福壽防把關亦潰 湘軍援黔副將田興恕自銅仁籌進規計奏以思南石阡爲湘黔要道請先肅清兩府繼剿湄甕

殲除賈河綏定省城再圖都麻黃平 夏四月新授貴州巡撫劉源  
灝至省城時省東北數十里皆敵蹤諸軍游弋略如故於是趙德  
昌節制近省諸軍德昌東以永樂堡把關貓場泡江河元保寨高栗  
木爲一路東北以新鋪水田壩三江橋麥穰寨烏當橫接永樂堡爲  
一路北以黑石頭沙子哨斑竹園札佐三重堰橫接水田壩爲一路  
三路官兵凡八千餘人分布設防 戴鹿芝復以五騎周視葦老寨  
扛寨羊場奇申寨定扒諸敵壘圖諭敵降間有猶豫者以牽制不果  
五月近省諸敵以太平軍故勢益張劉源灝檄趙德昌入城守巴  
香敵分略花馬衝趨龍里簸箕堡團衆多潰扛寨羊場敵復陷水田  
營守備戴雨先戰沒進至烏當趙德光馳擊敵少却源灝奏請敕提  
督田興恕赴援省城 秋七月趙德昌趙德光敗敵拐九進逼羊場  
扛寨白泥路稍通甕安鄉正王崇植亦馳至開州會剿開州團首千  
總余士舉營小江南圖貓貓山十萬溪 九月初七日趙德昌與參  
將趙德光等進攻羊場擊敵敵退守不出 冬十月二十八日田興



怒至省城近省民心爲之稍安軍事亦稍順利 十一月初一日趙德光等進擊羊場戴鹿芝方防江外金山寺敵因集開修團衆遣委員左茂森來會破走之連拔扛寨巖底敵敗過江走上大平去德光分軍防沿江諸隘 十二月上大平王卡敵攻參將何顯仕營於太平山副將沈宏富遣援至始却

咸豐十一年

辛酉 八六一

春正月趙德光與千總卜登友分扼清水江

岸上大平王卡敵來犯數卻之已復潛涉腰潭掠水尾分犯爛泥灣知縣孫清彥營登友馳援始退賈福保復分衆渡小河犯德光營德光敗之敵營羊場平寨德光率桑錦標等分出貨郎村先攻羊場敵潰復乘大雨疾攻平寨賊悉棄營走 二月趙德光疊破走韓家營黃金營諸敵敵奔主戎山將渡南明河德光再敗之賈福保旋以衆降卜登友爲請許之給六品頂翎更名復清令圖自効 三月何得勝疾賈復清降屠其家復清憤率衆渡江與守備卜登仲破大小卡及花牙敵逼王卡卜登友營江內爲聲援 夏五月趙德光卜登友

進軍大麻窩圖王卡卡前爲江外楊司左爲郭家莊右爲馬龍井德  
光以登友駐大麻窩自進紫沙坡遣千總何成龍等乘夜誘敵出而  
以千總葉有貴等潛出敵後火其寨遂破楊司德光乘勢下郭家莊  
馬龍井王卡敵猶守 六月王卡敵犯泡江河狗扒巖游擊馮世興  
却之世興先奉檄與都司賀朝岡會軍攻變苗潘名杰旣又檄赴白  
巖助趙德光剿王卡以敵數擾皆不果 秋七月十九日何得勝出  
犯趙德光營德光敗之得勝負傷走回王卡 八月何得勝固守王  
卡不出會其黨戴大五出降趙德光爲請給頂翎導軍進攻王卡前  
以腰籬溪新寨巖爲門戶旁則花巖梯子巖通大麻窩均險要十七  
日德光遣都司桑錦標王栢齡等以千人間道出敵後約卜登友由  
大麻窩進又遣軍功賈朝相分攻花巖而自率軍躡大武後攻王卡  
游擊崔登高亦由定扒河涵水登山五品軍功張樑等擊腰籬溪踏  
肩越牆斬關延軍入敵驚潰退新寨巖軍繼進登友軍亦自後出德  
光冒矢石越新寨突至王卡攻入敵盡靡何得勝乘亂由梯子巖逸



入上大平追之不及拔出難民三千人盡獲輜重德光以錦標登高朝相等分駐腰籬溪新寨巖自營王卡圖進攻

同治元年壬戌六二夏六月初八日何得勝結苗衆由冷水河復入

王卡并分據三十三道拐截趙德光軍後德光軍饑不堪用屢進復以糧竭回因力陳窘狀祈撥白泥羊場釐穀濟軍食勢稍振 秋七

月得勝黨以糧匱多出掠初八日德光率軍進攻以唐天佑洞敵情檄同進剿請飭各營力保糧道檄諸軍分據省東百里之大谷龍洗

馬河光沙 八月上大平宿倚玉華山及潘名杰等援應近略江內

遠逼省垣巡撫韓超提督田興恕檄總兵羅孝連移江外截敵歸路候選道趙國澍副將劉元興赴江內截敵白泥羊場會玉華山復趙

德光乘敵分出且失恃遣都司張樑出冷水河進攻小卡遣游擊彭蓋勳扼王卡接應自率死士三百人夜由梯子巖進攻夾子拐深溝

懸壁寬丈餘因攜木梯緣而上軍退無路因并力進一鼓破之十一日遂毀上大平何得勝已逸平殊廣衍房舍頗多德光以軍少且多

病難分守悉火之仍回軍光沙白泥羊場敵亦爲國樹等擊却旣而德光以病回省旋復爲敵據 九月何得勝自上大平北走江外青桐寨衆多饑遣黨西據江內毛栗莊開州白虎莊令輸穀江外爲復上大平計羅孝連先檄趙德光部副將田連考等速扼王卡自率軍次羊場扛寨間圖與趙國澍會剿德光旋馳還營屢請赴援郎岱韓超不許檄令專防王卡光沙時糧餉艱軍苦饑嘗謂衝鋒陷陣皆不動心一聞糧絕輒爲失措惟國澍等遏剿江內糧餉較便屢攻敵不下會張樑亦率軍來襲破白虎莊敵潰走棉花渡狗場壩 冬十一月何得勝等連日西走黃精桃花寨南出白泥羊場趙國澍遣軍阻擊敵回省東北百三十里之小頂卡韓超田興恕嚴檄副將全祖凱田宗澤田連考都司張樑商紹淮等併力會剿二十六日國澍遣千總張爾祥以數十人夜火黃精敵營敵驚走追破小頂卡北竄開州札佐一帶皆驚韓超田興恕再檄羅孝連及祖凱連孝等馳逐逾開州援剿時開州青桐寨敵竄楠木林團衆多潰荆竹團首佘士舉被



圍戴鹿芝祈援不至二十九日調開修諸團由龍旺河進擊敗還  
十二月十六日趙德光率軍圖乘敵出再襲取上大平至則敵已有  
備引還德光殿後敵追擊外委陸士奇陣沒彭蓋勳及軍功羅天佑  
王興功賈必祥趙永勝湯士恩均中創士卒殺傷頗衆 黃精小頂  
卡餘敵敗竄大谷光趙國澍等遣軍分擊敵復竄十萬溪各軍追圍  
之敵夜踰嶺東至河灣河外敵豫結筏濟之渡未畢追軍至逼敵半  
入水河內略清國澍等分營扼守定扒牛渡河河灣順巖河棉花渡  
防敵回竄

同治二年

癸亥 八六三

春正月二十日黃精敵至札佐全祖凱諸軍皆

潰退 二月趙德光軍次光沙苦饑疲不能進潘名杰潛結何得勝  
出省東北百五十里之尖坡紅巖河竄陷爛田灣營德光率軍過江  
由甲灣進擊潘中創敗走洛白河岔河去小屯旋爲江外敵攻破德  
光復馳回光沙 三月何得勝因潘名杰旣據岔河時分黨竄洛白  
略尖坡巴香蹙趙德光右得勝結龍頭寨青桐寨玉華山諸敵遏德

光前德光以二千餘人分扼王卡拒何得勝扼大麻窩梁家鋪遏岔河拒潘名杰又分軍駐洗馬河台上甲灣護糧道自駐光沙策應分駐百餘里糧道遠而多阻時時苦饑德光請添軍出平越牛場進剿分敵勢因進省陳軍情會敵分黨圍守備保定基梁家鋪營二十六日敵三大麻窩陷軍功黃德正營越日再陷谷光軍功金殿榮營蕨箕嶺不支悉退光沙德光聞警馳回 夏四月何得勝潘名杰等連營王卡與趙德光相持德光游擊時有斬獲敵集益衆清水江糧道亦梗敵攻梁家鋪急保定邦棄營走貴定彭蓋勳練擊走之敵旋進圖光沙營并兩岔糧路亦絕練多逃德光率衆突圍出走兩岔河敵追至河德光已渡隔岸相持失亡頗衆旋遣軍分扼清水江巴香洛邦洛白巡撫張亮基亟檄趙國澍扼爛田灣再檄副將盧培強率千練馳援德光至洗馬河集殘敗圖再進國澍旋請以江外專付德光仍回羊場復同德光稟言江外復營非難守之爲難誠復光沙王卡大麻窩梁家鋪數處卽需三千人駐守節節進剿尙需四五百人又



由梁家鋪至牛場七十餘里須二千餘人方能連營固糧路此但就中路言也左青桐寨玉華山右壩芒馬鞍山亦須分軍四路牽制庶易得手否則孤軍直入無益也是時游擊陳銘勳亦言下游諸賊都勻以羅光明爲最餘如谷里堡陳廷英莫永清鴉善堡羅六王阿溜堡陳小介皆其從也麻哈以潘名杰爲最餘如馬鞍山羅匡明擺郎藍三壽其從也其何得勝陳紹虞皆與羅潘等聲氣相通互爲援應我軍若右出都勻則羅光明據其前名杰襲其後左出平越則得勝據其前光明三壽襲其後都難得志若中出貴定圖麻哈則名杰據其前羅何左右夾擊更難得手數年來賊踪不常我軍無可如何者大都坐此 江外賊由祖戎竄入防營奔潰趙國澍聞警急自爛田灣馳回何得勝率敵涉棉花渡羊場諸營一時潰退白泥盧培強奉檄回援二十八日與國澍同至省東北百餘里之小腊鮓敵迤至兵練饑疲不能戰皆奔潰培強稍後陷敵被創仆伴死賊割其髮去得免國澍退至徐家園二十九日敵追奔至候選道趙國澍力戰陣沒

敵進至省東北四十五里之水田壩 五月初二日節制近省諸軍  
趙德昌率軍出三江橋敗敵水田壩追奔至徐家園初九日進軍白  
泥 十一日江外諸敵多趨開州何得勝據距州二十餘里之斗山  
屯都司商肇淮馳援不利十六日守備袁學先陣亡敵走圍商營并  
分據州東八里之鼎照戴鹿芝乞援趙德昌 六月趙德昌援至開  
州敵稍戢商肇淮出擊不利千總孫德勝陣沒德昌逼鼎照屢攻不  
下則遣游擊張玉林張德隆等乘夜襲斗山屯以蹙敵初十日何得  
勝夜棄鼎照走德昌遣軍追擊頗有斬獲敵多出開州北四十里之  
馬江山竄馬跨窺西望山餘敵仍多游弋江內 秋七月張亮基檄  
趙德昌進剿江外移總兵楊巖保由白泥防剿沿江一帶以趙德光  
爲翼長保進圖潘名杰 候選知縣商景暘營兩路口同商肇淮圖  
攻馬跨河何得勝率苗衆分據開州西南涼水井截新馬場千總張  
占才守備商景明糧路會老寨團首黃安邦叛附敵張亮基復檄都  
司吳正連參將胡德勝出中大樓截剿防敵竄修文路總兵沈宏富



亦遣游擊解占標等援至青堰肇淮約進援不赴二十三日占才景明營陷兵練死者千人并分圍諸營米糧軍火皆絕二十六日全祖凱始馳至不能援肇淮景暘正連得勝占標等諸軍同陷死亡略盡軍械皆委敵肇淮等以殘軍奔札佐養牛圈白馬洞祖凱猶駐軍洪水時游擊余世舉拒洛旺過江敵數戰不利亦祈援 八月副將何顯仕至開州糧少留八百人駐防自率軍出駐三板橋全祖凱遣鄒開貴等來會分軍過石筭河營胡豆山潰於賊顯仕等馳援不利顯仕以三板橋當敵中祖凱營洪水擊敵左右路馬江山無軍養牛圈狗場當糧道慮敵扼要害以蹙我請分軍駐守未至而敵入糧運皆阻因進圍顯仕營十餘日沈宏富自札佐遣商肇淮等由狗場進援二十九日敵陷三板橋營顯仕力戰死兵練死亡略盡 九月初六日何得勝陷開州城按察使銜候補道攝理開州知州戴鹿芝死之自三板橋營陷諸軍悉潰沈宏富由養牛圈退札佐僅餘親兵百餘名開州孤城無守敵自北門入鹿芝方守西城遽率子詠及親丁直

犯得勝得勝慰謝之鹿芝首撞得勝大呼曰汝速殺我全家勿傷百姓一人因被害子詠殉妻姚縊於署得勝素敬鹿芝至是感動因諭羣從勿妄殺以故民無大傷余士舉旋以團衆降得勝時巡撫張亮基奏請議卹鹿芝有曰戴鹿芝居官愷悌報政廉勤吏畏其威民懷其德智能禦寇屢蕩鴟張勇不顧身曾入虎穴樹一方之保障盡瘁殫忠嬰五載之危城成仁取義云云嗚呼如鹿芝者可謂賢矣勿傷百姓一人一語直與煤山之殉同一聲口令人哀思無暨時至今日安得再有斯人哉宏富旋自請參處謂身經百戰未有如此之一敗塗地旋檄赴省 開州敵絡繹過江去趙德昌遣都司張玉林於二十一日馳入城未幾仍退駐燕子磯敵竄羊郎息烽蘿蔔洞沈宏富潰練皆與敵合團初見衣幟不敢擊敵因愈肆會修文知縣白夢蟾出防諭令截殺德昌軍至札佐夢蟾赴營祈援敵已擊潰修文團首王三錫團奪據西山復由鷄場壩竄銅鼓寨劉元勳時奉檄辦理修文養龍五保并遵西鄉團務至養龍以團練多潰散不敷防剿亦



請添練夢蟾仍回防開州敵愈張楊巖保退白泥張亮基檄趙德光自率軍馳赴白泥同趙德昌進剿二十六日德光布防各營自移軍洗馬河 冬十月初二日開州敵竄白泥趙德光由洗馬河馳援至麻陽河張樑及游擊崔登高楊巖保諸軍已潰於拐二界牌巖保等奔水田壩德光連夜馳擊敗之以孤軍仍退過河扼麻陽張亮基檄全祖凱馳赴白泥敵旋走馬場哨上旁軼札佐至三重堰初七日札佐巡檢李特夫率團衆禦敵場上被禽不屈大罵死之妻陳子傳鼎傳訓子婦吳氏童氏孫一均遇害於是德光以何得勝遠出其根據地上大平必虛裏三日糧渡清水江經大麻窩王卡潛軍至上大平會阻兩行遲爲敵覺固守不克亮基以敵逼復檄赴省 十一日何得勝陷修文縣城知縣白夢蟾死之初夢蟾以署典史施耀曾教諭陳瑤章赴六廣聯團遣汛外委楊清枚出防洛邦自率民衆居守得勝連陷五保劉元勳退守烏江團練多散趙德昌自札佐遺都司盧培強出城三里扼敵戰沒又檄游擊李忠恕自黔西由黃沙渡出九

莊邀擊西山羊郎敵亦敗退過河德昌不支退軍省北二十里之黑石頭敵益熾直薄城下團民驚散城遂陷夢蟾大罵不屈死西城家人劉貴殉敵分黨出六廣河由五里索橋支木渡窺黔西清鎮鎮西衛一帶十一月初十日總兵楊發貴等馳赴修文會敵多趨省遂復城已復出金甲寨時何得勝馳開修敵及叛團余世舉晏景清等合江外苗衆分道回集潘名杰亦出圖厄省城大敗趙德昌軍黑石頭德昌奔退小關敵分由永樂堡大小關茶店進偪德光先馳至擊敗敵紅邊白牙小龍井三江橋委署畢赤營游擊商肇淮署水城游擊鄒開貴皆力戰陣沒時沈宏富駐省城德昌旋退省張亮基檄令出禦自率布政使龔自閔兼署按察使糧儲兵備道承齡貴西兵備道徐志導以下官紳兵民等衆登陴巡防復飛檄在籍前雲南臨沅鎮總兵林自清及羅孝連等星馳赴援自清率游擊李庚清知府林貴清等馳至附郭一帶烽火相望閣城皆驚亮基拊循諸將勵軍四出民衆則具餼糧以待各軍數出輪戰輒裹以行德光自清德昌宏



富等或前或後或左右擊皆躬自搏戰勇氣百倍得勝不得志始却退沙子哨士舉等猶據三江橋德光縱擊之洛灣烏當永樂堡乘間出奇所向皆靡自清大敗敵茶店復追至龍場分軍擊猪場堡寶關五里橋督辦安順軍務畢大錫得檄援至清鎮而乾溝老王衝皆爲敵據大錫會署清鎮知縣譚歲本在籍四川同知張軸新等防守孝連始以百餘人後至軍械多不備 十二月羅孝連擊敵省北四十里之黃師衝中創敗還署開州知州段紀傳上言曰余士舉降賊實以力弱不敵圖爲保身衛民之計近專函自明頗思反正亮基檄獎士舉責令反戈內圖何得勝并檄職員桂芳馳赴開州會士舉同招得勝降不至

同治三年

甲子 八六四

春正月二十五日何得勝入鎮西衛城再敗林

自清軍乾溝軍退清鎮 二月何得勝自破鎮西衛分據乾溝鷄場橋曾周馬場廣順州知州劉琦聞警出防曹擺州故無城不足恃十九日遂陷廣順二十一日再陷長寨廳城代理長寨廳同知府經歷

德慶不知何往定番居民因亦驚徙州城一空署定廣協副將閃雲署定番州知州白鏞亦走趙德昌遣游擊盧希恆都司徐定邦赴援未至二十二日得勝再陷定番州城會趙德光方由廣順東北廣興鎮連敗敵敵回拒二十四日希恆定邦適至遂入定番州城進軍長寨遇敵宗角汛敗之二十六日再復長寨時畢大錫亦由安平來援助敵樂平由土地關疾進遇敵與戰將不支團衆援至敵稍却已復由馬路場擊潰團衆大錫亦遣軍出敵後擊敗之劉琦約期復廣順何得勝攻清鎮連營東山寺黑泥哨林自清馳至同代理知縣茹含章禦守乘間出擊殺傷相當敵不退張亮基檄趙德光馳援會谷脚陷游擊徐蔭逵營德光援敗敵高寨牛茨林定番敵回會周馬場德光又折回邀敗之旋率張樑及參將葉有貴等出狗場援清鎮時全祖凱擊敵貴筑西龍場小箐千總冉定邦陣沒將剿蒿枝塘德光已馳至擊敗之追至清鎮翁井夜襲東山寺敵營斃敵殊衆東山諸敵出不意驚譁不敢出德光轉戰至黎明慮軍少爲敵乘復退翁井



敵自毀東山營併走花橋二十九日德光馳入縣城敵復東北走豬場堡清鎮解嚴 三月初一日畢大錫劉琦分道入廣順躡敵追擊時鎮甯阿破枝苗越據平遠豬場逼西南何得勝分黨竄牛場鼠場逼東北大錫復得檄馳援先擊走豬場敵抵州城牛場敵走八步場大錫進軍以麥塘相持累日戰不利敵驟驕乃夜火其營敵倉皇由白蟒羅園渡河去 何得勝去清鎮圖由五里橋走豬場堡趙德光邀敗之復間道出車田過河圖攻堡城及茶飯寨游擊李庚清力禦德光馳至又敗之十四夜得勝他走時德光以孤軍轉戰而諸軍多觀望走避張亮基嚴責往會越日德光函約全祖凱羅孝連唐天佑分進茶飯寨敵東北奔開修追至王官而回麥城郝官趙官脅從皆赴德光營祈撫亮基檄會諸軍出大關進勦修文北局團首王三錫同游擊田慶宜由六廣渡河入修文縣城 夏四月初一日何得勝由修文退札佐北清水街修文六廣團衆多從清軍得勝即日還擊之復入縣城王三錫田慶宜皆被害團悉潰得勝大屠戮張亮基檄

諸軍進勦沈宏富稱乏糧不果往僅遣親兵駐防小關趙德昌因病以軍事暫付趙德光德光慮在潘名杰欲專意東南惟羅孝連率軍由黑石頭鷄場進德昌旋遣張樑繼至初五日得勝至黑石頭復分黨出場鷄鈔擊孝連及樑軍皆潰奔小關圖倚沈軍比援至而小關亦無一卒敵追至力拒始還 五月羅孝連擊走沙子哨東大山牛場敵時敵梗中路餉鐸迂道鴨池河鎮西衛至省頗涉險張亮基檄候補道鄧爾巽督辦檄林自清由樂平會擊以疏餉道爾巽以張樑由乾溝西進擊走清鎮西泥窩諸敵自清亦率軍至十七日入鎮西衛城敵悉東走十八日突入猪場堡副將黃友得盧培義倉卒走省南三十五里之沙鍋寨趙德光聞警馳至敵旋退亮基再檄候補道樊希棣督辦龍貴軍務 六月初十日何得勝入定番州城署知州邱瑞錦走邕陽署都司保萬春走斷杉汛先是何得勝黨由花草老攻青巖團總候選同知趙國霖率團卻之趙德光率軍抵花草老數戰皆勝敵盡趨定番州民數十家早徙避瑞錦請檄署定廣協盧希



恆赴任助守未至而敵入十三日敵略走翁貴候補道于鍾岳遣德慶等及希恆先後入城時林自清將擊洛灣檄鎮西衛乾溝諸營自隨以張樑接防會李庚清方托病住清鎮敵至鎮西副將林懷清以糧匱退乾溝旋退安平樑以練少亦去之安平 秋七月何得勝李庖臉一作花臉等分黨走安順安平自同佘世舉等退開州開修諸團祈大軍北勦張亮基檄趙德昌代趙德光住猫場固省南檄德光會林自清出沙子哨分出平山牛場初五日突至修文敵出不意悉散走遂入城自清旋分道出落邦羊郎德光橫出札佐至白馬洞圍衆以德光至多來歸殺敵自効遂攻白安營李庖臉及晏景清拒守自清旋亦至白安爲敵要道德光調得勝將來援留葉有貴等同自清攻白安自率軍疾馳至開州十九日復州城因遏敵援路得勝屯尖山白安敵勢孤毀營宵遁自清分軍出馬江山德光合軍攻尖山得勝以白安破失勢亦走江外德光招撫諸屯分軍守隘 八月開修團自何得勝退江外多來歸惟佘世舉仍觀望時敵中多疾張亮基檄

趙德光林自清進勦前軍至翁招德光檄張樑等移白泥羊場將聚殲之會德光病不果往自清以開修略清請撤回亮基不許同時趙德昌羅孝連皆以病還德昌以軍事暫付盧希恆駐防洗馬河九  
月何得勝過河回攻副將賈必祥池有順游擊黃德正保定基於鐙籠營桃子窩營垂陷德光馳至敗之二十八日敵陷唐天佑鷄扒坎營遂據毛家院圖出底窩札佐復竄省德光以隘歧軍少林自清駐防馬江山離營久不還副將葉有貴以孤軍代守慮不支屢請飭自清回營不至副將楊發貴扼全勝營要隘練多逃亡冬十月初三日何得勝與趙德光相持據賴殼營李老帽間道走馬江山圍葉有貴營兩日陷之全勝營及白沙汛桃子窩皆被圍祈援得勝復據鼎照初六日德光進剿署古州游擊黃德正中槍沒於陣於是老帽自狗場壩走息烽羊郎團潰潰多從敵德光遣有貴及副將李發貴唐天佑等截擊不利潰退札佐敵迤至盧希恆奔三重堰二十六日德光破走賴殼營敵旋率軍遮擊之養牛圈狗場陽水三潮稟言自以孤



軍轉戰只能及三四十里不敢遠離開州慮賊再至民再受害必以官軍爲不可恃將一意從賊以後欲復有開修不可得矣請嚴飭林自清由札佐進剿 十一月初三日何得勝黨出石洞清水擊潰游擊張玉林都司李洪林營於賣酒坡洪林及外委張殿暄從九品汪遵守等陣沒敵至三重堰千總王柏齡陣沒葉有貴等退燕子哨德光連日撤鎧籠營退防白沙坡糧道敵潰全勝營參將楊雙貴來援亦退開州都司唐萬全陣亡德光屢擊敵上下光西三角莊林自清始出美竹箐古隆敗敵至養牛圈請飭有貴赴德光營併力開修自清還顧省城亮基不許自清復進擊燕子哨敵遣攻窰上平奈世舉始圖來歸就約都司高應煒會軍擊敵白果塘小澗圖落旺翁招敵營得勝攻世舉營遏糧路世舉恐回援方世舉請援時稱不日解賊目入省亮基再遣候選州同桂芳往撫遇敵鎮江屯乾壩從者僅四人乃被害鎮江屯諸寨本世舉團以敵勢強未敢來歸亮基因檄張樑援剿 十六日苗入大定何得勝黨由六歸河往援之 十二月

初一日林自清遣軍同葉有貴擊敵窰上平失利雲南川東營把總郭天錫千總蘇一相陣沒時敵分屯白安營乾白楊趙德光率軍連敗之敵走燕子哨自清禦稍却會敵衆大至自清方力持諸營不支先潰退札佐千總張應星劉世勳宋登甲袁文龍胡春榮黃啓祥把總盧文耀舒得貴蔣得馨張江林候選州同王朝選從九品李文蔚生員王禮乾皆沒德光聞警率楊雙貴進軍何家莊敵屯杉木莊旋攻白沙坡保定基營德光馳援擊敗之旋回守備楊朝品戰沒開州圍解敵仍屯白沙奈世舉高應煒諸營尙圍敵自効屢祈援趙德光德光以開州急檄令固守待援應煒旋伺間道遁張樑營都司高應祥守備高步廷軍功高承霖皆先後遁世舉力禦二十七日德光馳援至敵解鎮江屯始下

同治四年乙丑大五春正月何得勝以趙德光守開州不得志多趨江內德光率賈必祥等連毀翁招白果寨諸敵壘遣軍同修文生員團首邱光翰等出上陽水三潮禽殺變團晏三等李老帽等別出趙



官陷修文十七寨復走猪場堡龍井寨唐衝 二月初三日何得勝  
黨迤至清鎮旋出牛場竄養龍司邱光翰率衆却之軍功印文琪戰  
沒 何得勝黨自六廣河西入黔西與苗教合略州東南幾盡 秋  
八月何得勝潘名杰等益逼省城名杰出谷脚得勝以趙德光反攻  
馬營分竄札佐清水名杰弟掠至烏當洛灣亮基病代巡撫事布政  
使裕麟檄張樑唐天佑扼白泥猫場盧希恆自定番回扼圖雲關楊  
發貴屯紅邊門附郭 九月何得勝出馬勝寺走薄開州城裕麟檄  
副將池友蓮徐占先扼陽水羊郎餉道由養牛圈會修文圍赴援不  
至敵分趨札佐清水沙子哨絕餉道因擊敗趙德光軍並陷老馬寨  
團首四品軍功黃吉安陣亡德光所遣朗洞守備左軍游擊蔣占鰲  
署鎮遠右營千總都司石國泰署清江協左營都司陳冬林營黃家  
屯亦陷占鰲等不知所往二十八日再入開州署知州許其翔走團  
首何正冠營得勝等比年屯耕路旺河外轎頂山秋穫後輒過江劫  
掠德光以葉有貴駐防開州先遁城中難民僅二十餘戶不克守敵

西南趨豬場堡有貴禡職 冬十月十八日何得勝等陷清鎮縣城  
署知縣笄佐堯道曾周馬場生員李茂枝李天香遇害巡撫張亮基  
檄趙德光等進援敵回豬場堡德光入城池友蓮等尾追不戮一敵  
得勝復分出洗馬河白泥至息烽養牛圈德光遣張樑馳防修文已  
革副將葉有貴扼三重堰潘名杰復由烏當洛灣橫出沙子哨遙相  
應 十一月初五日李疤臉渡索橋南出十七寨襲陷安平縣城署  
知縣王度署典史鄒傳心安平千總湯大成遁十二日趙德光率軍  
復之敵竄安順東北畢軍祝友林羅孝連先後至敵旋回樂平 十  
二月初一日畢大錫趙德昌羅孝連議三路分兵德昌剿何潘黨德  
昌旋奉上諭安義鎮總兵趙德昌着張亮基飭令赴四川交崇實駱  
秉章差遣既而不果

同治五年丙寅 一八六六春正月何得勝李疤臉許大八等過清水江攻  
余世舉寨得勝出清水張樑軍三重堰民疾樑軍騷擾敵至輒結攻  
之葉有貴劄牛矢屯沙子哨皆制於敵樑敗退斑竹園何得勝復分



黨出豬場堡趨清鎮二十七日再陷清鎮縣城署知縣孫允中遁時都司毛宗亮以七十餘人城守副將鄧明勝不知所往所部無一人敵趨安平署知縣江煦和設防 何得勝等猶攻余世舉貴陽營游擊傅必榮得檄往援不進得勝遣黨侵略自修文至九莊民多脅從小六廣團首武生顏耀南等祈援張樑樑令葉有貴却之比樑回而敵仍踵至益虐殺民 夏五月省北西修文東開州中徑札佐息烽養龍百五十里北轉烏江與遵義毗是爲中路何得勝時出沒其間開修城雖復空無人居牧令多依團寨札佐息烽羊郎附近諸寨皆被脅時都司李得貴并降衆楊子和范玉標等渡烏江而南進至養龍張亮基檄署開州知州許其翔及余世舉等往會俄敵圍得貴及子和等玉標復叛軍遽潰回烏江其翔等亦還 六月何得勝李范臉等復悉衆出略許其翔余世舉敗退朝陽屯團首何正冠叛從之據鼎照亮基遣世舉招之正冠與有隙慮將圖己不至其翔世舉請尅期兩月克鼎照其翔月需餉銀六百金世舉月需餉銀一千二百

金迄無功亮基再遣邱光翰招之仍不至 秋九月何得勝李疤臉等陷邱光翰洪水營遂至省北三十里之毛栗堡平遠副將林從太遣把總楊再興禦之陣亡 十月何潘黨復趨安順趙德光先遣葉有貴及都司張斗等出清鎮追之不及遂自將追擊初八日敵至安順分劄頭鋪二鋪飯籠鋪唐家屯馬家屯連壘數十里偪府城安順府知府呂序程禦守敵分據東北狗場跳蹬場截大錫歸路大錫再戰不利是日德光方至安平而省城因林從太軍潰回大關戒嚴亮基復趣德光還德光疾馳至三鋪遣軍襲取二鋪攻城敵回拒頭鋪把總周雙祿戴文元陣亡德光自至二鋪進擊副將葉有貴中槍沒方相持間趙德昌畢大錫援至合擊敵不支潰走德光德昌分道進剿 冬十一月十九日副將倪朝榮遇敵鎮西衛被害死數十人時何得勝等方趨平遠牛場圖犯州城

同治六年丁卯 一八六七年春正月副將李忠恕率軍疏通中路自札佐息烽養龍沿途剿撫游擊余世舉等亦據附近艾子平諸敵營餘敵走



落旺河去開修屬牛場老胖河陽水三潮南望山脅從數十寨仍未歸修文境及中路稍疏惟開州境東北與轎頂山僅隔一河伏莽如故張亮基奏烏江雖通而榛蕪滿野數百里寂無人煙游匪濫竊劫奪其間若無重兵戍守仍虞通塞靡常兼之甫歸之民田廬蕩然饑饉之餘人至相食因遣游擊田興貴一軍劄養龍顧大道仍令忠恕及世舉剿撫開州 夏四月何得勝黨掠至札佐團練潰亮基令候補道吳德容擊走之李疤臉斃 秋七月余世舉既請勒限剿何正冠不下至是何得勝過綠莎平援正冠世舉遽撤退中路仍梗 八月何得勝潘名杰南北分據歲穫時輒分出剽掠張亮基以總兵楊發貴劄南路遏龍貴副將李忠恕等劄札佐養龍防烏江中路其近省數十里內西南騎龍司花草老青巖以副將童三元等西北豬場堡湯粃哨小龍潭以都司舒定邦等東南二鋪圖雲關以知府馬世麟等東北三江橋烏當洛灣以副將鄧明勝等分道扼防更以記名提督黃清源知府劉克成劄附郭照壁山觀風台隨時策應敵數逼

省皆卻之 九月初三日何得勝出中路攻田興貴等息烽養龍諸防營檄吳占勝馳援以病不進興貴等潰退札佐李忠恕擁軍札佐不能救復檄黃清源馳赴 二十七日上大平教首武安王何得勝自開州回走死轎頂山

同治七年

戊辰 八六八

春正月二十八日提督張文德遣副將戴榮宗

游擊滕代榮赴開州據真武山并規鼎照 二月鼎照敵數敗退守張文德檄田興貴自養龍間道會剿初四日攻敵卡創退游擊馮成龍舒善選陣沒文德聞敗復督林從太等繼進破其王卡正冠降正冠故開州生員久降何得勝者至是歸順旋與余世舉分道過河擊江外正冠出綠莎平破抱頭大寨世舉出沙子河襲破米平金山寺何得勝妻黎氏繼起集玉華山上大平羣從拒軍 三月余世舉被圍米平張文德檄何正冠馳援正冠遣軍由落旺轎頂山攻之世舉突圍走關刀山敵趨小龍潭斑竹園攻游擊宋國楨張樑諸營文德過江遣軍馳援敵尋走會在籍陝西延綏鎮總兵汪柱元守備張盛



琦要敗之斗蓬嚴把總劉占標陣沒士舉尋以饑疲退 六月二十八日援黔川軍知府唐炯遣降人持札許不死何得勝妻黎氏始降

附錄

戴鹿芝浙江人俞樾撰其墓表云道光十七年余始應鄉試廁名副榜榜末爲戴君商山越二年而君舉於鄉又五年而成進士諸同年生咸詫曰吾榜成進士者尠君列榜末不數年擢高第以去豈非吾榜之高材生歟乃始藉藉稱道戴商山戴商山然而固未之識也同治五年余寓吳下有戴氏子曰儒者投刺於吾門稱年家子而求見進而問焉則君之嗣子也手一編曰是君之家傳嗚呼君死余跼伏久於時事突聞見不知君死狀受而讀之乃歎曰若君者豈獨吾榜之高材生歟乃當代之魁士名人也按家傳君諱鹿芝商山其自號也浙江蘭溪人道光二十四年進士二十七年補應朝考以知縣發貴州試用補印江縣知縣升郎岱同知歷署修文縣知縣定番州開州永甯州

平越州知州代理安順府知府同治二年秋九月開州賊何二攻陷州城君時攝開州牧冠服死於堂君才識明練勇於任事不畏強禦不避艱阻其攝修文令也文民屠福生謀叛前令上變大府卽命君往代之君急馳至修文屠氏訶者日數輩三日夜無動靜意稍怠君忽單騎率數役馳入屠所居寨屠父子五人皆大驚厥角於地稱死罪君笑曰無恐從我歸耳皆僂然從行君釋罪而用之後賊至屠父子殊死戰城竟以全焉其攝甯州牧也州固苗疆頑民結寨自固者相望劇盜伍王臣踞石頭寨也寨地尤險大軍攻之未卽下以武功爵羈縻之益偃蹇君偶有事於小箐距其寨甚近有担荷鴉片而過者趾數千接於道問之皆賊黨也命奪而燒之一夫蓬頭突鬢六品官服騁而前疾呼曰勿勿君誰何之曰吾石頭寨伍王臣也君大怒手捽之踣地欲殺之無刀顧曰刀來刀來倉卒無應者乃反接之以入城城中皆大驚或勸勿殺君怒曰賊來在我終不令爾曹



獨死遲明出伍王臣辜磔之竿其首縣之石頭寨明日仍有事  
於小箐則伍王臣妻子兄弟皆囚服道旁叩頭血漉漉求君揮  
以肱曰去去勉爲良民無犯吾法矣於是威望益振大吏倚之  
爲重所至羣盜皆屏氣莫敢支吾然竟死何二之難先是開人  
獲穿窬二官桎梏之斃一人一踰數日不死憐而釋之卽何二  
也咸豐九年何二踞尙大坪以叛君時方攝平越州牧未至大  
府千里飛檄委君兼攝開州事君知開州急遂改道赴開賊知  
君有備不敢窺州城然踞巢穴如故君以兵禍不解民且廢耕  
思如屠福生事勸之降十年閏三月單騎馳賊營父老遮道留  
甚苦君曰吾計之熟矣彼發從者皆吾民未必卽受害得遷延  
十許日雖殺我耕事畢矣聞者皆泣下旣至何二箕踞坐上其  
手曰官來吾英雄官亦英雄君吐曰否汝言何也吾汝父母若  
曹吾子耳父母不忍其子死活汝言何也賊意稍沮君百端  
陳說利害卒不聽居尙大坪賊巢者七月惟取所攜周易諸書

讀之見賊輒怒罵然賊終不忍害竟送之回城羅拜而去曰公  
在吾曹敢闕城闐一步乎明年君坐事去官代者未至賊不知  
謂君行矣率衆攻城無兵無餉無以守君檄調修文舊部至而  
修文距開數百里賊斷餉道士皆枵腹城遂陷君偕妻姚淑人  
坐堂上賊至君手劍擊賊賊還擊之額顛血湧出遂仆賊相戒  
勿殺君君復蘇顧其弟鹿榛曰吾此時心愈定亦愈清平日讀  
書之效至此驗矣吾生無愧怍死且爲神言已大笑遂卒嗚呼  
雖古所稱結纓銜須者何以過哉事聞贈太常寺卿世職蓋君  
雖以州牧死事然事前已有旨以道員用又加按察使銜故從  
三品例賜卹且詔原籍及死事之地皆建專祠以時致祭君雖  
死不朽矣君舊所部民聞君死莫不流涕雖賊何二亦稱君爲  
貴州第一好官蓋其忠誠所感發如此然則吾儕當日藉藉稱  
戴商山戴商山其知君殊淺也

戴鹿芝浙江人進士宰修文縣先是邑之糧賦分兵科兩種一



曰軍田明季討平安邦彥後改土歸流取其地分獎將士且屯且守酌取其贏是謂軍糧軍糧較重一日民田由人民承領荒僻竭力墾治官廳按畝起科寡取之以廣招徠者是謂科糧糧較輕兩種均各就該管守禦千戶所完納正米以充軍實康熙中改衛設縣裁撤各所官兵統歸縣轄每歲除坐支汛官兵米儒學廩米公署役食米外於是責令民間折銀完納久之流弊漸滋米值過賤銀根奇絀每糧一斗須賣米三五斗始能敷其額征之數衆皆苦之戴公知其病民而徒歎愛莫能助也適下游諸苗因鬧糧蠢動乃乘人民一面呈訴大吏一面爭以草苞裹米擁塞公庭呼號請納以爲田中所出只有此物之故歷陳民間疾苦代爲請命減定折征價額勒之於石其後調任開州何二強盜圍城至急公登陴督守賊衆欲施放烏鎗何曰公青天也毋傷之公指何漫罵激使殺己何謝曰人盡如公苗不反矣我何敢加害必下此城者恐假途而過公斷我後耳後公單

騎馳入賊營勸諭賊留之敬禮有加旋以肩輿送歸

俞樾貴州候補道樊君傳云樊君諱希棣字萼樓樊公琨第三子也幼隨其父在中州讀書習舉業已慷慨有大志以兵亂途梗不得回湖北原籍應試乃挾貲入都將博一官徧詢於人曰今仕途所尤畏者何地邪咸曰無逾貴州君卽以布政司庫大使指分貴州人皆危之河南公亦以其年幼爲慮君曰兒自願之必不貽父母憂旣至貴州桐梓有亂民鳩衆以叛苗夷皆從之而起黔中大聳大吏廉知君才檄署貴定縣知縣貴定在省城東北九十里乃省城之門戶也君下車訓練卒伍激厲士民爲戰守計賊不敢逼每歲春耕秋穫輒以練卒防護農民故四郊多壘而三時無害久之賊勢益熾鄰邑盡陷惟貴定獨完賊以不得貴定不能進窺省城乃合長圍以困之君晝夜棲止雉堞間與士卒同甘苦賊近城則出奇兵擊之大小數十戰殲賊無算賊少却則以其間率所部收復附近歸化定番廣順諸城



當是時大府亦倚君爲重而貴定之民戴君尤甚君時已由庫大使歷升知縣同知直隸州知州補仁懷直隸同知賜託喀台巴圖魯勇號賜戴花翎旋有詔開缺以知府用然君猶署貴定縣如故每以事至省城必有數百人從之君止之城外而從入者猶數十人至則噪於大吏之門曰無奪我好官故君在縣猶以縣令冠服視事不敢言已遷官也賊畏君甚百計密圖之一日欲鬚頭呼刀鑄之工至其人見君而色變問之乃實告曰賊以千金賂小人使乘間害公耳君曰若然汝將害我乎曰不然則汝執汝業不汝罪也一日出行城外突有人刺刃輿中削冠綏去半視其人官兵也執問之賊所僞爲者從者皆橋舌君神色自若其後賊賄通飢卒爲內應探知君寓城南關廟中黑夜俄傳登城攻關廟而是夜君適在署聞警從牀上躍起跣而出傳令守陴之兵毋妄動毋使賊得繼至乃奮身奪賊刃與賊鬪城中兵不百人然皆死戰自丙夜至戊殺賊殆盡遲明城中

亂定君回署衣盡赤解視之凡受七創皆深入四五寸城中訛傳縣官傷重而死君裹創出行通衢以靖邑人又鞠所俘賊得內應者主名自副將以下數十人是日皆入署賀戰勝悉縛而誅之然後白臺司且請治專戮之罪臺司諸公嘉公膽識然亦以其傷重不欲其久居危地乃使人代之俾君入省城養傷君既去貴定未幾貴定竟陷於賊省垣震動強起君攝貴陽府知府君力疾視事內安外攘不遑啓處而大府又以遵義府爲賊覬覦恐爲所得檄君往守之未至又以遵義所屬正安州民變命往案其事君單騎至正安撫定其衆而亂首不可得一日按簿籍呼諸吏役各見一役長鬚而豐頤似素識者久之乃憶初至黔時署按察司司獄其人曾來行賂彼時卽知其人非良善也鞠之得實竽其首遂以無事已而粵賊石達開自蜀回犯遵義與土寇相鉤連連營百餘里君由間道出兵乘賊不備擊走之士寇悉平詔書褒美命以道員記名簡放會有傳習邪教者



制軍勞公使君治其獄君以脅從者宜赦與勞公意不合爭之過功勞公怒疏言樊某固執已見與臣牴牾於是吏議撤銷所記名已而黔撫張公又疏言樊某性情倔强不善事上官固咎有應得然其治此獄甚合事理督臣未免徧執且樊某在黔素得民心今處不當罪恐乖衆望於是又有詔復君原銜久之奏署糧儲道時賊復據貴定龍里等城巡撫曾公檄君督勦復之賜加布政使銜當是時黔中亦略定矣君在黔垂二十年與兵事相終始所在有功其名甚著官貴定時從十餘騎行山谷中遇賊大隊至賊見君遽曰樊某樓來矣則皆走最後勦龍貴之賊賊望君旗幟驚曰聞樊某樓已死矣得勿誑我乎君怒馬獨出曰余在此賊皆辟易麾衆擊之大敗之其爲賊所畏憚如此無何河南公卒於鄆城君自黔奔赴奉其喪歸咸甯服闋入都由吏部引見蒙召對一次命還黔君雖以將才顯而居官實克舉其職所至必興復尙節育嬰諸堂以收養嫠孀又增益書院

膏火以興起文教興利除弊不遺微細黔城之外有湖曰小烏江君署貴陽守偶經其地見湖中魚甚多無漁者問其故或告曰此湖神所居也一施網罟水卽湧起君曰妄耳烏有是呼漁者至督之漁水果湧起次日又往復然父老皆諫君不聽又次日又往則水不復湧矣至今民食其利焉君廉而好施與凡故舊來投者可用則用之不可用厚遺之必滿其意故歷官守令而不名一錢以積勞成疾又感受溼氣於光緒二年某月日卒發其篋止白金十二兩而已年四十有八卒之日民幾罷市歛之日傾城往送其親屬轉無容足之所其喪之歸也黔之士大夫皆素服送之巷哭野祭者相望又言於官請爲立祠格不行黔人至今惜之舊史氏愈樾曰君本儒家子恂恂然非讀孫吳之書者也一行作吏遂爲名將君之用兵殆所謂天授非人力乎君以末秩至黔不數年遂以功名顯不可謂不遇矣然君之志固不止於此嘗自言異日國家有事四夷雖死不辭烏乎何



其壯哉今天下號雖無事而伏莽之戎所在多有鱗介之族亂  
我冠裳尤志士所同憤君子聽鼓鼙則思將帥之臣如君者可  
以深長思矣

孔慶齡體訓堂遺詩輓戴商山先生云愁雲黯淡天欲墮鬼泣  
黃昏暴骸骼風雨啾啾夜冥冥數載孤城推一夕卓哉節烈戴

祖公

誠稱先生為

七十丈夫髯如戟矢志誓取賊頭顱嘔心真

注民肝膈四面疆圻紛蹂躪一方保障費籌畫前日單騎入賊  
營乃以信義化兵革酋長盡皆下馬拜魯公豈爲坎庭嚇入穴  
出穴意態舒胸中自有堅定策幾度背城決死戰豕竄狼奔急  
何擇外援不至食已空掘鼠羅雀勢窮迫嗟嗟獸木力莫支崇  
朝瓦解響崩割我昔捨身以扞城於今城破身何惜手揮利劍  
掣光寒頭觸鋼刃流血碧公憤罵賊賊拜公賊不殺公公不憚  
語賊慎勿傷我民民不可傷身可磔拚將一死全衆生浩氣長  
虹貫日白馨香梓里祀千秋凜凜須眉毅魂魄

顏嗣徽戴商山廉訪輓詩四十韻云正氣歸蒼昊長星墜紫霄  
羊碑號父母馬革愧臣僚經術淵源遠山陰閎閱昭政聲龔渤  
海志節蓋寬饒瘠土民皆敝乖西地久凋一錢虛餽贈五袴漫  
歌謠力課催農稼親乘問俗輶鞠躬勤撫字拙宦罷科條大薤  
宜先拔苞糧務盡穰人方欣望歲亂已動招搖險控雙江口兵  
連九股苗黃巾頻擾攘青犢恣攻剽恩信敷千櫓軍威布斗刁  
輶軻胸落落勞頓羽譙譙砦恐溪丁據酋將峒戶招單車馳鐵  
勒免胄諭天驕叱咤風雲阻開陳瘴霧消化雖馴野雉音豈變  
飛鴉穿陷孤忠矢湖湘甲士超受降求緩計歸知欲相要膜拜  
遮征旆攀躋望錦鑣來時斟臘酒去日記花朝此舉完蘇節親公  
到賊營招撫為賊所留楚諸君珥漢貂閣中羣偃仰河上誤道  
軍入援賊始送公回城

遙甬道圍長築鉤梯戰屢挑鶴猿同幻化豺虎任騰驍蓮葑原  
多苦蘭香竟自燒流芳雜甸國遺恨浙江潮劫重心難死忠精  
骨不銷炎岡焚玉石盡室燬瓊瑤伉儷鬢隨鳳嶙峋梓附喬桐



棺何處厝麥飯復誰澆箐黑藏魑魅城荒長艾蕭血光新更碧  
燐火冷還飄澤惠留蠟邑英靈壯本朝上天真憤憤公輩遂寥  
寥思愛賢愚痛傳聞市井驚異同宣梗概評論采芻蕘執政章  
馳奏褻封旨寵邀他年南董筆姓字定先標

廖景煜水雲山人詩草開州失守戴商山刺史殉難邑民如喪

考妣余亦淚和墨書云叔季難逢慈父母開州何罪死賢侯敢

違憲意除苛政刺史在開州力阻抽深體民心老戍樓刺史守

民亦相被執生還昭日月逆執公去數法無寬宥秉春秋公執

教士被狼星朗耀恆星隕從此黔疆疾不瘳

### 第五十一章 覃大士之役

咸豐九年己未八五八冬十二月初一日荔波團民覃大士結內奸葉

保壽等期夜舉圖城荔波縣知縣吳德容覺捕斬保壽等大士遁九

千大士故舊縣人以隨剿黃金亮有功恣睢缺望故叛

咸豐十年庚申八五九春正月羅天明因覃大士及柳天成屢犯荔波

城至城北一里之楊家橋吳德容等却之 四月覃大士由九千進  
據羅卜朱練團潰千總莫芝茂方攻九千敗之 冬十月荔波蒙澤  
培新志塘殺覃大士來降培故與大士同變者吳德容并殺之

第五十二章 王正儒之役

咸豐十一年辛酉六。春二月桐梓太和團首王正儒夜郎里夜郎  
壩人也以數禦游匪衆歸之勢頗大桐梓縣知縣江炳琳屢欲以事  
按誅之不果後隨知縣蔣立炳攻層巒蕘龍以功保千總益恣肆歛  
財築屯投鏹尖山險以自固遏松坎釐務而私權於新街子不從者  
奪之至是兼巡撫田興恕以陳世銛奪情署桐梓知縣密圖之會正  
儒與仁懷縣團首羅順有隙將往仇世銛調得狀親至新棧陽爲解  
釋正儒與兄正倫入謁世銛伏練突出就坐間誅正儒正倫起搏世  
銛練并誅正倫世銛亦創正儒黨羣集練及從者多被害世銛徒步  
至太白亭爲正儒黨趙鐵匠所害

第五十三章 何山斗之役



咸豐十一年辛酉六月。冬十二月巡撫田興恕檄調清鎮團總何山斗至省殺之。山斗嘗聯團能守禦民多歸之。勢寢盛頗爲民會聚。衆抗糧前雲貴總督恆春不滿所爲。曾密飭查拿。山斗他走事。乃寢旋回復。以民力不勝抗釐。金釐穀議興。恕怒密飭候選道趙國澍誘山斗并其黨唐詩林至省殺之。清鎮姚宗保遂聚團以國澍構陷。圖復仇。因毀鎮西衛釐局。戕委員錢恭張鍾元等。與恕亟檄糧儲道韓超馳至清鎮解散鎮撫。復令縛獻宗保等殺之。衆旋定。或云鎮西衛釐穀局有廖姓輸穀稍遲。委員因係之初三日。突有苗民萬餘毀釐金釐穀兩局。戕官吏同時並毀黔西鴨池河局。因委超等查辦。獲爲首十數人。解省責令賠償。

### 附錄

著者曰何山斗爲民請命致遭刑戮黔人至今傷之然爲羣衆利益而犧牲其死不爲枉也事之成與不成又當別論田興恕年少封疆罔顧生民又所用非人相與構成此獄論者憾焉

黎庶昌曰清鎮糧額既重官復苛斂百姓怨之以山斗乃世家特擁之爲首耳

第五十四章 陳選發之役

咸豐九年己未五九秋七月初四川酉陽州燈花教首陳選發走據

松桃貓貓山至是署松桃廳同知鶴年代辦鎮遠鎮楊家瑞敗之天堂山 十四日復合川兵進攻張家灣鶴年意主撫方猶豫選發乘間劫之署游擊許占泰重創敗走其子蔭棠力救還未至營而沒敵尋至涼風坳圍首宋景嵐却之武舉戴奎光再却之石梁 八月敵竄至安化之刀壩場思南府經歷汪應濤禦之思南府知府周獻廷設防小井猴子灣 九月貓貓山與黃白號據地遙相對相距百里時選發退據瑪瑙山汪應濤擊敗之刀壩又追至貓貓山教首郎魁降會川軍已革游擊慶吉等出天堂由東進應濤西進川軍先登金竹平中伏圍首周廣美敗沒四川守備楊登階敗敵酉陽唐家溪進至張家崖貓貓山等敵遮擊登階亦戰沒署銅仁協湯蘭亭方至松



桃約慶吉應濤三路合剿初貓貓山郎官世居山中前與郎官郎敏假鐙花教起事陳選發吳明揚樊應科附之數犯西秀邊境故遣游擊隆福及慶吉等來剿冬十月上諭據四川總督曾望顏奏黔省松桃廳婺川縣等處教匪復熾逼近川疆現在到防兵勇一萬有餘足敷調遣正可乘此兵力厚集之時出境相機進剿與黔省官兵合力夾擊候婺川等處一律肅清卽移師赴西秀會剿貓貓山教匪着與署貴州提督蔣玉龍先期議定會合隣境紳團同日進剿總期以剿爲防不致虛糜軍餉欽此於是四川彭涪黔防營前任陝甘固原提督孔廣順候補道程理潤等改防爲征分東西中三道并進遣城口營都司吳毓光開復守備張正崙等先攻大崖寨教首陳巒兒力拒不克十一月西秀黔防川軍綿州知州毛震壽與慶吉以訓導易良直攻天堂陣沒復會湯蘭亭進攻不克汪應濤攻貓貓山之西署酉陽州知州余濬廷會隆福分攻茶溪唐家溪稍利

咸豐十年

庚申 一八六〇

春正月貓貓山張家灣敵與黃白號結合汪應

濤方攻張家灣不下川營守備沙達耳攻天堂亦敗鶴年遣軍營木  
盆溪防沙子坡 彭涪川東援軍遣正綸中出大崖寨招降陳蠻兒  
二月初八日貓貓山事方劇毛震壽等久無功川復檄黔彭營都  
司譚健率千人往會剿是時貓貓山敵數陷川營與印江沙子坡合  
北陷小井白蠟井紅椿坨思南府知府徐河清走會余濬廷擊敗之  
會署提督田興恕奉令督辦全省軍務自鎮筆統虎威全軍進至銅  
仁河清鶴年等皆祈援 三月汪應濤同毛震壽等進偪貓貓山應  
濤分剿鷄扒坎禽斬教首白茂先 閏月川軍會汪應濤數攻鷄扒  
坎峰背巖敵屢創不出貓貓山敵時走援亦敗之 四月黃號集安  
印界三角莊楓香坳自石梁河達松桃烏羅司凡百一十里貓貓山  
陳選發等因益張候補布經歷汪應濤既攻鷄扒坎久不下至是約  
麻司團移營官頂隘營未成十九日敵遽至圍之應濤力戰不得脫  
殺數敵沒於陣應濤先至安化防剿甚力已而追敵至松桃爲毛震  
壽稟留助剿深倚之既死軍中多惋惜敵據官頂 五月興恕率軍



駐龍塘毛震壽因祈援興恕言河西賊陸續東渡聯合貓貓山悉由劉儀順主謀以貓貓山爲門戶沙子坡爲咽喉雷公堡爲聲援捲子平爲捍衛而以河西江家寨城頭蓋爲老巢川軍自改防爲剿以來疲於奔命既不敢深入又未便坐視因循興恕於是遣副將劉義方郭啟元率馬隊三百人勦桃松遣游擊李有恆朱占元攻沙子坡截貓貓山後皆先後至 六月初三日李有恆朱占元出清水巖分路南下印江東北之天星塘蘆頭塘敵營陣殪教首黎三喜進攻沙子坡興恕復遣參將熊煥章游擊孫殿元來會有恆等破走沙子坡敵劉義方郭啟元援至松桃尖巖堡進攻天堂憑險力拒守備秦復升符順興先登中礮沒士卒多傷乃引退十二日會川軍移攻官頂義方繞胡家溝出其後敵殊死拒啟元以馬隊突敵前負創力戰都司任勝守備鄭啟萬朱得明把總楊洪利滕成富袁得勝等悉陣沒游擊劉漢清等陣斬教首呂明紳敵始潰走遂破官頂再攻天堂敵因官頂破悉潰張家灣鷄扒坎各軍進抵貓貓山 十月十三日田

興恕飛檄劉義方郭啟元刻期平猫猫山義方啟元等攻猫猫山久不下至是義方結降人王朝現等內應自率軍先攻瑪瑙山啟元分攻蜂背巖以游擊周洪順等攻燕子巖約慶吉攻無事營知府毛震壽都司饒雲山守備劉鶴齡等策應并力齊進一鼓下之禽斬瑪瑙山教首陳選發陣殪所部覃國貞等二十二日各軍抵猫猫山下內應縱火奪門爭入生禽郎富郎敏陳啟祥等乘勝再下九龍屯三角山郎宦墜巖死富等解省殺之猫猫山事定

第五十五章 王元興之役

咸豐十一年辛酉秋七月回衆久據貞豐下江四衝土弁王元興亦變據王母亭略羅斛桑郎境署知州陳聘儒至石屯上言貞豐地分上下兩江中隔北盤江州城在上江北盤東下江四衝北通歸永南達羅斛界廣西泗城石屯爲進兵路擬集鄉團先清下江疏通糧道然後渡上江圖恢復且請大兵顧後路巡撫田興恕責令聘儒辦理 八月初六日王元興結永甯那安仲家岑阿棒集攻老屯阿



月...  
棒爲扁擔山遺黨貞豐陷率黨沿河裹脅千餘人各亭苗附之時陳  
聘儒在石屯調坦千團并軍功楊祖勳所領漢團同擊輒潰聘儒所  
募練以乏餉潰於是下江三十二亭石屯担千外均從元興 九月  
陳聘儒進剿貞豐四衝破者康敵營敵悉衆至聘儒中創敗退請援  
冬十一月連日元興等出東高板王走犯冊亨城署州同尹紹勳  
都司徐輝把總馬正品等城守二十九日據者孟下分亭諸鄉團赴  
援皆敗退紹勳祈援安義鎮總兵趙德昌遣千總陳榮貴以六百入  
赴不至 十二月羅斛東南上隆桑郎與貞豐歸化暨粵西邊境打  
落寨壤相錯元興等時走犯羅斛擺羅苗起應署州判謝其毅督團  
却之

第五十六章 安中和之役

咸豐十一年辛酉秋八月初九日署大定府知府陳濤擊土目  
安中和於高家店失利職員朱上達陣沒中和素橫官不能制十年  
雲貴總督張亮基檄帶練赴威甯助剿抗不行倚衆苛斂違者殺之

私權於阿支孔據補路仲爲根據地大定府知府魯經芳請兵掩捕不果中和益肆集苗楨數千人剿掠悅服嘉禾諸里至是濤始遣委員蘇望崑等率練七百出小屯松樹平進攻白鋪河以縣丞左茂森等率練千二百出小路坡進高家店圖補路仲濤率團衆駐對江屯是日上達及千總漆應元外委劉占魁職員盧占元等遏之高家店會大霧上達中創沒於陣應元占魁等被圍及兵練四十餘人皆無下落官軍遂潰回楨首張油客因之旋率衆略嘉禾濤遣軍功龍遇榮率練五百并團衆擊之中和據大埡口山洞頗險遂婦女糧畜皆在其中築牆穴孔發槍軍多傷濤誘出敗之 九月初九日安中和率苗楨出高家店攻對江屯營急會陳濤遣軍功鄭道森等以數千人巡徹適至突擊始退 冬十月巡撫田興恕先檄游擊李有恆援大定未行至是安中和病死餘黨祈降

第五十七章 劉世慶之役

同治元年壬戌六二閏月初一日普安縣城陷知縣陳澍南稱自朗



寨馳援不及敗走下山署典史劉世慶出攻蓮花山散練土匪教黨合擊東門內奸啟之城遂陷因擁世慶爲帥赴鄉索糧不從者殺之世慶本投効前知縣胡祖寅營澍南以其熟習情形請委署典史至是始稟其平日狐尾擅帽黃緞爲旗種種異言異服云

第五十八章 吳元彪之役

同治二年

癸亥 八六三

秋八月初一日湄潭汛把總吳元彪變攻綏陽

縣鄭場據之先是元彪在遵義防禦頗得力因索糧餉總兵沈宏富遽拘係之巡撫張亮基聞元彪勇健檄候補道樊希棣釋令赴省將用之元彪忿不至旋回湄潭七星坡衆多附之猶頗自晦六月其部弁藍山虎攻殺遵義東鄉團衆數百人七月中復殺高義團首李天佑等漸有衆萬人至是遂自稱都督大元帥先陷獅子山再陷鄭場復遣黨分據蒲老場擊團溪口而自據七星坡爲根據地 冬十月吳元彪衆四出略平越直隸州知州兼攝湄潭知縣邵維新檄各團遏擊復走正安

同治三年甲子八六四春正月吳元彪黨出聚寶場逕鄭場圍綏陽城

團首冉青雲禦擊陣沒綏陽縣知縣李愈南率團練却之間道由金里八甲走羊古壩愈南以都司廖熙麟等援擊戰不利旋潰周家灣諸團至杉木壩愈南馳回守夏四月吳元彪致書遵義府知府張日崙陽投誠復遣黨略綏陽盤安寨神仙觀大小巖頂園寨五月元彪連日復負梯薄城廖熙麟等禦卻之秋七月吳元彪據綏陽要隘馬鞍山繳水分掠至遵義東北八月初三日吳元彪薄綏陽縣城邵維新以廖熙麟等出禦不利元彪築壘附縣二三里之元音寺天台山逼攻并據東嶽廟維新檄團來援多道阻僅綏陽訓導宋人鳳以數百人至元彪攻急維新嬰城守熙麟伺間擊走東嶽廟敵張日崙赴援九月綏陽圍久糧道皆阻張日崙援至距縣十餘里之楓香樹遣軍分據牛心山圖疏鐔道元彪攻之悉飢潰邵維新力守再乞援候補道莫超宗方解餉至遵義張亮基檄辦遵義軍務并同遵義協副將張萬書籌援冬十月張亮基以邵維新遙署遵義



兵其地疲於供億時有潰乏維新飛函趣日崙援卒不進莫超宗自督辦軍務素與張萬書齟齬亮基嚴飭以文武構怨於內賊匪肆擾於外內外交訌勢同鼎沸該員等身非木偶何以漫無佈置 二十  
二日吳元彪分黨出板橋走陷桐梓縣城署知縣劉汝佑遁先是署知縣劉應升奉檄設局權半釐築城門工未竣九月汝祐至復撤去鼎山防營元彪以是入應升幾被害二十四日元彪去應升汝祐等入城 十一月吳元彪圍綏陽久邵維新請援稟略曰綏陽被圍已逾百日大小四十戰殺傷過當而賊圍益堅者明知城內絕糧援軍觀望不進必下此城而後已也莫道超宗及川軍旣援不濟及張守日崙及蔣弁洪順又久頓旺草民心嗟怨疲於供億於城中不惟無益抑且有損城外汪家溝小道爲內外通信之處商販亦可於深夜越嶺來城稍資接濟賊訶知復築營阻絕顆粒均難入城頃復飛催張副將萬書添調湄潭團衆來接倘延不到維新惟有以身報國恐

不復再稟矣於是張亮基飛趣莫超宗進超宗募練五千餘人會團練七千餘人圖援至燒酒房聞遵義警仍還 十二月莫超宗等率軍援綏陽敗敵朗山關進至樸老場二十五日移營丁家台約張日崙會援

同治四年乙丑八六五春二月二十三日吳元彪陷綏陽縣城署遵義府知府攝理湄潭縣知縣兼綏陽縣知縣候補知府邵維新死之把總廖鎮儒戰沒署遵義協副將黎平營參將張萬書城未陷時援至城外及外委田立勳先戰沒初萬書與莫超宗張日崙合軍獅子口守備蔣洪順縣丞田宗烈從九團首陳治安外委田立勳營寨外分五營爲前拒綏陽城外賊壘如環不得前元彪等扼鄭場牛角屯寨首簡安邦從攻陷寨外五營萬書立勳并沒超宗遁旺草洪順退獅子口至是汛獅子口亦同日陷超宗預走免把總徐鼎勳陣沒虜日崙洪順及守備李春華千總張永隆去維新至綏陽受事八日而事變起誓死七月卒與城俱盡 湄潭龍泉團衆自綏陽陷多從元彪



元彪悉徙其家屬入七星坡以繫之。五月初三日援黔川軍統領雲南布政使劉嶽昭檄總兵李家福移軍綏陽取旺草自率軍進婁山關吳元彪等時分扼朗山關鄭場遣青紅號出排軍板橋阻入川路逼脅縣屬諸寨被害頗衆惟趙旺里間有未從者已復分掠遵義禹門寨四面山大義寨逼府城聞川軍至益集湄甕黃白號屯綏陽東西北三路旺草馮村后水回龍寺樸老場拒軍嶽昭軍次桐梓檄參將何行保擊梯巖留軍同劉應升及團首王大衡等攻油籬口自率軍進綏陽。閏月李家福軍至旺草壩元彪退入綏陽遂進小關攻其東嶽昭西北軍朗山藍家山附縣金朗里六朗里民謀變藍山虎覺坑三百餘人元彪糾衆分拒。六月初三日李家福等自小關擊走元音寺牛角屯獅子口諸敵游擊李元方守備廖在中陣沒北走大山寨金子壩土魚井敵及遵義敵將爲之應劉嶽昭檄玉屏寨團遏之團首監生王文秀謀內應事洩其家被屠綏陽北恃天台山爲倚角南恃鄭場清小平老號卒不得下嶽昭以七星坡平定營實

元彪根據檄圍圖之 七月川軍病疫固壘以元彪等相持圍首安宅仁得檄自龍泉進圖七星坡不克 冬十月吳元彪以川軍圍久率夜出掠諸寨圖阻鐔道并犯嶽昭黃泥橋營不得逞因祈援何得勝安插鉢等插鉢旋至茅坡與元彪合掠走盤安寨嶽昭祈增軍四川復遣耀安營總兵成耀星副將潘長青等來援 十二月吳元彪被圍急祈援劉儀順儀順遣田舒文自偏刀水來會

同治五年

丙寅 八六六

春正月遵義事定吳元彪勢孤入綏陽死守劉

嶽昭督軍築隄決水灌之堅不下乃以李家福及總兵謝景春等圍攻 二月綏陽諸軍日夜築隄高逾城西南隅未沒者三版吳元彪糾何得勝子天寶來援又敗去 三月綏陽合圍久嶽昭遣道員林肇元督軍急攻十二日吳元彪始率黨乞降繳遵義協綏陽縣湄潭縣印綏陽縣城復張日崙始出敵中謝景春等分剿七星坡藍山虎亦降何得勝子亦自鷄場河遁回遵東綏南肅清奏釋元彪改名奇忠令率降衆千二百人爲果後忠義兩營隨軍攻剿 亮基奏略曰



元彪等本遵義練目三年以罪逸據七星坡糾黨嘯聚曾有稟訟冤  
嗣屢招不來劉嶽昭攻圍經年負嵎如故今不得已始行乞命實屬  
不赦嶽昭貸其一死以風示羣賊是或一道然不可留之遵義卽令  
隨嶽昭軍藉資鈐束以杜後患

附錄

蕭光遠紀亂詩云軍麾一百日綏事何能哉舍城不舍令憲重  
諭公才公乃誓守土城失何生爲拔佩刀自刎哭聲震守陣副  
將追上檄慷慨賦無衣將印繫肘後知埋何處泥守歸令不納  
姑婦反脣譏督辦早蜚遜仍教五馬馳么麼自東來逼郡揚僞  
旗大礮震雷台羣醜魄乃褫一閔趨北隅及永安大溪甲戰而  
乙守心齊力不齊砦洞重破殘婦子皆化離石門空有坎金鐘  
莫解圍哀哉三烈士一朝同醢問誰家隊伍披髮學苗夷起  
發黃墳嘴爾牛慶來思數十牽成羣云作賞號貨搶奪相倣尤  
特牯靡孑遺有田不得耕欲耕以人犁豐方起私鹽禍又發官

煤舉目盡妖氛觸手皆亂絲播疆數百里天地爲昏迷憶當二月初聯名請西師本擬顧春耕倏過立夏期謂將及仁桐聞纔發津綦忽傳趙總兵投鞭烏江湄又報于觀察捐軀龍里司楚粵兵援黔將信復將疑新將豈賀蘭抵任何遲遲仁宰先棄城邇更剝民脂文武皆愛錢難怪地無皮五城如破屋寇來隨東西何日大軍集一戰起瘡痍皇皇平播文高功銘鼎彝

光遠紀亂詩又云秦漢開西南播江原隸蜀何事撥黔省十載遭荼毒良民如鳥獸逋竄遍巖谷一洞百環攻十砦九顛覆逃或遺爾種聚常殲其族吁嗟此地民豈獨無司牧牛毛法令紛弛綱僅嚴目署印打劫謠誰訴九門督二趙稱將才勢不離金筑引領望西師空做包胥哭西來保安軍如佛降天竺佛性本慈祥有憑作威福浪戰西南郊我軍常挫衄小勝故張皇勲名光薦牘大廈藉羣材豈憑支一木共事奚分黨同僚盍修睦文武雖異途等食皇家祿豈可徇私忿而忘顧大局誰似陸賈賢



調和進忠告仁正官何在失城無乃辱銅堞再繕完令賢則民  
服去秋綏陽變號匪來何速一官甫下車四里未登穀排隊向  
中田搶糧日不足異哉召信臣方略素嫻熟志在擒猛虎寢皮  
而食肉逆首望風降魁權惜未屬舊新尹之交誰繼楚文躅圍  
城中半年呼天不雨粟牛馬食且盡鼠雀捕相續援兵集數千  
討逆檄堪讀師同九節度都建元戎纛軍餉况支絀將疲卒退  
縮焉得緋衣兒天口任驅逐綏圍久不開遵其何能淑赴援非  
失計師老空碌碌郡城南北關連夜火光燭人謀寢不臧私以  
天心卜北辰有那居南京奏克復蠹茲小醜虜駢首終就戮倘  
倣渤海民賣刀而買犢播種及陽春雨後耕野綠大劫一旦消  
焚香向天祝

黎汝謙夷牢溪廬文鈔先府君家傳附記云先府君

著者按即

也吉之守禹門寨也其奇險大難多矣獨於吳元彪賣夜偷營  
兩次尤爲危殆合寨數萬生靈均命在呼吸此殆有天事非盡

人力也吳元彪者貴州平越州人由武生在本州辦團平越失守逃至遵義府縣吏令帶團練百人紮吾里禦賊時府君辦糧台甚相得也後元彪以索餉故被縣羈押其結義兄弟十人劫之出獄回至七星關老營遂反先遣人與府君及椒園叔約謂官不講理當今之世非反無以爲生約同起事府君力拒之椒園叔則暗與相通元彪見府君不允不數日卽來偷營已登埤縱火矣賴府君部下傅六傅七傅八兄弟三人各持刀矛登埤抵禦連殺數賊乃退出縱火焚後營外墟場而去火光燭天天明未息不十餘日元彪又夜來偷營時大雨如注寨中人均不之覺及聞喊殺聲邏卒乃來報府君及先叔季和公立起往禦則頭道柵門已被撞倒急於營門洞然炮轟擊而藥溼不然三次黑火賊呼聲益急又撞破第二層門當是時人皆面如死灰以爲寨營必不保矣及賊人擁擠攻擊第三層營門殺聲鼎沸懽叫如雷忽第三炮火發擊死三四十人賊遂寂無聲息而遁



次日看視去營門里許埋尸數十具其帶傷未死者皆背負以去而血跡猶淋漓滿路也是役也爲禹門一寨數萬生靈所關而亦府君平生第一險難之事謹附記之

遵義續志邵維新號小魯安徽懷寧縣人髮匪之亂維新投筆從戎襄李鴻章戎幕有功屢擢至花翎直隸州選授貴州平越直隸州知州時黔亂方熾下游咸成賊藪維新到平越任立率團練解龍泉縣圍擢知府用兼攝湄潭綏陽兩縣事悍賊吳元彪距七星坡蹂躪綏湄一帶維新單騎來綏將整軍攻元彪旋署遵義府仍攝綏湄兩縣未行同治三年七月元彪率衆圍攻綏陽城屢求遵援一卒不至賊盡穫四境之稻城中乏食疫癘大作校官典史均故獨維新率把總守城數十晝夜目不合睫賊攻益急米鹽不能通城中斗米廿金城外斗米二錢無輸入者有建策者曰盍微行赴遵任厚集兵力然後攻之維新曰吾誓死守城存與存城亡與亡可也乃聚城中米計口授糧晨則

躬持升勺夜則終宵巡堞困守八閱月城中木皮草根俱盡甚於掘鼠羅雀至四年三月二十三日城中食盡饑民號逼維新痛哭開城令民出逃城迺陷維新巷戰身被數十創力竭而殉綏人求遺骸弗得有圍人持血衣一襲曰此邵公衣也卽將血衣棺殮葬於城外大吏奏聞奉旨追贈太僕寺卿襲雲騎尉世職於死事地方建立專祠

### 第五十九章 奈世舉之役

同治二年癸亥六三冬十一月初十開州荆竹團首奈世舉卽奈三三變從何得勝合江外苗教分道四集爲省城患世舉曾以功職千總數從防剿官至游擊至是以力不足自存變隨何得勝潘名杰圖厄省城巡撫張亮基率布政使龔自閔以下官紳兵民登陴巡防在籍臨沅鎮總兵林自清總兵趙德光等諸將雲集左右前後躬自搏戰何潘不得志退去世舉猶據三江橋德光蹤擊之洛灣烏當永樂堡詳見第十章從此日與何潘往來省城附近故何二強盜潘三王奈三



三三綽號婦孺皆知歷數十年如一日也 十二月署開州知州段紀傳稟言奈世舉之降賊實以力弱不敵圖爲保身衛民之計近日專函自明頗思反正亮基檄獎世舉責令反戈內圖何得勝并檄職員桂芳馳赴開州會世舉同招何得勝降不至

同治三年

甲子 八六四

秋七月奈世舉與何得勝等自安順安平退開

州開修諸團祈大軍北剿亮基檄林自清趙德光出沙子哨分出平山牛場初五日突至修文出敵不意悉散走 八月開修團自何得勝退江外多來歸惟奈世舉仍觀望 冬十一月奈世舉以何得勝被自清德光夾擊始圖來歸就約都司高應煒會軍擊白果小澗圖落旺得勝因攻世舉營逼糧路世舉恐回援方世舉請援時稱不日解賊目入省亮基再遣候選州同桂芳往按遇敵鎮江屯乾壩從者僅四人遇害鎮江屯諸寨本世舉團以敵勢強未敢來歸亮基主剿十二月奈世舉圖自效屢祈援德光德光以開州急令固守待援應煒等遁去世舉力禦二十七日德光馳援至敵解鎮江屯始下

同治五年丙寅六六春正月何得勝等過清水江攻余世舉二月  
得勝猶攻世舉貴陽營游擊傅必榮得檄往援不進夏五月亮基  
檄署開州知州許其翔及余世舉往會都司李得貴等圖何得勝  
六月其翔世舉敗退朝陽屯團首何正冠叛從敵據鼎照亮基遣世  
舉招之正冠與有隙慮將圖己不至其翔世舉請尅期兩月克之迄  
無功

同治六年丁卯六七春正月余世舉據舊縣附近艾子平秋七月  
世舉既請勒限剿何正冠不下至是得勝援正冠世舉遽退

同治七年戊辰六八春二月提督張文德等破王卡正冠降世舉出  
沙子河破米平金山寺三月世舉被圍米平文德檄正冠馳援正  
冠遣軍由落旺攻之世舉突圍走關刀山旋罷去光緒中猶有見之  
者身體魁梧修髯若雪貌慈祥無惡意在七十以外矣

### 第六十章 林自清之役

同治二年癸亥六三冬十一月初十日何得勝余世舉潘名杰等糾



衆四集圖厄省城節制近省諸軍安義鎮總兵趙德昌軍敗黑石頭  
退距省北五里之小關敵復由永樂堡大小關茶店進逼遙署古州  
鎮總兵趙德光馳至擊敗之於紅邊白牙小龍井三江橋委署畢赤  
營游擊兩壘淮水城游擊鄒開貴皆力戰陣亡德昌旋退省城是督  
沈宏富駐省城於是巡撫張亮基自率布政使龔自閑兼署按察使  
糧儲兵備道承齡貴西兵備道徐志導以下官紳兵民登陴防禦復  
飛檄在籍雲南臨沅鎮總兵林自清星馳赴援三日之間徵調文書  
至一十三次復令普安縣知縣李莘農赴自清里第督促於是自清  
聚鄉勇千五百人與原統滇勇千五百人共三千人率同弟林貴祥  
游擊李庚清知府林貴清等於十五日馳至省城附郭一帶烽火相  
望闔城人心稍安亮基拊循諸將激勵軍心民衆則具餼糧以待各  
軍數出輪戰輒裹以行自清德光德昌宏富等或前或後或左或右  
皆躬自搏戰勇氣倍常得勝不得志始却退沙子哨士舉猶據三江  
橋德光蹤擊之於洛灣烏當永樂堡乘間出奇所向披靡自清則大

敗敵於茶店更追蹤龍場分軍豬場堡寶關五里橋敵不得逞大却去自清鎮甯丁旗堡人驍勇有略咸豐初應團練徵從貴州提督孝順攻落別爲都司何有保所賞識復值雲南回變有保奉調回滇因隨有保至雲南每戰皆捷勛名大著以功升臨沅鎮總兵復以收回首馬獻功得黃馬褂雙眼翎署雲南提督寢至驕恣張馬獻所贈蓋世英雄大纛道路以目至被總督徐之銘排擠諷之入蜀軍行不免騷擾所至人心洶懼四川總督駱秉章以非前雲貴總督張亮基不能使自清就範因請以亮基督辦雲南軍務道出四川以制之迨自清抵蜀而亮基亦至四川矣竟將自清所部遣撤回滇令自清回原籍交現貴州巡撫張亮基鈐束至是應調解省城之危云

同治四年乙丑大五春正月二十六日上諭雲貴總督勞崇光着令赴滇督辦軍務黔省剿匪事宜卽責成張亮基認真辦理林自清著准其署理安義鎮總兵仍着該督撫隨時察看欽此 十月二十四日勞崇光欲調林自清赴滇上諭不許且交由張亮基嚴加管束



同治五年丙寅秋九月十八日林自清戕署普安廳同知陳世鎮於白沙汛之老鷹巖及其子候選訓導先洋初世鎮在興義以自清軍騷擾不令入城自清銜之至是世鎮之普安聞自清將圖之間道走省卒遣練殺之道中

同治六年丁卯夏四月林自清私率眾至哲溪六保託名剿匪要各團供糧張亮基屢檄自清晉省聽調輒報捷不至

同治七年戊辰春正月安順六合團黃泰吳明山丁興邦等先為趙軍以勒糧逼變上結十三旗下逼諸團同變林自清在丁旗堡

力守民衆亦以死自誓得不陷官吏亦居堡中借自清以自重 秋七月自清出攻凡旗堡急泰走即岱與苗首巖大五合 冬十二月

安順府知府畢大錫誤受六合餘黨陳建中即陳小五降欲據安順不出會除夕建中索鉅金不得禍幾不測團紳熊光照七次請援

於自清隻身入城建中惶急欲遁自清限令率所部去建中即夜退避三十里安順幸無恙

同治八年己巳一八六九春正月記名提督陳希祥以計誘林自清至軍殺之初林自清自雲南率衆入川經張亮清遣散顧惜其勇頗思陰馭之以得其死力既稍稍有功遂有戕陳世鎮之事及還鎮甯益任性雖有保境功而民亦多受其害亮基屢檄晉省聽調遣不至遂據實奏參繼任巡撫曾璧光旋奉上諭總兵林自清係有旨散練回籍管束之員輒敢散帶練勇戕官肆擄大干法紀黔省疊遭變亂民氣凋殘若再任驕將悍兵恣行橫暴民何以安軍務亦安望有起色著曾璧光按照張亮基摺內所參各節逐細訪查審訊明確卽行奏明正法以肅軍紀欽此於是曾璧光以希祥駐兵安順力能相制密令就近圖之自清素矯健希祥陽與訂交因置酒約自清來會自清以五百人至希祥分置各營解以酒伏壯士卽席間刺殺自清狀極慘酷復梟首解省所部解散死非其道聞者傷之 九月二十七日林貴祥集仲家襲入鎮甯州城執署知州尹樹棠去桂祥自清弟也自清被殺時桂祥遁之雲南至是回丁旗堡爲自清復仇 冬十月初



二日安順府知府畢大錫遣人入丁旗堡責林桂祥令送官免咎桂祥驟變團衆附者少因歸罪土匪潘長林等而以團衆送尹樹棠回同治九年庚午八七。春三月初林桂祥復變據鎮甯西北中華山畢大錫遣大平枝團首龐上儀等誘殺其黨數人桂祥勢頗孤至是大錫復遣尹樹棠同署永鎮州知州汪廷傑前署安平知縣郭拉豐阿等掩入中華山屯擊殺桂祥

### 附錄

著者曰林自清剛直坦易亦識當時體制之森嚴與夫世路之險巇任性使氣宜其不能免矣然其功在滇黔要不可沒死非其罪聞者冤之近於鎮甯得當時地方人士申請昭雪公啓具見公道自在人心也當在滇時七年之間三解省城之圍克復楚雄宣威十二府州縣拔敵營千二百餘座徧體鱗傷六十餘處可謂難能已乃所部陣亡者雖經請卹迄無部文雖經奏保亦無明令可見當在滇時媒孽之者已不乏人正不待其後之

不能見容於黔也余又獲見同治元年自清咨滇督徐之銘一稿則滿腹冤抑不自安讀之令人感喟

或語余曰自清孔武有力人懾其威當局者先曾利誘其親信乘間圖之卒莫之敢撓也有黎懷者幼曾陷敵後自敵中逃出自清蓄之在營會獲勝仗倉卒無人具報懷應聲屬稿敏贍可喜自清益善視之當局者欲圖自清因以屬懷懷轉屬之某其人既進恐懼忽自承自清因解所御金鐏遙擲之令去不問也希祥既奉命久不得間乃佯與交歡而豫穴牆壁迨其入座陰納其髮辮於穴中隔牆堅執之而竟脫走三道鹿角柵卒以辮繫受刃而死蓋不殊虎兕之出於柙也

### 第六十一章 青號之役

同治三年甲子夏六月初八日仁懷縣城陷知縣馬鈞被害初黔西白號竄縣屬三十灣魯般場已復有桐梓青號自南川綦江走掠溫水桑木壩合攻縣城分掠茅台觀音場桐梓縣知縣劉汝祐始



至與鈞齟齬敵既至鈞汝祐與把總艾定國等分門守互推諉官民意不屬先一日團首安邦雲率練百至比夜鈞不到城防盡弛夜分忽譁傳敵已由西門入城中鼎沸汝祐遽開城逸邦雲練亦爭出去數里始聞敵僅數十云敵執鈞索銀鈞大罵死定國及典史潘騰芳走出定國俄遇敵馬桑坎被害騰芳至桑木埡久之亦病死 九月初十日遵義團總唐春等仁懷縣團總蔡永清蒲正相等復仁懷縣城正相搜獲縣印餘敵走觀音場魯般場吳馬口及黔西新場平壩棗竹竹山時委署仁懷知縣洪用勳方道出黔西率州團同進會敵從觀音場茅台村大至退還巖郭松壩因祈援於雲南布政使劉嶽昭嶽昭方駐軍合江縣 冬十月洪用勳出瓢兒井渡小河口赴仁懷縣遇敵磨泥驚潰用勳墜巖免已復馳赴四川永甯集潰練二十九日始入城任事時縣敵環攻白雲寨大小屯寺大屯界黔西劉嶽昭檄副將賀連璧擊破白雲寨敵并入大屯寺 十一月仁懷敵退後洪用勳以城毀無可守因築屯住而集工修文二十六日敵由長

關突至團民倉皇散走復入城 十二月洪用勲及守備蔡永清率練團圖復仁懷縣城永清遽撤回八營皆自潰二十二日敵出剽掠用勲乘間復入城據之

同治四年乙丑八六五夏四月四川總督駱秉章奏以雲南布政使劉嶽昭率湘軍自合江援黔 十月仁懷縣青號石洪明等數出掠四川永甯防軍副將許蔭棠等屢擊不利引退至是敵過河剽掠仁懷廳屬乘龍山古蘭圖入川署同知周秉正出防土城猿猴會蔭棠復進邀敵落用仍不利 十二月石洪明復出二合樹破土城猿猴薄仁懷廳城周秉正城守敵剽掠天台山楊旂山各寨川軍來援敵引回仁懷縣

同治五年丙寅八六六春正月初四日仁懷縣羊窩大小屯寺青號譚繼虞等出掠石寶寺大灘羅漢寺新授貴州提督周達武方防合江署仁懷知縣汪麗金駐官渡塘近合江因請援達武率軍擊敗之旋移防綦江仁懷廳團紳張廷埏等稟駱秉章略曰廳處偏隅距黔省



遠兼以庫款支絀勢難兼顧自號匪據大小屯寺縣城不守而廳境疲於防禦然賊黨雖多半爲譏寒所迫其據羊窩老號不過千餘而已去冬至今時窺廳城若順流而下恐江津合江亦危請飭大兵迅復餘城廳圍自解廳屬地方三里軍興以來所募練團防堵經費俱係民間籌辦長官平日所收釐金并未給予團練四鄉疊遭蹂躪此次焚毀米谷不下數萬碩民力已竭若賊訶知則廳城不守秉章以有劉嶽昭各軍難更增軍俟吳元彪再議進取 石洪明等掠據遵義府西鄉 二月吳元彪降石洪明汪草登尙據府西北嶽昭遣諸軍往會忠字營分剿奏釋元彪明貴改名奇忠奇義令率降衆千二百人爲果後忠義兩營助剿洪明已而草登亦走回嶽昭檄遵義縣知縣馮澍募練五百弁降人宋德金等千餘人疏烏江大路澍先遣西鄉團首李玉成等進扼羊郎 夏四月初二日新授雲南巡撫劉嶽昭自遵義回四川以林肇元李家福統軍駐遵義彈壓家福擊走石洪明回黔西汪草登走桐梓太平場 秋八月初一日初汪麗金

擊下羊窩大小屯以仁懷縣復譚際虞降告未幾仍爲敵據麗金走死鄉間久無耗至是嶽昭言際虞仍據大小屯汪草登等據簸箕壩大壩石洪明據棗竹山以及平壩馬滾坡羊窩縱橫五六百里皆敵期先肅清仁懷後路無虞乃能前進因檄前鋒諸軍刻因會剿自駐溫水策應 九月記名提督謝景春總兵宋華美等毀仁懷馬滾坡簸箕壩大小屯羊窩諸敵均入平壩副將鄒復勝亦毀來蘇場來會攻平壩嶽昭以仁懷空虛留總兵吳安康副將楊正高同代辦知縣鍾毓珣防守 鄒復勝等再毀平壩棗竹山敵壘吳安康等專復仁懷禽譚際虞殺之青號平

第六十二章 曹元興之役

同治四年乙丑一八六五春正月初曹元興本武岡州僧游黔自咸豐七年同鎮遠舉人周佩蓮武舉田玉林辦鎮遠石阡思州三府團練元興與屯唐家營佩蓮屯金鼎山玉林屯響鼓平是爲三屯後均屬元興貴東道韓超令變服受節制檄署清江協副將鎮遠陷三屯亦失元



與走玉屏湘軍入黔元興爲導復三屯超令率降衆耕守防苗教已而思州府知府陳昌運以守備鄭大成代之調元興防天柱移軍浦洞防堵款場三年夏衆潰軍械悉爲敵有湘軍獲其幟遂以元興通敵告至是天柱玉屏相繼失敵出入湘邊天柱之陷咸叢咎焉先是鎮遠府知府龔世增嘗稱元興通敵尙無確據至其退縮貽誤捏飾復城則爲人所共知云湖南巡撫惲世臨因奏陳元興不法狀密令總兵周洪印圖之洪印以湖南候補知縣楊昌江本天柱人與元興有舊十一日誘至便水驛殺之

第六十三章 程尙文之役

同治四年乙丑八六五夏閏五月十六日定番穀種團首程尙文變陷州城代理知州德慶遁三都署定廣協王丕烈遁九龍山尙文原駐雷公屯曾充德慶練目夙與校場壩團首吳保齋有隙保齋告尙文通敵德慶撤其練至是遂結衆先一日劫殺保齋弟兄卒至州城練衆內應遂陷巡撫張亮基檄署貴定縣知縣兼清平縣知縣嚴雋熙

與候選知縣庭中瑜由高坡馳剿 六月副將全祖凱與庭中瑜等  
先後至定番程尙文就獲事悉定

第六十四章 王正紳之役

同治四年<sup>乙丑</sup><sub>八</sub><sup>六</sup><sub>五</sub> 秋九月初桐梓屬五里民素強自楊龍喜起強  
團往往藉事抗官尤以夜郎里太和團王正紳蘆里張開祥爲最自  
王正儒被殺正紳繼之與會匪李炳南令狐春亭張三鳳等陰相結  
各據有屯寨正紳據鐮尖山湘軍副將劉鶴齡進軍逼之 冬十月  
初一日劉鶴齡同綦江團衆禽會匪張三鳳於太平橋進抵鐮尖山  
擊破附近白楊關金華石諸寨攻累日陣亡總兵劉洛旺千總楊洪  
貴龍會雲等 十一月劉鶴齡圍鐮尖山急令狐春亭來援鶴齡檄  
綦江團首舉人楊材選及婁里團首李聯輝楊秀江來環攻材選禽  
春亭及其子令狐龍送鶴齡殺之 十二月初九日王正紳李炳南  
結油籬口梯巖趙先楊么老等襲沙灣糧台不克遂毀松坎釐局委  
員候補同知直隸州胡濟鏞大塘州判宣昭書手單仁山遇害鶴齡



遣軍擊走之益逼鏵尖山礮裂其外牆游擊謀見喜等中礮沒

同治五年丙寅春二月初一日劉鶴齡圍攻鏵尖山急旁寨悉

下正紳猶死據鶴齡乃使人招趙么老降許以不死盡免諸脅從正紳等度不能脫於是正紳李炳南趙鐵匠等皆出降遂并殺之楊先夜縋逸免堽團首王家文禽獻亦殺之釋正儒諸子毀其寨鏵尖山高出衆山周約三四里中有水不竭正紳緣山爲城盤據歷二世垂十餘年至是始平并殺其黨穆福高等

第六十五章 陳喬生之役

同治五年丙寅春三月十一日潘名杰略至貴陽南十里中曹

司旋自平伐走擺金定番屬抵季陳喬生應之一作抵計又作砥先

是喬生與團首陳廷獻陳廷珍挾嫌互鬪廷珍訴之署定番州知州吳錫琛遽以變聞振興團團首楊燮和操之尤亟巡撫張亮基屢刺訪不得實喬生父文斗本軍犯不法殃斃喬生疑懼藉復仇名結黨放會潛通苗教時胡連玉趙廷珠據邦水潘名杰據壩芒相去三十

餘里因相結永固團團首余秉恪等請檄提督趙德光軍進江肘  
夏五月趙德光遣游擊吳占勝徐定邦等剿定番時陳喬生結胡趙  
走據大塘獨坡占勝等敗之 冬十二月初二日副將林從太援大  
塘陳喬生旋剽掠抵季尖山諸寨

同治六年

丁卯

六十七

春正月陳喬生方掠距大塘三十里之蠻面獅

子屯吳占勝因擊下脅從高寨屯脚喬生回轉攻潰占勝營占勝走  
入大塘喬生復分道掠走斗底猫場斷杉汛大塘耆民等上言願傾  
產供餉求提督趙德光親援周南亦言城危甚官兵多不可恃民圖  
順賊保家非提督親援不可如再遣別將不特老師糜餉賊無所懼  
甚至勒索賞需人心渙散將至爲淵毆魚 二月初三日趙德光率  
軍援定番陳喬生方糾趙廷珠等襲執廬山土司盧炳據其屯德光  
復威遠馳擊敗之進軍花山招撫二十餘寨直趨抵季抵季兩峯對  
峙中惟一徑喬生據山半洞中以弟老二老四老么等分據兩屯德  
光連破數卡抵半山軍兩峯間斷其汲道老四以一屯祈降德光遣



軍據之而分攻之敵死守 三月初二日趙德光擊斬陳老二老么  
破其屯以喬生勢蹙且脅從過多因遣陳老四入洞說之降喬生留  
不遣德光晝夜急攻洞破戮喬生妻及陳老四喬生逸餘斬捕略盡  
先是羅斛有廣匪自趕外山入剽掠八達各民屯喬生因乞援入大  
塘略斷杉汛德光擊走之掠過岳陽去 冬十一月初五日陳喬生  
餘黨復起自定番黛花場木瓜司掠趨下四枝紅巖長寨苗因走合  
據廬山攻取下四枝諸屯洞分據廬山養羊廬山接廣順文家屯團  
首文師尙乞援 十二月吳占勝約文師尙由平寨塘襲廬山司敗  
之養馬寨遊擊鄭貴亦得檄自定番青藤汛進偪敵走集養羊堅守  
團總刁春知等亦同時擊敗下四枝

同治七年

戊辰 八六八

冬十月初五日提督張文德檄游擊何雄輝等

進定番牛場擊陳喬生而苗首巖大五卽顧馥春先由安平西走與  
陳喬生合分劄城南茅草寨雄輝等由播季蠻納洞寨擊敗之喬生  
走據牛洞羨塘移攻不下文德檄署定廣協徐安邦助之 十一月

何雄輝連日數攻牛洞，不下。把總黃子葱戰沒。二十九日，陳喬生集衆反攻，署定廣協副將徐安邦力拒中槍陣沒。雄輝乞援。十二月初六日，陳喬生夜襲何雄輝糧營，委員楊澤長及團首楊秀楨并沒。雄輝遣參將張月亭攻羨塘，不利。都司姜飛熊被圍戰死。喬生犯雄輝營，急。雄輝固守，喬生攻不下，旋走轎頂山去。餘猶據抵季。

同治八年己巳六九春正月，何雄輝屢攻牛洞，不利。署定廣協副將

周發榮率軍來會，遇敵茅草寨中，創走旋劄播季，固糧道。二月，何

雄輝襲破茅草寨，復同副將王松林、周發榮毀三都擺金諸敵營，仍

攻牛洞，不下。雄輝建議請招石工鑿石開山，封其洞，巡撫曾璧光謂

陳喬生如果在洞，豈能任我開鑿，坐以待斃。不許。喬生旋分黨竄打

溝板庚。夏四月，署定廣協副將何雄輝以千五百人久攻牛洞，不

下。牛洞後山爲牙州，據苗教出掠。王松林駐距牛洞二十里之馬嘴

因事殺定番團首，候選知縣陳廷獻、廷獻先與陳喬生不翕。至是，松

林圖殺廷獻以招降。陳喬生廷獻父國寶稟松林貪功枉殺雄輝言



定番各團首因是均辭退團民紛紛欲變軍糧不濟敵勢日張 五月何雄輝王松林及游擊楊文粹各部千五百人合剿陳喬生皆因糧於團文粹營青藤松林營馬嘴距敵遠松林閉軍不出日圖招撫雄輝力請急剿而松林得喬生子福保復縱之入牛洞 秋七月何雄輝數進軍襲牛洞不克復以敵衆兵單乞張文德率全軍進剿自請病假不許陳喬生等時時剽掠甲浪擺金屯洞多陷 八月初一日何雄輝乘牛洞敵出遣軍襲之陳喬生還率黨徑據硝洞洞寬有水頗多積曾壁光檄總兵李榮春來會合攻硝洞 冬十月李榮春何雄輝圍硝洞久燔敵兩卡已復毀其旁小洞敵猶守喬生圖鑿洞後潛遁 十一月李榮春等圍硝洞不下復發開花礮碎其門敵猶守榮春以病請假不許陳喬生旋遣人齎稟出乞降並約得巡撫招降免死告示爲信榮春及副將凌興發等爲言曾壁光請發示釋賊疑俟出降點名圖之 十二月初七日曾壁光以李榮春等請給免死示諭陳喬生降榮春等因執喬生并其三子及其妻妾解省殺之

或曰喬生實未死事定後猶有見之者

第六十六章 馬金奎之役

同治五年

丙寅 八 六 大

秋七月十九日前署安南都司馬金奎變據安

南縣城署知縣兼署貞豐知州張銓署安南都司陶萬順走牛場金奎自去冬至安南橫如故夏中興義府知府陳聘儒檄援興義金奎赴白寨籌餉安南團首邱文墅等掠其家室金奎遂據潘家莊圖報復巡撫張亮基以金奎與銓不睦調金奎署遵義協都司普安廳同知錢燠爲和解資贖令赴任并還其家室金奎以普安縣知縣任暉守備易飛熊狎亮基復密令暉圖之金奎刺聞遂不赴至是結前署新城右營守備馬仁恩突入城據之署新城縣丞田汝霖請卽以金奎署普安游擊仁恩署安南都司亮基嚴飭不許而以暉兼署安南貞豐 八月張銓旣出駐馬場代理安南都司鄧懋賞等劄毛栗鋪十七日金奎等間道出鋪後襲殺銓於馬場執陶萬順脅之降萬順大罵金奎令跪不屈乃刎一足令仆罵益厲遂遇害金奎等因絕懋



賞等歸路將并殲之會夜大雨懋賞等逸仁恩據馬場金奎據必克營以餘衆據安南縣城

第六十七章 何正冠之役

同治五年丙寅夏六月何得勝等復悉衆出略朝陽屯圍首何正冠變從之據鼎照巡撫張亮基遣士舉招之正冠與有隙慮將圖己不至其翔士舉請尅期兩月克鼎照其翔月需餉銀六百金士舉月需餉銀一千二百金迄無功亮基再遣邱光翰招之仍不至

同治六年丁卯秋七月余士舉旣請勒限剿何正冠不下至是何得勝過錄莎平援正冠士舉遽撤退中路仍梗

同治七年丁卯春二月何正冠數敗退守提督張文德檄遊擊田興貴自養龍間道會剿初四日攻其卡創退游擊馮成龍舒善選陣沒文德聞敗復督副將林從太等繼進破其卡正冠降正冠故開州生員久降何得勝者至是反正

第六十八章 黃泰等之役

同治七年

戊辰 六八

春正月安順六合團黃泰吳明山丁興邦等先

爲趙軍以勒糧逼變上結十三旗下偪諸團同變并與烏東隴猓黑  
河諸仲家合泰與興邦等自五年安順舊州屢失人無所歸乃陽爲  
齊團禦侮陰散號片黃旗迎黃金印據十三旗建僞號遠近皆應至  
是衆逼府城安順府知府畢大錫城守請援巡撫曾璧光檄游擊傅  
必榮副將童三元馳赴十九日泰等突入定南汛城逐副將池友蓮  
出友蓮奔府遇敵青桐林軍潰以數騎走免餘軍久之始集二十五  
日逕犯府城必榮始至同友蓮分擊大錫應之敵退么鋪 三月曾  
璧光檄護安義鎮總兵温志學馳辦安順七屬軍務 六合團復結  
苗衆破龍場蓑衣屯掠至東南鄉華家關沙鍋寨總兵林自清在丁  
旗堡亦受困乞援大錫遣游擊胡成龍會署大定守備何定功擊馬  
堡分敵勢敵解去鎮甯九屯一場多陷惟丁旗堡以自清力守民衆  
皆以死自誓得不陷官吏亦居堡中西則獨坡屯以團首葉汝霖死  
守亦無恙 四月温志學率同童三元等擊下大壩木山堡敵走鎮



甯北夏官屯連下磨石堡旋北出白巖場進規定南道遇十三旗苗戰不利守備祝友文陣沒志學以三元及都司張超洪守備池如海等分擊始却進攻定南不克志學訐畢大錫克糧不發軍饑六合團將就撫而大錫每屯索費二三百金衆故不至 夏五月初五日温志學攻定南不下引還遣都司句越隆招撫六合團頭目吳慶奎丁興邦等令出鎮甯么鋪反戈殺賊府西南北附六合者半反正惟黃泰據烈山堡附十三旗不下慮各團反鬪約降未果 六月永甯中寨團首楊開祥仇坡貢團首張了頭因破坡貢復結六合團十三旗攻哲溪六保繁花掠逼郎岱廳城十餘里委辦招撫委員雲南知縣張仁師尋率團衆集廳城退落別革老墳 烈山堡黃泰走郎岱與苗首巖大五楊開祥等合十三旗附近多反正 八月楊開祥自郎岱乞反正

同治八年戊辰夏六月郎岱坡貢中寨團首楊開祥數從清軍攻守頗有功至是安順府知府畢大錫以開祥團廣人衆浸驕恣且

通敵挾兩端密遣都司祝朝枏誘殺之永甯

第六十九章 鍾昌林之役

同治五年丙寅秋八月二十二日畢節東里團衆擊殺副將鍾

昌林收其衆千餘人昌林故游擊李有恆部將犯法當死湘軍縱之  
逸昌林遂率黨與有恆抗據東里玉堂溝與滇練槓匪合比有恆入  
川投効貴西道沈西序招降至是在東里防猪拱挾苛虐各團不遂  
遂攻破鎮西法泥諸民屯據林口東里團時會集二百餘屯抽丁練  
團自守遂與戰大石坳殺之

第七十章 袁紹先之役

同治九年庚午春三月初興義縣五台山地迫於強敵與強團

應付頗難袁紹先者五台山之團也力弱不足以自立因與各方委  
蛇總兵楊發貴守備鍾占魁及統帶興義各團劉官德劉官禮等既  
擊下萬屯附近跨山諸敵因逼屯攻復敗五台山袁紹先於二龍口  
夏四月初二日鍾占魁等結內應夜火萬屯敵後敵驚潰同知張



旭中等逾卡入再攻魯屯又破之五台山亦反正 秋八月初一日  
興義府敵進圍龍廣各營五台山袁紹先及二龍口坡普邵桃諸寨  
復從敵分黨出官軍後斷糧路初八日劉官禮營先陷都司李前及  
府經歷區日升千總黃長興金開雲監生葉雲蒸軍功陸啓林蘇保  
勝等死者千二百人軍械悉委於敵興義府知府葉正邦等退保納  
省馬別橋

同治十年

辛未 七

冬十一月袁紹先等復反正

同治十一年

壬申 七

冬十月初一日袁紹先復從敵貴州提督周

達武令總兵何世華查辦五台山 十二月十二日何世華遣游擊  
李漢元率軍進毀五台山袁紹先走興義府南三十里壩梭地與廣  
西西隆新州毗所部吳金龍等降漢元爲內應擊破之追紹先獅子  
口殺之

第七十一章

譚五受之役

同治九年

庚午 八

冬十月安南譚五受渡河薄永甯州城永甯圍

急安順府知府易佩紳以副將陳家貴馳援家貴擊永甯不利巡撫  
曾璧光檄總兵彭萬勝會毛際盛馳援 閏月永甯州圍急彭萬盛  
得檄復不進毛際惠逗遛清鎮 以前營副將譚復盛先赴安順易  
佩紳促復盛急行初八日以二百餘人會陳家貴分進將近城軍潰  
復盛陣亡大石碑東附城於是永甯被圍四十日糧盡援絕知州楊宗  
藩城守槍中左肩及足知不保則以印付響鑼屯降人周老四遂結  
譚五受以數千人薄城入陷之執宗藩送之貞豐回首馬仲勸之降  
大罵不屈死因瘞之城陷後際惠萬盛始先後至繁花烏蠟巖復以  
乏糧爲言不進璧光皆嚴飭奏禡萬盛職 十一月二十一日譚五  
受分黨由永甯間道至郎岱卒犯廳城廩生劉家銘率團三百人禦  
擊陣沒永甯協左營都司毓秀率練縋城下擊力斬數人追至大樹  
脚遇伏戰沒敵勢益張鄉屯多陷遂圍城同知喻懷信同署永安協  
陳開通城守 十二月初署安南知縣白建望劄防毛口河岸五受  
自郎岱解退出毛口團衆多附之守備胡錫庶陣沒營潰練衆死亡



過半建蓋攜印渡河奔郎岱曾璧光及提督周達武檄副將鍾有思等率五營剿安順署知府馮澍以回首馬安民據貞豐而分譚五受據安南爲掎角因得分掠郎岱歸永甯請先取永甯扼守花江清境內然後進取貞豐時五受擾據永甯聞有思軍將至退牛口二十一日進圍州城攻竟日敵知不守夜遁上盤江毛草平渡河去永甯州城復

同治十年

辛未 七八一

春正月鍾有思以總兵游宗萃府經楊見龍扼

鐵索橋

江即盤橋

防河外援敵自率軍由永甯西出迤擊查喇五里塘大

平諸賊皆下之龔生環同知府羅應旒率軍東南出募役司擊敗賊初五日復汛城會軍落烘募役司敵望風遁敵首向大八龍么大赴營降諸軍還駐募役譚五受潛渡鐵索橋來犯宗萃見龍敗之有思率軍進取老君關 二月鍾有思圍響鑼急貞豐回首馬斯駿與譚五受再犯鐵索橋圖援響鑼宗萃等復敗之 夏四月何世華署安義鎮總兵率八營接防鐵索橋永甯毛口歸化水城 冬十月十三日

譚五受自安南以衆千人赴世華降更名元輔安南城復世華編其衆爲一軍令五受領之圖自効

第七十二章 黃德粹等之役

同治十一年壬申冬十月初一日普安九甲團首劉廷授黃德粹聚衆以逞提督周達武遣總兵黃宗耀往剿九甲 冬十二月十二日黃宗耀破禾籠皮古兩寨劉廷授黃德粹遁水城那西洞

同治十二年癸酉春正月初一日黃宗耀擊斬黃德粹那西劉廷授逸水城平寨土目安萬鎰旋獲廷授送宗耀殺之



咸同貴州軍事史第二編下終

江蘇謝公允校字

咸同貴州軍事史

貴陽 凌惕安 編著

第三編 苗族之運動上

第七十三章 生苗之役

咸豐五年

乙卯 八五五

春三月十五日台拱廳苗起逕攻廳城署同知

張禮度護參將王友林等禦之苗分黨合清江廳苗入朗洞城大掠去朗洞兵故七百餘名參將守備等十餘員開泰縣丞駐焉自楊龍喜起兵外調存者少護參將清廉率兵巷戰苗旋退去 十八日台拱苗分陷稿貢汛城并結黃平州苗攻巖門汛城汛爲控扼生苗要地二十一日苗進攻州城略及舊州署知州楊承照署都司高殿選等禦之提督趙萬春及丹江營參將閃雲適過境同擊苗退 二十  
六日苗陷清江白索汛德阜堡巡撫蔣蔚遠檄平越州知州邵鴻儒及署古州廳同知彭汝璋署龍里縣知府陳毓書赴台拱同署鎮遠府知府吳登甲查起事情形分別剿撫以貴東道承齡赴任督辦凡



苗疆將弁營兵外調者悉令歸伍 夏五月候補知府韓超同邵鴻儒至台拱彭汝瑋陳毓書至巖門吳登甲駐勝秉時苗甫變良懦者本無他志頑者亦有畏心皆求撫官吏既或挾威索賄無厭漢民又以剿苗民爲快惟恐撫局成謬謂官軍將乘解散盡誅於是黠苗及漢民無賴思逞者廣布其言相扇而苗變益衆山丙革夷凱塘凱哨苗寶首倡山丙革夷故盜藪地險邃保禾高禾弟兄及九松等皆首魁前黎平府知府胡林翼屢搜剿禽保禾殺之高禾等卒未獲春初卽思動蔣霽遠先檄清平縣知縣秦鎮藩查辦甫至凱塘遽云苗已盡滅比事亟遂不敢以聞苗連陷凱里縣丞屬之排養汛及威遠永甯樂郊懷恩各堡丹江廳屬空稗汛頂冠汛及震威培壟連城各堡頂冠汛外委蔣大春死之凱里都司盛修志率兵至巖門會同汝瑋毓書等防守 六月初三日苗陷巖門汛城署古州廳同知彭汝瑋署龍里縣知縣清鎮知縣陳毓書署威甯鎮游擊凱里營都司盛修志黃施衛千總邢連科本汛把總唐定魁署銅仁把總周國順土司

何化隆等死之連科子舉人士義及定魁全家皆殉施秉武舉鎮遠  
守備何其英率練援來俱沒丹江屬黃茅烏疊各汛肇泰長豐永定  
望豐撫遠各堡台拱屬德豐覃膏固圉松茂干城施洞各堡黃平屬  
重安驛皆先後陷巖門失而黃平危施洞失而鎮遠危重安失而驛  
道塞苗勢大張殺戮尤極慘毒所至石土皆赤迫脅良苗相率變於  
是承齡同署撫標中軍參將圖塔納赴清平會辦 十五日苗攻丹  
江廳城署通判嚴錫珍署參將烏爾滾珠等禦之越日走陷雞講汛  
逼鎮遠府吳登甲回防苗復趨黃平施秉各汛逕薄城黃平千總柴  
雲恩禦之五里橋陣沒署施秉知縣劉玉麟等禦却之未幾復攻台  
拱廳城韓超張禮度都勻協都司賈連升會擊始退 秋七月苗圍  
丹江急外委傅燦蓮敗沒昂德寨承齡遣興義府經歷黃鳳署鎮遠  
都司守備王定臣率兵千三百名自清平往援遇敵凱里不進 韓  
超張禮度等數敗苗革東汛苗陷邛水梁山汛 二十七日苗攻鎮  
遠鼓樓平代理鎮遠鎮署游擊余瑞麟棄營遁署思南守備黃朝珍



力戰中三十餘傷同兵丁三百餘人皆沒候選照磨胡秉元生員陸作礪等率思州團練禦苗施秉全棚陣沒 八月初四日生員秦召南等擊苗邛水戰沒邛水扼苗疆吭鎮遠縣丞駐焉施秉新城汛亦據苗衝屢困苗附汛半里涼傘屯苗營尤逼松桃協守備馬連科署守備許占泰先後援至苗稍解去承齡乃檄連科等疏通黃施驛路 初六日出汛城數里遇苗平南均千總左廷奉劉世舉把總甘一本外委曾元惠姚啓鴻生員饒鎮雄武生龍德職員李大貴及兵丁百餘人戰沒連科受傷脫回軍械盡失汛城仍被圍 九月初丹江久困嚴錫珍烏爾滾珠乞援略曰自台拱苗賊圍城時丹屬被脅良苗屢具稟擲入請催援兵速至卽反戈攻賊乃催稟百上一卒無援良苗失望遣卒從賊賊知城中糧絕藥鉛都盡愈攻不息兩月來陣亡官兵百餘餓死男婦數百草根樹皮剝食殆盡孑餘之衆骨立菜色守旣無力逃亦無路十三日苗遂陷丹江廳城署通判龍里知縣嚴錫珍署參將普安營游擊烏爾滾珠守備計維富衛千總周開廣

等皆死之民死數千得脫走凱里者僅十餘人 苗時圍新城汛急署把總李瀛屢戰被創苗掠婦女城下辱之瀛憤極嘔血裹傷出戰兵練從之殺苗百餘力竭沒於陣新城兵民饑疲所恃者瀛瀛沒四日至十五日新城陷松桃協守備馬連科署千總涂文舉把總蔣國興廖友榮天柱把總吳大成彭緯璋外委郭亮疇楊士祥鄧昌才蕭士珍及汛兵三百五十名皆沒城民數千死略盡 丹江新城既先後陷苗勢愈張連日敗代理清江通判余宗惇於烏包塘敗署柳霽縣丞沈世瀛於柳寨塘廩生羅瀛等百餘人皆沒署台拱同知邵鴻儒陳剿苗情形略曰議者欲先清驛路然賊巢在兩凱革夷山丙大小江驛路特餘黨耳兵至則散兵過仍聚不若台城近九股黑苗窟穴地險爲賊所必爭台拱失則五廳皆撼卽克復亦難爲全局計進剿必自台始五月以來大小十數戰而糧匱兵譁不得已分練領餉鎮遠不得轉又赴省迄今四十餘日練亦無耗進剿則存練過單且缺餉八十餘日饑寒交迫誰能用命待餉候練困處台城及至練回



得餉無幾前支後空又將復起僕僕道路安能剿賊請速調兵二千撥餉二萬責成韓超統帶進剿饒不掣肘軍威自壯再請檄飭鎮遠施秉凱里一律兜剿以分賊勢蔣爵遠以固省垣驛路爲重斥鴻儒請兵餉過多不許 十八日苗據平越鷄場清平驛道絕 冬十月二十七日下江生苗起陷下江廳城代理通判張淑度護游擊陳源遁是時古州東南水陸三路俱梗僅王嶺忠誠二堡可達黎平黎平府知府多文旋率軍回廳城益孤 十二月承齡圖塔納等自清平退駐平越遇苗鷄場貴陽營額外周世熊敗沒苗勢益盛時黃鳳王定臣猶阻凱里以逗遛褫職凱里苗方亟城中兵疲食盡卒得承齡檄令鳳定臣移軍香鑪山汛二十五日鳳等行至龍頭河無舟涉水渡天大雨雪火器盡濕爲苗邀敗奔至汛汛爲鄉團保拒不納圖奔清平至氣洞河苗圍殲之黃鳳王定臣及署貴陽營千總顧士均外委方學林張連舉等兵練千三百人皆沒饑民從逃者死亡滿道苗盡得鳳等巨礮火箭諸利器益急攻凱里初城中斂金製器械以守

鳳等攜去民阻之不得乃悉資苗既而上江協千總黎朝勳等脫至清平出承齡檄相質始知其僞或云苗爲之或又云鳳等圖脫危自爲之 吳登甲及署鎮遠知縣張淮欲請兵其稟略曰下游之事萌芽於苗破壞於教都勻教與苗合銅仁教與苗分分易治而合難攻大抵教匪桀黠嘗陰結悍苗爲外援苗賊陰狡則附和教匪以牽制若分兵千餘間道趨鎮或進駐施洞口各苗恐大兵將犁其穴必回自顧則教匪勢孤不難卽滅革夷兩凱苗賊所掠財物皆藏本寨現同教匪在清平與官軍相持此其明驗爵遠不審以登甲等株守不出嚴斥之

咸豐六年

丙辰

春正月古州鎮總兵桂林以多文苛斂經費激

變永從貫洞苗民參將慶瑞燒掠古州寨蒿苗寨殺良苗二千餘苗變益亟咨告蔣爵遠 二月十八日苗衆襲古州梯城上桂林力擊衆退 時苗圍台拱久軍食垂罄韓超與丁憂卸署同知知縣張禮度上江協都司賈連升自廳城突圍走勝秉苗圍之五岔十餘日不



得進苗攻台拱益急良苗有不從者發其墓邵鴻儒署參將富忠等嬰城守鎮遠鎮總兵楊啓賢自鎮遠來援敗苗塘頭哨苗攻勝秉署守備姜兆麟出禦啓賢軍適至苗退 二十日起等自五岔突圍走黃鼓屯一作鼓一苗復圍之啓賢自勝秉再往救內外力戰禮度及上江協把總劉鄭勝外委許恩貴都勻協把總李定忠外委吳華奇王治興貴陽營把總唐萬賓外委游起貴永安協把協劉大鈺候選縣丞王泰臨從九陽餘齡等陣沒兵練同沒者二百餘人禮度母妻及家口二十餘皆被害超連升等得脫同啓賢至勝秉連升中傷 二十二日啓賢回鎮遠遇苗府南過風坳亦被創外委楊正元陣沒 夏四月吳登甲自鎮遠以楊啓賢餉米百石濟勝秉沿途轉戰傷亡甚衆韓超及四川參將蔣玉龍皆先後至鎮遠 二十七日生員孫元勳陣沒舊州月亮洞 五月古州方急會清台苗練數百爲廣西巡撫撤回道下江苗衆悉招致爲首者稱龍大王據三保與齋首余老科等分扼古州益困詳見第二章 二十九日下江苗陷永從縣城代

理知縣蕭賡守備段兆錫等遁苗旋退去。秋七月初四日苗陷勝  
秉城縣丞鄧文熾署守備姜兆麟署把總李興發等死之事初起兆  
麟等以汛地難守乃率兵民入勝秉舊縣城與文熾等同守被困年  
餘飢疲不能禦士紳兵民死者甚衆初鎮遠廩生金甌捐資募勇助  
守新城新城陷甌家八十餘人皆沒甌及從子廷鏌等五人脫至勝  
秉至是并沒蔣玉龍韓超時駐鎮遠老城與苗相持不能救玉龍旋  
退保府城顧讓道分軍扼毛平思南坡兩路口諸隘超移軍援邛水  
未幾苗攻尹坡鎮遠都司鄧春榮棄營遁把總許起鳳陣沒苗至衛  
城西門松溪口吳登甲楊啓賢等却之。凱里被圍經年縣丞陶文  
量代理都司張書年等率存城兵民嬰城守待援訖不至告急書皆  
阻不達秦鎮藩自三月卽陳清凱兩城情形略曰清平糧雖盡猶可  
掠取附近苗寨雜糧并采野菜嫩草苟延凱里則草根木葉皆已食  
盡日有餓死未死者輒攫死者以爲食初九日苗遂入凱里城文量  
春年皆死之其飢餓垂盡得脫走清平者僅數人。二十九日苗陷



施秉縣城署知縣印江知縣劉玉麟教諭楊春發訓導馮含輝前署  
訓導章道純外委翁國成偏橋土司安德寬等皆死之玉麟子金鑑  
甥黃某道純妻鄧子永鑑子婦司德寬母妻同沒貢生鄧玉虹宋定  
甲廩生朱正儒王懋官生員朱正舉宋復壽宋復萬朱大松宋紹謙  
宋明揚監生劉世澤蔣大品武生宋乾貞等并沒千總李經棟外委  
朱錫光遁勝秉凱里古州施秉與台拱清江黃平柳霽各城皆被圍  
久未陷者兵疲食盡亦岌岌不支 八月清平苗刈禾城外上江協  
千總黎朝勳出擊敗沒復陷香鑪山汛外委王占魁死之香鑪山形  
圓若鑪累三成頂闊於腰四面陡削惟一綫可上廣三十餘里中有  
沃田可居數萬人苗疆稱險要汛失縣境益危 十三日苗陷清江  
廳城代理通判府經歷余宗惇署副將都勻游擊傅權死之署都司  
撫標守備郭鵬彪署守備張延祚千總李春元左森祥把總胡占元  
楊光藻周飛熊伍國祥外委張通文楊昌祥潘繼華張金益李學進  
高本元李廷榮楊勝璋羅清臣王經張宗秀劉萬里雲騎尉楊茂基

梁建勳恩騎尉梁建邦土千總王中興楊承權楊勝德土把總李志  
廣楊開泰等同沒掌柳州書院附貢生田金諧幕友俞正杰張敬齋  
周熙堂職員周之珏等遇害兵民得脫走柳霽者僅數人 二十六  
日苗陷台拱廳城署同知直隸州邵鴻儒署參將威甯鎮游擊富忠  
把總劉勝邦外委趙國安等皆死之富忠二子數女殉新疆六廳台  
拱圍最先鴻儒富忠守禦力故後失 苗略鎮遠文德關蔣玉龍楊  
啓賢等却之時署四川總督樂斌再遣參將鍾琦率川兵千人來援  
蔣霽遠令隨玉龍防剿鎮遠 雲貴總督恆春因雲南回警旋奉上  
諭度滇黔兩省情形先其所急覆奏以都勻古州等處相繼失陷現  
咨四川督臣調屯兵千名來黔協剿並咨湖南撫臣就近救援黎平  
提臣孝順忠勇絕倫實心報效臣已咨其遇有緊急調遣毋庸往返  
札商以免耽延並飭知帶兵各文武一體遵照滇省回賊應懇恩施  
飭調川兵二千名來滇協剿臣綜核大勢黔省苗教各賊支黨太多  
此擊彼竄滇省回賊獷悍而譎兩省同一饜紕兵單其緊急情形無



可軒輕臣才識庸闇辦理一省尙拮据債事倘蒙天恩棄瑕錄用如臣督辦黔省請簡專員督剿滇回如命臣督剿滇回請簡專員督辦黔省查自黔至滇由六百里發行緊急公文道路梗阻繞越行走非踰十日不能到一切機宜實有不能兼顧之勢九月初一日苗衆乘夜大雨登麻哈城提督孝順麻哈州知州何鋌等擊出之十一日苗陷黃平州城署知州候補知縣楊承照署都司都勻守備雲騎尉高殿選學正鄧福照等死之承照妻王子恆錫殉在籍都司劉朝勇恩騎尉王世榮龍應貴松桃把總石明發等同沒蔣爵遠馭商恆春以雲南曲靖守備張文標同安順守備張福震扼阿舊州舊州距黃平三十餘里爲平甕屏蔽有小徑可通省冬十月初十日陷清平縣城署知縣秦鎮藩典史李安圻等死之廣西貢生王文炳遇害上諭恆春等督兵剿辦調度無方實難辭咎恆春蔣爵遠均着革職留任速飭在事文武將失陷城池次第收復倘再延玩必從重治罪旋又令曰孝順素有勇略著卽督辦全省軍務所有川滇兵及本

省兵練悉歸調度在事文武統歸節制 貞豐高寨毗歸化羅斛苗  
嘯聚爲害蔣爵遠檄貞豐州知州蔣時純歸化通判曹煊羅斛同知  
徐達邦等會剿歸化羅斛兵練未至時純遣其子補用知州立炳會  
長壩營署守備保定邦先進至由義寨失利傷亡甚衆 二十九日  
苗衆陷朗洞城署守備劉世勳署千總趙坤把總馮際龍署把總向  
士林朱達清等死之卸署參將定廣協都司清廉遇害代辦參將戴  
國楨遁 新授四川川北鎮總兵蔣玉龍代辦鎮遠鎮楊啓賢等敗  
苗鎮遠鋸子山楊柳衝復同吳登甲遣生員張文舉毀都甫寨 十  
一月初五日苗衆陷黎平錦屏鄉城代理縣丞陳槐遁千總何龍章  
不知何往 蔣玉龍敗苗衆鎮遠鎮雄關湧溪把總劉光愷陣沒兩  
路口 上諭據御史宗稷辰奏黔楚道梗通政使嚴正基係嚴如煜  
之子熟悉苗情請飭該員回湖南簡率鄉兵士勇出偏橋進剿並飭  
四川兵與湖南兵密約夾攻等語嚴正基雖熟悉苗疆形勢但年力  
漸衰未必卽能得力所請令其管帶兵勇之處着毋庸議至黔楚大



路宜扼偏橋其徑路如鴉喇關等處溪河直通麻哈八寨并三廳五寨皆有山路可通宜用前明朱燮元五道并進之法與今日形勢是  
否相合貴州兵力單薄自應川楚合剿以期迅速蕲功著吳振械恆  
春蔣爵遠駱秉璋按照該御史所奏體察形勢相機進剿如果川楚  
兩路各出奇兵分攻腹背再以黔省主兵與客兵并力殲除則辦理  
當易得手總宜不分畛域悉心籌畫欽此穆辰奏略曰臣少時在湖  
南粗悉傅鼎平苗大略及見激浦嚴如煜苗防備覽與所謂平苗策  
知當時苗亂獲平由統兵大臣能採擇良苗任用賢吏先收其類以  
翦其羽翼復計其守以杜其出沒然後屯練熟礮堡成節節搜捕而  
湖南肇亂之苗不留根株貴州繼起之苗易除萌柝惟施於黔境功  
力較淺是以銅仁松桃近有復叛之勢而鎮筭究遵約束罕有叛苗  
其銅松等處毗接鎮筭向化地方見鎮筭不能扇動卽已解散彼時  
如黔撫得人能發兵聯絡楚軍必不至偏橋今施秉縣以北久阻要  
衝偏橋以南久爲賊據至如今日之披猖也臣聞貴州撫臣本少斷

制當叛苗初起有獻策先破其要害可令首尾截斷無致蔓延奈不聽從浸至益熾愈驕愈不可制迨督臣恆春前往督辦觀其歷陳形勢眉目一清似覺有馴伏之機顧何以偏橋依然未通文報驛騎由蜀道紆回繞行臣伏查湖南大路固阻偏橋其徑路可入者如鴉喇關在鳳凰廳西北四十五里毗銅松按所指陳多通思州靖州會同據方輿紀要今昔情形不同地勢亦太偏遠通道可達黎平五開溪河清始江今直達麻哈八寨以及三廳五寨處處皆有山路通黔若用明臣朱燮元五道并進之法何難兜剿旁擊直搗巢穴雖湖南爲四省邊防力有不暇然黔旣不能自振滇亦被回賊分據無望其援救比鄰舍氣勢稍壯之湖南不資其助而又誰望臣素悉激浦嚴氏諳悉邊情苗疆有事累經出力而嚴如煜爲優貢時卽能殫城捍難聯革老以得苗中情僞獻策戎帷所著苗防一書灼見無遺算時論以立功推傳立言推嚴實今日所當師法者嚴如煜之子通政使臣嚴正基平日習聞庭教於要料制勝之要擇險守隘之方多所傳授近年在粵西管糧於軍務頗有贊助方今召躋九



列尙未衰頽若用以盪寇誠慮精力不能充周至征苗之役用此生  
長其鄉練達老成之人簡率鄉兵士勇一鼓而出偏橋必能行乃父  
之庭訓收傅鼎之遺烈似於今日西南大局甚有裨益再臣攷水西  
紀略備載朱爨元督師由蜀入黔進兵復畢節赤水及平越四衛遂  
渡偏橋可見蜀境憑險居高下臨黔省有建瓴之勢若得該省勇幹  
大員率制勝之兵勇分道進剿與湖南密相訂期大舉合攻總以必  
取偏橋爲主腦一有蜀兵接應則楚兵何憂深入孤危以楚攻其腹  
以蜀攻其背黔地文武見四面皆有救兵亦足壯其膽氣從此羣苗  
震懾邊域不難底定 十二月初九日戴國楨仍還朗洞朗洞營守  
備汪澤霖等以國楨通敵告

咸豐七年

丁巳八五七

春正月初六日苗出湧溪圖鎮遠吳登甲蔣玉

龍楊啓賢楊淮等分禦之鎮遠南昆勝秉清台西接施秉東抵邛水  
皆苗出沒與兵練爲進退焦溪兩路口稱要隘祇制兵三百人扼守  
邛水苗略至黃泥岡署青谿知縣陳岳霖會川軍擊走之 施秉苗

常出略石阡餘慶間之客樓天應都平集於龍頸坳阻鎮遠陸錡石  
阡府知府黃培杰以高碑灘水爲鎮施要隘苗出略石思所必由請  
各屬合防復請飭思南抗路瀨爲石鎮聲援 初梁上巴野諸寨良  
苗自韓超駐軍老城首歸順清江之圍曾鐸米以濟陷後保全難民  
頗衆且時輸苗情超給軍符約爲應軍不果入苗覺襲而屠之脫者  
奔瓦寨旋安置邛水自是苗中消息格鬩無能效順者 永從古州  
相繼陷苗首龍才貴即龍大文結齋首吳文明一稱齋門教主余老科稍稍入黎  
平寨屯久之遂薄城下多文等屢祈援蔣霽遠令就檄鎮遠八弓汛  
兵汛即邛水並乞湘軍進剿湘軍以未奉檄不至時柳霽鐵衣苗據青龍  
腦以攻汛城沈世瀛清江右營游擊那丹珠禦之柳霽東與瑤光甘  
烏各大款近款者明時衛軍禦苗號曰款軍今爲團黎平舉人姜日  
瑞姚廷楨等率衆援之 二月苗自高碑渡灘水蔣玉龍等敗之苗  
折入癩子山略毛平玉龍又敗之苗回勝秉未幾復至并略尹坡已  
革守備陳世容外委劉紹晏李得仲高潤禦之鴨溪皆陣沒玉龍馳



援始去 前破巴野苗將進瓦寨圖踰邛水絕糧道韓超分軍禦守  
苗齋等衆數逼黎平多文檄古州左衛總旗蔣貴矩等率團駐懷  
來堡擊斬吳文明自都江變起貴矩卽聯絡本保三里七十二寨及  
高羊各款扼險拒守時赴黎古之援保全頗衆多文因畀以右堡軍  
事時右衛駐寨蒿 三月初七日苗夜襲焦溪營火民房二三百戶  
署廣元游擊富隆阿退江北潼川營把總溫朝彪陣沒兵民死者三  
百餘人苗徑略附府城西之太平橋因奸民李正品圖襲黃土坡吳  
登甲獲正品誅之 古州苗衆齋衆棄城去車寨舉人楊廷芳會各  
團復之請黎平分兵守黎平方苦龍才貴余老科等逼不果旣苗龍  
啓英黑大漢復結靖州花衣二十三畝等苗來犯高羊洛本保三里  
各款來援三里近太平山山屬上江西百二十里在喬桑烏落間高  
可二十餘里上平坦足屯萬人古州未陷三里時助剿佐軍食多文  
復遣代理開泰知縣袁鴻基祈援湘軍并導師初湖南巡撫駱秉章  
遣甘肅參將萬年新援黔至靖州病訓導丁際可會守備熊興柏等

移軍糾坡復不進至是再遣同知直隸州知州北琛率龍勇八百人  
并同知吳自烈率鎮筵幹勇赴靖州進錦屏鄉 夏四月初九日北  
琛由杉木坳進軍岔路口吳自烈來會苗襲營敗之進圖錦屏黎平  
練團亦至苗棄城走錦屏鄉復北琛移軍駐之龍啓英等率苗衆走  
六洞間道還據古州蠟岑寨寢至九朝關多文祈北琛進軍黎平  
吳登甲蔣玉龍數敗苗太平橋兩路口玉龍因分兵護耕韓超合青  
溪團出邛水進剿寨頭失利苗遂據爲根據地 五月北琛至黎平  
調丁際可出平茶汛游擊張萬書亦至敗苗黃溪田馬脛坳連毀新  
寨黃溪苗營清府城附郭苗移師中朝所進圖永從 閏月苗略白  
楊平吳登甲等禦之守備卞鳴珂中創沒旋陷大地方略粑粑平分  
略石阡 黃平苗毀新州不居略逼七里衝時文武職官俱駐舊州  
署知州陳世鑣會雲南曲靖守備張文標率雲南兵黃平守備張福  
震率平遠兵敗之黎樹坳苗轉略塔紙屯破小壩至平西壩圍首黃  
發茂倪登雲禦擊陣沒 北琛進軍中朝地青黑大漢等據永從及



老虎坡北琛率都司周洪印守備朱占元訓導趙國林劄滿團長春堡潘老寨相犄角 六月初九日北琛等復永從縣城黑大漢逃去 甕安齋衆走黃平結新州苗出兩岔河分據柿花土雲霧山陳世鑣出松洞率團練敗之再敗之墮頂關而新州苗乘世鑣出復圖犯舊州張文標等禦之大翁鋪旋回守 初九月天柱章溪汛姜映芳復結苗衆據順洞逕南洞圖瓦寨韓超禦之 冬十月初十日上諭前據駱秉章奏貴州錦屏永從等處業經湖南援軍收復請飭蔣霽遠速令古州鎮道及錦屏永從等處官弁赴任經理以便兵勇撤回當經諭知該撫遵照辦理茲據蔣霽遠奏稱六洞首逆黑大漢等現尙竄伏少洞古州朗洞上下江等處亦未克復教匪余老科仍在太平屯聚或恐湖南兵撤而苗匪復來滋擾請飭駱秉章暫緩撤兵駱秉章撥兵援應黔省原屬不分畛域黎平接壤湖南所有前派之北琛一軍既能得力著暫留協剿毋庸卽撤蔣霽遠身任封疆豈可以該省剿匪要務盡行諉之他人著卽飭令多文慶瑞等乘此楚軍得

力督率兵練合同進剿以期盡殲醜類毋得一籌莫展專恃鄰省救  
援致干重究欽此 十一月大平齋衆及苗衆掠九朝據樂鄉駐防  
九朝千總李秀祥連敗之退八蠟北琛等駐長春堡不進六洞苗時  
出略 荔波苗仲水家集巴容圖進攻荔波縣知縣吳德容調大坳  
坡川兵百六十人移防洞塘旋散去時縣團半會擊獨山半防粵不  
可移德容因祈援苗衆旋略水慶茅蘭洞塘生員邱育泉禦之水工  
德容亦至會巴容苗衆水家突犯縣城德容急回同署游擊都司汪  
文鈞禦擊大坳坡不勝二十夜馳至城下苗方攻城德容同育泉等  
却之

咸豐八年

戊午八五八

春正月二十二日苗陷麻哈州城已革提督佟

攀梅署知州何鋌吏目余寶錕及畢赤營守備劉尊權千總樂玉王  
元魁把總汪見龍巷戰死畢節廩生鄧毓監生周官培同遇害培妻  
張大罵不辱死從子錫鶴與其族衆凡百餘人同沒城中死者二千  
餘人鋌自楊龍喜侵麻哈至是守城四年苗教數至皆不得逞佟攀



梅過持重總兵巴揚阿擁衆不進孤城糧絕饑民死過半守備頓弛以致於陷苗首陳鴻勳即陳大唐天佑俱州人鴻勳先以法被繫獄楊龍喜入州境鋌釋罪人爲練鴻勳乘間逸把總張劉順捕之不獲州陷天佑舉各官柩及家屬送出無所傷佟柩送牙州苗遂長驅都勻貴西道福連赴龍里督諸軍以候補知府徐河清練不力復付平遠在籍翰林院庶吉士丁寶楨練一千二百名同防清水江未至二十九日苗陷都勻府城署知府高廷鏌死之其妾抱二歲兒忠告投池殉同死者護理都勻縣都勻府經歷羅維德從九羅光祖四川邑梅營守備黃廷超雲南昭通鎮左營把總羅應春守備張星明程占祥東川把總何連甲外委侯魁額外沈朝俊等數十人巴揚阿再遁舊縣廷鏌守新復之區居民鮮外四面皆敵內撫外防幾十年數却敵敵退仍居城上卒與城俱亡死三日鴻勳斂瘞之苗遂益趨甕城橋雲頂關龍貴急省城大震二月苗焚略至貴定城下知縣樊希棣固守訓導龍德化分扼甕城橋陣沒先是徐河清請援貴定比給

以餉則稱病僅遣團首劉孔揚等往防甕城橋至是亦敗蔣霽遠嚴  
斥 上德明寨苗來攻邛水瓦寨韓超禦之超自去年七月兼署思  
州知府二月解任征收舊欠新丁正耗銀約二千八百兩佐軍實駱  
秉章復撥沅州捐局錢數千貫濟之黔中月餉故在超軍月需米七  
百餘石屯邛水自守 六月平越苗襲潰湯義司全家良團營 初  
蔣玉龍辦理思南軍務議調鎮遠川兵盡赴思南吳登甲上言請留  
略曰自兵分思南人心震動苗乘間攻府衛兩城無虛日倘鎮遠不  
守苗長驅而赴思石則提軍腹背受敵益難兼顧是能否克復思南  
尙在未定而鎮遠已先受其害矣 十八日苗陷搭紙屯連破革寨  
三十餘殲革老二千餘衆初生員王漢章至石筍溝虛聲恫喝苗衆  
詔已請大兵見黑卽殺苗衆因先屠革寨漢章復走省請卹霽遠厚  
給之并付以軍火歸又薄給其衆革老銜之刺骨 秋七月初三日  
苗衆進舊州北二十里平寶寺潰翁夏團黃平州知州杜琢章登陴  
守 八月鎮遠苗數縱火略衛城吳登甲等屢却之至是川軍餉乏



悉潰走思南富隆阿止之弗聽二十九日苗遂陷衛城楊啓賢及守備胡攀桂鄧春華先一日遁苗據衛城分黨過河圖府城鎮遠知府吳登甲禦之五牌盤龍均署鎮遠知縣楊淮禦之東關外大橋戰沒府城繼陷同沒者題補鎮甯州知州段志伸署府經歷張鈞縣訓導陳嘉霖巡檢周瀛從九黎允中李廷榆楊春圃張必榮外委羅先軍功方廷槐吳占元陳洪興殉者登甲妻陳與二女及兄妾鄧又鈞妻包二子署典史吳延增妾彭委員李振基庶母王妻吳弟益基復基妹二子森嘉霖允中諸家丁婢僕等數十人延增振基遁府訓導袁安吉妾全女一并遇害登甲有膽略守鎮遠數年初聞警卽調川兵來日久罷茶甚蔣玉龍復調去所留益不可用且病民登甲束之嚴川兵頗憚之遂相率去啓賢初亦勇敢自專聞輒驕縱與登甲抵牾鎮遠負山臨水東西北三面緣山略設城郭衛城扼上流與府城一水隔衛城失而府城隨之 九月黎平九洞警四十八寨苗乘之湘軍潰青龍嶺大坡脚北琛退入城湖南復以副將田興恕援黔軍次

潭溪司 二十二日興恕率兵二百入城明日毀附城敵營九旋回  
新州苗薄舊州東南舊州急蔣爵遠乃檄前銅仁府知府楊書魁  
回防清水江而命杜琢章酌派兵防守千總賈玉美軍至老羅壩不  
進 鎮遠苗分圖邛水思州擊敗韓超練把總吳勝金陣亡駱秉章  
檄前寶慶知府張由庚參將田宗藩援黔 冬十一月初一日苗陷  
黃平舊州代理黃平知州杜琢章死之琢章妾史女三姑四姑被執  
不辱死黃平營都司張福震遁甕安千總李春華奚仁傑走牛場把  
總趙文光不知何往賈玉美走上塘馬鞍蘆苗教分圖牛場 初三  
日田興恕復率軍由潭溪破漢寨黎平圍解北琛罷敝之師爲之少  
振於是蔣爵遠奏留興恕貴州高禾等猶圍攻唐劉卡洛本保三里  
各款練敗之 鎮遠苗略龍頸坳客樓路瀨韓超稟略曰夫用兵之  
道守非長策下游各城處處設防自顧一隅不思合剿或守半載經  
年或三四年卒致餉竭力疲相繼淪亡今苗教雖衆其心不固中多  
忠義良苗聯團爲應倘游移坐困良苗解體師老財匱其患何極超



軍疊奉湖南巡撫檄稱頻年湘省應援江鄂黔粵庫儲早竭江西肅清又復接閩援江黎平援師續增至八千有奇鎮遠陷後更須增兵籌餉值此時艱力圖樽節以超軍乏餉允按月撥四千金俾門張守田鎮合力剿賊現將地勢賊情及進兵方略上陳請再添兵一萬會剿黎田北兩軍約同巴鎮等及都勻屬各大團刻期由鎮遠黎平上下並進並請飛咨川督添兵協剿白號使賊勢自分不能相顧超合楚軍由邛而進但將寨頭巴野梁上三處巨巢攻破五岔景洞柳富諸義團亦必立取廖洞內外相應則超軍日所晤結丹台清黃義苗聞聲響應定不乏人至超軍新募兵練一千七百餘名長夫四百餘名月需工食銀五千二百兩湘撫月濟外尙短工食銀一千二百兩有奇其從前舊欠將及十萬亦須時爲點綴此外新紅紙張探資醫藥埋葬犒賞諸資復不少鎮郡旣失羊角腦地居邛青中此路空虛若闌入邛青隔絕所關非細現以把總楊朝薦等募練百人偕團堵禦月需銀百二十金又青谿當鎮郡衝募練一千七百餘名分防諸

隘與邛犄角青谿不保邛難孤立雖練資較減亦月需二千五六百金並新收鎮標官兵與八弓汛兵鹽菜及玉思防剿勇資合計月非五六千金不能敷衍多文則謂超所撥餉已逾兩萬近復欺蒙湘撫續添月餉老守無用之地大言欺人云 鎮遠苗聚唐家營風巖營響鼓平張由庚等進攻不克軍次龍井坳代理思州知府兼署青谿知縣陳岳霖遣千總萬耀明團首曹元興扼客樓數却之

咸豐九年

己未 八五九

春正月初五日苗犯斗篷巖陳岳霖遣萬耀明

曹元興却之 二月十三日苗入舊州墮其城黃平都司李春華方招撫難民馳至苗轉陷春華營屠難民略盡尋走月亮洞再陷夾崖山團營先是春華以把總王德安防木老平至是甕里三甲團冷官保亦變結玉華山教黨襲破木老平德安陣沒署黃平知州王用儀久留甕安春華以難民流離請檄赴任用儀先遣忠順革老團吳廷相等防甕安敗績復收潰衆請餉助剿用儀不許廷相等乃上言曰願給口糧得報效誓不與賊兩立蔣爵遠謂用儀黃民無依亟宜設



法招撫以資捍衛革老中諒不乏勇敵可用之人若置之不顧此輩情急流而爲賊職司守土豈能當此重咎 苗教猶據響鼓平唐家營風崖屯湘軍參將田宗藩以湘軍攻響鼓期黔軍應擊皆敗什長楊通富陣沒苗乘勢西略地應團首李振基敗之桶溪又分黨走路瀨襲敗萬耀明曹元興於凱樓 三月初五日響鼓平苗攻木柞塞思州河道陳岳霖張由庚分擊之會游擊張萬書至思州岳霖因留防 田興恕自黎平撤回苗勢轉張清台苗楊樓五據太平高禾屯九黑時犯柳霽城沈士瀛數却之 是月奉上諭前據駱秉章奏江西賊匪突竄湖南情形甚爲吃緊咨調留黔副將田興恕將軍務交知府兆琛辦理卽令兼程回湘等語現在蔣蔚遠已派田興恕署理古州鎮總兵如另有得力之員堪以委署鎮篆卽飭田興恕帶兵回湖南倘實因該員得力於黔必須留以剿賊而古州鎮一時委署乏員著蔣蔚遠卽與駱秉章咨商辦理毋得顧此失彼欽此蔚遠復奏以古州鎮實非田興恕署理不可黎平軍務亦非田興恕不能蔽功

請卽將北琛楚南防軍撤回節費專濟田興恕一軍 四月陳岳霖  
上言云黔湘官軍皆距賊巢數十里相持不下春耕伊邇我軍進一  
里民卽多一田糧因自率思青練出平地將約楚軍進剿唐家營會  
楚省以太平軍圍寶慶旋撤三千餘人回 五月北琛自古州得檄  
撤回湖南留參將成應洪新募五百人駐防黎平苗勢益振 秋七  
月苗攻平越州城知州高本仁及前署銅仁府知府代辦平甕軍務  
王敬烈嬰城副將趙德昌遣千總戴雨先等邀敗之東山坡復以長  
寨外委簡成名率四十人營折洞爲大麻窩應 八月初六日苗再  
陷甕安縣城署知縣劉昇平千總奚仁傑外委張傑遁逃民聯團保  
豬場苗延逼清水江都勻守備周國泰由花梨移防茶店平開各團  
分扼新土平諸隘遏入省路苗與齋衆水家於猴場復略翁奇分黨  
出兩套陳蒙窺大河爛土苗翁各卡金坑下河諸苗略施餘各屯走  
應風崖營響鼓平陳岳霖同張萬書曹元興方合湘黔練襲破風崖  
營乘勝敗之苗遂據施秉谷定 九月初二日苗與回仲略興義



響鼓平屯民李永忠等以八百人降陳岳霖以曹元興入撫之 荔  
波苗王起鳳犯縣城吳德容汪文鈞千總王化龍六品軍功吳阿撤  
却之白崖阿撤戰沒 冬十月初黃平團衆上言願以團作練屬黃  
平都司李春華及外委蕭廷浩營回防蔣爵遠因檄春華還重陽十  
六日獲黃賊合攻甕安附近羊腸陳家寨圍黃平都司李春華及外  
委蕭廷浩營春華等拒守三晝夜營陷春華廷浩皆陣沒再陷豬場  
湖南復遣都司周洪印同北琛援剿鎮遠府城二十五日洪印至  
焦溪 提督蔣玉龍革留以田興恕署貴州提督 十一月鎮遠苗  
衆聞湘軍復至多走周洪印由焦溪兩路口進至東昌平龍頭山韓  
超督曹元興暨思州屬團練敗鴨溪苗分出尹坡黃蠟坡進至大橋  
北琛繼至二十五日湘黔軍復鎮遠府城及衛城分道剿撫未下諸  
寨苗之先走也東合苗出小浦洞略天柱署天柱縣知縣徐達邦遣  
團練馳禦屢失利苗據小浦洞署邛水縣丞胡元英時防化溪達邦  
約同擊敗苗杉木坳達邦扼浦洞司檄附近水梁團進擊亦遣練及

瓦寨團來擊走之 十二月韓超上言蔣霽遠請辦屯田自謂仿唐  
府兵法略曰鎮遠旣復楚兵旋撤難爲久守楚撫有黔事鼎沸客兵  
不能代謀久遠之議力圖自固庶免復失楚之援師月需餉二萬餘  
金所費不少方今徧地皆賊石阡餘慶告急超練僅二千本難兼顧  
賴有楚師分布鎮邛乃於邛水瓦寨長吉鎮遠防軍外勉調六百人  
援石阡而餘慶仍無以應倘楚軍撤後本省添練無資將何以守旣  
復之鎮遠保未失之石阡餘慶思州各屬而自立乎夫無餉斷不能  
平賊若僅仰人鼻息亦非久遠之圖因思千總曹元興於協剿思州  
教匪時曾令團民十家養一健丁隨同剿賊此唐府兵之法可以行  
之超現於未經蹂躪民力尙紓之處曉以大義勸令仿行或據之十  
家內或募外人悉聽其便與民約定此一時權宜亂定卽止民皆樂  
從又試行屯田法於兵火甫息之區擇明幹員弁公正紳士查明逆  
產絕產按畝登籍酌定章程無業難民每丁酌給三十籬谷以資生  
活而免流離爲賊又擬招募健軍每軍給八十籬穀爲鹽糧分三百



五十人爲一屯無事防守有事調遣隨征現於鎮遠施秉沿邊已查得絕逆田約出二十四萬餘羅之穀分養難民外計可募健軍千餘矣若得人辦理推廣行之無餉之兵下游可得數萬不難平寇俟辦有成效應歸何道統轄其營屯各弁應如何設立之處再具議上聞再銅松思石鎮思一帶上達滇黔下通川楚爲客商往來必游之路其鹽茶桐油土藥麻布竹木百貨稅課釐金若道路無阻辦理得法月可獲萬餘金以下游之財養下游之兵保下游之地誰曰不宜應請明定章程於各府設立釐稅總局札飭曉諭不准地方官私收總歸總局專辦其零星關卡由總局酌派司總局請由超選有守有才文武數人以當此任酌予薪水許以優保并祈飭令職道查明下游府廳州縣何處確有勇若干應有勇若干將月進稅釐按多寡分給有事由超調遣事權歸一庶財不虛糜而功收實效書上悉議行咸豐十年庚申八六〇春正月十三日巡撫蔣霽遠卒於任海瑛權巡撫事 二十七日苗陷平越州城代辦游擊署守備張傑存城把總

李正桐署酉陽汛千總杜玉週楊老汛把總黎民安外委郭進修世襲雲騎尉李攀龍皆被害署知州高本仁代辦軍務王敬烈遁大麻窩趙德昌營署千總謝發科外委曾學淵署額外郝應隆亦遁先是何得勝出水尾大平越甲灣糧局平越饑告糴開州自州城至梁家鋪六七十里皆敵麇集陽平而凱塘諸苗千餘繼至先破城南金鷄關本仁連告急德昌不至糧且盡城中練舉火應遂以蜈蚣梯入墮南城德昌前遣援之千總卜登友戴雨先走還海瑛以平越陷奏請暫撥所屬湄潭甕安二縣屬遵義府責成辦理 田興恕自銅仁籌進規計奏以思南石阡爲湘黔要道請先肅清兩府繼剿湄甕殲除賈河綏定省城再圖都麻黃平苗 閏月十七日金坑苗及龍溪苗鈔餘慶且久知縣章樹勳乘間擊之 二十三日苗陷柳霽縣城代理清江廳柳霽縣丞沈士瀛巷戰死妻李女三姑皆殉署游擊蔣益清同陣沒柳霽孤懸一隅與清台賦爲鄰士瀛自五年苗變卽嬰城守清台各廳俱陷柳霽屹然獨存者五年卒與城俱亡苗略至涼傘



鹿洞河湍洞及天柱度馬巖門寨 鎮遠苗圖邛水湘軍都司梁友芳署入弓汛游擊潘忠友等却之苗首龍老降潛出征糧兆琛遣景洞團丁張老令等道殺之駱秉章再咨海瑛札署貴東道韓超催鎮遠府鎮入守檄兆琛等駐晃州超因上言歷年苗教陷城並非守禦不善或圍一二年三四年糧匱援絕死亡枕藉甫爲賊陷賊見官倉民舍皆如懸磬無所取資毀之而去下游諸城並無賊據悉成荒墟不難圖復惟復之後而城郭不完衙署不修儲備空虛民皆逃亡當此經費支絀建城修署鉅款難籌况民未復業全賴重兵設守就現在情形論之征兵無幾糧餉尙難爲繼如再急復空城又添防兵其費又將何取易復難守旋得旋失徒糜餉需重損軍威愈長賊勢非徒無益害莫大焉是以屢次陳言總以剿賊爲務但能剿賊則諸城不復而自復矣前於攻拔思州六屯後擬卽約會楚師直搗賊巢先絕根株免受牽制楚將以功在垂成立竟先復鎮遠再圖進取迨旣復城賊慮我兵乘勝搗穴迭糾大衆圍鎮犯邛去冬迄今幸皆克捷

然賴楚師代守已復之鎮遠保完未失之石青玉邛招撫流民漸次歸耕如無楚師鎮遠必至復失而思州瘡痍未平青玉彈丸瘠區難禦大敵亦必瓦解石餘教匪乘勢與苗聯合併力圖我邛居賊中勢難孤立是楚師駐劄鎮遠乃大局安危所繫論理論勢決不可輕去者聞議者以楚師援思鎮者餉皆虛糜未成一事不如全撤試問思州六屯誰爲攻拔鎮遠府衛誰爲收復以黔練單薄難於固守非賴湘援不能自立請於秉章稍緩議撤 夏四月新授貴州巡撫劉源灝至自省城時省東北數十里皆敵蹤 貞豐苗時圖冊亨坡味團首吳通禮敗沒那立 二十八日韓超遣軍復柳霽汛城駱秉章以鎮遠府城復已半年鎮遠鎮及府縣等官并不入城籌辦善後一切委之客兵謂客兵越境能爲剿賊豈能代爲治民數以爲言超復上言柳霽城復天柱安謐晃邊無虞鎮遠賊懾湘兵威雖未大舉然零星支黨時時出掠不惟沿江居民多被害卽楚營樵夫戰馬時亦被掠有兵尙且如此撤軍必更猖獗仍請緩議 涼傘苗略鎮遠北琛



敗之鴨溪復潰玉屏練營於葦菜平韓超檄思州知府高振洛募六百人馳防却之振洛上言提督營務處參將熊煥章奉委捐輸銅仁府貢生盧覲廷因所辦銀不齊未及呈繳熊參將輒同團首楊葆光以千餘人由漾頭司籍沒盧氏同里百餘皆被淫掠又檄施溪司長官劉開化來勸捐思州地瘠民貧前守陳岳霖勒索軍餉細大不遺鄉民遷徙尙未復業貴東道籌辦府兵亦須民力備糧備餉實屬不忍重派而田軍門委員四出百姓驚惶無措不堪其擾云 六月苗回出普安科鄉略興義府境職員黃紹奇敗之 苗衆乘太平軍下獨山便破翁奇分據苗翁四方并相掎角 初十日苗攻邛水城踰北門入縣丞劉侶鶴中傷走游擊潘忠友擊出之復結順洞圍攻木梁徐達邦設防浦洞 科鄉苗略至府屬灑雨興義府知府鄭訓達遣把總陳高勳擊之敗沒 初八日獨山苗衆分趨爛土翁奇圖應太平軍 十三日田興恕復甕安縣城自甕安至玉華山沿途二十餘賊屯狼狽倚官軍分攻不克陣沒都司楊興來等十五日興恕遣

楊巖保同副將呂得科毛克寬梁正秀守備田興發等先破黃龍屯  
沈宏富羅孝連再破黃金屯興恕率軍破仙橋屯斬賊首譚正明等  
得科先登殪賊首譚光元中槍救還旋沒苗賊旣敗恕教匪掠輜重  
去官軍乘之各屯先後皆下斃賊數千餘走玉華山上大平 苗數  
略鎮遠邛水瓦寨思州木梁鹿洞河浦河八卦河諸團力持會北琛  
周洪印以靖州警撤軍回鎮屬大震鎮遠知府曾璧光時在韓超行  
營請募練入守超言之湖南巡撫翟誥請以游擊滕加洪等千餘人  
留防湘軍五千餘人加洪等以鎮遠三面當敵軍少不復入城僅駐  
青邛苗勢頗盛 苗回剽掠興義府屬諸鄉鄭訓遠遣兵百人並檄  
安南冊亨就近援剿皆阻

咸豐十一年

辛酉 八六一

春三月十六日苗回陷貞豐州城署知州蔣

立炳巷死立炳父時純前任貞豐就養在署亦死於難兄弟妻妾子  
姪婢僕殉者三十餘人貞豐圍久城中絕食守者皆饑困偶殺一賊  
輒鬻食之立炳屢祈援不應求代不許署長壩營游擊劉慶雲次龍



片月少金馬  
渡與土弁王元興皆觀望不進 四月初代古州鎮總兵成應洪以  
永從六洞苗數反復親往撫定之 六月韓超以病回省檄鎮遠府  
知府曾璧光護貴東道代辦下游軍務璧光力辭乃以候補知府陳  
昌運接辦檄璧光會辦超先以二千人駐邛水分守長吉唐洞瓦寨  
柳霽一帶未失諸城則以府兵守之軍少不敷而湖南月協餉五千  
金復累數月不至璧光接統時積欠至五六萬多不用命湘軍游擊  
滕加洪僅以五百人駐平蠻塘不足恃璧光請籌軍費添募數百人  
許之餉仍不至寨頭諸苗時遣黨分訶各隘乘便侵略 施秉下河  
苗結江外賊犯餘慶火城外民房知縣馮錫疇城守劉祖成馳援賊  
退 鎮遠苗出焦溪渡河略紫雲哨平蠻塘署青谿縣知縣陳槐會  
湘軍却之 初永從六洞就撫後二千九諸寨均招安惟余老科尙  
觀望而逼於三脚苗數被困糧且盡至是赴黎平降且願隨剿三脚  
苗賊應洪因率軍往無比至古州而苗賊已破大平餘黨多奔三脚  
屯猴場坡

屯南嶺  
都江

并郭家平附羅光明應洪撫定以粵警旋馳回

九月初平越陷知州高本仁先遁大麻窩已復走還擺窩屯附近苗民諸寨未變者因撫之且耕且守并購良苗僞輸糧入城爲應至是降苗唐天佑晉省密陳內情田興恕乃檄古州鎮總兵楊巖保率所部六千人回以天佑爲導由大麻窩進窺州城二十二日軍至斗牛坡坡上折洞扼要害爲苗據巖保擊破之二十七日巖保以參將梁正秀分道薄城苗出拒本仁率團衆亦至合擊苗敗入城內應突起潰走平越州城復 冬十月滕加洪以湘警將回援青溪縣知縣陳槐以鎮邛苗不時出略請留之 十一月連日貞豐苗賊出東高板王走犯冊亨城署州同尹紹勳都司徐輝把總馬正品等城守二十九日據者孟下分亭諸鄉團赴援皆敗退州同尹紹勳祈援趙昌鄭訓達遣千總陳榮貴以六百人赴不至 十二月羅斛東南上隆桑郎與貞豐歸化暨粵西邊境打落寨壤相錯貞豐苗回時走圖羅斛擺羅苗起應署州判謝其毅督團却之 十九日回苗陷冊亨城署州同尹紹勳死之詳見第八十章 糧儲道韓超以二品頂戴署理貴州巡



撫

同治元年壬戌六月二春正月天柱姜映芳結苗據天柱邛水思州界

曾璧光祈授 韓超就巡撫任疏陳黔省情形並陳提督田興恕雖

年輕資淺然才大心虛自問不如平日有所進言皆能採納抽收釐

金漸有成效就田抽谷以資軍食功歸實用民皆樂從云云此蓋朕

興恕之詞也 二月自冊亨陷苗回軼赴興義府屢逼城趙德昌進

軍川洞 三月姜映芳結苗由八卦河東略黃橋塘至冷水天柱縣

知縣謝紹曾出防 夏五月十四日苗陷邛水汛城十九日再陷青

谿縣城兼署青谿典史鎮遠縣典史韓福照被害代理知縣陳槐不

知所往先是苗自天柱走攻王寨瓦寨迤南諸團皆潰惟王寨團數

敗敵併力瓦寨破之瓦寨與邛水相掎角爲青谿屏蔽苗乘勢出頗

洞集攻邛水游擊潘忠友及台拱衛千總譚應隆出禦不支城中兵

練皆奔遽陷苗復趨青谿曾璧光函約思州府知府陳昌運副將劉

義方馳援至則苗已薄城昌運走退鷄鳴關義方同護鎮遠鎮鄧春

華力禦不支義方單騎走潘忠友及都司朱萃山均敗退縣城廓民稀無守者遂陷義方集潰衆還石阡萃山走玉屏縣縣民方爭從避敵萃山率殘練奔入乘亂鈔掠一城皆驚呂運遣忠友同湘軍鎮守成應洪及黎平府知府袁鴻基署古州同知田宗超代理下江通判孫長源等連日遣軍出平江規下江韓超告以下游未復諸城并無賊據復之亦不易守苗教皆土著胥有田廬不願移城內剿辦當以誅渠犂穴爲主不在復城空城唾手可得轉盼復陷而賊巢如故何取焉二十二日黎平古州諸軍入下江廳城古州都司袁忠清進營三脚署獨山知州徐行檄團練遙應之 青谿苗出走江南三十日陳昌運劉義方率軍至半渡擊之斃苗頗衆苗據南岸軍遂入城六月初二日苗衆與齋首羅光明圍攻袁忠清三脚忠清孤軍無援獨山團練至大河敵阻河口不能進營遂陷忠清及營官譚鴻恩被擒死之古州下江復警獨山亦戒嚴卒爲韓超言 六月初八日何得勝結苗衆由冷水河復竄王卡並分據三十三道拐截參將趙



德光軍饑不堪用屢進復以糧竭回因力陳窘狀祈撥白泥羊場釐穀濟軍食勢稍振 青谿敗苗分出羅家山窺思州一由朱沙堡出丙溪窺玉屏以防軍嚴還趨青谿攻劉義方營義方不支退保界牌陳昌運集團練援擊敗之守備劉心雄隊長舒世榮陣沒呂運先約潘忠友等出羊平苗仍倘佯去 秋七月陳昌運圖攻邛瓦遣軍隨劉義方會滕加洪潘忠友等由朱沙堡擊敗之乘勢趨邛水副將熊興柏等亦分兵由界牌進二十三日邛水汛城復 吳德容回軍荔波值三洞九千諸苗時出沒黑苗連日復分犯凱口三關平洲土弁楊本力拒不支因奪據三關隘竄至苗香平洲牙州平浪皆驚會圍首廣正仁金永全及凱口汛外委羅顯模等擊敗之德容始檄都司莫芝茂等以二百人會獨山團練扼防 八月苗賊復犯邛水劉義方卻之

同治二年

癸亥 一八六三

春二月河西白號結苗圍攻思南府西十里之

饒家壩大小巖關思南府急義方因率軍出磨溪巖進援 二十三

日齋苗復趨下江成應洪所遣都司雷三佳頓高阡不進署通判張永煦亦在高阡籌糧二十六日各營潰再入廳城署游擊任大興千總韋玉芳把總梁永昌皆沒應洪以古州城恆多毀孤軍難守移軍過江保恩榮堡於是清台諸苗皆合窺黎平 三月二十五日張永煦等入下江廳城齋苗回平江塘 秋高禾九松等分犯天柱邛水曾璧光陳昌運訶知預約周洪印以湘軍來援會思州苗教劫據羅家山擊潰府練旋走朱家場洪印率軍及參將李金榜擊走之 苗教集都江分董將至古州成應洪敗之

同治三年甲子八六四四春三月十九日上江廳城復獲苗酋吳阿保等

殺之 夏五月二十五日苗教陷天柱縣城署知縣方時乾死之敵由瓦寨趨邦洞時乾亟祈援清江副將曹元興代理鎮遠知府龔世增亦函促元興亟援敵復擊潰邦洞練團元興始遣把總蔣桂香以二百人馳入城助守而自率二百人續至平針日昃遽陷時周洪印回湘及護鎮遠鎮慶瑞皆密陳天柱失守狀於巡撫張亮基略云天



柱自元年復後卽委元興專辦防剿民輸糧供給元興擁練千數百人分扼浦洞司款場木梁諸隘相距不遠若聯絡防守何至輕失卽云賊衆亦當退保天柱以固根本乃賊長驅至城方令飛函祈援元興并不親赴僅遣練往練辰入而城午陷元興竟走回三屯遠避二百餘里昨縣屬團首楊佐朝等謂縣城之失皆曹練爲之敵之至也時乾朝服待爲團衆強負至雷寨遇害或云曹練賊之團首楊松齡等亦赴湖南控告而先此石阡知府欒淑元亦陳元興勒索糧餉威逼團首諸事 六月初五日天柱苗教走款場浦洞司城中焚燬略盡錦屏縣丞毛騫前署鎮遠知縣降補教諭胡元英參將舒澤洛楊松齡等入城敵旋走陷岔處汛汛千總王國楨戰沒 秋七月參平柳富苗陷驗洞卡署黎平府知府徐達邦進援走天柱團衆以境內秋穀將登請軍護穫自願按畝輸穀給軍達邦遣副將朱占元等赴之 八月苗齋等衆復據上江平江八遂掠走永從灑洞梁維幹供敵糧會苗衆不協內訂自溶洞丙妹走粵黔界高文高武廣西撫標

參將楊廷桂時自慶遠移軍懷遠屬古宜斗江防禦徐達邦遣古州廳同知方憲修往乞會剿 九月知府戈鑑自白市場隴頭援天柱初四日鑑及代理天柱知縣謝承恩胡元英擊走附城石屯敗還復遣二百人會團衆出鄭場分敵勢 敵走款場浦洞司龔世增方赴天柱稟陳縣有三隘一西北新場近鎮遠寨頭大江小江此地失卽思州青谿同罹其害一西境浦洞毗連清台賊來尤易一西南八卦河與清江十三里苗巢僅隔一河卽八卦河水淺可涉尤爲心腹要害皆請增練扼防 李文彩羅光明余老科合趨古州隴頭寨高文高武胡性聰等結苗衆羅洪潘老帽等據梅寨遙與齋衆相呼應楊廷桂圖撫不果署古州鎮劉元勳遣定旦游擊莫芝茂及守備穆雙有駐防王嶺張亮基以苗齋衆聯合爲害甚大奏請三省會剿 三十日苗再陷天柱縣城先是苗由八卦河浦洞將圖縣城署鎮遠府知府龔世增尙在縣遽去之玉屏都司蔣開德出扼凱寨敗還遠口代天柱縣知縣謝承恩走梨子坳辦團委員降補教諭胡元英先一日潰



軍邦洞退劄擺頭寨苗尾至元英遠戰陣沒張亮基以天柱甫經收復副將府縣聞警輒去情形參究 趙德昌暫署貴州提督 天柱苗據城四掠至邛水署八弓汛游擊譚應隆固守祈援周洪印方率湘軍至擊敵玉屏縣屬之寨頭卒遇敵伏敗回遂掠至晃州境分竄鮎魚鋪南林鋪玉屏縣知縣唐日華請援陳昌運轉請駐防湘邊湖南總兵田宗揚及思州團首吳遇隆等先後至分屯西北門 十二月初七日苗賊襲陷玉屏縣城典史杜繼堯死之署守備 錫光負創走出知縣唐日華方會湘軍田宗揚吳遇隆等禦敵城外未還署鎮遠知府候補同知直隸州龔世增署施秉縣丞兼邛水縣丞金泰以轄境陷敵寓居玉屏至是皆被害周洪印旋率軍由晃州馳至會宗揚及日華錫光等擊敵校場阜角平署思州府經歷張佩琮亦至十二日復入城於是張亮基奏請湘軍移駐黔境略曰苗賊自陷天柱徧略思青玉邛並及晃州茲又陷玉屏推其致寇之由皆以瓦寨長吉木梁浦洞竇苗賊出入要道連年餉絀兵單不能分軍扼守楚

師限於畛域未肯越境深入故賊得肆鴟張此次雖經楚黔諸軍暫時擊退而賊鋒未挫若不早籌不特黔邊不靖卽楚邊自託口以致龍溪口沿途三百餘里處處須防勞費正復相等似不若以防邊之師移屯於距楚邊二百里外之瓦寨諸隘杜其竄越然後合力進攻較爲事半功倍旋奉上諭此次玉屏失陷湖南總兵田宗揚及團首吳遇隆等均帶兵練住劄西北門外以并不援應乃稱各軍分頭進剿正在鏖戰該匪緣梯而上遂入縣城情節殊爲恟恍着勞重光李瀚章等嗣後務飭黔楚官軍聯絡一氣不准稍分畛域鎮遠府屬瓦寨等俱爲苗匪出入要隘湖南防邊各軍畫疆自守終不能杜賊竄越着李瀚章斟酌情形卽飭各軍節節進屯貴州境內之瓦寨長吉木梁浦洞各隘以資扼守庶於防楚援黔兩有裨益李瀚章未到任以前湖南防兵着石贊清妥籌調度張亮基身任封圻亦多力圖振作廓清疆圉毋得徒恃客兵遂致賊日形滋蔓欽此

同治四年乙丑八六五春正月初曹元興本武岡州僧游黔自咸豐七



年同鎮遠舉人周佩蓮武舉田玉林辦鎮遠石阡思州三府團練元興屯唐家營佩蓮屯金鼎山玉林屯響鼓平是爲三屯後均屬元興韓超令變受節制檄署清江協副將鎮遠陷三屯亦失元興走玉屏湘軍入黔元興爲導復三屯令率降衆耕守防苗教已而陳昌運以守備鄭大成代之調元興防天柱移軍蒲洞防堵款場三年夏衆潰軍械悉爲敵有湘軍獲其幟遂以元興通敵告至是天柱玉屏相繼失苗衆出入湘邊天柱之陷咸叢咎焉先是龔世增嘗稱元興通敵尙無確據至其退縮貽誤捏飾復城則爲人所共知云湖南巡撫惲世臨因奏陳元興不法狀密令周洪印圖之洪印以湖南候補知縣楊昌江率天柱人與元興有舊十一日誘致之便水驛殺之天柱苗前結姜映芳據遠口茲棄遠口去黎平府知府徐達邦始以都司熊寶三與龍甲三及坳處汛保安團進新市復檄參將舒澤洛赴遠口爲掎角旣而苗復出蔡溪回遠口分掠新市及三門塘保安團舒熊軍皆潰苗趨空處都司舒澤淇及毛平團力禦却之苗沿清水江

剽掠分出南岸攻亮江北岸犯毛平天柱略清湖南巡撫李瀚章旋檄周洪印分軍扼長吉瓦寨蒲洞諸隘 六月二十日清台苗結教黨分道出通倒修文堡青龍嶺略據黎平寨蒿并糾寨頭革夷苗分趨黎平天柱署貴東道趙崇稟有曰下游連歲用兵祇辦得防堵二字剿則殊未易言湘軍駐天柱七營駐大魚塘龍溪口羊平亦七營約萬人現在苗教諸賊鎮思石南連爲一氣完區僅銅仁府縣松桃印江耳鎮思石三府要防有三曰三屯曰南嘉堡曰邛水一不得力則三府立受其禍而波及於思南松銅現在三屯勇目一千五百員名南嘉堡五百員名邛水一千一百員名三屯南嘉堡糧餉供於民其不敷暨賞卹諸項及邛水餉糧由貴東道以四成釐項所入籌應時虞不足而人數不敢裁銀米不敢遲管帶並不敢換者以有此三防方有此三府而官吏不知近有欲折三屯歸各府自辦因以爲利者有截三屯軍糧以自備他用不顧勇丁枵腹者有欲染指南嘉堡釐項者并有以給還逆產圖用印過稅而不計受產之是否原主



啓他時無窮隱禍者種種謬妄必欲墮此三大防而後快以致各種辦事之棘手如三屯鄭大成南嘉堡邵立功歐有發等均多方乞退陳道昌運諭於前劉署道力持於後能否弭厥釁端不致瓦解猶未可必由三屯迤邐而西北則皆思南石阡所屬黃白號教苗石阡屬居十之三思南屬居十之七並無主名賊巢亦幾無隙地其間最著老巢爲小屯大屯荆竹園園賊卽三屯走出未降之老教結湄潭號匪鎮遠苗賊均朝發夕至而尤以大小屯爲前敵屯賊平日無多或官軍進剿或荆竹園賊欲出略始聚二屯倚以爲藪云 秋七月初一日寨蒿苗略黎平驗洞平秋石引九寨復分出育洞蕉悶通天柱知縣毛騫會團卻之復掠走冷水漢寨悶松羅寨湘軍復却之旋回朗洞去

同治五年

丙寅 八六六

春二月大河九千苗陷爛土遂出小河巴佑入

荔波趨甲站塘甲梁塘東北分道圍縣城知縣彭培垣嬰城守乞援獨山會高禾九松合都勻敵亦攻翁奇薄獨山署都勻府知府吳德

容不能分顧而爲荔波新援張亮基檄盧希恆由定番馳赴荔波苗旋自巴灰間道據下司把總譚錦章不知所往 九千苗困荔波久彭培垣嬰城守吳德容遣貢生黃金品進援陣亡盧希恆以二百人援至獨山不能進十九日德容遣其子廣西卽補知州吳江率千人馳援江約希恆同進先遣三百人間道水巖入北門城中稍安江自率軍由花坡大路進至接官平黃泥坡苗圍數重希恆軍不至江軍潰被執遇害荔波至是援絕糧且匱牛馬草根樹皮略盡練有通苗者以告苗圍益急培垣廉得誅練長親兵捷勇遂縋城出二十五夜大雨苗乘西門入明日荔波縣城陷卽補知府署知縣彭培垣署游擊參將范定邦守備劉學武訓導翰林院孔目趙旭署典史壽其仁死之前任典史婁奎卸署典史齊蔭曾候補知縣周紀賢同沒培垣弟指分廣東從九彭源珩幕友張瑞生六品藍翎候選從九彭一作唐世澤釐局委員候補州判王樹勳留黔從九徐霑澤千總范鳳山把總蒙錫芬及營弁等五十七人悉被害定邦學武鳳山錫芬皆巷戰



死培垣同其弟旭及其子投泮池死苗憾荔人殺之幾盡荔城生齒  
萬餘存者不滿二千荔波受害此爲最慘惟游擊楊通勳遁免希恆  
不知所往副將彭萬勝始至縣初去冬周覃里人周廷楨等販鹽至  
板莪釐局凡沙鹽六十斤抽十斤苗苦之結九千潘老帽潘阿簡等  
毀釐局周覃人鳳與九千不睦至是遂合縣人蒙卿雲因結九千苗  
來攻城周覃人助餉且分黨走掠廣西思恩大獲歸而水苗等相與  
互市益錢帛粟米不貲以故久不去當合圍時高九阿簡扼板莪渡  
時會坳俗名石坳阻大道援軍改從登高坡朱家墳進苗衆自上窺之  
甚瞭故覆比陷卿雲等據縣城阿簡稱簡二王以周朝量爲縣令周  
廷楨覃玉梅稱帥北圖獨山 夏四月十六日荔波苗以城內不能  
生活退屯舊縣荔波縣城復 五月十七日上諭新授貴州藩司北  
琛規畫貴東軍情馳赴玉屏剿辦一摺覽奏均悉湖南晃州至貴州  
鎮遠二百里苗寨林立該藩司現擬馳赴玉屏分屯鎮遠先剿清江  
各寨然後進攻台拱所籌尙妥着卽趕緊進兵實力剿辦俟清江克

捷卽會同周洪印天柱之師由鎮遠一帶鼓行而西剿撫兼施自不難迎刃而解云云又上諭趙德光着暫署貴州提督 六月以兆琛總辦下游軍務自沅州入至邛水會周洪印天柱軍攻清台苗洪印復以貴州候補知州陳昌運分一軍屯鎮遠府衛兩城 秋八月荔波陷後城垣官廳民房多毀署知縣胡景春撫遺民數百居之敵數來民亦數集數潰二十三日猺慶里水扛苗復入縣城景春走免苗亦旋去團首覃端模等乃率難民入白巖洞據險守苗衆復與巴灰等里土匪相聯合益糜爛不可爲 初陳昌運以游擊鄧第武等屯鎮遠與苗相持至是苗寨河道扼都素司龍頸均斷水路歸路全軍自潰第武等率殘軍間道走免 冬十月初四日荔波苗復入縣城旋去之署知縣王子林始至遂入城以糧匱仍出駐羊奉里 上諭貴東軍務責成湖南巡撫李瀚章貴州布政使兆琛辦理鎮遠苗出田埂平略開天鋪署貴東道陳枚遣軍禦之哨官姚華堂丁大賢等敗沒苗逕桐梓坳略小江及孟溪湘軍統領前浙江布政使李元度



北琛先後遣援 十一月獨山苗教出平州牙州略走羅斛稿里寨  
牙州南平州北掌布東接凱口平浪江肘 十二月副將張樑自獨  
山援荔波同都司鄒玉林擊之水巖失利引回獨山王子林亦自羊  
奉回玉林走獨山敵亦蔓延 苗九大白包大肚等數結黨出掠飽  
卽以所得歸奉大肚經理大肚因得以利指揮其衆常犯湘邊 初  
六日大肚等自鎮算沙羅寨回銅仁馬脚巖湘軍道員羅建章率軍  
馳擊失利參將周洪富陣亡前浙江按察使李元度遣軍來援苗走  
小江山去

同治六年

丁卯 八六

春正月初九日清台苗走陷錦屏縣丞郎桂涵

千總張世鰲把總王再榮等走免苗旋退復攻潰甘烏八羊平略諸  
團營黎平戒嚴 張樑至荔波圖由上羊奉剿水巖代理知縣鍾毓  
材以拉寨路險要宜先取利運道再圖水巖約樑及方村縣丞高荃  
外委曹運先并進毓材等至拉寨樑軍別出方村未會苗等擊潰荃  
軍運先軍劫荃去毓材亦敗退 二月初署清江通判曾士璠以廳

城未復扼劄南嘉堡自苗陷遠口毛平王寨率徑對河後山紆道赴黎多不便南嘉堡徑通黎平故數來攻據府北五十里之新化團衆及守備田宗文時禦之苗回分攻護古州鎮劉元勳及開泰縣馮某營於仁義廠署千總彭文瀾外委唐文宗陣沒馮某退潭溪司湖南沅州知府借署黎平知府陳嘉蕙祈湘軍援二十四日湖南副將李金榜道員戈鑑出錦屏墩寨擊敗之苗由藕洞出卦治過江去鑑以三營分駐王寨毛平馮某駐卦治扼防而西路張乾興復出朗洞寨蒿同苗小播五即聞國興出榕江平引犯古州元勳回援時參將莫芝茂屢欲招小播五降與元勳左相稟許元勳因芝茂素暴於民陰使團首楊嘉相等殺之而稱芝茂通賊害民所致 二十九日代理荔波知縣鍾毓材遇苗寨馬村陣沒勇死者百餘人旋以谷應賢代理縣事應賢上言縣屬十六里惟上羊奉半里六團尙自守餘皆降賊應賢駐軍羊奉拉掃洞九千苗數攻之 三月荔波苗潘老帽潘新簡吳邦吉等數掠走廣西南丹思恩不得志仍回劄黎平關板寨廣西



提督馮子材圖進剿因疏黔粵大道先遣副將何元鳳參將宋福慶等進取黎明關自率參將劉玉成游擊黃興仁等出板寨 夏四月馮子材督何元鳳等擊破黎明關板寨苗多走併九千十四日遂復荔波縣城子材分軍進剿疊下拉竹拉都徭灣徭古諸寨水巖水利亦降出高荃敵中爲九千負固不下子材促黔軍接代張亮基奏言荔波苗素集大河九千官兵未能深入最爲堅險縣城久墟官民所不能守亦賊衆所不欲居兩軍進剿當以剪蔓鋤根犁穴殲渠爲務若因賊退歸巢輒卽罷兵息戰竊恐我歸彼出爲害滋深應請敕下廣西撫臣提臣督飭將士乘此聲威會合黔軍節節掃邊務將荔波獨山各賊巢一律掃平不宜徒復虛城便稱凱旋戴事旋檄候補道吳德容率所募湘勇千人往會子材 五月十二日吳德容谷應賢等至荔波馮子材以南丹土匪事遽回何元鳳亦退茅蘭兼顧思恩苗仍入荔波并掠水度徭六元鳳遣千總賴鴻擊之徭六中礮沒德容軍以糧乏營官彭安邦吳楚謙散走八百餘人餘百八十人德容

謂倉卒募廣勇六百人補成軍會元鳳剿撫 六月初二日何元鳳遣宋福慶會署荔波游擊鄒玉林復擊走荔波縣城苗吳德容遣白巖洞團首何振新覃端模等敗之水扛旋攻元鳳茅蘭營却之 思州馬鞍山苗久不出至是一犯府城南掠玉屏出銅仁多陷民屯署銅仁協羅孝連敗之鐵鑛平 二十九日大河苗教犯獨山兔場翁奇團首候選州判楊維馨戰沒 秋八月吳德容會何元鳳屢攻九千不克二十一日以病回獨山卒張亮基遣副將李泉源往統其軍檄張樑再赴獨山會署知州嵩年周發榮擊平洲牙州 九月張亮基免糧儲道署布政使曾璧光以二品頂戴署貴州巡撫 思州苗西掠凱德榜龍塘 冬湖南巡撫劉琨以兆琛日久生玩以按察使銜席寶田代之兆琛由邛水回湘以思州青谿邛水爲湘黔門戶檄吳自發選舊部屯軍千八百人分駐之時寶田軍方至沅州苗勢遽盛 十月大河苗教偪獨山州城周發榮嵩年等城守三十日邑人楊維藩以團練禦擊之少却李泉源始赴荔波遇大河苗於方村水



利擊走之 十一月李泉源至荔 皮部練散亡略盡吳德容舊練以  
索餉急代理荔波知縣高荃亦給資遣散泉源上言荔波糧已爲德  
容括盡民團復變無從籌措 十二月十一日席寶田督軍至銅仁  
分所部三千人并選周洪印舊部數營以道員戈鑑鄧善燮謝蘭階  
羅建章駐靖防湘邊以思邛青玉責成吳自發募千七百人駐守自  
率七千餘人馳赴荆竹園辦黃白號再檄銅仁協羅孝連募千五百  
人實後路以固銅仁 黎平南路苗出地平空洞略中潮逼府城千  
總彭雲輝團首穆邦義等扼防黑洞二十六日苗大至雲輝邦義等  
禦擊陣沒苗出平茶橫竄九南色界

同治七年

戊辰 六八

春正月苗教復出思州羊橋略龍源屯青谿喻

家屯旋東南走招田出席李軍後羅孝連分扼江口牛場坡貴東道  
陳枚以副將李鎮南率洋礮隊會防敵知有備遂旁出湖南麻陽潰  
湘軍走芷江殺牛屯回黃道司湘軍敗之牛場坡孝連鎮南再敗之  
張海屯敵還走思州黑巖 潘老帽集苗衆并都江千四千六苗略

百六車廠圍攻古州各營護古州總兵周玉成馳援不利敗走署游擊易乾定上江千總夏秉中朗洞把總張順秩及都司曹德勝千總孫龍標額外趙本樹皆陣沒 二月初一日李泉源攻板模民屯九千苗集援敗泉源游擊鄭家恕守備余德明陣沒先是上巴乃及羊奉民將降疑懼未果會泉源殺方村團首莫予相莫東海等復至板模徵舊欠吳德容軍糧衆仍叛故敗曾璧光以泉源久無功檄黃清源代之令剿平洲六洞 席寶田軍銳甚至是以鎮遠苗圖沅州遽回軍於是黎平苗教復掠走孔團丙洞署參將李秀祥乞援沅州寶田檄防遠口總兵李金榜以七百人馳赴兵少不能進清柱苗仍出遠口金榜復馳回又苗首羅洪亦以數千人走合永從六洞都江苗教仍出古州六洞以下三洞爲最強湘邊防軍駐平茶且爲四脚牛高殺敵牽制不能分援 三月十二日潘老帽出黎平育洞辦團縣丞楊開泰禦之陣沒敵旋陷寨蒿汛城虜朗洞參將舒澤淇闔家去古州鎮總兵周玉成遣澤淇弟澤洛馳擊敵遣澤淇反拒不從害之



古州同知澤沾奔黎平寨蒿爲清江及高羊諸寨要隘同知自廳陷  
駐此敵旋走千洞賴洞大溶九朝苗首張秀密據務弄遙爲應陳枚  
函致席寶田以龔繼昌戈鑑謝蘭階等至破走秀密鑑同蘭階等仍  
回營防繼昌移剿南路齋匪高荃馳赴各鄉團招撫而莪蒲水錯及  
羊奉諸苗益出掠鄒玉林同守備董用威擊之用威被圍巴灰突出  
重創旋沒 夏四月席寶田還軍邛水擊鎮遠苗沿途連下頗洞上  
下德明台列台網諸寨二十七日督軍破丁板塘圍攻寨頭寨頭屬  
邛水汛爲賊老巢北琛周洪印屬攻不下者至是據之斬牛官保復  
破岑松 清江苗首小播五乞降周玉成未信令劄定旦玉成上言  
黎古軍務難平皆由土賊與外賊相結大兵入境則咸歸各寨大兵  
一撤仍出沒無常 閏月張秀密包大肚數犯寨頭湘軍營席寶田  
敗之乘勝奪取槁歛諸卡九大白力守岑相潘老帽糾衆據屯州皆  
先後破走之又追敗之兒背於是拖金及清江南北岸諸敵皆赴營  
祈降丁板塘苗民沿途輸糧給軍 黃清源至獨山時柳天成於平

洲六洞樹木柵自守分掠州城附近清源劄獲坑先約鄒玉林等擊賊六洞鄒軍先潰清源敗還都司唐洪升吳安邦皆陣沒清源糧乏代理都勻知府署獨山知州嵩年爲勸捐給軍州城輸千金米百石楊維藩等八大團輸米八百石清源上言皆爲都勻協周發榮虛糜清源軍仍無糧時何元鳳進剿九千檄清源會清源至馬道場元鳳旋被議去粵軍多散走副將孔憲隆來領其軍駐守牛洞至是九千愈張荃數乞援憲隆始遣參將吳開運游擊宋福慶盧岡赴援先擊巴灰敵敵內變斬首要覃先苟以降因移軍攻水洞洞與九千東西峙 五月席寶田丁憂自寨頭回湖南永州以軍務暫付安徽道員葉兆蘭代理戒秋涼進兵陳大六入台拱結包大肚潘老帽等復分掠思州青谿玉屏仍據岑松兆蘭以盛暑停戰約總兵張宜道蘇元春提督屈德茂魏玉彩分道岑松牽制之 六月苗將略走湘境葉兆蘭駐寨頭因檄知府李光燦防青谿以屈德茂等率千五百人扼玉屏蔽至皆敗之清台腹地苗懼降衆起應時有降者曾璧光趣湘



軍進擊 平越苗楊阿九等回犯甕安川軍副將吳洪貴敗之苗退  
據牛場上場藍家關 秋七月楊阿九復糾凱塘凱革夷等援攻平  
越北馬龍井降寨 初八日川軍知府唐炯援黔遣副將唐天佑率  
守備莫掄元等乘間直趨平越州城夜入城據副將鄧鴻超等攻馬  
龍井楊阿九還牛場十九日阿九奪據祁山屯川軍同知鄧錡以參  
將吳洪貴及守備楊繼春周萬順馳擊洪貴先遇阿九毛坡力擊殺  
之萬順繼春續至敵敗奔桐木嶺洪貴力追中槍墮馬遂被害炯急  
馳赴馬龍井以副將劉鶴齡何行保都司田應豪分道擊毀牛場敵  
寨奔九龍山炯旋遣錡進藍家關規黃平舊州候補知府張玉文副  
將唐大有扼楊家林顧平越自同鶴齡出卡籠窄五剿地松初炯攻  
上大平急黃白號教首劉儀順計無所出遠招巖大五賀興仁即賀老喬  
來援至是始率苗教掩至開州綠莎平 唐炯稟言候補道劉嶽曙  
以有用之師不應久駐畢節無賊之地請移駐清鎮修文以遏安順  
賊請趣記名提督彭芝亮移駐思石之軍進規施秉席寶田率所部

進規鎮遠台拱提督張文德以龍貴師進規都勻諸道並進自得專  
意苗疆應可尅期竟功 八月十九日平越龍泉五寨變苗出楊家  
林薄唐大有營參將潘壽齡敗之追毀龍井諸寨地松變苗同時掩  
至窄五總兵鄧鴻超迎擊中槍少却參將石洪守備王守忠等援擊  
敗之復追毀地松苗寨苗退狗翁河即狗窩河川軍亦多傷亡劉鶴齡進  
軍地松 九月唐炯遣署平越游擊唐天佑率守備莫掄元等趨羊  
太山以張玉文率軍出高規應之再檄副將唐大有扼新橋營防楊  
老敵躡兩軍後於是沿途漢苗諸寨皆攻殺變起應川軍十九日玉  
文天佑會軍攻麻哈城分掄元攻高木塘降人黃子剛等率降衆由  
笑天龍攻五寨三莊變苗斬虜無算立復州城炯以清平黃貓嶺撤  
毛下司楊老偪二龍山羊大山新橋慮敵乘虛犯平越復檄玉文天  
佑還駐新橋營二龍山夾攻黃貓嶺以規清平與唐大有等數擊敗  
敵劉鶴齡等復剿撫大山洞小山洞翁平穿洞月亮洞漢夷進至清  
平二十里許炯卽部署新撫革老扼狗翁河 湘軍葉兆蘭等遣軍



數擊敗九大白報南燒於土地祠二十四日席寶田還至寨頭軍  
冬十月清平敵由黃猫嶺出楊老鷄場擊潰羊大山黃子剛莫掄元  
等團衆及參將黃開才尋回據羊場河既復出羊猫嶺於是附近諸  
寨及都勻八寨諸苗數出沒劉鶴齡時遣軍同何行保及知縣顏佐  
才擊走酸湯寨敵敵退打鐵關中凱塘諸苗西犯平越鶴齡自擊破  
陽平楊阿保敵楊保與蘆平扼平越東總隘在楊老打鐵關中凱塘  
諸苗西犯平越皆由此至是破敵悉東走上塘唐炯乃以降人陳紹  
虞率降衆劄楊保遣游擊田應豪等蘆平相掎角而檄鄧錡夜出藍  
家關襲上塘自督行保等急攻打鐵關皆下之敵襲潰走重安江鶴  
齡已出小巖掃平越以東狗翁河略清 冬十月十四日會軍上塘  
規舊州炯慮路狹敵伏因以鶴齡錡率軍疾馳出賊不禦黎明遽薄  
州城圍攻都司楊繼春副將周萬順先突入城敵悉潰鶴齡率衆追  
至金坑大平敗之敵奔合新州復糾聚甕谷隴拒之 張秀密以苗  
首田白眉出順河羊平趨青谿泡木溪圍首楊通本敗死楊通凡馳

援擊斬白眉會席寶田軍出梁上復破走秀密及潘老帽於岑松并下耶麼諸寨別檄李光燦率銳字六營自石榴坡凱寨破敵而前東規天柱約署柳霽縣丞涂垣焯署清江協副將許得勝攻青龍腦自咸豐中敵據以爲柳霽患二十三夜襲破之垣焯等乘勢入據柳霽汛城李光燦會湘援提督龔繼昌副將李金榜急馳破江口屯六寨屯一名九龍山極險峻三面環邛水甲子陳大六等據此出入湘黔邊爲患至是禽大六斬之明日進復天柱縣城 十一月初十日香鑪山谷洞黃猫嶺冷水寨諸苗出龍頭山犯楊老唐天佑營天佑固守候補道張玉文分軍扼拒苗首金幹幹乘間率衆赴 李井突入平越龍場堡楊家林牛場出川軍後截糧路先是舊州克時署平越直隸州知州候補知府馬樹清言於唐炯請以鄒紹南率安吉營扼金鷄山隘又以州城荒無人出劄團坡適中地至是敵大至樹清圖退牛場遇敵楊家林再退洞口屯十一日敵陷洞口樹清戰死川軍轉運委員從九江廷燮亦被害游擊宋國楨先以三百人隨樹清辦



善後至是遁走屯民死者甚衆十三日敵直犯牛場營不利圖出甕  
安知縣顏佐才率同總兵蔣定邦等遮擊仍回犯牛場會劉鶴齡遣  
軍至與佐才合擊敵走中壩河再退九龍山旋出翁巴竄過小巖河  
時王文亦擊敗楊老敵守備周大鵬外委劉定邦陣沒炯以川軍深  
入後路空虛請以陳希祥還同剿苗疆候補知府蹇閻先以病還遵  
至是赴軍請仍以舊部扼平越州城楊家林牛場固川軍後留貴州  
知府鄧錡守舊州防餘慶後路粵軍攻破荔波水洞再下黑洞巴灰  
略清 清台苗復逼古州古州紳民相率赴湖南乞援稟言古州楊  
志清據廳城西抵上江北至清江附近寨屯皆脅從唐德芳扼上流  
各路聲勢相倚辦理古州者身未入境先示招安適啓賊輕敵之心  
民衆詭詐者官至投官賊至依賊率以爲常惟左右兩衛洛旺本堡  
四里諸寨猶以死自保時席寶田方分軍西南趨清江河岸擊破柳  
羅烏巴者磨耶磨平夏高邱敵皆乞降北岸略清二十四日將自寨  
頭北上趨松柏洞進剿圖鎮遠會西路抱金降苗復變同九大白力

拒湘軍擊敗之並破塘脚苗寨十餘寶田將俟湘軍到則以知府吳自發所部同規鎮遠以彭羅兩軍同復施秉以李光燦專辦清江以戈鑑李金榜援古州自率軍西趨施洞口掃蕩而北 十二月湘撫劉琨遣記名按察使黃潤昌江西卽補道鄧子垣率湘軍援黔會寶田於寨頭 二十八日軍至青谿縣 時工部右侍郎石贊清奏請裁減湘軍移饗濟黔略曰黔中教號苗賊自川軍赴援剿撫兼施不半年克巢禽渠教號諸賊漸次削平惟苗賊尙宜大張撻伐川軍由平越進擊黔軍克復龍貴亦乘勝直趨都勻正聯絡進取犁巢掃穴之時也川軍不及萬人恃有饗需降人樂爲之用是以士氣百倍所向無前黔省饗項奇絀練勇每月僅能給饗數錢卽此數錢之銀尙不能按月支發枵腹從事譁潰時虞前貴定之捷堅城旣破惜停兵待饗致潘名杰乘機遠颺無米之炊智勇俱困事急則募勇以禦賊事緩又無錢以養之黔中教號諸賊皆由潰練散勇迫脅難民相乘繼起十餘年靡有底止今幸剿辦得手開修餘甕各州縣先後肅清



臣竊思收復地方殘破已極非措經費安插降衆卽給牛種以招流亡難保無餘孽復萌又生他變然此猶善後之策也目前急務川軍直抵苗境恃黔軍爲之後應必集勁旅多人一面會合勦洗一面屏蔽省城使苗賊不致上竄窺伺省垣腹地無虞邊境庶可徐圖掃蕩顧第責黔省增防剿之兵而不爲籌有著之饟恐饑軍必不能振黔患仍未易平安危之機關繫匪淺我皇上廑念邊陲於協黔饟銀屢蒙嚴飭撥解而各省苦於無款可籌黔中竟至束手臣愚以爲今之時勢莫如裁隣兵以裕饟卽移隣饟以贍軍權其輕重緩急之間似有可以通融辦理者查湖南援黔之兵二萬有餘兵勇坐糧每月四兩行糧則每月五兩六錢有奇合計月需饟銀十三四萬兩聞湘軍入黔後浸染瘴癘缺額甚多李元度告養回湘軍已不振席寶田一軍因苗竄擾靖會退劄沅州旋亦告假回籍現雖檄催前進而李軍與席軍不洽勢必遣散另募方可大舉入黔臣竊計湘中將士皆係湘人川中唐炯蹇闓兩軍半係黔人深入苗疆自以熟習地理者爲

便夫用兵之道俯勦易仰攻難楚黔接壤青谿玉屏一帶山深箐密道路崎嶇苗賊碉寨林立居高矚下我兵進賊設伏以待退則乘虛而來楚師屢克鎮遠而不能守此明驗也且楚軍不服水土疾病易生與其輕進無功不如憑險自守但期防堵得力使苗賊不復出巢則川黔官軍自上而下勢若建瓴只須克復重安江一帶使苗賊大受懲創必可一勞永逸湘軍僅於防扼當就現在兵勇淘汰老弱清查浮冒將李元度舊部酌量歸併裁撤以萬餘衆交席寶田統帶扼要駐劄亦足以敷分布湘省邊境既易勦爲防則兵勇可照坐糧給發每月計可省銀七八萬兩卽以騰出之饟按月給銀五六萬兩解赴貴州省城俾撫臣曾璧光等得以選將練兵力圖克復如此轉移間湖南得散無用之兵黔中得有用之饟黔疆早靖湘境卽可撤防是以有益於黔而並無損於湘撫臣劉崐素顧大局諒不至拘泥援黔之說靳恤鄰封黔中得此五六萬金今日爲招練兵勇之費事平卽可爲安撫地方之用一舉兩得食惠無窮黔中平則川楚胥安此



機可乘時不可失者也於是上諭著曾璧光斟酌情形詳慎籌畫務須謀及萬全璧光奏入旋奉上諭曾璧光奏自收復龍貴後設防愈寬上游各匪尙須剿辦林從太駐軍都勻兵練無多僅能支持一面黔事尙多可乘之機自未便將援黔湘軍遽行裁減前據劉崐奏湘軍攻克天柱縣城已飭席寶田分路前進刻下澧陽江以北苗教各匪未平旣著劉崐迅催席寶田等統帶新舊各部由鎮遠施秉舊日驛路攻剿而上與川軍會合分別剿撫以期東面肅清欽此

同治八年

己巳 八 六 九

春正月初六日羅斛昂武亭苗韋繞聚衆屠昂

武下亭土千總王德懋而據之間結貞豐回剽掠附近桑郎羅宣諸甲署州判劉毓芹汛千總熊培揚募練合兵圍擊之 四川總督以唐炯提軍深入苗疆地闊兵單下游情形較之上游喫重命記各提督陳希祥率部赴黃平與唐炯會剿 唐炯以苗集羅坳阻餉道遣副將謝鴻章與顏佐才游擊楊繼春守備王成忠等馳擊斬苗首李阿七餘奔清平遂移攻冷水 席寶田數敗苗松柏洞白堵因約記

名提督彭芝亮進軍客樓大地方期以兵出鎮遠規施洞口會軍施秉時施秉苗出龍洞略石阡芝亮率軍敗之寶田圖出松柏洞因取金堡秀地諸寨以達鎮遠而黃潤昌鄧子垣已進軍焦溪檄調砲船六號渡河至兩路口寶田慮秀地苗旁掣其後則以記名提督榮維善擊走九大白於橋繞大白走回施洞口復遣蘇元章唐本有分搗秀地羣苗悉走二十七日潤昌等乘苗方爲席軍牽制亟進軍薄鎮遠府城總兵江忠珀中礮沒署鎮遠府知府吳自發知縣涂燦恆水師參將何春藤等皆至潤昌子垣督軍繼之二十八日鎮遠府城衛城先後復乘勝連下牙溪田壩諸苗屯 二月初五日彭芝亮率軍分扼龍塘黑沙坡潛約記名提督馮有翼自餘慶會芝亮舊部都司蘇廷標期初十夜合軍襲施取秉縣城會芝亮進軍甕哨而阻有翼夜至城下千總陸光鰲先登漸逼敵卡苗三人遽中矛顛死有翼繼登縱火燒屋苗爭出東走及明有翼以彭軍未會慮城闕不能守仍退餘慶 黃潤昌鄧子垣督軍出田壩西進苗分三道拒軍中出馬



院洞小溪左出壁田涼傘以至鼓樓平與中路會於黃衝以達施洞口右路則通新城右憑灘水左倚峻嶺負險力拒潤昌等分道進擊副將黃時貴陣沒羣苗皆先後下殺虜甚多焚苗寨三十餘就衛城築壘駐軍日出搜剿府南苗營皆望風下惟九大白據猴子坳張秀括據塘頭哨涼傘包大肚據西南鼓樓平負固自若 劉鶴齡率總兵李啓貴何行保等分道進擊新州苦竹破奔重拜乘勝追破重拜野洞場及龍角埡口諸寨直抵重安據之數擊敗苗唐炯尋馳至亟遣游擊鄒紹南都司田應豪東渡狗翁河潛進而遣降人劉占斗亦東渡小巖河擊斬苗首吳大九沿途猱狝悉降紹南等亦招降苗寨無數同出清平時鄧錡謝鴻章方率軍出大風鋪轉戰而前十七日取黃平新州據之黃平東南之甕谷隴白堡苗來爭擊敗去鶴齡旋遣啓貴等軍會錡新州剿附城苗苗多分趨甕谷隴施秉惟唐大有劄楊老固川軍後遏冷水會雲南檄調大有去炯亟請檄陳希祥速赴楊老接代護糧餉顧川軍後得一意渡重安江進取而安順畢大

錫等爭希祥甚力曾璧光爲咨川督留之不可炯亦上言璧光略曰  
各軍自由重安進規大破苗賊拔降夷千餘戶清平縣城不難卽下  
必須先將清平東西北三面降團撫定選銳作導分路搜剿使賊備  
多力分我軍後路穩定然後合規庶免進退失據惟楊老諸軍不得  
同取清平兵勢日趨於東平麻一帶空闊無阻不可不預爲扼防於  
是川督檄希祥去 都勻苗出大河攻平堡清江都司李得貴軍功  
黃子剛營都勻協張樑等遣軍禦之守備李占標敗沒副將彭萬盛  
方馳防谷洞苗來圍副將戴榮宗援至合擊苗引去千總曹得勝陣  
沒時護貴州提督林從太駐都勻防軍苦飢營官往往離營自回各  
勇亦多攜械逃游擊程品高至以追逃軍被害於是榮宗自樂平幹  
字營記名提督田榮顯都司王世昌等自羅戶司悉引退貴定從太  
無如何 席寶田遣榮維善蘇元春攻下老冒坡平塘坡乘勝取道  
抱金進擊台拱 平據南告巖寨諸苗均望風走寨頭以南濱清江  
數十苗寨略盡因乘勝進規清江李光燎戈鑑李金榜率軍出柳寨



敗敵而西擊破楊昌彩返號寨寶田亦遣維善與候補道謝蘭階等  
出巴野南下南包董敖昌彩力拒參將丁發蘭都司王得貴守備蔣  
維海把總陳德喜陳賢良皆陣沒維善及蘇元春等力攻之殺昌彩  
遂由南包渡河踰清江廳城東南趨格東寨進取白索汛時光燎鑑  
秀祥再取反排九寨來會二十六日合軍進取白索二十八日北進  
據清江城背公鵝屯潘老帽等西奔東兜遂復清江廳城會糧輝道  
艱席軍仍還寨頭惟李軍尙分據白堵返迷諸寨 三月唐炯率軍  
進剿清平觀音山以規清平約劉鶴齡分剿玉麟山別遣軍同蹇閻  
所遣安吉營副將鄒紹南出虎場坡橫攻大風洞觀音玉麟諸苗先  
後下遂并趨大風洞候選縣丞于德楷輕騎由黃土坡出敵後殺苗  
數十前軍乘之苗奔德楷追至翁哥山初三日諸軍自大風洞翁哥  
分進清平苗出拒游擊楊繼春知縣王恩容降人潘名杰劉占斗先  
陷陣德楷及都司劉舜祥等縱擊苗悉奔香爐山萬潮堡遂復清平  
縣城城垣民房盡毀無可守炯復遣軍復乘勝下附近羅錦堡二磴

崖大小泡木諸苗寨數十已而陳希祥率軍至平越旋會張玉文攻下冷水諸苗遂由高木塘擊敵而前十四日破萬潮堡追抵香爐山卒遇伏敗還炯方督軍攻據狗場魚梁河平茶五寨凱里諸苗來爭又敗之初炯上言將約希祥自萬潮堡急趨龍洞河而自率軍趨魚梁河逼苗入凱塘凱里老巢扼河而守然後以希祥辦下司一面而自由魚梁渡河同劉鶴齡夾攻螃蟹進趨甕谷隴與湘軍會攻甕谷隴炯因以希祥玉文守清平分一軍據牛場一扼虎場坡因軍後而自督軍劄重安以爲黃平清平聲援圖俟鶴齡引湘軍而上兵力厚集然後掃蕩下司龍頭河進規凱里旣鶴齡軍未行而湘軍之敗聞初四日黃潤昌鄧子垣遣軍西南進剿鼓樓平先破附近鍋鐘坡茶園諸苗鼓樓平苗恃險猶據各軍急擊破之包大肚逸哨官王懋斌總兵田興勝都司廖拱順守備彭惠俊縣丞胡雅南都司伍景運皆陣沒初十日潤昌子垣率軍再下塘頭哨張秀括預遁連據坳杷樓翁貢諸苗寨虜輜重無數鼓樓塘頭爲苗疆入鎮門戶潤昌子垣



以爲兩隘旣得鎮遠可守於是復進規施秉席寶田亦以川軍駐黃  
平中隔施秉不先下施秉兩軍中不得合因以提軍榮維善率十二  
營赴鎮遠會炯由劉家莊破敵而前十九日彭芝亮率章貴五營自  
谷定來會施秉苗扼河守徑即城北溪自黃平來涉諸軍爭渡擊走之進薄  
城維善視城西北微缺卓旗先登諸軍繼之卒復施秉縣城施秉徑  
黃平六十里橫出三十里爲白洗大寨白洗西四十里爲甕谷隴苗  
營林立於是商留芝亮守施秉越日潤昌子垣維善等乘勝而西直  
逼白洗破之二十二日再進甕谷隴苗拒戰山下兵交輒棄寨走諸  
軍直穿苗寨而過甕谷隴距黃平亦六十里中阻黃飄白堡諸苗寨  
道路險愜諸軍乘屢勝之氣維善率五營及總兵張宜道蘇元春先  
進潤昌子垣率所部繼之未至黃飄十餘里路尤陡險包大肚集新  
城螃懈凱塘凱峭革夷苗黨萬衆沿途設伏維善軍至遇伏奮擊突  
過敵前潤昌子垣繼至伏始盡起兩隘木石飛礮一時雨下潤昌子  
垣冒死力戰不能出死傷過半伏苗相持益急飛礮中潤昌裂腦沒

於陣子垣亦力戰死潤昌營知府羅宣總兵凌子龍參將楊洪亮子垣營知府鄒鍾泗副將唐運琛皆負創戰死時維善先後遣元春宜道回援久之不出旋聞黃鄧軍皆沒維善憤擊麾軍還戰身先陷陣所至披靡會元春宜道皆重創被圍維善突入元春等得從之出游擊韓兆祿都司曾得標戰沒元春等旋奪路西走黃平維善猶縱橫轉戰一晝夜破苗寨數處所擊殺無算從者副將王得勝都司沈凱游擊榮得錦皆相繼戰死二十三日復破旁一寨從者僅餘二百人且飢疲苗合圍之數重維善知不免馳入苗中擊殺數苗力竭死所從守備劉雲彪副將羅志宏周宗道等二百人盡沒僅餘勇丁一人中創脫回亦死 張樑數遣軍擊擺洞大河黃鶯高寨苗以乏糧故多走時有降者樑軍亦多飢於是提督張文德三月假滿回自湖南隨募楚勇三千人出都勻規入寨苗多集平定下司扼丹凱要路文德故舍下司而專攻入寨苗因得橫出都勻截軍後二十六日文德檄總兵李榮春等出楓香營副將黎占魁出木老塘參將田興貴



等出堯林甲道總兵馬永勝等出花家地文德率戴榮宗等出白果園分道并進約會於鷄賈河沿河苗衆及三洞一帶苗皆具降結時都勻城鄉久毀無儲糧至道遠軍多飢輒四出負食與降衆不相安稍稍復變 夏四月初湘軍黃飄之戰張秀密調席軍分出率黨北渡清江犯大小巴野都司毛勳總兵蔣懷清等敗之至是秀密潘老帽等乘湘軍新敗會施洞口復東渡出台拱革東汛掠平據內寨席寶田聞警自率六營潛赴巴野遣提督蘇元章魏玉彩出敵背而率懷清等擊其前敵大敗渡江去張潘已復合報南燒率衆自台桿北據稿木頭寶田復至巴野東疾馳五十餘里赴援遇敵寨前元章玉彩及參將黃元果先進敵殊力戰副將徐啓瑞沈得彪游擊覃祖德軍少却寶田手斬之陣前諸軍悉爭進突擊敵大敗追及之大洋河干溺死無數餘衆由清江渡去時沿江至施秉數百里苗寨盡焚苗衆集施洞口革東汛一帶不能耕衆多飢寶田軍獲苗屍剖其腹往往皆糲粃云先是湘軍之敗寶田上言清江當台拱東面勢偏而南

北岸地廣隘多須兵甚衆大抵清江須劄三千人江南賴受塘須千人返號馬大營須分割千數百人數近七八千人蓋清江一路不惟有會剿台拱之責且當兼顧黎古天柱及後路餉糧故不得不多爲之備今祇知府李光燦所部三千人戈鑑七百人總兵李金榜千五百人非增兵勇不可增兵卽須籌餉請由湖南委員赴清江辦理逆絕木值變值給軍計清江之軍不過台拱定後卽可量撤台拱之定亦不過一年爲期一年之後苗疆大定木利仍歸貴州而善後一切事宜卽可於此取辦 李榮春進毀楓香營灣寨敵營搖家屯楊榮圖降而請軍先攻退郎埡黑苗始至榮春襲遽走追至三里敵大至榮春亟約游擊林得勝及彭萬勝援擊不利敗還軍多傷亡時鷄賈河各營苦飢多潰逃黎口魁與游擊羅芳林相持茅草平敵數來犯僅自守軍中殺馬爲食繼以草根木皮相向泣旋與張樑等皆移營入都勻府城榮春扼水竹園尋亦離營回省副將周發榮方馳赴內外套鼠馬場阻雨不進 署定廣協副將何雄輝以千五百人久攻



牛洞不下牛洞後山爲牙州據苗數出掠周發榮都司田興和皆調赴都勻 廣西復奏請新大協副將潘其泰率三營會副將孔憲隆進圖荔波九千初十日會軍茅蘭場九千地廣而路愜中間多歧毗古州八寨三脚其全里盛時稱有八千數百戶且多富故名九千於是憲隆以所部出周覃攻其北其泰率所部出巴容攻其南分把總陳義剛盧振剛兩營會鄒玉林出水慶水息攻中堅與潘軍相距略旋合下拉長山寨降水慶水息苗復毀羊腰諸苗營憲隆亦毀水角及苗首吳邦吉營去潘周軍百餘里 初巡撫曾璧光奉上諭行軍必須熟悉地勢着曾璧光將黔省進兵道路及賊匪盤據之所繪圖呈覽欽此至是璧光復奏略曰查黔省十二府四直隸廳州均屬苗疆貴陽安順大定遵義石阡思州銅仁思南仁懷普安松桃平越則漢苗雜處苗賊時發然官兵一到即可蕩平惟上游興義府貞豐州界接滇南回民驍悍巖大五等從而附和下游都勻鎮遠黎平各府屬多九股生苗巢穴與粵楚連壤遇有不靖卽不免震及鄰疆其地

箐密嶺高苗性凶頑貪狡溯雍正年間都勻鎮遠黎平等府苗變用兵至數十萬降而復叛者三前後征剿十餘年方定遂添置八寨黃施台拱清江丹江古州石峴九衛安屯分軍以控制之自咸豐四年以來苗賊復叛非痛加剿洗不能革面洗心第苗疆沿邊八九百里道路紛歧博訪形勢進兵當由古州寨蒿黎平朗洞柳霽南洞司鎮遠邛水寨頭鼓樓平施秉施洞口黃平重安江都勻八寨荔波麻哈凱里各地分道並進使賊彼此不能相顧得一二大捷必畏葸攜貳然後散脅禽渠勦撫兼施當不難於蕩平現在川軍已進劄重安江楚軍已由鎮遠清江分道進取粵軍擬由獨山以出古州黔軍亦由都勻進規八寨皆已深入苗疆無如籌餉萬難合計三省援師與本省征兵僅四萬餘人不及苗賊二十分之一主客之形既異衆寡之數復殊兵分愈單而上游各府自陳希祥一軍調剿苗賊後川軍僅耀字一營千數百人會合文武各督練團勉強措撐兵力尤薄臣仰沐天恩忝膺疆寄每與文武僚屬加意講求通盤籌畫鄰援已藉三



省之力黔事更多可乘之機兩游未經收復者不過興義貞豐台拱  
八寨丹江都江等府州廳倘能濟以重饟添募新軍或爲前導或爲  
後援使客兵無跋扈之危本省作同袍之氣於是招民復業分屯設  
防上紓宵旰憂勤下釋閭閻疾苦乃爲萬全祇以力有不逮只能就  
勢分軍各路進止機宜遂難遙爲牽制 苗掠走遠口攝天柱知縣  
黃啓蘭等擊之把總胡瀕陣沒李光燦遣軍復邀之敗高坡 五月  
十二日孔憲隆復分軍擊破帽山進攻水梅潘其泰鄒玉林等亦移  
軍猪場相去數里苗首潘新簡乞降不許憲隆其泰玉林等旋合軍  
破水梅山寨水埕石板諸寨新簡逸吳邦吉逃匿梅因敢卡憲隆等  
誘致之邦吉隆九千略清於是改九千里爲從善里 都勻苗將犯  
基場基場爲獨山糧局以給張文德軍者周發榮亟遣游擊田應魁  
馳護而苗已劫去冗堂糧二百餘石發榮再遣游擊易玉衡繼之苗  
敗之馬道旋毀基場茶亭走上羊奉去發榮所遣扼苗翁之總兵艾  
臣輔亦棄營遁回旣而團民稟發榮在鄉派糧苛虐曾璧光檄令回

防獨山 初何雄輝與副將王松林及游擊楊文粹各部千五百人合剿陳喬生皆因糧於團文粹營青藤松林營馬嘴距敵遠松林閉軍不出日圍招撫雄輝力請急剿而松林已先招高寨苗陳阿敏令招牙州苗李老帽得喬生子福保縱之入牛洞老帽陽許先以數十人投入營期松林二十三日盟於道則入牙州受降松林率數十人至磨淮溝李老帽與敵血盟誘入牙州遂害之復徑取馬嘴內應從中起營遂陷轉攻雄輝營雄輝率軍引退三都去牙州百餘里 席寶田日遣軍分剿寨頭巴野松柏洞餘黨略盡旋以天暑瘴發軍中多病不能深入乞假三月回籍養病而以軍事付提督龔繼昌代理分布鎮遠施秉遏敵圖俟秋再舉而川軍亦同時搜剿楊家牌良田長溪巖寨諸寨悉定唐炯亦以軍中疫癘多死亡餉餉既艱鉛丸且竭請斂軍分扼黃平重安清平俟秋涼瘴退大舉深入是時川軍既據黃平重安清平而湘軍方定鎮遠施秉清江而入寨苗亦就降黔軍苗所據者僅台拱丹江都江凱里周圍千里而已黃飄一挫湘軍



斂守黔軍復再敗至是下游軍勢爲之一頓 六月初三日九千團練獲潘新簡來獻孔憲隆同邦吉檻送廣西殺之憲隆其泰旋以粵邊警回援鄒玉林稟言九千尙有水盆水往內蟬諸處叢林深箐藏匿頗多請留粵軍 初席寶田回湘勝秉以東清水江苗寨略盡惟廖洞冰洞兩寨及革從苗營素富強與施洞口大小江隔河相掎角則屬龔繼昌圖之至是繼昌潛軍西出松柏洞會蘇元春分道襲破廖洞副將楊文行陣沒連破革從進擊冰洞敵皆具舟遁諸軍抵岸亟擊覆二十餘舟死者甚衆遂移軍東南進毀清江東岸南包賴受諸寨 下司苗數出楊老犯牛場餘慶敵亦犯甕安圖繞川軍後截鐔道唐炯預設備敗之苗退大麻窩炯檄總兵向長曙等赴牛場遮擊苗走圍貴定長曙等馳援敵走舊縣狗場炯因檄長曙等卽暫劄防貴定 苗出朗洞走掠育洞寨蒿旋與古州敵合趨黎平毀屯寨頗多李金榜以湘軍援至九朝仍退清江去又西掠九洞十洞所至殘破古州營外委李玉貴雲騎尉王家培軍功楊再貴莫順發莫士

華團首武生吳秉粹吳一新等皆以禦擊陣沒戈鑑李光燦繼遣湘軍援至敗之貢寨敵仍退寨蒿去 秋七月都勻苗以重安川軍堅不能撼苗首金幹幹等期集衆再出牛場截糧餉襲軍後唐炯以副將鄩有倫代向長曙防貴定檄長曙馳回牛場顧餉幹幹攻楊家林擊敗之他敵出翁巴來應幹幹長曙伏九龍山殪苗首張老熊大敗去 周發榮回防獨山已復檄回省所部幹字中營總兵宋德山道出龍谷里敵截其後而谷紀關伏敵復遮其前德山戰沒死者數百人 何雄輝數進軍襲牙州牛洞皆不克復以敵衆兵單乞張文德率全軍進剿自請病假不許 李老帽出甲寨乾河窺青巖龍里二十日潘其泰自荔波撤軍回廣西孔憲隆亦回防粵邊牛洞暫以都司劉貴榮及宋福慶兩營及義字營陳義剛盧義剛留防九千餘苗不時結古州苗仍竊發 苗衆略思銅兼署思州知府吳自發乞援湘軍龔繼昌留魏玉彩防寨頭自往援苗已走狗牙場苗漢溪繼昌自狗牙進擊以副將黃元果等遮之苗漢溪苗大敗去而潘老帽



乘繼昌軍出復攻及巴野游擊毛樹勳敗之署貴東道陳枚稟略曰  
比年各屬奇荒施秉革苗清江降苗漸成饑殍惟自客軍歇伏清台  
苗乘間出掠黎平尤甚楚軍戈李數營兵單尤未易得手席臬司回  
後隊伍逃散不少施秉彭軍兵力無多亦難兼顧由清軍至黎平數  
百里軍殊單薄情殊可危 提督張文德因傷回省曾璧光奏派劉  
士奇接署貴州提督 九月初五岔苗最先降席寶田以地扼要苗  
衆尤强悍因收而用之冰洞廖洞之據苗與有力九大白等頗銜之  
而其地三面濱江又松柏洞蘇元章一軍爲之援得不陷至是大白  
等多集勝秉橋窩平北斷五岔出路降苗乞援勝秉在清江北與施  
洞口隔一河距報南燒九大白包大肚張秀密諸苗營數里遠者二  
三十里西接新城南連台拱爲諸苗藪初八日龔繼昌等率軍進擊  
橋窩平苗衆望風潰遂直攻勝秉而以元章分軍圍攻三寨斷其援  
勝秉苗出拒敗潰繼昌遂入勝秉方毀附城貴隴涼風坳諸屯寨而  
大白南燒諸首領援至時元章已毀三寨回軍合擊因敗奔去繼昌

逐敵中石傷腦遂率軍回松柏洞元章復毀平塘坡據烏門諸苗寨  
疏五岔路而還 冬李老帽自雅水陰援陳喬生曾璧光復檄總兵  
李福昌來助雄輝率軍分攻雅水 苗數略平洲陷定番白巖洞張  
樑時劄平伐署提督劉士奇以敵逼省垣四鄉多被焚掠檄副將王  
德貴援省以張樑代得貴防狗場會定番栗木屯警不果時提督營  
務處知縣杜大定亦劄狗場稟言防營各將多托病晉省請嚴飭歸  
營 十五日署羅斛州判賴榮燦同參將楊文粹率軍擊昂武上昂  
脅從多降韋繞至下亭來拒敗之追破其巢繞率餘黨走貞豐沒邑  
十一月苗數略貴定北牌新添司西牌馬圖河劉鶴齡遣總兵蔣  
定邦及參將劉舜祥等馳援初十日同吳占勝敗之馬圖河苗走落  
白河定邦等馳赴巴香護水尾糧局占勝舜祥等仍回而縣城中土  
匪乘虛外結夜襲城啓之入署貴定知縣劉培琳署新添營都司黃  
加富倉皇奔出舜祥方回軍至西門急躡入截之大街城民壯者升  
屋擲瓦助戰苗大敗復由南城奔出民衆死數十人卸署青谿縣教



諭張燦然被執遇害 冬十一月清江餘苗屯烏亮屯等處數出略張秀密等復掠走天柱龔繼昌以蘇元春等擊之而檄蘇元章乘虛由五岔渡河毀台拱稿貢苗營苗敗還愈怨五岔降苗復攻之元章等救之敵泅水遁進毀打老烏門川洞各巖寨千總尹得勝陣沒自勝乘沿河以東略清 何雄輝由甲寨襲毀獅子崖雙口洞諸苗寨而李老帽仍據雅水分掠六妹擺路高寨李榮春等圍硝洞不下復發開花礮碎其門猶守不下榮春以病請假不許 十二月初一日戈鑑等率軍擊九稍龔繼昌擊烏沙皆破之守備陳嘉參將陶正柏陣沒遂合軍疊擊九甫瓦旦得號先後悉下南稍河以上及朗洞附近多降者南稍在清江東南數十里上流三十里分三支一源於丹江牛皮箐爲烏迷河一源於朗洞者林山爲朗河又曰烏拉河一源於古州陽含山者爲烏擁河三河匯流總名烏沙河烏沙九甫台旦苗居其間爲最悍行旦居三水總匯之處附近爲得號堡亂後台拱苗徙居之會鑑方攻烏沙九甫以通南稍河不得下約龔繼昌會剿

於是席寶田假滿爲前規畫分割各軍軍少因稟乞湖南巡撫增募十六營旋馳至寨頭軍稟曾璧光略曰清江鎮遠苗賊年來巢覆田荒病餓死者不下十餘萬衆台拱施洞口賊勢就衰惟新城以上施黃羣賊未受大創擬增募萬衆取齊酌留軍防巴野寨頭以遏台拱賊出路卽率諸營由塘頭哨進勝乘以規新城汛施洞口新城汛下江內可清施洞口下則台拱可圖 川軍唐炯亦稟言請俟湘軍進規約同先清施黃苗巢分兵守巖門螃蠡屯因遣劉鶴齡分出清平據下司自銅鼓擺仰而下約湘軍自施洞口而上先據凱里凱塘革夷諸巢以規丹江台拱云上諭協辦大學士湖廣總督李鴻章着卽馳赴貴州督辦軍務所有四川湖南貴州各軍統歸節制欽此鴻章旋卽奏陳三難一餉事之難二地勢軍情之難三採買轉運之難

同治九年

庚一八七  
午

○春正月二十日上諭李鴻章奏籌辦黔事大略

情形請飭川省裁軍騰餉暨酌撥洋稅銀兩各摺片覽奏均悉黔省苗氛肆擾川湘各軍未能奏績特令李鴻章前往督辦底定黔疆該



省軍事辣手朝廷亦所深悉此次該督籌陳大略詳述三難足見遠慮深謀老成持重李鴻章公忠體國必能力任其難早清西南邊患所有酌調舊部籌運糧餉各事宜均著該督相度機宜悉心籌布朝廷不爲遙制也欽此 未幾鴻章復之陝西督辦軍務不果來 席寶田以新募九營成軍至沅州馳回部署而慮施鎮間地壩高碑苗梗河道因商劄防鎮遠接統精捷營補用道鄧善燮以提督黃仁遺率一軍赴施秉會劄施秉章貴營總兵鄧真發剿辦破走地壩高碑諸苗時龔繼昌等遣軍擊破清江南岸交榜苗寨知縣王聲揚陣沒 二月苗賊掠至貴定附城署知縣劉培琳署新添營都司姚應啓稟曾璧光以都勻范春陽等將出總兵劉祖成防軍多通敵乞援初九夜有敵卒襲城培琳應啓出擊之遽却培琳追至沙角寨伏發槍中培琳膺下創回旋卒曾璧光促劉士奇出剿士奇惟遣副將彭萬盛戴榮宗馳防 初台拱濱清江景洞寨苗乞降湘軍寶田以懸遠不能兼護姑緩之至是張秀密等方屯革東稿武遽破之龔繼昌等

因襲毀革東稿武而還秀密等復據平扒坳廖洞以困五岔繼昌等再進破之台拱東之斬架 三月初八日席寶田率新募諸軍至塘頭哨新舊凡三十餘營寶田以二營劄寨頭至橋頭四營劄巴野二營劄五岔三營劄松柏餘悉屯寨頭以鄧善燮進扼鼓樓平蔽鐔道別以一營劄毛平二營守勝秉老城相聯絡固軍後以規施洞口施洞口爲九大白報南燒等久據至是張秀密潘老帽復爲助守寶田進軍金鐘山猴子坳逼敵數里而營先毀附近琵琶諸寨苗來犯寶田揮軍敗之渡水走諸軍涉淺追擊敵列礮憑河拒千總黃致和守備何忠才游擊胡勝隆中砲沒引還寶田以施洞口糧足守固中隔清水江湍急難涉惟方寨前稍淺可以爭渡而敵列砲衛守頗嚴議潛軍夜從上下游暗渡於是遣蘇元章率松柏洞諸軍由勝秉渡江取平兆副將唐本有率七營由八梗上游襲繼昌率六營由巴拉河下游而以提督魏玉彩屈得茂等率八營平明陳軍江干伺間進本有方渡八梗遇九大白與戰力敗之進焚大小八梗繼昌渡巴拉河



襲破平敏平洋敵始覺秀密南燒力拒提督周家良斬苗首楊正榮於陣苗衆敗走元章亦毀平北而西玉彩得茂等得耗揮軍競渡方寨敵發砲砲遽裂諸軍急上奪其砲台守苗悉由山後遁本有出場壩後繼昌出楊家寨後邀擊殺苗以千計斬苗將軍楊老輝等八人外委蕭意安羅盛山把總丁有成等陣沒遂拔施洞口方席寶田進軍塘頭哨復以總兵蕭榮芳率二營同鄧善燮等進軍鼓樓平包大肚來犯善燮擊敗之大肚西走還新城汎善燮及黃仁遺進毀附壘龍塘把琴塘諸苗寨於是寶田進軍九股河復毀白土十餘寨因檄真發軍與善燮等合進屯馬平架橋圖尅期會攻新城寶田稟言倘川軍自重安下擊數十里施黃之賊可盡北岸可清湘軍一面進九股河以定台拱九股河苗人再之小江江發源八寨斬據寨包丹江逕台拱城西三百餘里至施洞口與清水江會大江綿互百餘里張潘諸渠三百餘寨蟠據其間近丹凱者謂之上九股近台拱者謂之下九股大江之苗蟻附於外黔苗悍者以台拱爲最台拱又以大小

江爲最大江已靖小江再復台拱自定惟水迅湍急夏潦難渡若移軍過江大慮糧艱目前方共圖新城當俟秋涼水退再過江籌剿此路善燮復稟曾璧光請招民歸耕以清道路略曰鎮屬良田亂久盡成穢壤民人又皆死亡逃散村市爲墟蓬蒿塞路自鎮遠下至青谿水陸百餘里劫殺頻仍去秋諭示沅晃一帶招徠流亡令有業者復業無業者許其分佔荒田以盡開墾之利來歸頗多於是籍其戶口給予牛力籽種分處於焦溪兩岸及兩路口猴子坳五里牌因山爲屯且爲之樹犄角聯守望以固其心自焦溪以上數十里叢林灌莽捷徑分歧游匪出沒焦溪留防一營不能兼顧因復收募土勇數百分屯險要耕戰并營其半屯及東北諸鄉難民皆相率開荒築屯自衛貧苦無力者仍量爲資給并募勇百名分駐半屯鴛鴦坳兩處以備巡警尙有投出革苗百數十人則一校場別立一堡授以荒畝曠土使謀生業數月來覺屯蒙大闢卽行旅亦少所震恐所恨流民日集日衆力薄不能經營及遠至屯民始事開墾日食猶艱尤願暫



除徵納並請飭下府縣嚴戢刁民侵冒之風以示矜恤 何雄輝數  
出劄營坡圖剿落平高寨不克復屢與署定番知州葉聯雲招撫亦  
不果會敵犯通州克度三里急雄輝率千人分出岡金公鵝擊敵前  
進越日至通州解各屯寨圍敵併集由把思黨羊場擊之不克 唐  
炯還至重安營次乘湘軍方據施洞口因進軍東坡以鄧錡同總兵  
謝鴻章周萬順等出新州劉鶴齡同向長曙李啓貴等出爛蕩田候  
選縣丞于德楷同副將何行保張友林等出灰坑坳二十六日同趨  
黃飄破走苗乘勝連據白堡明日進擊啞隴蒙家杉樹坳蘆笙平新  
莊二十餘寨先後皆下苗死亡以千計毀苗屋伍千餘間革林四百  
餘戶亦乞降先是炯圖進規而苦都勻羣敵時出軍後劫掠糧餉將  
留軍防復苦前軍力薄因以三營留鴻章萬順劄防黃飄而還將俟  
糧集再圖進取螃螬稟請曾璧光撥軍駐防平甕州縣以便深入約  
寶田尅期會軍攻巖門約蕭榮芳會攻濫橋驛以通驛道於是四川  
將軍崇實總督吳棠會奏略曰苗疆情形不難於爭城奪地而難於

善後之經營不難於涉險縋幽而難於軍糧之轉運如修治城池招集流亡聯保甲給籽種善後數大端曾璧光責無旁貸非臣等所敢代謀而甕安平越清平已定之區現猶以川軍扼守卽爲運糧起見如黔省能撥兵分駐辦理善後亟宜兼護糧道俾得抽後防爲前敵運掉自如不至時剿時停亦於軍事大有裨益抑或主兵重在自強似亦應派軍來會由樂平谷洞進劄灰坡牽制都麻之賊則我軍深入亦可無虞矣並咨商曾璧光旋奉上諭曾璧光亦當嚴檄本省官軍由貴定之樂平谷洞進劄灰巴牽制都勻麻哈賊勢使川楚各軍得以深入迅殲醜類不可專恃援軍致失機宜欽此 夏四月初二日鄧錡及于德楷等復出東坡濫橋驛分擊馬路哨後壩毛耳洞沙田坳二十餘寨悉下蕭榮芳自施秉率軍來會於革塘關越日再破黃雅劉鶴齡同時擊破半山初十日復率十營進攻巖鷹屯 前營總兵姚華萃參將楊繼春先後分道出馬鞍山鶴齡旋以大雨未發追回華萃不及始遣向長曙率三營冒雨馳援華萃初至敵驚潰



已而獲谷隴加巴牛場螞蟻苗悉至圍合華萃及都司楊其清楊通祥馳突不得脫遂戰死長曙繼春援至亦被創退鶴齡聞警亟率親兵馳援軍殊死戰苗始奔退據巖鷹屯加巴牛場仰朶同時皆下苗死以千計錡與德楷再毀上下翁雍進營獲谷隴炯以川軍深入糧運愈遠約鶴齡錡等先下附近苗寨再攻螞蟻巖門於是復遣軍分擊馬頭巖等卡餘寨時崇實吳棠飭炯停兵糜餉趣令進戰炯復稟略曰查苗疆如台拱丹江諸處山多田少苗類繁多不能自活從前蔓延鎮施清黃平甕都麻占地耕作自經川楚兩軍掃蕩地蹙糧盡饑疲死者不可數計今斗米二千錢自相殘殺其機勢可圖誠有如席寶田者議以地勢論十得其三以兵勢論十得其七賊之最悍最黠者莫如台凱施黃清平所屬而老林密箐地險巢堅亦百倍他處且首先倡亂在所必剿者此地廓清其餘剿撫自易現今楚軍攻拔施洞口新城川軍攻拔黃飄甕谷隴加巴牛場諸巨巢賊悉舉家口上遁凱里都勻只留壯健拒軍而兩軍相距止三十餘里所以卒

未得合者則以左右一二十里堅巢林立以數百計尙費推廓楚軍米糧軍火轉運皆船取攜甚便川軍悉由陸運自遵義思南貴陽三路採辦運至孫家渡袁家渡水尾一卒負米二斗現值農忙僱役尤難每一路輝到日不過五六十石又自孫家渡袁家渡兩路運巖坑再運甕安再運至牛場自水尾運大麻窩亦至牛場又至牛場地松大巖轉運至重安沿途十餘處各設馬二百匹凡二千餘匹以次遞運餘馬二百匹以備更換一馬馱四斗三日一周到營日不過三十石而前敵二十營每日約需八十石此糧運艱阻不能接濟情形也陳希祥一軍不能不留守清平以三營節節駐守以護該營糧道清平只餘四營勢能守不能戰黔軍只守龍貴一面都勻凱里賊特出平貴間擾我糧道川軍所部分防大麻窩牛場甕安平越地松六營若皆調赴前敵糧輝一斷卽虞譁潰炯在重安不能不留一營自衛其在前敵者僅劉鶴齡果毅十六營及炯安足三營是目前兵力已不能運掉自如楚軍兵力倍於我而專駐清江台拱以剿爲防勢不



肯過重安江自重安江以西南清水江之上流皆川軍獨任地關路  
歧勢以分防而不能暢意攻剿迅速奏功此兵單不敷分布之情形  
也李節相奉命督辦陳說三難尙須增兵集餉自顧何人乃欲就區  
區兵力無米爲炊亦誠過不自量矣前者憲台陳奏有留兵以歸其  
節制或協餉以拯其困窮之議故特縷陳實在情形仰懇從長籌畫  
如或俯念邊氓塗炭始終援拯則非增兵二十營寬籌餉需軍火不  
足蔽事而任責重自非淺薄所能肩荷應請別派大員辦理 初二  
日席寶田以鄧善燮鄧真發諸軍進攻新城汛真發黃仁遺率軍先  
進善燮繼之先敗苗附郭涼傘屯苗據屯發礮軍多傷會繼昌唐本  
有等軍至合攻破之汛失恃潰走汛城復白洗甕谷隴甕板諸苗來  
援再敗之善燮仁遺亟攻竹子寨包大肚拒戰會提督黃開運方破  
鯉魚塘魏玉彩及副將黃光星方破銅鼓巖先後至苗後亂大肚棄  
寨奔班鳩寨寶田以善燮劄防汛城以真發軍自尹坡鼓樓平茶園  
連營至頭到水護糧道苗數來攻善燮以仁遺等擊敗之寶田以甕

谷隴白洗兩苗寨橫據三十五里於北岸較大然苗皆破後復集氣稍衰瓊板去兩寨皆十餘里戶口僅及半而完固較強期先取之初九日檄本有以五營北攻瓊板周家良屈得茂率三營繼之以參將韓效忠率五營紆道襲敵後而先令龔繼昌率七營右出高店黃岑過白洗瓊谷隴援敵又慮班鳩寨大肚爲患則以善燮拒之本有等由黃岑高店破敵而前疊毀新寨灣爛溝河進至瓊板副將蔣子榮先登中礮沒方相持間孝忠突由後寨攻入敵立潰仁遺等亦同時擊破班鳩寨並毀王坳諸苗寨把總盧壽年陣沒十八日本有繼昌得茂光星及蘇元章黃元果蕭榮春守備鄧第武等復出瓊板進攻蕘衣坡高山亮擺諸寨苗衆麤集殊死拒繼昌負創力戰游擊張友田楊利川都司胡敬華千總賀榮華均重創沒破苗寨而還寶田旋移真發營於瓊板檄本有出瓊板而營移元章前駐蕘衣坡敵來襲皆敗之都司江歷福把總曾連山陳經定外委王得玉沒於陣於是苗隴叫鳥以上諸苗皆相繼遁寶田將進軍王坳以積雨不果仍回



金鐘山 平牙凱口迭爲敵據張樑田興和及都勻協千總陸登鳳等以爲進退屢祈大軍進剿曾璧光自正月中數商劉士奇率軍出羊場平伐進龍貴直剿迄不果行至是登庸上言已擊走平洲賊署都勻府知府王彥遣游擊張春來劄防並招撫平浪之白頭沙寨之趙以芝龍谷里之羅廷華等平洲略清 何雄輝留副將凌興發以二百人防大塘自馳回劄營坡防剿落平高寨以副將古大儒擊破附近滿者賊屯禽斬賊首陳阿述把總李貴華陣沒會田興和乞援雄輝再遣副將謝世貴以兩營往援至大塘署州判陳其杰留之旋自潰世貴亦遁 五月初七日席寶田復馳至甕板檄諸軍進白洗會蕭榮芳方擊敵芭蕉衝至栗山平約共進軍亮擺來會檄鄧真發亦由之約鄧善燮出下翁西樓梯平檄唐本有亦由之善燮遣游擊史慶福先至樓梯平敵分伏半山洞青石洞慶福躍登中槍沒總兵鄧新樑亟援亦創衆疾進寨其洞而薰之餘苗盡死本有軍亦繼至逕攻白洗守備葉向榮先登中礮沒本有促軍進蘇元章繼之遂破

白洗榮芳已破平冒長田來會 初十日寶田遣本有元章進攻巖門冒大雨而前苗出不意倉皇拒戰大敗去遂取巖門司城十一日本有會鄧錡於甕谷隴時川軍援剿附近甕谷隴苗寨略進惟叫烏大洞未下洞險廣諸敗苗皆集其中劉鶴齡適病錡率軍逼攻十餘日守備駱安邦陣沒軍多傷錡因伐木置硫黃熏之兩日復以死士砍門入苗死數千 時大雨屢旬川軍糧運愈艱軍饑且病因乞糴湘軍得米六百石唐炯請儲一月糧再進攻仰朶以及螃螬寶田以川湘兩軍聲氣聯絡巖門以下北岸略清而施鼓樓平新城汛之間高碑花灘望江數寨復不進因檄本有同榮芳善燹擊走之會巖門司敗苗復由螃螬潛回黃飄白洗本有仍還白洗擊之苗無所據多入洞守副將朱長林把總楊玉洪薄攻中礮沒 李光燎戈鑑劄防清江返號巖均以敗苗多走朗洞因進擊先破走柳拉汛苗 十八日逼朗洞苗出拒敗之遂入朗洞城連下附近諸寨西北白倒甕王苗尙據光燎分擊白倒鑑擊甕王并下之副將李續葭江西補用同



知直隸州朱象瑞中礮陣沒光燎鑑以軍懸糧少留護朗洞營參將楊再朝駐守由烏沙九甫還軍署古州鎮溫志學復以游擊舒澤洛往助守 田興和以何雄輝援軍不至復自牙州乞援王彥彥遣防平洲之守備陳義剛來會敵旋走翁貴平浪興和義剛襲碑蠻浪白巖牙洲略清亦請軍由谷紀關進以規都勻 六月初七日席寶田以巖門北岸略清稟言天暑疫作萬不能亟議進取必俟秋深瘴退乃可南圖仍以軍事付唐本有龔繼昌即日回沅州於是湖南巡撫劉琨奏湘省援黔諸軍擬暫緩南圖略曰湖南自援黔以來歲需餉銀甚鉅積欠已多湘中近日情形尚須防維補救自固根本擬飭席寶田設防清江北岸清理善後事宜俟川黔兩軍進剿得手再派兵南圖合擊 清江台拱苗略入廣西界廣西副將黃仲慶何元鳳援擊復敗之進軍葛亮署黎平知府倪應復請留粵軍自葛亮進古州期以獨荔諸軍會黎平東南有粵軍西北有湘軍亦可久安 初川軍圍攻叫烏洞苗首李阿金楊矮子文即楊率苗衆據煙瘴山蘆箐洞

初七日劉鶴齡乘苗營未立遣向長曙及守備王成忠擊走之都司李孝德斬楊矮子於陣阿金逸鶴齡以道通乞假兩月回湖南省親於是崇實吳棠會奏略曰茲據唐炯稟稱日來瘴癘已起師人多病不得不暫爲休息劉鶴齡亦因病請假席寶田已回沅州須秋涼再圖進取又據陳希祥稟屢次函約黔省尙無出師之期各等情臣等伏念苗疆地險而深賊多且悍夏則毒霧滿野冬則大雪封山一年中惟春秋數月可以用兵而此數月中或客兵未集或糧運不充節節耽延故戡定之功非旦夕所能奏效川軍自援黔以來閱時三載先後增兵至萬八千人歲需餉銀百餘萬兩不爲不竭蜀民之力以拯黔人之危現在貴陽之門庭早圓鎮遠之驛路已通荒土重開釐金起色但能善自爲謀加以楚粵兩省之兵寓防於剿可冀從容擘畫次第盪平而川東之重慶夔州等屬淫雨滂沱江流汎濫被災尤重蜀餉以津貼捐輸爲大宗勢不能責元黎以完納後難爲繼久益不支臣等已飭唐炯先將羸卒疲兵大加沙汰並通籌全局事宜從



長辦理總期川黔兩顧兵餉兼權 炯復稟崇實吳棠略曰黃平清  
施地既險阻苗亦強悍楚軍連年進取只取鎮遠而止者職是之故  
自川軍剿平號匪收復平甕先後規取黃平重安清平據腰膂而潰  
心腹驛道疏通指顧間耳乃黃飄挫衄而軍勢遂頓本年川楚合謀  
夾擊連克堅巢飢疲之賊轉相殘害既失耕作復破黨羽不能復如  
曩時動召數萬抗拒矣賊勢至此爲極衰弱且川楚兩軍聲氣聯絡  
自鎮遠至重安毫無隔閡秋高瘴淨楚軍七十餘營全師南渡聲勢  
甚盛且輓運軍火自清水江上達固甚便利倘川軍增兵益餉運掉  
自如苗疆底定固可指日待也頃接孫道濂函知憲台決意罷兵節  
餉弁示以會商黔撫函稿全撤川師歸黔自辦爲便至酌留兵任辦  
上游似猶有可議者上游水城等處僅顧馥春即嚴一支興義郎岱  
等處僅楊秀清一支即楊不難撫定若留兵多恐將領非人轉滋事  
端卒不得罷少更無濟徒糜餉糈湘耀兩營其前事也愚以爲留兵  
任辦上游不如留兵防守烏江往者號匪跨據烏江南北兩岸雖屬

亂民然苗匪不能過烏江占據思南遵義兩府地者號匪亦隱與有力自職道剿定毀其屯寨錄其精銳收其軍械其家室皆散處耕作二年以來平甕遣民歸者甚衆自遵義至省商賈通暢今一旦川軍罷歸黔省急切不能兼顧弱者仍復轉徙溝壑黠者必負嵎自固微獨貴陽道路梗塞恐涪南綦舍之民亦難安枕愚見擬於川營中降苗挑留十營選派將領分布烏江之老君關孫家渡諸隘盡徙平甕遣民填實北岸就地耕作扼河而守俟一年後黔局稍定再行遣撤如此降衆有所歸宿不致爲亂北岸之民得免再罹兵革大道通暢黔省釐金不無補益黔師無煩分顧得以專意都勻下會楚師在黔有此數利而在蜀不過多費十餘萬金邊境且得以安亦策之善者也苗疆旣歸楚黔會辦川軍未便久留重安甕谷隴自困又轉運艱難道遠費重勇丁甚苦現與鄧道錡商議分兵圍攻大平洞黃飄一俟得手楚軍可無牽制清水北岸肅清即便移師甕安牛場就糧以待遣撤 稟上十九日炯遂遣周萬順率副將向必勝等出甕谷隴



攻大平四洞王成忠等出巖鷹屯攻黃飄諸洞于德楷等出重安圍  
白泥諸洞萬順先掩至大平破三小洞苗悉奔大洞拒守萬順圍攻  
不下德楷以副將張友林都司王開祥由蒙加先馳至新莊與苗戰  
而以參將劉德順知縣趙鏞等逾冷屏出敵後敵敗走黃飄先後毀  
其十一洞並李家三寨洞軍中始得黃潤昌榮維善尸歸之湖南  
劉士奇始檄定廣協副將左啓龍及張樑匡國順周有齡李得貴向  
通元諸軍由谷紀關進規都勻順出塘榜翁貴圖清平牙餘以通獨  
荔大道何雄輝方招撫廬山司木瓜司冷水寨諸脅從並襲取之曾  
璧光亦檄令移軍平伐並進二十七日啓龍遣樑等出擺郎先進遣  
國順等出老棉河繼之谷紀關審上脅從悉從士奇仍不出 秋七  
月初五日左啓龍以匡國順張樑等東西分出乾谷龍龍谷里擊翁  
貴田興和陸登庸亦至乘夜襲破之敵悉走平浪啓龍等進軍凱口  
崇義哨乾谷龍龍谷里苗衆多降於是曾璧光復檄劉士奇始約期  
二十八日出省 周萬順與大平大洞敵相持因築礮台對山發開

花洋炮轟擊中賊藥桶火卒發苗與屋皆燼唐炯復分軍一出黃飄至舊州施秉一出翁瓊翁開江口搜剔三百餘里略清於是進攻螃懈檄萬順與副將向必勝等出仰朶豬巢口攻敵左并斷北岸革夷凱塘凱哨敵援檄向長曙楊繼春自石灰坡三保卡出馬郎坡會之于德楷張友林何行保出白沙井大平鈔清水江岸攻螃懈之右並截魚梁河五岔援敵王成忠等直攻中堅鄧錡繼之十二日成忠等先至苗拒戰張甚錡令據險少待會德楷友林等已突敵寨入成忠力攻其前長曙萬順已出兩坳擊潰革夷等援敵敵大敗奔請軍分道遮擊死亡枕藉毀馬郎坡白沙井大小翁蕩汎及魚梁五岔數十里清水江北岸悉定炯稟言軍中疫重糧竭請移師休養待撤 十六日檄諸軍分由地松楊老據退以錡及成忠率六營劄甕安縣城以長曙等率十六營並安平兩營劄牛場慮記名提督陳希祥清平軍力稍單則以萬順率五營及行保忠字營沿途扼大巖楊保地松容五以顧清平糧道期希祥軍勿動須奉批再移復以副將鄴有倫



參將劉舜祥兩營防平越州城以知縣趙鏞一營劄牛坡炯自率三營劄興隆堡扼平甕之交分黃平新舊州請黔軍駐守炯復稟崇實吳棠以平甕爲貴陽門戶前議留兵十營扼守烏江北岸外請再留十五營分劄甕安城及牛場地松大麻窩平越州城會崇實及棠得炯上月稟因詰炯以清平一帶恃有陳希祥一軍而都勻八寨敵時出擾我軍後一旦全撤必多顧此失彼之虞總期川黔兩顧兵餉兼權妥速議復炯再稟略曰竊以爲黔計自以戡定爲期增兵益餉不肅清全省不止爲蜀謀自以裁兵爲上節省餉糈固我疆圉以紓民困此其事理判然兩途不能遷就不得已而思其次則有如職道節次所陳或扼烏江以顧遵思兩府或固川邊或守平甕以固貴陽門戶而保省城此外別無長策仰懇博謀司道內斷一心速飭遵行此間距成都二千餘里請示往返率須一月職道不奉憲示裁留若干又無餉補發積欠不敢遽爾擅行現軍中咸知裁撤羣情搖搖若復遲疑因循不進不退深慮變故迭出不僅多延時日虛糜帑項已也

俄十九日希祥軍潰於清平先是希祥得信復白炯以固守終非長計約炯撥兩營扼虎場坡以備接應是夜希祥出令各營開隊護運糧米未半里而營勇遽撤帳房有敵數十登木鷄卡山頭譁譟營勇遽越濠奔敵乘之入於是羅坳大小洞翁埡達字諸營皆奔連夜退虎場坡都勻田應豪原駐虎場坡亦拔退狗翁河副將鄒紹南直奔至道省台上巴香平越皆驚軍械悉委於敵炯聞警急檄提督蔣定邦率兩營馳赴州城助守檄大巖一營退地松相掎角炯稟言希祥軍在清平者凡二千二百人軍力不爲過單且希祥老於軍事不應倉皇至此請查辦 初十日曾璧光以陳希祥之潰苗勢復振奏略曰唐炯援黔數年勤勞歷著本年夏間與湘軍會合聲威益壯正當掎角並進迅定苗疆上報國恩下酬鄉望乃進退自由大局弗顧既不稟川咨會又不俟有軍接防倉卒拔營越遠退劄內地使苗賊得以下壓湘軍上窺省城前功盡棄後患紛乘應請敕令四川將軍督臣自行查辦以示驚戒頃接貴定文武稟稱苗賊已屯聚清黃麻哈



月二十三日  
惟牛蓄衆上竄龍貴黔軍進攻都勻者旣難中止而近省亦須設防  
現將前派赴貞豐新城之貴字營春字營急調回省分控要害其龍  
貴諸隘已令川軍會同黔軍嚴防以顧省垣應懇天恩飭下四川將  
軍督臣速籌挽救遲恐川退楚亦不支黔必坐困益重聖主宵旰之  
憂時方奉上諭黔省清江北岸業已肅清正宜乘此聲威進規台拱  
將南岸各苗寨次第掃除以期永勞永逸若半途鬆勁軍務安有了  
期劉岷慮竭湖南之力不能竟事先無以對湘民未免畏難自阻現  
當天氣盛暑援黔各軍著照該撫所請暫予休息卽著檄令席寶田  
趁此頓兵未進之時迅將鎮遠施黃各屬善後事宜依次興辦務臻  
妥實一面將積欠軍餉設法清釐轉瞬秋涼仍當迅速進兵蕩平南  
岸以竟全功毋得惑於人言轉致事機遲誤各營如可裁汰歸併亦  
著該撫酌量辦理川省援軍亦不得稍存觀望致失機宜著崇實吳  
棠飭令會合湘軍相機夾擊曾璧光身任黔撫責無旁貸務期嚴飭  
各營隨時策應川湘各軍認真剿辦欽此曾璧光復奏略曰伏查川

湘援黔同一恤鄰盛舉勞兵費饜蓋已有年屬當兩軍會合機勢可  
乘自應迅速圖功豈可畏難中止現雖川軍暫退牛場楚營不無震  
動據唐炯面陳出劄重安並不甚難若俱半途鬆勁誠如諭旨軍務  
安有了期夫以兩省全力謀臣猛將雲集苗疆尙不能急籌戡定各  
思遣撤而欲以黔之糧饜兩絀饑軍散團獨當羣賊能否勝任難逃  
聖明洞鑒正恐黔局糜爛擾及完區兩省他日之設防議剿費更勝  
於此時之旣勝停兵臣撫治全黔責無旁貸惟有盡力籌辦督飭各  
營分剿兩游以與援軍響應俾速成功伏懇飭令川湘督撫臣仍前  
進取勿感浮言以竟全功而拯危局 八月川營貴州候補道鄧錡  
及四川知縣王恩榕先後以病卒唐炯亦以病乞假劉鶴齡始還至  
營鎮撫重安黃平新州清平一帶 十八日炯檄于德楷及鄧有倫  
蔣定邦劉舜祥等連夜馳至出敵不意破走之卽分軍劄於屯 九  
月初六日上諭曾璧光奏川軍退劄牛場黔省軍務緊迫請飭川楚  
兩省仍前進取各摺片覽奏均悉川楚援黔歷有年所今夏兩軍剿



匪得手營壘相望聲息漸通曾經諭令乘勝進取以竟全功何以唐  
炯當聲威正盛之時不候咨會不俟接防遽將全軍撤退致苗匪勢  
復猖獗提督陳希祥以孤軍無援退劄貴定等處實屬貽誤事機著  
崇實吳棠查明該道擅退情形據實參奏曾璧光摺內稱唐炯本擬  
移師楊老以圖下司分規都勻凱里續聞川督有裁撤安定果毅兩  
營之議已具稟聽候遣撤遂移劄平甕就糧以待批示等語是崇實  
吳棠於迭次諄諄諭旨並未實力奉行惟以節省饟需爲事殊屬不  
知緩急况近防不如遠勦援黔卽以保川豈可畛域攸分不顧大局  
仍著崇實吳棠嚴飭唐炯迅速進兵與楚各軍聯絡聲援以收夾擊  
之效不得再涉遷延致干重咎現在秋氣已深劉岷當懷遵前旨督  
飭席寶田等軍仍前進取期川兵勢成犄角迅奏廓清毋稍觀望欽  
此 又初九日上諭崇實吳棠未知顧持大局輒因省饟撤兵唐炯  
一軍遂回牛場甕安候撤以致甕谷隴已有賊蹤重安黃平復爲賊  
據實屬貽誤事機前據該將軍等奏請裁汰援黔兵丁卽諭令汰弱

留強仍飭唐炯會合席寶田等軍合力進攻不可遽行鬆勁何以不  
候諭旨竟撤援軍棄已成之功貽將來之患不知緩急以至於此聞  
劉琨所奏唐炯致席寶田函內有川省函商黔中意甚欣然等語黔  
省兵力豈能不須協助卽敷剿辦之理曾璧光果允其議何以前奏  
又請飭催川軍唐炯所言恐非確實著曾璧光詳細具奏欽此 十  
五日上諭崇實吳棠奏請將統兵道員唐炯摘頂并通籌川黔大局  
一摺黔省軍務自清水北岸肅清事機順利正宜乘此聲威合力進  
剿以竟全功乃唐炯因川楚兩省有減兵節餉之議並不妥籌稟復  
聽候批示輒將所部川軍擅自撤回平獲寶屬貽誤事機姑念前次  
克復地方著有微勞著先行摘去頂戴以示薄懲前據曾璧光劉琨  
先後奏到川軍撤退情形疊經諭令崇實吳棠嚴飭唐炯迅速進兵  
與楚黔各軍聯絡夾擊劉琨前奏并有楚師進規台拱川軍進剿凱  
里八寨之議著崇實吳棠等體察情形悉心籌畫應否改由都勻八  
寨進規凱里或仍由重安江派兵南渡飭令唐炯尅期拔隊前進寶



力剿辦以贖前愆並著劉琨檄催席寶田迅督所部會合進攻以收夾擊之效至疲弱兵勇本不應濫竽充數豈待饜需支絀始議裁汰又豈可因裁汰疲弱停兵不進坐失機宜崇實吳棠劉琨務當懷遵疊次諭旨妥速籌辦以維全局曾璧光身任黔撫責無旁貸亦當督飭黔軍力圖進剿不得專恃援軍自甘頹靡欽此 唐炯力請解兵聽候查辦並舉貴州提督周達武等自代於是崇實吳棠乃奏請以達武到任接辦 十六日席寶田還自沅州部署諸軍以銅仁協羅孝連分守鎮思青谿以吳自發守施秉劄花水高碑招募流亡築屯耕守撤蕭榮芳四營別募黔勇四營刻期渡江糧運由鼓樓平達施洞口約李光燎進規台拱光燎移軍白索汛留黔勇二百五十人駐守清江 冬十月席寶田將規台拱先稟曾璧光略曰黔苗以台拱爲腹心施洞口九股河其巢穴清江百餘寨其右臂革夷山丙及凱里諸寨其左肩而邛水鎮遠施秉數百寨其門戶也現在門戶旣撤施洞口已爲我據九股河苗亦三去其一惟革夷山丙與台拱勢成

掎角而凱里苗首金大五得爲之援取此則台拱定矣 初六日以提督周家良出長灘以唐本有先襲取黃泡大寨以總兵蘇元春襲取屯朗諸寨先毀革夷山丙門戶並斷台拱通道初九日寶田及鄧善燮彭芝亮出棉花平襲繼昌已乘夜燔堂平毀卡而進苗倉卒拒戰大敗之遂據山丙十四日進軍茅草平寶田慮金大五出凱塘凱哨來援因以本有等出敵不意先取之大五方赴援革夷各軍掩入凱哨戮其孥再取凱塘盡毀附近諸寨大五聞警奔回遇於黑寨潰而逸善燮芝亮等亦破沙邦小棉花平諸寨遂由沙邦攻進繼昌元春等由白耶攻進苗方拒戰本有復毀顧夷堡蹙其後苗奔繼昌善燮芝亮等乘勢並進革夷三寨亦破革夷苗首楊酗洋奔逸提督唐本有禽斬之張秀密等勢益蹙據老巖桃賴自守繼昌本有由台拱西北進取壩場本有元章分道并進望風皆下琴邦排略諸寨苗大震走入城秀密復退守麻柳坡諸軍再進再破之并毀桃賴台拱城苗無可恃皆散走諸軍分道遮擊斬虜以萬計二十五日遂復台拱



廳城苗首報南燒死亂軍中寶田留蘇元章以五營駐守台拱進軍再破潘老帽斬復老寨廳城西南苗寨略盡諸軍仍還施洞口善燹以疾假歸湖南以軍事暫付黃仁遺及知府鄧在鏞 初十日都勻苗犯乾谷隴營李得貴及候選同知姚澤溥禦却之澤溥中礮沒張樑擊走張家寨麥衝各苗苗走天星屯王彥復遣部練及翁奇團衆會樑夾擊敵轉擊敗翁奇團軍功劉占勝陣沒時游擊李上榮自廣西募練勇千五百人至荔波由水婆羊安獨山進圖八寨以糧艱告 二十七日曾璧光奏略曰竊准四川將軍督臣咨奏擬令貴州提督臣周達武馳赴本任接辦唐炯等營軍務月撥的饟以圖補救籌畫極爲妥協周達武在川年久樸誠忠厚卓著戎功臣所稔知故唐炯舉以自代臣卽函商川中如請辦理然黔省山徑叢雜苗疆周回千里就其現在兵力與楚黔諸軍專辦苗務已覺不易擬如到黔接印後卽令馳赴下游與楚營藩司席寶田籌商機宜或進規凱里或由重安南渡總期川楚協合以收夾擊之效尙恐下游各屬意見參

差並請旨令其幫辦軍務所有下游府廳州縣歸該提督節制以一事權而便徵調惟饟項軍火均由川省籌撥該提督所帶原部兵勇足將來應留唐炯等營皆屬川省原派軍旅一切應由該提督咨請四川將軍督臣查核奏報黔省自募各軍既須下會川楚又復分圖上游協饟斷續不常衣服襪履特甚如悉歸該提督驅策勢必援川營規制求添饟金不允則榮枯頓異軍令不行允之則月撥饟銀五萬八千兩從何敷用轉增窒礙臣與藩司黎培敬臬司林肇元熟籌現派記名提督林從太率兵練二千赴貴定接防以便陳希祥拔赴川軍大營派總兵何雄輝率軍由定番出勦以便與署提督劉士奇遊擊李上容各軍進取都勻分圖八寨與川楚援師聲勢聯絡而軍制饟需各仍舊章庶界畫分明彼此不易牽混至唐炯全撤川師歸黔自辦意甚欣然等語奉旨查奏前四川將軍督臣以籌饟艱難函商擬月撥的饟五萬歸黔自行辦理臣當以川軍甫報大捷勦辦正屬得手豈可另議更張極力函阻嗣接將軍復函亦以爲然是川省



並無遽行激師之言臣亦無希圖得饒允其卽撤之意也曾於前報川軍退劄摺內大概奏聞若果意甚欣然臣方惟恐中變又何肯力阻其說第唐炯以統兵監司奉令越境勦賊進退應遵本省上憲調度乃行止由己貽誤實多強半之功旣隳並置桑梓不顧初則謂楚師退劄沅州繼則謂黔省意在得饒全師退回牛場語從何來必須各還根據請敕下四川將軍督臣轉飭唐炯明白稟復一面由川查辦履奏以昭核實而杜矯誣 已而奉上諭著崇實吳棠傳知周達武卽赴貴州提督本任接辦軍務遇有軍營緊要機宜准該提督就近會同曾璧光列銜具奏唐炯各營卽著分別裁撤妥爲安置周達武所需饗銀五萬八千兩著照崇實所擬由川按月籌撥解赴貴州省城專供周達武馬步全軍之用不得短少欽此 崇實吳棠復奏上諭據唐炯稟復意甚欣然此語雖非矯誣無據之言而得自傳聞形諸函牘究屬非是惟尙係私函往來應請免其置議 閏月湘軍方規北岸而革東槁武苗江展架復爲敗苗還據席寶田遣游擊毛

樹勳自五岔河渡革東而進唐本有蘇元春等繼之壘毀台拱東北苗寨略盡惟高坡雞擺尾兩路苗寨尙爲梗寶田以爲高坡在台拱東偏以雞擺尾橫梗清台丹古之交張潘諸渠失巢後率逃苗據之而九股河深處之台水排生養開箕頗南莊南瓦台盤寨諸苗毗連丹凱應先圖之於是約彭芝亮黃仁遺列陣茅草平牽制金大五以龔繼昌先進自率本有元春謝蘭階等自報效進道狹幾不容騎諸軍攀巖而前十六日取台水排生越日以本有元春分取養開南莊大五及九大白包大肚等集斬麻七拒軍斬麻七爲台拱入凱里間道故九大白包大肚皆爲大五援諸軍方破箕頗大五等來迎戰大敗去乘勢取斬麻七餘南瓦台雄兩寨未下暫還軍施洞口會附近高坡雞擺尾之番抬汛廳東之蓮花屯約降復變因移軍破走之十七日貴州提督周達武軍至平越接防唐炯遣散各軍回川復稟崇實吳棠略曰竊自七年三月入黔所部僅千二百人迨七月克復平越駐師牛場疫病大作勇丁物故過半皆以降衆補充嗣後陸續



增至十營悉屬降衆去年由川募來更補不過十分之一劉鶴齡果毅營亦復如此該降衆等籍隸貴陽都勻思南遵義各府從前實由逼脅苟延殘喘自投誠以來血戰二年出力甚最其頭目等多保官職此次遣散勇丁等得領去糧多者八九十兩少者二三十兩耕作貿易足資生活不致復萌悖亂特恐回籍後其產業爲人霸佔藉口充公又或不肖紳團撫拾賊中舊事報復訛詐地方官吏處之不善窮無所歸則鋌而走險勢所必至職道不能任受其咎也崇實及棠據稟咨會璧光以炯請安插降衆實洞矚先機豫防後患之至計請通飭各屬嚴禁紳團魚肉以衛民生 十一月初一日貴州提督周達武至任金大五乘湘軍方剿番拾因結小播五并九大白率丹凱苗由螃嶼渡江糾黃飄甕谷隴羣苗聲趨沅晃攘湘軍後掠過高碑屯擊殺吳自發防練數十人逕犯鎮遠東北走思州銅仁守備楊玉田把總田金茂禦之陣沒自發稍却之寶田復以謝蘭階率軍追援及之龍頭坳大敗之千總張元明楊殿邦陣沒會番拾軍還是時湖

南巡撫復遣營務處候選道員張自牧視師寶田同自牧及蘇元春馳赴玉屏北趨銅仁出太平場截擊及之掛口場要敗之殺苗以千計把總蘇長義外委鄭輝耀沒於陣追敗之江口餘苗西折回分由閔家場石家場遁思州狗牙場彭芝亮遮擊於張家衝殺虜略盡十二月十五日謝蘭階唐本有蘇元春會蘇元章黃元果等由台拱獲岡追剿南瓦苗潰走合圍蹙之小江死亡頗衆連夜以營官唐占寅率五百人馳十里襲取台盤於是九股河苗寨略清

同治十年

辛未

七

春正月自川軍去范春陽久據麻哈高木塘出

掠平獲其黨掠至龍里驛道龍從塘圍民洞十三日參將黃立成出貴定遇敵力擊中槍沒洞圍亦解周達武乃檄總兵鍾開蘭自牛場進規麻哈開蘭及劄防平越何行保等潛軍出高木塘苗出不意敗走麻哈焚其營并毀中山牛角螺螭諸堡招降六堡諸寨以歸行保旋奉調回防四川敘州 金大五包大肚復出白洗高碑奪茅草平圖襲鎮遠悉衆由革夷薄衛城河黃仁遺遣總兵蔣良眷往同彭芝



亮羅孝連吳自發諸軍擊走之副將吳喜榮陣沒仁遺以北岸甕谷隴未下終得南圖因函約謝蘭階等進軍蘭階適與蘇元春率軍援鎮遠還旋與唐本有出台拱圖清水江南岸擊破交向大寨都司趙占魁王得忠陣沒連下汪江高坡平南上諸寨以次降 初古州苗首聞國興請降至是國興并以大河苗首唐大烜同至繳苗王印二任復八寨廳城自贖於是國興分出交梨排刀大河下江三脚屯上江諸城皆復一時雜髮者二萬衆二十六日大烜自大河合取八寨廳馬登科走據簸箕寨國興等入城 二月初二日謝蘭階諸軍進清江西之烏溜塘攻破鷄擺尾大寨附近烏交諸苗寨悉降苗遁台拱南之南香慶寨戈鑑蘇元章及游擊毛樹勳擊破之金大五包大肚張秀密等退走丹凱勢日蹙復分犯排生台拱營並嗾北岸甕谷隴苗雷金等趨叫烏屢犯甕板彭芝亮軍席寶田檄唐本有蘇元春引軍會芝亮趨谷隴破走之於是鄧善燮假滿還營寶田乃以北岸加巴牛場屬善燮及芝亮圖由排養汛掃蕩南岸丹江以東斷凱生

苗右援然後西進火燒寨地武圖凱里 三月丹江雞講汛苗聞湘軍將進詣席寶田營乞降初四日寶田乘間遣謝蘭階蘇元春唐本有諸軍自台拱西進排養連下丹江東北巖寨排洛空稗諸苗皆與凱里屬鉛廠華細諸寨相應者初七日馳至雞講令降衆薙髮丹台間苗寨略定越日再進東下烏瑤西下烏燒等十餘寨初十日破連城堡而前丹江苗驚遁午遂入城十一日還軍雞講十四日仍回施洞口留蘇元章劄空稗鉛廠時戈鑑亦自台拱南進軍南工遣毛樹勳及知府儲裕立等破交減交包烏迷烏降諸寨張秀密姜老拉集清台潰苗倚雷公山爲巢山跨連丹古都江林箐深邃卽經略張廣泗所平牛皮大箐地大平山展架諸寨蔽其前裕立樹勳等擊破大平山諸苗以逼雷公山會鉛廠等苗疾鷄講苗先降將屠之苗人來告急元章急率軍馳至出其不意斬苗金正明等乘勢下凱里東南癩子坡諸寨旣而楊大六仍馳窺雞講副將邵德勝敗之元章復進擊桂丁羊掌寨瓦諸寨又下之於是南岸之丹江東北凱里東南苗



寨俱定凱里路無阻是時北岸鄧善燮彭芝亮因寶田屬已趨叫烏破雞叫蠟堂山而進善燮取滾水老猪里場屯遣黃仁遺等會芝亮軍循巖門馬蟹長坡直攻牛場苗潰走並毀加巴擺冗柳斗諸寨越日進軍仰朵金大五由螃蟹渡河援至立敗之再入甕谷隴搜剿而還既而大五與包大肚以南岸丹凱敗蹙益集北岸螃蟹黃飄諸潰苗屯火燒寨與善燮芝亮相持復分屯白巖坳遏寶田援路善燮芝亮敗之茅草平寶田及張自牧旋率軍出台拱西排生周家良戈鑑皆會二十七日唐本有等先擊破白巖坳營官李承繼朱福春都司林顯龍守備張玉林中礮死寶田等破翁中分道并取火燒十四寨一時俱下苗潰走遇善燮等已火黑寨破楊梅哨直趨火燒要敗之於道殺無算凱塘凱哨苗望風解去芝亮移軍凱哨對坡與火燒寶田諸營壘相望南北相距十里寶田因以善燮芝亮等進取凱哨西之湧溪平甕而遣唐本有蘇元章蘇元春周家良等再取斬甕地五皆立下何世華軍至獨山大地場潘正洪方攻冗井世華急擊之

敵潰走樓梯洞軍再進圍竟日破入禽正洪及陳阿禮殺之世華留軍防冗井令團衆扼牙州 夏四月初一日席寶田遣諸軍進攻凱里連破翁項翁琴翁壩屯秋諸寨初三日蘇元春龔繼昌先進謝蘭階戈鑑等繼之寶田及張自牧策後直抵凱里城金幹幹等已先遁餘苗無守志諸軍砍門入苗悉奔斬溺無數凱里城復都司唐連生千總徐孝忠李貴吉把總蘇朝文楊國忠外委王三升中礮沒寶田以周家良率四營駐火燒後山搜剿自還勦雷公山 包大肚等疾聞國興之降也連日以清台諸苗毀新丹江南之喬洛開屯丹江喬王蓮花落百餘寨屯奪弄逼國興所居八寶山國興聞急馳回援戰不利敗之率三百餘衆退三脚 二十六日蘇元春謝蘭階諸軍還出排養先破附山南刀大塘已據雷公山之半二十九日再破雷公平九眼塘直攻山頂張秀密姜老拉逸禽苗首楊大和等殺之搜勦一空苗死枕藉遂還軍施洞口分戈鑑仍劄南工交工經營丹古一帶至是羣苗多集黃茅嶺 六月席寶田以患風痺乞假回沅州諸



軍亦以暑瘴停兵寶田請俟秋涼還營圖進取張秀密因復出黃茅  
 嶺分據螃螬龔繼昌等率行隊出山丙游擊鄧善燮赴凱塘應援繼  
 昌及元春擊破凱哨并搜剿上塘斬獲善燮亦毀凱塘泡溪棉花平  
 而還 周達武以聞國興代理八寨游擊總辦團務國興自三脚馳  
 回八寨盡起所部赴八寶山擊包大肚國興躬自搏戰再創再進累  
 日卒敗包大肚等走小革夷及打略汛去 六月初三日曾紀鳳鍾  
 開蘭會期進勦宣威司鄧千勝由平定司來會開蘭出爛木橋紀鳳  
 由翁堡敗賊而前外委厲祥順陣沒初四日諸軍同逼宣威敵已先  
 期運輜重過平定河俗名囊城河稟報因之實名平定與貴定囊城  
為平定或云麻哈屬有囊城大寨在東七十里折而北經囊城南界  
之南界故云馬尾河經平定司東凡百二十里折而北經囊城南界  
案馬尾河有平定山小江平良龍頭巖頭諸名源至都餘敵且戰且  
勻東流逕吳司平定山小江平良龍頭巖頭諸名源至都餘敵且戰且  
 走渡河去於是開蘭移劄下司以同知直隸州知州周家佑回防牛  
 場千勝劄防平定上司北相距紀鳳回駐州城撒毛賊來犯皆走  
 之都司岳明月陣沒紀鳳等上言自下司沿河渡口十餘處防河外

賊非沿河扼守不可自州距河約九十里後路新復之區東北多與清平毗亦宜密防 聞國興往援八寶山八寨虛周達武檄總兵鄧有德李得貴由吳秀河以南取八寨西得祿汛大小登高而進且剿且撫苗首麥大斬二苗以降有德等方回防吳秀河 戈鑑檄聞國興嚴遏包大肚自率軍追擊張秀密於東依格頭特丹江東滂河秀密窮竄遁龔繼昌鄧善燮等復擊走金幹幹於螃蠯時湘營以避瘴故斂兵下游苗仍出沒剿平諸寨間湘軍不時游擊往往軍至即退

秋七月十五日鄧有德以三脚屯在八寨南獨山東而王貴才馬應富稱降未薙髮必先取之三脚乃可得援於是進軍八寨苗走台梨破走之三脚苗驚潰走普屯交梨李得貴及陳義剛要敗之有德得貴等移劄城內以義剛扼五里鋪羊甲與三脚應大炬進劄屯城馬登科王貴才始遣人乞降聞國興亦同時破走開屯苗連營巖寨烏洛蓮花落防守距戈鑑南工軍三百餘里唐本有鄧善燮軍百餘里署古州鎮總兵張文德至自黎平亦遣副將張喜元徐定邦游擊



楊佑春戴榮宗率軍駐古州城李高脚李宰輔於是走歸平定河簸箕寨仰天窩與金蒙諸敵合鄧千勝軍方病乘敵新敗率同吳占勝等馳攻簸箕寨焚其柵敵率婦女裹糧逃道寨不前死甚衆附近諸寨一空會仰天窩敵大至軍仍還時敵中疫死亦衆又苦饑脅從多思歸者宣威苗江高士江廷芳乞降於紀鳳金幹幹殺之遣其黨至清平清平萬潮苗姜德隆潘仁傑楊有才吳文秀復斬其黨以降於紀鳳紀鳳旋以病還省 龔繼昌等復出革夷仍擊苗麥哨上塘進破螃蟹對岸奇湧毛里平螃蟹苗由懶坳渡援截軍後軍回蹙之河干死頗衆游擊向信玉梁得宣楊得勝奪岸中礮陣沒乘勝追入螃蟹盡焚苗積而還 八月包大肚仍入宣威金幹幹等據南皋場九門汛其饑疲餘黨數西渡平定河盜刈晚禾鄧千勝鄧有德李德貴等時遣軍分道捕殺頗衆 九月聞國興以烏洛蓮花洛爲黎古衝衢排調爲上江要道分軍扼防清台苗來犯屢却之湘軍將軍黃茅嶺檄國興進軍合擊初御史張澧奏言席寶田一軍每歲需銀二百

餘萬兩頓兵六載費至千餘萬兩請調應援一軍半回湘省自固疆  
宇援黔軍饟請令湖南覆算若干再於兩廣四川湖北江南江西等  
省釐捐項內酌量派濟上諭黔省軍務方有眉目亟須鄰封援應斷  
難半途撤退盡棄前功欽此 曾璧光等亦奏略曰黔中暑雨不時  
疫癘大作文武員弁及士卒等死亡相繼而饟糈奇絀增募愈難各  
黨悍賊此攻彼竄丹江凱里賊屯尙多清黃重安各城未復而下司  
接壤清平萬潮香爐山諸險巢勦辦尤爲費手楚軍深入山路紛歧  
制以全勝方能收效若如該御史所奏撤半回楚則兵分力薄戰守  
兩難不轉成虛糜乎臣恐後此勞兵費糧貽累鄰省更勝於今日也  
時貴東道陳枚亦言湘軍克雷公山卽退潰苗仍復出略施黃多  
有據賊思銅亦爲不靖云 鄧有德李得貴等游擊平定河竄苗於  
鐵黨塘大平一帶都勻苗亦出沒不時附近屯寨多苦之都勻協張  
樑不能禦周達武以秋深瘴退圖規苗疆乃檄總兵鄧千勝由平定  
渡河剿河東苗寨以趨凱里並令期有德由南皋九門仰天窩進軍



合擊檄營務處四川候補知府曾紀鳳病起卽由撒毛出駐下司剿撫萬潮香爐山檄鍾有思出楊老鷄場鍾開蘭出甕把會軍取清平疏通重安路檄總兵宇文秀出上塘取黃平新舊州 冬十月初七日宇文秀軍發打鐵關以規黃平由波洞橋迤進沿途苗望風潰越日逕抵舊州立復之初九日提督鍾有思總兵鍾開蘭等分道進清平連夜薄五里橋蓮花塘苗驚遁東南滴水洞響水巖木級塘借署平越直隸州知州張觀鈞率團衆及署清平知縣戴煥南亦率軍至初十日黎明遂入城有思等連下木級塘諸寨苗怒姜德隆降奔攻萬潮有思進擊觀鈞率團來會姜德隆潘仁杰吳茲祥亦率衆出應大敗於是紅坳木老野猪田數寨皆望風下有思還軍縣城十一日開蘭引軍躡重安沿途下清平大風洞老君關觀音山直逼江干復其城苗奔皎沙開蘭遂下之以圖新州而宇文秀已由舊州進軍擊破桂香關據苗并下關內大耳鋪大羅朗壩子窰諸旁寨直至新州城五里之石關苗棄關走遂薄城下城苗出拒餘苗百十爲羣分占

四山秀分隊擊之城。中苗縱火出奔，皎沙亦於是日入城。越日轉戰，向重安而西，破走湍水溝三座巖，鎧草哨餘苗，遣軍會開蘭於黃平。南黃猴鋪遂破，皎沙連日有思，開蘭再搜剿老君關，大風洞、觀音山、諸苗、卡清平六十里，道略通。秀乃圖疏施秉驛，道移軍南擊十里轎。夫山坡東坡諸苗，鄧善燮適遣卒間道，函約開蘭。秀會軍達武檄，秀軍無深入，而以李得貴爲秀軍後應。張秀密潘正洪、包大肚等數爲湘軍敗，仍出沒丹凱間，席寶田圖掃清黃茅嶺，開懷兩路，以清清水江南岸。因以鄧善燮移軍，甕板檄龔繼昌、唐本有、謝蘭階、蘇元春等出黃茅嶺，據老丹江左腋，與宣威三脚上江等毗。蘭階本有出格頭進擊太子燕龔，繼昌、蘇元春破黃楊山，來會戈鑑，亦毀烏濫紙廠兩寨。十三日，合軍趨黃茅嶺，先破嶺前桃瑤大寨，迤進烏受喬碓禽斬苗首楊九崽，蹙張秀密於建著。秀密乘大霧滾岸逸，餘寨望風下，遂進長坳蓮花，落聞國興率所部從。於是丹江八寨毗連之排調、孔磬多受撫，繼昌聞秀密敗，走大塘山，率六營追擊至同南，烏耽守。



備曾占鰲千總蕭貴隆中礮死拔其寨卒不獲大肚等竄南皋九門  
國興進劄烏吉烏香湘軍殺苗數千計斃悍目刁禾等二十餘人丹  
江苗寨略盡繼昌等留毛樹勳率五營劄黃茅嶺同國興鎮撫降衆  
仍還軍施洞口圖渡清水江北岸搜剿黃飄白堡會黔軍疏通驛道  
再進南岸開懷以清凱里寶田規畫既定仍請回籍治疾付軍事龔  
繼昌唐本有謝蘭階蘇元春等先是繼昌軍未還鄧善燮已率副將  
鄧善居等重別毀甕谷隴一帶苗棚遂由青山進黃飄殺苗首楊阿  
庸遣間函約黔軍會剿 初七日鄧千勝率總兵吳占勝劉德彰守  
備蔡起坤等由平定渡河進剿仰天窩太平坡太平坡至金園七八  
里中多伏苗起坤據卡先進苗出關拒敗之千勝遮擊嶺半破其寨  
仰天窩苗亦潰走占勝等截殺頗衆千勝促軍連下沿河之卡烏汛  
及上流之落苾附朗諸寨會紀鳳方還營亦率軍渡平定河擊取銅  
鼓擺仰附近之同千石繞苗寨是時鄧有德方布防鷄賈河得祿汛  
大登高簸箕寨直至兩龍坡茶鋪各營聯絡相望遂同知府羅應旒

移軍進馬應富王貴才薙髮來見令助米餉軍因期會千勝進規南  
皋九門千勝方襲取南皋附近之石橋堡簸箕灣苗分軍扼凱里南  
窰貨廠卡烏適九門諸寨來攻宰雅屯王貴才家也貴才以告有德  
遣軍援解之并取附近翻仰巖鷹屯敵遂進劄宰雅二十九日有德  
應旒遣軍分道取九門敵悉衆出拒敗走之軍遂入焚其寨九門汛  
復南皋敵來援再擊再敗之追抵南皋並毀其寨餘敵仍走南皋五  
里之大塘烏當簸箕灣石橋堡 十一月初四日鄧千勝羅應旒會  
鄧有德軍於南皋有德再擊走石橋堡茄榔敵金幹幹走攻漫洞千  
勝馳擊幹幹創走龍塘已復同包大肚自清平舟溪堡毀青欄林朗  
洞大坡諸寨千勝追擊之漫洞降苗死甚衆會紀鳳則自撒毛移營  
龍場堡總兵龔生環等渡河攻下擺仰銅鼓諸寨降者頗衆將俟千  
勝由河外掃下還自卡烏卡司再由萬潮進規香爐山以出龍頭河  
時湘軍去丹江楊大六在丹江北之竹柳數犯毛樹勳黃茅嶺不得  
逞轉攻毀聞國興烏香國興勢孤退羊烏降寨多被虐復分黨扼孔  
戎司貴州巨事史



八  
有德進軍擊走之唐天佑亦自交梨來會再敗苗竹柳進攻大六不利都司楊嘉勳軍功王世昌把總黃武青外委李步廷先後陣沒軍少却會漫洞急達武檄有德援千勝軍退九門遇羅應旒已出大塘擊退漫洞回大六旋出翻甕勢復大振有德引退簸箕寨而令國興劄孔罄以副將陳際盛護朱沙廠糧局副將蕭永盛率兩營劄龍坡寨衛降人兼扼八寨以天佑還防廳城大六旋犯龍坡寨有德遣把總陳建勳陳義剛馳援敗退燒茶寨降苗復變應之營覆永盛陷沒餘弁勇二百人脫回有思馳書約龔繼昌等以湘軍會擊先是本有函周達武因檄曾紀鳳援軍俟湘軍明正進凱里再行進萬潮圖香爐山至是繼昌等聞苗勢復振又得湖南巡撫王文韶檄令進深入迅掃殘苗遂復起師分唐本有蘇元春謝蘭階等出甕谷隴會鄧善燮進剿北岸繼昌蘇元春會戈鑑進剿南岸而鄧善燮已遣副將鄧善居等由甕谷擊苗仰朵哨弁滕國煥萬永順陣沒復襲取仰朵旁進之老虎寨 宇文秀出新州東坡擊苗三里灣茅坡寨炭坑千

總譚德明陣亡軍還秀欲俟李得貴至再疏施秉大道惟日率軍搜  
剿上塘一帶餘苗鍾開蘭則沿重安江游擊白巖灣水諸苗寨以軍  
單復約鍾有思由江口渡河合擊破之苗奔楊家牌十三日有思還  
攻清平城東水落洞守備潘顯恩突卡入創死諸軍繼進苗匿入洞  
薰殺之香爐山左大塘洞苗龍阿七及旁之月亮坡顧阿講等皆乞  
降遷其衆於清平 二十三日唐本有蘇元春率七千五百人出甕  
谷隴進擊走仰窩仰窩爲螃蠯牛場加巴要隘遂會善燮軍分道右  
走牛場加巴攔搖諸苗攔搖間道可沿河達重安江兩軍皆劄老虎  
寨二十八日都司唐占寅等趨巖鷹屯王家牌楊家牌敗敵而進本  
有元春繼之遂由牛倒寨出新千毀甕細半山苗寨追抵馬鞍山本  
有元春謀以苗見湘軍幟卽奔而驛道以黃飄白堡爲近非分道截  
殺不能多殺非住軍收剿不能淨剿因留兩營扼老虎寨餘軍分道  
出馬頭巖白堡青山翁埡收剿而前於是秀軍亦出黃飄右之金灣  
黃泥榜苗衆走新莊得貴軍旋至 十二月初四日龔繼昌蘇元章



以湘軍復出黃茅嶺敗苗丹江西喬猛進破曩猛三寨楊大六聞自  
翻獲回報德拒軍繼昌等再破報德大六奔回昂德繼昌等進攻其  
前元章率軍由山後涉險入毀其寨斃苗千餘大六墮巖遁並破烏  
溜戈鑑移毛樹勳駐之更取排洛等四寨開懷苗出拒囊藩復破走  
之大六遂合張秀密集新丹江西之皆夷圖乘虛出桃瑤略繼昌鑑  
後路繼昌夜遣軍出喬消襲取皆夷苗奔舟溪去繼昌鑑軍去開懷  
苗寨數里以雪深冰凌不進而還舟溪近凱里苗分掠翁垵大坡時  
犯漫洞自舟溪至青桐林白午銅鼓擺仰仍爲苗有 唐本有蘇元  
春及鄧善燮等分軍數道並進復據黃飄白堡軍行風雪中沿途苗  
寨皆望風下殺虜無算蘭階始至施洞口來會取獲壩焚苗積谷萬  
石初四日軍破李三寨取蒙加炭坑茅坡而進去東坡數里宇文秀  
李得貴軍方由東坡趨茶園壩而前兩軍始會吳自發亦率軍至東  
坡黃施大道通是時苗皆懼湘軍威所至輒逃本有等軍發施洞口  
凡十餘日而下數十寨遂以轉戰勞苦請還軍度歲再圖出螃嶼進

剿秀與得貴以黔軍僅能自顧新州而上期湘軍暫駐黃飄東坡以清伏苗善燮以兵單不可本有等僅留副將陳嘉率五營暫防老虎寨以爲自發聲援而以施黃六十里地歸自發軍分布扼守 初七日本有等援軍退自發亦遣一營駐月潭寺而去時苗黨竄伏窮谷者所在多有大道仍不靖秀及得貴亦還舊州復搜剿馬鞍山伏苗山在新舊州適中地

同治十一年壬申八七二春正月舟溪苗以糧罄饑走漫洞南皋九門茄榔大塘羅應旒出軍烏高禦擊函約總兵黎澤桂自簸箕寨北進同敗苗南皋破茄榔而前周達武檄鄧千勝鍾有思助剿十八日楊大六非黨由排卓走破烏乃圖竄八寨鄧有德方由省還營遣軍援出荆竹平引還苗亦退排卓有德以排卓間道南走九十里可達三脚請益軍扼防已而苗饑挈眷屬近萬人走上江屬洞間會龔繼昌蘇元章等率湘軍將剿開懷以清南岸二十六日繼昌越台拱西南之斬狐取道屯秋革撰直取鉛廠以蘇元春出排養革遂取之降五



百餘戶開懷門戶遽撤千勝有思等同日進軍擊破苗舟溪虎場坡龍洞再破苗右猛有思先約有德會剿有德以三脚故遂分道別圖排卓由宰雅屯巖鷹寨出番扛進擊檄唐天佑唐大烜率馬應富出朱沙廠翻甕攻其後破之苗還走開懷先是繼昌進規南岸慮北岸餘苗乘間竊發仍分唐本有蘇元春謝蘭階赴北岸率駐老虎場陳義剛等分道搜剿黃飄白堡希見苗蹤二十七日本有蘭階軍至螃蟹始有苗出拒敗走之會前鍾開蘭有思所剿之灣水仍爲苗據元春因率軍出螃蟹進擊苗棄寨奔越兩岔河去水師礮船駛至元春全軍渡南岸復擊走清平東之直湧斬瓦苗據之時鄧善燮亦遣軍出太平洞李三寨游擊 曾璧光以留黔補用道員曾紀鳳督辦平越甕安麻哈清平黃平各州縣善後防遏竄敵安置降人綏輯難民及清查田土開荒布種各事宜紀鳳以代理營務縣丞曾紀鶚自龍場堡同總兵龔生環及副將張義山參將蕭肇富等渡平定河游擊沿河諸寨軍退而苗仍據 二月初一日龔繼昌進軍凱里東洞夏

擊下臻洞司賞釀數寨初三日進蒿枝平平與開懷接蘇元章揮軍先破之遂偪開懷開懷凡四大寨地頗廓落苗酋張夜义楊三稱等率黨死拒越日繼昌進偪策軍力戰都司謝雲林中礮死元章率軍橫出襲之敵驚潰四寨一時下遂據開懷殺以千計連日疊下附近諸寨降五千餘戶計丁二萬餘初八日再進綿席羣苗悉集烏鴉大坡並坡脚里禾大寨聯絡二十餘里繼昌以敵勢稍重將期會戈鑑鄒有德鄧千勝諸軍環蹙之并約唐本有等南渡重安江由凱里兜剿而前時戈鑑軍方出桃瑤楊大六由丹江西石板寨走據烏哨遣黨分守烏疊汛拒湘軍一守烏吉鑑因約有德會剿而遣毛樹勳擊破烏埕自取烏香進擊皆夷悉破之有德已自南皋會羅應旒出石板風塘諸寨破敵而前石板山顛東北俯視黃茅嶺舟溪漫洞凱里下司香鑪山皆在目前繼昌單騎赴鑑商規烏鴉鑑先約黔會下烏哨諸寨然後會師進時有德軍時板寨北偪烏鴉後鑑軍烏吉扼敵左千勝同胡國璨仍擊敵虎場坡龍洞至舟溪扼敵右鑑軍旋破楊



大六烏哨又追破之昂德把總劉士垣陣沒有德應旒言於曾璧光以八寨排卓至附近烏鴉之里禾一帶百里皆靖而降苗衆多積谷盡焚饑萃塞道請設粥廠拯之時金大五等率部據火燒寨翁頌地五與唐本有蘇元春謝蘭階等相持本有等連破地五建瓴南下再據翁項金李由火燒走渡巖頭河旋以舟師來攻又敗之殺溺各半敵悉趨兩岔河南岸就香鑪山爲聚殲計元春旋自翁項出賞釀開懷來會繼昌因攻毀烏鴉附近烏沙寨以圖里禾而有德應旒等復由窰貨廠至坡頭破上里禾之老營盤千總高耀廷游擊龔生隆把總李慶華吳大英外委黃占元等先後沒諸軍引退千總亦同時襲破烏鴉左木老三寨外委黃新盛沒於陣 周達武以苗饑窘官軍大集通飭諸營分道進剿檄清平龍場堡軍進取香鑪山黃平重安諸軍進取平茶五寨會紀鳳以龍場堡爲清麻門戶苗所覷覷軍不可動遣龔生環等先移進萬潮請飭劄防清平鍾有思軍來會并檄新城總兵萬化林軍慎劄龍場明有思連日襲取附近香鑪山青華

堡洞頭鹽井諸寨而進過香鑪山二十餘里至狗場宇文秀李得貴亦同馳赴重安同鍾開蘭由江口徑趨狗場左近大小泡木合擊悉破之苗悉奔平茶五寨諸苗麇聚糧愈少苗中斗米銀三兩糠斗錢千六百香鑪山有水無薪苗勢頗蹙 三月初一日鍾開蘭宇文秀李得貴約鍾有思會取平茶五寨寨平行無隘可守苗還戰敗之毀其寨軍還狗場有思還攻香鑪山適唐本有謝蘭階全軍從翁項火燒寨分道渡巖頭河而西以提督唐本朋營官唐占寅爲前鋒苗拒於岸敗之盡毀米粃格種黑牙諸寨守備姚維翰重創旋營卒苗仍悉還平茶五寨初三日占寅率軍追至開蘭秀得貴等再進會擊復破之守備高啓學沒於陣降苗衆千餘戶及長坡平寨衆萬餘秀等置之重安飢病死過半又分置之新州自兩岔河至香鑪山七八十里皆靖惟直湧翁項間時有餘苗出沒兩軍會商以湘軍仍東南趨凱里黔軍分道進規烏鴉而龔繼昌蘇元春蘇元章方攻拔里禾大寨據其營逼烏鴉東南戈鑑由黨坵報德進里梧鄧有德羅軍舟溪



河壩與里禾小頭湘軍營壘相望遣聞國興移石板大寨坡與戈鑑軍相聯絡苗目金矮子時以烏香烏吉二百餘戶赴國興降周達武復抽調鍾開蘭一軍自香鑪山出漫洞會攻本有蘭階進至凱里城苗悉驚潰於是諸軍合圍苗勢大蹙遂刻期二十二日分道并進苗不敢拒悉奪路四走大破烏鴉苗寨有德應旒等禽苗首毛姑歐保張三陳秉材等千餘人殺以萬計苗酋楊大六金大五九大白張秀密報南燒尙率黨萬衆悉由凱里分走烏堡冷水溝大坳太平軍李文彩部亦有私其中者大白等分道奔掛丁河圖走北岸大六秀密等分出開懷圖走雷公山烏東山繼昌馳敗之冷水溝進薄之掛丁河殺大白於岸鑑及毛樹勳還由報德桃瑤躡大六後追及之黃楊山幾成禽棄馬逸復迤剿至烏東山約繼昌等由鷄講排養來會大有蘭階方搜捕凱里諸苗降金大五脅從苗民二百寨戶四千口五萬有奇大五奔香鑪山脚大五遣間乞降請圖李文彩等自贖文彩遽走大五懼伏白水洞本有蘭階遣軍圖之范春陽於烏鴉未克時

因龍家寨降團龍國喜等說之降先率其黨文鳳閣江開雲范羣儒羅錦堂等二千餘衆自擺仰赴鄧千勝營千勝安置之田西卡一帶會會紀鳳亦遣軍由下司東過河來援蹙敵辣子寨大坳有徒再由大坳截之金幹幹創逸戮其孛幹幹旋走死石猛大巖下是湘黔諸軍殺苗以萬計降首要數百餘人衆數萬苗疆略定當是宇文秀李得貴方同鍾有思龔生環等逼攻香鑪山累日苗憑險拒守不克 羅斛諸亭土目以昂武變苗韋繞數侵害至是貞豐復繞失援於是團衆集五百人請於署州判陳其杰以千總郝錦元率同營兵百餘人往剿繞走貞豐屬黃炭追獲殺之 鍾開蘭軍方出龍頸坳遮擊之簸箕灣苗死又千人餘黨游戈思石間遂偪土軍坡知府梁金誥告急鄧善燮遣軍敗之羅家山小溪溝苗匿馬鞍山而開蘭以楊九毛重創墮石阡包溪罨樹上不知存亡告降者數千人周達武檄開蘭移剿興義秀得貴留兩營駐防都平馳回新州防所安插降衆是時黃平重安先收降衆萬六千人烏鴉之捷諸軍收降



苗且六萬由湘軍招安者又數萬人率飢憊不能自存璧光達武奏略曰牛角之役降衆十餘萬人飢疲待哺者五六萬奄奄一息日有飢斃不能不酌給口糧令雜菜蕎爲食四人日一升亦需米百餘石加以牛種農具更屬不支力難兼顧請敕下湖南撫臣凡湘營收撫苗衆皆由湘省就近派員會同各地方官妥爲安置應需經費并由湘籌款酌發又奏黔中向以薙髮者爲熟苗蓄髮者爲生苗熟苗能通漢語安分守法生苗則梗頑難化與漢爲仇十八年之巨患實在生苗此次平定後無論生苗熟苗胥令薙髮繳械且變其服飾雜服藍白不得仍用純黑於此再嚴行保甲杜其盜源酌設義學導以禮教庶幾化夷爲漢可圖久安旋奉上諭悉著照所議辦理欽此 時湖南巡撫王文韶旣繪苗疆地圖奏捷亦以降苗待哺黔中力難兼顧請由湖南奏銀二萬兩委補用道陳寶箴馳往撫卹 張秀密楊大六爲湘軍追急復出雷公山東南交迷寨遇戈鑑軍截殺略盡復西回烏東山時龔繼昌留蘇元章以三營劄烏鴉以蘇元春率軍自

南刀出雷公平自率軍出喬鳥搜捕初六日獲苗首姜老拉於洞旋躡至烏東山毛樹勳亦至陣禽秀密大六突圍走樹勳追及禽之歸蘇元章亦獲潘老帽於南瓦金大五久伏白水洞不出二十六日唐本朋唐占寅縱之逸而追禽於凱哨皆先後械送湖南殺之報南燒逃去亦爲本有蘭階等所獲殺之包大肚金幹幹張秀密楊大六金大五等活動於上下兩游者累年至是先後失敗繼昌等以深林奧區伏苗尙多議每間數屯駐一營隨時彈壓搜剿 本有蘭階等營自清江南岸上游分屯革夷火燒寨直湧以至凱里兼顧北岸繼昌等四營分屯台拱琴邦長灘護鐔道復分五營由小江九股河屯報効斬麻七泡溪南瓦鉛廠以蘇元春諸營由排養革遂掛丁連營至開懷兼制烏鴉以戈鑑軍駐清江以上毛平一帶兼顧雷公山控扼黎古以毛樹勳一軍駐丹江黃毛嶺時聞國興訶苗首李公鷄逃至局迷因率軍剿搜殺苗頗衆公鷄逸國興復率軍窮搜入雷公山適革夷苗首高禾及台拱苗歐保降逃出平水寨夜設伏卡地禽獻鄧



有德營高禾九松自胡林翼時卽緝搜未獲旋招降調赴湖北以不守紀律遣散歸乃聚衆起事至是凡十八年卒被擒於是清台丹凱各屬既定香鑪山益孤達武方徼有德還剿香鑪山以病不果會苗首阿馬遣間赴湘營乞降而呈阿撒復乞降於鍾有思龔生環兩苗內訌有思等因益急攻之達武始至督軍 五月鍾有思龔生環等因香鑪山敵不睦故益設計間之生環啖吳阿撒金約內應初三夜伏兵伺擊大破之殺二千衆餘數十人奔山頂洞中有思生環等累石封土錮斃之以阿馬死告曾璧光檄令折洞驗視無之始知阿馬逃匿巖頭河外鉛廠紀鳳密飭降人田玉融參將劉金貴知縣曾紀鶚誘禽之清平老董寨檻貴陽與高禾歐保降同殺之紀鳳并緝殺其黨文阿侯等數人降苗悉予安置達武乃留軍萬五千分防下游驛道及諸要隘餘悉調赴上游攻新城回璧光飭司道酌定章程委員辦理下游善後事宜十二日上諭此次黔湘各軍合力圍剿克定苗疆著名首逆悉數就禽覽奏之餘實深欣慰又曰黔省地方疊遭

寇亂瘡痍滿目殊堪矜憫現下游一帶甫就肅清當以綏輯閭閻爲急務曾璧光務須遴選廉能明幹之員認真辦理以期地方日有起色欽此曾紀鳳方以周歷五屬籌辦善後情形上言曾璧光以爲殘區新復須治其標全境告平宜規其大因條陳七事詳第二章璧光以其中築屯一條應先舉行於是自鎮遠以上逐節修碉募軍屯守復檄羅應旒專辦八寨舟溪善後應旒亦條陳十四事詳第八章十五日湖南統領清字營卽選道戈鑑病沒台拱南工防營旋以湖南候補知府借署古州同知儲裕立領其軍 六月曾璧光奏請通飭江西湖北山東福建諸行省積欠貴州協餉凡一百一十一萬兩全數撥解爲專辦善後之用旋奉上諭貴州素稱疾苦辦理善後需用孔殷本日已照曾璧光所請嚴諭各省迅撥餉項諒該督撫等不敢稍涉延誤着曾璧光於協餉解到後督同司道妥籌辦理欽此 吳德溥亦自新城稟陳善後事宜 周達武則酌定善後先務章程八條號令軍中曰一察降酋誠僞分別勸懲以清反側一收降人軍器以除



後患一擇立誠實團首編造戶口清冊以便稽查一分防通衢要道  
瞭望護送以暢行旅一設卡盤查游勇以靖地方一派弁梭探本防  
動靜以備禦擊一嚴禁勇丁騷擾以示體恤一派勇開通道路收檢  
屍骨以利湔利旋接上諭此次苗疆平定當籌一勞永逸之計清水  
南北兩岸爲數甚衆一切善後事宜自應妥爲經畫王文韶現派各  
軍分要設防著卽飭令道員陳寶箴會同分防各營及各該地方官  
體察情形妥籌辦理曾璧光周達武亦當派委明幹大員將下游一  
帶新復地方應辦事宜次第經理以圖久遠相安從前漢人視苗人  
如奴隸多方凌虐以致激成變端皆由地方官不能預爲勸導之故  
著曾璧光嚴飭地方官曉諭漢苗各民嗣後務須各安生業不得互  
相猜忌如遇有詞訟案件是非曲直悉由該官秉公剖斷毋許稍有  
偏徇用副朝廷一體同仁至意欽此 楊九毛自羊場大地方逃去  
兩月餘至是有降苗吳光中來告善燮九毛所在善燮遣蔣良眷往  
擒之小江口檻送長沙殺之 秋七月十五日陳寶箴至自台拱旣

賑發台拱丹江凱里施洞新城仰朵諸降苗米二千餘石因籌代辦  
苗疆善後事宜五條言於王文韶詳第二章文韶批答以湘中既不惜  
全力以用兵豈復惜餘力以善後因錄稟咨商曾璧光璧光以曾紀  
鳳督辦下游善後咨謝之 八月初七日下江廳苗復變初周達武  
示諭下游降苗繳器械官吏編查戶口廣爲招徠下江屬熟苗兩月  
來歸僅三十餘寨加車加葉黨捆熟苗及孖成河孖覽河生苗疑懼  
不至請俟秋收親赴廳領門牌告示署下江通判徐壽崧因遣代理  
把總胡得勝八塘頭人吳文明等往招之得勝等遽至俾亥俾把諸  
寨勒錢索伏漢民黠桀者因之索還田土追償米石於是俾把諸寨  
熟苗遂逐得勝而結羅洪等集宰郎以變俾所俾列俾郎諸寨應之  
出據俾亥良文孖成孖覽生苗更率二千餘衆出孖温蘇洞故凹故  
馬率六洞苗三千出蜡蛾相聯絡廳城戒嚴壽崧乞援於署古州總  
兵張文德及湘軍儲裕立文德遣總兵徐定邦及知縣黃朝烜等隔  
都江河禦擊劄平江之總兵李啓書副將張家駿等亦出孖温會擊



敗走之文德復遣聞國興由烏洛出孖温會剿并調礮船浮江東下助戰裕立亦遣軍出定日八開扼防於是九埋巖七埋巖百餘寨及黎平下江永從丙妹暨上下沿江高坡三百餘寨稍定九月初一日徐定邦等以苗衆多降亟進擊俾亥殺俾郎苗目龍老更故禮由白巖坳擊俾把聞國興陣擒苗首故康破之餘苗并宰郎二十餘寨皆懼降定邦國興啓書等復進毀孖成九寨還璧光廉得苗變緣由刊發告示飭文德分道安撫生苗亦赴營降獲苗首李老招故茨等十餘人殺之下江略定而同時復有丹江互訐一事先是署丹江通判陳起霖以降苗饑困派殷實之戶捐米賑濟以開屯哨刀團首徐廷楨藉端苛派罰輸金千二百自贖既納四百猶錮之勒收諸寨捐米復未已湘軍分統龔繼昌蘇元春蔡起霖勒派苗民大寨出米五六七十石小寨二三十石每寨納門牌銀六十兩種種貪婪狀起霖則訐湘軍參將毛樹勳苛派伏馬騷擾地方而署都勻知府羅應旒都勻副將鄧有德亦以湘軍騷擾民苗掠占婦女劫殺滿道可爲隱憂

具告王文韶咨曾璧光將畫鎮遠施秉台拱清江暫爲湘軍防地半年後卽議撤分丹江凱里及都勻各屬於黔軍璧光咨復婉留之

曾紀鳳請自貴定東門外玉春觀起至黃平東五里橋二百二十里沿驛道扼險建碉凡七十座總於四屯分駐黃絲驛楊老驛大風洞馬場街割叛逆絕產田二千二百五十五畝以授之旋撥安義鎮平越松桃諸營馬步弁兵額六百十名分劄以爲屯守計益仿湖南鎮

算道傅鼎成法也

十一月鄧善燮稟陳苗疆善後事宜十五事

詳

二八 善燮自六月以來安置降衆萬三千人至是撤軍回湖南 丙 妹屬降苗多富者署縣丞滕宜興嘗籍查戶口巡繳各鄉以開泰人朱華堂勒索高增等寨投誠結費各色日苗頗苦之二十八日宜興復至二千九宿邕扒寨苗首歐老變匿不見宜興索之急從役毀其室老變夜率衆劫殺宜興及從者十餘人黎平屬皆震而璧光反檄張文德剿之 十二月歐老變旣戕滕宜興與羅洪陳老淵歐老范石含英等分據高增二十日文德遣游擊陸文春王德貴都司張家



瑜同劄防下江游擊楊煜等出平瑞會徐定邦進擊於是二千九諸苗復集九寨八洞霧猓箐徭人及巖雞箐霧猓生苗箐生苗變應之文德復檄署定日游擊李啓書都司張金及聞國興張善元游擊熊登魁等助之

同治十二年

癸酉九十三

春正月改軍需糧餉總局爲善後總局

初

八日張文德遣軍逼岵扒歐老變羅洪懼預逃擊殺歐老范等毀其二寨巖磯霧猓生苗方出俾宿西犯定日李啓書擊走之再退俾頭文德復檄張喜元等同啓書再敗之俾頭乘勝由牛場東追破之巖磯箐苗奔霧猓二十二夜進毀之又奔下江擺雷諸軍踵至立平文德報餘寨就撫遽入省 二月曾璧光商周達武以黔省肅清除川湘軍食川湘饟不計外議撤遣黔勇以紓經費時達武所部黔軍尙萬五千人因酌留八千七百人劄防上下兩游撤遣六千四百六十人散給饟銀三十三萬三千八百九十餘兩猶苦絀璧光達武定議自正月始復減所留軍月饟之半黔軍由是頗缺望 三月張文德

既赴省擺雷敗苗走集俾亥良文因逸苗李公鷄及歐老變羅洪招沿江五塘六洞一千諸苗集九掛歸奶界古州下江間聞國興等擊之苗走苗谷大寨 夏四月苗谷苗分黨西走古州辣子寨有奪東朗張喜元聞國興等禦擊張文德聞警自省增募新軍六百返古州 五月有奪東朗諸苗西略近定旦八開張文德集練勇四千遣聞國興保定邦及副將周有齡等分道西由下江苗谷八開進擊與敵馳逐下江古州間署下江營外委岑連升平遠協右營把總傅連升先後陣沒敵仍掠走無定所 丹江屬游勇及逸苗出掠無時並犯桃繞諸防軍署丹江廳同知屠翰以告龔繼昌繼昌馳至則潛伏不動遂增留防練而去既去則仍出台拱廳同知席啓悌有苗勇四營歸湘軍部下所防多丹江地翰復請檄啓悌分扼皆角小江遏防未幾王文韶以苗疆日就安輯將次第撤防遂先撤啓悌苗勇三營而檄繼昌分軍接防並以丹江距湘軍防營稍遠未能兼顧以咨璧光璧光商之周達武亦以無軍可撥爲言 六月初四日苗攻張喜元



聞國興營於下江加歲禦却之都司張金傷目張文德報各軍深入苗地距古州南百數十里而苗寨應剿者自九邱訖俾把凡百三四十里加歲訖蕨菜平八九十里共百餘寨生苗衆且悍李啓書劄九邱扼定旦八開大道距諸軍數十里再請增軍曾璧光商周達武檄鄧有德率軍往古州諸軍遂頓以待援苗日攻營李公鷄則率黨千人出扼廣西界石碑塘梅寨爲粵軍卻回劫貨船渡下江河掠永從丙梅平瑞仍據高增邕扒脅從頗衆文德檄周有齡徐定邦等自黨根往擊會李公鷄分黨將犯下江遇於恰里定邦等擊不勝劄堂谷扒沙苗據就里隴里弄反文德飛檄知縣黃朝烜遊擊毛金榜率練三百扼平江爲聲援盡調加歲九邱諸軍還守古州定旦八開張喜元旋卻就里隴里苗 閏月初一日張喜元等擊敵弄反出岑杠西走攻蠟西張文德遣聞國興援却再敗之都江河岸文德遂調諸軍還李公鷄還據苗谷時鄧有德軍拾次八寨先遣總兵劉德順參將鄧秋高進定旦 秋七月初七日李公鷄犯定旦李啓書等禦却之

守備時明富中礮沒李走辣子寨窺古州文德遣軍擊退加反弄奪  
已復回犯定旦劉德順等軍方至李敗走工挑二十夜走犯下江毀  
城外民房略盡 八月初六日張文德遣張喜元等擊走下江苗軍  
次俾隊鄧有德軍次定旦進攻工挑分軍右出苗後破之敵奔烏牛  
白鷄地與故追等老巢七埋巖九埋巖近隔一嶺相倚角有德進軍  
擊破烏牛白鷄張文德旋遣聞國興以七百人由蠟西來助敗之連  
平高牙二十日合軍逼七逼巖斃苗目韋老窕等火其寨李公鷄等  
東奔孖成河牛場苗衆死頗衆故追等遂齋稟乞降定旦近百里凡  
十五寨萬七千人皆薙髮就撫惟加牙加客生苗復結游勇出引我  
俾獲與國興相持公鷄旋分黨據高台圖斷古州下江聲息文德遣  
喜元等擊走之而孖成逸苗及俾把五寨衆復由孖覽蜡蛾渡江北  
犯下江廳城文德檄署下江游擊王得貴等及礮船馳擊而檄喜元  
啓書等擊破俾把五寨追入孖成苗悉南入蕨菜平上江營把總劉  
星炳陣沒 生苗掠入荔波古州界水往水色周達武檄鄧千勝等



馳擊 九月初一日聞國興擊走引莪俾獲苗俾柳等寨就撫鄧有德遣國興等進俾列苗退三十里至龍介四寨十一日有德由維計進加兩副將劉德順參將鄧秋高及蕭肇富等前擊九邱破之時周達武復檄記名提督馬承宗率千五百人助剿會喜元啓書等軍方西進東朗敗苗黨江王得貴等東取黨扭三寨承宗軍亦出苗谷東朗連敗苗至黨江復濟有良又敗之分野與喜元等軍會有德則出九邱破走加退諸苗寨進圖加墨加米時鄧千勝軍進荔波九千里巴容破苗兩岔河進圖加牙苗衆以各軍深入多降於是張文德始出古州復聞丹江變而還 初徐廷楨以罰金未令繳丹江通判陳起霖請沒其田產入官廷楨銜之及防軍減撤頗生玩志至是因八寨桑烏落李必茂興一姒蓮花落蠟垢皆角苗首楊定國等結游勇集於蕭家寨喬落溝圖作亂鷄講苗將應之丹江城久圯文武駐鷄講汛城二十六日桃江通事侯定邦告變屠翰及芳林始乞救於席啓悌爲轉告龔繼昌二十七夜遽起攻殺翰及翰妻游子從山等幕友

候選知縣張鑄一作鑄署右軍守備車武崙署左哨千總戴洪勝署右  
哨千總羅用昌署左哨頭司把總杜積棠署左哨外委吳得貴千總  
蕭大全蕭天祥皆被害兵民死者頗衆明日龔繼昌蘇元春馳至排  
養越日唐本朋軍亦至 冬十月初一日龔繼昌蘇元春等敗敵間  
脚蓮花塘敵奔黃茅嶺繼昌進軍鷄講元春追至黨高本朋至治安  
堡再敗之蓮花落餘奔敗皆角而舟溪翁埡苗亦乘間變走入寨周  
達武始檄安義鎮總兵何世華率軍馳赴八寨會總兵毛際惠及署  
都勻知府羅應旒援剿未至初三日敵突入城署都勻游擊徐定邦  
與防軍記名提督周章達都司唐大烜等擊出之八寨同知陳世芳  
先一日聞警走都勻諸軍旣聞敵入城懼罪仰藥死初十日世華應  
旒進次八寨初四日馬承宗張喜元會軍進孖成河尋擊破加別與  
相應有德方進圖加墨會丹江亂聞亟馳國興分隊還援八寶山國  
興哨官盤玉蘭等回防都江上江協張樑前從剿至是亦回防於是  
加甕苗首故夷乘間復據黨根有德進軍誘禽故夷遂乘勢連破加



米加墨李公鷄羅洪侯東成等走俾保俾卜俾岱姑凶四寨有德移擊苗固守不出乃遣國興及劉百魁設伏禽侯東成再下俾保等三寨苗奔姑凶而馬承宗張喜元等方分道下俾所恩我俾哲望獠大山諸寨與姑凶相望各軍刻期十四日合圍蕨菜平有德旋破姑凶而進蕨菜平苗皆被脅之衆竄無定所大軍將至率先逃公鷄及洪率黨奔廣西界有德承宗搜剿平袍平滿餘敵會鄧千勝沿途招撫苗寨而進東西遙相應苗衆以有德等軍不受降將盡毀其寨多降於千勝千勝聞蕨菜平破邀敗於加早遂還巴容有德復由加葉敗苗下江烏嫩於是始知公鷄等已間道加牙突出防營渡古州西北高舊河將走合皆角叛苗有德承宗遂分道由定且反追至烏落降人潘正洪在有德軍中陰有變志有德殺之喜元等追越廣西境有狼山小雷公山無所見而還十七日世華際惠等由八寨東至排調招撫而前破雄父烏雍諸變寨進擊喬王十一月初二日鄧有德自開屯遣副將劉德順蕭肇富等進逼皆角約茅平儲裕立合剿初

四日毛際惠馬承宗擊破喬王承宗圖會有德合擊皆角世華還排  
調搜剿餘苗苗盡匿無所得仍進圍皆角苗已走雷公山南刀龔繼  
昌邀敗之九眼塘再敗之喬烏有德承宗再擊破桃江冷竹山餘衆

冷竹雷公烏東黃楊大平諸山即牛皮大十寨都江蟠結深篁新疆六  
應環數山之麓清台在東北丹江在其西八寨都江在其西南古州  
在其東南自道咸以來迄於全省肅清山中伏莽猶饑寒走死者相  
未絕迹繫兵事之始終爲六廳之隱患即此數山也

屬於道諸軍分路捕殺略盡羅應旒至招降楊定國徐廷楨李必茂  
等李公鷄逸去獲其孥何世華上言皆角以南諸寨降苗雖就撫尙  
未全歸實緣諸寨苗酋恃悍不法名稱納款意存觀望而承辦之通  
事保正土司又乘間訛索是以徘徊避匿者尙多因緝獲諸寨素行  
不法之通事土弁楊九交等十餘人殺之丹江八寨悉定 鄧千勝  
回自蕨菜平擊殺苗首潘故鳳會廣西南丹土匪莫雲義莫疇作亂  
於古州南之蠻洋因同廣西總兵黃仲慶擊之雲義乞降疇遁古州  
爲張文德禽送廣西 十二月初六日丹江歸俾團民禽李公鷄殺  
之獻首湘軍儲裕立下游悉定周達武檄鄧有德還分所部扼防上



江鷄賈河定日打略汛八塔蠟西馬承宗率部還防黃平新州何世華留一軍劄排調自還入寨龔繼昌留湘軍防鷄講巖亦還施洞口至是生苗仍屈伏於高壓力之下其始本爲不堪清吏之苛擾乃起而反抗卒未得到徹底之解放與安慰弱小民族之苦痛可勝道哉可勝道哉

附錄

莫友芝與韓南溪太守簡云五月初聞大旆移駐鎮遠卽持節專理下游軍務慶不可言自去春三月楊逆授首葛章淮陰將略名震西南當此之時雖百有苗蠢動蠡起若以明公乘勝之師隨宜掃盪直是摧枯拉朽而當事者乃必故掣其肘使坐困不肯一援特唯恐明公更得志若曹不能見功云爾逮其屢進屢卻糜餉喪師都鎮之間賊勢蔓延無隙地然後急而相求較之當時其難何翅十倍可恨可歎天下旦夕卽了之事每每以忌媚徇釀至於不可收拾豈獨一貴州然哉在明公拯民爲

心決不以此芥蒂而友芝之愚則尤冀推廣和衷融去畛域行見雷霆所加妖氛頓息雨露在手草木皆蘇陳少遷之誅興恥馬康降之平豪胄今日豈相讓邪友芝奉截取當北上都勻道阻不能往取文書仍藉授經以俟計時月間明公奏凱至勻友芝得南來銘山石馳露布猶能操筆爲助舍弟祥芝去夏辭麾下還遵續絃卽以黃施未通不能遽馳聽驅遣今復令其出大塘小路之獨山視兄姪如無大料理可取徑出澠水趨幕府也  
丙辰五月十九日

楊彝珍追贈道銜貴州候補知州彭君傳君諱汝瑋字貢甫湖北江夏人父崧毓任雲南迤西道以君才識通敏習吏事將廉俸納之公得敘君布政司庫大使分發貴州值黃平苗變益陽胡文忠公時守黎平主軍事才君檄君往苗寨之最險者曰崖門討之君至以計誘禽其酋次徇諸寨皆下事平晉秩州刺史尋丁母憂服闋再赴貴州署鎮遠縣事初履任舞文史以君少



易之有頃見其摘發奸伏如老獄吏乃大驚皆相率斂跡時粵寇方陷常德妖言流聞君搏集流亡之壯驍者棲之附郭以爲備又捕殺二三土弁之將爲變者人心始安旋受代去署古州同知未受事而黃平之苗復煽格夷仍欲據崖門以叛大府再檄君往平之苗銜前事亟欲甘心君招集羣苗無慮三數萬環之數重君以羸卒三百率城中居民咸登陴日擲瓦礫擊賊先後走十七檄請益兵大府見君能從容草數千言必非危在旦夕者置之坐不救相持九晝夜賊內應起城陷君手刃殺數賊死其僕從死者四人賊怒居民爲君致死悉屠之時咸豐五年六月初三日也事聞追贈道銜世襲雲騎尉及賊退其弟汝琮求君骨不得以衣冠招魂東歸過鎮遠其民哭之如私親嗚呼可以想其賢矣君死時年三十有二子二念宸念宇論曰苗窟黔山中負其幽阻叛服靡常今昔一轍屬方內事孔棘遂癘疥置之若崖門彈丸耳部師往定其亂就以必死責之者君嬰城

固守痛哭請師漠不爲應黔事可知矣然君之死亦烈矣哉  
又莫友芝書彭氏赴狀後云咸豐五年春臺拱廳苗變圍城署  
古州同知彭汝瑋龍里知縣彭毓書等奉檄馳救至勝秉禽數  
十人因撫降苗遂解臺拱圍而清平縣凱棠凱少苗復起焚三  
寨五月十一日汝瑋毓書馳救次黃平州之崖門司十五日苗  
攻司城擊退去二十九日復大至城僅數百戶無宿糧又乏水  
汝瑋等所將兵練半撥回勝秉援鎮遠戰守皆不足恃四乞師  
於鎮遠總兵所遣三百人亦移之勝秉十五告急於省會尙未  
應漢民范八者與苗通汝瑋等雖知其叵測姑羈縻以待援六  
月三日食盡援不至急馳入衛千總署索范八則已偕千總邢  
連科之子舉人士義逸去城遂陷連科闔門自裁汝瑋毓書皆  
遇害汝瑋毓書當道光末曾從鎮遠知府胡林翼黃平知州徐  
豐玉勦鎮遠革夷爲羣夷所畏惡至於皆醢之士義亦自殺八  
月汝瑋之弟湖南候補知府汝琮自黔爲其兄以衣冠招魂斂



爲其猶子具哀狀徧訃同官時貴撫未實奏苗亂但謂漢夷爭鬪汝瑋等往治不得下落此狀出撫軍不自安署貴筑知縣及麻哈知州某某等亟詣汝琮責收歸所赴狀會城士庶以將收彭氏狀爲異聞爭求彭氏狀一二日傳觀徧窮巷狀益不可收其後彭氏舉喪貴撫藩某糧道貴陽守及貴筑麻哈皆不至嗚呼多事之時以英偉才人膏血原野而當道者處之如此故知黔亂之未艾也

吳德溥丹江通判嚴君錫珍行略

節錄

黔亂近二十年倡之者

楊龍喜苗逆繼之中間髮匪竄擾土匪蹂躪其守城殉難臨陣捐軀者不乏人吾友嚴公琴帆爲尤著今亂平矣公往矣德溥與公少同梓長同官其立言行政居心處事知之頗詳因不揣固陋謹述大略以備修志乘者之采擇焉公諱錫珍號琴帆爲漢子陵先生後中道光乙酉科鄉試時年二十有三兩試南宮報罷就本班知縣簽掣入黔始至受知於松撫軍委權廣順州

繼署永從縣旋題授開泰縣任開年餘遂督銅運入京差竣署  
開州薦卓異任滿調普定縣知永甯州丁內艱貧難歸葬南皮  
張公在貴陽聞公貧餽千金俾得扶輿歸起復後歷署郎岱清  
平上官嘗稽州縣之殿最益陽胡文忠曰上游一箇官耳問爲  
誰以公對於是士大夫常以一箇官呼之厥後嚴渭春撫軍由  
湖北入黔先致書當道問一箇官行止黔宦不能對德溥時籌  
筆薇垣代述顛末蓋嚴撫聞胡文忠言後宦黔者不知也甲辰  
署桐梓縣甫下車差役有楊龍喜者公一見大怒將置重典幕  
友詰其罪公曰是役有反骨眉目間帶殺氣若不殺終必爲亂  
楊役大懼遣其母妻具呈於府時遵義郡守某公行檄問狀公  
以前言對守遺公書曰無罪而刑人何以令衆公不能抗遂釋  
龍喜因曰是役不殺黔民難安堵矣兩年餘解任去桐未及三  
年而楊逆糾衆叛戕官屠城殆無虛月後楊逆成禽而苗逆復  
起人以是服公先見而燎原莫遏漫攘二十年誰之咎歟咸豐



甲寅春委署丹江通判公自道光庚寅捧檄入黔二十有六年矣所任之處興利除害卓著循聲因秉性剛介往往招忌故久而弗遷丹江之委相知者謂曰丹江地瘠民貧近歲苗民不靖駐城兵多調發屯政久已廢弛土城不堅一旦有警何以措手足况非本缺辭之必不强子行也公曰普天之下誰非王土使人人擇善地則惡者誰爲守乎余作官近三十年從不趨肥避瘠豈至是而改其操哉遂捧檄行丹爲都勻府分駐之地公至郡謁郡守鹿剛節公鹿曰黔中漢民奸而苗民頑素不相睦近則苗勢强地方多故吾輩守此空城不知死所矣公曰然黔苗不變則已變則衆心一所幸無大志寡深謀官司防剿不難於兵而難於糧耳藉使兵食足此等跳梁未爲憂也鹿公曰善子行矣勉之遂馳往其地爲苗疆要隘左倚都江右倚台拱以凱里爲門戶建土城於高山之上公至見土地荒蕪屯卒寥落問其故則云歷年徵收過制終歲勤勞竭其物力僅足輸官無餘

粟以自贍故逃亡耳公惻然爲復其舊制招納流亡半載間復業者數百家時復親歷各寨省其疾苦恤其困乏撫良誅暴丹民翕然望治乙卯春台拱苗民倡亂公以丹台接壤捐廉募勁勇五百人擇地扼要先機防禦境內帖然台拱聞風不敢犯俄而撫軍遣員督師剿辦賊投誠師旋有日矣公遺督師書曰台匪未經懲創遽爾投誠乃度其勢未足與我軍抗也宜乘其羽翼未成器械未備殄其渠魁寬其脅從恩威并用則已叛者懲未叛者警若卒然旋師必將復舉則難制矣不報師旋不十日而各屬苗逆蠢動漸肆蔓延公復添募勁勇二千人朝夕訓練賊屢欲至而不敢逼春暮賊帥有欲犯丹境者其酋曰嚴公守此幸無躁旣而偵知公瓜期已屆羣苗相賀曰嚴大老黃將去矣去而圍之何患不克大老黃者苗人稱官之辭也郡守知之乃上其事曰丹江嚴倅備戰守才若必瓜代城恐不保期至遂不代賊聞之怒糾合都江賊苗共五萬人直逼丹城公預設三



伏以待並於城中然號炮四面皆應以炮金鼓聲震山谷賊驚竄欲回伏兵齊出公命兩衛率衆開門乘之賊大潰斬獲三千餘人奪獲槍砲數千件糧米二千石賊首張降公欲受而烏公不許公曰賊之敗於我者中計也城中積粟無多而外運甚難兵餉無措君欲以二三千餒兵殲五萬勁敵吾不知其可也烏公亦懼糧餉無籌乃緩其攻陽許納降而暗請添兵撥餉並稱兵糧若足不及百日可盡滅羣醜謂予不信願受軍法不然台賊不滅丹城不保丹江失則諸城亦大可憂書上不報乃議退兵設虛伏於路烏公斷後賊不敢追整旅旋丹遣弁詣賊催降賊酋知我軍糧實不足遂不允季夏賊復大至丹苗之食盡者以次叛而應之衆至六萬長圍困城城中食亦盡兵士屢出奮戰因糧於賊者又越月互有勝負秋仲兵疲不能復鬥遂掘草根削樹皮食之最後則皮箱馬來之屬亦以爲餐公不得已咬指血書申函請救云縱不爲文武身命計當爲百姓朝廷地土

計况丹江一失下游半壁皆非我有撫軍蔣公得書乃札遣寶授丹江黃□□通守以五百人糧四十石入援軍行至凱里畏蕙不敢進撫軍聞之嚴檄催進並有如在逗遛以軍法從事之言黃倅告人曰賊衆六萬以五百兵進剿何異驅羊入虎口吾甘蹈法不肯餌賊也公知事不可爲與烏公各藏砒鴆於衣以備蒼猝恐爲賊辱九月初士卒多餓病掘地覓草忽得黑米石餘爲粥以餉士民各得杯許初十日賊復八面攻城三晝夜砲聲不絕十三日昧爽士卒餓病甚不能執兵然猶臥地奮呼忍死相持延至午刻聲息俱竭賊始攻破東門入參戎烏公被難公守南門聞變馳返署扃門著衣冠服毒升公座題其几曰城存與存城亡與亡毒發死之時咸豐五年也公當丹江未陷時公子薌府在籍奉公手諭有丹城已危我爲國捐軀夫復何恨之語薌府乃奔走入黔效秦庭之哭求援於鄰封事未集而凶耗至時黔中下游一帶羣盜如毛丹江道阻謀歸葬公不果光



月  
緒元年春國琳乃芒鞋草服至丹扶柩晉省薊府先入筑迎櫬  
歸率贊邦等營基於重慶江北野茅溪石陽公所之側嗚呼丹  
江叢爾微區土城高不及尋內無餉外無援以二千疲弊之師  
拒六萬衆之勁敵大小數十戰出奇制勝固守半載有餘非胸  
有甲兵忠愛素著者耶卒以食盡兵疲從容就義亦張睢陽之  
亞也餘終令典備極哀榮孝子賢孫能返忠骨於千六百里之  
外公可謂不朽矣

易佩紳贈國子監助教楊暢園先生事略云黔賊既平之二年  
撫軍命余總紀二十年軍事蓋大小文武死事官亦當載焉一  
日楊珍林舍人來見目泫泫欲淚聲若哽塞而不能具其詞已  
而出書一編再拜相授則其尊人暢園先生行述屬余采輯也  
余惻然感之明日吳清臣教授羅質菴禮部皆知珍林者謂珍  
林自暢園先生施秉死事屢尋遺骸不得亦既官京師數年矣  
而心恆不釋今年乞假歸訪詢求索累日仍不得惟歷述先生

生平徵文以求不朽宜其志之悲而意之誠也嗚呼先生有子如是可以不朽矣何待他人文然吾又安忍第循例載數言而不爲別詳其本末以伸忠義之氣而慰孝子之哀思耶先生諱春發暢園其號也先世安徽歙縣人始祖都指揮某以從征入黔數傳至安順守備世雄國朝康熙中卒官子孫遂居安順祖廷柏從軍緬甸戰歿祖妣羅以節聞父經朝鄉里稱善人先生幼謹愨爲長老所器重既壯由郡廩生中式副榜試京兆不第益折節讀書從游者衆迨父歿諸弟不善治生產乃自任之居積之餘贍宗族卹姻黨好客喜士自處約而待人豐振貧周乏惠及行路地方義舉旣出貲以倡更身爲終始期於必成胡文忠公守郡時每有興建必倚爲左右手郡人有忌之而搆於大府者文忠臚列先生才行剖辨之其美益彰咸豐二年任施秉教諭以黜浮華崇實學爲務邑人士慶得師逾年叛苗趨城下先生佐縣令爲守戰備與賊相持累月訛言先生將去任縣令



與邑人士涕泣留之先生慷慨從容示無去志未幾賊大至城中食盡力竭無外援城遂陷先生死焉是爲咸豐六年丙辰七月二十九日年七十有三其後有自城中脫出者猶能道先生巡城時長鬚髯面蒼赤指揮士卒聲如洪鐘也事聞於朝贈國子監助教世襲雲騎尉子三人長樹卽珍林也珍林之述詳矣余撮其大者抑珍林之不釋於心者古人亦嘗有焉關中李二曲先生其父以明末戰歿襄城二曲幼且貧及長朝夕奉母不能遠求父骨母歿始往求不得襄城令爲卽戰歿處作大冢二曲取冢土招魂歸葬之終身刻厲遂成鉅儒今珍林誠孝之性不亞二曲因艱苦之境成卓絕之行處爲名儒出爲各臣視二曲之立身顯親者正未有量夫使二曲之父不得二曲爲子雖全軀首邱無與於存亡之數也暢園先生慄慄大節千載如生固不必以子之賢愚爲存亡而得賢子以闡其緒而大其光益可無憾云同治十三年甲戌十二月龍陽易佩紳撰

莫庭芝清故修職郎施秉縣教諭卹贈國子監助教晉贈奉直大夫內閣中書楊君墓誌銘云文宗御極之六年苗匪陷施秉縣城教諭楊君暢園縣令劉君丹崖同死之事聞命於死難地方建專祠守土官以時致祭越三年施秉光復楊君長子樹往求父尸不得明年再往徬徨匍匐瓦礫榛蕪迄不能識其碧血鬼燐出沒草木悽愴仰天號跳悲動陵谷遠近爲之惻然越十年樹舉於鄉乃述君死事狀而傳之方君之殉也亦越五年余教授安順樹以諸生從余遊每與言其時事輒爲唏歔感慨相顧泣然急思有以發其奇行迄碌碌未遂又十餘年樹服官京朝具君行實走七千里以來乞文語亟懇摯維余不文何敢與於知言然樹從游久悉君事甚詳終不言其後以表忠烈法後世按狀君諱春發暢園其字也安順楊氏先世安徽歙縣人始祖某以前明指揮隨征入黔至曰世雄者康熙中官安順守備遂家焉再傳至郡廩生諱正是爲君曾祖正生廷柏從征雲南



普洱陣沒妣羅氏以節孝請旌廷柏生贈文林郎諱經朝則君考也君少負大志豪雋不羈喜讀書終身未嘗釋卷聞人有善傾慕惟恐不及必接膝於其門當代長者賢豪咸爭與爲友邑有盛舉傾貲贊助如營己私倡建書院文廟養院考舍橋堰諸利濟事捐舍累千金弗恤也宗族戚里有貧不能自存者各爲謀所以養生事凡當身義所當爲者任之不遺餘力人以急告重卹之惟恐弗周路有窮人識不識必厚加存撫與人無輕諾急人如己急視孤姪如其子事寡姊得其歡心共人舉事或取便中去君卽獨任成敗終不計然亦罔之後患家故雄於貲晚歲以多施致齋或以子孫計告君曰吾且盡吾所當爲若輩聽自爲也生平律已謹嚴布褐敝裘補綴至十數年不易平居食不重味有賓客到門則獻瓊飛觥必盡懽乃罷益陽胡文忠公典郡時此稱爲善士在教官日恆具酒食召諸生獎掖以崇實敦本之務風氣爲之大昌咸就稱盛方賊之警也家人以書促

歸君曰死生數也今日急可苟免乎與城存亡盡吾職而已益奮髯激勵賊再攻城君與縣令劉君分城拒守礮石雨下慷慨不驚相持日久食盡援絕城遂陷嗚呼是非義利素決老氣宏毅臨死生禍福而不顧者邪君赤面長須髯音如洪鐘風骨俠烈往者過死難之所憑弔流連訪求遺事二三父老之及見君當時情事者猶能道其髣髴亦奇男子也君以廩生中嘉慶戊寅副貢咸豐二年選授施秉教諭任五年而殉於官卹贈國子監助教世襲雲騎尉同治十二年以子官晉贈奉直大夫內閣中書配祝氏繼配蒲氏戴氏高氏妾胡氏子三樹丁卯舉人內閣中書次枚郡廩生次枝安南縣學生孫允元德元錫元以乾隆乙巳年四月十四日生咸豐丙辰年七月二十九日殉享年七十有二君之殉也樹旣求骨不得因刻木審像祀於其家以屬哀思又越數年以遺骸終不可求乃用遺衣冠斂而以同治□年月日葬於□山爰揭其大端以爲誌銘銘曰其生也豪其



死也烈既享大年乃殉臣節馬革不裹馬鬣仍封毅靈陟降妥此幽宮五品銜思南府教授卓異加一級獨山莫庭芝拜撰

楊樹先府君事實云府君抵任踰一年賊稍稍起時令施秉者爲江右劉丹崖

玉麟

明府與府君甚相得戰守備無大小皆與

府君商酌辦劉公倚畀如弟兄戒嚴時中夜聞驚報劉公趨東南則府君備西北邑中僚佐紳民各認地界相環守賊冒死迫城堞矢石交下府君聲愈高喚守陴者奮力與抗拒瀕危者數矣賊凡三五日一圍城城中奪獲雲梯鉤連矛槊迄無算賊以是稍卻會有傳言府君欲歸休者地方紳耆遮留至署而府君宴息如平時劉公他日亦慰留語次感泣下府君慷慨無多言衆以是安之會賊氛四起大吏倉卒不能顧邊邑力盡援絕城以是陷府君之志以是遂矣甲戌年樹遇施邑明經楊卓六來都赴朝考細問當日事卓六兄名某者能道府君巡城時面蒼赤長鬚髯指揮勇丁聲如洪鐘仿佛尙見生平也府君之任樹

等待太宜人在籍惟庶母胡及弟枝隨侍賊初起府君飭之歸會施秉施豐六年七月二十九日城陷至八月初十日家人李升來報訃太宜人昏絕復蘇時樹年十三弟等皆幼因命從兄楨往施尋求忠骨月餘無獲至是施秉爲賊據者十餘年泊樹供京職聞施秉克復函致弟枚命其探訪府君事有同鄉孝廉任實之秋元曾遇施邑人微聞府君殉難後有人收埋等語樹因乞假南旋先抵鎮遠繼赴施秉徧問兩地各紳耆出具招帖散布城鄉復投呈鎮遠施秉兩縣存案請爲出示訪尋延留月餘百計探問都無確耗而府君及門廖雙峯司馬斌現在施邑局紳克復施邑曾帶團在役中據云復城後伊招集降苗追問殉難諸官紳骸骨皆云倉卒無分悉投諸水火矣廖君又云府君殉難在學宮左右樹親履其地柱礎已爲煨燼遑問其餘又有曹謙六明府貞吉亦府君及門城陷後伊曾捐貲命人尋訪府君遺骸所構之人一黃姓一吳姓行至七里冲因賊太多在



彼伏處三日爲賊窺及追逐十餘里不獲而歸而施秉各紳士  
言施秉自賊破後十餘年間從未有一人回籍亦未有一人收  
埋其殉難之父兄弟同府君被難之明府劉公副齊馮公亦  
未清獲忠骨任君所述或卽曹君一事抑或另有其人樹計窮  
力絀痛不欲生卽於學宮前設奠招魂而歸

湖南志余宗惇字迪人攸縣人以府經歷署貴州丙妹縣丞補  
興義府經歷未赴署清江廳通判咸豐六年苗來犯却之苗來  
愈衆遂被圍宗惇血書告急請援不報率衆茹草咽糠以守初  
良苗感惠者猶以米濟宗惇變苗覺火其廬愈困城中草根樹  
皮皆盡餓尸山積民無變志城陷不屈死系人哀思

鮑源深書黃平州楊刺史死節事云咸豐甲寅冬余奉視學黔  
省之命乙卯三月入黔境苗氛方肆過鎮遠吳鼎臣太守語以  
賊屢攻城堅守無援恐日久不支相與嗟歎過黃平刺史楊杏  
農爲言苗初起焚村堡撲城垣請兵於大府大府不省惟以毋

得張皇激事爲諭。迨後賊勢益張，守陴力憊，乞援書屢上，亦惟諭以力守嚴守，加勁守等語。數月迄無一兵，至今城危岌岌矣。星軺過此，目擊情形，如得一言，大府遣兵來援，合城數萬生靈再生之慶也。黃平距省垣計程七日，乃秉燭作書，星夜馳上。當事是夕住行館，城上巡守者，鐙炬光與鉦柝聲徹旦。次晨出城，見城門外懸賊首纍纍，道旁男婦數千，執香踞乞，命聲相續也。抵省，晤當事者，言鎮遠黃平危急狀。當事者曰：未得君書，吾已檄委員前往撫苗矣。余愕然，知言不入，姑置之。嗣二郡守吏迭次馳羽書來，學使署校官學生員亦馳稟函來，僉言苗愈撫愈猖獗，城危不可支，乞轉達大府，速發兵赴援。據言與稟急移之。當事不應，並聞向僚屬言曰：地方官欲以戰事邀功，校官欲以守城表績，士民欲殄滅苗，以享其土田。學使初至，受誑耳。吾撫局已成，何得因羣言敗之。會余以由驛馳奏黔中亂狀，奉旨申飭學臣，不得擅言軍務。又聞當事者如是言，遂絕口。苗事自是



官與士民亦共相諒無以乞援來顧者而下游苗患日蔓延以城垣失陷報者紛紛當事者雖悔之亦無能爲計矣是冬十二月鎮遠府陷吳太守死之丙辰四月黃平州陷楊刺史死之賊之陷黃平也怨官民守城日久賊攻城死傷者衆殺城中人幾盡刺史倉卒赴池水未絕賊鉤起支解之宜人王氏娠數月賊猝入室不及死大罵賊賊亦支解之並剗其胎懷抱中一幼子亦被殺長子十四齡乳媪挈之逃衣以敝服詭言己子至門遇賊疑不類嚴詰之子知不免極口罵賊賊怒殺尤慘刺史治黃平得民心民皆爲死守城屢瀕於危民咸請刺史移眷口入省垣刺史曰我之家室可避爾等家室將安避乎卒不去以故城破合室捐生與合城之男婦同殉嗚呼烈矣聞鎮遠陷吳公死事亦烈惜未悉其情狀故第詳書楊刺史云楊公諱承照江南揚州人丁酉舉人吳公諱登甲陝西某縣人辛卯舉人當事以死節入奏皆邀卹典論曰地方官有守土之責城亡與亡義也

無可辭也然嬰城守以待外援旬日期月之間援兵不至城陷死之死者固無憾也赴援不及者亦無愧也若夫危城告急至於期年之久竟無一兵之援令力竭而就死地死者既以身殉城九原之下諒祇痛其城之不完必不怨其身之就死特不知坐視其死者將何以爲心也嗚呼睢陽乞師賀蘭無意進兵以致城亡雙忠並殉千載猶有餘痛焉雖然彼固乞鄰而不應也若吳楊二公之死後之論者又將何如耶

清國史本傳吳登甲陝西西鄉人道光十一年舉人二十四年大挑一等以知縣用分發貴州二十九年借補布政司庫大使三十年補修文知縣以拿獲迭次劫盜要犯經巡撫喬用遷奏保賞加同知銜咸豐元年調補貴筑縣尋升八寨同知二年因署鎮遠縣任內首先拿獲鄰境首盜得旨以應升之缺升用旋署鎮遠府知府七年正月因所屬八寨施秉等城失守革職留任四月巡撫蔣霽遠奏保登甲被參後力保危城勦苗獲勝請



開復同知仍留黔補用允之時苗匪竄擾鎮遠窺文德關等隘  
總兵蔣玉龍等節次進勦先後斃匪五百數十名登甲在事出  
力敘功賞戴花翎八年九月蔣蔚遠以登甲守禦出力奏請獎  
勵詔以知府儘先補用而鎮遠已先一月陷當賊破隘口直逼  
府城四面環攻登甲麾兵出擊賊屢卻屢進久之餉乏兵疲賊  
益大至不能抵禦城中火起兵練驚潰賊乘勢攻之遂陷登甲  
巷戰力竭陣亡十二月事聞贈太僕寺卿銜賜卹如例子錫綸  
廩貢生

何鋌四川璧山人寄籍華陽道光末年由供事議敘選授貴州  
藩庫大使升羅斛州判婺川縣知縣歷署黔西郎岱八寨修文  
施秉荔波畢節安平長寨等廳州縣俱著循聲授歸化通判署  
麻哈州知州時值苗匪叛亂竄擾州境先後與賊接仗力守危  
城兩年之久糧盡援絕城陷巷戰罵賊身受多傷殉難妻范氏  
妾陳氏蕭氏子汝琳女卽姑嫩姑及親屬僕婢同時遇害者二

十餘人奉旨優卹光緒十九年於黔省建祠同時遇難者一並

附祀

見光緒乙未十月四川總督鹿傳霖請本籍建祠摺

國史修攀梅傳修攀梅漢軍正藍旗人道光十八年一甲二名武進士授二等待衛二十二年選貴州平越營游擊二十八年署提標中軍參將二十九年升丹江營參將三十年署大定協副將咸豐元年廣西會匪洪秀全等倡亂攀梅偕總兵重綸帶兵赴勦四月行抵象州之羅秀賊由馬鞍山分股來撲我兵擊敗之攀梅冒險追奔手中猶親刃二賊五月移營獨鰲山

逼近賊巢攀梅親然巨礮傷駁失利都統烏蘭泰參奏褫職拿問大軍進永安州欽差大臣賽尙阿奏令攀梅督兵帶罪自効屢立戰功二年賊竄湖南攀梅跟蹤追剿三年撤回雲南剿辦川東土匪巡撫羅繞典奏稱攀梅年力堅強臨陣勇往統率有爲將弁中不可多得之員命署龍營參將旋荊州將軍官

洞赴湖北督辦荊門團練尋回黔仍署大定協副將五年黔西



州土匪勾結桐梓縣餘匪竄擾大定直逼府城攀梅偕知府曹興仁率兵練奮擊殄賊渠吳起貴於陣俘僞元帥駱雲龍僞將軍鄭長生並夥匪二百餘人悉寘諸法餘黨肅清升署鎮遠鎮總兵時貴州苗教各匪蔓延滋擾迭陷府縣省垣戒嚴攀梅偕候補道張鎡等分投搜捕斬俘甚衆賊敗退復竄撲定番州攀梅移師往援殄賊七百餘立解城圍復由定番之打哨擺金進勦克復大塘汛城六年三月賊踞都勻縣之牙舟攀梅督兵勦擊燬賊營二座殄僞先鋒十二人斃匪三百餘名賊大潰乘勝躍追又敗之於滿仙鎮殄斃落河者無算立將牙州奪回遂進軍凱口陣擒逆首韋定端等斬之五月進攻馬尾河先後破賊於平浪麥冲等處七月賊勢復集都勻施秉相繼失陷擾及麻哈州攀梅迎擊於青蘇塘敗之十二月授貴州古州鎮總兵七年二月擢提督七月賊屢撲麻哈城攀梅敗之八年蔣霽遠奏參攀梅擁兵數千株守麻哈州城官兵在高槐地方失利距

城僅三十里次日尙未聞知遷延貽誤咎焉可辭命褫職留營以觀後效尋賊陷麻哈州攀梅死之事聞開復原官照例議卹並賜祭葬等諡忠壯廕騎都尉兼一雲騎尉子占鼇占螭

麻哈縣志記唐天佑事云先是知州何鋌所委民團禦賊甚力官軍出戰時爲前驅苗嫉之甚至二十二日之夜攻入城誓殺不留翌晨唐天佑以城中悉是漢族因加意保護馳入城假神言妄殺者受天殃由是全活甚衆聚衆掩兵民屍並殮修何以下各官送櫬至貴定護難民至平越以爲投軍之地

記同治六年事又云提督趙德光納麻哈紳民之言授唐天佑官令帶兵一營紮羊角橋都勻縣志謂德光師次螃螬天佑乃降者誤也先是唐於殮修何之後送櫬至貴定苗疑唐貳襲擊之天佑乃潛約漢人數百自成一隊販牛馬市青巖平伐間麻哈紳民感其救護之德疊請田興恕錄用於允謁時曾面授衣頂云



桐梓縣志趙旭傳趙旭字石知號曉峯宋丞相雄之後六世孫伯善遷播川驛平播改流世籍桐梓又九世式謨歲貢生爲其曾祖講性理之學祖毓駒官至濟甯直隸州有惠政父其培幼稱至孝早卒母蘇守節撫孤府志均有傳旭生而文弱侍奉重幃有愉其色叔遠遊山左其祖母思念成疾旭請出尋叔遇於上海遂從江甯顧槐三學學益邃叔歸不事生產將旭分業亦加揮霍無卒歲之糧怡然不怨郡守黃樂之修郡志以桐梓掌故悉札採訪已成書復訂譌補漏另成桐筌六卷邑無書院考棚甘雨施來令首請興建共董其成又代兩施輯蜀碧補遺搜羅幽隱倍多原本時鄭珍編輯播雅莫友芝輯黔詩紀略邑人詩均本諸旭所輯桐梓耆舊詩文鈔咸豐四年邑革役楊鳳謀亂譌言紛紛新令陳泰階弗信旭計取僞札呈于陳仍不理旭乃避於鄉楊鳳反破縣圍郡道路隔絕旭與族人趙毓昭親家溫耿光曾象衡等秘約取城以迎官兵間道取城事將集川兵

先至收復仁桐寨內奉旨以訓導卽選桐城雖復從逆者未及  
大創旭同新令劉毅往夜婁里安撫蘆里鄒辰保亦願投順又  
同府縣去撫察賊性無改回城招練十月鄒逆糾股萬餘來攻  
旭內安反側外禦強橫忽中飛礮幾折其臂強撐七晝八夜擊  
斃賊無算孤城獲全實旭倡首之力也自楊鳳揭竿黔中遂大  
亂桐梓外匪土匪無歲無之官有良否辦事者因緣爲奸旭獨  
持其大體時形歌韻七年辦夜里螺蟹軍務招降曾喜各逆時  
桐梓土匪縱橫團亦强大王正儒其首也署令陳世銛誘而殺  
之其黨亦戕令勒衆欲反貴陽府樊希棣來辦旭深與其力地  
方無害奉旨賞戴藍翎同治改元長髮石大開由川竄轉勢欲  
踏城旭督衆防守踰月號匪朱僞王襲據鼎山逐日來攻適委  
荔波訓導不能釋手直至四月又檄催赴任至卽採訪忠孝節  
義科歲六屆均辦妥善學使移咨保獎奉旨加翰林院孔目銜  
兼署都勻教授五年苗匪圍荔波城城無蓄積兵練甚謹始猶



宰犧牲畜繼則掘盡草根旭預頃其資以死自誓三月二十五夜城陷旭額受重傷僕婦鄧趙氏扶至東門楊家橋旭投江鄧婦及餘亦溺死季子彝澤候選從九同殉奉旨同荔波知縣彭培垣祠於死事地方并追贈國子監學錄銜世襲雲騎尉旭安賞樂道不事營求嘗謂利以養生而爭利則不能有恥雖分內之財亦聽自至故其所得者寡德性文章日有箴課與同郡鄭珍莫友芝友善所學不相上下其詩言情恻摯論事激昂一本於忠愛毋故爲艱深按切時事尤不苟作卓然自成一家不僅以人重也所著播川全集五十餘卷遺失大半惟存詩鈔前集五卷舍人爾雅注一卷蜀碧補遺六卷

梁占魁二知軒筆憶云桐梓趙石知先生魁受知師也乙丑十月上游大股苗匪下犯吾邑滿載乃歸魁幸先避粵疆次年三月城陷小村奔出詢師師已盡節有見幾最早而作不早之歎小村又言今正在城晉謁師歎恨云荔大難至矣小村請申其

說師曰去冬苗匪倏來倏去不近城池已饜所欲今春當復來  
來必大股圍城糧盡援絕亡可立待爲目下計急宜準備三事  
屯糧食繕城隍齊團甲庶保無患乃我連日進署欲有商於縣  
尹詎入座有頃渠兩弟接以琵琶胡琴嗷嘈於側入言末由蓋  
三次矣而尹又日以梨園爲性命奈何奈何旣復泫然曰我職  
司訓導無守土責然以孟子先生父兄之說施之今日在所不  
敢但波累不值尤不忍者滿城萬千男女耳今言猶在耳而後  
事果歷歷皆應先生與其第六子竟殉難矣尹亦蒼黃投池事  
聞詔建祠祀以師配享遺老以尹先賣倉穀重優輕士不爲設  
備致遭羅雀掘鼠析骸易子之慘忿弗修祠死而有知不識尹  
將何以謝我師於九京也悲夫

王先謙黃忠壯公傳云公姓黃氏諱潤昌字劭坤湖南湘潭人  
也家貧甚從兄負薪讀書日數千字有文名爲縣廩生粵寇踞  
江南公應曾貞幹聘爲軍諮時官軍圍太湖潤昌建議太湖地



險固與潛山賊掎角不易攻不如分兵小池驛擊援賊陳玉成  
玉成敗兩縣城賊必遁伏而邀之蔑不殲矣從之皆克獲如其  
策賊據安慶不下懷寧人程學啓久陷賊中尤驍桀公獲賊諜  
廉知學啓可用入其營說之三反學啓降衆議殺之公力救與  
臥起飲食學啓感奮戰敗賊賊磔其妻子學啓戰逾力盡破城  
外石壘同復安慶走玉成著績江蘇以提督殉節嘉興諡忠烈  
公成之也於是皖南三山賊熾甚曾公國藩欲招之降莫敢往  
以屬公公單騎至賊巢開示利害賊皆感動歸者萬人公遂成  
一軍與諸軍復繁昌南陵太平蕪湖及魯港金柱關東梁山進  
攻金陵扼三汊河護官軍運道屢破賊克雨花臺九洑洲僞天  
堡地堡二城力戰復金陵歷保至記名按察使賞花翎勤勇巴  
圖魯號賜獎武牌湖南巡撫劉公崑募勇守長沙緝會匪以公  
統之遣入貴州與席寶田會剿苗賊公督兵入清溪設水師通  
糧運攻雞鳴關焦溪兩路口克之復鎮遠府衛焚數千苗砦議

攻施秉黃平通黔滇驛路會四川援兵寶田遣提督榮維善帥十三營與道員鄧子垣赴之公遂進復施秉破白洗大甕谷隴降苗賊數十至小甕谷隴地險狹有黃飄白堡諸隘苗設三卡以待縱榮軍過公繼至木石槍礮雨集公血戰不得出中礮死榮鄧二軍皆覆同治八年三月二十二日也事聞奉旨照巡撫例賜卹予諡忠壯本籍及死事地方建專祠事蹟宣付史館世襲騎都尉兼一雲騎尉公治軍嚴而有恩將弁陣沒哭奠而歸骨其家軍行無擾黔楚間民皆德之年三十有九史臣曰方楚軍旣復施秉公頗持重欲稍休息觀敵釁而榮鄧二軍促之維善尤猛鷲主客相持莫能統壹用是喪師或以輕進爲公罪非其實也公以二千人入黔三月之內復城三毀苗砦數十前此援黔諸軍未嘗有也功雖不成然已勤矣自軍興以來士徒步起軍伍取富貴不可勝計公獨雍然有古君子風議論時事多可采不竟其用悲夫



王先謙誥授光祿大夫貴州布政使李公神道碑云公姓李氏諱元度字次青一字笏庭自號天岳山樵晚更號超然老人其先出唐太宗三子吳王恪後遷江西建昌石晉天福中再遷湖南平江爲縣人曾祖自芳縣學生祖家庚從九品父傳祈府學生母喻氏旌表節孝以公貴三世皆贈光祿大夫妣皆一品太夫人公生有異稟四歲而父歿稍長讀書過目成誦年十八爲諸生食廩餼中式道光癸卯舉人會試報罷遊奉天學政幕陪都尊藏列朝實錄公得以仰闕美富通知一代政事又隨使車徧覽關東形勢浩然有得益肆力掌故地理之書旁稽百家載籍才識宏裕大挑選授黔陽教諭咸豐二年粵寇破武昌而東曾文正公國藩奉詔在籍團練公上書數千言隱其名曾公躡之旣相見詢知公所爲大驩曰吾固知非子莫辦引與規畫軍事岳州師潰曾公敗於靖港部軍捷於湘潭賊返竄詔落曾公職戴罪督勦故事革員例不專奏公代草疏請出湖南境後仍

專奏以速戎機會公疑焉公力持之得俞旨奏保知縣加內閣中書銜復武昌克田家鎮加同知銜賞花翎水師敗於九江曾公入南昌公相從艱危中多所裨助曾公自出師迫不利輒奮卽死皆以公防救免五年公自請於曾公募平江勇爲一軍破賊蘇官渡會水師克湖口賊酋石達開據撫州瑞臨袁吉諸郡皆爲賊有六年公克東鄉攻撫州累戰皆捷分軍西徇復宜黃崇仁值皖賊來援戰不利退保崇仁七年曾公檄公守貴溪兼控閩浙要隘大捷於鷹潭加知府銜敗石達開衆鉅萬擢知府以道員記名八年石達開竄衢州道出貴溪擊走之分兵解衢圍移防玉山及廣豐常山閩賊犯廣豐襲玉山公廣設方略賊窮竄伏兵邀之大獲江西巡撫疏稱以三千饑疲之卒當悍賊數萬自有戰事未之前聞爲時推重如此先是曾公憂歸爲書勞公曰君當靖港敗後宛轉護持入則歡愉相對出則雪涕嗚憤一不忘也九江敗後特立一軍志在護衛水師保全根本二



不忘也樟鎮敗後我部別無陸軍賴君支持東路隱然巨鎮力  
拄絕續之交以待楚援三不忘也至是再起視師遂上公功加  
按察使銜賞色爾固楞巴圖魯號胡文忠公林翼疏舉賢才公  
與沈文肅公葆楨左文襄公宗棠首列焉十年金陵師潰曾公  
爲欽差大臣總督兩江檄公守廣信衢州授浙江溫處道曾公  
奏調皖南道改防徽州公率新卒三千以行八月抵徽先數日  
甯國陷賊酋李侍賢衆十數萬來犯舊防兵潰環索餉甯防兵  
踵至大掠公善遣之賊犯績溪叢山關部將童梅華等往禦賊  
入關梅華擊走之遇伏歿關遂失賊薄徽城周十八里傾圮甚  
公督修三晝夜完三之二而賊至曾公所遣援兵潰公收兵登  
陴賊環攻五日北門不守公馳往督戰墮馬暈絕爲親卒負出  
城遂陷事聞上意雖欲罪之然有李元度謀勇兼優人才難得  
之旨命曾公察奏曾公疏請褫職逮治而浙撫王壯愨公有齡  
請公募勇赴援十一年命曾公飭赴浙應得罪名仍察辦公歸

里募八千人爲安越軍會賊酋李秀成連陷湖北江南郡縣湖南大震官民固請留守平江六月公自湖北轉戰而前賊望風潰遁連復通城崇陽蒲圻義甯新昌奉新瑞昌諸城詔賞還按察使銜再賞布政使銜前罪應否寬宥命曾公覈奏九月次衢州浙餉不至稱貸以行敗賊雲溪峽口葉村等處道梗迄不得前十一月杭州陷同治元年李侍賢陷江山公力戰挫其鋒復分軍與左公會擊大破之授浙江鹽運使晉按察使署布政使而曾公以公罪未定遽回籍疏劾褫職留營命交左公差遣公遂歸尋言官論劾復命曾公左公察實具奏時金陵已克曾公奏公守徽之役到不十日巨賊猝至兵力未厚前奏逮問本從嚴今大功垂成請量錄用左公奏杭州失陷非公逗留所致惟落職後求去索餉不顧大局詔遣戍仍留養母貴州教匪嘯聚思南石阡與苗賊應和蔓延楚蜀五年巡撫張公亮基起公專辦教匪公募平勇二千督各軍由銅仁進攻克大小壘八寶關



大園子馬鞍營席家山諸堅巢大捷於孟溪解銅仁圍教匪居河西者曰城頭界曰老團曰環岳曰秦家寨曰大堡曰景陽洞曰牛渡灘曰岳科居河東者曰荆竹園在安化縣北其酋朱明月踞湄川縣之偏刀水剏設水師斷東西互援進規河西六年克城頭界老團環岳諸巢東會席公寶田軍攻荆竹園三道水七年正月克之分兵克秦家寨走教首劉儀順禽朱明月於覺林寺五月拔偏刀水禽偽王何繼述田應武老教主王科等以降人內應克大堡景陽洞而牛渡灘岳科乞降兩年之間勦撫九百餘寨廓清五六百里設屯田局招丁三千授田二萬餘畝教匪平屯政亦竣詔復原官授雲南按察使陳情乞養允之光緒八年母卒服除十一年入都補貴州按察使十三年遷布政使在黔翦巨惡劾墨吏興蠶桑設礦局前殉賊難者自貴州提督孝順公以次爲請建十忠祠而卹其後裔宅善政多可紀以九月二十七日卒於官距其生道光元年八月二十五日年六

十七湖南巡撫奏附祀曾公祠事蹟宣付國史詔如所請妻同  
邑喻氏封一品夫人妾徐氏吳氏宜人子五積琳花翎三品銜  
江西候補道積璠同治癸酉拔貢花翎四品銜兵部員外郎先  
卒積璿縣學生積瓚積瑄女七適黃錫綬彭樹森沈瑩慶曾廣  
銓郭焯瑩歐陽鈞張壽威孫八厚荃府學生厚蓀候選道厚英  
厚葵縣學生厚芬厚萃厚芷厚藩孫女八曾孫一曾孫女二公  
性肫篤事母逮老如孺子厚於親族塾有課嫠有資姻故鄉鄰  
多待以舉火平江地界三省設局縣城集械編丁以時訓練寇  
警迭乘恃以完固立諸善堂及廣仁倉貸不取息勸建平江忠  
義祠及葺新諸祠祀必親必慎倡捐江西欠餉二十餘萬請增  
府縣學額宅軍效之省帑千萬自少以文鳴既老於兵間聞見  
開廣益雄於詞所著有國朝先正事略六十卷平江縣志五十  
六卷平江十三君子事略二卷十忠祠紀略二卷南岳志二十  
六卷天岳山館文鈔六十卷未刊者四書廣義六十四卷國朝



彤史略十卷名賢遺事錄二卷國朝先正文略二百卷求實用  
齋叢書若干卷安貧錄四卷古文話六十四卷天岳仙館詩集  
十二卷文續集若干卷四六文二卷以光緒十九年四月葬縣  
南水南里丑首未趾積琳等泣請文其墓道之碑先謙少公二  
十年自公貴州軍營歸里始相識一日過先謙書齋見所爲明  
大學士史可法補傳誦之再曰君有班范之才幸努力由是以  
文字相知好意氣許與至今不忘銘曰公之文章足以潤色廟  
堂而不操史筆才猷足以參贊密勿而滯於外官武略足以取  
侯封而蹶於任事之奮勇忠誠足以信朋友而不免同心之責  
言固瑕釁之有開亦時命之適然彼古人致歎數奇兮如公者  
猶可自慰於九原

郭嵩燾贈太子少保席公神道碑銘云公諱寶田字研薌姓席  
氏先世自明由江西涖官東安占籍爲東安人始冠補縣學生  
行學嶽麓學院與劉武慎公同志相切劘會廣西寇起踞金陵

劉公從江忠烈公以戰功顯名江皖間後劉公自起一軍援江西召公參軍事累功保同知直隸州咸豐九年石達開掠永州西趨寶慶衆數十萬連戰武岡新甯披賊勢寶慶之圍以解擢知府賞戴花翎湖南巡撫駱文忠公檄公募千人備邊防號精健營廣東賊犯郴州桂陽金陵踞賊又數分兵犯江西往來馳擊數殄賊有功擢道員加按察使銜同治二年賊黃文金號黃老虎躡江西衆十餘萬江誠恪公忠義率諸軍赴援公副之數月江西肅清曾文正公檄調入皖援青陽誠恪公急馳復青陽城以勞卒公更領其軍累功以按察使記名加布政使銜明年賞業鑑額巴圖魯名號已而李世賢汪海洋挾賊數萬趨江西公迎擊白沙關與相持朝廷以賊勢注江西命福建提督楊公督辦江西軍務劾公援南豐遲延奪按察使降補知府而公實已力戰崇仁宜黃金谿梟其精銳賊創甚南遯又躡之甯都會大軍克金陵賊數萬擁洪秀全子福瑱由開化玉山走瀘溪公



急回軍扼之新城賊聞卽走遯日夜窮追至石城楊家牌危崖削立路紆阻日且暮軍止不進公怒曰寇窮且困可掩而擒也汪海洋踞瑞金咫尺耳縱使合爲患必烈斬前鋒一人以徇卽夜度嶺盡見炊煙四起薄擊之賊駭顧散走擒其渠酋數十人洪福瑱竄逸部將周家良追得賊驚呼曰此小天王也捷聞詔復原官加雲騎尉世職賞黃馬褂時汪海洋方由瑞金趨石城迎福瑱未至而福瑱爲虜所部數萬人皆潰海洋奪氣趨鎮平公自平遠邀擊截降萬四千人急趨信豐扼鐵石嶺邀賊賊果由龍南迤邐至據險擊之又降二萬人賊趨和平陷嘉應州江西巡撫劉公奏公江西戰功第一得旨以布政司記名題奏賞三代一品封典左文襄公旋克復嘉應州公以賊平請解兵終養是時貴州苗亂三十年劫掠州縣頑民習教者全起應之有白教黃教紅教之分皆假天主爲名勢張甚湖南布政使北琛屯鎮筭資防勦久無功而黔餉一取之湖南公私困憊會劉

公崐巡撫湖南公故劉公提學湖南所得士也素知公檄募萬人援黔悉劾罷諸將獨留李公元度一軍會辦至則度荆竹園爲苗教巢藪地險固破荆竹園而後勦撫有可施察北岡地稍平可乘而入進逼之戰旬日奪其壘悉平其四十八砦進至台拱台拱苗最强右清江左鎮遠連爲犄角公策規復兩城卽台勢孤可下遣將榮維善出奇兵越山襲清江連克鎮遠方合黃運昌軍會攻台拱過黃飄道狹苗薄之運昌維善俱死急遣龔繼昌蘇元春分克巖門甕谷諸砦遂破革夷復台拱城於是屢賞御用珍物至是賞頭品頂戴而諸悍苗悉衆踞九股河倚丹江凱里巉險爲守九股河者黑苗地也自明世阻兵約降而已未窮其境公乘銳督兵益急平其砦二百數十所連克丹江凱里於是乾隆中所設六廳城皆服苗酋張朽迷踞雷公山會暑兩公親執桴鼓督戰諸將肉薄奪其砦張朽迷跳免而勢已窮不能軍數月捕得之苗疆平賞騎都尉世職公貌中人沈毅寡



言笑目奕奕有威稜用兵規畫全局不輕出邀利乘危薄險部  
勒堅忍不可挫撓駕使才雋程量尺寸必盡其用自其用兵數  
百戰未嘗敗衄而平苗功最鉅自漢西南蠻濡化內屬其種負  
山爲阻在黔楚者曰苗種最繁爲亂亦最甚明設土司經紀之  
畔服相仍未有衰止國朝乾隆嘉慶數十年間大舉深入殫竭  
兵力以改土歸流臣畜長養亂是用弭至道光之季又數十年  
矣撫馭失宜垢釁叢生姦民翫法窟穴其中相獎爲亂黔西苗  
并起剽掠城邑滋蔓數百里故所營建地盡還爲苗西南邊防  
日棘連屯相持積二十年公審度形勢以知苗情向背緩急摧  
擊剽悍落其牙角搜剔巖窟蛇伏猱升窮極荒梗緹兵四擊苗  
驚以爲神每平一砦旁砦降者推誠諭化示以信義苗民大歡  
言者謂國家席全盛之勢經營數十年易置將帥虔劉捷伐僅  
乃克之公以萬人蕩平苗砦數百斬刈者數萬撫綏安集又十  
餘萬黔西南大患以息湖南數百里邊疆帖然不知有兵公之

功爲大旣克雷公山功垂成矣而公感瘴病風痺還軍施洞以  
龔繼昌蘇元春唐本有謝蘭階分領其軍指授方略檢其渠帥  
遂以訖功自公病歸又二十年勅建詒經書院蠲施族田及諸  
有益地方苟知焉必致於行苟行焉必要於久恢奇自喜身負  
天下之重處鄉里益務發擡不以自弛其志曾祖際雲祖上錦  
並以公貴贈光祿大夫父居正歲貢生封光祿大夫妣皆夫人  
以道光己丑歲某月某日生光緒十五年己丑歲某月某日卒  
年六十一湖南巡撫以聞贈太子少保事蹟宣付史館詔湖南  
江西貴州建專祠祀焉配魏夫人繼配萬夫人子五人曜衡縣  
學廩生鏞分部主事匯湘縣學附生啓驊啓騶葬所居武岡玉  
屏山之原公少貧出就學道經櫟社以爲常鄰嫗忽夢櫟神告  
言席生非常人旦暮過我幸爲署門屏蔽我嫗以是奇公頗資  
給之其後嫗子亦以從軍功階二品云銘曰籍氏爲席原始自  
環曰廣曰衡漢晉之間光祿建威功績以起爰及闡文列名於



史以功受爵實徙湘西江右再徙莫究端倪公之初起亦以文學俯仰直縈參稽管樂狂寇四獠丁時艱虞用提一旅以訖天誅黔苗失馴連三十稔地遐勢阻公計之審萬險羅胸騰駕虎貔自天下擊霆奮颺馳勳其梟頑馴良弭伏功燁截刈心存煦育世亂才興實資武功湘士莘莘挖雅揚風公提兩戈萬人辟易帷鐙夜張沈酣篇籍未竟其施以羸其身神徂名永來考貞珉

繆荃孫尙書銜甘肅提督周公神道第二碑云聖清中興湘楚人才雲龍風虎後先奔走而有魁倫冠能獨當一面以誠懇之質建犁墾之功如尙書周公者亦可謂加人一等者矣公諱達武字夢熊號渭臣湖南甯鄉人曾祖□□祖□□父□□均以公貴封建威將軍妣皆一品夫人公年少倜儻有英氣昆弟皆讀書而公獨否咸豐四年入李公續賓營續賓弟續宜見之曰將才也從克湖北省城擢守備戰江西湖口進都司公每戰必

酣飲手大旗盪決賊輒驚卻有譖之者李公曰吾見其人陳銳  
非醉不及此卿等勿言明日令領信字營百人爲先鋒八年夏  
復麻城克黃安擢游擊花翎忠武征皖公率壯士七十人先登  
克舒城而左耳受鎗傷甚重因回湖南九年春僞翼王石達開  
犯湖南邊湖南防軍多出援他省腹地空虛巡撫駱公秉章別  
募新軍求將才公以左公宗棠劉公典薦令與王永章各領五  
百人勦寇祈陽邵陽皆捷所謂章武兩軍也石逆犯寶慶公守  
東關拒戰破賊擢參將十年援廣西克富川平古城復賀縣擢  
副將石逆中旗賊犯永明後旗竄柘牌再破之論功以總兵用  
同治元年粵寇別股陷湖北來鳳期與石逆合公與各軍敗之  
復來鳳詔賞三代一品封典時湖南邊境肅清公以母喪歸無  
何蜀亂未定駱公秉章爲四川總督調公八月抵蜀境適寇酋  
周紹勇由大甯竄陝命公追擊公以城口廳窄子口爲最要間  
出阨之口當兩山間僅一面可上令裨將李輝武何世華踰險



入賊抵禦不及遂潰追至大竹安吉場禽周紹勇九月蜀賊郭  
刀刀竄儀隴公敗之苾苓場斬級千餘追至鼎山鋪賊三日不  
食皆降禽郭刀刀郭刀刀與周紹勇爲蜀中劇賊至是悉平詔  
授公四川建昌鎮總兵官二年夏護理四川提督時粵寇僞扶  
王陳德才陷漢中擁衆數十萬全蜀大震駱公令公增募軍領  
四千人往來游擊蜀中以安三年蜀寇蔡昌齡粵寇僞啓王梁  
福成由漢中竄陷甘肅階州階州與蜀連公議以勦爲防越境  
擊之二月與賊十數戰偪城爲營斷其出路乃隧地入而階州  
地多沙石穴十餘處皆爲水石阻最後公度將台山斜進直達  
城根復穴地道實火藥其中雷發城崩十餘丈死士四百人從  
灰土中躍入萬衆隨之克階州斬昌齡禽福成還成都駱公上  
戰狀詔以提督記名並賞上方珍物六月公領八千人討松潘  
叛番平之冬十二月詔授貴州提督駱公奏留駐軍瀘州防滇  
邊野夷六年擒匪竄陝西左公宗棠咨公會剿駱公奏留防蜀

邊乃令部將李輝武率三千人入陝七年署總督完顏公崇實命公領四千八百人勦越雋裸夷斬級數千諸夷皆降詔賞穿黃馬褂九年詔赴貴州提督任先是四川援黔之師萬餘人歷年用餉千餘萬至是川督吳勤惠公棠論罷其軍請公莅本任總軍旅月由四川發實餉五萬八千兩供軍於以重黔權紓蜀力詔可其奏公乃率六千人行沿途勦平苗寨無算遂抵貴陽與巡撫曾公璧光議戰守先後召募逾三萬人當咸同之際朝廷方亟東征未遑南顧但責四川湖南出師援勦黔省尺籍久虛無自主之兵省城百里外卽莫能制馭公至由龍里進規凱渡將上下游賊截爲二旋復都勻與巡撫合疏言黔省上游自清鎮西達畢節道路梗塞盤江以南諸城久經回據苗夷仲黨倚之爲援下游平越甕安爲遵義屏蔽接近苗疆不可無重兵扼防而都勻新服前有八寨巨股後有獨山麻哈之賊阻截糧運是必打成兩橛使不得通聲息相援應然後可議勦撫詔從



其議十年正月進師高木塘距麻哈州十里苗營山巔四圍阻水進軍克之並下螺絲牛角中山等砦平楓香樹以下二十餘堡八寨酋聞國興踞山谷有年上書求撫又懼誅不敢出公以貴東大勢必先收八寨收八寨必先得國興遂貰俘者縱使去國興果因是以獨山團首唐大烜皆降公責令收回八寨上下江三脚自贖國興等感激立功於是盤江以北無賊踪遂令何世華率四十人守盤江防上游各軍東下會楚軍克丹江凱里時麻哈州尙爲苗據五月公遣將會紀鳳周家祐鄧千勝鍾開蘭次第攻克降下四十餘砦州屬悉平與楚軍隔一水哨旗相望公數十戰而克清平黃平二城楚軍又破天星台頭兩要隘於是黔楚兩軍始合十一年正月公部克龍家狗頭二砦苗奔平茶牛角坡衆尙二十萬公約席部由凱里公由清平會剿一鼓破賊斬級三萬百七十餘寨皆降生禽賊酋包大肚金榦榦楊文開于陳及其黨劉開甲王鳳開等二十二名李高脚李文

采兩酋竄至荆蓬坎公部三路追擊盡殄之時張秀眉爲楚軍所禽高禾爲黔軍所禽於是苗曷悉平詔賞公騎都尉世職湖南巡撫王公文韶繪圖獻於朝以雍正間新闢苗曷六城古州台拱清江都江丹江八寨爲楚軍所復都勻麻哈清平黃平爲黔軍所克川黔軍公所部也計席軍征討五年公部征討二年苗曷大定四月上游與義回教各匪蠢動公遣將討平之斬回酋馬斯駿五月遣將會滇軍攻普安新城新城最險賊碉林立旬月之間傷兵士三千人驍將文德勝亦戰死公聞信疾馳至以攻堅非策下令招撫賊遂降上游亦肅清以弟湖北候補道康祿鎮之明年復叛康祿被戕復往討平之黔中自咸豐甲寅遵義楊澂喜倡亂至今十八年苗教號檳各匪如麻加以粵逆來自粵西回逆來自雲南蝨蠹叢叢無從經理公截分上下游之策行勝一仗獲一仗之益得一地收一地之效下游與楚兵共定之上游則黔軍獨定之新城蕞爾愛將難弟喋血併命僅



乃克之然後黔疆永靖焉嗚呼可謂功矣十二年公率全隊至蜀散軍乞病歸光緒三年詔受甘肅提督回酋自白彥虎竄出關外關內番族就撫黎園番例貢馬匹歲由提督派弁點驗入陋規銀數千兩公憫窮番困敝咨請左公宗棠裁去之並請籌撥銀兩貸與各族資牧養番民感焉十年妖民王林倡亂於高台公討平之斬王林十九年皇太后萬壽慶典加尙書銜明年正月卒於官年六十八歲詔建祠立傳夫人戴氏封一品夫人長子家濂以一品廕生襲世職次子家純孫聲蕃公幼失學及爲將始讀書明大義通鑑中兵事之要者多能舉之生平敬禮賢士陶君森甲黃君沛翹均公所識拔者尤篤於故舊永固協謝永祜早爲營官公爲哨弁及公爲提督以舊屬禮接見永祜待遇有加人尤多公謙厚云先子自黔罷官公招入幕迨克階州爲先子請開復別二十年書問稠疊不少間荃孫於同治甲子謁公蒿溪營次公詢其學憐其貧勸以上進而頻年仗助之

惜僅得一官垂老不遇不足稱公之期許而知己之感獨深謹

次其事而銘之曰亞夫盛名子隱氣節龍泉太阿峽峽不缺磨

盾作字擲戟長吟劍水一編得失寸心公之大綱傳之國史觀

縷私情尺幅不止我年弱冠萬里趨庭公禮先子橐筆在營營

次謁公衣冠了烏萬馬無聲九秋月皎時重九次日即賀公重

皎催詩更補菊花一詩契合目我以才告語先子蓄意栽培負

笈從師爲籌脩脯上計踐京爲籌資斧迨公謁帝我官蓬瀛顧

我而笑自詡非盲愧我疏狂微官落拓負公期望耗耗一鶴公

之偉績尤在黔疆奈何記事專美研薌湘定下游黔定夫上進

軍凱渡先扼其吭湘禽秀眉黔禽高禾兩會授首乃奏凱歌我

發憤言公真大量萬里馳書戒我躁妄事功具在公論自存方

略後出果如公言建節甘州屢懲僭竊清河推公目爲豪傑張

果入都言甘肅伏莽可慮幸大星既落典禮恩榮過於一疏暫

緩易名偉績如公常逢齟齬若我落落敢嗟咄咄九原可作吾



誰與公公歸兜率知音日稀不敏無文自陳胸臆作第二碑庶  
無慚色

繆荃孫欽差大臣貴州提督兼署貴州巡撫田公祠版文云光  
緒二十二年正月鎮筸田公子應全持其先德前欽差大臣貴  
州提督兼署巡撫事田公忠普事略來泣而言曰先人戰功彪  
炳寰宇嗣因教案遣戍西域賜環未幾告終家術應全甫二齡  
耳幕府星散無人撰述前年走貴州遇故部曲今貴州提督羅  
公孝連爲撰事略因先人未復官不敢立碑墓道乞吾子次爲  
文庶事蹟得以傳播或可少慰先人於地下荃孫昔聞先君子  
談公遺事有出於事略之外者其敢以不文辭公諱興恕字忠  
普湖南鎮筸廳人祖宗然父慶和皆以公貴贈建威將軍妣皆  
一品夫人公性果毅驍勇絕人挑入鎮筸鎮標洪逆秀全圍長  
沙公隸鄧忠武紹良軍救援省城地雷發鎮筸兵拒之不得入  
公與有勞賊退屯湘江西岸連營百數巡撫駱文忠公秉章募

人夜驚賊營公應募隻身挾一小舟而去以竹筒注火藥其中間三四營薶其一以路之遠近然緹之長短同時並發賊營大擾公跳歸賊數百追之公覆舟爲障泅水而渡文忠賞其勇時年甫十六也咸豐五年委充哨官隨湖南候補道王葆生克郴州六年獨統五百人名虎威軍隨前四川臬司蕭啓江援勦江西克復萬載縣袁州府城七年由上高進攻英岡嶺賊巢石逆達開率匪三十餘萬圍公營公部千二百人日夜鏖戰左手受傷戰馬亦死徒步轉戰奮不顧身賊退十餘里斃賊千數以少擊衆人服其豪四月進攻臨江府城賊死守不出公開掘地道約諸軍會攻地雷發城裂數丈公率親兵先登城賊死拒諸軍徘徊不進公身受重傷隨從兵勇戰歿百數城遂未下八月城賊冒死撲營公亦死戰賊被殲無一脫者自此閉關不敢出九月逆黨合四十萬衆連營數百座來援蕭公畏其衆約公暫退公力主戰慷慨言曰兵在精不在多賊雖多易與耳公力扼城



賊興恕願率所部爲先鋒公命章武平江兩軍援之必能爲公破援賊翌日出入成隊公率壯士卷旗直擣中堅賊張兩翼圍之迨章武平江兩軍公旗已深入賊中圍甚厚見公旗麾東援西賊不能遏因亦夾擊遂燬賊營數百座餘賊遠竄城賊亦潰臨江復八年克崇仁樂安宜黃南豐各城四月克撫州府江西一律肅清敘功洊升副將總兵銜並賞摯勇雙巴圖魯貴州黎平府圍久不解駱文忠公檄公援勦八月統軍抵黎平屬之潭溪司理料軍事次日卽攻破北門賊營入城安撫又次日攻破南門賊營又次日攻破西門賊營經年之圍三日而解闔城文武同聲稱頌謂自被賊以來未見有用兵如是之神且速者羣慶更生至今猶銜感不置再克古州永從等處時石逆竄湖南圍寶慶府又檄公募足四千五百人回援三月進抵寶慶之九拱橋時石逆圍城號稱百萬並分兵圍公營自四月合圍無日不戰初挖濠築牆以自固後牆倒濠填與賊聲息相聞互攻互

拒一夕數起一餐累輟至六月中糧藥將罄公另挑營中敢死士號曰死勇將決勝負於一戰會前安徽巡撫李勇毅公續宜由鄂來自外攻入公率死勇由內應之斃賊萬餘人先燬附城賊營三座東西南之壘亦連日攻下勢如破竹石逆退入廣西改死勇名曰長勝軍移駐靖州旋命署貴州提督督辦貴州軍務十年取道銅仁分三路進解印江思南石阡等城圍並克貓貓山等賊巢兩旬日內復地數百里四月授貴州提督十月石逆猝陷荔波獨山定番廣順省城戒嚴前巡撫劉源灝請保省城公率所部馳抵省垣布置城防親督大軍赴定番迎勦石逆聞公臨陣棄城南竄當公未進省時僅午未時開放南北兩門出入迨公擊退石逆各門如常人心大定十二月授欽差大臣關防十一年兼署貴州巡撫時年二十有四也時上游猺狝各族下游苗教各匪府無完縣縣無完堡公分路援勦屢挫賊鋒招撫着各逆首唐天佑賈福保陳大六柳天成等克復歸化荔



波定番廣順獨山等城疏通省道聲威大震同治元年西人文  
乃爾傳教入黔公惡其倔强殺之西人譁於朝命褫公職交川  
督查辦隨帶長勝軍一營出省士庶焚香跪送不絕於途者數  
十里公悉慰去之途次遵義屬之旺超值前雲貴總督勞文毅  
公崇光爲賊所困勢甚急公聞之驟馬衝入大呼曰田某在此  
鼠輩敢爾賊驚潰翼勞公出四年發往新疆効力行至甘肅前  
大學士恪靖侯左文襄公宗棠奏留防秦州甘回不敢犯境十  
二年釋放回籍鎮筮兵蠢動公出彈壓立靖光緒三年十月十  
八日卒於家年四十有一公將事以敬待人以誠未嘗讀書用  
兵輒與古人暗合生平戰績江西湖南爲多而措施之難心力  
之瘁尤以黔中爲極蓋黔中當承平時常需各省協濟嗣罹大  
亂公私壁立鄰疆同禍呼籲無靈公挫狂寇於初來保危城於  
垂破徵兵籌餉於萬難措手之中布置秩如又於前政寬弛之  
後稍稍繩之以法謗怨沸騰卒不安其位而去羣惜其才而悲

其未竟也公身爲疆臣治軍十餘年家資不及鉅萬偉矣哉爰  
次其事而系之以銘曰巖巖鎮筮五谿上游土風慄悍爲國好  
仇公起疏賤束髮授仗渾瑊石峯功立跳盪出援江西突將無  
前無捷不奇無摧不堅呂蒙刀盾高昂旗鼓陳如撒星戰如驟  
雨地險而瘠莫如黔中苗教狃獯蝻叢叢詔畀我公總軍開  
府又我人民固我疆圉公率萬衆先奠會城四門洞開民心大  
甯巨竹須解溼薪須束軍衛民生民輸軍粟方期傳箭大可犁  
庭盤江洗甲黔靈勒銘講張祆教猙獠彼族無禮於君鷹鷂同  
逐公卸提省謝恩疏有云各爲其主常懷犬馬之朝旨詰責伏地  
之勞無禮於君妄擬鷹鷂之逐天下傳誦之引愆置對華陽謫戍祈連迨返田園重安耕鑿霖雨未施大星  
遽落聖主知公始終保全公績未竟公名已傳海水西流景風  
東扇世無壯士誰堪一戰公魄在原公魂在天再生申甫圖象  
凌煙

成山老人自撰年譜戊辰年四十歲前見白當是時平越清平



麻哈被脅犵狁狝西家短裙土家水家良苗數百寨皆來乞降咸給與旗榜令參將唐天佑率降人莫掄元間道入據平越州城屬蹇閻以一營駐小轎頂備安順夷酋巖大五餘所部安吉兩營何字營隨余進規苗置黑苗數千據牛場祁山壘九龍山烏雲山攻我甕安爲鄧錡擊敗斬首五百餘級我總兵吳洪貴陣亡七月二十日余力疾馳至馬龍井督諸軍進擊賊敗走苦雨兼旬疫癘大作遂移駐牛場我軍自渡河以來觸冒暑雨晝夜奔馳至是死者十之八九悉以降人充補又安定增募兩營果毅四營一皆降人師行甚速糧運不濟乃於牛場設總糧臺屯儲軍火米糧自牛場至遵義每三十里設一轉運局修造倉廩顧夫遞運人負米二斗行三十里給米半升銀七分回空如之又於遵義郡城設局募養長夫三千人專運蜀來軍火以知縣蕭濟川總領其事當是時張玉文帶三營會振武軍唐天佑自平越趨羊大山高規苗賊來拒自羊大山至二龍山八九

十里間被脅漢夷數百餘寨前受旗榜者四起嚮應賊衆奔散遂復麻哈州城潘名傑亦自都勻來降乃請黔委曉事大員帶兵前往料理令張玉文移師楊老以備下司凱里劉鶴齡自攻拔地宋狗望河以內犴狝悉就撫部署定十月十日余馳抵酸湯寨督諸軍攻打鐵關令鄧錡自藍家關乘間同時並進遂拔上塘苗賊敗歸黃平舊州重安司十四日移駐上塘令劉鶴齡乘賊不意夜半急進攻舊州城拔之賊竄新州二十四日劉鶴齡攻新州拔之毀其穀而還苗置大震又以楚軍留屯寨頭未進於是殺牛聚議以三萬金犒苗酋金扛扛襲牛場猴場甕安擾我後路我軍退然後並力以拒楚軍余諜知急遣顏佐才馳守牛場果毅後營周萬順副前營楊繼春扼楊家林安吉後營田應豪往來援應而苗賊已於十一月十二日乘大霧圍撲洞口壘署平越州馬樹清殉難男婦死者四百餘人賊遂進撲牛場我軍堅壁不動既周萬順楊繼春自楊家林赴援顏佐才乃



開營夾擊陣斬金扛扛賊遁我軍追至翁巴救出婦女百餘口  
當是時我軍僅萬人自舊州以至楊老首尾曲折分布數百里  
又分護各路糧台把截僻徑前敵之軍不過八千人又皆不能  
併聚一路自攻拔舊州上塘日益與苗巢逼近上而黔軍不可  
恃以致凱里丹江之賊麇聚黃貓嶺下司以阻我楊老之軍下  
而湖南防邊數十營不過雷池一步以致鎮遠施秉之賊日與  
我舊州上塘之軍相持席廉使寶田頓兵寨頭數月不進以致  
台拱清江之賊得並力於重安清平斯時若但懸軍深入窮極  
兵力亦自所向無前而前去後空賊皆得出空闊無阻之地以  
撓我是我將反客爲主疲於奔命而賊得以逸待勞常操勝算  
非計之得者乃令開甕降人所在小寨併聚大寨老弱米穀悉  
移入保並力險要部署定將以春來進規清平重安黔大吏無  
可與言乃上書湖南巡撫劉公岷陳說利害 己巳年四十一  
歲我軍自攻拔牛場以來殆無日不戰賊數數擾後皆大創去

而我上塘舊州楊老堅壁不動凱業凱少苗酋李阿七保豆乃糾黨數千乘歲暮竄踞羅坳分擾大麻窩巴巴箐楊家林縱橫百餘里楊老糧道斷絕正月二日檄總兵謝鴻章游擊楊繼春守備王成忠各率所領精銳合千餘人馳赴牛場取道楊家林直攻羅坳檄田應豪劉占斗蘆坪兩營會之於是分擾之賊遂聚羅坳九日我軍自平昌馳之斬李阿七賊大亂田應豪等亦至合勢縱擊殺賊甚多奪槍械四百餘件賊狂奔向清平去十八日雪霽王成忠等會楊老各營合攻冷水遇賊於賈家墳柏楊坪斬其兩酋生禽百餘口會席廉使督攻施洞口分軍規鎮遠施秉約進重安以分賊勢乃檄王成忠等歸二月六日劉鶴齡督九營進規重安三路並發賊酋楊文章於苦竹兩崖中伐大木列柵數重以拒楊繼春王成忠先登破之左右兩路並到賊死傷狼藉潰向重拜我軍乘勝掩擊連下重拜破塘龍角數十寨七日分兩路直撲重安賊大奔奪獲牛馬米穀甚多是



日鄧錡自舊州進拔大楓鋪轉戰而前據黃平州城賊屢來爭破之余進駐重拜檄潘名傑王恩榕分攻天心橋苗里達子硎羅岑賊巢掃蕩盡乃移重安會劉鶴齡自是賊日來爭皆爲我軍擊退乘勝掃蕩老鷹壘絞紗等數十寨拔出良苗一千餘戶以實重安司城復檄楊繼春王成忠率所領會鄧錡掃蕩近州城二十里內賊巢百餘斬獲甚多賊皆竄向甕谷隴施秉先是劉鶴齡進規重安時余檄田應豪潛渡狗望河劉占斗潛渡小巖河劉舜祥自平良真武山搶渡以與劉占斗合勢拔出狝猪男女一千餘口參將劉德順連破高粱谷硎平旦白蜡威翁尾稔等三十餘寨拔出狝猪一千餘戶環清平東西北三面剿撫略定余乃以三月二日督于德楷王恩榕鄧有倫楊繼春潘名傑等各率所領自觀音山進規清平檄王成忠李孝德向秉忠各率各領勦玉麟山檄劉舜祥劉占斗田應豪自虎陂來會攻大風硎黎明渡重安江數路並進觀音玉麟縱橫二十里內賊

巢望風奔散我軍乘勝直趨大風碛賊酋楊文章率黨數千正與劉舜祥等相持于德楷楊繼春自黃土陂鈔其後賊大奔向香爐山去三日我軍兩路並攻清平縣城賊望風逸連下羅棉堡二磴千巖流水大小泡木月亮陂等數十寨拔出犴狽西家四千餘口是時陳提督希祥率所部達字營至楊老會張玉文攻拔冷水余乃檄令進據清平十四日檄陳希祥攻萬潮堡余自督于德楷等五營攻狗場老巢未至五里與賊遇分路衝擊賊大奔立拔狗場方築壘賊復漫山而來我軍且戰且築至暮壘成賊乃退而陳希祥攻萬潮堡乘勝馳逐遇伏張玉文援之得不甚敗十五日漁梁平茶凱里賊數路來攻余堅壁不出至午賊氣衰乃開壁馳之斬賊酋吳阿考賊大敗去乘勝掩至新寨拔出犴狽四百餘戶是夜得劉鶴齡函告鄧錡奔母喪去鶴齡欲自赴新州會楚師攻夔谷隴先通楚蜀聲勢掃蕩施黃淨盡楚軍漸引而上我軍再移向清平攻下司龍頭河進規凱里



則兵勢厚集氣局穩固請余駐重安以爲黃平清平上下聲援  
余本約陳希祥急趨龍頭河余自趨魚梁逼賊歸巢扼河而守

河發源都勻至沅州之俗呼清水江然後陳希祥分軍料理下  
合所謂沅水五溪之一

司余由漁梁與劉鶴齡夾攻螃蟹以趨甕谷隴會楚師清水江  
北岸肅清苗置勢成破竹不圖陳希祥一挫不能急進機勢已  
頓而鄧錡又復奔喪去皆非意計所及料者論目前局勢以劉  
鶴齡所籌爲萬全乃屬張玉文陳希祥扼守清平以安吉中前  
兩營守牛場田應豪何行保守虎場陂顧清平後路余於十九  
日率于德楷等還重安無何楚師覆沒於黃飄繼以黔師敗潰  
都勻不守而我軍糧餉兩缺鉛丸罄盡勢不能懸軍獨進乃以  
重安新州清平爲老營抽前敵防後路自重拜上塘藍家關以  
至甕安自大巖地宋以至牛場又自牛場馬龍井大麻窩以至  
水尾每三十里輒駐一營以護轉運行李往來咸就棲止遇賊  
擾後則於重安八營中抽簡精銳縱橫馳擊先是我軍自拔牛

場以來皆因糧於賊蜀餉又不時至以故采辦少至是檄糧員蕭濟川馳還遵義開譬城鄉父老暫賒糧米餉過時截償又慮遵義米或不時至復遣人於貴陽設局采辦轉儲水尾部署定而各營存糧僅支十日乃遣間四出訶知某賊巢有糧去營五六十里或七八十里夜簡精銳數百人令劉鶴齡于德楷領以往別遣千人持筐攜袋尾其後天明掩至賊出不意奔散劉鶴齡等駐隊以待般取盡乃徐徐斷後歸率以爲常及五月望遵義米源源來又時值裁插運夫無多有米不得到營乃令各營率出五成隊分赴甕安牛場水尾取十日糧以次輪轉糧相去或三四日程或五六日程又或遇天雨溪漲輒復停留往反率是十五日到營米止得半往往雜取野菜煮粥以度時或一二日不得食者艱苦如此然一聞賊至輒踴躍赴戰無二心而黔大吏乃檄定番廣順州牧禁民間米勿得賣川軍余寓書爭之久乃弛禁至七月平越甕安大熟我軍就近采辦始相慶得一



飽云當是時賊張甚並力於我既以重安不能動搖乃時糾衆潛擾我後又皆不得逞則殺牛議榔糾衆萬人苗酋金幹幹等自下司出平越楊家林張老熊等自凱里出鷄場至九龍山兩路合撲牛場別約黃飄三堡之賊自施秉出擦耳崖以襲甕安李阿金楊文章率死黨數千於鐵廠以綴重安老營余偵之乃檄副將向長曙守備李孝德都司向秉忠簡精銳五百馳赴牛場以待檄游擊楊正洪嚴守甕安縣城七月二日金幹幹至楊家林我軍馳之賊三千餘漫山以拒我軍大呼奮進斬其酋顧阿送生禽一百賊大奔張老熊不知楊家林路已敗於三日率黨六千餘由翁巴呼躍而來聲動崖谷我軍先期伏於九龍山下俟賊近乃張旗鳴鼓而前張老熊乘白驃在前指揮我軍擊之應槍而斃取其首及白驃又斬僞天師趙里夢賊遂披靡追奔二十里斬首數百級生禽四十槍傷無算奪軍械數百件牛場穩固向長曙等移師甕安會楊正洪迎擊擦耳崖賊望風

奔潰我軍搜山而還余以五月望後臥病至十月上旬始能扶杖而起瀕死者屢矣自念一切掣肘乃請還蜀陳說利害實欲乞罷兵柄十二月至成都謁吳公爲陳利害請裁定且懇解兵柄吳公慮置黔事不辦黔楚交章劾之乃許給餉十萬買米不允余辭會合肥節相李公鴻章奉命督師余乃扶病還營 庚午年四十二歲二月至牛場部署後路余以去年糧運不濟致不能暢意進取乃以七萬兩於遵義思南陽貴買米一萬二千石運至孫家渡袁家渡水尾存儲三萬兩買馬二千匹自孫家渡袁家渡兩路各設馬二百匹運巖坑巖坑設馬二百匹運甕安甕安設馬二百匹運牛場水尾設馬二百匹運大麻窩大麻窩設馬二百匹運牛場自牛場地宋大巖各設馬二百匹以次轉運重安餘馬二百匹備疲乏更換三月中還重安將俟一切粗就前敵有糧存糧不致時戰時停而吳公嚴檄促戰謂停兵一載糜餉百萬不得已遣軍先潛襲東坡逼賊向黃飄二十六



日鄧錡督周萬順等五營自新州趨黃飄劉鶴齡督李孝德等六營自濫蕩田進于德楷督劉德順等四營自炭坑坳進黎明三路齊到立拔黃飄大寨乘勝進拔白堡二十七日拔啞壠蒙枷擺壘等二十三寨斬首六百餘級獲牛數百軍械千餘件焚賊屋五千餘間收撫犴狽四百七十戶留周萬順三營駐黃飄四月二日鄧錡于德楷督七營由東坡分勦濫橋驛馬路哨等二十餘寨會施秉之楚師於草塘關五日勦黃雅半山斬賊酋保阿當六日賊來攻新州黃飄均擊退七日各營自甕安領米歸九日劉鶴齡督十營進拔巖鷹壘斬首三百餘級十日鄧錡自新州移營黃飄十一日劉鶴齡攻加巴牛場仰朵大巢賊萬餘分路來拒而革夷三秉螃懈等處悍賊萬餘復數路圍鈔劉鶴齡身自搏戰我軍人人苦鬪自辰至酉拔其巢禽斬千餘我總兵姚華萃都山楊通祥陣亡士卒亦傷亡各百餘人是日鄧錡于德楷進營甕谷隴賊漫山而來我軍且戰且築壘夜半壘

成賊乃退我軍駐巖鷹屯甕谷隴已入賊心腹周環十里二十里堅巢林立以百計賊衆且悍而老林密箐糧運愈益艱阻乃分軍雕勦自十四日至於五月九日以次掃蕩馬頭巖黃泥坡巖寨蝦蟆塘黑沖坳口楓香大坪新莊陳溪馬路干塘翁開白堡唐都野落黑溪等寨洞斬首千餘級是時楚軍破高山仰擺巖門甕板新城進攻白洗附近甕谷隴惟叫鳥大洞洞寬廣三里餘上下四門曲折相通中有一溪環護洞口其內門徧鑿槍礮眼地勢險甚悍賊二千餘家悉聚於此此洞不破清水北岸終難肅清乃令鄧錡督周萬順王成忠等八營於十二日冒雨進擊賊敗入洞我軍圍之賊從礮眼轟擊我軍輒多傷亡鄧錡乃督隊填塞下洞又於上洞開掘明壕直抵洞門伐木數萬束堆壕內乘風縱火賊於內門用棉絮堵塞鄧錡重賞募死士十餘人掘開內門然火煙爲水氣所蕩賊支拒如故或請以硫黃斤許撒入火中從之二十九日火息煙消我軍四路湧入賊立



者坐者手持槍礮行列不亂而已氣閉矣是役也我軍冒大風  
雨環攻十八晝夜殲賊男婦老弱五千餘我守備駱安邦陣亡  
弁勇死傷三百餘人賊酋李阿金楊文章以我軍圍攻叶烏洞  
糾革夷雞講凱棠悍苗數千於煙瘴山築七壘欲乘虛攻我崖  
鷹壘適我軍已破叫烏分路擊之李孝德先登斬楊文章李阿  
金滾崖逸賊黨奔散斬首五百餘級獲槍械千餘件當是時賊  
耕作失時黨羽破散不復能如前動輒糾合一萬兩萬衆抗拒  
官軍而楚蜀兩軍聲勢通聯自重安至鎮遠往來無阻秋涼楚  
師病起悉軍南渡七十餘營進攻台拱次及丹江我軍移向清  
平平越分規都勻凱里上下合擊近則歲暮遠在明春苗豈可  
以粗定而吳公乃函商黔大吏全撤川師月協餉五萬歸黔自  
辦或酌留兵任辦上游屬余馳稟實在情形便卽定局吳公本  
不欲余終盡其事而是時周達武在成都爲諸生所辱力求當  
事請帶兵赴貴州提督本任黔中大吏自以所爲不法慮余一

且成功蒙恩超擢得奏事後盡劾其欺侵不法狀必欲排而去之羣小又復交構媒孽其間余念旣已孤立不爲人容而欲成功無後咎於勢未可乃復陳歸黔自辦爲便或留兵扼守烏江並請肅清清水北岸便移師甕安牛場以待遣散乃自六月十九日至七月三日掃蕩黃飄太平白計等大小二十一洞復檄于德楷王成忠分道大搜至於舊州施秉縱橫三百餘里老林深谷靡不畢到斬首五千餘級殲賊酋黨廣西潘金所潘阿講潘厚里潘三麻楊菊九潘哀甕後路賊蹤淨盡而螃蟹兩坳賊五千餘家南岸接凱棠凱少革夷右連漁梁五全林箐茂密地勢險峻周環數十小寨十五年來官軍未能一至其地乃以十二日夜我軍四路並發天明抵賊巢賊殊死戰而凱棠凱少革夷賊渡河來援我軍乘半渡擊之斬賊酋爽少吼賊大奔我軍數路合蹙拔其巢復乘勝破馬郎陂大小翁蕩等六十餘寨渡巖頭河掃蕩漁梁五全生禽賊酋楊那尙斬首四千餘級投巖



溺水死者甚多於是清水北岸肅清當是時南岸凱里凱棠凱少革夷火燒賊大震悉將家屬移上都勻而上下江八寨之賊咸來就撫余以月餘不得吳公還報而疫癘大作師人多病糧運益艱乃先移前撫良苗五千餘家於牛場獲安十八日與鄧錡分道以次轉營而退全駐平甕間就糧函告陳希祥暫駐清平勿動以待後命意謂吳公如悔悟不罷兵者我軍卽出平越清平分規都凱復我本謀於軍勢糧道乃爲活動乃二十一日至牛場得吳公還報但令沙汰疲卒繼復檄令妥議川黔兩顧兵餉兼權毋遽爲移師就食地並謂鄰疆退有後言孰任其咎原其始意欲往返宕延俟軍心搖動自變然後劾余以周達武來代繼恐余全師而退楚黔交章劾之思委咎於余又慮余不任咎余稟謂黔謀自以戡定爲期增兵益餉不肅清黔省不止爲蜀謀自以裁兵爲上節省餉需固我疆圉以紓民困事理判然兩途不能遷就其次則有如節次所陳或扼烏江以顧遵思

兩郡爲固川邊或守平甕以固貴陽門戶而保省城此外別無  
長策至黔當事倘有後言則請嚴劾余以慰其心是時陳希祥  
所部於十九夜無故驚潰晝夜奔過巴香陳希祥至貴陽黔當  
事匿其狀獨劾余請交蜀察辦而是時湖南巡撫劉公以余退  
師劾吳公吳公恐亦劾余仰蒙聖明鑒察僅予薄懲仍命督師  
或由平越分規都勻或仍由重安進勦命余相度形勢而吳公  
奏謂余舉周達武自代擬月協餉五萬帶所部赴提督任並請  
許周達武專摺奏事報可十一月十四日余遣撤所部畢還成  
都

唐炯成山廬詩稿軍行雜感云

統師入黔自春徂秋有所感觸  
輒記數言閱時既久紙墨遂多

錄成一通命之曰軍  
行雜詠云爾詩曰

禍本起抽釐今更抽釐惡官格榜通衢巡

丁布村落商賈斷往來雞犬聲蕭索餘生能有幾賊去官來掠  
謂言供軍需賊滅汝安樂肉盡創可療忍痛何難割但恐仍舊  
年徒然飽谿壑一膏腴委豺狼烽火連山谷挈家寄鄰縣謂可



免賊辱何來吏叩門雞飛狗上屋聲言符牒下按戶抽軍穀流  
人何處辦脫我身上服服壞甯值錢妻孥會當鬻不肯怨官司  
官司食無肉二神叢日枯槁土梗空樓俯遂令威福權操縱自  
狐鼠譚笑行殺戮誰則敢支柱眊眊輒鬪動以千百聚豈其  
俗使然良由吏不古我思龔黃流參錯置官府從容理亂繩患  
氣或少愈三陷賊十餘年幸復見天日何意官軍來乃更不如  
賊子女恣掠淫資糧盡搜剔飲泣敢誰何悔曾汗脅逼翻思在  
賊時生路猶未窄草長風日悽狼藉血殷色夜夜子規嘯慘戚  
萬冤魄四我聞晏嬰言蘊利則生孽奈何嗜黃金士卒命罔恤  
競言作將領強勝置田宅誅求竭多門徒以餒豺獍貪墨有常  
刑爾來特贅設甯怪十餘年盜賊不少滅庸奴何足論嗟爾號  
人傑五啾啾黃雀鳴招類巢於幕晝游旌旗間鼓翅何其樂似  
言機可乘今歲賊氛弱慨彼都人士流離逝安託好雨昨夜來  
有田不得作號火耀明星環柵傳金柝驅馳逾十年我亦無住

著<sup>六</sup>羣山趨合沓一水蓄瀟沅澹澗下無極窈冥中有精細草  
緣岸長脩鱗游空行垂竿不在釣喜此方寸清流連便終日酌  
酒慰我生安知戎馬際得盡綸餌情苟非忘世人洗耳徒干名  
<sup>七</sup>上天方同雲橫風忽吹散彌望山石焦徒涉溪流斷翕艷星  
月輝昭回雲漢爛千里好田疇圻裂如火鍊雷霆避不行旱魃  
肆爲亂征夫荷戈愁老農釋耒歎我倉何時盈官捐立催辦<sup>八</sup>  
鵬舉平湖寇元直入蔡州皆緣馭降衆用以壯其猶披枝自傷  
心決勝先伐謀匹夫起草澤何用非好仇殺人以求賞永爲壯  
士羞縱令効顏行推置結綢繆曰余寡才略敢謂追前流<sup>九</sup>合  
沓尙大坪截斲玉華山狐鳴扇黃巾窟穴十四年我師六千人  
首尾勢率然蹈瑕入其阻爭機不少延曾未逾兩旬蕩滅飛灰  
煙酋長聿來歸有若兒女焉問余何能爾誠動蒼浪天<sup>十</sup>渴飲  
道傍水飢宿山中露山中瘴癘多寒暑易朝暮因緣疫瘡行况  
乃醫藥誤精渠雖成禽師人亦多故望望大營山纍纍皆新墓



千里從吾來一朝向何處衰矣奚能爲吾亦從此去<sup>十一</sup>寒露下  
希微暝煙漲空曲風湍自成音雲峯互相屬長林與天際孤兒  
就人宿撫事生遠愁悼往慨新目瘡痍勢未平原野氣多淑時  
復進酋長爲我語邦族田疇不負人無爲更佩犢<sup>十二</sup>夙攬兵家  
言上勝在全國况乃余本州更爲官吏逼必若資虔劉何以實  
邦域黔黎向垂盡天意良矜惜不見高密侯安撫來持節在所  
悉嚮應全活累千百嗟爾喜得功賦性何殊賊<sup>十三</sup>久雨無其極  
平地開河山父老驗未見豫憂明年荒告我寇亂來生口家罕  
雙忍死幸得歸蕭條不能邦乃者軍需局令下先填倉十石而  
取二括索到雜糧命也可奈何天意誠茫茫<sup>十四</sup>蹊徑自天垂荆  
棘緣山長策策石上流蕭蕭林中響我徒行負米戴雨共來往  
衣薄無寸乾泥沒膝以上析薪慰其寒舉手覺已強豈不憐苦  
辛王事方鞅掌賊平會有時努力待天朗<sup>十五</sup>服牛而驂驥不可  
以百步况乃纏牽長陰尼復巧忤濁水鱖鱖肥穢場繩蚋附我

自難世羣世豈不我顧天運有乘除人事迭新故奏刀而善藏  
甯被蛾眉妬冥冥高飛鴻弋者何所慕十六愁思不可撥夜來直  
到曉蕭蕭風動幕戚戚蛩吟草勞勞我婦子遠近顏色槁兼旬  
不肯霽安藉瑯琊稻一飽未得知何緣媚翁媪陰陽偶失職寒  
暑難爲好自古有死生嗟今生路少十七海鳥響鐘鼓犧牛被文  
綺名實不相宜徒然駭聽視空山土木靈廟貌何其侈甯能禍  
福人但希紙陌使幽菊擢荒叢芳蘭藝中沚令姿詎干榮素心  
祇自喜蹇修期未來日暮空延倚十八盲人騎跛馬顛仆不待蹶  
雜手揉亂絲纒結那得解本無麻姑爪卻爬邊垂疥所以景升  
牛徒供曹魏膾如此好山川問誰致凋瘵未乞活人方乃唱投  
荒例託付伊何人官職誠大而十九羅施雖邊徼何莫非王民奈  
何視肥瘠乃如秦越人唱和作威福竊幸天不聞忽復蒙上賞  
歌舞會連旬甯知國門外舉目皆荆榛競媚妻孥好違恤道路  
瞋別自有肺腸吁嗟乎不仁二十



平越軍次秋感云秋風來無端壯懷中夜卷攬鏡託平生頭顱  
滿霜霰四十竟何成紅顏遽衰變頗聞鄰家姝粧成待殊眷一  
膏腴際疇隴委棄無所惜乃剝殘黎命謂足供軍實天聰苟可  
塞民命其奚恤哀哉澤中鴻嗷嗷逝安適二包胥仗節誼田單  
奮孤羸卒能奠宗國磐石安不危鬱勃負至性蔚爲天下奇並  
世罕可觀起我千載思三鴻鵠志千里肯與雞鶩爭朝廷養罷  
虎功乃在儒生定亂素所懷受寵時若驚寄言謝儔侶權勢禍  
所傾四悲風動四野苦雨中夜零帷幕尋丈間上漏溼下蒸慨  
彼從征夫衣薄如懷冰豈不念室家寇盜猶憑陵五繁霜會零  
落修葉忽改移登高望西北皇路多崎嶇擾擾往來人勢利惟  
是規安知不恤緯嫠婦中正悲六

部分流民穫稻示同事諸君云八月一日雨舉頭不見天穀穗  
被隴畝倒睡如鋪氈賊退人亦稀眼看徒憂煎棄地委不收何  
翅百萬錢我聞古在昔兵後必凶年年凶盜更起誰與防未然

此中况膏腴賊日所垂涎遠移河西民縱割河東田更爲建倉  
廩在所就儲填部分流亡歸犄角屯連山耕守戰有資一舉三  
善焉紛吾本踈拙與世殊鹹酸乃謬綜師徒戮力效鷹鷂忽不  
自揆量越俎而代權上念國土地下憫民顛連有如中路嬰失  
母無依憐三歎告有位毋甯罪擅專

又黃平軍次歲暮遣興云黃平城外陣雲高椎髻長裙遠遁逃  
贏得路人齊拍手劉侯今是漢票姚一草枯霜重地生稜裙帶  
坡頭兩角鷹寄語小兒休亂射好留健翮快飛騰二半逐溪流  
半落塵雪花狂舞太精神朔風祇道從軍樂故把寒威逼遠人

三平川號火列分曹刁斗聲聲不告勞夜半賊來天又雨健兒  
無語看弓刀四場市喧闐傍壘開輕將性命換錢來卻教迎送

煩飛騎十日爭輪得兩迴餘慶人來舊州貿易恆數百以五日

備賊邀截五顏垣故井竹周遮人道當時是舊家一自亂來流徙盡

年年開落刺藜花六耆舊凋零半在無河山猶是景全殊人言



總說歸鄉好誰道歸來轉不如七風雪凌競夜有聲布衾展轉  
峭寒生自從病後無多睡不是宵長不肯明八播洞河邊草正  
黃雲棲山下雨郎當天容一夜如人老怪道而翁兩鬢霜九  
月曾無半日晴西南天氣向冥冥千山萬徑都蕭瑟祇有長松  
分外青十盤瓠遺種到牂牁生小輕慄慣弄戈螳臂當車知立  
碎春來還我舊山河十一

又休士云機勢正方張南風忽不競豈繫氛其惡無乃師實輕  
乘勝鮮後援涉險寡游偵哀哉我三良千人命同媵徑欲往封  
尸軍實待討倣桓桓劉軍門我衆恃以勁一劉項戰滎陽袁曹  
爭官渡較力遠不侔屢北氣無仆繫惟厲堅忍終更奮赫怒矧  
茲申天討有衆如熊虎成敗決可知處分要當懼先號而後笑  
龜言吾已喻二百里而饋糧士恆有飢色矧乃十日程轉輸復  
寡力正苦張空拳嗟爾更遏糴侵尋瘡痍興病臥屢千百我慮  
信不遠天心諒難測徒奮忠誼懷妄欲奏殊績三憂來如江水

日夜不肯休荆棘委前蹊豺狼橫道周營營飛青蠅百計與我  
仇攬轡欲改轍中路悵無由老氏貴守雌先師戒亂謀請看石  
骨堅甯勝水波柔四

又積雨彌月懷不能寐作此告哀云飄風挾急雨不審何自至  
傾瀉連日昏猶若未盡意蹊徑悉斷絕轉饜特艱滯並日不再  
食師人常惴惴將毋賊當貫胡乃助爲祟不寐但呼天中夜心  
焉悸一黑雲如奔濤突起漲空際震雷鼓其間暴風作之勢羸  
項戰鉅鹿彷彿此奮厲陰陽一失職膏澤乃爲沴誰實司其權  
拊衷得毋畏宵分聽餘滴疑是黔民淚二時節過夏至零雨驟  
添冷我衆衣裳單終夜備巡警寒威入骨髓溼氣貫踵頂况乃  
飛輓艱朽然不宿餉豈不念苦辛壁壘要嚴整恐怖逼人來天  
意真難詞三赤日照不到冥冥卽長暮草木多戚顏烏雀寡歡  
趣巖罅氣上蒸澗底毒彌沍飛瀑不擇出縱橫紛下注甲兵苦  
未洗耕鑿何由饅側聞聖恩深有詔蠲租賦四祁祁我師徒負



戴屬盈路泥溪沒踝游溪漲引手渡晨炊巖下石夜宿天邊樹  
逝將餒豺虎甯止犯霧露苦辛過一年曾不少怨訴對之良懷  
慚自計實大誤五伏波困壺頭艱難可勝紀我今復何殊特病  
未死耳以彼際聖明猶尚積毀訾雅道况陵遲中材何自恃賊  
虜遺君父志士引爲恥奮身不顧家匪獨急桑梓六霄光甫見  
開蒙氣又復作溟渤衡方羊蛟螭上岸落勢將西南坤平沈意  
差樂願得上方劍剛盡雨師脚蒼蒼還正色滓穢都推廓白日  
曜重離起我下民瘼七雨打二十五下月無乾土驗之良信然  
農家祖傳語上天方降瘥何怪人齟齬滿目氣蕭條誰復問疾  
苦苛政尙或存大暑不猶愈憂懼心如焚正不爲賊虜八  
唐炯援黔議云烏江自威甯州西南東北流至西秀入川境其  
南岸爲貴筑修文開州平越甕安餘慶石阡思州思南諸府州  
縣其北岸爲黔西大定遵義仁懷綏陽湄潭龍泉正安婺川諸  
府州縣而蜀之水瀘江合綦南涪彭酉秀實與犬牙相錯黔之

下游自龍貴以達玉屏清溪旁及清江古州黎平皆爲苗匪窟宅而時往來定廣麻哈獨山諸州自開州平越以達思州思南旁及石阡銅仁皆爲號匪盤踞而時往來貴陽安順旣復渡烏江而北游奕黔大遵義諸府州蓋同治二年春以來貴陽行省勢成孤絕而蜀東南不得安枕矣然而黔寇雖橫要皆起於官吏驅迫又未見吾大將旗鼓聽其出沒往來是以蔓延至於今日今爲蜀計非大舉渡江以次掃蕩黔患終不得平蜀防終不得撤何者黔無重兵厚餉僅能自守貴陽一城而牧令又多非人不能撫綏保障我軍但於江北攻克一二城遽爾班師是根株未拔而萌蘖猶存我軍朝還賊夕踵至年復一年無益於黔而蜀已困脫令有腹地震驚何以禦之往者果後奉檄援黔自仁懷達遵義止七日程其時綏湄寇盜震於蜀軍延頸其待招撫劉中丞不自仁懷急進乃更折繞津綦五越月而後達而賊已經其無能爲矣方其前軍入黔遵郡團民相率反正乃賊攻



寨復不援救團寨失望賊遂鴟張頓兵綏城逾年後拔然使其時乘勝渡江直指夔安以與楚軍犄角則烏江南北都可次第剷除失此不赴乃更拔還蜀邊遷延歲月老師糜餉黔蜀大局所傷實多前事之師也謂宜以兵二千駐陸廣河控扼黔大斷賊鈔略毋使分我兵勢而重兵直趨涪夔則正安婺川之賊必斂而歸巢蜀東不虞侵軼涪夔掃蕩席捲而出荆竹園之背與楚師并力荆竹園必拔旣拔荆竹園分道餘慶龍泉鼓行而西控扼黔大之師由修文開州橫掃而東更檄黔師扼清水江以斷苗匪聲援分別勦撫以賊攻賊不過數月尙大坪必破旣破尙大坪則苗匪之藩籬已抉然後三省之師分道張翼合蹙龍貴潘名杰必授首而黔之下游苗匪皆迎刃而解矣故欲爲蜀生財莫如節用欲節用莫如撤防邊之勇欲撤防邊之勇莫如大舉渡江戡定黔亂此其事勢相因利害明白不待智者而決也謹議

又會議云竊查清水江北岸爲貴陽龍里貴定平越甕安都勻  
麻哈清平黃平施秉鎮遠南岸爲八寨凱里丹江清江都江台  
拱楚師進鎮施爲左路川師進清黃爲中路黔師進都勻爲右  
路自都勻不守黔師復沒旣不能戰又不能守而龍貴平越縱  
橫數百里益屬空虛我軍不得分兵駐守平甕以顧後路糧  
運兵力旣分卽不能收聚進剿是以炯前有調虎威寶營之請  
繼因楚師進取尙虛時日深慮餉源支絀若急求進攻懸軍深  
入又慮前去後空轉運益艱適奉憲批飭議裁兵節餉是以復  
有奏飭周提督率所部會勦之議謂與其曠日持久老師匱財  
不若一舉告成罷兵省餉誠以周提督所部十八營增此兵力  
則縱橫盪決運掉自如固無須坐待楚師同進也今越舊川北  
旣不能遽爾撤防虎威寶營亦不能卽時入黔勢不能不待楚  
師會勦楚師四十餘營我軍三十餘營一朝會合連橫而進以  
我無黔之師擊彼攜貳之衆蕞爾苗疆何難立碎炯所以謂但



得餉需軍火無缺半年亦可成功者在此特不可知者天數耳  
然竊觀黔省大局塗炭十餘年人心既已思治天心亦將悔禍  
雖兵機暫頓於目前而賊勢終衰於曩日失此不辦人民日益  
亡散田土日益荒蕪後雖有十輩過人之才聚千百萬不匱之  
餉恐亦不能如年來川楚辦理之得手楚邊之受苗害尤甚於  
川餉源支絀亦較川爲甚苗疆一日不定楚邊一日不能安枕  
邊境一日不得安枕卽民財民力一日不得休息其不能不力  
圖進取亦勢所必然愚見應請憲台剴切奏明並咨商湖南撫  
憲同顧大局三省幸甚是否有當伏乞衡奪

樂嘉荃稼泉日記有云同治七年遵義唐鄂生炯以四川知府  
督師援黔迭著勳績旋以蜀黔大吏有商撤援黔蜀師之議因  
自黃平移師平甕就糧待撤詎料操之過切地方復罹水火連  
陷堅城父老每及此舉憤不能平武陵劉鳳苞有黃平題壁詩  
四首云曾縮雄師出蜀中延黔一線付沙蟲抽兵早失黃平險

袖手看人血戰紅 一十斛明珠買玉顏近來無力佩刀環新安  
驛外春如海那有雄心下百蠻 二十萬腰纏入帝都宦囊猶說  
一錢無銅山西去脂膏盡多少蒼生淚眼枯 三指摘無端飭異  
才天風吹送怒濤來胸中壘塊消難盡我欲臨風借酒杯 四是  
詩哀婉動人是否挾有恩怨姑不具論也

楊文照芋香館集黔中感事詩云爭說西南半壁安陸沈且幸  
少波瀾中原餘黨逢張角牙將先聲倚曲端荔子經年生意盡  
楊花四月死灰寒恁恁馬上傳飛檄露布朦朧帶醉看 一二百  
年來樂太平訛言流播膽皆驚鴻哀澤畔巢先毀虎負隅時翼  
已成殺賊有誰能殺草團民畢竟異團兵軍儲到處徵輪急左  
肘垂楊暗裏生 二斗大山城次第摧傳疑傳信暗徘徊龍驤計  
日從天下蟻隊乘風捲地來帷幄同心思李郭疆場銳氣識南  
雷元戎自是居中好况有連營上將臺 三匹馬東來過板橋亂  
烽烟處草蕭蕭居民自恃孤城險驛路誰憐一炬焦豈有漁人



觀鵲蚌漫同木槿度昏朝烏江兩岸風波急壁上應知恨未銷  
四鴻飛遵渚我公歸雷雨昆陽夜破圍司馬乘堙窺宋憊野人  
突陣助秦威九泥及早封函谷間道安能 合肥買死黃金真  
箇貴鐵如意在好頻揮<sup>五</sup>將軍膽氣未銷磨大度權憑醉尉訶  
鎖鑰北門添寇準芻梁東道有蕭何官兵但識昇平好壯士無  
如跋扈多遙憶海龍屯畔路大刀猶唱舊饒歌<sup>六</sup>羽書南北費  
調停睡熟冬山一帶青堅壁將軍逢晉鄙傳杯名士聚新亭權  
收子弟歸循吏待掃欃槍望使君不識風聲兼鶴唳行營曾否  
靜中聽<sup>七</sup>時平忘戰積年年全局誰爭一著先小醜跳梁思漏  
網高樓隨地築籌邊梳餘毛髮兵如篋挾盡腰纏吏亦仙西向  
讓三南讓再風流賈勇在<sup>八</sup>炊煙重見舊人家春雨春風  
感歲華鐵柱當年銷劍戟金鏡入夜弔蟲沙靈犀照處江坡險  
寶玉焚餘石徑斜短笛橫吹聞變徵幾時看到武陵花<sup>九</sup>  
又後黔中感事詩云四鄰深樹鷓鴣啼荆棘叢多路欲迷漫許

林逋閒放鶴可憐溫嶠自燃犀淚痕城郭浮雲變劫運蟲沙宿  
草低敢信龍蛇能起陸奢香驛路雨淒淒一滿地瘡痍病莫興  
花妖開徧亂春燈蛾飛紅燄身忘死蛇鬪南門豈可乘窟未營  
時知兔脫木難支處教孫升燎原勢大終遺恨更闢蠻山路幾  
層二清平叢爾彈丸孤庚癸驚心聽衆呼宛似夜郎流李白誰  
知歧路泣楊朱連山賊勢成嶮虎大隊兵譁有幕烏可惜函關  
泥破碎烽烟日暮擁香爐三碣鎮飛雲野水漂蠶叢鳥道亂山  
魍魎樓久廢三邊壘殺劫重開九股苗偶募材官傳木刻轉教  
寇盜起花朝哈將軍後忘征戰招撫當年恨未消四望絕援兵  
眼欲穿危城幾處又羗羶扼吭凱里生何補撒手崖門死可憐  
陰雨朝昏荒服地墨雲壁壘夜郎天 墟喋血殘骸在巢破猶  
將幸瓦全五灑陽東接楚江清九驛焚餘第幾程天遣韓雍來  
間道人稱吳玠勝書生丸泥封早防羣馬擔石儲空譁重兵大  
有先聲能奪氣旌旗爭指四川營六治絲不料竟如夢快劍先



教斫鬼羣奉檄邊城新令尹麾兵中道兩將軍攻心尅日同摧  
朽脫手成風待運斤底事琴堂人掣肘邑民空自頌神君七誓  
掃妖魔走馬歸移營容易視戎機尊嚴東道傳金印辛苦南陽  
訪布衣避賊偶忘前監在無功真與素君違下游從此關成敗  
大息傍人說是非八浪湧銅江霧雨昏燈光餘燄又連村豐年  
多取原非虐亂世無才妄自尊喋血腥風生泮水焚巢妖火及  
城門千秋鐵案應難遁毛土輕忘養士恩九大帥聲威震點蒼  
西林渡口好疆場籌邊自覺空餘子輸粟誰能滿太倉飄警還  
軍屯故道從容辦 諸郎祇憐白骨龍山上飲血全教飽豺  
狼十戎裝開道走驂騑半壁長城倚孝侯任俠少年收部曲幽  
燕生氣逼羣酋有司性命填溝壑老子甲兵戍鼓樓節鉞新從  
天上至歲星共指照黔州十一尙方寶劍鐵錚錚專闡還教罰不  
行巢穴何曾清八寨流亡豈易復三城南征有約師擒縱東略  
無權定死生坐鎮關中蕭相國輓輪偏又費經營十二掎角渾如

鷓蚌持東西爭調羽書馳齊團豈盡空無補遷地安知定有爲  
賈勇疆場憐壯士銜冤墟里伏殘屍如何列隊旌旗影殺賊聲  
名讓大師十三九府錢空不濟貧餓兵索債偏城闔多財有客思  
爲宰與粟何人慨指困挹注餘貲原不易捐輸常例又更新勞  
勞轉餉來秦蜀怎似銅山結比鄰十四有志何曾事竟成一麾幕  
下潰心兵孤軍籌盡量沙夜列陣齊開背水營王導過江推物  
望范滂攬轡想澄清高年最苦種樞密輕重憑人論死生十五盡  
化頑山狼與豺誰從蔓草刈根荻石灰劫重機難轉棋墅謀多  
事不諧接手波濤呼父母甘心刀劍覓屍骸爲民爲寇無窮恨  
一例橫行處處皆十六赤手原難挽逝波從容靜鎮息民訛調停  
閩外傳封事痛哭軍前聽凱歌瘴雨蠻煙天黯淡髟眉凶面病  
沈疴先真臥看欃槍影無米爲炊喚奈何十七時事難於蜀道難  
天心悔禍亦辛酸平情成敗無僥倖經世功名在治安邊徼頻  
年人力盡中原幾路戰場寬讀書夜半思明瓚風雨山樓一劍



寒 十八

朱啓鈞按吾黔苗亂起於咸豐五年乙卯先生適館龍里是時下游諸郡凱里清平施秉古州相繼失守丙辰選授麻哈

州學正王道阻府幕中頻年烽火客館愁吟散見諸作有自註

至桐梓乙卯丙辰時事詩不悉何時似所紀湘軍援黔之役當在

初或為乙卯丙辰時事詩不悉何時似所紀湘軍援黔之役當在

丁巳以後先生自咸豐甲寅南歸以迄辛酉厄處黔中丁茲

多難間嘗橐筆戎幕於軍與始末將吏得失見聞切而感喟

少陵曲江同慨讀詩見世堪作吾黔史徵與

王介臣詠苗變云夜郎星分應參井甲子一周苗一梗相傳黔

卯必變道苗民未變遯水間邪民先起溱洲境攻城劫寨如沸

溯渠驗湯牂荆日月幾無光官吏或走或不走束手謾言柔制剛且蘭

以下成鬼域白晝青燐天欲黑苗賊殺人殺不殊遍野都存微

氣息野狐爭剝犬爭殘填巷烏鳶復相食可憐少婦閨中慣密

處深樓畏人盼妝罷兇徒陣陣來一人蠻窩事芻豢蠻郎出戰

美留家蠻婦無端儘欺慢對父淫妻不堪言狀詩書拋擲遍山河血

肉淋漓滿荒澗似聞劫數有輪迴百萬生靈今盡灰劫滿何人

將劫救亂極羣思撥亂才諸將紛紛稱衛霍黔人只憶張經略

介人託跡黔疆瞬逾卅載值於苗之變失守之處或地屬舊游

首因慮地下忠魂或疏記載不致淹沒不彰千百年後有作者起

必諱爰隨所見聞據事直書并覺繁直道之猶存非毀謗之意可比

忠固不取交好而飾其非亦不因忠貞而略其短蓋在抗節諸公

也一助

又詠巖門司云粲樓睡美春深處剝剝啄啄天欲曙故人奉檄

馬蹄驕匆匆說到巖門去憶我當年館台拱此時苗情已詢如

使君奉檄捕頑苗半載勾留憂患共到今積重勢益難况說巖

門尤膽寒談心直達日杲杲執手共倚松九九私情願賦公無

渡搔首出門欲騎虎騎虎試往探虎穴虎視耽耽喫人血兩崖

側影天陰沈一水穿空響嗚咽羣苗得君君髮豎蟻聚將君縛

之樹罵聲益厲苗益怒更積以薪燒以炷火燒不死真英雄雙

眸一努賊倒衝身煎柳火心似鐵肝肺不裂炤不紅同時殉者



彭司馬仕版初登亦風雅鬼能殺賊賊莫驕忠氣凜凜巖門下

陳統書為人名與之均乙卯春權龍里春大府檄與鴻儒偕赴

巖門撫苗時余館貴定四鼓扣門統書奉檄捕苗會同患難子

悉情形且道光季年余館即台時統書至曙以苗會同患難子

因言巖門地險苗情反側撫難於捕不宜深入統書難之臨歧

黯然不忍作別去後予復以書勸統書因循不出卒罹於害往

實者統書曾向予言嘉慶苗變時巖門土司被執剖腹

又詠丹江一首云大小丹江九股苗嘯呼麋至彌城壕官衰城

薄若何守兩載居然弓不囊草車食盡食人肉强者飽餐弱者

戮其初尚止易子食厥後食兒如食畜街頭深夜無人行怕作

一杯鼎上羹長官無兒無可烹夜深執戟猶登城饑民乞開城

一線拚死與苗決一戰戰勝歸來報長官敗作羣苗口中膳嗚

呼民間十日未然舖徒然以肉投餒虎屍骸枕藉溝水凝蟻聚

登城殺官府封衙寂寂官無親一官之外無居民居民早已成

灰土城亡惟有丹江苦咸豐五年九月十四日失守權倖嚴錫

悍勝於他苗悉眾撲城小難支錫珍平時居官人有議者而

以丹江蕞爾城居萬山之中困守三年之久糧盡力竭城亡俱

爭光難與日月

又詠清江云雞擺衛前成鬼域清水溶溶天欲黑清水長官初  
奉職賴有淮陰能殺賊淮陰餘勇惜無多四面喧嘩盡楚歌以  
少勝多詎難必城亡官死韓兒出咸豐六年八月十三日失守

徽人字迪人台拱破後賊圍清江宗博以佐貳權篆儒  
弱過甚賴前判韓超妻子在焉留練固守久而始破

又詠施秉云燕子巖前宿草堆雲苔山下陰雲霾雲苔施秉偏橋

憶昔將攜笈登臨為我芒鞋溼偏橋蕞爾城無民蟻賊紛來清

水濱手執螯孤麾士卒士卒無多麾婦人登陴固守勇絕倫英

氣勃勃何其神觸體處處埋私室戰罷猶為民診疾麗譙烟誦

事不諧促兒速走莫自災兒云父死我亦死不爾此行胡為哉

並騎戰沒天地哀賊呼忠孝聲如雷青山處處堪埋骨公獨暄

暄陷荒邑招魂何處別有天往事低徊淚橫臆更有城南老秃

翁閉門覓句事雕蟲可憐一炬人琴空邑貢生鄧玉注咸豐六

二十九年日失守權令劉玉麟字丹崖江西舉人玉麟性敏好古  
禽奇壬遁醫卜星相無技不精而尤精青鳥之術曩為先公覓



葬地城涉數載竭盡心力始得燕于崖之穴葬焉葬畢即赴地  
秉署任茲爾邑界濶黃兩大之間四面皆苗為苗人必爭之地  
起其長子載玉麟嬰城固守賊不能破至是糧盡援絕忽四門火  
騎巷戰力竭俱殉公素性伉爽父子理無已則同死焉並

又詠鎮遠云我聞往歲榕城失武官殉難文官出今年乃聞灘  
州陷文官殉難武官逸長安吳君妙文墨更以文人能殺賊祇  
今殺賊賴文人幾個武夫能戮力灘州治逼水灘濱巨橋作門  
崖作城楚黔鍵籥 險吳君苦守春復春同時尙有楊總戎  
先以偏裨能立功自從專閫便驕縱夜郎自大常自雄川兵擾  
擾民言絮賴有吳君能駕馭川兵畏公不敢言半夜一呼拔營  
去兵留民畏苗亦難兵去民歡苗亦歡苗賊畏兵不畏民判死  
圍攻到更闌去兵莫嫌民力薄官兵固守亦不弱火炮攻賊賊  
膽落人人都道吳爺惡須與火從衛城起武夫棄城如片紙公  
獨往救呼殺賊賊衆公孤公死矣嗚呼我公之死真足紀武夫  
之逸真足恥川兵之死誰所死幕友周君白面郎亦能殺賊擒

其王與公偕死友誼彰他日俎豆同馨香幕友周瀛保六注鎮

為全黔門戶起事即謂川兵固守川鎮楊啓賢與吳登甲防守甲

南失守移營而起留兵八百交濬鎮楊啓賢與吳登甲防守甲

人頗豪俠啓賢初亦勇敢繼步放誕且文武不睦遇事抵牾川

兵頗肆淫掠濬民患之登甲屢加飭禁川兵頗忌憚又以兵餉

不繼欲拔營去登甲與士民相誓自守不留川兵苗知川兵潰

散益肆猖獗不時環攻八月二十九日衛城火起登甲往救則

楊與弁已前一日遁去登甲且無所出必生變濬陽不

失若留川兵則民受其害且無所出必生變濬陽不

苗亦失於兵議者知登甲之不留川兵而不知當局者之苦心

孤誼當時然斷幾莖登甲之不留川兵而不知當局者之苦心

姑息之害荼毒生靈則登

甲九泉之下不能無悔耳

又詠黃平云夢裏喧傳火光起單騎出衙挾弓矢燭天光焰不

見人但見城門啓西鄙刺史守城三歲來城中戰士勇啣枚轉

運維艱餉道絕滿目郊原無草萊戰士猶期巷戰守刺史平時

恩我厚連天血焰賊狼奔匝地腥風兵虎吼忽來數萬如鋒屯

長刀直中刺史身臨死猶呼無害民嗚呼刺史盡忠為邦國幕

友同殉尤可惻黃公酒徒長太息幕友何注咸豐六年九月十

承照字杏農揚州人施秉既破黃平益孤照素勇敢募練苦守

賊不敢窺一日夜靜西門火起內應啓門城因而破照與千總



高殿選均巷戰死照與鹿丕宗吳登甲邵鴻儒嚴錫  
珍劉玉麟俱善守城若能兵強餉足孤城可保也

又詠凱里云十年苦憶陶彭澤子與文量犵烏蠻花供指畫一

朝羣盜起牂牁兩載重圍餐敗革餓亦亡戰亦亡戰亡樂得在

沙場走亦死守亦死走死終脫樊籠裏鑪山頂上起白雲殺氣

騰騰天際聞鳳兮大呼麾三軍餓夫為將幾立勳戰敗猶能轍

不亂血流征衫馬流汗裏創轉戰力不支與二千人共糜爛二

千人盡城何恃寂寂空留城百雉魚遊沸中枉掉尾長官避谷

三年矣賴有精氣餓不死精氣難將劫數磨人琴俱逝傷如何

咸豐六年七月初九日失守縣丞陶文量浙江會稽人凱里屬  
清平分縣居台拱之交為苗人必爭之地文量嫻於詩畫人亦

和至平坦蕩久於其任苗情愛戴與委員黃鳳共自五年七月被  
圍至十二月二十七日鳳悉眾出城鳳與民卒二千餘人俱死

香鑪山至六年七月初九城始陷文量一家殉焉文量  
鳳均與子友好文量素講避敵術豈預知有是厄耶

又詠清平云陸郎死清平亟我與陸郎不相識昔遇且蘭同釣

弋頗能舞劍能挽強手提長刀氣堂堂苗人畏之如虎狼單騎

出戰不敢傷平生恃勇好野戰倉皇遇賊竟殉難陸郎死後無

爭戰五里橋頭羣賊徧火炮連天尙論文鼓擊動地猶歡譙秦  
侯懦夫何足齒生來不是報恩子城亡有死有不死忍死偷生  
已堪恥偷生只作此生休誰料秦侯不爾爾陸郎臨去曾過吾

唏噓灑淚託妻孥徐公之劍黃公壚一舸全歸南海隅咸豐六年丙辰

十月朔九日失守縣令秦鎮藩廣西進士清平與凱里相唇齒  
凱里亡清平不固矣先有陸滋秀尚稱勇敢戰死五里橋東道

承齡中樞圖遠候又移顧平越鎮藩初任懦弱賊至閉門而已  
城破遁去書生初令困守危城固非易易乃竟惜一死且有言

其從賊者果爾不特無以對黃鳳陸滋秀陶文量諸公於地下  
且在周吳下矣滋秀廣東高州人曾任貴定典史子與交摯曾

以妻孥見託死後為集資  
送眷回籍屍掩清平等宮

又詠台拱云困守危城竭心力蟻聚鴉屯山寨黑大呼城破不

殺官殺官者罪視木刻苗人議事以我公聞之戰益力戰罷城

南又城北公昔權台越六年真肫博得苗情歡去則攀轅病則

哭年年爭獻花猪肉花猪肉台產苗今公重至城已殘閒關消

索轉運難兵亡粟盡惟官在帶月城頭澈夜看城破羣苗繞堂

謝公怒拔刀砍地罵未及殺爾受爾詐拔刀自殺殺不殊羣苗



注藥喫且吁絕食而死喪如考我昨得公雙鯉魚報章未至城

已墟忠魂耿耿遊太虛將書置案長唏噓咸豐六年八月二十

儒號梅村浙江人台拱於苗箐最深為羣苗廣集之所鴻儒先

與陳統書至嚴門繼檄署台拱因前署廉張禮度議裁土司激

變以鴻儒會權台能得苗情也鴻儒至苗變已不可遏兵練既

無餉道又梗鴻儒且撫且戰支持三載兵盡糧絕樹皮草根殆

盡台城始破羣苗不拱感鴻儒之德至於如此若使早至城不食

死羣苗埋之嗚呼台撫黔事當不橫潰至此而死一月函致

予保台城保羣苗聽撫久熟習苗情也書至而城已破至今憤

然

莫友芝上李中堂書云友芝謹上書合肥中堂爵帥鈞座金陵

客舍中奉正月二十日手教以鄂中新開文昌書院虛講席以

見待又示及征黔將發期友芝早晚趨鄂得諮黔地情形此講

席為鄭重肇端客歲得張薌濤提學書問自顧荒落衰病即以

不能勝任答之既於邱鈔中恭讀以中堂督師征黔諭旨慶幸

不寐者連夕黔疆糜爛已久朝廷以髮捻回諸逆數道與師不

遑兼顧今髮捻賴中堂力征經營以次底定回逆又有他帥專

辦乃重以上相乘勝之聲威臨荒陬負固之小醜諸葛之開南  
中西林之清雲貴其豐功偉績旦夕可以復見正月之末卽東  
泝鄂之裝冀及大纛未發趨叩台端稍達區區桑梓致亂委曲  
并陳不任講席之私衷而賜書適至遂依輪扁以行行舟無事  
輒書鄙見所及贊呈鈞覽黔省自咸豐甲寅楊元保倡亂於省  
南楊澧喜肆逆於省北雖不久卽就殲除而苗匪教匪土匪所  
在蜂起三數年間通十二府一直隸州其城守未失僅貴陽遵  
義安順黎平思州五府其廳州縣四十餘亦稱是其民則逃亡  
轉徙百里無煙其官則遙領虛署十無一實兵饜兩空寸籌莫  
展待斃而已近歲以來稍得川湖兩鄰省助其援剿西北東北  
諸府漸有起色惟東南一邊未能得手蓋西北東北滋擾多係  
教匪土匪本由烏合盛聚衰散差易爲力至東南之台拱清江  
都江下江丹江五廳爲百年前鄂文端公部署張廣泗哈元生  
所開置其地界在都勻鎮遠黎平三府之間卽分轄於三府今



皆盡爲苗據其都鎮府衛城及附近之八寨平越麻哈黃平清  
平施秉等廳州縣七八城苗概拆毀耕成田地重山複嶺中縱  
橫盤踞七八百里安居樂業以抗官兵官兵往往失利先是五  
廳之中有革夷一種與九股生苗相鄰比常四出剽略恣其荼  
毒莫敢誰何胡文忠公守黎平鎮遠時力籌剿捕暫爲斂跡而  
惡黨伏覩未能盡除逮楊逆旣平撫貴者粉飾肅清不冝因乘  
勝師旅拔其根株一二年間遂蔓延不可究詰今黔人士餘殘  
喘者未嘗不歎惜痛恨黔撫之害人家國也邇來跳梁阻險抗  
官兵者仍是革夷九股爲亂首抑更分出多股以相雄長俱不  
可知稍幸苗性別無遠圖僅以拓產劫財盡其能事若得痛剿  
一番乘其驟不及防奪其險要搗其巢穴殲虜一二最著頭目  
使羣苗無端驚畏疑我師自天而下則破竹之勢成矣昔聞有  
松頗饒勇智韓撫軍超以清江通判提兵力與之角以爲好將  
才恨不能招而用之今不知存否又不知其黨中如九松比尚  
幾人則皆夫制勝在兵聚兵在饒向惟饒無所出遂以無兵今

中丞兼督數省且得分兩江之儲以爲接濟饒源裕而兵力厚  
 矣惟黔地層峯疊箐絕澗危崖鳥道盤迴崎嶇萬狀非得生長  
 荒山習矯捷如猿鳥之不可羈勒卽不能深入險阻以奇爭而  
 決勝故堪斯選者莫如調正箠屯兵及募上湖南三廳之人次  
 則辰沅寶慶諸府山居之人在昔淮湘勝軍極有法度但得三  
 分之一因以教練新軍取張聲勢而已又稱此兵以求堪將之  
 將勁兵驍將一力一心自然投之所向無不如意兵將既定其  
 轉饒軍械當於湖南常德府設總台以收兩省之運乃換麻陽  
 船沂上辰沅兩府以達貴州之鎮遠自武昌府至常德有兩道  
 一自岳州過洞庭一取荆  
州南岸虎渡口入襄河其江路並輪船可達至岳至荆則須換  
 船岳道稍近然渡湖須待風荆路稍遠然襄河可資人力其遲  
 速亦略相等若岳路得順風又便捷多矣自常德上辰沅者然  
 石河惟麻陽船櫟底堅韌弄舟者能用苦力時有至荆岳者然  
 不多而皆會其食米當師行時且就常辰沅境節次近買若進  
 勦以後更可因求鎮遠黃平平越一帶積儲之便貴州各府皆  
 食稻不待外求特亂後荒廢有無難料待臨機規畫耳自常德  
 至鎮遠



是通雲貴驛路陸路十六驛水路尤較速其附近下水則重難陸險牽  
 行爲日亦略相等水稍盛則水尤較速其附近下水則重難陸險牽  
 輓迂平越黃平境下沅州者古沅水兩源皆自貴州出鎮遠  
 河出平越黃平境下沅州者古沅水兩源皆自貴州出鎮遠  
 爲清新置五廳皆在其南又南即大嶺接黎平境古所謂江之境  
 所謂新置五廳皆在其南又南即大嶺接黎平境古所謂江之境  
 嶺者此時水又下經靖州會同縣境至沅州之黔陽縣與鎮遠至  
 會平時此水亦可經行舟自黔陽下流數十里之黔陽縣與鎮遠至  
 此道現可不問若溪湍淺狹所容之船又小于鎮遠河船既兵精  
 糧足以議進取或盡銳以壓之或分道以逼之有隙即乘有惰  
 必擊出奇無窮必中要害至於悍者奪氣黠者輸心不出數月  
 而橫互七八百里之苗疆不勞多殺皆可撫而定也特苗性狡  
 詐每官兵初至常示弱以誘其深入前後皆伏悍苗以迎敵而  
 斷歸路故兵單者不可輕進若前茅後勁節節靈通彼亦無能  
 爲也其長技在劫營其利器在鳥槍蓋其聚落多依巖傍穴不  
 履不冠脚板如鐵走欽崎若坦途其鳥槍挾於掖下四面俛仰  
 隨所指發以擊飛走無不中其精妙殆有過索倫吉林馬射者  
 亦在臨事善爲之防而已凡夷俗生子羣以精鐵爲賀積二三  
 百觔鍊至二三十觔以成一槍幼弄

長習行立坐臥無輒離故能專精如此其槍子之用鐵沙如綿豆  
 大惟身著輒甲者常不能入輒甲者以頭髮十之七八絲綿十  
 營之二三裝小襖褲其鐵子中髮必融每每能輒甲一稱雖盛夏不脫  
 亦時可其餘教匪猶竊發未靖者或即飭川師專剿而我分兵  
 為之救應或我兵川兵分道搜剿但苗匪之大憝既除去此零  
 瑣惡孽直如以石投卵以湯沃雪而不盪滌盡淨未之有也平  
 定之後善後切要更有數端曰修城池以資治守凡城為苗毀  
 雖以收復曰儲吏才以資委任新復苗疆點夷招流民並需有  
 冀行幕才曰因閒田以置屯衛徙無主荒地或有造逆遺產或屯  
 衛養府兵以資扞禦又苗疆既復流官其二羣苗中必有素為種  
 人畏服者恐其別生事端即增設為一二武職土官使充其選  
 即治夷之一道也不得預計之曰表殉義以彰忠節黔自  
 軍興迄今十有七年如其死事之胞姪在官者時有奏報而士民婦  
 女則皆寂焉罕聞即如友芝胞姪候選訓導遠猷姪孫秋薇咸  
 豐庚申秋毛賊石大開股陷獨山城遠猷秋薇同巷戰死遠猷  
 孀母池氏亦被害屢以書言之故鄉當事皆漫置之若兩江  
 忠義有一大局凡捍賊身殉雖走卒村婦亦得甄錄上聞實教忠並  
 敦俗一大端而黔官吏皆忽視不講未必非政教之缺也

乞中堂於成功稍暇時悉為經畫提其大綱庶使將來承辦有



遵守而不謬積年之亂戡以崇朝長治之規垂諸永久凡吾黔人罔不荷再造恩施家戶尸祝一如諸葛西林永永無極矣友芝避地飄泊已十三年鄉里情形不能盡識昔見今聞無敢或隱未審有當與否伏冀裁察爲幸二月十九日

唐炯上李中堂書云去十一月叩辭後於長至日抵省曾肅具一稟並呈先人夢研齋遺稿計蒙垂鑒隨奉檄還營買舟東下新正三月抵渝奉到兩院行知中堂奉命督辦貴州軍務全黔生靈從此得覩天日矣何勝慶幸職道智識短淺治兵無效何敢妄有所陳惟是效力行間已及二載地勢賊情頗知梗概罔識忌諱請爲中堂敬陳其略謂賈捐之珠崖之棄爲漢中葉功不小苗地要荒石田甌脫宜仿此例劃而棄之但據所復州郡嚴備要害且耕且守或又以爲雍正乾隆朝鄂文端張經略聚五省之力兵多餉足數年始定今無前人之才而欲妄冀成功是猶卻行求前職道愚以爲皆知其一不知其二曩者戡定之

難良由奪其土地歸我版圖今則服化百四十餘年矣良苗之附和特愚無知識以爲土地奪還永無官吏殘剝及至叛苗勢成十五年來荼毒更勝於官吏水深火熱日夕引領官軍冀得重見天日此其機勢確有可乘特兵餉不及曩者十分之一耳如賈捐之議無論國家土地尺寸不可輕棄且以形勢而論苗疆介楚粵黔之交據我肘腋一旦畫而棄之三省邊疆詎有甯日其費又豈可以數計今若增兵集餉士氣飽騰以我無前之師擊彼攜貳之衆蕞爾苗疆何難立碎失此不圖年復一年黔之田地荒蕪日甚人民死亡日盡後雖有數十輩過人之才聚千百萬不匱之餉竊恐無從著手議者又謂援黔當先上游客軍宜移師分辦不知黔賊强悍以苗爲最苗疆尙有六七廳州周環千餘里上游止興義叛獯餘皆假息游魂若合三省之力一旦勘定然後移得勝師席卷而西所謂數節之後迎刃便解黔惟頭痛醫頭足痛醫足所以用兵十五年卒無一成糜爛益



甚也楚蜀兩軍衆近四萬不可謂不厚然而不能卒合者則以兩軍各有強弱不齊明知疲敝若干不得其力無如欠餉甚鉅無從補發祇合遷就又克復地方黔置不問仍須客軍自爲屯守加以糧運艱難不得不令士卒背負以是力分勢薄不能運掉自如所以王翦趙奢堅守本志非數十萬不將豈惟自愛其名誠以曠日持久而費多不若併力一舉爲費省也中堂南來必宜增調舊部三四十營令智勇之將領之以當一路然後成功可期迅速蜀中普捐年內解到七十萬隨手便罄本年尙得百三十萬加以地丁津帖鹽課鹽釐百貨釐金全年計之統不過四百餘萬過夏仍復奇絀蜀中仍無可籌惟濟楚鹽爲大宗職道愚以爲中堂如將荆宜鹽釐酌予少減俾商情踴躍鹽斤暢行不獨蜀可增餉百萬於楚亦大有補益此又宜早籌者也凡此皆職道一得之愚可否伏候採擇職道賦性愚戇年來遭讒負譏雖萬狀屢次乞身未荷兩帥允許今幸中堂視師正志

士效命之時以職道庸愚何敢自耽安逸惟是積勞過差暫形  
衰憊中堂舊部向多虎臣敢祈選委一二代領蜀軍俾職道勉  
竭駑駘聽候行轅驅策則所以感戴成全死且不朽職道發稟  
後卽兼程還營部署靜候指蹤

李鴻章遵旨援黔籌陳大略摺竊臣於同治九年正月初七日  
承准軍機大學字寄八年十二月初七日奉上諭貴州軍務日  
久未見起色著卽馳赴貴州所有川楚貴州各軍均歸節制倘  
各軍不能得力卽行裁撤咨明崇實吳棠劉琨將此項兵糧仍  
解赴李鴻章軍營充餉該督上年凱撤之師其中不乏驍勇著  
卽酌量奏調赴黔廣西邊境之兵如須調赴黔省會勦並著酌  
度辦理李瀚章署理湖廣總督著將應解餉需源源轉運此外  
協黔各省著李鴻章會璧光隨時咨催接濟等因欽此並奉是  
日明發諭旨一道伏念臣以駑鈍之資屢膺軍旅重任茲因黔  
苗負固仰蒙授鉞專征敢不殫竭愚誠力圖報稱惟苗疆構亂



幾二十年將帥疊更迄未底定固由兵威不盛實由餉項太虧近年川楚派兵進援聲勢稍壯甫克數城而事機中沮臣自上年蒞楚入蜀竊嘗深求其故湖南席寶田等軍先後添募三萬人分紮數路月需餉銀十七八萬兩聞每月僅能籌發二十日口糧四川唐炯等軍先後增募一萬八千餘人歲需餉銀百餘萬聞巴欠至五十餘萬將士藉口餉缺不克進取若遽加裁併又無力補發欠款至黔省主軍自張文德都勻飢潰後劉士奇接署提督亦苦募練無資各省派協月餉非不肯籌應只以兵燹之後財力維艱京甘各省餉急於星火不得不儘先湊撥卽不得不置西南邊患爲後圖茲奉飭由臣等咨催臣何能強其力所不逮者而使之遵辦是川楚有著之餉尙不足以贍其派援之軍黔餉雖名奉部撥而實爲無著臣身歷行間十數載稔知無餉則兵不可用今黔餉奇絀臣奉命前去並未奉增的實餉款必仍不免師老無譏此餉事之爲難也黔地跬步皆山苗

巢險悍尤在貴東一帶與湖南邊境毗連周迴數千里荒巖密  
箐猿壁猱崖非人迹所能到外間勁旅扳援上一峻坡已喘息  
不能行動雖數路進勦往往巖谷所阻十里五里聲息難通又  
溪峒毒瘴癘疫時作最不宜於客兵與平日用兵迥異上年三  
月楚軍黃飄之敗距川軍紮營處僅隔數十里援救無及此其  
明證苗人自佔巢穴本無遠志但欲勦除斷難尅期易曰高宗  
伐鬼方三年克之東漢時劉向馬援皆中興名將乃以征苗敗  
沒我朝雍正年間鄂爾泰合數省之力經略九年甫定而復叛  
嘉慶初年福康安移師討苗亦合數省之力深入不利後十餘  
年而始定成事具在班班可考今頑苗梗命愈久蹂躪愈廣收  
拾愈難非有勁軍鉅餉期之歲月何能立見功效臣去春接會  
璧光來函謂上下游可指日肅清而崇實吳棠劉琨等奏報亦  
有徼倖目前一鼓盪平之語似於事勢尙多隔膜臣自揣才力  
遠遜前賢時會艱難更百倍之向來督勦粵捻所部將領習於



丁丁丁少宜三身  
平地戰陣於山險煙瘴之區誠恐遷地弗良用他人已成之軍  
又慮心志不一此地勢軍情之爲難也自來用兵必先講運道  
曾國藩與臣先後勦皆於金陵設總糧台清江徐州濟甯周口  
分設轉運局臣上午赴直接勦又於張秋德州天津增設轉運  
數千里糧餉軍火轉輸不絕前敵乃無掣肘今忽易北而南沿  
途必須籌辦而轉運非水道不行查由江鄂上至黔境後路須  
由長江前路須由灘河節節逆流挽運遲滯川河灘高水險由  
鄂至重慶舟行須三月餘且多失事不若由鄂至湖南常德辰  
州較便從前平三藩定苗疆皆以常德爲兵餉總匯而進兵駐  
節之地亦多在辰沅一帶其勢然也第後路過遠需費甚鉅至  
苗地民散田荒無糧可購川楚各軍皆於數百里外購運米糧  
崎嶇負載常苦不繼他處車運之法均不能濟其糜費阻絕之  
處諸可類推人一日不再食則飢兵士豈有不食而戰之理苗  
民諺曰不怕官府兵多只怕官府糧多葢險遠購運費錢費力

苗亦知其不得多耳此采辦轉運之爲難皆係實在情形臣旣奉命督師雖事值萬難奚敢稍有諉卸但若冒然前往明知無濟而又不預爲籌畫尤於微臣平日治軍敬事之素志大相刺謬現已緘商兩江督臣馬新貽江蘇撫臣丁日昌能否仿照上年勦捻舊章增撥餉項籌濟軍火俾無缺乏至臣舊部智勇之將如劉傳郭松林潘鼎新周盛波等皆可當一面或稱傷病未愈或慮人地未宜臣並函屬其來鄂面商再行酌量奏調未便強從湖北入款僅敷每年全解京餉及月解甘餉四萬並留防各水陸之用恐無餘力多贍黔軍仍俟署督臣李瀚章到任與郭柏蔭妥籌轉運解濟之法並將臣歷年東北用兵經手各事未盡清釐之處商請署督臣就近咨商各督撫妥辦總之黔省兵事尙非急在旦夕臣向來任事未敢遲誤此次遠征苗疆距京幾及萬里一切進止調度自須臨事妥酌機宜以期有濟仰懇聖明勿責速效並隨時諭令各督撫臣通力合作俾可逐漸



圖功臣當恪守孔聖懼事好謀之訓常存漢臣鞠躬盡瘁之思  
冀仰答高厚隆施於萬一

又援黔籌撥餉需片云再臣誓師遠出需餉浩繁目前毫無指  
款除已緘商江蘇督撫臣查照上年勦捻章程酌量增撥俟履  
到再行具奏外查江海關稅課尙旺向定月撥臣營五萬兩自  
七年冬間淮軍凱撤留防各省每月減爲二萬茲復有征黔之  
舉應請旨敕下馬新貽丁日昌於江海關額餉二萬外按月加  
撥該關四成洋稅二萬兩六成洋稅一萬兩仍合原撥五萬之  
數至湖北江漢關係臣管轄除遵撥解臣營四成洋稅三萬兩  
衰月不足以旺月補之又前勦捻時山東月協潘鼎新營餉三  
萬兩嗣減爲每月一萬五千兩鼎軍撤後業經停解該省肅清  
以來入款漸增撫臣丁寶楨來書每以黔苗不靖爲患情殷桑  
梓諒必竭力籌助擬請旨敕下該撫酌照前協臣軍月撥三萬  
減爲月撥二萬兩自本年二月分起如數籌撥按月委員解交

金陵軍需局轉解臣後路糧台源源接濟勿稍缺乏遲誤俾利  
師行

王柏心百柱堂集鄂生廉訪以征苗所得銅鼓遠貽山中作歌  
壯之云唐侯將兵用儒者弔伐功多誅殺寡蠻人重見諸葛公  
魁結羅拜馬蹏下昇致銅鼓雷回文遺式頒從諸葛君唐侯得  
之遠貽我裹氈深護黔山雲我無寸功坐擁此請從治亂繹前

史昔聞荒服無詐虞清酒黃龍刻石紀後漢書南蠻傳秦時與夷約云秦犯夷輸黃龍

一雙夷犯秦輸清酒一鍾夷人安之谿峒猺獠皆樂和祥風甘雨耕耘多頃田十

妻不租算頃田不租十妻不算亦秦昭王與夷約也清平邊吏無煩苛家家範銅鑄

爲鼓大或千鈞小二黼花裙蠻女叩銀簪跳月賽神縱歌舞自  
從吏道多貪殘密箐深林眠不安鋌險操戈起救死烏江赤水  
生波瀾諸軍縱討遂深入玉石俱焚惟飲泣彼雖獠狂亦猶人  
草薶禽獮何太急嗟乎喪亂安得平禍起貪吏成縱橫千村沃  
壤變荆杞十載黔江流血聲去年唐侯起作將羣蠻始有再生



望刀劍賣盡歸春田戶攜牛酒謁牙帳此鼓持獻轅門中祝侯  
勒鼎還銘鐘侯今謝病返蜀郡絕口不道征蠻功我瞻四方豈  
無事牙鬚皎蜃且窺伺宮中拊髀思虎臣肯令韓白老邊裔此  
鼓發聲可十里但堪震賊山人耳如侯實大聲尤宏淵淵靈鼙  
差可擬將星河鼓多光輝侯持白羽當重麾戎車伐鼓進方豈  
傾耳雷霆天上威

易佩紳函樓詩鈔去黔雜感九之五云自有此天地卽有此鬼  
方苗蠻同覆載各自安其常流官肆侵漁客戶紛奪攘欺之爲  
犬豕逼之爲虎狼一朝成反噬官走客戶亡用兵遂難休積冤  
愈爲殃試數百餘年幾日無戰場病不窮其源投藥安得良

咸同貴州軍事史

貴陽 凌惕安 編著

第三編 苗族之運動下

第七十四章 仲家之役

咸豐五年乙卯五五春三月郎岱仲家馬阿奴等聚黨劫掠安順府知府劉書年檄各屬捕斬三十餘人尋定 夏四月安順屬郎岱鎮甯仲家素彊悍不靖自楊龍喜入落別因之遂起至是益結略二十八日劉書年及署郎岱廳同知吳化嘜等攻鎮甯白巖屯失利書年受傷外委李開元武生蕭洪發戰沒 五月鎮甯雙堡及各屬仲家益起護永安協副將興山進軍落別仲家至棄營遁鎮甯蜜蜂寨永甯養馬寨仲家尤悍落別素富仲家扼守巡撫蔣蔚遠檄貴西道福連雲南鹽法道王成璐進攻猛統大山雲南外委左開雲先登陣沒軍退 二十七日把布土目安紹緒從擊仲家大家哨亦戰沒 三十日仲家陷郎岱屬六枝汛城外委方澍元死之 六月提督孝順



率續調雲南兵至鎮甯會王成璐福連剿仲家先是滇兵以桐梓事定還至是蔣爵遠復奏請飭孝順統昭通東川鎮雄各營兵五百名來會剿時孝順補授貴州提督 秋七月孝順王成璐福連等屢攻蜜蜂寨仲家不克仲家分掠安順舊州甯谷枝江龍生員谷步瀛梅克貞梅汝迎及鄉勇二百餘人敗沒福連赴府城督剿 八月初三日署平遠知州候補通判沈世良提標左營外委張發科武舉陳九菓王大魁等禦仲家安順老鴉石敗沒 仲家逼歸化廳城武舉羅德光禦擊失利署通判曹煨游擊趙起祥等固守孝順自蜜蜂寨遣兵援連日仍督兵攻寨不利平遠協把總甘起忠庫沒二十日守備何有保先登中石墮五齒再進創股力戰諸軍繼進遂克之 九月鎮甯仲家圖安平縣境署知縣吳德溥遣生員楊奠川等拒之奠川敗沒 冬王成璐等方擊破永甯羅朗寨禽斬仲家羅得鳳等冬十月孝順率定廣協副將特克慎雲南昭通鎮游擊申有謀等擊仲家鎮甯劉官堡高官堡旋毀歸化上下火烘平遠丁憂在籍翰林院庶

吉士丁寶楨及訓導但蔭良連破斬伍正乾等 十一月丁寶楨及

湖南候補府經毛鵬翎連破水塘羊武仲家特克慎率兵來會 孝

順時破歸化關寨進毀岵沙苗營申有謀復毀歸化九嶺苗寨擊斬

覃阿棒等 十二月孝順以福連王成璐剿落別扁擔山仲家

咸豐六年丙辰八五六春正月王成璐福連遣申有謀等擊落別仲家

朱大黃瓜於郎岱把士寨先是六枝洞有白蓮教惑眾大黃瓜等信

之因起事 二月朱大黃瓜屢圖郎岱永安協副將特克慎署同知

石均等禦之申有謀及滇軍參將陳得功援至始解去福連復至永

甯來會敗之花脚箐 三月王成璐告病辭營務請開雲南鹽法道

缺雲貴總督恆春以陳得功領其軍申有謀獲朱大黃瓜等殺之

夏四月初五日恆春以上游事漸定檄福連辦善後事自移軍下游

去

咸豐八年戊午八五八冬十一月鎮甯黃果樹汛仲家久梗道路至是

復邀敗關嶺汛千總劉佩蘭外委莫起元練於二道溝初蔣爵遠以



署郎岱同知戴鹿芝代理安順知府率各屬兵團數千分道剿辦鹿  
芝駐關嶺策應屢月不得要領

咸豐九年己未五九春二月鎮甯仲家阿商等復構陷四旗堡尋圍

王官馬場諸寨安順府貢生伍雲泉等來省祈援 夏四月鎮甯隴  
夏仲家吳感佑集木岡河略至郎岱華家苑殺傷數百人毀民居數  
千據安南城先是感佑族人賣糧於隴黑漢寨孫發甲感佑阻之爭  
歐尋聚衆交訐感佑敗沿途剽掠團衆集防並遷怒相殺蔣爵遠檄  
安順府知府周夔率郎永鎮普兵剿辦夔上言府屬仲夷素彊梗漢  
民少黃果樹爲滇黔大道附近夷寨縱橫數百里府西隴夏柴新河  
頭諸寨均有不法仲夷嘯聚與黃果樹一帶聲息相通恃險結黨出  
掠良夷亦爲所誘當此下游軍務未竣兵單餉絀何可再起兵端第  
夷性犬羊探之失當恐勢成燎原更難措手惟有分別良莠先示以  
威使之聞風警惕庶可散其黨羽專拏著要以靖將亂之局以保完  
善之區 五月初八日周夔率兵攻破隴夏柴新兩寨仲家厚集守

高屯復進擊外委唐開泰禽仲家首要吳阿龍等旋以把總熊起鵬  
重創沒進軍河頭寨署平遠知州毓崑來會 六月初一日河頭仲  
家勢蹙祈降周夔令出吳阿龍等四十六人殺之首要盧老旺先遁  
漢苗各團皆繳械歸農並於黃果樹諸隘遣員設兵布防彈壓 秋  
九月初二日興義府回人張福田結回衆並苗仲略興義縣屬新城  
咸豐十年庚申八六〇春正月安南仲家應回衆等據排杉巡撫海璘  
遣守備宋景山以五百人援之 二月安南仲家獮獯結回衆據木  
角三寶諸寨宋景山至却之回衆黠者往往結仲夷驅當前敵而乘  
其後云 三月永甯郎岱仲家自就撫仍時時道劫行李周夔馳赴  
黃果樹復遣永甯州知州胡繼學赴仲家寨諭解獲盧老旺殺之  
六月仲家陸松復略至貞豐之魯貢羅炎坡打章豈結亭諸寨署知  
州蔣立炳等却之 十二月興義貞豐普安新城諸仲家舊爲大坡  
回相結亂數年者爲老戶生員岑鳳來等赴雲南言之宜良知縣岑  
毓英謂前回亂抽丁齊團禦賊及敗無援始從賊苟全久欲投誠恐



回賊平後又被漢練害虐且各衙門陋規浩繁實難支持是以遠道來投毓英爲請署雲貴總督徐之銘給示貸其死

咸豐十一年

辛酉 八六一

春二月初六日歸化仲家葉桂林以衆附太

平軍攻安順

三月普安廳同知錢壘屢破北里椅切諸寨小鋪子

埡巴山仲家來降以土目龍杓領其衆

夏四月安義鎮總兵趙德

昌遣畢赤營游擊譔永昌等進軍歸化圖葉桂林破黃土寨桂林父

先降桂林勢孤亦降

八月初六日土弁王元興結永甯那安仲家

岑阿棒集攻老屯阿棒爲扁擔山餘黨貞豐陷率黨沿河裏脅千餘

人各亭苗附之

冬十月鎮永仲家勢復盛署安順知府趙崇慶永

甯知州李崑鎮甯州知州畢大錫告急仲家久據三屬境以養馬寨

蜜蜂屯烏東隴爲大本營分據石頭寨盜鱗甲兵至負險守退仍出

略梗大道漢民數百里膏腴地爲罷耕 數年至是巡撫田興恕檄

總兵羅孝連及候選道趙國澍馳剿二十日孝連等至安順進攻毛

口不利軍功周連升戰沒稍間再攻破之進軍白旗堡攻烏東隴守

備孫國發陣沒攻益急仲家縛其首領韋登鳳降孝連復令縛獻養馬寨吳阿豆等自贖遂據養馬寨和尚堡進攻蜜蜂 十一月初五日羅孝連等進攻蜜蜂屯先分破屯附近西莊阿打洞孝連力攻屯國澍助之仲家失恃遣黨來降縛其首領伍應剛等殺之時永甯六馬之仰峨夏答亦就李崑乞撫 十二月羅孝連進軍張勝堡擊猛統山仲家首領韋順朝等圖走孝連邀敗之乘勝破入禽朝順外委谷文勝等陣沒

同治元年壬戌 八六二春正月羅孝連趙國澍畢大錫等進剿盜麟甲阿由寨斷窩魁者斗諸仲家寨皆先後下黃果樹大道始通 秋九月仲家結回衆陷安南興義

同治二年癸亥 八六三春正月打邦回趨鎮甯初九日畢大錫移營張官堡回大至軍潰附近仲家皆視官軍勝負爲向背幟亦隨易至是復樹白幟回幟白也六馬諸仲家旋隨回衆渡河走 五月二十八日仲家陷普安縣城署知縣陳澍南被害澍南自復城後麻子寨仲



家龍耀光時來攻澍南仍令前降回之署典史劉世慶率團禦守耀光陽乞降澍南信之普安廳同知錢壘等方率團圍廳城祈澍南助澍南因遣通判何廷賢及世慶等赴之耀光復叛攻城澍南知不守以印付其子星亡走上之城陷澍南戰死 七月代理興義府知府孫清彥上言興義之亂倡自回賊實由分類相仇又有仲家卽土著也青苗卽生苗也三者惟仲家最悍凡水田沃壤皆其祖業自爲家盤據多有反主爲佃買田割地獄訟不休客家者一名大教卽漢民也青苗質旣愚魯性尤獷野以射獵攘寇爲業其大槍尤利漢民又奴僕之回因乘勢誘惑使互相劫殺而居間取利今雖窺破自願反戈而中心之恨實未釋也非得威望素著者坐鎮其間卽回焰雖息終不能無事云

同治三年甲子八六四夏六月副將蘇萃超募廣勇出西隆舊州圖由冊亭規興義馬場諸仲寨遏江口不令渡所募多泗城流民旋散亡冬十月興義府龍廣百餘寨悉仲家會岑毓英以書抵清彥言先

世爲泗城土知府時興義夷家皆爲僕從兵到藉以招撫當必聽命清彥自率軍往鎮撫以防回逼 仲家據冊亨孫清彥亦遣使持岑毓英書同署州同李華斗諭之首領羅萬綱等降

同治四年乙丑八六五春三月白泥苗南渡三岔河分據沙家馬場及郎岱六枝場那八寨仲家廖天源乘間略鎮甯高陽寨羅孝連來援同畢大錫軍定南化處波玉河天源屢辦團守令假以權管理三岔河定南諸夷寨至是叛於是大錫分出化處進水母窰上關擊苗賊孝連出定南擊那八天源自定南分略下壩架布雞場孝連擊走之大錫軍亦破窰上梅子兩關 秋七月廖天源死仲夷餘黨回扁擔山走略大木岡養馬寨賊蹤飄忽故無營壘脅從雖衆惟圖掠食飽卽颺去大錫數躡其後不得一戰 八月仲家岑發科王集安等與黑苗羅洪圖結太平軍進據八寨亭貞豐州知州楊春熙遣軍功周興等四人往諭爲所害因商歸化許大綸調團同剿至是進軍科沙利八 十月仲家復結潘名杰在安順者入永甯六馬擊潰打邦團



衆復入歸化白牛屯宗地黃果樹扁擔山仲家起應回衆掠走郎岱  
東至關嶺北至灑至安樂皆附巡撫張亮基檄大錫督辦安順各屬  
軍務 仲家盧阿代攻鎮甯阿代時據蜜蜂養馬二屯回衆轉結黃  
果樹仲家陷坡貢據之於是畢大錫趙德昌羅孝連議三路分兵大  
錫援郎岱因圖復永甯孝連剿仲夷出鎮甯次安莊坡德昌剿何潘  
黨孝連軍出黃果樹不利引還鎮甯仲家走攻城孝連請飭趙德光  
來援德昌亦請飭德光援郎岱旋奉上諭安義鎮總兵趙德昌着張  
亮基飭令赴四川交崇實駱秉章差遣旣而不果

同治五年

丙寅 八 六 六

春正月初八日古州鎮總兵趙德光自永甯還

盧阿代仍回略旋陷落別官寨據之苗仲遂合大錫以力難兼顧請  
復檄德光援剿四月官寨扁擔山仲苗合回衆再略繁花諸屯破六  
保寨 五月水淹衝仲家陸阿佃屢變清軍至輒以賄降 六月十  
六日官寨仲苗復走陷定南汛把總熊起鵬遁德昌自府遣軍進規  
安順府知府呂序程稟言趙畢兩軍皆圖鎮甯相齟齬趙軍現劄府

西雖遣軍歸定南人少恐不得力大隊均在此間仍欲趨鎮甯畢軍故單誠難復城然定南賊走府城四十里正便宜早防請飭趙軍門親率全軍先克定南再併畢軍取鎮甯爲一舉兩得前序程請趙軍門約東兵練實以各處失守皆係練爲內應而趙軍門不悅卽日劄出城外練衆本非良善多與賊通來爲練而去爲賊展轉不可究詰有已被撤爲賊仍冒原營練目其舊侶在營復爲徇隱承認使人不疑不受盤詰不聽驅逐恃營主之勢而練益橫假官練之名而賊益巧統帶者既不約束且多庇護地方官無可如何以致賊與練通勾襲城池無不得手至相率視爲利藪全省城池失守殆徧且有屢失者強半由此 秋七月鎮甯諸軍不和久相持於是張亮基檄新授貴西道葆亨赴安順督軍仲苗多走還官寨并分出歸化走廣順三十日鎮甯官寨敵走府南出張官堡犯安平 八月初四日趙德昌復定南汛外委金家蘭陣亡 十五日苗仲等入鎮甯州城大掠去時諸軍隨敵赴安平畢大錫留練防鎮甯遽回安順練弛備敵至卽



入毀民房略盡民無棲止且乏食自是遂各依險立屯聚守 九月  
初七日苗仲等再入鎮甯州城無所掠則盡毀廟宇民居而出盧阿  
代據烏東隴韋登仲據豆角灣皆逼於鎮甯即岱官寨仲苗悉徙據  
關嶺趙德昌告病請開缺亮基不許 十月鎮甯安平諸苗仲多趨  
架布雞場掠陷十餘屯畢大錫擊之不利 十一月陸阿佃等與教  
匪合掠定番大塘破二屯穿洞至望城關 關嶺仲家數攻永甯趙  
德昌遣游擊周起發柴思松往援而架布雞場苗仲復出大水橋九  
溪壩二官寨德昌遣參將池友蓮會畢軍擊走之 十二月初二日  
守備廖法貴陣斬陸阿佃 畢大錫趙德昌軍安順不相能張亮基  
乃以大錫署貴西道辦大定軍務而以安順全屬責成德昌  
同治六年丁卯 八 六 七 夏五月署安順知府汪炳璈設局招撫永甯石  
頭寨仲家潘阿純等六十一寨皆反正  
同治七年戊辰 八 六 八 夏六月定番木瓜場結三槽仲家變起總兵吳  
占勝得檄自歸化移擊至巖上會羊場河有敵出定番江龍間道走

攻占勝營把總李洪貴陣沒死傷無數占勝突圍走敵旋退長寨定  
番界交花占勝始收潰卒仍回巖上古羊 七月吳占勝屢敗與定  
番仲家相持不下會團首羅燦章文師尙率團援至仲家走冷水大  
屯旋出董朗河走斷杉抵季去 八月平越清平仲家乞撫 冬十  
一月總兵林自清擊灣河塘仲家盧老春負固守自清逼攻不下  
二十九日記名提督陳希祥旋回軍馬堡安撫大小新寨脅從各屯  
合攻灣河 十二月初五日陳希祥遣副將葉珍祥攻至灣河山頂  
敵知不守急馳突下珍祥中創反走軍稍却林自清遣軍援至敵仍  
奔還至晚希祥自清合攻擲火延燒苗寨立破之禽斬盧老春希祥  
移軍化處

同治八年己巳八六九九春正月陳希祥遣軍進擊扁擔山附近諸仲家  
先後來歸者三十餘寨 二月安順畢大錫等爭希祥甚力曾璧光  
爲咨川督留之不可統帶援黔川軍唐炯因上言璧光略曰各軍自  
由重安進規大破苗賊拔降夷千餘戶清平縣城不難卽下必須先



將清平東西北三面降圍撫定選銳作導分路搜剿使賊備多力分我軍後路穩定然後合規庶免進退失據惟楊老諸軍不日同起清平兵勢日趨於東平麻一帶空闊無阻不可不預爲扼防於是川督檄希祥去黔西一帶防務仍付成耀星耀星復以病假回而以記名提督成鼎臣代辦 陳希祥去扁擔山又不靖畢大錫以都司祝友信攻定旦 三月扁擔山仲家擊破祝友信前營沒五十餘人畢大錫遣都司祝朝枏馳援同友信敗之裸夏 夏四月初一日畢大錫以扁擔山仲家多不勝剿又軍糧乏於是分軍扼黃果樹偏坡復設撫局招之郎永鎮仲家受撫者二百餘寨 秋九月二十七日副將林桂祥集仲家襲入鎮甯州城執署知州尹樹棠去桂祥自清弟也自清被殺時桂祥去之雲南自是回據丁旗堡抗拒 冬十一月初八日仲家苗薄郎岱廳城署同知孫清彥署永安協副將楊開祥城守巖黨毀沙鍋寨退月亮河 畢大錫既事招撫鎮甯烏東隴仲家仍不靖數出侵略

同治九年庚午八十七。夏四月仲家廖永開爲廖天源子久據響鑼屯至是赴總兵李榮春副將李昌福營降因令導軍擊走附近毛栗寨旋移軍進烏東隴 六月李榮春方進剿烏東隴仲家伍阿羅韋應洪等請降榮春商署理安順府知府易佩紳許之昌福初至以賊反覆不可信既亦許之 秋七月初四日易佩紳馳赴尖山屯會李榮春招撫烏東隴十三寨仲家還安順 即岱那備仲家吳貢南等久附巖大五仲家白鳳鳴時掠至附郭同知喻懷信以千總徐可友外委楊秀芳率團練擊則溪都司毓秀四川守備武靖川由以各擊那備飭生員王相鼎先至則溪陣沒會巖大五援至十五日可友秀芳再進遇伏并沒於則溪毓秀靖川敗敵以各破花得河木城據之 八月白鳳鳴等自即岱潛走安順冒練襲破張官堡余官屯副將高伯麟援擊不利創回白據屯四掠頗張 九月即岱白鳳鳴既走安順吳貢南勢頗孤武靖川復出煤廠坡襲其後衆多潰走貢南降 冬十月自白鳳鳴自張官屯遣赴兩軍祈降而託詞請候巖大五四



川候補同知于德楷與期數日不至因進逼白焚屯遁走烏東隴石頭寨附近之郭家莊賊亦望風走德楷率軍追擊至石頭寨鳳鳴已走鎮甯立破之外委楊遇春陣沒夏官堡黑河新橋十餘寨悉下

同治十一年壬申七二春正月廖永開自永甯陷復變據響鐘屯

二月即岱那備吳貢南復陰附巖大五衛送之貞豐總兵鄧有德馳至合團衆禽貢南殺之白鳳鳴據白牛屯賽瓦數掠附城諸屯

提督周達武遣兩營剿辦黃果樹以客因寨實先諸仲家起事剿之

鍾有思破客田仲家安順府知府馮澍馳至招降附近二百餘寨

五月初八日鍾有思遣軍破據響鐘屯廖永開敗走募役司爲伏

兵所殺鎮甯即岱扁擔山仲家復出掠達武檄總兵鍾開蘭剿扁

擔山會開蘭病乃以已革甘肅提督陶茂林率四營往剿曾璧光因

檄候補道徐達邦督辦上游善後達邦至興義稟略曰善後事宜以

賑濟安插爲先賑濟需用浩繁勢有不給而安插必俟清楚絕逆產

業始計口授田則時有難待請由局發給牛種先令墾荒一面照章

清查期以四年從之 十一月陶茂林軍至鎮甯分割小營盤兩巢  
橋馬簡寨黃果樹繁芷郎岱壩傘寨石龍關檄諭諸寨緝獲渠魁招  
撫降衆仲家聚衆爲備無降意而永甯貢生胡垣等稟言客田仲家  
吳白蓮韋成章登仲等前曾兩陷鎮甯一破安南永甯攻安順宜剿  
鎮甯武生楊先春亦稟高蕩賊伍理法伍老羊等聚衆據阿貢兩巢  
竹子屯諸寨爲客田聲援客田吳鳳鳴吳五斤韋永忠韋阿由等復  
投入天主教挾以爲重大灣賊王陽德遂自稱國師擁衆自固茂林  
無所措置具以聞請璧光達武定議璧光委員查辦天主堂教民虛  
實不卽動兵仲家乘間結納諸路游勇勢益張

同治十二年

癸酉

春二月客田吳白蓮等久逃匿陶茂林調得

所在密遣副將周鳴和及團首生員葉沛霖至白巖山洞捕斬吳五  
斤等禽白蓮及白鳳鳴以歸韋祖德走鎮甯道行劫鳴和等馳至悉  
禽之並續獲邦得寨小灣阿由寨諸仲渠 六月陶茂林以扁擔山  
事竣請回省咸同仲家之變告一段落



附錄

任秋元獨坡壘戰守紀略云鎮甯之西十五里許有獨坡坳者山石聳峭溪水環繞故以獨坡得名而壘亦因之也距十三旗寨里許丙寅城陷夷匪猖獗因與賊巢客田寨比隣十三旗寨紳葉汝霖魯錦章等慮其後山高逼且寬闊難守集衆築壘於獨坡相聯阿果坳大坳後山坳羅漢坳玉屏坳雙合坳諸處犄角以爲互援所謂人和地利悉得宜也刻日成功全寨人民移居其上以勇壯丁男紮守要隘募死士百人爲遊兵居中聽調時值米羅逆夷黃大老板奉穆洪春爲僞主自稱爲僞正元帥祝山爲僞副元帥踞叛關嶺中畜羊一頭大如牛毛如蕪草頂有肉角寸許未悉從何得來每出隊必視羊之所向雖黑夜必令偕往往則必克賊中奉爲神羊因號羊元帥焉五月十六日賊由關嶺拔隊啓行驅而之前其羊直抵阿果寨卽爲所破遂止焉因賊多不容分紮十三旗寨中獨坡坳與寨相依爲賊垂

涎者久之一日賊督全隊分十餘股蜂擁環攻又分數股紮守  
河岸拆房屋板木爲橋以渡繞圍地脚上用飛石擊下死傷甚  
多旋用門板及桌面頂冒矢石有紅衣賊持刀督隊地上用炮  
從上擊下炮用不神汝霖集遊兵議曰存亡在頃刻矣不拚以  
命吾地廢矣親督死士短兵相接濺血如雨殺賊無數卽督隊  
賊目亦爲所拴賊始退去由是死賊較多積恨益深編折民房  
於坡脚下周圍紮棚數十座日夜並力攻逼欲其糧盡自斃七  
月十九賊攻下瓦窰地武庠魯德徵魯德彰魯軼羣魯廷棟魯  
成章均出陣殉難所屠男女大小百七十餘人生執數十人閤  
地脫逃者僅五六人武童魯鳳岐被賊縛至營中支解以死蓋  
惡其平日奮勇也二十日賊攻下阿果大地貢生沈立章文庠  
沈宗泗饒克成監生馮次侯死之男婦墜巖死者八十餘被殺  
者近百生縛去三十餘人內有廩生沈宗鏗執至賊營喝跪宗  
鏗怒目忿罵賊用刀割唇剜眼血流遮面罵不絕口而死二大



地爲賊所破餘皆胆裂羅漢玉屏二地力弱難守賊以甘言誘之同日並破男婦越牆跌巖而死者數十人四路截殺計有三百餘人殺戮之慘已難盡述後山雙合二地一爲賊夜襲而破一爲賊圍攻自奔男婦死近二百餘人貢生駱如鵬文庠駱瑞麟亦與其難各地已破賊使新降團丁說汝霖降啖以僞爵汝霖不顧防守益力賊忿亦加攻襲賴汝霖督戰因以未償賊因不獲汝霖將隣地奪獲男女多係親故以長索貫繫地脚河岸或先刺要害拋赴中流者或用繩繫手足推跌河中以石戲擊者至小兒則拋擲空中以刀矛相接戲弄甚以赤身婦女縛樹作的賭射呼號痛楚天地昏黑汝霖目擊悽慘誓不俱生急喚大礮轟擊親爲裝藥觀準詎炮先有宿藥甫着火而炮後觸震傷汝霖左額骨損血流如注當卽昏絕衆心驚惶不知何措逾時甦喚家人勇士囑曰我無生矣我死陰魂必助爾等殺賊決不可沒墮我銳氣大聲呼天者三遂絕無一語及家事死後地

中秘不發喪防守如故至十二月糧食將盡有文庠宋政寬率  
死士夜出赴城購米回路遇伏賊殺之購獲米糧僅可支持數  
日賊覺益設卡隘團丁渡河十餘次均爲所遏困至次年二月  
始則宰殺牲畜充饑繼則搜牛馬皮煮食野菜野草亦採取盡  
淨又兼瘟疫大起死亡枕藉睢陽之羅雀掘鼠華元之易子析  
骸不過是矣守備魯錦章自願出請救兵屯衆阻之不可乘夜  
半率子姪三人甫渡河草叢中突出十餘賊刀矛橫施錦章以  
勢不敵而死從人奔回孫州主探悉其情募魯定邦等五十人  
各攜斗米隨帶火筒火彈偷至賊卡突用火器燒擊賊大奔潰  
米竟得達時值米貴逾珠無力採辦幸團丁等奪命夜擊賊營  
伏路要截殺賊負歸同牲肉烹以療饑孟子云人將相食不料  
今日見之也賊屢攻不克至六月移營別去後爲畢社堂太守  
募死士將羊奪獲無陣不敗黃逆亦被擒斬噫以四圍皆賊之  
區孑然一坵孤立無助且數月絕糧分無生理卒能捍禦強敵



雖曰人事豈非天意哉葉公汝霖爲衆而死死亦無憾名且不  
朽矣故得援筆而紀其略焉

第七十五章 水家之役

咸豐五年乙卯五五冬十月日荔波縣屬凡十六里西則蒙石巴灰  
南則董戒北則巴乃羊奉羊安東則搖台方村時來搖慶周覃九千  
三洞巴容水婆我蒲惟搖慶里漢民有三百戶餘多水仲苗搖水家  
亦苗類尤彊悍九千三洞地較險自教首羅天明等入三洞相扇九  
千水家遂起應屢薄縣城代理知縣候補府經歷蔣嘉穀病莫能興  
訓導鄭珍代籌守具復募廣西練禦之水家覃朝綱等祈降已復變  
糾上江徐多福等攻水堡復薄城嘉穀率候補從九劉芝山大敗之  
十六日乘勝由水堡追至水錯塘水苗從中起斷嘉穀歸路圍之數  
匝嘉穀被重創力絕陣沒外委吳邦瑞等數十人俱死芝山在後脫  
奔入城 二十日復集衆進攻縣城芝山禦守中礮沒城圍三日板  
搖團援至始解嘉穀蒞任不久內輯衆心外禦侵陵爲民倚重芝山

能舉六十片礮蹲發斃敵既先後死練無主且乏食多潰回廣西民多隨西去蒙石石來各團集衆守自是水家與苗教相結擾攘至十五年之久直至同治八年六月始已

附錄

黎庶昌拙尊園叢稿鄭徵君墓表云先生諱珍字子尹晚號柴翁姓鄭氏其先吉水人七世祖益顯爲劉綎部將以明萬歷庚子從平播班師被論回衛益顯領舊兵屯防水煙遂爲遵義人曾祖某祖學山縣學生員考文清兩世精醫衍德於術妣氏黎余姑也先生自幼精力之過絕人寓目輒能記誦余世父雪樓公以憂歸自桐鄉多蓄典籍先生以甥行學於舅家悉令鼓篋讀之恆達旦夕肘不離案衣不解帶數年而學以大明道光五年受知於歙縣程侍郎恩澤侍郎詔之曰爲學不先識字何以讀三代秦漢之書先生大感悟益進求諸聲音文字之原與古宮室冠服車輿之制方是時海內崇尚攷据名曰漢學從者波



靡先生師承其說實事求是不立異不苟同卽已洞知諸儒者之弊治經宗漢析理尊宋踰二年復從侍郎於湖南歸而與府教授莫猶人先生游益得與聞國朝六七鉅儒宗旨久之經術益大涵肆莫可殫詰先生之爲學其孤詣有可得而言者矣其初實致力於許鄭二家之書以爲不明傳注則經不能通不明訓詁則傳注不可得而讀其於康成叔重信之惟恐不篤尊寵之惟恐不及旣治三反苟有感則發憤潭思又不合則羣綜諸儒之說旁參曲證必求一得當程朱氏之義理而後已如是者積三十餘年而先生之於三禮六書乃始渙然怡然矣蓋經莫難讀於儀禮昏喪尤人道之至重則爲儀禮私箋古制莫晦於攷工則爲論輿私箋鳧氏圖說小學莫尊於文以段玉裁嚴可均二家之說綦備則爲說文逸字及說文新附攷奇字莫詳於郭忠恕汗簡而謬俗實多則爲汗簡箋漢學莫盛於康成則爲鄭學錄每勘一疑獻一義刊漏裁誣卓然俟聖而不惑斯亦天

地之神勇也先生嘗以謂遵義漢牂柯地自郡人尹珍從許慎  
應奉授經書圖緯教授南域後遂無有經術發聞者於是毅然  
以道真自命故學成而先生毅然爲西南巨儒以道光十七年  
丁酉舉於鄉甲辰大挑二等凡三爲校官最後補荔波縣訓導  
適牂夷作亂大舉攻城縣令蔣嘉穀病不能視事先生募南丹  
廠工三百人署以軍政縋城出擊斬馘甚衆城賴以完未幾遂  
棄其官以歸先是先生自得鄉舉後卽已厭薄仕進惟從政於  
門內甚謹存則授几授杖以至視形聽聲無不致敬以勉於分  
所當爲沒則附身附棺以至繼志述事無不盡慎以達乎心之  
所安晚歲經營子午山廬於墓次將浩然自得以終不復與聞  
人間事同治二年癸亥乃用大臣密薦詔赴江蘇以知縣補用  
未行而口疾作遂以甲子九月十七日終於家春秋五十有九  
配余從姊黎孺人子一知同女子二人孫男幾人孫女幾人先  
生之學鴻肆而核辯經術所不能盡者益播爲詩古文辭以昌



大之瓌奇孤邈力闡陳常論者以爲漢學家所未有譔著之書  
已刊行者儀禮私箋八卷輪輿私箋二卷說文逸字二卷說文  
新附攷六卷汗簡箋正八卷鄭學錄四卷巢經巢經說一卷巢  
經巢鈔九卷樗繭譜一卷母教錄一卷未刊者有攷工龜氏圖  
說說隸親屬記老子注世系一綫圖巢經巢文鈔無欲齋詩注  
凡若干卷而遵義府志播雅兩書尤爲邦人文獻所繫往者吾  
讀國史儒林傳見高宗純皇帝崇尚儒術於時顧棟高粱錫璵  
等皆以經明學粹下詔褒許列於冊首如先生者內而懿行集  
於身外而經術顯於衆以視棟高諸人孰爲優劣未易遽定其  
可與於儒林邪抑將以俟諸知言君子

清國史蔣嘉穀傳嘉穀順天大興人原籍浙江山陰初以府經  
歷分發貴州旋保知縣咸豐三年署荔波縣知縣粵氛近逼土  
匪乘之嘉穀內守外禦境內安堵治獄尤明允師疲糧匱或以  
勸捐進嘉穀不忍朘其生而激之變寢其議不行五年林夷與

粵匪合聚衆五六千人嘉穀募勇五百人拒守時都勾八寨等各有苗匪而近省之龍里貴定土匪徧地驛報不通餉需缺乏嘉穀毀家募勇妻陸氏亦釵釧佐軍民感奮守益堅以故近府縣皆不保荔波獨存後賊訶知空虛麾衆並進嘉穀誓死鏖戰不與俱生久之傷亡略盡嘉穀衝突跳蕩猶裹創刃賊俄被執怒不屈賊束薪漬油徧體灼之死而復甦甦則罵罵則復灼如是數次乃絕巡撫蔣霽遠以嘉穀善政得民力捍疆宇被害尤慘奏入從優議卹光緒十五年貴州紳民請於死事地方及原籍建立專祠允之

劉芝山湖南志作劉山據志劉山本名伯龍湖南澁浦人兄弟皆業冶於廣西河池州伯龍樸誠驍勇冶人皆服之咸豐初宗人士哲剿賊南丹伯龍率冶者八十餘人佐之殄其渠旣士哲以知縣去而伯龍仍留冶河池會貴州獨山賊楊元保竄廣西伯龍率冶徒迎擊之遂擒元保元保者黔賊之尤悍者也當事



者喜其就擒然莫得擒賊者主各有言首克賊者激浦劉三也  
遂以劉山名入奏請從九品候補時貴州羣盜竄起荔波尤苦  
賊知縣蔣嘉穀聞劉三名數使往聘伯龍率治徒八十餘名至  
荔波始知已得敘爲官自是遂居劉山名明日卽率八十餘人  
至嘉穀所並鄉兵數百擊賊境內盡殄之由是縣境戰守事悉  
委於山已而賊竄懸壁山山爲縣要隘山聞警疾率數百人馳  
六十餘里爭先扼其巔賊不得上而他賊窺山遠出遂率黨犯  
城夜三鼓嘉穀飛檄至請回援山乃命營中張燈火嚴鼓角如  
故而潛率健卒數十人穿賊壘而出抵城下天未明卽列炬攻  
賊賊倉卒爲所乘自相犇藉死者無算遂大潰城圍立解乃使  
弟叔龍率衆追北而已仍督所部回懸壁山山下賊亦遷延遁  
去當是時貴州善用兵者推韓超徐河清兩人及山數出奇計  
敗賊嘉穀上書巡撫言山用兵不在韓徐下巡撫調山赴省城  
而山重去嘉穀力辭之已又敗八寨苗於城下時貴州下游州

縣均爲賊殘毀而荔波倚山獨完固然以此益致賊恨不時反擊山益修守備日夜不休息久之賊稍疲山令叔龍去南門草山爲陣而已於西門外背水誘賊賊衆薄山山力戰不能敗而叔龍自後與擊賊乘勢追剿至水錯乃止方山追賊時嘉穀率數十人從後觀戰忽爲賊酋覃朝綱所戕山哭之如喪所親自是遂以死賊爲志矣旣率所部及冶徒居守荔波久之賊復來攻山方躍馬忽爲官營飛礮所中創甚山知事不濟急呼叔龍授以禦賊方略言訖而卒年三十餘山爲人樸拙如村農然臨陣指揮輒與古今膂力過人嘗持百餘觔巨礮與賊角其滅諸賊亦多得礮力初不識字及來荔波師事嘉穀軍事之暇輒求爲講說其他宿儒亦然有功不自伐營弁某妬其能數面辱之山不與校旣卒荔波老幼男婦皆流涕巡撫以聞詔從優議卹叔龍與冶徒數十人奉喪歸河池遂不復出叔龍勇與兄埒而智不及云



鄭珍巢經巢詩七月初二日往我蒲相隘設關一首云苗患起  
且蘭焚掠日向烈兵餉兩不繼疆臣任橫軼所恃毛葫蘆保就  
自固結咫尺山脚地失自前廿七守土往當邊微軀敢辭拙侵  
曉入山谷連陰氣騷屑處處胡麻花綠坡白如雪草深徑微茫  
歷歷踏巖缺人烟固稀少衆志尙勇決爲語下鄉生急去塹險  
絕芒鞋奉雞酒氣振受指挈一笑談經牙化爲論兵舌

又七月十六日挈家發荔波一首云老去運轉拙兩年歷艱難  
去冬挈家出脫命戈戟端五旬喪雙孺念來輒心酸荔波實窮  
陋春上謂少安數十小偷兒延延蔓且蘭夏杪失山脚三洞境  
逼連距山脚地百里獨山邑宰此防禦月餘嗟漬還吾生強好事

是時本閒官出身爲保境設險籌其先千夫轉木石突兀見九  
關蒙石里打鼓坡山犁山樟樹峒時來里樸木手諭十六  
里促作毛葫蘆雨夜遣門生育泉募練馳南丹小友召翁昂王  
翁貢錦募練健兒爭赴援宰窮帑斷絕餉又焦吾肝匹馬入邨落婉

勸輸金錢民愚不急義富者但乞憐或拔牛一毛我舌亦已乾

自從七月來戰守誠完完狂賊浸入境煽投林家蠻北不盡水

婆東不盡九千皆里名嘯呼逐客戶焚宅分園田我練既大集邑

宰蔣嘉乃病纏遊擊馬清俊率之去威聲震蠻天破賊百里外八月

廿六臘殺賊過前旋却賊更延又出又大捷九月初六殺賊過水錯

頭殺其妖書數冊一夕嗟三遷重關置不守賊遂臨郭前九

十二圍賊凌晨出攻擊易若風掃烟此時若追捕使彼無一旋

乘勝剿數砦大懲懾其頑彼畏我如神招撫庶可言如何即退

入堅閉城門糧營卒競功賞忽已兩日間奔者既萍聚來者復

鈎牽近寨十逃九城中半空闐誰歟與吾守中夜起浩歎事變

知若何我非民社權武城有越寇賢躅許躋板告罷又月來名

存實非官門生百里外掃舍心久專庶以息老夫脫此危邦患

秋郊日慘色紅樹綠江干露擔數千卷出入妻孥間回首望白

厓漸遠增愴然涼風吹馬首蕭條異山川悠悠歎吾生哀樂送



百年數也可奈何何必辭阻艱

又聞十月十六日荔波知縣紹興蔣曉雲嘉穀擊賊縣東四十里水錯河力盡死之一首云冰苗生苗一時變兩月恃者三百練磴倉鏐窖亦已無勢不死守即死戰嗚呼大吏坐視如不知一令死若殺一雞天令若輩斲黔國君職已盡何啼為

又旋聞十月二十日南丹練首從九品賞戴藍翎劉芝山擊賊城外中銃子死死後二日其弟芝文率部眾出城與賊殊死戰殺賊尸幾與城平其兄及蔣令兩柩從歸南丹眾亦遂散一首云嗚呼世禍知未已無用不死有用死平生千里不留行兵事好還爾何悔季也縞素揮雙刀兩棺捲過血漲濠匹夫報友報國止於此孰要天子知其勞

又劉三行云

銘芝山字伯龍以功得從九品賜藍翎

字叔龍粵人呼劉三劉四 激浦劉三

勇絕倫熊眼虎步儒士身南丹冶鐵兒其羣起殺粵賊賊益麇笑視千萬如一人手提鐵礮六十觔蹲置膝上承以肱右手發

火雷怒聲鉛子百貫如空行子未落地繼又轟擲礮拍手看賊  
崩乃公懶追縱使生連日大戰南丹平論功推與士哲元坐看  
五馬加雙旌三族兄士哲秀才至治依三每從討安知從九何  
功名冶畔延師授五經荔波苗孽擁螽蟻擬柳地治飛書速之至  
爲我疾馳二百里開口不說殺人事殺氣時向眉間起大酒宵  
酣把君臂青眼乃今見吾子吁嗟三乎吾老矣

第七十六章 熟苗之役

咸豐六年丙辰春三月松桃廳西北六十里石規衛本苗地嘉  
慶苗亂平清釐逆產奏設衛屯苗屯雜居至是苗衆乘亂思逞謂屯  
地皆其祖業謀奪回銅仁紅號田瑞龍因與結四川川北鎮總兵蔣  
玉龍方率川兵自秀山赴鎮遠十九日遇瑞龍平頭司擊敗之熟苗  
遂圍衛城 夏四月松桃廳同知恩彬以訓導趙國元貢生吳秀鍾  
等解散石規諸苗黨自入衛城撫之 五月石規苗復與思南銅仁  
各苗結還據衛城 冬十月思南府知府周夔駐軍太平營石規苗



來犯外委楊通勇等却之殺苗首白喜貴等進軍芭蕉灣毀苗寨二十餘處十一月周夔擊破石硯苗屯頗有勝利苗復就撫

咸豐十年

庚申八六

秋九月威甯苗自挖戛過河走畢節張官屯會

裸羅安老滿等亦起掠據殷底擺溪苗亦相應旋犯七星關團衆却之冬十月畢節殷底苗擊潰撒刺溪團逼長春鋪大定府知府魯經芳以威甯州知州顧崑揚及委員后期昌赴七星關查辦教黨起相扇結聚益衆野馬川平山鋪大道爲阻經芳率軍自往安撫至十八家地值苗槓方掠至豬拱箐後經芳率團衆擊却之箐爲以機阿克土目地在威甯雲南鎮雄接界與縣毗威甯東北二百七十里萬山叢籟綿延二十餘里四面絕壁勢甚險峻苗衆遂據爲根據地十一月初三日前署威甯州知州顧崑揚至七星關安撫苗衆被害后期昌先率團防新屯至是奔退縣城苗毀七星關蔓至四書魯經芳檄團首葛致遠以團衆由豬拱箐進并約雲南鎮雄府合擊苗遂走合七星關自楊龍喜略縣後縣團久弛至是團民見敵卽奔西北

里民爭入城避兵候選通判周寶乃捐貲募練三百同七星關團首金祖應等並宣義團防剿屢敗苗府生員賀明良復敗苗骨董山代理畢赤營游擊楊名高上言曰前苗衆竄入殷底張官屯擺溪時當調汛兵二百人往剿嗣魯守經芳主撫出示不許畢節汪令金麟亦以經費無出爲辭撤去汛兵致賊益熾始以崑揚馳辦因及於難焉

威甯苗掠至水城大布寨武生楊芳翠陣沒苗據福集廠 十二月水城福集廠苗略茨衝新老街入郎岱適郎岱西北擢木者歸沙安氏聚衆起事因與合適署游擊玉麟方赴任途次率團擊之敗退苗勢益盛

咸豐十一年辛酉 春正月畢節賀明良屢敗鈕知縣馬應鏜告急邑紳等入省祈援提督田興恕遣游擊李有恆率湘勇六百赴援敗苗五穀壩苗退據七星關 二月李有恆攻七星關苗不下會雲貴總督張亮基病免道出畢節以尋霑營千總高應選率滇勇二百隸有恆軍有恆遂合滇勇及宣義團勇擊走之苗退據峯頂山約降



會太平軍別遣隊敗於平遠渡六歸河走薄縣城城幾陷有恆自峯頂回守人心稍定別遣隊東南據梓潼關苗踵至導略西南鄉寨

三月初九日田興恕以都勻副將周學桂楊巖保自大定進援畢節

並拒太平軍至歸化塘詳見第四十五章三月二十五日周學桂及游擊

熊俊追太平軍至松樹灣戰甚酣軍後忽爲苗截斷戰殊劇學桂重

創突圍出歸逾日卒俊馳突不得出墮牛場河死兵練死亡頗衆

署郎岱同知陳光銛署參將鄂清以防拒歸沙安氏故出茲因太平

軍故回防郎岱城擢木者苗復結水城白泥苗據狗場至是光銛鄂

清分率兵團敗之并破擢木者苗走水城去恩彬等亦擊敗福集廠

苗於雙龍井夏四月福集廠賊分伏以姑寨不出恩彬等進軍破

之餘苗西入小屯山恩彬剿捕略盡再攻阿戛屯六月畢節峯頂

山苗猶據秋七月恩彬與阿戛屯苗相持月餘至是苗出犯擊敗

官軍陣亡百餘人恩彬復添募練五百人結內應攻潰之八月初

九日大定土目安中和集苗積數千人剽掠悅服嘉禾諸里九月

初九日安中和率苗楨出高家店攻對江屯團營急會大定府知府陳濤遣軍功鄭道森等以數千人巡徼適至突擊苗等始退 冬十月李有恆方擊走畢節峯頂山苗移剿豬拱箐威甯苗出掠大小白巖護貴西道葉如松遣守備張爾惠及土目安域臣募練千五百人防剿不克 十二月兼巡撫田興恕檄調清鎮團總何三斗至省殺之三斗嘗聯團能禦賊民多歸之興恕等以其恃衆抗糧前總督恆春密飭查拿三斗他走事寢旋回復梗釐金釐穀議興恕密飭趙國澍誘三斗并其黨唐詩林至省殺之清鎮姚宗保遂聚團以國澍構陷圖復仇因劫鎮西衛釐局戕委員錢芝張鍾元等興恕急檄糧儲道韓超馳至清鎮解散鎮撫令縛獻宗保等殺之衆旋定或云鎮西衛釐谷局有廖姓輸谷稍遲委員因係之初三日突有苗民萬餘毀鎮西衛釐金釐谷兩局戕官吏同時並毀黔西鴨池河局因委超等查辦獲爲首十數人解省責令賠償

詳見第五十三章

同治元年

壬戌 六二

春二月大定甲馬洞苗時掠悅服仁育諸里遂



自大壩擊潰三道水葉姓團衆護貴西道知府鄧爾巽遣管帶秦漢升軍功何楚林等馳剿 三月秦漢升何楚林等出阿戶橋進剿甲馬洞敗退河邊再退牛場橋軍械盡亡時李有恆猶攻豬拱箐毀畢節王家苗營餘苗走合甲馬洞有恆移軍擊之鄧爾巽進軍大水溝斬土目安貞吉會威甯大小白巖苗與槓衆結爾巽等檄團首安域臣擊走之 夏四月鄧爾巽陳濤連日遣軍扼白鋪河防苗渡李有恆方出董地敗苗鷄場壩十八日逼攻甲馬洞苗縋巖由以列沿河遁收降餘苗甚衆悉遣散分軍進剿大衝并以列餘苗竄白鋪河擊潰橋頭練濤及署大定協奎光出防 六月李有恆回大定分軍隨鄧爾巽搜剿白鋪河餘苗遣守備強福擊走高家莊諸苗爾巽旋赴威甯西道任撤遣部練餘軍歸署大定知府曹煇自回畢節剿豬拱箐 秋九月水城米羅苗乘勢薄廳城鄧爾巽及護威甯鎮麟志先復遣千總胡雲龍等率千餘人援之 冬十月胡雲龍及代理守備千總戴士榮援至水城士榮敗苗鍾山官寨苗掠走小河爾巽復遣

雲龍等馳援軍功劉廷相棄營先走士樂力戰沒 十一月水城圍解鄧爾巽始援至圍剿米羅旋以餉絀括民資遣散各練而回落飛夏媽籠塊苗米羅黨也遮爾巽於道爾巽仍集練回敗之小河適普安廳同知錢燠由回中釋出至水城屬法箐至是圍首張萬選請留督團供糧剿苗

同治二年

癸亥

入

大三

夏五月水城比德苗久據時出略安城臣安廷

松等先率團擊媽籠塊苗走比德十七日護水城游擊劉雲山巡撫濫壩卒遇苗被創力戰會水城廳同知劉正朝援至引還越兩日以創劇沒苗旋走大定西路諸里據白泥屯署貴西道兼攝大定府沈西序及奎光就圍挑八百人遣把總陳元興顏先知率兵百人同剿二十五日敗退木空河傷亡頗衆 六月比德苗以水城無所掠自焚營東北竄大定擊潰圍練分據大兔場貓場沈西序檄水城平遠就近兜剿 秋七月豬拱箐苗久據李有恆移軍距箐七里之拱籠平先是有恆進省面陳巡撫張亮基以餉乏糧缺願得萬金立可成



功亮基許籌給川餉萬五千金促進軍有恆復以瓢兒井畢節諸局  
釐金爲言時報剿平苗槓而事如故沈西序亦請撥瓢兒井鹽課募  
練剿兔場 冬十月沈西序率軍出擊大兔場檄水城平遠練團來  
會再敗苗象鼻嶺復潰退強福重創回 十一月沈西序引還溪革  
河強福軍敗於凍青井西序遣援始却李有恆以威甯海馬姑苗與  
豬拱箐相掎角分軍擊之不克 十二月劉正朝自水城率軍會同  
游擊胡雲龍剿兔場敗苗公鷄山初六日沈西序遣候選府經縣丞  
李有容軍功張書廷擊苗白泥岡苗出凍青井截軍後書廷有容陣  
沒會豬拱箐苗分黨出乾河溝攻潰團營把總梁國楨武生黃見龍  
陣沒旋至雙山西序馳回遣練團擊走之

同治三年甲子六四 春正月李有恆以副將鍾昌林攻海馬姑自回  
畢節豬拱箐苗出栗樹平走安家井小水團至將軍山 二月苗掠  
大定北柯家橋黃泥塘沈西序遣守備李有燦破走之千總高應煒  
自畢節邀敗之小壩應煒應選從弟也李有恆猶攻海馬姑不下把

總李名揚胡正興皆陣沒豬拱箐苗來援有恆遣軍敗之 夏四月  
胡現龍等與兔場苗久相持水城千總會連科禦之法多羅陣沒  
五月威甯苗潰團首李啓馨等於得勝坡啓馨陣沒掠至銀廠豬拱  
箐苗如故李有恆請病回籍張亮基檄赴省不至 六月豬拱箐苗  
掠走太定對江屯劉正朝却之時督辦平遠軍務畢大錫方至平遠  
苗槓出以那架正朝赴溪革河約會攻 秋七月劉正朝以胡雲龍  
及把總劉正乾攻兔場會畢大錫遣軍出以那架同敗苗椀廠苗走  
比德阿戛其餘黨由鮓瓦鷄場走郎岱平遠界巖脚寨護理水城通  
判署照磨蔣肇銓擊之瓦戛潰回從九品范和衷中創旋沒巖脚寨  
苗旋破據白泥大魚塘大錫回攻不下二十二日苗邀之杉樹林敗  
還傷亡頗衆苗圍巖脚民屯急會張亮基檄大錫移剿安順大錫上  
言曰苗賊至多慮由大巖脚沙家馬場三岔河涉過蔓入安順必與  
安平何得勝黨合爲害愈鉅不如乘河漲賊不能涉或冀早得殲除  
是剿河外卽所以顧安順安平也 八月畢大錫遣軍援巖脚苗却



復屯五指山遮清軍路 九月苗陷平遠東南九十里陳家大屯畢  
大錫遣防波治之守備田占元都司陳連升同署普安協莫雲青皆  
棄營奔還苗攻大壩屯坐魁三角莊遏援軍大錫敗苗熊家場旋與  
知縣陳翊銘間道援大壩苗解去 豬拱箐苗首楊光宗病死陶三  
春勢稍衰頗有散亡分走海馬姑署畢赤營遊擊溫志學敗之 冬  
十月畢大錫擊苗白泥遣胡雲龍等攻五指山下會納雍楨首羅  
祖發尙連壽以二百餘人來降大錫意以賊攻賊令踰深溝逼五指  
山遠圍之雲龍等皆爲苗制大錫自率軍馳援不能進降衆皆死還  
者僅五十人時苗勢甚盛張亮基復檄游擊李庚清等以千八百人  
由安平會署知縣譚歲本剿巖脚寨陳家大屯不利守備田占元都  
司黃德成陣沒 十一月十六日兔場苗入大定府城署貴西道沈  
西序走免大定協奎光遁鼠場守備強福遁兔場初劉正朝自黔西  
獲苗間言苗衆將僞充菸商分赴各屬相機舉事正朝請檄嚴防而  
與署黔西州知州茹含章圖復黔西州城苗首巖大五顧馥春因結

何得勝黨由六廣河來援正朝遣團首何定功等禦之勾腰坡敗還  
間道苗府東百二十里距兔場七十餘里之以那架出西溪至府城  
會畢節黃白號亦由瓢兒井出以那壩至六龍踰北門入西溪苗由  
東城入西序被創僅免走畢節正朝孤軍糧絕潰走兔場含章亦退  
羅家寨在籍翰林院庶吉士內閣中書章永康倉卒殉難屍亦不獲  
又在籍知縣楊齊元父子及紳民同沒者五六百人大定黔西苗教  
絡繹於道張亮基檄參將鄧連升率湘勇馳往會剿遇敵鎮西衛却  
之至桂箐而平遠州苗因大定失愈四出畢大錫時得檄署安順府  
知府仍辦平遠軍務遂馳赴任以三十餘營營務付知縣羅書明游  
擊胡雲龍辦理苗旋竄府屬補堆可楚陷熊家場毀糧台分據谷挂  
筆當將渡三岔河大錫檄明書等出軍邀擊自率軍馳擊却之苗回  
白泥惟團首楊開祥以二百人要敗苗那木魚塘明書等觀望不出  
十二月初五日羅明書胡雲龍棄營走郎岱北大巖脚冷工冷壩  
五六及諸營因之皆奔越日那鼠坡小壩大壩鄧羅諸營悉驚走樂



東河遠近五十餘里三十餘營一時俱潰大錫聞變大驚連夜馳至樂東時民屯走避不及苗大肆屠戮大錫痛哭亟自劾稟張亮基祈斬明書褫雲龍職以謝百姓初明書自羅孝連營敗走興義治軍無狀民多怨之復投大錫大錫遽付以軍事及敗大錫以半載經營大小四十餘戰所得悉委敵罪在明書宜殺勿赦既而雲龍率軍走水城明書回營謝罪大錫復爲請亮基亦許之大錫乃遣軍渡三岔河據平遠穿洞泉馬羊場顧進軍路并分扼鎮甯翠雲關喜樂平遏安順北以軍少復馳回募練白泥五指山諸苗乘虛薄平遠州城前隨明書等同奔都司楊玉春李文貴練目楊有才等以衆降敵大錫將馳援陳家大屯苗悉衆出仲處龍場渡河竄平寨沙家馬場李庚清防馬場河口並焚其營潰還大錫以平遠遠不能及河內事亟因先赴定南波玉河援剿安平而請遣軍援平遠亮基以大錫係專辦平遠軍務練無統攝紛紛自潰遂使苗槓濫練蔓延爲患責有攸歸何得率請省援嚴斥之而平遠苗不時攻州城署知州馬樹清同署平

遠協梁正春力守請援亮基檄鄧爾巽署貴西道督辦軍務

同治四年乙丑六五春正月清鎮鎮西衛苗復自鴨池河下流入掠

茹含章請飭駐防清鎮雲南補用同知直隸州知州徐承勳出鎮西  
爛泥溝攻其後承勳以署古州游擊祝友林先赴張亮基復遣參將  
楊雙貴進援鄧爾巽方赴大定至黔西大平子城賊來犯却之劉正  
朝及知縣蔣肇銓等時以二千餘人還規大定副將鍾昌林都司金  
紹以就撫滇練楊榮武等三千五百人都司何遇春軍功徐治家職  
員周忠濂等以練團二千人衆凡八千有奇皆會府城外榮武等向  
在鎮雄與豬拱箐及威甯畢節諸檳通至是昌林紹招之來軍多而  
無統迄無功 卸署安順知府畢大錫援至安平會平遠苗號復過  
三岔河圍定南汛大錫復出白巖總兵林自清亦遣軍來會苗等解  
去剽掠一柯樹狗場 二十九日苗教襲陷正安州城署知州楊言  
署吏目陸厚坤遁卸署吏目郎洞縣丞王德駿被害候選訓導徐亮  
采闔家生員萬化成闔家廩生敖步瀛監生王正興等皆沒先是去



冬白號據距州六十里馬村梨亞言等久無備而倚團紳達才連招  
降白號莫飛鵬等爲練屢不法至是倉卒陷民多受害而才連家獨  
完詳見第四章二月徐承勳軍次黔西南二十里空桐樹祝友林等  
軍相繼潰都司黎光善等陣亡楊雙貴次爛溝不進苗號遂北圍大  
定東南六十里背作屯焚水淹壩三月鄧爾巽屢與大定苗教相  
持猪拱箐黔西苗爲之助轉攻劉正朝鍾昌林等軍幫辦方海發都  
司金紹及徐占鑣等陣沒復陷徐治家營過河掠對江屯絕清軍鐔  
道楊雙貴軍始至苗教圍之幾陷白泥苗南渡三岔河分據沙家  
馬場及郎岱六枝場畢大錫軍定南化處波王河分出化處進水母  
窰上關擊苗破窰上梅子兩關苗併歸沙家馬場永甯保安局圍首  
何光明率永甯鎮甯郎岱安平諸團衆凡二萬有奇出下募役郎岱  
三枝六枝官寨連營大巖脚梅子關攻安平戛底寨不克軍轉潰大  
錫率祝友林等進劄六枝友林方自黔西潰回故從大錫夏四月  
張亮基以總兵趙德光援剿大定黔西湖南巡撫駱秉章奏以雲

南布政使劉嶽昭率湘軍自合江援黔嶽昭先遣總兵李家福率五營由南川規正安自率諸軍次松坎爲聲援分軍扼羊角碕趕水閏月趙德光自黔西進規大定二十四日至府城苗教來拒德光戰不利把總何士德陣亡副將賈必祥都司徐芳中創旋沒德光合軍圍之 初八日提督趙德昌及古州鎮總兵趙德光復大定府城餘衆走黔西打鼓新場 竹山間走遵義苗回猪拱箐德昌移軍六龍德光回防開州 馬場六枝苗自焚營走羊場大巖脚墮卻出黑塘去定南河內略清畢大錫祝友林追至墮卻苗首黃金印一號大復老板 結水城苗來拒 秋七月猪拱箐苗略畢節何家屯 大巖脚羊場木共諸苗仲內交訐遂各焚營去苗回比德 八月苗自比德還略大定龍場團衆敗之苗多患疫死以萬計飢疲者不能走輒自斃而畢節阿市大鷄場普呢各苗號剽略層台堡海子街毛鷄場圖襲縣城署知縣茹含章同畢赤營游擊溫志學禦之苗走向家屯殷家屯軍功趙天源及家屬均被害含章約鍾昌林并七星關千總周尙本



來縣助守豬拱箐苗時出六韋大壩窺四川敘永 九月水城阿夏  
苗復入墮卻六枝 冬十月比德苗及沙家馬場餘衆復出白泥西  
克旋過阿撈河至距郎岱十餘里之補王畢大錫遣軍禦走之進逼  
西克 十二月水城苗首黃金印亦自西克數逼郎岱署同知郎汝  
城署永安協副將雙祿禦之不下於是畢大錫趙德昌議三路分兵  
大錫援郎岱 豬拱箐苗略至畢節附城大屯營

同治五年

丙寅

八

六

春正月初八日西克苗復出敗畢軍落別扁擔

山仲家起應大錫遂率軍出老譚堡擊落別遣軍劄二塘靛山遏西  
克苗 十六日馬場苗復過安順北四十里補堆河略可處寨 三  
月奉上諭雲貴總督勞崇光奏派員督剿鎮雄州進攻豬拱箐賊巢  
一摺貴州畢節豬拱箐地方苗號各匪據爲老巢上年竄陷雲南鎮  
雄州并分擾彝良州同地及昭通大關一帶蔓延甚廣若不亟籌剿  
辦勢將不可復制勞崇光現派藩司岑毓英挑選所部五千人馳往  
先由彝良進攻次第規取州城卽著飭令該署藩司親督所部實力

剿洗務將州城尅期攻拔鎮雄距豬拱箐僅四十里必須兩省會攻方能制賊死命并著張亮基嚴飭威甯鎮貴西道等文武各員厚集兵練與岑毓英之軍約期夾擊一俟州城克復卽會剿豬拱箐老巢以期痛殲逆氛禽渠掃穴該署撫務當振刷精神盡心疆事毋得遲延觀望坐失戎機欽此畢節與雲南鎮雄州接州屬彝良分州牛街縱橫四五百里土匪李開甲漆老新等結苗仲數出掠爲患豬拱箐苗亦出掠六歸河至茶店橫亘七八十里皆徧故崇光奏以毓英剿之平遠苗復過三岔河掠鎮甯乾壩平巖黃金印亦出西克攻官寨仲家旋陷落別官寨據之苗仲遂合大錫以力難兼顧請復檄德光援剿夏五月初二日岑毓英軍至威甯奎鄉十一日苗及黃金印等襲陷鎮甯州城署知州屠述鶴遁北團簸羅寨訓導王景春率練登城被創死之前黎平教授陳鑑清舉人白相清陳良模候選訓導范宜春庠生張日華等皆遇害吏目陸炳圖千總馬懋森外委馬勝貴皆遁先一日城外貓場趁墟苗混入至夜遽陷值大雨苗殺



戮無多水驟至淹斃數百人張亮基檄道員畢大錫署鎮遠鎮總兵  
羅孝連等馳剿先後至據北大路大山哨龍井塘真武山署永甯知  
州尹樹棠亦遣軍至營鯉魚屯與苗相持 六月黃金印既陷鎮甯  
官寨苗仲復據下募役馬場趨郎工河關嶺尹樹棠自鎮甯遣團首  
彭吉徵等拒守時畢大錫羅孝連規鎮甯不克副將彭萬勝來會大  
錫軍攻城千總祝友松劉德清中礮沒十六日官寨苗仲復走陷定  
南汛把總熊起鵬遁德昌自府遣軍進規安順府知府呂序程稟言  
趙畢兩軍皆圖鎮甯相齟齬趙軍現劄府西雖遣軍規定南人少恐  
不得力大隊均在此間仍欲趨鎮甯畢軍故單誠難復城然定南賊  
走府城四十里甚便宜早防請飭趙軍門親率全軍先克定南再併  
畢軍取鎮甯爲一舉兩得前序程請趙軍門約束兵練實以各處失  
守皆係練爲內應而趙軍門不悅卽日劄出城外練衆本非良善多  
與賊通來爲練而去爲賊展轉不可究詰有已被撤爲賊仍冒原營  
練目其舊侶在營復爲徇隱承認使人不疑不受盤詰不受驅逐恃

營主之勢而練益橫假官練之名而賊益巧統帶者既不約束且多庇護地方官無可如何以致賊與練通勾襲城守無得手至相率視爲利藪全省城池失守殆遍且有屢失者強半由此 秋七月鎮甯諸軍不和久相持於是張亮基檄新授貴西道葆亨赴安順督軍苗仲多走還官寨并分出歸化走廣順三十日鎮甯州復官寨苗仲仍走府南出張官堡犯安平 八月初三日苗仲入安平縣城署知縣江煦和千總陳萬青遁苗略附近諸屯葆亨羅孝連彭萬勝等分擊不克 初四日趙德昌復定南汛城外委金家蘭陣亡 十五日苗復入鎮甯城大掠去時諸軍隨苗仲赴安平畢大錫留練防鎮甯遽回安順練弛備苗仲至卽入毀民房略盡民無棲止且乏食遂各依險立屯聚守 九月初一日安平苗仲棄城走平遠修文去縣城復 初七日苗仲號三入鎮甯州城無所得則盡毀廟宇民居而出 冬十月鎮甯安平苗仲多趨州北架布鷄場連陷十餘屯畢大錫擊之不利 十一月官寨苗仲徙據關嶺數攻永甯趙德昌遣游擊



周起發柴思松往援而架布鷄場苗仲復出大水橋九溪壩二官寨  
德昌遣池友蓮會畢軍擊走之 十九日巖大五等趨平遠牛場犯  
州城 十二月畢大錫趙德昌軍安順不相能張亮基乃以大錫署  
貴西道辦大定軍務而以安順全屬責成德昌

同治六年丁卯六七月八春正月巖大五略至郎岱靛山德昌遣池友蓮

參將楊舉先後援敗之三塘巖沿河走阿拱犯廳城友蓮等躡擊却  
之旋走鷄場花得河掠青桐林德昌再遣上江協副將徐安邦及副  
將崔登高會剿旋同副將徐占先參將藍文蔚等敗之青桐林而副  
將李泉源及都司祝朝楠亦同時進規舊州二十四日東走楊官屯  
架布鷄場去 二月池友蓮擊苗白巖寨中創敗回郎岱苗乘勢直  
薄廳城會楊舉等軍至始退 岑毓英進剿豬拱箐十六日先破二  
龍關吳家屯豬拱箐大山表延數十里絕險惟北面鎮雄青松梁子  
一路可進兵其下爲吳家屯可間道大溜及屯頭入大溜路奇險而  
屯頭近海馬姑多阻因遣軍虛聲赴屯頭苗果趨守潛分兩軍攻二

龍關及大溜復遣一軍購鄉導夜踰涪拉山入伏吳家屯溝中俟苗盡出援大溜二龍關突擊破屯關苗聞賊潰箐苗來援守備張保和等敗之十九日毓英至屯分擊苗大潰追抵青松梁子毀苗營十餘龍家子頭目趙成禮等來降毓英質諸營令遣間約黨從北中起應至夜以成禮導軍出畢節西後所大寨連下觀音洞馬家屯二十日再破大水井逼豬拱箐苗數數敗海馬姑苗入援又敗之方毓英下二龍關時箐苗出毛平掠陷畢節東北家戛土目楊茂勳闔家四十餘人皆被害毓英因遣都司楊玉科由畢節路攻小埡口苗嚴守不下大定白泥屯居水城平遠郎岱間苗久據尤近大兔場守備何定功因請募團千人自籌口糧馳剿大定協舒良貴往會 白泥苗與黃白號結出茶店據兔場掠羊坑何定功請舒良貴防白泥自援羊坑良貴尋退楊家關苗至兔場良貴再退回城劉嶽昭仍籌進剿趙德昌率軍進規安平苗仲敗走清鎮二十八日安平復苗仲略清鎮白巖羊場後六多陷民屯 豬拱箐苗恃地險鑿濠列重卡拒



守岑毓英自破其一卡集楊玉科與鎮雄參將任士斌游擊吳鳳代理廣西營守備張保和諸軍環營百餘掎角薄攻自率軍巡徼鑿地道造木城以困之毓英調海馬姑附近紅巖尖山時輸糧爲造器械因檄會前威甯鎮總兵王丕烈馳攻而遣都司蔡標等進規海馬姑敗於黑章生員李沅陣沒 夏四月初二日豬拱箐苗下擊驅牛馬衝毀木城陷三營把總潘榮李萬蔣德潤千總楊發元皆陣沒苗復圍都司吳永安二營急張保和楊玉科馳援岑毓英繼至力戰竟夜殺苗首熊飛龍等始退 走合關嶺苗擊敗千總祝友諒軍朗洞千總李登榜陣沒趙德昌檄池友蓮由六枝馬場追擊檄楊舉會徐定邦剿關嶺 五月關嶺苗仍負固巖大五等尙據歸化 王丕烈等攻尖山急苗潛結大兔場苗來援岑毓英因遣土目安中華率練冒爲援直趨尖山苗衆開關納之中華等從中起畢節團紳候選直隸州知州周貧繼進遂據尖山進攻海馬姑 六月歸化巖大五聚黨愈多趙德昌時回安順遣楊舉與游擊楊德勝藍文蔚等往援與相

持提督趙德光復遣參將張樑出廣順岵陽游擊吳占勝出長寨狗場擊之比至苗已先二日東南走歸化西磨向火烘占勝文蔚追敗之夾西屯大五據紅播如故署通判張維權留楊舉駐防團民以楊營苛虐所供糧皆折銀便己私又威縛團首胥避之 岑毓英攻豬拱箐急首領陶三春知不守率衆突陷岑部二營復分黨擊各營殊死戰毓英揮軍進圍三春於東柵都司何秀林楊玉科等繼至馳入苗中擊殺無數三春突圍走還拒守諸軍益急攻屢日數掘地道苗亦傾地注水待不得下毓英度糧將盡厲諸將示必破十九日遣任士斌等率軍夾草持攬牌填壕拔柵而進自率玉科等繼之先破其老營苗等皆祈降乘勢攻至山頂苗馳下南奔海馬姑邀禽僞帥熊萬順即熊陶新春即陶虎虜俘千計惟三春遁萬順威甯人因巴拉苗熊大繼母王先適陶姓與前夫子正春三春等詭稱王氏有異術能避兵因結苗仲及漢人千餘自咸豐十年即據豬拱箐屢攻畢節合紅白號陷大定走陷雲南鎮雄并四川高縣拱縣建武至是始平署



貴西道畢大錫上言豬拱箐既滅其平遠牛場苗賊不日可下餘海馬姑白泥屯苗賊尙鴟張而大定各屬積匪千百成羣四出劫掠人民久不歸農比德苗曾向袁開第投誠而未繳軍器且霸佔人民產業又索商賈釐金方與保路否則被劫前舒良貴何定功攻剿白泥屯比德苗時爲之援餘米羅阿戛諸苗名雖投誠半皆如此又永甯關嶺之賊亦白泥屯分支故久據不下 秋七月初三日雲南布政使劉嶽昭遣副將謝景春等進軍黔西敗敵楊柳河進攻牛場不下 初五日署提督記名提督趙德光敗敵安平蘆荻哨中伏被害初即岱苗趙缺嘴等掠走楊家屯車頭堡蘆荻哨德光聞警疾馳至敗之晡時德光單騎從數人躍馬渡河探地勢逸苗倉皇避入叢林發槍中德光墮馬苗突出從人驚潰苗刳心洞腹取德光首去耗聞闔省皆震城鄉士民婦孺巷哭失聲行路皇皇若喪考妣民之被德者相與爲位祀若神明德光驃健善走追敵嘗先敵謂爲鐵脚板而憚之聞鐵脚板至率望風靡趙德昌先遣守備楊嗣基來應德光初七

日至蘆荻哨苗聚慶德光死猶未退諸軍痛憤縱橫擊殺所向披靡  
苗潰走馬場嗣基見紅巾苗率十餘騎負樓袋疾走卽麾軍飛追數  
十里及之沙子哨盡殲之樓袋中德光首也送至省巡撫張亮基親  
臨啓視丸從右眼入洞腦後出時方盛暑五日後面色猶生亮基以  
德光死狀上聞略曰該提督以練勇從戎十餘年歷剿上游諸賊臣  
同志二年到黔細察將帥優劣卽深知德光忠勇絕倫一時罕儔因  
特加優厚屢乞恩獎趙德光感激奮發勇冠三軍所向有功從無挫  
衄頻年茹蘗飲冰臥薪嘗膽艱苦窘絕難罄形容每當攻勦得力不  
辭勞瘁露處嚴霜暑雨之中甚至枵腹荷戈終日不得一餐猶復激  
厲士卒奮往殺賊從未怨形於色平居獨處手講指畫無刻不以滅  
賊爲心且其器度宏遠措施動中機宜卓然古名將之風尤非尋常  
將帥所及是以人心依賴恃若長城足膺國家重任不僅馳驅邊徼  
之才誠能籌集鉅款俾擁重兵以禦強寇上游之敗早已盪平乃極  
力籌措出征每當得手率以無糧無饟坐以待困寔後跋前莫展抱



負每與臣言及不禁扼腕泣下六月杪川省協饒二萬兩至臣立予  
萬金趙德光是以一聞賊警立即策馬遄征身先士卒臣嘗戒其不  
可輕身陷陣恐致意外之虞而趙德光總以天恩高厚未敢自惜頂  
踵惟冀賊氛迅掃少摠忠忱乃竟中道捐軀並不能全屍而還深堪  
悼惜且年僅三十前月甫舉一子尙未彌月且其平日清介自持所  
得之饒悉饒戰士死後囊無長物祇餘舊衣數襲家計蕭然見者皆  
爲感泣似此忠勇勤廉不愧名將相應請旨從優議卹並於死事地  
方及貴州省城並該故提督邸發原籍建立專祠以慰忠魂而彰蓋  
節德光郎岱人本姓張與德屬結昆季遂冒其姓云 關嶺苗以糧  
匱徙扁擔山黃金印等走鎮甯阿桑寨十三旗據之防周音哨都司  
楊國相李金龍奔潰因逼鎮甯參將雷致先援出土地關水塘寨旋  
退苗略至黃草街劉官屯安順府知府汪炳璈促趙德昌馳援 十  
七日岑毓英遣守備劉重慶參將黃得勝楊玉科張保和等集攻海  
馬姑擲火焚棚破牆入苗死亡過半餘復走據猪扒巖巖四面皆河

實絕地蔡標等截其出路乘夜襲入禽斬千餘畢節團首張壽嵩等  
搜督井得陶三春解雲南殺之餘多泅水走散有遁回大定尾大洞  
者旋祈降 八月初二日趙德昌援至鎮甯擊退周音哨苗旋遣徐  
安邦楊舉等攻十三旗不克苗轉襲陷楊舉營白馬洞德昌復督軍  
卻之 十六日巖大五出板當趨長寨游擊李騰蛟檄壩陽汛千總  
張遇恩禦擊陣沒騰蛟馳援苗復由壩陽走廣順知州吳宗琳檄吏  
目吳恩培率團擊之巴茅汛恩培陣沒 九月趙德昌督諸軍六千  
餘人攻黃金印於十三旗不下至是巖大五等自歸化出江龍來援  
襲破游擊祝友仁營都司李中魁陣沒 冬十月苗突自安平羊場  
石板房出金家大山犯安順府城擊潰羅大寨董官屯二十六日趙  
德昌自鎮甯回援至伏地雷擊敗之而十三旗苗夜入鎮甯州城至  
鐘鼓樓街池友蓮等擊走之 十一月初五日安順苗走陷長寨廳  
城署同知韓載堃署游擊刁士樞先出防遇敵敗走苗故入城會定  
番陳喬生餘黨復起自定番黛花場木瓜司掠趨下四枝紅巖廳苗



因走合據廬山攻取下四枝諸屯洞分據廬山養羊廬山接廣順文家屯團首文師尙祈援參將吳占勝載堃士樞旋入城 十二月吳占勝約文師尙由平寨塘襲廬山司敵敗之養馬寨遊擊鄭貴亦得檄自定番青藤汛進偪敵走集養羊堅守團總刁春知等亦同時擊敗下四枝 劉嶽昭將進剿白泥苗首祝萬春等以苗衆百餘來降餘多遁水城比德苗首何玉堂納之 二十一日十三旗苗襲陷鎮甯州城知州孫允中安莊千總楊鳳鈞遁

同治七年

戊辰

六八

春正月署貴西道兼安順府知府畢大錫稟略

曰府屬雖經汪炳璈招撫然東南二十餘里賀興仁諸賊猶據羊補納小革老數陷附近屯洞正西鎮甯十三旗有苗賊黃金印等據么鋪大山哨而六合團黃泰吳明山丁興邦等先爲趙軍以勒糧逼變上結十三旗下逼諸團同叛並與烏東隴裸里河諸仲夷合初泰與興邦等自五年州屢失人無所歸乃陽爲齊團禦侮陰散號片黃旗迎黃金印據十三旗建僞號遠近皆應至是偪府城大錫城守請援

巡撫曾璧光檄副將童三元遊擊傅必榮馳赴十九日泰等突入定南汛城逐副將池友蓮出友蓮奔府遇敵青桐林軍潰以數騎走免餘軍久之始集二十五日黃金印犯府城必榮始至同友蓮分擊大錫應之敵退么鋪 二月初七日童三元會畢大錫軍擊敵安順楊家塘敗還參將余義章陣沒下河苗旋南出薛家鷄場至楊場壩府南四十里皆敵營遂與十三旗苗合陷汪官屯三元出蔡家屯大錫出鄧家堡分西南進擊敵少却二十三日巖大五等復敗三元及署安順都司祝朝柙於水塘追至城下大錫方敗敵城北急還守 三月曾璧光檄署安義鎮總兵溫志學馳辦安順七屬軍務會孫家坳苗出黃家龍潭薄安平縣城代理千總外委李興淮出禦陣沒苗由楊官屯掠至唐官屯團山牛洞志學遣副將沈大春等敗之又會童三元等敗苗首趙缺嘴於木山堡都司李遇春陣沒六合團復結苗破龍場蓑衣屯掠至東南南鄉華家關沙家寨總兵林自清在丁旗堡亦困於苗祈援大錫游擊胡成龍會署大定守備何定功擊馬堡分



敵勢苗解去鎮甯九屯一場多陷惟丁旗堡以自清力守民衆皆以死自誓得不陷官吏亦居堡中西則獨坡屯以團首葉汝霖死守亦無恙 夏四月歸化苗剽掠龍場諸屯洞署通判趙家璜游擊富珠隆阿趣永安協左啓龍進援至這板不利苗急攻家璜告急檄吳占勝馳援未至啓龍潰圍走格東旋撤回屯洞陷者十七八苗益逼家璜間道約下段十餘團襲擊白牛屯苗回顧始解占勝旋至狗場溫志學率同沈大春童三元等進攻定南道遇十三旗苗戰不利守備祝友文陣沒志學以大春三元及都司張超洪守備池如海等分擊始却志學訐畢大錫克糧不發軍饑巖大五已祈降大錫中以危言六合團亦就撫而大錫每屯索費二三百金皆不至大錫則言巖大五等南據羊場阿歪寨志學遽舍去大五等本僞降惟僞帥陳枝深深一作山以千人投誠因易名貴珍令立功自贖始敗退清鎮云 閏月巖大五等仍據羊場壩分趨鎮甯馬堡木岡戛隴塘與林自清相持畢大錫遣陳貴珍進羊場壩圖大屯關貴珍弟枝森枝才皆陣沒

五月初五日溫志學攻定南不下引還遣陳貴珍擊破大屯遣都司句越隆招撫六合團頭目吳慶奎丁興邦等令出鎮甯么鋪反戈殺賊府西南北附六合者半反正惟黃泰據烈山堡附十三旗不下趙缺嘴等掠走羊場河於是北路反正諸團首賀嵩齡華金鎔約沈大春圍攻定南十四日苗西走遂入城志學復遣軍攻巖大五約林自清來會二十一日自清擊敗大五馬官屯歸化苗劉么大掠走麥平適吳占勝方擊敵播東回么大突出占勝軍後占勝遣都司宋安邦軍功楊聘儒禦擊安邦陣亡虜聘儒去傷亡頗衆占勝退廳城

六月溫志學遣軍同林自清數攻馬堡不下千總沈朝鳳陣沒沈大春等復會自清進攻苗潰合叛團楊開祥去志學旋移擊羊場河開祥爲永甯中寨團首仇坡貢團首張了頭因破坡貢復結六合團十三旗苗攻哲溪六保繁花掠逼郎岱廳城十餘里委辦招撫委員雲南知縣張仁師尋率團衆集廳城尙退落別革老墳志學至羊場苗尋退去羊場苗出定番江龍間道走攻占勝營把總李洪貴陣



月... 沒死傷無數占勝突圍走苗旋退長寨定番界交花占勝始收潰卒  
仍回巖上古羊 秋七月林自清急攻凡旗堡烈山堡黃泰走郎岱  
與巖大五楊開祥等合十三旗附近多反正 援黔川軍知府唐炯  
攻上大平急劉儀順計無所出遠招巖大五賀興仁翽來援至是  
始率苗教掩至開州綠莎平 八月楊開祥自郎岱乞反正惟黃金  
印猶據扁擔山出掠畢大錫以金印故水城米羅苗令水城廳同知  
袁開第設法招令回籍并遣游擊劉德昌往招之時四川總督崇實  
復檄記名提督陳希祥以二千餘人援剿安順 九月賀興仁自安  
順遣赴唐炯營乞降炯令轉招諸賊巖大五等擾如故 冬十月初  
五日巖大五先由安平西走與陳喬生合分割城南茅草寨游擊何  
雄輝等由播季蠻納洞寨擊敗之旋走據牛洞羨塘移攻不下 黃  
金印以幼子爲質約降自扁擔山挾重貲歸水城宿六枝汛汛弁魏  
天申及副將張定國夜劫其輜重并殺斃五人金印因走集所部擊  
破六枝各屯圍攻定國營他賊亦聞風擊潰練團薄郎岱劉德昌聞

變急白大錫函慰金印許追償失物金印始解去

同治八年己巳八六九九春正月陳希祥因黃金印之水城方遣軍同陳

貴珍等進擊扁擔山附近諸苗仲先後來歸者三十餘寨旋得四川  
總督檄以唐炯提軍深入苗疆地闊兵單下游情形較之上游喫重  
命將所部赴黃平與唐炯會剿以平遠事付總兵成耀星嚴密布防

二月黃金印退水城巖大五利其貲將圖之袁開第因遣間散其  
黨說令繳械降金印懼不至而遣其弟具稟來言吾黨二百餘戶已  
先遣散往大小苗寨乾溝歸業餘則散赴各團者尙四五千戶其無  
業可歸者富者出資置產貧者佃田耕種金印惟自乞給還原產歸  
耕手具投誠結乞委員就營查驗開第卽遣署照磨樂承舉等往驗  
以各戶自農具外無軍械可繳還告開第因清還原產復酌撥荒地  
以資脅衆安置之 陳希祥去扁擔山苗仲復不靖畢大錫以都司  
祝友信擊定亘度尖山諸屯而巖大五復遣黨出郎洞枝馬場掠歸  
化拉苑旋走貞豐羅壩郎洞馬場附下河苗教者爲黃旗附上游回



苗者爲白旗云 三月初三日巖大五由盤江入安南縣城據之代理知縣周佳琦復遯苗回分趨普安廳縣花貢江西坡署普安知縣弁謙篤以代辦典史張光輝等禦之軍功陳步瀾中礮沒苗回旋薄縣城光輝出禦陣沒守備易飛熊禦擊不利千總鄭連升軍功楊先勝皆沒縣圍守備龍開榜等力拒苗等少卻署普安同知吳宗蘭慮苗回合與謙篤請援並告安南之失都司馬金奎實致大五佳琦亦爲所致金奎則謂實約大五降同攻新城佳琦亦和之興義府知府葉正邦聞普安警游擊劉官德馳援 黃金印餘黨竄回西客路花台兩王屯大錫率軍同友信等擊走之殺苗首盧佩玉 夏四月署定廣協副將何雄輝以千五百人久攻牛洞不下牛洞後山爲牙州據苗數出掠副將王松林駐馬嘴松林因事殺定番團首候選知縣陳廷獻廷獻先與陳喬生不翕至是松林圖殺廷獻以招降陳喬生廷獻父國寶稟松林貪功枉殺雄輝言定番各團首因是均辭退團民紛紛欲變軍糧不濟賊風日熾 苗教連毀普安廳屬白沙罐子

審軍功佟鳳歧佟鳳儀樊國順覃國用陣沒遂北至南車塘吳宗蘭先督團防東南聞警皆潰 五月吳宗蘭屢告急巡撫曾璧光以李斌馳代宗蘭時苗教環城數里之高家屯松官劉官諸屯逼攻十五日斌自水城同游擊胡雲龍等以三百人馳至同守於是葉正邦自率三千人來自興義署安義鎮楊發貴遣副將趙明清等以千五百人赴援雲貴總督劉嶽昭遣副將張松林等率兵練千人雲南巡撫岑毓英遣平彝練千三百人先後援至廳團首守備董懷經任士雄張大善等亦率團衆數千人至諸軍數敗敵敵併集高家屯以拒 六月李斌吳宗蘭同援軍萬衆攻破高家屯及附城羣苗教廳城解嚴巖大五仍退安南 秋七月普安廳圍解滇軍悉還葉正邦以所部併歸楊發貴自還興義發貴進軍江西坡圖規安南城苗適出掠發貴遣擊不利把總劉勤陣沒復分軍擊毀保家樓沙子嶺 八月十九日安南苗結回衆潛出西眉嶺復圖據保家樓楊發貴率軍由江西坡渡河擊走之更扼沙子嶺寨險拒守時據青山苗唐文安潘



文龍乞反正李斌爲之請 九月楊發貴率參將趙明清副將池友蓮及州判毛騫貢生彭文銑等由犁頭寨馬路河分道進攻安南苗敗還鎮永郎岱諸境初九日發貴等入城安南復 嚴大五黨復回掠永甯郎岱境畢大錫請調何定功出大巖脚六板截大五黨 冬十一月初八日嚴大五黨結仲家薄郎岱廳城署同知孫清彥署永安協副將楊開祥城守苗仲毀沙鍋寨退月亮河 平遠苗薄州城署知州陳煜署平遠協副將譚金魁等却之賊分劄熊家場沙家馬場

同治九年庚午八十七。春正月嚴大五分黨出郎岱播了河略平遠小虎場二十一日平遠州吏目陳元宗方赴任至三坡與眷屬同被害陳煜告急 二月嚴大五黨復去平遠略走水城袁開第率練團却之塘頭嚴黨復擊潰阿夏良苗營殺苗首熊德安祝定功等遍略茨衝灣河曾璧光檄總兵毛際惠率千練援擊 三月嚴大五黨猶略郎岱嚴脚大錫復檄友信德輝住援曾璧光以總兵李昌福率千二

百人李榮春率七百人援剿永甯及郎岱先後至 袁開第以團紳  
安如山等出防凌雲屯潰回會胡雲龍自普安廳走還開第以所部  
三百人及候選知縣韓世炳等擊敗嚴黨於灣河開第以黃金印寶  
招致敗又據本城頗不靖因密遣團民朱占標等誘殺之 夏四月  
水城比德苗何阿保御等及黃金印餘黨復變袁開第同大定府  
知府陳鴻翕檄千總土目沙永慶等以團衆千餘擊之泥納壩不利  
胡雲龍潰退冷衝降苗楊茂廷密約花苗內圖阿保事洩阿保屠茂  
廷及竺老五等八十餘衆 五月毛際惠始率軍至泥納壩十五日  
進攻比德守備李忠攀游擊熊清嘉中槍沒敵援復突出其左際惠  
敗還嚴大五復援至比德際惠再擊仍不利游擊姚宗桃陣沒破苗  
二卡而還大五潛分黨略至楠柏場俗作楠毗團首楊子奉率衆  
力擊嚴黨多傷因悉衆至屠三百餘人際惠糧頗絀而乞得省餉千  
金至清鎮乾溝復爲被劫請增軍而曾璧光不許 李榮春李昌福  
分剿鎮甯白馬哨嚴黨乘夜雨遂襲毀榮春一營榮春旋會昌福擊



破苗屯移軍么鋪會苗犯安平縣城署知縣朱雲晉省未還典史陶  
濬告急畢大錫因商昌福馳援已而署提督劉士奇亦遣游擊譚正  
五副將匡國順等來援雄輝亦馳至巖黨退落平 六月安平苗走  
定南汛李昌福却之靛山定南苗旋略走歸化龍場酸棗坡 秋七  
月初九日歸化苗略至板當關千總尤銘善禦之陣沒苗分走長寨  
狗場汛至苗衝龍灘關署同知曾溥署參將景玉春率練團禦擊外  
委郭春榮陣沒苗走回廬山 巖大五黨在比德久糧且乏頗自猜  
疑多亡走十一夜其營火卒發毛際惠等率軍乘之破寨直入何阿  
保奔蠟雍河擊破團衆據之蠟雍界大定水城平遠水城廳境略清  
尋亦蔓入平遠之西大五黨東竄入與合薄城下曾璧光檄總兵梁  
安邦由松林遣軍援至合團衆擊走之際惠方率軍出大定以餉缺  
譚謀因入省乞餉 郎岱那備仲家吳貢南等久附巖大五仲家白  
鳳鳴時略至附郭同知喻懷信以千總徐可友外委楊秀芳率團練  
擊則溪都司毓秀四川守備武靖川由以各擊那備飭生員王相鼎

先至則溪陣沒會巖大五援至十五日可友秀芳再進遇伏並沒於則溪毓秀靖川敗之以各破花得河木城據之 八月曾璧光復檄游擊王恩貴援至平遠會參將趙連升及護平遠協王萬年等搜捕州東餘賊略清而何定功以團衆西防蠟雍屢敗撤退塘務自保署平遠知州陳昌言因商恩貴連升防毛際惠時自省攜餉銀九百兩來援平遠遇苗於清鎮西蘇田塘劫餉去際惠奔還曾璧光復檄以六百人移剿永甯 九月初李榮春以總兵李啓書防鎮西衛旋撤回遇苗乾溝敗走苗攻晏家洞會毛際惠復出清鎮署知縣凌蓉第請遣軍援亦敗潰游擊李復燦劉份勝陣亡蓉第稟言清鎮無專任之將請兵三次旋調他往不過兵來賊去兵去賊來無濟於事曾璧光因檄蓉第自募軍剿賊 巖大五黨掠走募役司署永甯州知州楊宗藩以署守備楊正芳出響鑼禦擊初巖大五將乞降川軍不果略如故至是唐炯因遣四川候補同知于德楷率二千人自備糧餉馳赴安順相機剿撫曾璧光亦檄彭萬盛率軍援安順皆先後至大



五方在江龍白鳳鳴自張官屯遣赴兩軍乞降而託詞請候大五石頭寨附近郭家莊苗賊亦望風走德楷率軍追擊至石頭寨鳳鳴已走鎮甯立破之外委楊遇恩陣沒官堡裸里河新橋十餘寨悉下于德楷軍抵烏東隴時永甯圍急安順府知府易佩紳以安順有川軍可恃請於璧光檄萬盛赴援萬盛圖以川軍攻烏東隴不赴佩紳因以副將陳家貴馳援以萬盛軍補川軍隙兼防賊援路川軍圍攻烏東隴三日不克德楷分軍斷敵汲道復遣軍襲據敵寨後小屯敵大蹙僞王沐洪英乞降德楷陽許誘之出伏軍突起禽洪英及僞軍師邵秉銓僞將軍周發科等殺之洪英爲雲南土人冒沐英後黃金印奉爲僞主秉銓爲安順革生久據烏東隴至是平佩紳數稟曾璧光言川營兵精乞留剿上游不果旋撤回會佩紳所遣家貴與正芳擊永甯賊不利璧光再檄萬盛會毛際惠馳援十一月初一日提督周達武至任初四日署清鎮縣知縣凌蓉第剿苗麥冬遇伏被圍力戰陣沒縣丞陳瑞昌同遇害初曾璧光遣副將戴榮宗率五百人

赴清鎮會蓉第防剿見蓉第被圍不盡力達武面詰得實禡榮宗職  
十八日達武先遣提督鍾有思及總兵龔生環自黔西入至清鎮遇  
苗月亮衝擊走之 十八日嚴大五自水城略走威甯州夜薄城陷  
之署威甯鎮萬化林署知州嵩年遁城外湧珠寺二十一日旋率團  
衆復入城大五仍走水城去州耆難民顧大權等上言威甯向設兵  
九百餘名爲前署副將馬宗駿與游擊周飛熊裁撤多半全餉入私  
宗駿請募練五百僅二百餘人嵩年到任兵米概折銀付飛熊十七  
日鄉民入城奔告苗賊數百已至中途嵩年飛熊皆不信是日鄉民  
復告賊近城化林到任僅十餘日卽傳飛熊調兵禦擊飛熊漫應之  
實無兵賊旣至宗駿散練及嵩年練先縱火城中嵩年飛熊已攜眷  
倉皇遁出南門渡海匿大橋頭塘化林傳呼無人僅帶僕從十餘人  
至北門爲賊擁去賊屠民頗慘 二十二日鄉民雲集大五亦以糧  
盡與各練潰圍遠颺二十三日嵩年飛熊仍攜眷入城二十八日化  
林亦脫回云



同治十年辛未七八一春正月巖大五自威甯回略水城黑塘總兵鄧

有德擊走之總兵黃宗耀追及大巖脚大五逸走郎岱其黨金大七  
伏金亮洞千總雷玉庭軍功寶學雙楊得勝劉益林攻之敗沒二  
月郎岱那備降仲吳貢南復陰附巖大五衛送之貞豐鄧有德馳至  
合團衆禽貢南殺之有德以總兵楊啓益往助黃宗耀攻金亮洞自  
率軍進毛口汛圖安南貞豐大五旋破貞豐羊場穿洞消洞出永甯  
播西又走破歸化紅播枝諸屯廳城自上年圍解回首哈冬狗猶據  
克坐汛猴場周春源王亮保據三層屯白鳳鳴據白牛屯賽瓦數掠  
附城諸屯大五遂自坡歧走入三層屯毛際惠一軍不能禦其勢益  
盛三月黃宗耀楊啓益擊毀金亮洞獲金大七殺之鎮兵鍾有  
思與知府羅應旒會商總兵龔生環先行至卽擊毀三層屯白牛屯  
有思及應旒繼至應旒議先圖巖哈潘三人餘當自定因進軍克坐  
夏四月巖潘白等走樂壩附近圖出羅斛有思乃由歸化南打羊  
河還攻響鑼會因事與羅應旒互訐周達武並撤剿下游檄鄧有德

移軍規麻哈而何世華游擊定番大塘羅斛略乃奏請以世華署安義鎮總兵率八營接防鐵索橋永甯毛口歸化水城 秋九月巖大五走合王母張哈哈等何世華率軍擊敗之乃走江外攻巖鷹洞民屯世華進劄永甯 冬十一月回仲皆乞降巖大五獨不至十三日降苗楊樹森等縛巖大五獻何世華殺之已而巖大三巖大四潘大洪亦被擒來獻駢誅之熟苗事定

附錄

黎庶昌章子和墓誌銘云君諱永康字子和別號瑟廬大定章氏由拔貢生中咸豐元年舉人癸丑成進士改翰林院庶吉士散館再改中書升侍讀曾祖某祖某考首乾妣某氏諱氏母謝氏以君貴贈某官某封始贈君前妻生永孚母卒繼娶諱歸未幾而贈君逝君庶出也生而失父及期母謝亦卒於是二子者皆育於諱撫養教誨迄於成人而諱故無出君子以謂諱母所爲極天下婦行之難能矣其後君貴諱又謝世君思母教不忘



命工作機聲鐙影圖以志哀一時題詠甚廣君子又以是賢君也君爲人頎身玉貌雅度温温所居錦茵繡幕狀類婦人女子初入翰林年二十餘名譽藉甚及改官中書非意所樂當是時海疆多故君居京師與名流數輩悲歌擊筑侘傺傷懷嘗要今中丞南皮張公之洞賦行路難古樂府十餘章詭切時事微顯志晦深文隱蔚進乎春秋其友涇縣吳承修讀之歎曰子和肝膽皆芬也黔本山國大定尤處萬山之交僻陋在夷世鮮名達君出而天才綿麗冠絕時流有騷人之遺風焉夫其性情悱惻牢愁悲思則楚臣屈原之所爲惓惓君國也人才不擇地而生如君固天地清淑所特鍾而非一隅一世之有矣君以咸豐十年冬出京其兄方官江西知縣道往省之還黔數年將改官知府分發補用已治行矣會黃號賊陷大定倉卒及難死焉同治三年十一月十六日也春秋三十有幾君死屍卒不獲大吏亦未具其事上聞余聞而悲君數之奇謀輯所爲詩歌傳世吳君

承修搜得君詩四十餘首詞數首介其鄉人洪都轉汝奎詒余刻之光緒元年攜至荷花池釐局勘定錄副未竟局燬於火稿失大半僅存者行路難樂府而已君之厄乃至於是邪蒼蒼者其果有知邪果無知邪吾不能名矣君無屍宜具衣冠葬配某氏子某某銘曰水西孤城如斗大惟黔采風等自鄮藐姑仙子真天人起家孝秀無等倫威鳳不翔豈其志翦爲國殤天亦寐請陳危詩行路難化爲碧血千萬年

黎庶昌趙剛節公神道碑銘云公諱德光字輝堂郎岱張氏少隸提督趙德昌戲下數從征伐冒姓趙有大功於黔黔之人皆樂稱趙氏遂不復改黔亂之興至同治五六年而極公嘗以孤軍枝柱省垣蔽翼三府七州十一廳縣之地勇冠三軍所向無敵中外皆以名將目之公亦自以討賊爲己任也咸豐六年始由勇丁征討雲南回匪積功保六品軍功藍翎八年雲貴總督吳振械飭令回黔勦匪於平越一帶以千總拔補賞五品頂戴



十年克復修文縣城擢都司賞換花翎苗匪踞獨山州城攻拔之北徇下羊場巴香直抵清水江削平四十餘壘明年破賊沙潭江口再捷於主戎山威名由是漸起賞豪勇巴圖魯名號同治元年進攻王卡王卡者在清水江外賊之老巢也山箐深峭公得降人訶知賊以腰籬溪新寨巖爲門戶旁則花巖梯子巖間道走籬溪公分軍塞其旁別遣奇兵瞰寨巖後而建旗鼓自將當其前與賊爭山累肩越壘以進氣銳甚遂奪王卡拔出男婦數千人追至尙大平毀賊寨而還衆聲大和命以副將留黔補用二年克復舊縣補都勻協副將記名總兵三年公方營東山平圖霸芒而省門告警率師回援縱擊於紅邊北衙大膊於永樂堡再蹙之小箐又以其間收復龍里與賊戰於城內江西街賊陷鎮西衛攻清鎮廣順定番長寨俱失公引兵而西連下數城出奇制勝所在戰克復北定開州修文賊逼青巖又南出貴定龍里黔西大定望援切巡撫張公亮基檄公往應公自開

州橫出陸廣河掃蕩而前又以次弒定已而開修再失公憤禍  
變之靡已也益晉部曲而申討之警備不虞雖以記名提督迭  
署古州安義鎮總兵遙領而已方是時省之南則潘名杰省之  
北則何得勝二巨憨者卵翼其間又傳以苗教回狎黨噪朋咻  
羣盜如麻公提孤軍當四戰地數不滿六千頻年轉戰無一虛  
日饑餒匱竭至或忍饑赴敵露處於嚴風酷雨之中終日荷戈  
不獲一飽而含宏淵默未嘗一見顏色人咸以爲難愈益欽敬  
其攻賊也尤善爲超距鷲劫之法賊莫知所爲備皆畏憚之號  
曰鐵脚板云五年擢署貴州提督正月克復永甯州城踐血而  
西蹴募役司蹕張官堡掇翁貴廣興撤賊而東趾倉坡踣舊縣  
搯黃土坎軍久無功張公令圖油溪公曰貴定百里皆賊雖有  
忠義永固諸團僅能自守一隅不足以牽賊勢某以孤軍深入  
而甕城洛白諸隘係賊藩籬無軍進討今張樑李忠恕童三元  
等咸觀望不進使賊得專并一路乘我後軍此劉廣橋民屯所



以被襲也兵則愈疲愈少賊則日戰日多況油溪在黃土坎後其能越寨進勦乎會暑疫回省其秋赴援安順追賊至頭鋪二鋪大破之安順圍解六年春再援定番出賊不備疾馳至穿心堡乘雷電中奮擊士皆殊死鬪賊大潰墜崖罌樹死者以萬計斬賊酋許大八等進迫花山降二十餘屯直抵底季登山營兩峯間斷賊樵汲遂拔陳喬生逆巢聲威大震遠近快之賞換博奇巴圖魯旋密疏奏保按察使鮑桂生請破格擢用上以公武臣擅保文員命傳旨申飭郎岱賊入安平公乘勝要敗於蘆荻哨日加晡率數騎渡河度地勢驟中伏鎗墮馬從者驚潰賊出剖心裂腹攫公首以去同治六年七月初五日也年纔三十越二日趙德昌所遣守備楊嗣基接應公者至公死所賊猶未退衆皆痛憤見紅巾賊十餘負公首疾馳嗣基揮騎窮追及之沙子哨悉數殲滅奪回事聞上悼惜殊甚加太子少保銜照提督陣亡例賜卹死事地方及貴州省城郎岱廳原籍建立專祠予

諡剛節賞騎都尉兼一雲騎尉世職曾祖某祖某考某贈振威將軍妣某某氏皆一品夫人配雷夫人生子甫彌月耳某年月日葬某里某山公之行軍也一以愛民爲主有警卽赴如患難之在其身以故百姓戴若慈父母諸路告急皆求提督親行一聞公至相率輸豬雞菜果或炊飯以待及其卒也士民皆巷哭失聲悲痛至不忍聞嗚呼忠且仁已銘曰世變之興利賴賢哲文武同涂有殄斯滅黔亂紀餘孰爲其烈文則銅山武則剛節惟公首出光嶽所分將材天授匪由學廩票姚冠軍氣吞凶逆匹馬入陳萬夫辟易人方卻退公獨撼堅衆如振稿公屹若山爲民復讎視如家事有功莫居遇險弗避嗟我黔士君子六千豈無軀命誓與同捐感公忠勤不忍背畔萬棘千艱共濟時難中道而稅隕此長城震驚邊徼人喪父兄莫敖衛楚不知所益決腹斷脰以憂社稷公實近是大勇忘身千載墮淚視此刻文

唐本良鐵脚版行云

序

二

鐵脚

版者

輝堂

鎮

軍

之

混

字

也

初

賈

文

省

門

危

岌

達



菴軍門以副將軍屯大部所向克捷江內肅清累功至總兵賞  
 時鎮軍年方弱冠為前部所向克捷江內肅清累功至總兵賞  
 勇號善夜戰版見叢鳥遁去戒勿與戰甲子賊復攻陷開修龍貴  
 之呼為鐵脚版見叢鳥遁去戒勿與戰甲子賊復攻陷開修龍貴  
 定廣團清鎮復分股四竄以孤省垣之勢鎮軍帥所部力解重  
 十里團清鎮復分股四竄以孤省垣之勢鎮軍帥所部力解重  
 團跟追至五里橋邀之賊晝夜戰擁擠不能遠遁草木皆兵  
 車田爭濟舟多沉沒於時人皆服其神勇因為作鐵脚版行云  
 在昔人稱鐵漢子其堅如鐵直如矢吾黔今見鐵將軍百鍊此  
 身歎觀止無端烽火照黔山鐵馬長驅大小關蠻花獐鳥紛無  
 數多少英雄袖手看充國老將吾鄉黨曾把珊瑚收鐵網斫營  
 不畏鐵蒺藜破陣何須鐵甲仗將軍持標鐵勝營一時壯士趨  
 如雲其疾如風閃如電出入虎穴人皆驚從此聲威播者遠么  
 麼相戒鐵脚版將軍豈以善走鳴鐵面鐵心兼鐵膽聞通哥舒  
 夜帶刀四面兵陳五里橋可憐汲汲喪家狗十萬軍聲半夜潮  
 風鶴同驅草木兵羣醜無家問死生昨宵露布傳都會不亞當  
 年背嵬軍拔釐立幟身距躍勇膽何愧常山趙天子傳勅問姓  
 名綸綽堂皇保勇號聲名從此滿皇都藉鎮鄉邦結虎符不戴

武襄銅面具能驅全國鐵浮圖我聞平賊定西蜀鐵脚版名久  
驚俗將軍努力衛梓桑不讓古人行所獨無乃前身赤脚仙偶  
因一笑落塵緣怒掉虎頭飛食肉誓清殺劫平大千由來兵法  
傳家法元方步武季方接趙家范葵勛業舊我武維揚張捷伐  
將軍雅量人皆欽公瑾醇醪正妙齡至今聲名久揚溢買絲爭  
繡平原君君不見李鐵拐王鐵槍鐵仗行雲空倘伴鐵蒿渡水  
徒張皇不如將軍鐵脚版飛渡王卡玉華清水江又不見鐵如  
意鐵胎弓鐵甲賜鐵券封或秉鐵筆載青史或標鐵柱銘豐功  
我今願聚天下九州鐵大鑄君像作佛供我執銅琶鐵版爲君  
唱請君一聽大江東君身自是真英雄願君生生世世永鎮吾  
黔中

廖景煜水雲山人詩草哭趙輝堂總鎮陣亡蘆荻哨云將軍美  
號鐵脚板天生才智世所罕前身疑是趙子龍依舊渾身都是  
膽達菴同歲結寒盟誓如兄弟靖兵燹英雄臥起斬羣魔殺人



吮血真勇敢百千戰場歷風霜刀矛槍疾周身滿黔疆半壁賴  
公撐小醜聞風先潰散論功早欲畫凌煙寇盜未除心未葢上  
天不憫黔疆民不使將軍志舒展蘆荻哨前隕大星日昏昏兮  
風慘慘得死沙場是善終問孰將此狂瀾挽

楊恩元萬里鴻泥詩蘆荻哨一首云此地中分一日程欣邀過  
客洗茶觥英雄戰骨埋荒壠蘆荻蕭蕭尙有聲由清鎮至安平

適得其半哨中住戶頗多有長街一道地勢開闊旅店售賣碗  
茶亦他處所罕有成同間黔中大亂地當賊衝屢遭殘破提督  
趙剛節公戰沒此  
間今五十年矣

孫迴瀾口述趙德光軼事云趙剛節公德光初姓張名順身纔  
六尺而志氣豪邁幼失怙恃孤貧不能自存育於舅家數以博  
負被人解衣去舅因讓之曰且更衣若若再爾者其勿歸視予  
公唯唯退深自斂抑者有日矣久之故態復萌衣復被人解以  
去公念舅前言不欲歸遂擔簦來貴陽至狗場憇於土地祠下  
而趙德昌適先在先是德昌亦以博負見擯於同黨忿不能平

走語狗場酒家黃大冒大冒輕財好俠人多歸之尊之曰大哥  
又或渾稱曰大貓也大冒於是傾囊資德昌德昌方以復勝止  
於祠至是趙張相見各道生平念浪漫之非計乃結昆弟之交  
以事功相勉勸時萬方多難英雄有用武之地德昌先隨軍入  
滇公亦於乙卯歲以雲貴總督恆春軍回雲南道出永甯就從  
戎焉不謂十二年間位至通顯有大功於黔公每過狗場經土  
地祠必下馬流憩且語同行者曰此吾當年落泊地也蓋不勝  
其感慨云殉難後德昌始爲咨請歸宗焉

孫迴瀾又曰公治軍嚴明與士卒同甘苦共眠食光緒癸未歲  
隨侍宜興公掌平越書院適葉州牧夫人壽宜興命予往祝席  
間有補服者一人自言曾爲趙剛節公親兵謂剛節服裝與士  
卒毫無差別不自矜異夜宿恆就地臥趾頂縱橫環繞成城剛  
節不過臥其中間耳每更深解套頭腰帶時有鉛碼墮地聲衆  
咸以福將日之不謂竟死於毫不經意之時惜哉



或又曰公初如貴陽潦倒不得志嘗出次南門至太慈橋偶爲人鬪雞以未習而雞斃無所取償乃大窘喧囂久之鄰近鄉老出任調停服禮始已後數年公爲裨將駐軍其地父老鄉曲乃大惶恐斃雞之家卽日徙避懼報復也殊公故忘其事且戒滋擾者甚至咸服其德量焉

趙剛節公姓旗往往被友軍借用以却敵蓋威名旣震敵甫見旗而氣已先奪也公所服戰衣戰裙係特製今尙保存著者嘗就公之令孫和生所借來一着之衣長二尺餘以藍色布爲表裏內襯白夾皮紙多層面綴穿山甲甲片層層遞護令滿緣以黑絨重十八觔運掉能自如裙製如戰衣特裏用絹重八觔被泥汚有血跡想見當年塵土征衣之概云

見前圖

趙剛節公旣殉難蘆荻哨先軫歸元人心稍慰遂就遺容繪像藏於家爲日旣久不免漶漫著者因倩及門包小伯重撫一幀以歸之而系之以詞曰捐軀糜踵拯溺救焚民愛之若父母敵

憚之若天神英風萬古浩氣長存信磊落之賢豪清廉之奇士  
模範之軍人固不足盡公於萬一也

著者得公案冊一本鈐貴州提督總兵官印自咸豐六年十月  
從戎起至同治六年七月陣亡蘆荻哨止十二年間戰蹟一一  
詳述之其中張亮基爲黔撫時爲公請獎敘至再至三皆曰該  
員迭蒙天恩以提督記名已屬無秩可加惟有懇恩量頒賞賚  
以示優異云云可謂罕矣

趙德光喪入省城官民致弔者絡繹不絕輓聯之多盛極一時  
其最膾炙人口者厥惟知府汪炳燉一聯云脚版翻天鐵中錚  
錚庸中佼肝腦塗地蘆荻花瑟瑟荻花秋

黔撫曾璧光爲趙德光等請歸宗奏片云再臣接准記名提督  
前署貴州提督趙德昌咨稱查陣亡原署貴州提督記名提督  
趙德光原姓張氏安順府永甯州人陣亡副將銜儘先參將趙  
德新原姓楊氏安順府鎮甯州人均因幼失怙恃又鮮伯叔弟



兄之親於咸豐四年投入該提督隊下同在貴州各屬剿辦賊匪六年復隨同調赴雲南剿辦大理府並省城等處猖匪每於戰陣之際皆能奮不顧身與該提督生死相顧以是屢獲勝捷且皆安分守法明識大義暇日該提督在營講習兵法亦能領會每授以方略又能臨機應變屢挫賊鋒惟舉目無親形影相弔嘗念該提督教誨提攜之情有逾骨肉自願隨從姓趙與該提督結爲弟兄誓同勦賊上報國恩該提督以軍務正在用人之際見其忠義性成勇敢善戰因於咸豐七年在滇省軍營俯從其請易姓之時以德新稍長爲次弟德光爲三弟俱姓趙氏八年自滇奉調回黔歷隨該提督勦辦各路苗教股匪八年各著戰功迭邀保獎該提督之母爲趙德新妻室劉氏爲德光妻室雷氏皆生有子迨趙德新趙德光蒙天恩洊升參將以後該提督屢次告以官至三品理宜歸宗以光先人趙德新等均以前軍務未平身在行間家務宜緩爲辭同治四年趙德新在貴陽

府屬之大石坳地方禦賊陣亡五年趙德光欽奉上諭署理貴州提督維時該提督亟擬咨請爲趙德光奏明歸宗趙德光仍持前說未及舉行六年趙德光在安順府屬之蘆荻哨地方勦匪陣亡該提督以陷陣衝鋒係武臣之職雖馬革裹屍原已視死如歸而承祧報本實人子之心必龍章錫命乃可勿忝所生趙德新趙德光未肯早年歸宗故其本身三代均未奏邀封典殊屬難安擬請准將趙德新趙德光歸宗賞給各原姓三代封典等情咨請代奏前來臣覆查無異相應據情籲懇天恩俯准將趙德新趙德光歸宗賞給各原姓三代封典以慰忠魂之處出自逾格鴻慈謹附片具陳

彭先澤陷苗聞見錄云咸同二十年間黔中多故烽烟四起安順亦險象環生家大人因寄老弱於深山窮谷中余方十歲依母居山中同治六年秋七月新谷將登余奉母命來城尋父求日用資道經轎子山黑石頭側先聞砲聲隆隆繼遇隊伍鎗刀



戈矛沿路打鬧而來打鬧者苗衆搶劫之謂也余與之迎面掠過亂世刀兵司空見慣卽亦不懼隊中人問余何之答以入城見父一人曰速來同去不則卽死余視其頭額紮有髮髻如獨角然知爲苗類頓生畏心亦旣無可如何只得隨之至黑石頭寨中寨中人民方逃難出寨未久有飯已熟而未食者苗衆各處搜尋殺猪割雞就人戶熟飯大嚼食已搜掠器具什物背負肩挑而去一苗亦強余荷一器具同下山來山下卽木頭大寨入寨各就所據之屋而息旋見一苗酋髻高盈尺仍獨角狀然其面善其婦則傾城窈窕妙齡二八蓋卽破清鎮時所掠某紳之令媛也余不覺淒咽此苗酋聞卽喬老帽而攜余者正卽小喬也二人同住一室均善御鳥鎗鎗有長至五六七尺者苗稱漢人曰黃兵苗人爲下河客人民爲老烏梢潘巖喬三人所統多係苗族凡被擄獲者卽年齡老大均序爲晚輩稱彼曰大爺黃兵曰先生其言語最忌詈罵苗字如蒜苗須呼爲大蒜之類

當擄余入寨時卽戒以勿得妄走走則捉獲必須殺之以此畏懼嚴爲防備是時稻穀正熟各令其所獲囤仔輩或婦人之天足者下田穫穀存積儲藏以備冬時攻襲安順之用苗衆商議咸欲攻破安順而後快苗衆不吹煙則賭錢或打牌或擲骰或押寶賭攤贏則現收輸則現付無則勒索否則許以偷壘偷城爲先鋒得有獎勵再爲償還苗衆議定恃有積谷決於冬季襲城詎陳統領希祥奉命令帶達字營援黔聞安順吃緊直抵安順卽由雞狗場進兵苗衆知援兵已至乃各寨鳴鑼高聲傳令云將軍令下各家弟兄聽令今有官兵來至衆須飽食迎敵不準退後退後者斬然好戰者則攜鎗桿出門迎敵貪懶者仍事吹煙賭牌兩軍相遇官兵則正正堂堂數十人一排數排並進苗兵則零零落落四面散開鎗砲轟擊官兵多有傷亡者前者倒地後者填補軍令嚴肅有進無退苗衆亦抵死相持互戰數日官兵傷亡較多嗣後官兵出陣亦散開如麻雀陣然至此官



兵傷亡始少苗衆傷亡者亦有限如此相持者又已旬日後以  
天雨連綿苗衆爲鎗用火繩轟藥者概不燃不響至於短兵相  
接傷亡過多始於夜半向定南潛退沿路民壘聞之多開礮截  
擊黎明始抵定南人民皆移上壘夜分壘上鎗礮時發牛角作  
嗚嗚嗚驚心動魄悚惕終夜天明陳希祥追兵已至內外夾攻  
苗衆驚亂罔有戰心爭出城門人馬擁擠難行余則從馬腹下  
匍匐而出一人攜余向荆棘中逃去勇苗數十人在城門外與  
官兵衝突兼救護餘苗婦人行李盡向沙家馬場奔潰至晚方  
得露宿是日飢餓者衆有將草根樹皮充飢者次日過波玉河  
苦無船筏一金姓苗令余跨伊兩肩而過旋撤毀民房紮筏偷  
渡檢點人數賀姓苗首已帶隊他適旋聞向陳統領投誠嚴潘  
二會部下亡去泰半所餘又以婦人孺子爲多不過一二千人  
是役也陳統領勝利聞獲苗衆騾馬輜重以數千計擒獲苗衆  
除陣斬逃竄之外尙餘千餘人凱旋安順官民紳耆香花歡迎

絡繹不絕巖潘二酋所部在巖脚六枝一帶度歲次年己巳初春有郎岱屬月亮河一帶仲家起事是地中間一河兩岸二里一寨寨或砌石爲牆或將杉木高二丈者常徧鑿爲垣中有礮眼極爲堅固且互爲應援負固不下常出劫掠官兵來剿月亮河仲家以艱於抵禦因與苗營密邇求援於苗苗乃分力援助與官兵對敵每日飯後交綏互有傷亡久之官兵無功撤回苗以仲家供給菲薄仍轉巖脚一帶或攻襲壘砦或攔路邀劫以爲常離巖脚數十里有一大壘地勢高敞俯視四方久爲苗仲所據名白泥壘時出搶殺遠近人民被害者多適有官兵來剿不能支持亦求援下河苗時正五六月間青黃不接巖大五率衆至彼與官兵應戰遠則鎗礮射擊近則短兵相接有時苗衆勇敢者直奪官兵午飯爲食被生擒數名就地殺之其餘互有勝敗亦互有傷亡馴至雙方休戰一日苗衆分股打鬧過一大橋高可數丈寬亦如之似名楊場大礮再行一二十里有一



市場約數百家亦有牆垣苗至因緊閉寨門守禦苗四圍攻打約二小時破入市中中有一廟四圍甃牆最爲堅固宏敞人民避入其中者甚衆苗衆一面攻廟一面四出搜掠廟中放鎗出擊苗之過者每被鎗傷卒以堅固難攻收隊退回因將市中所獲人民更番拷問廟中情形一人難禁拷打因妄言廟中前數日來有毛河清餉銀數馱苗衆欲獲此銀遂罷歸心竭力攻之至抬門板遮欄鎗炮手攜柴草引火之物堆積廟門縱火焚之復四圍置梯上攻人民遂大開廟門免被火燬精壯者手執鎗刀當門守護苗衆欲衝入者再俄而廟中衝出十餘人手執刀桿勢甚猛勇苗衆爲之辟易因疑此衝出者乃往他處求援攻之愈急守護廟門者仍如前狀如是者又移時俄又冒火突煙衝出一二十人苗亦爲之辟易既見精壯者盡皆衝出守門者大遜於前遂一擁殺入逢人卽殺應聲倒地大肆搜索夜深余與他人入廟視之見屍骸狼藉其中尙有未能卽死者傷心慘

目有如是耶此地似名郎擺小時記憶大略而已次日苗衆以未得餉銀又因傷亡數人遂將此妄言者殺之以洩其憤仍轉白泥壘去旋因糧食缺乏無所得食遂離白泥壘一路打鬧過六枝經郎岱毛口河又過永甯白口至募役司所過滿目荒涼不堪言狀有人煙處差得一飽間遇稻在田中則雙手勒下入口生吞然尚須強力之人乃得入口有時或吃野菜果實度日遇有牲畜倉卒中則用標桿大刀連毛帶皮各分一塊去有米煮飯則飯肉均餐無米則淡食燒肉而已每掠獲婦女輒裸淫之復取其衣袴去婦女無奈只得以樹葉遮羞嘗有一婦人剖瓜爲二腰之前後各繫其一此蓋樹木葉亦復不可得矣記曾至一處幸有米矣苦無鍋灶苗衆背鍋者亦少適有生竹一林衆將生竹砍斷成節一頭留底將水浸米其中水米各半貯入竹筒內以葉塞口用火轉輾燒竹久之竹筒盡焦劈破焦竹則成筒飯有盡熟者有帶生者草草食之亦別饒風味焉募役司



密邇者相貞豐新城安南一帶隔花江卽盤江以外悉稱白旗  
白旗者卽叛清者也貞豐新城係回教馬金二阿渾所轄者相  
係楊九所轄人民稱爲楊九大人乃下河苗卽楊樹森也安南  
係譚五受等所轄糧餉雖取之於民因有一定限度民亦安居  
樂業遇有戰輪流攤派民兵民亦樂爲之用有古寓兵於農之  
意彼時興義安籠普安等處有劉統之等屹然自立未附白旗  
故白旗欲攻下之以附己楊九遣人至募役說巖大五共攻普  
安大五允之率衆過花江至者相貞豐駐紮人給口糧休息旬  
日留老弱婦孺寄養二處小喬將余付與者相米販秦姓秦爲  
人寬厚其妻命余與伊子一同工作在彼度歲至庚午春間苗  
衆無可發展由普安等處歸來有金姓苗卽前肩余過河者見  
余憔悴又見巖大五所部漸與楊九生隙互相猜疑不能自安  
私約與伊等同渡花江轉募役響洛一帶斯時衆止千數百人  
尙連老弱婦孺在內閒時分股遠出攔路打鬧老弱并婦人及

貪逸者緊守巢寨數月之後出掠者歸來因述及去歲統領陳希祥統兵追剿道經鎮甯落別等處以距林自清所住之丁旗堡不遠投函自清稱其在滇剿回之功並云自清挺身保護安順具有熱忱願與交好并給之赴讎幣重言甘自清深信不疑遂輕騎赴之談笑甚歡酒酣以往自清忽知有異一大捲步躍過頭道鹿角柵再一捲步躍過二道鹿角柵忽髮辮爲鹿角柵牽住躍之不起陳部標鎗齊下林立身死陳乃袖出清廷上諭謂朝廷誅殺者止林自清一人從人之未逃去者遂不得不投陳矣希祥特藉援黔爲名實爲殺林來也聞之歎息者累日自清前張蓋世英雄旗號乃在雲南時人民歌頌之辭人遽以此咎之人多不平苗衆在響洛一帶追憶往年數股相合有衆二萬餘人卽陳小五先已投順尙有衆萬餘自木頭十餘大寨及定南二處敗後累次降官潘酋又中鎗死及轉響洛知機者先已潛隱者相巖酋及小頭目數人所統不過千餘人殊有今昔



盛衰之感衆議欲至安順附近打鬧一次各有所獲同回家鄉  
下河商議已定仍留老弱婦孺看守本營開隊五六成前往江  
龍一帶余聞此言若有所會潛尾後隊而行小喬見余怒令回  
守金苗代爲關說乃得同行數日後至江龍新場無甚大獲至  
磨石堡夜中若有人促行者於是乘苗熟睡雞鳴而起攜扁擔  
繩索伴爲樵蘇者然離之急走沿途死屍累累驚心動魄風吹  
林響疑有追兵急就枳棘荒叢中潛伏俟靜乃敢再行數遇匪  
人剝奪衣袴者再行至午正始入大路見人民扶老攜幼避難  
者紛紛至林梢距安順城約三十里日已就暮飲水小憩復起  
力行忽見城堞氣更爲之一振及薄城下城門將閉入城已暮  
沿街根尋父母動定終無所遇卒至西街本宅獲見外王母支  
相見痛哭不復成聲傷痛久之始知雙親已遷貴陽恍如隔世

著者按此文出自八十老人所追述於行文記事不免照應難周以其爲目擊躬親別有興趣故採錄之

### 第七十七章 潘名杰之役

咸豐八年戊午八五八秋九月初潘名杰者都勻鴨崽苗也嘗附黑苗柳天成燈花教首沈中和胡連玉趙廷珠等爭都勻麻哈寢至相攻殺既擊斃苗首九千歲遂漸露頭角雄據都麻龍貴以貴定爲根據地與弟明德大事活動稱潘三王土匪濫練多歸附之清軍曾一度招撫之未果至是結齋首陳小介等分圖貴定舊縣崇義哨望城坡北牌等地雲南昭通鎮總兵署貴州提督巴揚阿貴定縣知縣樊希棣等却之冬十月潘名杰攻甕城橋都勻協都司賈連升軍潰千總段爲錦把總白鳳鳴陣亡連升退貴定

咸豐九年己未八五九春正月潘名杰等自長衝趕壩北走分出都勻西之牛垭山小地方巴揚阿遣參將王萬祥守備馮世興等分擊守備包廷樑出岔河却之二月潘名杰等據壩芒出入擺沙羅戶司巴揚阿遣都司陳銘勳扼都勻北馬場名杰襲破之銘勳退平浪巴揚阿旋至舊縣以賈連升包廷樑與都司胡現龍防貴定三月潘名杰據麻哈擺沙集諸苗分劄都勻馬場白果寨走敗千總張爾惠



於夾耳山定遠團首生員彭春霖陣沒再陷東山平破包廷樑防軍  
千總海應祥把總牟春桂楊應元李育春外委甘德勝蘇正邦余中  
林周占先呂森等皆陣沒廷樑走免 夏五月貴定忠義團團首生  
員庭際清等以屬境多警上言屢祈貴陽各屬募鄉勇助防率虛應  
故事藉免催責潘名杰唐天佑負固相倚清平八寨丹江黑苗爲之  
應且給以糧藉爲衛數窺縣城貴定乃省城屏障不宜坐視不救自  
撤藩籬 六月潘名杰等出北牌長坡賈連升久防貴定無備名杰  
等乘大雨薄城南城塌二十餘丈樊希棣力守敵稍却連升率團練  
出擊邀之馬場河敗回時副將趙德昌領衆扼平越大麻窩名杰旋  
由清水江分趨貴定西之落白河德昌遣練團却之 冬十月初七  
日都勻貴定苗教西陷崇義哨四方井平浪逼大塘千總馬鈞聞敵  
至先遁巴揚阿遣游擊賀萬年與馮世興陳銘勳禦之乾壩江肘不  
能遏潘名杰忽走平越陷千總奚仁傑營趙德昌次大麻窩遣援不  
及仁傑奔乾田哨名杰分圖折洞外委簡成名營德昌以六品軍功

趙德光援却之 十一月名杰等攻平越州城趙德昌自大麻窩援却之上言巡撫蔣霽遠勢難兼顧請以平越兵付平越州知州高本仁守平越自得專守大麻窩遏王卡上大平趨白牌及走開州路不許 名杰等旋陷楊義司攻白馬屯出入武勝關到處騷擾

咸豐十年

庚申

六

○春正月貴定龍里舊縣苗教走合扛寨趨大小

谷龍大小田壩逼省城分道出樂雍黑石蔓至崇義哨省城大震

二月近省苗教剽略乾壩仙人撒網脚渡二比官莊所至殘破 潘

名杰等出擺沙連陷馬鬣嶺轎頂山獲城橋諸營巴揚阿自率都司

桂林陳銘勳出貴定西南五道水遣都司賀朝岡游擊劉慶雲等出

轎頂山援擊敗於馬鬣嶺千總鄭得壽把總陳志剛外委彭得林張

國材呂桂杜桂榮唐守榮額外陳榮等皆陣沒名杰徑攻貴定縣城

縣南城地卑下乘夜踰入樊希棟率練力擊退希棟創焉巡撫海璣

以賈連升久防縣所帶備弁數十員兵練三千人賊至輒託病不出

部卒均不用命使敵賊得踰城劫掠嚴飭之名杰分攻龍里至石頭



寨馮世興遣千總包興間道赴龍里禦之南城江西街稍却 三月  
湖南副將田興恕奉命援黔進至銅仁籌進規計奏以思南石阡爲  
楚黔要道請先肅清兩府繼剿湄甕殲除賈河綏定省城再圖都麻  
黃平苗教 夏四月新授貴州巡撫劉源灝至自省城時省東北數  
十里皆警巴揚阿時遣賀萬年等游弋警如故於是以前趙德昌節制  
近省諸軍德昌以永樂堡把關貓場泡江河元保寨高栗木爲一路  
東北以新鋪水田壩三江橋麥穰寨烏當橫接永樂堡爲一路北以  
黑石頭沙子哨班竹園札佐三重堰橫接水田壩爲一路三路官兵  
凡八千餘人分布設防 壩芒陽平名杰等時攻貴定北牌團首熊  
錫齡盧夢麟等屢却之巴香時走掠龍里拉旁革蘇馮世興以包興  
等拒之敵退落掌冬十月二十八日田興恕至省城近省軍事方劇  
民心爲之稍安興恕圖先規定番獨再剿平麻 巴揚阿先遣桂林  
陳銘勳等駐月亮洞防邦水敵敵由甲照劉家莊圖犯舊縣桂林及  
生員庭中瑜合擊旋退 十一月賀朝岡遣練同貴定尙義團擊敵

劉家莊把總夏必勝外委王平勝等敗沒敵至嬾板凳朝岡復會桂  
林陳銘勳庭中瑜等敗之敵仍退壩芒 十二月麻哈州舉人周魯  
培等上言州屬巖下司唐天佑本爲苗教脅從八年破城時力止殺  
戮全活無算平越未失以前曾約降平越陷賊益張天佑懼降後賊  
必乘其後是以不果現有軍功周鎮邦彭嘉澍等願往招降令反戈  
剿賊

咸豐十一年辛酉六月一夏六月潘名杰略貴定乾溪潰甕城橋圍營  
賀朝岡在舊縣所部已汰去大半留二千人守諸隘屢趣進兵乃遣  
胡現龍出樂平與貴定知縣王錫祿進剿朝岡屢報捷而名杰略如  
故至是舉人程祖寅等赴省祈援上言貴定新舊兩治新城附郭田  
無多膏腴在南北牌逼賊鮮耕專恃舊縣狗場轉運平伐糧以濟甕  
城河乾溪界新舊間爲運糧所必經一旦梗塞則孤城難恃矣巡撫  
何冠英檄貴陽營分兵往援

同治元年壬戌六月二春二月潘名杰時出爲龍貴患都麻之陷不能



卽復亦名杰爲梗至是提督田興恕巡撫韓超檄署都勻府知府吳德容募練及原駐諸軍二千餘人剿辦龍里貴定都勻獨山諸營均屬之 夏四月吳德容剿擺芒久不下至是復檄陳銘勳以三百五十人來助 五月吳德容陳銘勳勦擺芒久無功旋議踰擺芒剿邦水復不進至是紳民以農時艱於供億請緩師德容等因之亦稟請俟秋成糧足再圖大舉 冬十一月初十日潘名杰出三元橋渡河掠龍里東北鄉署龍里縣知縣鶴年調團扼防龍塘營簸箕堡 十二月十一日潘名杰陷龍里縣城署知縣獨山州知州鶴年死之名杰自出壩芒東北團衆多不能禦龍里無軍守突由麥冬大坡寨薄城下緣東北門入城鶴年倉卒赴藥局自焚事定僅獲餘骨數段妻那拉氏仰藥殉署典史姚振鏞稱匿城內文昌宮飛函集團來援名杰火民房略盡旋退

同治二年

癸亥 八六三

春正月潘名杰結亮水擺郎黨甕城西之岔河

屯 二月參將趙德光軍次光沙苦饑疲不能進名杰潛結何得勝

出近省東北尖坡紅巖河陷烟田灣營德光率軍過江由甲灣進擊  
名杰弟明德中創敗走洛白河岔河去德光復馳回光沙 三月潘  
名杰既據岔河與何得勝時分黨竄洛白略尖坡巴香蹙趙德光右  
得勝結龍頭寨青欄寨玉華山諸敵逼德光前德光以二千餘人分  
扼王卡扼何得勝扼大麻窩梁家鋪遏岔河拒潘名杰又分軍駐開  
州洗馬河台上甲灣護糧道自駐光沙策應分駐百餘里糧道遠而  
多阻時時苦饑德光請添軍出平越牛場進剿以分敵勢因晉省陳  
軍情會敵分敵圍守備保定基梁家鋪營二十六日敵至大麻窩陷  
軍功黃法正營越日再陷谷光軍功金殿榮營蕨箕嶺不支悉退光  
沙德光聞警馳回 夏四月潘名杰何得勝等連營王卡與趙德光  
等相持德光游擊時有斬獲敵集愈衆清水江糧道亦梗敵攻梁家  
鋪急保定邦棄營走貴定守備彭蓋勳練亦同時降敵德光援不及  
回遏彭練擊走之名杰旋進圖光沙營并兩岔糧路亦絕練多逃德  
光率衆突圍出走兩岔河敵追至河德光已渡隔岸相持失亡頗衆



旋遣軍分扼清水江巴香洛邦洛白巡撫張亮基亟檄候選道趙國澍扼爛田灣再檄副將盧培強率千練馳援德光至洗馬河集敗殘圖再進國澍旋請以江外專付德光仍回羊場復同德光稟言江外復營非難守之爲難誠復光沙王卡大麻窩梁家鋪數處卽需三千人駐守節節進剿尙需四五百人又由梁家鋪至牛場七十餘里須二千餘人方能連營固糧路此但就中路言也左青桐寨玉華山右壩芒馬鞍山亦須分軍四路牽制庶易得手否則孤軍直入無益也是時陳銘勳亦言下游諸賊都勻以羅光明爲最餘如谷里堡陳廷英莫永清鴉善堡羅二王阿溜堡陳小介皆其從也麻哈以潘名杰爲最餘如馬鞍山羅廷明擺郎藍三壽其從也其何得勝陳紹虞皆與羅潘等聲氣相通互爲援應我軍若右出都勻則羅光明據其前名杰襲其後左出平越則得勝據其前光明三壽襲其後都難得志若中出貴定圖麻哈則名杰據其前羅何左右夾擊更難得手數年賊蹤不常我軍無可如何者大都坐此 五月十一日潘名杰陷

貴定舊縣汛城先是陳銘勳防舊縣其部練叛結敵是夜火發突出城陷汛把總毛飛鵬不知下落敵虜銘勳去分黨出平伐趙德光馳援圖乘虛攻壩芒敵營俾敵反顧解龍貴急因渡洛白河徑貴定出東山五里冷水河敵方來攻貴定敗之因是知敵有備旋率軍改道出狗場遇敵又敗之名杰督衆相持已而舊縣敵復至德光軍疲引退頗有傷亡張亮基再檄副將劉元勳會剿 六月趙德光進逼狗場敵來犯却之把總汪紹元追擊中槍沒德光屢攻不克時盧培強方移軍來會劉元勳以五百人同貴定圍首庭中杰等扼防大麥地樂雍遏敵上竄德光連日約副將楊發貴等攻下大溪鋪鼓家坡附近狗場諸敵營十九日自率軍直攻狗場潘名杰敗走斃敵頗衆乘夜追抵舊縣復之悉軍城外約元勳進圖壩芒 秋七月張亮基以趙德光爲翼長促進剿壩芒德光上言曰壩芒爲賊老巢都勻龍貴平開諸賊互相援救非若舊縣獨當一面且道路扼陘非用武地惟東山平尙可進兵但孤軍難入必須分軍牽制都勻諸賊并出綠豆



平新鋪遏賊窺江內洛白再飭各團扼防舊縣諸隘然後東山平之  
軍可以直搗壩芒已時守備唐天佑與千總彭佳澍建言請潛入大  
良田率降衆降敵後德光慮謀泄損軍仍飭由東山平進剿先挫其  
鋒使持兩端者知懼敵悉衆來拒然後再由大良田圖其後乃出萬  
全於是亮基檄總兵趙德昌布防洗馬河一帶移軍會剿壩芒德光  
旋至東山平遣天佑及都司張樑赴德昌營聽調遣 八月趙德光  
進軍東山平并遣都司蔣占鰲等由牛皮坳夾耳山岔河分進會占  
鰲以病潛回舊縣敵襲陷牛皮坳營進圍夾耳山趙德昌適率軍至  
東山平二十八日德光設伏大栗樹誘敵入敗之 九月名杰復陷  
夾耳山岔河營都司周貴興魏洪發皆退趙德光復約副將楊發貴  
進攻不克 十一月潘名杰附何得勝圖阨省城亮基躬率司道以  
下官紳兵民登陴巡防附郭一帶烽火相望閣城皆驚亮基拊循諸  
將勵軍四出民衆則具餼糧以待各軍數出輪戰輒裹以行詳見第十  
二十七日名杰以省警復由谷覺徑趨縣城貴定縣陷王錫祿及

唐天佑等皆奔會庭中杰以忠義團衆援至錫祿走保舊縣 十二月初二日潘名杰陷龍里縣城署知縣候補通判柰守鍾署典史余起鵬署訓導林壬皆死之起鵬家屬子福生慕友商志孚皆被害名杰據城內外分黨出竄簸箕堡麻若觀音山初四日趙德光方至王官堡間道馳至名杰不備直入城轉戰附城江西街擊名杰出追至縣東五里橋會簸箕堡敵回又敗之外委朱德榮戰沒德光連戰至高坡麻若落乍敵皆走合復入貴定舊縣城王錫祿走依忠義團營時江內附省東西南三面略清雲南總督勞崇光會張亮基奏以沈宏富署提督以德光遙署古州鎮東由洗馬河進剿

同治三年

甲子 八六四

春正月潘名杰西出黃泥哨圖出二鋪犯省城

趙德昌約趙德光自永樂堡出截而率各防軍出龍洞堡遇之二鋪諸軍皆至合擊德光率參將賈必祥等別由小箐截其後名杰大敗去 三月潘名杰擊破候選同知熊錫齡團營於得封關初八日復入舊縣汛城把總庭大龍戰沒剽掠麻若高坡時同時盧培義游擊



張玉林守備周大林都司戴正興祝友林保定基諸軍駐城內外稱  
三千餘人代理知縣袁宗錚祈援皆不赴而大林方以索銀虐團首  
盧軍復劫局糧至爭入民房奪食張亮基嚴檄申飭 夏四月初八  
日潘名杰再陷龍里縣城代理知縣袁宗錚不知所往防軍皆潰德  
光自谷脚進十三日敗名杰於小橋追奔至城外西關而回名杰兩  
弟悉中創遂率城中所部夜遁縣城復 五月潘明德竄據花草老  
分掠青巖燕樓黨武阻省錾德光馳援總兵林自清繼至亮基再檄  
候補道樊希棣督辦龍貴軍務 六月初十日潘名杰隨何得勝入  
定番州城詳見第五十章 秋七月十一日羅孝連進規龍里夜薄城擊走  
餘敵縣城復敵因走陷署把總余中文朵山營中文戰沒 二十八  
日樊希棣復貴定舊縣候選同知直隸州熊錫齡陣沒 九月潘名  
杰以軍中多疾由龍里走還甕城橋餘出據龍里北龍從塘烏乍鋪  
候補道于鍾岳自谷脚進軍至賴巖關擊潰之於觀音山 十六日  
遣游擊賀朝岡參將祝友林等入龍里縣城以守備李勝山等進攻

簸箕堡遣都司包興出小谷定鈔敵後破走之 冬十月潘名杰黃  
么驪復悉衆由烏乍鋪還攻于鍾岳營于鍾岳時營水橋以包興營  
毛栗山以都司田吉聰龍登學參將祝友林營東關坡戒敵至固守  
勿出十三日名杰分攻各營與先潰回吉聰據守以登學出拒敗死  
吉聰不支突圍陷敵中力戰擊殺數人亦陣沒友林潰退王官死亡  
頗衆越日名杰等集攻于鍾岳李勝山營于鍾岳指揮賀朝岡及都  
司李得貴董蓋勳把總顧世鰲周通等預定部伍敵至諸軍分道接  
戰不爲動已而敵却分據龍里城江西街校場壩觀音山于鍾岳夜  
部衆軍出敵不備分道突擊敵走平伐去 十二月二十一日潘名  
杰再入定番城署知州呂維幹署定廣協王丕烈不知所往二十八  
日于鍾岳由青巖馳至與名杰戰於城下名杰走入城中先是雲貴  
總督勞崇光張亮基檄于鍾岳乘敵四出徑擣貴定或探敵回營沿  
途截擊勿得泄沓如前坐失機宜于鍾岳復稟略曰前因苗賊勢衆  
分剿則軍力單薄合擊又道路紛歧因擊走龍里據賊賊卽竄定番



潘名杰實未離巢如我直搗貴定則谷脚賴巖關龍頭營甕城橋一帶必須劄有連營我軍過河營牟珠洞規取貴定以十餘營環攻斷其樵汲始望有成若僅以千餘軍深入勢必糧絕潰還不可收拾若俟賊回再行出擊又恐兵來賊去勞而無功愚以爲定番羅斛諸處乃省城儲糧之區今年三次被擾元氣大傷賊逗遛南路飽而颺去不久又將復來擬請率所部赴定番與鄧道爾巽分擊務期大加懲創不使賊入南路如無人之境若株守此隅取貴定則兵力不敷守龍里則團民久散請遣一軍或駐賴巖關或劄觀音山暫資彈壓俟將定番羅斛賊肅清再請飭樊道希棣駐防中路與鄧道爾巽合取貴定亮基復檄乘機進取貴定而檄張樑自鎮江屯移劄觀音山未幾敵逼青巖于鍾岳因自雞場馳回檄諸軍劄上馬司赤土因擊退定番敵敵走騎龍趙司去維幹猶以賊掠四鄉并未入城告亮基以飾詞諱賊嚴斥之

同治四年乙丑六五春正月潘名杰因李文彩走合悉衆進逼于鍾

岳自鷄場移軍龍里扼縣南虎頭山張樑及護理都勻都司唐天佑先後至樑駐城中 二月初三日丁憂候補道于鍾岳戰死龍里先是張樑調潘名杰悉衆將至遽走鷄場于鍾岳檄唐天佑及上江都司李勝山來援天佑亦退黃泥哨敵大至環于鍾岳營數匝禦一晝夜營陷被害于鍾岳崇璟子也同沒者都司吳正邦把總楊桂芳苗德生守備彭鏞周鳳鳴外委彭兆桐貴陽營千總顧世鰲黔西營千總林朝榮古州鎮標外委劉文兆候選府經歷縣丞曾晉從九張鴻濱生員吳錫光佾生徐濬及家人余庸等練勇四百餘人清江都司李得貴等十餘人僅免名杰於是走攻青巖候選知縣趙國霖督團力守兩日敵遂西走燕樓黨武圖廣順張亮基檄副將盧希恆楊發貴追擊初七日繼陷廣順州城署知州何維炳同幕友沈振鈞出城遇敵被害署守備楊清外委盧義勝陣亡敵去之安平清鎮何得勝黨亦迤至署清鎮縣知縣王度城守希恆等隨至 初九日名杰走陷安順舊州汛分出大路頭鋪小路五官屯薄安順府城安順府知



府呂程序及督軍務畢大錫禦守希恆等馳至大錫遣軍與禦之核  
桃關石板房復出薛家鷄場圖歸化白老虎汛把總鄒洪陣亡 十  
七日遂陷歸化廳城署通判范顯誥遁甲山署游擊胡現龍遁牛場  
敵分趨長寨永甯境訓導鄭世勤以城中敵軍無多請速圖恢復  
三月初四日潘名杰部自歸化陷長寨廳城署同知計遠長參將李  
騰蛟遁敵掠走擺所場威遠汛復逼定番州代理知州德慶遁上馬  
司調穀種團首程尙文禦之敵乃出下三都騎龍趙司鼠場比孟場  
回龍貴根據地沿路諸軍尾追而已 潘名杰自安順舊州剽略九  
溪壩石板房頭鋪二鋪百餘里所過一空北路跳蹬場青山至附城  
皆蹂躪歸化無敵廳城復 名杰之自龍貴上走也率徑青巖麻若  
二路趙國霖庭中杰等請於蓮花山觀音山谷脚諸要屯守以疏定  
廣米源并言定番數被敵擾人民多不敢居青巖花草老孟關水場  
堡亦皆產米若不急籌保衛人民將歸耕不暇何糧以濟省城 夏  
四月黃么驃蔣榮封等掠至省南附郭馬棚街趙德昌計無所出約

趙德光自開州乾壩河白泥橫出巴香搗其根本敵走回狗跳巖復分擊革蘇拉旁皆下禽榮封殺之會潘名杰至蓮花山逼青巖德光復出龍貴檄張樑會楊發貴等進剿樊希棟遣貴定團首候選知縣庭中瑜率團練牽制舊縣敵中瑜破敵當關坡張亮基旋以德光援剿大定黔西以中瑜及瑜兄生員中杰生員熊枚統忠義團勇防南路 閏月鎮遠鎮總兵張文德自鎮募勇逕黎平至獨山張亮基復約文德崑規都麻出壩芒潘名杰後而以省垣諸軍進龍貴遏敵前會名杰襲青巖幾陷趙國霖等力却之盧希恆楊發貴軍花草老參將金太文軍孟關皆去青巖遠希恆兵單不可恃卒不進 秋八月潘名杰潘明德與何得勝等因益逼省城名杰出谷脚明德略至烏當洛灣代巡撫裕麟檄張樑唐天佑扼白泥猫場盧希恆自定番回扼圖雲關楊發貴屯紅邊門附郭 九月潘名杰分趨青巖定番廣順逼歸化署通判許大綸出防黃土塘敵徑犯安順趙德昌出擊不利遂薄城畢大錫遣祝友林援至學政黎培敬方在府城捐資激



衆禦守敵旋退據鎮甯阿桑仲家寨掠至郎岱大錫在鎮甯進擊不克會水城阿夏苗復入墮卻六枝名杰黨乘間攻州城署知州呂維幹禦守畢軍擊之敵走江龍歸化化木孔冬十月潘名杰等夥結往來獨荔定番間甚爲害而其黨在安順者復與仲家結入永甯六馬擊潰打幫團衆復入歸化白牛屯宗地 十八日何得勝等陷清鎮縣城潘名杰復由烏當洛灣橫出沙子哨遙相應 十一月初五日潘名杰黨復自歸化回掠安順山京海子羊武府城戒嚴畢大錫自西克馳援 潘名杰復乘鐙花教黨趨貴定出舊縣逼龍山營谷紀關附近營洞及塘榜凱口平浪皆陷團衆多從敵自保 十二月初一日名杰黨自山京海子略走王官堡磨石堡祝友林遇之梨完哨失利趙畢兩軍援至始退甯谷枝南犯一椀井趙羅畢諸軍遏擊之遂出養馬寨么鋪合仲家盧阿代攻鎮甯 十二月歸化名杰黨自上隆竄擾羅斛毋運羅敖河外三十五亭幾徧署通判鄭周南請飭盧希恆來援希恆自斷杉進同周南共軍岵許河拉毛與敵隔河相

持敵結筏渡岵辭來犯却之復渡拉毛間道出白龍逼羅斛

同治五年

丙寅 一八六六

春二月十一日潘名杰略至省南中曹司委辦

義谷委員候補知州劉曾頤清鎮汛外委沈文彬把總彭貴廷張順千總許炳章練目李春和等卒被害會副將彭萬勝率湘勇將援荔波出龍家寨擊走之已而自平伐走擺金定番屬抵季陳喬生應之

夏五月初七日潘名杰悉衆出連破貴定西南倉坡牛場羅寨犯關庭中杰等禦之舊縣把總毛飛熊陣亡龍山前舊縣後掌布左江肘右倉坡苗教四逼德光自青巖高坡出羊場請遣軍出龍里拉旁牽制敵軍張亮基因檄楊發貴副將李忠恕童三元出龍里張樑出拉旁德光復檄副將吳占勝來會剿以盧希恆彭萬勝剿掌布未至德光即進樂雍破走擦耳巖倉坡諸敵遂復舊縣把總陳天培戰沒敵走馬家洞當關坡油溪堡扼大河扼軍是時三元軍黃泥鋪忠恕軍谷脚不進唐天佑進至烏泥中伏創回德光攻敵急名杰等招黑苗柳天成來助德光以孤軍深入請檄龍里諸軍乘勢會擊并分一



唐史少負事  
軍令副將葉有貴來助 六月潘名杰等集黃土坎油溪堡署提督  
趙德光率軍出舊縣及庭中瑜團攻黃土坎不克德光復出樂雍間  
道東北狗場圖油溪敵力拒別遣都司吳朝順等東南襲馬家洞不  
利德光言於張亮基略曰貴定縱橫百里皆賊雖有忠義永固諸團  
僅能力顧一隅德光孤軍出舊縣而甕城洛白諸隘皆賊藩籬不可  
無軍進攻使諸路同時進取賊難兼顧勢分則易爲力今張樑李忠  
恕童三元諸軍不能前賊得併力專注一路且將乘虛圖我軍後此  
劉廣橋民屯所以被襲也亮基復德光令規油溪德光以黃土坎尙  
未克况油溪在黃土坎五道水後爲貴定門戶潘名杰糾下游苗教  
往來堅拒賊日戰日多我軍愈疲愈少且時疫大行軍中日有死亡  
時唐天佑亦約張樑進剿爲德光聲援 秋九月趙德光以孤軍  
次舊縣久無功且患疫師死者衆遂自羅雍回省潘名杰等復四出  
初七日陷張樑軍於革蘇樑退元保寨亮基詰責樑擁衆二千趙畢  
軍外樑軍最多自劄革蘇數月無寸進功并革蘇亦不守轉將軍火

資賊半載之中一再覆軍復令援梨樹坳坳又失委糧米千餘石死者百餘人名杰旋略走烏當洛灣出定扒 冬十月鎮甯安平諸敵多趨架布鷄場掠陷十餘屯畢大錫擊之不利潘何黨復趨安順趙德光先遣葉有貴及都司張斗等出清鎮追之不及遂自將追擊初八日敵至安順分劄頭鋪二鋪飯籠鋪唐官屯馬官屯連壘數十里偪府城呂序程禦守敵分據東北狗場跳蹬場截大錫歸路大錫再戰不利是日德光方至安平而省城因總兵林從太軍潰回大關戒嚴亮基復趣德光還德光疾馳至三鋪遣軍襲取二鋪攻城敵回拒頭鋪把總周雙祿戴文元陣亡德光自至二鋪進擊副將葉有貴中槍沒方相持間趙德昌畢大錫援至合擊敵不支潰走德光德昌分道進剿架布鷄場敵自龍平復回頭鋪張斗及千總陳玉春拒戰陣沒德光回擊再走之敵暫劄南路夏官屯木山堡旋出羊虎場磨石堡鷄場走歸化德光亦以省警回 二十五日潘明德襲青巖幾陷團衆力禦却之 十一月潘明德等自青巖走犯定番州城 十二



月初二日明德自定番三都牛場因陳喬生剽掠底季尖山諸寨黃么驛等則自安平入盧山岵令西掠場逼羅斛岵陽於是定番大塘羅斛皆告急 畢大錫趙德昌軍安順不相能張亮基乃以大錫署貴西道辦大定軍務而以安順全屬責成德昌

同治六年丁卯大七春正月大塘州判鄭周南檄團首潘成章擊敵大塘明通訊敗沒十一日敵走襲羅斛夜梯城上守備學林遇敵傷腕走周南督衆擊下之敵走定番南十里之擺角乘林從太方擊明通毀其大井屯營守備宋光揚潰走 秋七月初二日潘明德與大塘土匪劉妹崽襲陷大塘城 八月潘名杰何得勝南北據歲穫時輒分出剽掠張亮基以總兵楊發貴劄南路遏龍貴李忠恕等劄札佐養龍防烏江中路其近省數十里內西南騎龍趙司花草老青巖以童三元等西北猪場堡湯粃哨小龍潭以都司舒定邦等東南二鋪圖甯關以知府馬世麟等東北三江橋烏當洛灣以副將鄧明勝等分道扼防更以記名黃清源知府劉克成劄附郭照壁山觀風台

隨時策應敵數逼省皆却之龍里貴定時已陷四年惟忠義永固永和團尙自守忠義在龍山尤爲省南衝要三面臨敵相去不過十里大小十餘隘歲養練千二百人皆由紳民捐辦

同治七年

戊辰 六八

春三月雲南巡撫劉嶽昭旣以巡撫曾璧光奏

請留剿龍貴頓軍數月至是嶽昭奏稱杜文秀披猖過於潘名杰滇之危甚於黔不得不以滇爲重遂以二千八百人付四川候補道劉嶽曙留防黔西自赴雲南去 閏月貴定苗教交訐多內亂曾璧光奏以張文德督軍規取龍貴留在籍陝西延綏鎮總兵汪柱元在籍助之檄署台拱營參將唐天佑率千人出革蘇應之檄庭中杰中瑜剿舊縣鍾發魁以童三元出趙家洞應之十八日文德柱元等軍發谷覺先圖龍里潘名杰遣其弟潘三潘滿等益守龍里拒軍 五月張文德汪柱元進軍觀音山擊敗潘明德敵愈集會四川候補知府蹇閻援黔渡烏江因檄開州札佐防軍回助檄湘軍統領李元度舊部投効同知葉正固及總兵李榮春游擊何雄輝齎元度所遺開花



礮助剿檄總兵楊發貴馳赴龍山爲庭團助遇敵落飄千總黃相臣  
敗沒文德進水橋西關擊敗趙家洞抱鷄堡敵二十六日薄城環攻  
柱元渡河攻入老城北門敵退保老城攻竟日文德將收軍柱元白  
文德曰賊子藥將盡夜必走請勿撤文德慮失計卒撤回曾璧光復  
檄署糧儲兵備道樊希棟候補道張日崙赴文德軍策攻 六月初  
三日張文德督諸軍分道偪城而壘潘明德再約抱鷄堡敵來援自  
出五里橋應擊文德督軍大敗之追平抱鷄堡敵壘城敵失援益蹙  
乞降不許初五日文德故撤東面設伏急攻汪柱元率都司舒定邦  
等先登諸軍繼之遂入城龍里縣復潘滿焚死餘黨蒙正轉尙仁蔡  
興發王明科等由冠山縋城東走伏兵起盡殪之貴定敵素恃龍里  
爲屏藩而以甕城橋爲關鍵潘名杰築石爲壘扼守迨龍里復益洶  
懼益增守拒軍曾璧光趣文德乘勝進取附近諸寨悉望風降因遣  
林從太何雄輝奪據龍頭營龍從塘并檄庭中杰等率團會攻初八  
日破甕城橋趣軍抵貴定分攻舊縣童三元亦下趙家洞柱元與守

備張盛琦由王家灣進剿至河邊新寨遂由九灣坡王大衝直攻縣西北文德復揮衆發開花礮飛擊城中皆哭初九夜敵開城悉東走都勻柱元先入城再復貴定縣城禽僞知縣王滿廷殺之文德駐軍貴定柱元故貴定人以從軍江南回補授延綏鎮總兵訶知龍貴有間可乘力請大舉城復後始知父母皆陷沒遂請開缺補行守制時名杰走據距都勻七里之羊場壩其弟德明據沙鍋寨蔡三據黃土堡唐天佑則出巴香招降變團陳尙志黃永隆等過洛白河 秋七月潘名杰及下河諸苗回犯貴定縣城汪柱元約林從太何雄輝都司陳安邦等却之都勻協田興富遣都司田慶龍李玉南合擊玉南中槍沒於陣慶龍亦創回旋沒敵尋以乏食皆走回都勻惟潘明德先遣赴柱元樊希棣營乞降至是復自赴庭中瑜中瑜爲請許之八月降人潘明德上言下游羣盜如毛近龍貴克復軍威振而賊勢衰被脅者諒亦變計但其中有偏處苗賊驟難自據者有陷溺旣久疑懼不前者此後宜進取都麻龍貴方能肅清然都勻八寨遍地皆



賊現在胡四趙五據茅坡扼舊縣平伐一路柳天成據都勻潘名杰據擺洞麻哈則馬登科據高木塘若一軍直進難以制敵必須分道并進一出樂平至谷口以扼灰坡牽制麻哈并分出羅戶司文德關以偪擺洞一出舊縣打鐵寨上下擺洗攻茅坡再分進月亮洞擺芒如此都勻可期得手然後進規麻哈以前扼灰坡者爲一軍再以一軍由靛衝小堡繞出高規先搜剔諸據賊然後會軍麻哈都勻形勢不難復而難守如圖復一處則彼處賊來擾適以牽制重兵莫若約期齊畢方爲得計曾璧光因令降人蔡起坤楊永清等所部五百人隨張文德進規都勻文德旋以目疾乞假乃以林從太護理提督防守龍貴 冬十月初五日張文德督林從太張盛琦潘明德等進規都勻軍至王都堡潘名杰等迎降

附錄

唐炯援黔錄有曰潘名杰雖屬苗匪而徒黨皆苗仲及潰軍濫練湊合而成極爲龐雜爲害最大與上下江苗又自不同

成山老人自撰年譜戊辰年上略潘名杰都勻鴨崽苗也與黑苗爭麻哈連年相攻既擊斃九千歲遂雄據都勻貴定麻哈以貴定爲老巢下略

潘名杰既降當局者知其尙有潛勢力遂亦聽之不深究名杰亦頗能忘形與市民相狎借賣煤炭自活在省城久羣呼潘三王父老子弟每見其蹲人簷下賣輒就詢往事言之娓娓不稍倦今省中人年五十以上者類能憶其人也

名杰富有血性言念今昔感慨系之輒飲酒至醉嘗有秀才自北書院出誤觸名杰煤炭擔因怒目斥之秀才新自他邑來不知其來歷以其輕己將搨其頰名杰還呵之曰潘三王遂乃受人侮辱耶秀才大駭遁去

于鍾岳字伯英漢軍鑲紅旗人父崇璟任普安知縣咸豐四年涂令恆破縣城罵賊死閤家殉難惟鍾岳與弟鍾毓逃出鍾岳奔省請兵復城隨軍督團進剿克普安時年甫十八歲黔亂方



熾當道稱其才歷擢至知縣留黔八年署正安州事是年七月  
解秦安慶圍於野貓阡十月會江炳琳破刺豬麻亡洞賊賊襲  
唐貓水巖門鍾岳援擊走之九年八月攻石筍等處賊擒斬賊  
目曾喜十年二月援官兵於餘慶永興等處八月遵守寶奉家  
調回綏陽教匪十一年七月檄署遵義桐梓三縣事督辦遵綏  
湄甕軍務時已擢至道員矣十一月遣張師敬等防剿白號賊  
於蝦子場散水等處自率勇攻賊麻家壩敗之賊旋集衆圍營  
危甚乃募死士夜火賊營乘勢會胡先海合擊斃賊數百十二  
月又率張師敬等敗賊橋頭寺楊家邨僞朱王時踞禹門寺同  
治元年正月以張師敬吳元彪爲左右翼自將中軍敗賊禹門  
寺一戰而拔遣張思敬等擊走皂角堰賊賊聚萬人圍攻十餘  
日甚急調胡先科等援敗走之於是綠塘河李家壩等處賊皆  
擊散遣吳元彪擊走唐寶石岳家壩諸賊忽髮匪竄擾正桐兩  
屬疾馳回防堵五月會沈宏富敗賊大錫廠馬家河殲數百人

七月會宏富擊走西坪悍賊復破後壩場張王壩賊壘遵綏諸賊悉走高台窰上旋回窰新舟鍾岳馳擊大敗之八月會宏富遣軍出九皇洞渡上關進剿窰上自邑南至玉華山數百里暫清閏月髮匪石達開竄入遵義二十萬圍郡城糧缺人心惶恐飛檄黎紳兆祺調團運糧糧至軍心大定攻數日鍾岳督軍力禦賊解圍去趨綏陽圍綏令李愈南於貓貓山鍾岳遣軍援始解是年十一月黔撫張亮基過遵聽讒遂解任去二年三月賊毀正安釐局集州城下復檄鍾岳馳辦旋晉省未幾貴定告急鍾岳往援賊重兵單於虎頭山地方陣亡賊剗其首刳其腹死亦慘矣鍾岳善詩與鄭珍莫友芝黎兆勳時相唱和著有嘻笑山房詩若干卷殉難時年三十餘歲

第七十八章 柳天成之役

咸豐六年丙辰夏六月黑苗柳天成起據都勻雞賈河與苗教裏脅凌盛時起時伏爲民大害



咸豐七年丁巳八五七夏四月柳天成至木老坡五月柳天成南竄至吳家司閏月都麻苗教以耕畢圖平甕留柳天成牽制都麻官軍黑苗犯平越蘆平羊皮各團

咸豐六年戊午八五八春三月柳天成據楊安五寨柳天成旋出八

寨西得祿汛掠爛土王司窺翁奇夏四月初一日柳天成等犯牙

州冬十一月柳天成結教黨出麥衍瀾進破爛土分道取獨山至

涼亭獨山州知州侯雲沂以龍建極合團衆禦擊

咸豐十年庚申八六〇春正月柳天成羅天明屢犯荔波城至楊家橋荔波縣知縣吳德容等卻之

同治元年壬戌八六二秋七月吳德容回軍荔波值黑苗連日復分犯

凱口三關平州土弁楊本力拒不支乃奪據三關隘竄至苗香平洲

牙州平浪皆驚會團首廣正仁金永全及凱口汛外委羅顯模等擊

敗之德容始檄都司莫芝茂等以二百人會獨山團練扼防

同治二年癸亥八六三秋八月黑苗等乘副將何仕顯陣沒開州西五

十里之三板橋皆由扛寨羊場攻官軍諸營尤急

同治四年乙丑六五春三月柳天成胡四趙五等分掠平洲平浪平

伐獨山荔波

同治六年丁卯六七秋九月副將張樑擊敵大塘千寨會柳天成自

平洲來擊潰樑軍死傷頗重軍械多遺失奔退走馬坡乃攻脅附近

屯民不從者熏斃之平洲寬廣百餘里惟六洞司一洞尙自守樑移

劄六洞請援柳天成圍馮時熙等團營於阿哈張樑分軍援遂復

悉衆圍樑六洞冬十一月初五日柳天成攻破六洞張樑奔獨山

游擊張福都司蔡德勝暨把總等八人陣沒亡軍過半軍械多委棄

同治七年戊辰六八春二月初一日巡撫曾璧光檄記名提督黃清

源主剿平洲六洞閏月黃清源至獨山時柳天成於平洲六洞樹

木柵自守分掠州城附近清源劄甕坑先約副將鄒玉林等擊六洞

鄒軍先潰清源敗還都司唐洪升吳安邦皆陣沒清源糧乏代理都

勻知府署獨山知州嵩年爲勸捐給軍州城輸千金米百石楊維藩



等八大團輸米八百石清源上言皆爲都勻協周發榮虛糜清源軍仍無糧 五月胡四趙五復出牙州結柳天成掠據距大塘六十里之通州旋陷定番太平屯游擊宋國楨援剿至定番大塘界都照秋七月援黔川軍知府唐炯遣降人李文彩赴都勻八寨諭柳天成降約候大軍至從中起文彩等叛去 冬十一月初十日柳天成復自平洲走犯都勻都司田興和防平洲不出張樑得檄還都勻助守再不進

同治九年庚午八十七。春正月柳天成等剽掠羊場平代抵適州平牙民屯多陷劄防之張樑及都司田興和時告急曾璧光檄總兵何雄輝籌援雄輝以通州地隔百餘里中多敵營不能越剿

同治十年辛未八十七。冬十二月柳天成等攻降苗聞國興於八寨國興不利請軍由王司援出桃花五寨扼都勻隘柳天成旋回四寨夏四月初柳天成屯內外套復分黨過河據獨山交然楊維藩等因遣間密結天成黨粵勇黃英祥內應圖之初六日降人唐大烜率團

擊敗交然進攻内外套英祥從中起發洋槍擊殺天成大烜取其首以獻而維藩則稟言計誘天成入險生致之懼賊援急斬其首回道遇大烜乃奪以獻英祥則謂自介維藩投誠維藩遣軍誘天成出因袖洋槍入柳營殺之大烜又謂臨陣手洋槍斃之而英祥割首贖罪云 鄧有德旋遣都司陳建勛招柳天成子時青與其黨時茂附賊之都勻生員王承忠以五十衆降二十三日有德德貴遂取桃花五寨直逼雞賈河賊寨兩日三十餘寨望風下李文彩與天成子阿二奔簸箕寨附馬登科



咸同貴州軍事史第三編下終

江蘇謝公允校字

咸同貴州軍事史

貴陽 凌惕安 編著

第四編 回教民族之運動

第七十九章 威甯回變之役

漢回相攻殺

咸豐七年一八五七春正月威甯州漢回構釁相攻殺於距州城二十餘里之楊家灣 三月初一日署威甯守備畢赤營游擊富呢雅

派兵助剿

杭阿擊回衆於楊灣礮兵練遠潰畢赤營外委把總彭玉順等遇害代理威甯知州袁濬援之巡撫蔣蔚遠檄畢赤仁懷永安大定兵助剿 夏四月富呢雅杭阿進擊回衆於楊關山回衆間道邀之永安

犯威甯州城

協把總莊繼唐敗沒還軍公登山時來助兵練多疲茶惟仁懷兵較強回衆旋犯威甯州城威甯鎮總兵常山及貴西道福連卻之再進楊灣礮回衆至張家坡祈降福連等遠撫之

獲回

咸豐十年庚申八六。威甯回民自七年撫後猶分據漢人苗族田土

失業漢民與馬家屯回漢

房屋時掠附近居民出劫行李至是失業漢民數百集全化里小張

或司貴州軍事史

第四編



福善主撫回

福善單騎赴小張關

滇回突入威甯

關將與馬家屯諸回寨尋釁署威甯州知州葛紹英馳往彈壓回力拒至殺害差役回首馬春等復率千餘人間道攻州城護貴西道福善代理威甯鎮富呢雅杭阿等卻之 十二月護貴西道福善屢主撫威甯回衆而漢民受害深均不願撫回而回亦屢招不至至是福善復與署威甯知州許大綸遣紳民入回寨勸諭往返十數次告以受撫即撫不受撫各官自至寨中聽爾等生變又不至福善則單騎赴小張關及大橋回寨還稱阿渾等皆盡禮願受撫不過有難行之要求現在設法辦理阿渾者回民習經兇者之稱已而昭魯回旋結漢苗土匪衆數千掠近州城福善等率團却之 州屬昭魯回又掠奪吃水福善遣軍功錢國定迎擊敗沒回進至陶家海團首陶廷相却之

咸豐十一年辛酉 福善再招撫威甯十七寺回寨

同治三年甲子 春三月二十日雲南昭通回衆突入威甯擊潰

耿家屯小山團衆遽入州城把總鄒九福及生員余觀發遇害民衆

民衆驚殞三百餘人

遣軍襲馬家屯

餘黨散去

張凌翔等起

漢回搆費

驚懼自殞者三百餘人回大掠出據馬家屯櫻桃窪威甯鎮總兵賀朝岡臚陳入署劫物不貲並稱其妾力護印箱回衆爭奪許時竟未攫去云 夏四月賀朝岡及威甯州知州張炳坤遣軍襲走馬家屯回 五月威甯餘回潰團首李啟馨等於得勝坡陣沒掠至銀廠旋散去

第八十章 普安回變之役

咸豐八年戊午八五八冬十一月普安廳大坡鋪華家屯回張凌翔等起 初九日略沙陀亦資孔驛丞沈培源守備彭天相千總蕭本忠遽走遂略西堡冷水溝初平彝所土匪犯廳境回即萌異志既而興義新城普安等回復與漢民構費署興義府知府胡霖澍為和解回衆馬亮六等復招致滇回時略界上凌翔潛往從大獲歸羣回羨之益思動會前黎平教授沙陀舉人高發揚夙與大坡鋪華家屯回有費以間襲殺張凌芳壻馬文才回遂糾衆圍殺沙陀上中下三寨發揚家屬及舉人高發奎等二百餘人均遇害脫者僅數人署普安廳



與猓羅結

滇回自固

胡霖澍遣人說回降不從

同知夏成業聞變調代辦土司龍杓會拖長江生員李夢松等集練團防禦 十二月普安廳回勢日盛永安協外委余成龍同軍功易飛熊擊之獺貓平成龍陣亡華家屯回結埡巴山猓羅西竄平彝所思倚滇回爲固團首王凌雲却回再攻通達南里豬頭營龍杓暨白沙汛把總鄧飛熊禦之以土目用同種語言稍稍散猓羅孤回勢夢松亦敗之拖長江張凌翔遣間結興義新城回共起 二十日胡霖澍至普安遣回人武生張慶生員張書效廩生高敬先把總張定中青山汛把總張茂林中營外委高輔國赴大坡鋪華家屯說降回衆不從張慶因請剿霖澍會夏成業等調團進規

咸豐九年

己未 八五九

春正月胡霖澍同署同知貴定知縣夏成業署

游擊銅仁都司鄧逢霖檄練團扼普安廳諸隘逼大坡鋪華家屯以糧乏多不集拖長江圍集而復散霖澍再遣府練六百人助之逢霖敗回老龜山彭天相邀敗之顧官屯回反攻逢霖又敗之圓塘 二月初七日大坡鋪回攻守備唐耀宗營候選吏目周詠鑫把總彭應

興義府兵來援不利

胡霖澍主用兵

何連升誘敵殺降回

春敗沒應春子景殷憤擊却之。初十日普安營守備彭天相擊回  
光頭山戰沒逢霖繼至回退。二十四日興義府兵會剿大坡鋪遇  
回雞場平軍甫合普安廳練遽走回乘之武生唐夢元六品軍功唐  
士秀王廷學并沒府兵以越境來援反爲所誤立散走三百餘人時  
把總陳高勳鄧飛熊方攻華家屯大坡回還擊亦敗外委熊玉發戰  
沒胡霖澍以軍不振皆弁兵紳民陽奉陰違請大令以威之。秋六  
月調署安義鎮金剛保同胡霖澍復以鎮標及長壩營兵先後自府  
至普安廳會剿回霖澍力主用兵悉將廳練撤遣而以千總薛明訓  
等分劄附城回懼以張士祥等三人赴營祈降外委何連升誘士祥  
等入城詭稱禽獲敵探霖澍不察遂戮士祥等回意不許降結埡巴  
山獠獍悉衆出先陷把總劉利暄營利暄連升暨把總普懷恩皆沒  
明訓及把總楊占春等棄營走回連陷海子鋪雞場平舊堡。十六  
日霖澍稱病以集兵籌餉爲詞走普安縣不出回遂焚南里至劉官  
屯直薄廳城金剛保及夏成業城守以鄧逢霖率拖長江練合擊李



夢松潛至大坡鋪焚回本營回反顧圍始解霖澍明訓皆褫職金剛  
保旋回興義成業旋爲雲貴總督張亮基撤任仍在廳幫辦軍務以  
知縣唐錫齡接署 八月胡霖澍圖大坡回首張凌雲新死以署普  
安縣知縣劉代英會夏成業赴大坡招撫回仍歸大坡據守不出  
九月初二日興義府回張福田結回衆並苗衆略興義縣屬犯新城  
劉代英馳往據守 時署普安廳同知葉如松言大坡回未大創遽  
受撫心弗善也又漢民避者俱未歸業田廬尙爲回據恐撫局不可  
恃福田本大坡黨霖澍獨不許降又不能制其死命因潛結新城回  
孫毛羊馬二安等暨涂令恆遣黨仲家陸王松王濟才貞豐苗楊樹  
森安南譚五受并大坡回略團坡團首龍騰雲青山汛把總張茂林  
率鄉團同捕而茂林阻團衆不令往騰雲團練多傷亡疑茂林回官  
故左袒遣間刺殺之回衆益不平薄新城走攻安南貢生陳明星以  
團衆擊之尖山馬乃屯新城北路回稍却 冬十月張福田等數攻  
新城文童張燦奎以八百人來援城中兵練出擊署興義府知府鄭

新城之陷

滇興義府

坑回衆九百餘人婦女赴海于死者亦

訓逵援亦至敗回屯脚回暫却至夜以礮轟裂東南城郭兵練力禦  
死亡多人得不入陳明星再敗尖山馬乃諸回突入新城助守回衆  
旋走安南安姑塘排杉汛 十一月初五日張福田陷新城署普安  
縣知縣劉代英縣丞袁如壘守備康定國死之新城卽今興仁縣藏  
聚多在外回圍日久城內糧匱且乏水回盛水置城下伏以待兵練  
夜開城取水突出倉卒潰走回衆遂入福田等屠士民千餘旋走據  
大平紅崖南略府城附近村寨鄭訓逵由屯脚後關門擊毀老凹諸  
回營胡霖澍時遣千總陳繼升募雲南開化廣南練五百援至回復  
之大平繼升戰沒回衆遂逼府城先是霖澍自普安回深疾回民方  
回未至誘精壯二百餘人出而質其家屬城中飲食日用令繼下取  
給內外交怨俄城中火發疑回民爲變遂集回紳耆馬鳴珂張慶以  
下九百餘人盡坑之婦女數百人悉赴府署側海子死回愈憤時訓  
逵軍亦潰於大平新店子回徑攻城新城回西北走據普安青山東  
北出巴林龍場圖貞豐鄧逢霖奔回那山 十二月回屢攻興義府



城不下鄭訓逵回援回仍退新城將結北鄉苗為應訓逵扼防阿棒於是新城任毛三等益北出羊場寨大羅屯圖安南署知縣袁灝拒之廖箕塘回轉陷阿肩屯團首陳贊襄敗之禽回首吳洪文而吳阿敢復至誘擊團衆於老萬松山團首羅老五張雲敗沒回再攻哄都阿敢據山督戰團首王正才以十餘騎發槍殪之回衆大至分扼阿肩羊場廖箕團練皆覆連陷二十二寨貧民被脅黑苗多附從直薄近城二三里凉水井其圖貞豐回至者黨把蘭會練目李世鎔募練二百道州署長壩營游擊梁獻廷同知州葉春華留助同敗回別黨旋薄附城里許黃土坡而圖普安縣回為署知縣胡祖寅及武生段定國等敗之濫木橋尋蔓至普安廳白寨箐口發貢團衆多潰

咸豐十年庚申八六○春正月貞豐回至新場逼州城會桐梓縣知縣新授貞豐州知州蔣立炳自桐梓赴州葉春華留同守與梁獻廷禦却之安南回仍據排杉結仲家保羅分擾巡撫海瑛遣守備宋景山以五百人援貞豐安南胡祖寅時防普安縣地瓜坡拒青山回亦

以把總蔣定邦出象鼻嶺助剿安南排杉 二月初四日回陷普安  
縣城署知縣胡祖寅猶外防回卒自馬鞍山間道至城中無備遂入  
分陷九峯寺圍營略三板橋並至廳屬上寨罐子寨祖寅禦敵上寨  
失利 十九日胡祖寅及典史陶光煒等入普安縣城回四出城中  
不滿十人祖寅等至九峯寺回舉火棄蓮花山走遂入 貞豐州回  
逼州城蔣立炳梁獻廷等分禦回退那山龍場及安南者蠟尾灑立  
炳出防那山獻廷以八百人攻者蠟失利引還傷亡甚衆立炳等方  
敗回長貢同者相左家牛場團衆來助回邀敗之雲台寺二十二日  
回卒至獻廷立炳出拒敗退署冊亨把總鍾開祥陣亡其子開基同  
沒春華聞敗以二百餘人來援立炳旋回城守 回衆結安南苗仲  
據木角三保諸寨宋景山至却之普安縣回復略至安南新園大小  
羅屯六品軍功唐洪裕擊回陣沒袁瀨出防麻山河新園在對河仲  
家多漢人少回黠往往結仲家驅當前敵而乘其後云 三月胡祖  
寅蔣定邦等敗回革拱青山屯回多竄入廳屬紅巖濫木橋初張凌



主人歸回四千餘人

翔緙號陰率黨赴新城相助屯回未全動也會土人陳昆山劫山  
嵐洞斃回衆四千餘人屯回因之大略菖蒲坑馬場屯張定中亦乘  
間出免場勒索民糧團首龍浩然憤擊走之葉如松以漢民失業久  
回衆仍未退請乘凌翔赴新城調雲南開化鎮都司何占標由平彝  
會剿華家屯 袁灝敗回崩當還安南會宋景山軍敗潰灝以景山  
練無餉肆掠請撤之 貞豐龍場那山回攻梁獻廷營蔣立炳馳至  
同拒連失利署把總陳占魁六品軍功劉漢清王元杰封國清陣沒  
閏月新城回馬進祿略至普安廳土魯葉如松遣龍杓禦之 大  
坡回復略松官顧官吳官諸屯鄧逢霖率千人禦之猴場如松再請  
調何占標來援 夏四月胡祖寅將圖新城軍至潘家莊馬乃屯旋  
以警回防 十三日袁灝進剿排杉遇伏中創敗還傷亡頗衆十八  
日以創劇卒 何占標率軍至普安廳敗回大洞進攻華家屯葉如  
松亦募練五千餘人以把總賈連魁分防拖長江石門坎武舉蕭震  
川防豬頭營守備鄧飛熊防馮家莊游擊鄧逢霖防水田各千數百

攻華家屯不下

放定中於爛木橋

潰回來援

人回攻馮家莊水田皆却之占標進亦資孔奎閣逼敵而營 五月  
普安廳營兵二百餘團衆及何占標練凡一萬有奇葉如松赴安順  
鄧逢霖領其軍占標數攻回不下移營天保山約逢霖由峨松合攻  
以軍功蔡文元率八百人營鷄場逼大坡回攻殺文元張凌翔旋以  
新城回援至三萬底團員貢生楊彩力拒兩日營陷陣沒大坡回復  
略至西村 六月何占標等攻華家屯不下敗回放馬平鄧逢霖亦  
敗回老龜山峨松署普安廳同知錢燠調螳螂屯諸團破走三萬底  
回退爛木橋旋同苗出科鄉略興義府境職員黃紹奇敗之追擊遇  
伏陣沒 秋七月普安廳團首周尙文等擊張定中於爛木橋錢燠  
檄狗場十三團助之衆三萬餘人定中負創敗回新城 八月雲南  
霑益州回馬連升來援大坡冒兵練入營旋陷海子鋪營守備鄧飛  
熊陣沒並陷蒼山初七日再陷水田千總蕭本忠陣沒鄧逢霖中創  
走回進攻放馬平何占標遣援敗回蛾螂鋪回退華家屯 八月普  
安廳科鄉回苗略至府屬灑雨鄭訓遠遣把總陳高勳等擊之高勳



中創旋沒回攻陷營把總周永貴外委趙學雲陣亡回逼涼水井訓  
達由真武山回防 貞豐那山回偪州城蔣立炳却之因進圖那山  
失利軍功梅占魁顏大興陣沒回築壘塔山窺城中約放牛平回阻  
南路輝道立炳等城守 冬十月初十日何占標約鄧逢霖截大坡  
回援路自督攻華家屯以軍功彭成九等搗回後破之回悉走大坡  
鋪 回苗略興義府屬諸鄉鄭訓達遣兵百人并檄安南冊亭就近  
援剿皆阻於敵新署安義鎮總兵德壽駐興義縣城不進猶主撫回  
回陽許略如故 胡祖寅圖規新城與回久相持二十一日遣把總  
蔣定邦杜發蘭分攻黃溝遇伏發蘭陣沒子鴻猷後至趨援亦遇害  
祖寅進軍敗之旋以普安廳回逼回 十二月蔣立炳募下江練來  
防貞豐到之明日州回夜踰城入毀民房數十立炳等擊出之 興  
義貞豐普安新城苗族舊與大坡回相結起事數年者爲老戶生員  
岑鳳來等赴雲南言之宜良知縣岑毓英謂前回亂抽丁齊團防禦  
及敗無援始從回苟全久欲投誠恐回平後又被漢練害虐且各衙

岑毓英請給示貸回死

貞豐州之陷

門陋規浩繁實難支持是以遠道來投毓英爲請署雲貴總督徐之銘給示貸其死

咸豐十一年

辛酉

八六一

春三月十六日回結苗衆等陷貞豐州城署

知州蔣立炳巷戰死立炳父時純前任貞豐就養在署亦死於難兄弟妻妾子姪婢僕殉者三十餘人貞豐圍久城中絕食守者皆饑困偶殺一敵輒鬻食之立炳屢祈援不應求代不許署長壩營游擊劉慶雲次龍渡與土弁王元興皆觀望不進 錢壩何占標屢破北里椅切諸寨小鋪子埡巴山仲家等來降以龍杓領其衆再破回攻把黑箐回併入大坡鋪鋪中七屯五寨築石爲牆十八日占標督軍進攻壩亦率團繼之先以巨礮轟其外牆占標冒矢先登墜牆傷足仍力戰攻一晝夜破之禽回目張凌漢等誅之斃回千餘大坡鋪事定 夏四月趙德昌回安義鎮任援剿興義軍務 新城回結普安縣戈密教黨圖縣城分黨略廳屬上寨三板橋樓下河錢壩率兵團敗之回攻縣急胡祖寅祈援於壩壩遣外委王德政率千人赴之阻於

大坡鋪事定



格鋪不得進并爲請援 五月普安縣圍急十七日錢壩以王德政軍阻革納因率兵團馳援敗回大灣回分出鈔擊大敗之壩中創走還傷亡甚衆 二十四日回陷普安縣城署知縣胡祖寅典史陶光偉死之幕友候選州判吳鎮藩恩騎尉盧起貴皆遇害家丁周凱等八人同殉祖寅當圍急祈援不至時已檄陳樹南往代阻回不得入城垂陷祖寅急以印付家人埋之巷戰死光偉守西門亦戰死 六月趙德昌遣副將譚端模會署普安知縣陳樹南圖復縣城錢壩亦遣練圖進回已四出遇回大河橋副貢吳醴泉陣沒二十四日樹南端模入城 秋七月回久據貞豐下江凹衝土弁王元興亦叛據王母亭略羅斛桑郎境署貞豐州知州陳聘儒至石屯上言貞豐地分上下兩江中隔北盤江州城在上江北盤東下江凹衝北通歸永南達羅斛界廣西泗城石屯爲進兵路擬集鄉團先清下江疏通糧道然後渡上江圖恢復且請大兵顧後路巡撫田興恕檄趙德昌責令聘儒辦理 八月陳聘儒在石屯調坦千團并軍功楊祖勳所領漢

冊亨之陷

尹紹勳死之

再攝鎮義府

團同擊回輒潰聘儒所募練以乏餉潰於是下江三十二亭石屯坦  
千外均從回 九月陳聘儒進剿貞豐凹衝破者康回營回悉衆至  
聘儒中創敗退請援時趙德昌方圖攻新城不至 冬十一月連日  
貞豐回出東高板王走犯冊亨城署州同尹紹勳都司徐輝把總馬  
正品等城守二十九日據者孟下分亭諸鄉團赴援皆敗退紹勳祈  
援趙德昌鄭訓達訓達遣千總陳榮貴以六百入赴不至 十二月  
羅斛東南上隆桑郎與貞豐歸化暨粵西邊境打落寨壤相錯貞豐  
回時走犯羅斛擺羅苗起應署州判謝其毅督團却之 十九日回  
陷冊亨城署州同尹紹勳死之回及苗圍冊亨五十餘日紹勳等嬰  
城守食且盡援不至千總丁榮把總馬正品內應回民保安邦等暗  
相依附縱火啟之梯北門入紹勳巷戰死幕友張憲章家丁馬棠同  
死者十三人趙德昌始至興義縣出次頂效先遣同知孫清彥游擊  
徐遇恩等以百人間道入府城

同治元年壬戌 六二春二月自冊亨陷敵軼赴興義府屢偪城趙德

戎司貴川五 五 第四編

八



趙德昌突圍入守

與義府陷

胡霖澍爲難民擄割

趨與義縣

昌進軍川洞 三月趙德昌旣破川洞進營者桑河與敵營相錯圖連營護鐸道而回攻府急飛礮入城傷訓導王開藩人心皇皇二十日德昌因突圍入守時糧竭遣副將諶永昌赴者桑河護糧遇回晝稿林戰沒回取首斷手足去德昌夜聞敗遽出會胡霖澍部練舉火應敵二十三日與義府城陷代辦知府鄭訓遠爲回遮留與義鎮中營游擊桑錦芬及卸署游擊興山右營都司蕭德玉把總桑正榮候選訓導劉璿夏從先邢士蒸周之楨貴天乙在籍守備楊永芳署捧鮮守備葉升祥千總王貞憲均遇害胡霖澍妻蕭弟婦汪自焚餘紳民婦女死者頗衆霖澍與興義相終始民怨歸之至是走出爲難民擄割立盡巡撫韓超提督田興恕聞警檄游擊胡現龍募練千一百人由安順馳剿至郎岱不進 夏四月興義府新城諸回乘勢趨興義縣城趙德昌分軍屯箐口烏沙遏新城敵以路屯鄭屯坡岡頂效當府敵 六月興義回分據者桑河龍廣鋪交那趙德昌軍多饑疲屢戰不克 秋八月趙德昌圖興義苦敵衆久無功至是兼署雲貴

總督徐之銘咨韓超言滇省撫局已定前聞回首張浚翔圍攻興義府城當令臨沅鎮馬聯升函令罷兵茲復函致浚翔卽如前議請飭安義鎮趙德昌停兵聽候委員馬國助等到日照滇省撫和辦理超因檄同知張龍霖馳署興義知府辦理招撫旋有回員桂金輪奉聯升委辦撫局至普安廳而頂效馬別諸回攻德昌營如故廳屬復有保魯布三營土目龍汝駒自上寨驛掠至普安縣與白沙易飛熊構釁教黨徐福壽等並陷江西坡陳樹南出防以典史劉世慶居守候選從九陳允恭率團禦之馬郎古陣沒普安廳縣皆警胡現龍適至廳城與錢壩告急金輪因之新城 閏月初一日回陷普安縣城陳樹南稱自朗寨馳援不及敗走下山署典史劉世慶降敵初有郭廷標者久不法樹南不早圖至是乘回逼給世慶出攻蓮花山散練土匪教黨合集東門廷標啟之城遂陷因擁世慶爲帥率部赴鄉索糧不從者殺之世慶本投効前知縣胡祖寅營樹南以其熟習情形請委署典史至是始稟其平日卽狐尾氈帽黃緞爲旗種種異言異服



云 初八日回入普安廳城據之自桂金輪赴新城撫議久不決回  
首張其受等自新城來先以數十人稱議和賺入城回衆始絡繹至  
守備項秉忠應之城中兵練盡潰回遂先破監縱囚據各署拘禁壘  
及游擊鄧逢霖旋分黨擊潰犁頭寨圍走圍安南縣城守備郭繼盛  
走回省部練盡潰其哨長周金勝與永安協把總劉延祿等潛通敵  
將舉火應署知縣吳守珍緝斬之嬰城守會各團集援回稍却 九  
月二十四日回陷安南縣城署知縣吳守珍不知所往初張龍霖稟  
言雲南委員自入新城各賊亦有有意就撫者及龍汝駒誘陷普安  
廳走新城以張凌翔前往安民各苗夷頓生異議委員知事不就已  
回雲南回夷相濟爲惡斷非招撫所能了局普安廳縣兩失興義縣  
已成孤立安南獨懸江外危如累卵至是遂先陷 二十九日回陷  
興義縣城署知縣趙大松不知所往自安南陷灑貢諸苗族寨悉通  
回回出天生橋潛度直攻興義縣城趙德昌回援以團丁守城自營  
城外盤山回日益衆團丁皆散爭附回團首薛小八樹旗開北門延

興義五屬皆陷

歸化廳之陷

韓超遣防毛口

回趨鎮甯

回入城德昌率孤軍擁難民將走捧鮓汛汛團皆從回德昌遂由捧鮓渡江崎嶇敵中三十餘日始至斷杉於是興義五屬皆陷 冬十一月初錢壩陷敵中貴西道鄧爾巽遣回至普安廳說回衆釋壩出旋至水城屬法箐至是團首張萬選請留督團供糧剿回 十二月二十一日陷歸化廳城署守備程永昌署外委吳建績死之永昌父紹謨妻盧及閤家被害署通判束燦南走免燦南到任未久回衆自貞豐來薄城燦南嬰城守時趙德昌退軍安順安順府知府趙崇慶爲請速援德昌僅遣練三百赴燦南日數告急崇慶力爭德昌許續遣二百餘人往又懸期待赴時廳役通門卒先一日竊鑰同逃城中遍傳官已棄城爭出走燦南力禁不止復閉門登陴而守者寥寥人心渙散是夜德昌軍未至回已攻入燦南奔出城韓超檄副將周發榮會德昌進剿檄總兵羅孝連接剿打邦參將王萬祥防毛口 二十五日回擊潰打邦團練死四百餘人永甯州同李崑告急 同治二年癸亥八五三三春正月打邦回趨鎮甯初九日鎮甯州知州畢



大錫移營張官堡敵大至軍潰附近仲家皆視官軍勝負爲向背幟亦隨易至是復樹白幟回幟白也於是羅孝連始援至小寨卒遇敵亦潰副將田慶龍戰沒失亡頗多孝連退駐州北門大錫募練出扼下募役司李崑出駐五里塘皆祈援提督田興恕先檄副將胡均祿援歸化繼檄回廣順已復遣赴安順至是趙崇慶說令赴鎮甯同時毛口回渡河四略王萬祥退郎岱嚴謹扼打鐵關促萬祥出防養馬廠崇慶以軍糧皆捐於民恐日久民力不支請嚴飭諸軍進剿歸化回多走合打邦周發榮亟趨連升關擊散回逕薄城趙德昌由紅沙關適至東燦南亦率團集城下回東走 十三日諸軍入城發榮還安順崇慶說令馳赴關嶺於募役司爲近且可援郎岱德昌出防播東崇慶請飭令再出四十里防播西內擊打邦外截百層永甯敵尾 貞豐回破桑郎亭竄羅蘇署羅斛州判郎汝城募練百人同汛千總趙琛外委胥得仁出防羅斛舊無城十六日回遂入汝城走定番 二月李崑屢剿至上下石灰初一日周發榮軍至連敗之落

科中寨奪據老君關回悉由董箐壩灘渡河去 鎮甯回略八十石  
吳官堡董貢畢大錫及副將林貴祥連敗之大錫進軍打邦板羊時  
六馬苗仲均隨回衆渡河走漢寨全毀苗寨雖空村落猶存趙崇慶  
稟巡撫張亮基請進規與義略曰近聞興義府縣貞豐漢夷民人以  
回賊出犯安順腹地空虛且迭受回虐集團分團三城並攻新城貞  
豐已復以鄉團不諳城守越日復陷各鄉現樹紅旗專候官軍過江  
殺賊又聞廣西代理西隆州知州陳錫藩亦請趙鎮速進機會可乘  
必普安安南貞豐收復然後興義府縣可圖安順可守現在羅孝連  
周發榮已回府城趙德昌駐歸化已五十日均停兵以待正宜乘此  
回賊內變漢團齊心飛飭趙軍同署郎岱同知左茂森出毛口先規  
普安縣再圖普安廳周軍會李崑出盤江逕取安南羅軍同束燦南  
出壩灘逕取貞豐三路並進又有漢團中起必易得手惟師行糧從  
刻不可緩應請遴員遙署貞豐安南並革職留任駐鎮甯之普安知  
縣陳樹南同過河勸捐民糧以餉軍餘如雜佐等缺亦乞預定如城



未復則辦團籌糧既復則撫綏搜捕與一切善後事宜庶資經理不致有城無官其諸軍餉銀及各員經費則於安順清鎮釐金月撥接濟過江後務期秋毫無犯於民否則兵勇不戢以回易回雖能復城誰與共守亮基如所稟檄諸軍進剿 廣西西隆州知州陳錫藩率練出西隆上棒圖踰境規興義興義南鄉團首韋士良等赴錫藩降言冊亨回聞廣西軍至多出防江口可圖錫藩因遣軍間道馳赴冊亨擊敗之初三日遂入城錫藩進軍洞灑圖規貞豐 三月羅孝連以兵練駐安順自回省周發榮趙德昌亦遷延未進孝連請遣員過江籌餉趙崇慶謂江外米谷須由勸諭並無銀兩采買如慮民不輸將州縣不能協濟則自回變以來諸軍累月經旬分駐郡邑如趙軍在郡間駐兩月比入歸化又已兩月民無不蹶竭供糧非真倉有積儲良以大兵所在無可如何若查詢能否接濟則各屬必以無糧爲詞如渭江外民心向背難測愚以爲特恐軍不過江或過江不進剿及以進取之名行搜括之實則民情所不敢知若進剿不擾民能得

一二克捷地方官復拊循而利導之於此而有抗違諒不其然請卽嚴限諸軍齊進毋再遲延致失機會 夏四月陳樹南同把總蔣定邦圖規普安縣進據海寨寨爲舊驛城十四日縣城復樹南稟言回衆本張益以漢奸如景其全項秉忠徐福壽易飛熊龍汝駒郭四等爲之指揮近酷虐漢夷尤甚各思內變頃聞大兵將至悉化賊爲民及望不至又變民爲賊其已反正雜髮者復遭賊殺數百人時趙德昌亦圖貞豐遣游擊傅得勝等以四百人扼毛口德昌軍一出者唐者平破走羅炎河沿河諸回一進取王母德昌由潯陽進凹衝皆克之亮基屢斥德昌避難就易不進毛口復遣總兵楊巖保會攻德昌言興義五屬惟貞豐山深地廣民最衆而從賊者亦最久視安南興義反復者不同現在十餘日內肅清江內三十餘亭王母左右土弁紳耆來見皆願出丁捐米共效前驅首復貞豐以形勢論新城居中爲賊老巢貞豐據左爲掎角回賊之難治皆由兩地形勢利便也若舍此繞道出毛口卽令立克普安廳縣究係偏僻餘地不但中幅內



境無路可圖而孤獨之區亦難與守且普安縣城久爲瓦礫兵到未有不復復之亦無與守旣而羅孝連旋至吉妹魯究約德昌渡江會軍巖保亦駐軍禮信相距百五六十里回阻白露寨不能進亮基旋檄德昌回省剿江內外王母一帶回勢復振江內三十六亭以回據州城胥從回江外三十二亭軍至輒投軍退卽遭回害恆視官軍勝敗爲從違 周發榮率軍攻安南出北盤江連戰至土地坡戰不利退東山坡回援多集海馬莊 十八日李崑旋率軍來會敗回城下新城回來援又敗之二十八日回啟南門走安南縣城復 五月羅孝連移營石屯破董萬屯河內敵雖退不能進并言貞豐無隙可圖會岑起和稱奉雲南署提督馬如龍署布政使岑毓英會檄以起和世襲冊亨土司至營孝連復令供糧由者香過河進冊亨時楊巖保方出打貫前軍至王母 六月錢燠訥普安廳回衆多走興義新城十六日率軍至城下軍功劉經明等百人競登西城餘回猶拒斬回人馬負圖經明亦陣沒廳城復燠始言前署游擊鄧逢霖於敵入城

時卽遁回籍署亦資汛守備項秉忠降敵請緝辦 羅孝連遣游擊  
田吉聰等進取白巖關請以代理興義知府孫清彥移駐石屯彈壓  
孝連軍距州城數里阻敵不能進而駐者香守備田元玉游擊滕加  
喜等勒糧折價并逼降民索取投誠費六百餘金復假孝連指勒索  
千金於是降衆復叛岑起和元玉等反奔石屯時楊巖保前軍都司  
滕加宦夜自江外聞警亦潰回巖保軍隨潰僅率親兵百餘人退石  
屯再退樂壩孝連斬元玉再圖撫王母者香 秋七月李崑以丁艱  
奪情留剿新城軍出安姑初二日分軍敗敵排杉獅子山斬皇甫遜  
排杉安姑皆走安南要道遂進軍小白巖軍饑且病 羅孝連駐石  
屯圖貞豐不克進張亮基一再檄催略云夙聞該鎮奮勇是以飭剿  
貞豐乘此百姓反正滿望旦夕復城乃曠日持久捷報杳然昨遣員  
密查始知所部自親兵外并無募練均調石屯八十石諸鄉團備數  
往往見賊卽逃近聞該鎮遣赴安順招練都司張爾惠帶赴營者不  
滿三百但駐馬鬣嶺轎頂山自爲護衛所燒空營空寨并未與賊接



戰據稱貞豐據賊僅有一二百人是賊無多已可慨見乃一味遷延並不以剿賊取城爲事只知藉端漁利反以諸軍不應過江出言怨恨前次者香民變亦係該鎮所部滕田兩將以米折銀敲磕太甚所致聞江外米糧充足若不思辦賊但圖折銀迨私囊已盈州城如故彼時再藉口衆軍饑潰爲逃罪地本部堂決不受此蒙蔽也 時孝連屢訐孫清彥規避不來會剿清彥則請仍檄趙德昌督辦興義軍務謂不過旬月五屬可平並上言興義之亂倡自回實由分類相仇又有仲家卽土著也青苗卽生苗也三者惟仲家最舊凡水田沃壤皆其祖業自爲客家盤據多有反主爲佃買田割地獄訟不休客家者一名大教卽漢民也青苗質旣愚魯性尤獷野以射獵攘寇爲業其火槍尤利漢民又奴僕之回乘勢扇惑使互相劫殺而居間取利今雖窺破自願反戈而中心之恨實未釋也非得威望素著者坐鎮其間卽回焰雖息終不能無事云 八月新城回招滇回二千人來援傅得勝軍至擊破小歹蘇進潘家莊李崑軍亦至破之 二十七

日回衆援至反攻得勝敗退小反蘇 九月十三日留署永甯州知州李崑戰沒安姑回衆破傅得勝潘家莊後分薄崑營力却回復分由馬乃營馬平間道出崑營後涼風切夾攻崑戰累日不支力竭陣沒得勝仍頓反蘇回衆徧河千安南永甯居民皆徙避畢大錫由鎮甯馳至招集流亡練目盧鳳標將乘亂劫民以叛大錫斬之永甯稍定崑營之陷實鳳標引敵云 羅孝連連攻放牛平大山洞等處不克張亮基檄鄧爾巽密查孝連軍事多不實時陳錫藩軍已回廣西岑起和方由冊亨竄舊州因檄斥孝連玩時愒日徒月報捷獲敷衍塞責 冬十月十七日羅孝連遣五品軍功羅明書進攻放牛平諸敵營東燦南遣軍會敵遽走明書等追薄貞豐州城自山後踰北城中敵復合圍明書等於後坡孝連駐馬鬣嶺爲魯貢敵制不克援明書等攻守兩日糧盡援絕突賊西奔興義東鄉敵黨迤集 二十日孝連燦南及胡現龍諸軍同潰退百層江內魯容亮基責孝連剿辦貞豐半年擁民玩寇莫展半籌致爲賊敗大挫軍威撤省剿辦近省



軍事而檄爾巽及燦南等防剿貞豐會西隆州團衆稟請助剿因檄副將蘇萃超往統其衆 二十四日回再陷安南縣城自李崑死永甯界董岡董實皆爲所據署安南知縣汪維翰方兼署永甯知州視事州城典史辛本材卸守備汪澤霖率練自西城出回衆已入南關道遇敵大敗走會維翰遣軍援至本材等及難民僅得渡河維翰調團練過河進剿 十一月汪維翰遣團等分進大小盛江圖安南維翰敗敵半坡塘進取海馬莊薄城下傳得勝亦自反蘇遣軍由碧黑營進城敵多出五頂坡半關走初六日遂復縣城鄧爾巽時奉檄至永甯督辦維翰旋馳回老鷹關 署興義縣知縣陳聘儒招捧鮓團衆來歸馳至木賈擊敗敵縣境西南接雲南羅平州州舉人孫清臣曾遣練解捧鮓圍至是得檄來會剿孫清良亦遣軍破洞灑敵圖府城約陳錫藩及千總韋士良駐坡燕相掎角敵復陷樂家莊清彥遣軍屯三岔路伺間襲破敵營五復遣團衆同羅明書扼黃土坡逼府城敵固守 十二月陳聘儒以存城千總徐定邦等擊瓦戛定邦力

回破黃土坡木城

戰敗敵進攻興義縣城會新城援至擊潰署游擊汪起發諸營聘儒不支祈援錢燠而興義府回衆連日復集攻木城孫清彥援擊不下羅明書旋敗退八角營練團皆棄營走

同治三年甲子八六四春正月初四日興義府回破黃土坡木城軍功

興義縣城復

傅貴周宗福陣沒回衆連營抵石板寨逼孫清彥洞灑營羅明書奔洞灑後下札寨初東鄉地棚團衆以深夜供糧不及明書銜焉至是來助清彥明書先敗奔地棚團衆以深夜供糧不及明書銜焉至是誘厚爵至誣殺之衆散回冊亨回大至故敗時縣城回衆亦多走合陳聘儒汪起發徐定邦等率團練三千餘人要敗之馬別橋 二月初五日陳聘儒汪起發軍功劉鴻魁委員知縣楊煥章等復興義縣城回衆走併瓦戛闕札 初八日攻洞灑孫清彥遣軍禦不利把總周步雲趙芳元中礮沒清彥退坡燕告急蘇萃超并促聘儒援未至陳錫藩等以粵警亦回清彥再退木哨敵益逼千總陸萬春自縣來援渡邕皓河爲打坐屯回截諸岸礮殞委員胡廷澤不得濟羅明書



亦至邕皓壩盤與降民鬪清彥以援軍不至且慮民變因走邕皓復退縣城 十一日錢壘益軍傅得勝擊走播政回回走新城 夏五月初三日與義新城回分出青山汛南窺普安廳城一出粃粃鋪潰小及蘇營署普安游擊傅德勝馳援至菜子坡中礮沒於陣屯脚河大畢哨二十餘營皆潰錢壘稟言孫清彥退守與義縣貞豐安南皆無進剿之師致賊大張請以徐定邦接署游擊自率團出扼深溪河敵仍據播政時定邦方剿魯屯清彥及陳聘儒以敵距廳百餘里而距興義僅數十里留定邦不遣貞豐王母亭生員黃景中監生黃大觀等皆附回時相結由百層渡江來擾 六月蘇萃超募廣勇出西隆舊州圖由冊亨規興義馬場諸苗寨遏江口不令渡所募多泗城流民旋散亡萃超退入莪場泗城人葉正邦及黃玉林應募將進亦中止普安廳播政回亦潰軍功孫承 營易飛熊屯脚河營亦陷回勢張甚 秋七月興義魯屯龍廣回分掠大鵝山徐定邦擊走之新城回來援分據補磨龍廣定邦請援 八月新城回因雲南布政

朱天貴結馬忠爲內應

天貴入假義府城

朱天貴陣沒

使岑毓英圍馬聯升急往援道普安廳擊潰千總孫承宗坎者防營旋至珠洞錢壩出防小山擊敗敵十里平署普安知縣任暉以署都司馬金奎等自青山進援 興義府團首朱天貴等以回衆多出走請軍進規孫清彥遣軍功王金勝把總熊忠府經歷張有恆等潛渡紅水江由府東進 九月十六日朱天貴結興義府城回都督馬忠等夜舉火應天貴率漢苗突入城孫清彥方移鄭屯遣攻補磨疏府路徐定邦先進至大平同天貴等入城忠及回衆數人貌恭順而不雜髮定邦強之不可而回教等復稟請仍稱忠都督并領總鎮關防俾鎮府城會傳聞新城回害忠父悉衆來忠歃血設盟請爲守於是定邦仍出扼大平以當新城補磨天貴出扼地棚以當貞豐餘軍分防那箱納豐巖二十五日衆大至定邦力禦回集攻天貴地棚急定邦馳援未至天貴敗奔城下忠遽閉關下石天貴突入敵中擊殺數人陣沒定邦知事變西奔那廂圖與張有恆熊忠合回首韋有明遮於道定邦退尖山回圍一晝夜定邦大呼陷陣遇有明力斬之飛礮



攻入播政

孫清彥下補磨

張凌翔屠馬忠家忠奉母奔清彥

馬忠入府城擒殺張凌翔

洞胸亦陣沒回集攻府城并圍那廂 錢壩同委辦團務委員楊煥章擊走普陌回復分下山嵐得勝營合攻十里平敵力拒二十八日軍功向三元錢定國進攻礮台礮發皆殞千總董懷經孫承忠繼登被創力斬二人軍繼進破之餘衆尙據播政歸順營壩以新城回皆出請檄大軍馳赴永甯安南乘虛進取不果 冬十月董懷經擊敗播政回錢壩及千總龍開榜等結內應攻下獨山遂合攻播政懷經踰牆砍門入導軍軍入遂破之懷經傷脛壩還廳城 張凌翔等攻府城圍馬忠忠始雜髮城守張有恆熊忠仍圍那廂言於孫清彥請以大軍至府城仍不難復清彥以左營游擊劉鴻魁及千總翟有魁檄團衆攻下補磨進攻魯屯龍廣 十六日凌翔等破府城入屠忠家忠奉其母并漢回五六百人同熊忠等來奔清彥稱其義勇形於眉宇爲請三品頂戴羈縻之忠復率軍進規府城 二十四日馬忠率軍薄興義府梯城入禽回首張凌翔馬河圖殺之府城復 十一月普安縣知縣任暉自普安縣移軍圖新城署縣丞辛本材營高武

汪維翰及普安都司馬金奎與法國天主教教士胡博理駐光衝待  
回降張定中陽稱受撫而以黑苗不從爲說初博理遣教士任國柱  
以傳教入新城爲回衆所留因與雲南所遣議撫游擊金萬照稱已  
說回降卒不果 趙德昌署貴州提督

同治四年乙丑六五春三月雲南候補參將楊坤合國安委員袁濬  
等自貴陽赴安南同署知縣張銓先後入新城招撫回衆不就陳聘  
儒稟言自任國柱入城各團遂不圖進取陸續散歸誦賊借安撫名  
以懈團防因而張啄三納景泰馬斯駿田太祥陸王松等縱黨四出  
新城回賊本六屬老莫若不殄絕貽害非細濬與銓等入城極力調  
停賊並不難髮黑苗仲夷并有不退人田土之議巴林苗仲劫掠如  
故濬銓及國柱國安等陽稱回雜髮就撫先後去於是國柱等至馬  
別署左營游擊劉鴻魁興義團呂調陽等起自防範率衆圍之殺奉  
教者並阻濬銓等不令入興義縣城初新城回聚賢局傳牌至縣宣  
言國柱來縣辦理撫和事衆以聚賢乃回所設局不受鴻魁等遂往



阻不令傳教孫清彥則言國柱諭撫迄無定局前署中營游擊馬忠  
得新城書恐人疑己不得已進兵以明心跡並復書新城謂投誠與  
否一言爲決忠素爲新城所憚回不得已延委員等入城遽請撤兵  
國柱始得出新城既而國安約清彥忠同赴新城說回薙髮清彥等  
不赴國安再入新城議不決亦回滇惟禁府城人勿踰境而已 十  
一月十九日回陷永甯州城署知州袁濬及署守備趙秉乾先遁先  
是回首馬仲遣翼長梁正統等自貞豐渡花江出募役司來犯防軍  
先潰畢節把總祝友松亦走軍功楊開祥被執濬走關嶺回遂入再  
陷關嶺濬及松復退大坡頂畢大錫及副將戴榮宗圖扼關嶺比至  
已爲敵據於是黃果樹扁擔山仲家亦起應掠至郎岱東至關嶺北  
至灑至安樂皆附敵巡撫張亮基檄馬金奎馬忠乘虛圖貞豐以大  
錫督辦安順各屬軍務 十二月初一日永甯回猶據關嶺大錫遣  
戴榮宗會定番州知州呂維幹圖關嶺不利回轉結黃果樹仲家陷  
坡貢據之畢大錫趙德昌羅孝建議三路分兵大錫援郎岱因圖復

遺德光援永甯

金萬照誘殺馬忠  
與魏府復陷

李保衡等被害

永甯時趙畢兩軍不相能大錫馳敗回回益結募役關嶺永甯回衆來合進劄東山大錫復敗之

同治五年丙寅六六春正月初八日古州鎮總兵趙德光進援永甯

軍出壩陵橋擊走關嶺敵商畢大錫等攻永甯先疾馳下募役司敗回回仍出花江回貞豐德光追擊敵死頗衆初十日德光復回募役

會大錫及易飛熊等復永甯州城永甯附近諸寨悉從 二月興義府知府李保衡遣軍功周步雲援貞豐遇敵蛇場溝戰沒敵仍據石

屯回衆張福蔭等板寡團衆潰守上寨守備劉萬勝等退三道溝汛三月初六日金萬照誘殺馬忠於新城初十日遂陷興義府城丁

憂留署興義知府李保衡署府經歷徐海署冊亨州同李萬年候補府經歷張有垣等均被害府城復為回據初貞豐回路府東北馬忠

擊走之遽赴新城保衡旋聞忠死亟檄陳聘儒任暉來府共守未至新城回已薄城遂陷之聘儒奔回城守亮基以聘儒暫署府事檄萬

照定中迅復興義貞豐不報萬照至是與新城回結 六月二十四



后同書少算專身

日馬仲黑苗陷興義縣城城空無人旋去之

同治六年丁卯入大七春三月貞豐回數略至募役司擊潰候選州同

彭吉森納亞村營吉森陣沒都司孟師法進剿亦不利回圍之中寨

數日永甯州同尹樹棠復乞署古州游擊祝友林援剿二十四日友

林敗敵尖山屯中槍傷股回營旋沒千總祝友仁會都司劉德元同

千總祝友諒軍功祝友文擊敵垣口友仁等友林弟也解中寨圍敵

走郎岱磨隴因分軍剿關嶺徐定邦亦來會 夏四月磨隴敵走合

關嶺回擊敗祝友諒軍郎洞千總李登榜陣沒 冬十月初張亮基

檄投効同知葉正邦同剿興義與代興義游擊劉官德擊敵章古頂

效至是李文山子賦云李結回據捧鮓及烏沙正邦復官德敗敵

烏沙而戴秉義乘間結馬仲攻殺頂效屯民二千餘人至馬別橋正

邦等回援敵旋退正邦亦回廣西署興義知府陳聘儒則謂官德忽

攻岡上圍聘儒為護安義鎮張定中救免云 十一月初興義楊啟

鵬久錮省獄張亮基釋令赴新城解散啟鵬轉結回衆據冊亨署都

司鄧忠與相持央佑月餘

同治七年戊辰大八春二月初歸化白牛屯武舉羅朝元及老山唐瑞廷數以團衆捍衛至是長寨苗入火烘結苗衆襲殺朝元及瑞廷闔家因結貞豐回由王母石屯再陷大羅屯脅降團首周文德署永安協左啟龍赴援 興義府久陷貞豐全境亦爲馬仲黑苗等所盤據張定中金萬照據新城如故僅存興義安南兩縣而代理興義縣知縣吳保慶代理安南縣知縣周佳琦皆逼敵不能自立先後走回省署興義府知府兼普安縣知縣劉正朝僅自保會巧凹團首謝洪順爲守備鄧忠言府城僅回民百餘戶另築內城自守外城漢民亦止數百戶聞屢欲樹旗降約東南鄉團練刻期舉事請忠往統其衆忠以易襲難守辭而輕騎赴普安就商正朝 夏四月鄧忠赴普安劉正朝以府試辭不赴謝洪順所結內應洩其謀反攻之洪順待援不至突圍走興義縣鄉團十九營同時俱陷團民被害者二百餘家鄧忠急馳回央佑 秋七月初二日回陷興義縣城代理知縣吳保



慶署游擊劉官德走永康堡自謝洪順謀洩戴秉義等遂掠走馬別橋陷普別屯各營張啄三率新城回出平彝陷紅板橋官德以五千餘衆禦擊不利 八月雲南巡撫岑毓英遣都司陳發昌張兆顯同平彝團首張旭中等據興義縣由安邊進取馬金奎易飛熊率團練攻新城張定中自興義率衆回援 二十二日吳保慶劉官德等乘虛復入縣城餘多還府城定中回新城金奎飛熊潰退白寨青山

安南復陷

九月易飛熊自青山移病回請劉正朝往督剿敵大至營陷正朝潰走敵旋退深溪河走攻安南縣城二十三日陷之周佳琦不知所往馬金奎走江西坡署普安廳同知吳宗蘭亦告急會葉正邦還至興義巡撫曾璧光檄令兼署興義府縣籌辦軍務 冬十月二十八日安南回襲陷普安縣城兼署知縣劉正朝前自青山敗回猶未至縣十一月初五日普安縣回出據朗寨免揚圖通新城援路吳宗蘭乘間復縣城 初九日劉正朝周佳琦易飛熊等復安南縣城 貞豐回過河略入歸化境郎岱南境亦有回踪

普安縣復陷

回來退還青山

再陷安南縣

戴秉義殺馬崇來降

同治八年己巳大九夏四月貞豐回由募役司渡河略州南二十里之響鑼屯殺團首彭吉徵家大錫遣都司祝友信扼關嶺擊之回與苗教薄普安廳城同知吳宗蘭禦守五月吳宗蘭告急巡撫曾璧光以李斌馳代宗蘭祝友信與響鑼屯相持旋以軍飢潰退關嶺敵轉追擊畢大錫遣安順都司祝朝柵往爲籌糧六月回來自普安廳退還青山新城樓下河八月十九日安南回潛出西眉嶺復圖據保家樓安義鎮總兵楊發貴率軍由江西坡渡河擊走之旋扼沙子嶺塞險拒守祝友信等猶與響鑼敵相持畢大錫分軍攻之安南城復楊發貴以千餘人防守冬十月新城貞豐回大集從青山入二十七日再陷安南縣城安義鎮總兵楊發貴潰回普安廳回出馬場略白沙汛李斌以署守備董懷經拒之十一月二十一日董懷經擊回白沙重創敗還三日沒於軍二十八日入松巋發貴部練盡潰退楊松二十七日納省戴秉義殺回衆馬崇等十餘人赴葉正邦營降納省爲新城貞豐咽喉戴恆據此連營馬別河拒軍至是略通



十二月興義府知府葉正邦率軍出防雀圖魯屯萬屯以規興義府城而以劉官德出劄阿紅裸黑分普安回勢府回來援二屯至阿紅裸黑却之

同治九年庚午八十七。春正月興義府回圍攻阿紅鄉降營葉正邦以統領府鎮各軍劉官禮等援敗之正邦請增兵巡撫曾璧光謂興義各營練勇團壯合計千人兵力不薄責毋曠日遷延虛糜糧餉二月新城回出乾河猛火田千總胡雲龍禦之鐵廠不利潰退回略至魯溝與魯屯萬屯回應分犯獨木阿紅游擊劉官德禦卻之楊發貴以糧乏亦自楊松驛還興義同規魯屯萬屯三月曾璧光以副將李昌福率千二百人總兵李榮春率七百人援剿永甯響鑼屯及耶岱先後至楊發貴及守備鍾占魁劉官德及統帶府鎮各軍劉官禮等擊下萬屯附近跨山諸敵因逼屯攻復敗五台山袁紹先於二龍口時同知張旭中亦增募千練來自平彝四月初二日劉官禮鍾占魁等結內應夜火萬屯敵後敵驚潰張旭中等破卡入再攻魯

屯又破之五台山袁紹先亦從 五月葉正邦楊發貴圍進規興義  
府城馬仲旋由貞豐馳至劄木咱金萬照扼新城鮑家屯正邦請檄  
李斌擊安南新城分敵勢斌以兵單糧絀爲言 秋七月葉正邦夜  
遣降人潘文龍間道至府城下圖潛登縱火因襲取城卒中槍沒安  
南新城回旋戰不利旋以糧盡潛軍退龍廣 八月初一日興義府  
回衆進圍龍廣各營五台山袁紹先及二龍口坡普邵桃諸寨復從  
敵分黨出官軍後斷糧路初八日劉官禮營先陷都司李前及府經  
歷區日升千總黃長興金開雲監生葉雲蒸軍功陸啟林蘇保勝等  
死者千二百人軍械悉委於敵正邦發貴等退保納省馬別橋 閏  
月初八日永甯州知州楊宗藩被執赴貞豐馬仲勸之降不屈死  
同治十年辛未八七一春二月貞豐回馬斯駿與譚五受再犯鐵索橋  
圖援響鑼總兵游宗萃等復敗之 總兵鍾有思復還攻響鑼屯累  
日不下圖之經月 五月初八日鍾有思遣軍破據響鑼屯廖永開  
敗走募役司爲伏兵所殺時總兵何世華軍次安順有思因移軍下



游會回民哈冬狗自樂壩分黨出掠白石巖世華出江龍擊敗之邑板橋播西邑槐齋從多降冬狗旋走貞豐洪白鳳鳴方掠至羅斛八達署州判易綬出羅悃率團禦之軍功夏廷瑚團首黃燦章敗死秋七月初署平安廳同知盧縻署貞豐知州許本篤數爲回張定中請降璧光以其反覆不可信縻等屢請不已爲言定中已率其黨馬仁恩馬斯駿張福祿等同背金萬照來歸請遣大員率軍逼新城定中得外應卽舉衆降稟雲貴總督劉嶽昭亦如之嶽昭因檄定中自具就撫條約以獻并遣副將翦聯升劉占宏至普安廳查看定中謂條約須出官司方足以昭信守不敢自擅璧光則始許之而責令縛獻安南譚五受自贖不至時下游軍事亟不能分軍赴上游安義鎮總兵何世華亦以軍多疫不能進哈冬狗又還據魯榮邑槐播兩阻餉道世華令永甯汛守備楊正芳調團練擊走之 冬十月十三日何世華自率軍駐縣城以規新城更進偪馬乃屯悍回數千守之卒不得下時楊樹森雖降願自效卒以回逼不敢動促世華迫軍俾自

效世華檄游擊李漢元進軍者相會之 十一月楊樹森以冷冬狗等降而回首馬斯駿張福蔭等不至世華移軍貞豐初九日復州城斬回首馬斯駿羣回逸世華還圖新城而興義練團方破紅巖堡青山汛再會世華軍破馬乃屯世華至令游擊李漢元及降衆七千人往攻興義 十三日張福蔭走入興義府城知府葉正固因貞豐復乘間遣署府經歷李之瑛會紳團進規冊亨州城十八日據回龍五敗死城復而規新城之總兵游宗萃黃宗耀兩軍方逼大河橋敵憑礮發槍下擊軍多傷復調各屬團練來助衆二萬餘宗萃等進里許石街坡瓦窰坡圖穴地入城敵始出戰副將王世普中礮沒於陣士卒傷亡頗衆夜敵復出劫知縣楊見龍營幾陷越日金萬照復出陷團首孫承忠二營死無算連夜增築礮十餘堅守正固始率練次府城西南桅杆山西龍井 十二月何士華攻新城不下復調漢元及參將楊國相等緩圖府城回助游宗萃楊見龍率降人譚元輔即五等營城西對面坡回出攻參將李洪亮中槍死沒數十人宗萃傷腕



新城回據礮下擊  
何世華環城鑿長濠困之

自是回日據礮下擊而以夜出襲世華令諸營環城鑿長濠困之回  
出撓殊死戰練團多死世華自將擊傷亡百人退保鑿隧道轟城而  
地堅多石較場平復臨水團丁衆而無紀世華無所爲計二十八日  
長濠成諸軍營濠上作久圍計金萬照張定中陽請降世華責令犒  
軍繳械獻城保以不死回復書謂款項自當量力兵械乃衛身之具  
不能繳請退兵兩舍緩期半年再出就撫如不見從則率數千死命  
背城借一勝負尙未可知府城回首張福祿張福蔭亦賫金三千降  
正固世華聞馳書阻之因齟齬

新城地勢之險要

同治十一年壬申八七二春正月新城地勢如釜三面環山南面獨缺  
回據守十餘年附城險要石礮錯列互爲掎角礮外鑿濠往來避槍  
炮蓋以礮護城以濠護礮城上不見樓櫓旗幟夜亦無燈火回多伏  
礮中狙擊近者輒死久則惟窺官弁始發夜繫犬濠中聞聲知警凡  
初至者見礮小而雜若不相屬多易之比創退賊轉以槍炮逼而前  
數人負石隨之槍炮發乘煙起急壘石三四而一礮成矣何世華逼

攻久死傷無算團衆以春耕且近皆無鬪志楊樹森等軍攻府城亦多逃亡因請益軍葉正固軍木咱回益納軍乞降正固一再爲請世華持不可璧光及提督周達武議以敵情反覆世華議剿不爲無見檄記名道營務處吳德溥及總兵文德盛馳往籌辦並咨會劉嶽昭岑毓英亦遣雲南鹽法道沈壽榕與記名總兵吳奇忠率總兵李文才副將李嘉穀參將金仕耀軍二千進興義縣副將劉占宏翦聯升軍六百進普安廳會剿且至達武檄世華懸萬金亟攻回碣皆不利哨弁楊金山等創死百人張福祿張福蔭等且期正固以二十七日就撫正固則進至雙山受降不設備福祿遽以數百人攻營營弁韋明良遁圍營盡潰正固倉皇走回木咱璧光以府城合圍日久正期得手不謂反中敵計失律喪師嚴飭之 二月沈壽榕等先至興義縣吳德溥亦至普安廳函何世華先取興義楊樹森等亦稟世華以正固敗後東南空曠敵頗出掠請援初八日世華以知州鄧廷桂與文德盛及譚元輔率軍往先敗敵城東沙泥坡遂奪據城北萬壽山



山險而逼因築礮其上并掘地道攻城自築礮督攻新城累日不下  
哨弁何世林中槍死 三月新城回再請降於何世華副將張至高  
往招之回仍疑不獻城但拔白幟立赤幟府回亦然十八日吳德溥  
督軍至新城世華請以新城諸軍屬德溥以府城諸軍屬沈壽榕奇  
忠先至府城營銅鼓山 回又請降奇忠商文德勝不許期諸軍連  
夜進攻已登外城回據內城礮力禦不克內城者同治元年回陷府  
城卽舊城址補修者頗堅 夏四月周達武檄總兵鍾開蘭移助剿  
新城吳奇忠等復進軍奪桅杆山隘以攻府城不利把總張振麟陣  
亡復與文德盛李漢元設地雷轟外城西北南圮三丈軍入外城西  
北地頗坦東南則緣桅杆龍井二山之半至是四面合圍游擊楊佑  
祿都司彭稱選陣沒後軍不繼仍卻回黨馬宗連李老黑及桂蘭芬  
張品蘭張品階張鴻恩保定疆諸渠恐懼乞降壽榕許之世華亦馳  
至約宗連等舉火內應二十五夜遂攻入內城斃回二千四百有奇  
禽九百餘回首張福祿張福蔭投水死戮其屍兵練亦死傷四百餘

四面合圍

興慶府城復

殺張福蔭等屍

興義府城復世華收宗連等七人於軍中福祿福蔭自同治五年起  
事至是七年乃平吳德溥益督諸軍亟攻新城奪掠火神廟回礪世  
華留德盛漢元兩軍駐府城而還 五月提督周達武留軍萬五千  
分防下游驛道及諸要隘餘悉調赴上游歸何世華鍾開蘭統領合  
二十營攻剿新城沈壽榕以馬宗連桂蘭芬李老黑張品蘭張品階  
張鴻恩保定疆等尙生存紳民不敢入城復業密令文德盛等殺之  
盡坑城內降回署知府陳廷樑入城世華調德盛還攻新城金萬照  
等知不免守益力諸軍多傷亡把總容大中創死二十六日鍾開蘭  
軍至 六月初三日何世華鍾開蘭出攻回礪後營記名提督李啟  
貴游擊高德元等不用命爲敵所乘游擊倪大順陣亡總兵劉同升  
礪斷左足還營旋卒死傷頗衆吳奇忠軍亦至營西南隅真武山經  
武左營分統周時武右營統領龔世貴守備謝正銘都司周時開等  
環濠而軍世華等屢以文德盛鑿地道輒阻復督軍於校場壩築長  
濠凡千七百四十六丈以三十三營分布置礪台濠外圍攻回復累



滇黔諸軍環攻新城不下

以不死許張定中降

張定中誦金萬照出降

張定中誦金萬照出降

金萬照之死

石牆蔽礮外設伏牆下力拒 十八日黎明諸軍乘牆攻入回槍雨  
集游擊李青雲立死於陣軍多傷旋引退 秋七月滇黔諸軍環攻  
新城猶未下十四日記名簡放提督文德盛督軍攻礮自然地雷殞  
於陣於是復以前奏調已革甘肅提督陶茂林率千人往助攻 九  
月初十日周達武始出赴上游督軍二十五日至新城馬家屯大營  
時回亦困久思降懲於興義事未決黔滇諸軍環新者數十營久攻  
不下達武與吳德溥沈壽榕議乃以不死許回首張定中降使立功  
自贖 冬十月初一日張定中誘新城回首金萬照出降周達武吳  
德溥沈壽榕因囚之亟遣定中入城張示諭招降其衆禽張發友保  
官臨斬頭目沙湘起陳殿階馬洪才馬三保等及張福蔭子五人達  
武留鍾開蘭及署縣丞楊見龍駐新城鎮撫自率部誘降衆張黑三  
張答答桂富榮等四百八十人至安順駢戮之殺金萬照於貴陽或  
曰就新城鑄鐵馬寶熾炭其中令裸乘之俾灼死今鐵馬聞尙可考  
云更定中名忠誠留之軍中時劉嶽昭奏請將定中解雲南管束定

張定中仰藥死

徐達邦督辦上游善後

漢民請坑降回

周康祿送降回安置各屬

回教民族之運動失敗

附錄

金萬照之子品高致著者

中旋仰藥死保文海逸至鎮甯被禽 曾璧光檄候補道徐達邦督辦上游善後達邦至興義稟略曰善後事宜以賑濟安插為先賑濟需用浩繁勢有不給而安插必俟清釐絕逆產業始計口授田則實有難待請由局發給牛種先令墾荒一面照章清查期以四年從之

十一月新城降衆二千餘與漢民居不相安曾璧光商周達武委湖北道員周康祿坐辦上游鎮撫事宜康祿達武弟也 十二月初七日周康祿至新城城中降衆尙千七百戶漢民被其害者相率請坑之康祿與徐達邦定議遣回民歸興義普安貞豐普安縣原籍諸屬官民皆不欲於是回民亡去多死於道

同治十二年癸酉八七三三春正月新城僅餘回衆五百戶周康祿徐達邦復送各屬安置之時軍事初定散練劫掠鄉城不能禁達邦等貲遣歸里飭沿途州縣為給應城內少安至是回教民族之運動失敗

附錄

金萬照之子品高致著者函云惕安先生道鑒頃辱惠書浣誦

戊子司書川軍軍之 第四編

三五



再三悲喜交集蓋我先君之沒今六十年誰復過問者今承齒及不禁感泣也先君遺像遺物都無存者蓋家敗人亡一切破壞無以應命至以爲憾伏念先君當年爲衆捐軀舉家殉難種種可歌可泣之事湮沒無聞反蒙不韙之名遭不白之冤六十年負屈含冤悲痛曷極所幸現今各民族一律平等又值先生秉如椽之大筆修築國之春秋當能據事直書决不囿於專制時代諂史陋格微特先君之事可望平反凡愚夫愚婦一善足勸一惡足懲者諒蒙主張公道力爲表揚鼓平民之志氣發潛德之幽光實所仰望於先生者也用是不揣謏陋爰將先君平生事蹟略爲陳述倘得大君子一掌之褒俾我先君爲衆犧牲之精神得以表現則有造於寒門者爲無窮矣寒門世居雲南新興<sub>玉今改名</sub>龍門村先君諱萬照號盛斗生於清嘉慶十七年壬申兄弟二人先君居次幼失恃與兄諱萬選號道一公者事父以孝聞同習回教經典通天人性命之學寬厚愛人輕財好

義居積致富輒以周濟貧乏時清政不綱中原紛擾先君憂念  
亂離毀家紆難迺集鄉里子弟數百人投効岑襄勤公捍衛鄉  
邦頗著勞績漸以軍功陞授元興營江即統忝府會大坡鋪地屬  
回人張凌翔馬河圖等兵起事八在興義五屬相繼失陷襄勤  
公以先君素爲回族人士所尊仰故檄先君來黔安撫冀收釜  
底抽薪之效先君因於同治元年輕裝入黔直抵新城即今興  
與張凌翔等會見凌翔等聲勢雖大號令不一及見先君遂共  
推爲盟主堅不放還先君旣爲所困欲歸不能計惟虛與委蛇  
庶可保全羣衆生命財產無如虛名徒擁權不在握內部意見  
紛歧互相冰炭戈操同室事愈不堪問矣第先君慈仁在念救  
濟爲懷見此芸芸幼弱無辜受累一旦事敗必不免於玉石俱  
焚所以抱定宗旨舍身顧衆鼎鑊自甘死生不違計及迨貴州  
提督周達武親來督師先君乃召張定中等時凌翔等已死定  
謂之曰我奉使來黔本欲解息干戈爲民請命不圖君等苦留



違我初心早知大勢已去事不可爲所以守此孤城苟延殘喘者蓋因敵方將領各不相屬勢均權平無能負保全此城生命之責者茲周達武身爲貴州提督節制全省軍隊儻能網開三面不事殘殺我族類則萬鈞之罪在我一人刀踞斧鉞甘之如飴定中往見達武具道所以達武一一允從並申以誓盟先君乃於同治十年秋九月會周達武於馬家屯冬十月十七日突於貴陽就義先母李先庶母顧先堂兄品珪先堂嫂顧先姊金芝均於先君出城之日仰藥以殉家人僕婦以及由滇從來之壯士死義者數千百人真一場巨大流血之慘劇也其代價僅留得貴州西路各處之回民之生命高時年六歲先爲熊姓攜至習安後爲馬姓拐至廣順最後被熊尋獲執馬於官又爲廣順州知州胡公名大誠號小蘭撫爲螟蛉及胡公卒家屬返省始爲義士桂山文桂雲峯昆仲攜回雲南十舍弟品峻時方周歲爲家人楊小甲夫婦鳩死其同年生育之子易衣救出八九

兩舍弟為周時武龔世貴帶往湖南民國三年大小兒貞尋見  
 八舍弟品超於北京七年二小兒純尋見九舍弟品三於新疆  
 骨肉離散四十餘年地北天南於焉始聚追念今昔恍如夢幻  
 茲承下問敢佈一二乞賜衡鑒敬候撰安金品高頓首十九年  
 十月二十八日著者按拙訂採訪條例寄出後因謝君勵吾之  
 介紹獲與金君品高通訊意在作史料之徵求  
 據勵吾言金萬照遺像遺物尚多存者文字紀載亦所殘破  
 因具絕大興趣以求之迨接品高復書則家敗人亡一切殘破  
 令人增感然失敗者之待遇今古一轍何足異焉所以其出自當  
 事人之子孫故探錄及之著者純處超然地位無所偏私閱者  
 之諒

孫清彥補磨歌云補磨在興義郡西皆苗疆也自龍廣柯鄉不常

咸豐間回亂乘勢竊發同治元年總戎德瑞師老無功趙將軍

德昌攻克穿洞適郡城危急棄而往援而刺史萬家春副將謀

永昌游擊連攻不得勝並於此先後督戰相度地勢大集劉鴻魁李

徐定邦遊擊連攻不得勝並於此先後督戰相度地勢大集劉鴻魁李

品珍等軍九千眾破之其巢擒苗楊茂青等並斬其事時甲

級補磨平龍廣等處隨降旋自行營馬上作歌以紀其事時甲

子冬十月也火星燭霄天影長羣苗雞卜清苗疆營十月初八日余

夜諸賊寨同燒兵苗地肅清之兆諸苗歡慶天補磨一九雄鬼

戎司量川區區也

第四編

三七



方魯屯繼和龍廣倡亂髮被面巾裹黃賊道妖服如白僵魯屯妖道

二八春左術惑眾從者詭呼神兵空際翔叢巖深箐谿路荒軍日多頭裹黃巾名黃會

門謂趙折兵副戎亡謂徐嗟余領郡經風霜三年轉戰親疆場

一軍飛駕紅江航安龍赤幟同飄揚青苗恃險盤柯鄉楊青苗窟穴也

當車臂敢伸螳螂憤擲孤注不求償劉翹李品吳鎮翟有張開

王得楊德大集貔貅陣堂堂中軍寶纛飄前岡援袍勒馬觀

週詳賊巢孤懸水中央朱蓋出林排旗槍三家寨頭躍封狼我

軍四出皆伏藏初合每驚賊礮傷寇驕有如風雨狂前麾幾却

旌復颺虎旅驅迎殺伐張刀矛攢刺騰飛蝗兵接惟看掣電光

生死呼吸爭毫芒千目瞪視心惶惶欲勝未勝無龍驤一將突

前鋒莫當連摧驍悍揮干將呼聲山動鼓鏜鏜直追羣寇如驅

羊伏兵四出扼其吭重圍補磨週砦牆困鬪猶復恣跳梁逾時

不破皆徬徨大風忽然來昊蒼天教烈炬焚阿房是日火星果應然微矣哉

突烟衝焰奔踉蹌一網魚盡成枯塘渠首楊么凹平碧眶血顧

纍纍形低昂千軍饒唱我迴纒繫囚三百牽成行尸山馬過血

淋浪腥風昔霧蒙夕陽記時甲子十月望格苗百里傾壺漿龍

田陽九開禎祥龍鳴江田太祥陽四民陽年來此戰差意強憶

昔神武平夜郎鄂相文端公勒侯威信侯勳赫煌屢服屢叛成故

常乃為花門作虎偃天德好生生自戕環顧流離愴衷腸予遺

幾戶安田桑更痛故人多國殤傷哉萬君謀與剛絮酒雙雞奠

北邙魂兮歸來青史香凱歌一曲雲茫茫

姚華弗堂類藁有王母曾太夫人八十壽序述王培先保境事

甚詳華為文皆攸關考據碑傳尤能據事直書絕少粉飾茲錄

之往予掌教筆山王伯羣來受業循循有禮法意甚勤也既得

之同年劉希陶知是其甥父曰一臣曾因希陶識之貌古而論

議多經緯大父培先生先世江南人明中葉諱重者從定南

侯景雙鼎定黔亂至興義縣更從侯留鎮屯地至今累葉猶家

景家屯焉其年壬寅希陶尊甫統之先生方治鄉軍防游匪得



以間請謁追論往事當石達開率所部由桂趣蜀取道興義鄉  
邑數驚吏不遑謀將不克守於是薦紳相約保境而培先生  
功尤偉云及軍事少暇統之先生相邀至下五屯數示戰蹟遙  
望景家屯輒流連不能已培先生已以積勞嘔血逝去有年  
一臣奉母家居母曾太夫人年六十有三矣因與頌太夫人之  
德且謂培先生辦賊多得賢明之助語多不可悉記記其大  
者達開甫退寇賊日起亂無救日培先生亟傾貲築堡衛屯  
更助築下五屯堡爲掎角之勢未幾興義府陷總兵趙德昌退  
駐縣城軍糈告匱先生餉之米數百石得無潰俄而賊大至總  
兵敗走縣城繼陷獨景家屯與下五屯始終抗賊相持十有二  
年軍之所需先生輒任重屯之人有應輸者則力爲代咸樂效  
死縣三陷而兩屯獨完三復而先生皆有功凡先生輸將多太  
夫人所爲計太夫人主家又甚能家飽粗糲其精者儲以輸軍  
故先生得無內顧而身當巨寇能如是其久賊旣不得逞顧以

時來犯每戰之力者必有犒其傷亡者家屬必有卹太夫人時  
時任之簪珥之飾及先世所遺悉委軍資曰賊不平身且莫保  
平則吾家不患貧也鄉人相傳以爲名言予嘗道出景家屯從  
父老道故莫不頌承平之福皆先生功之所被而太夫人之德  
又無乎不相與俱也九月予歸自筆山游匪陷縣城一臣奉太  
夫人命率鄉人守屯堡如培先生當日復積勞沒自是又十  
餘年伯羣數至京師奔走天下事不獲從問太夫人起居丙辰  
之役伯羣兄弟皆有功已能嗣其祖父而益之光太夫人及身  
獲覩三世之盛其欣慰爲何如耶統之先生嘗爲予言曩與培  
先先生數共死生相倚如兄弟又申之昏姻益稔太夫人德自  
培先先生沒而其行彌堅其節彌苦一臣又羸惟日期伯羣兄  
弟早成太夫人身食其報統之先生今雖不及見然太夫人八  
十之年猶康彊而逢吉謂非大德之所致歟今年春伯羣弟展  
命策勳京師始得太夫人近狀甚爲伯羣兄弟慶幸而景屯父



老復介希陶乞言爲太夫人壽予儀懿德久旣與一臣有素從  
未一拜母重以鄉人請烏可無紀以益伯羣兄弟重堂永日之  
歡因次舊聞書以寄之乃益思統之先生之言而反復不能去  
於懷也丁巳五月朔日

劉官禮與義下五屯忠義祠記云咸豐季年滇黔賊大起官軍  
剿捕爲難總督張公亮基諭民堅壁自保庚申冬先大夫率伯  
兄官箴仲兄官霖築石堡下五屯時普安大河鋪回夷擾陷全  
郡安義鎮趙公德昌駐軍縣境同治壬戌九月敗於賊晦日賊  
陷縣城適我堡成郡縣人多歸之賊圍攻七閱月喪亡滋多憊  
甚罷攻癸亥五月七日福兄弟結鄉兵六千餘人舉幟圖復縣  
城仲兄率義士數千肉薄城下力戰死之伯兄受殊傷日裏創  
督戰軍漸振平彝劉安邦張旭中起鄉兵應之我軍連營三十  
一以困城賊城垂復賊援大至悉破我營會羅平舉人孫清臣  
奉檄率兵來援賊分執之滇軍失利我軍復振失營盡復我軍

將徐定邦絕賊糧援遂復縣城時甲子二月初六也伯兄旋署  
安義左營游擊進兵圍復府城新城歷破古磨穿洞諸賊巢賊  
多迎降軍勢大振署縣令陳聘儒主撫請於總督緩我師乙丑  
五月伯兄巡防捧鮓季第官德從賊帥張凌翔馬河圍賄守備  
李鳳才戕伯兄囚季第賊醜復熾禮計出季第控誅鳳才結鄉  
人張元明黃明著查其珍呂調陽吳正端集兄舊部鍾占魁劉  
得勝鄭學詩尹正疆籌餉械備戰守丙寅四月叛將林自清矯  
總督命來平賊七月二十四日劫城遁賊再陷城禮與季第起  
鄉兵再復之距縣城僅三日也援賊大至扼馬別以南連壘數  
十相鏖七十餘日季第出奇兵抄賊後破走之戊辰賊結滇回  
暨下游叛苗來犯衆號三十萬我軍寡不能敵七月朔城三失  
賊長圍逼攻我堡勢張甚禮以重金募粵勇五千屬西林籍同  
知葉正邦率攻府城冊亨別說降酋馬金魁反正攻新城賊狼  
顧我軍乘之賊敗走八月二十日三復縣城己巳六月以鍾占



魁率千人解普安廳圍庚午五月禮督軍萬餘益以興義鎮府所部暨張旭中軍進屯龍廣分三路規復府城新城亡我軍將潘文龍降夷復叛不克而還辛未滇黔各境狃平大軍會集禮籌餉饋之偕季弟率鄉兵助戰癸酉甲戌次第克復各城興郡肅清禮受知總督劉公嶽昭仕於滇光緒乙亥乞養歸丁酉粵西游匪起壬寅春奉黔撫鄧公華熙檄典兵於鄉九月二日悍賊萬餘乘霧渡江我箐口防營力戰兩晝一夜鎗碼缺沒道阻岑有富不應時候補道張公勝嚴駐軍府城乞之來援與賊戰城下不利近頂效初六日城賊悉銳來攻我堡禮督部將會春榮暨諸子姪血戰之十一日賊大挫張軍亦回擊明日復縣城蓋縣城四失而四復之豈我堡爲之根本將士先後死事者將萬人矣同治甲子伯兄慟死難之衆建忠義祠祀之光緒乙亥燬於火至是命兄子顯慎因故址重建之釀金二千有奇爲工一期有半祠成記其顛末如此里人劉官禮

聶樹楷劉統之先生年譜 上略 咸豐十一年辛酉公年二十一歲是年冬蕭夫人來歸公復從江表東先生學燕山公見四方多事爰集鄉人爲堅壁清野計命公兄弟就下五屯建石堡上游以築堡抗大股賊匪實始此公晝夜督工寢食不遑以此廢讀 同治元年壬戌公年二十二歲貞豐安南普安先後陷賊各屬難民多來歸以堡工代賑多所保全時斗米二千餘出家粟半價給工工樂從事不期年堡成公兄弟集鄉黨子弟教以戰守之法公尤以延攬人才爲務遠近歸心咸樂爲用時郡城亦失守趙鎮軍德昌退軍縣境回匪蹤至趙戰不利公與兩兄率團助戰大敗之趙部將咸傾服推誠結納時花江左右諸城多陷賊道梗趙將繞滇粵歸省約公兄弟偕行公曰興義雖小扼三省咽喉若棄不顧使滇黔賊聯爲一氣圖之實難况吾兄弟以信義爲鄉人倡築堡抗賊棄之如鄉黨何趙壯之乃自去部下多留隸之無何縣城陷賊悉衆攻堡公兄弟與鄉人誓死



守禦屬家人實火藥於室爲不守自焚計賊攻愈猛拒愈力斃悍賊數百人賊不敢逼 二年癸亥公年二十三歲賊仍踞城燕山公命公兄弟聯合府縣各屬及滇粵附近紳團於五月七日襲復縣城鄉團多失期公兄弟志不稍奪夜率敢死士分攻四門賊偵知有備時之公肉薄南門身被數創奮呼搏戰殺賊百餘與義士三十餘人死之銘之公身亦被創戰尤力公與季弟懋之公督軍猛進斃賊甚多我將士亦死數十人退保堡公血湧於口而不自知以重資乞援於滇粵鄉團捧鮓團首羅永祥率團至先潰走粵團李品珍至屢挫賊鋒以餉不濟去羅平團孫清臣繼至戰不利亦潛去平彝團劉安邦至戰甚力左足被傷裹創奮鬥竟歿於陣公親赴各鄉籌餉所至剴陳利害動以血忱餉大集各團多來助戰乃聯營數十以困城銘之公分遣所部營於北團屢大挫賊六月天大霧平彝仁和團張定中張致中率團至營於米納扼賊援城賊與援賊夾擊之致中死

定中敗歸滇援賊繞道屬至入與城賊合各團漸潰公兄弟益振軍力戰血鏖數月各團復來助城圍仍合 三年甲子公年二十四歲與銘之公謀聯營逼城相持八九月幾無日不戰又分所部徐安邦李品珍等截賊援於北鄉屢挫之賊糧竭敗走二月城復上其功大府以銘之公署左營游擊公卻保獎不受與銘之公商乘勝規復府城攻克古磨賊巢平魯屯巢祠教匪遠近從賊鄉營來降者日以數十計令黃明著進兵至洒雨已得府屬地三分之一賊酋馬忠懼赴滇詐降總督勞公崇光許之飭停戰遂撤軍 四年乙丑公年二十五歲回賊復叛潛結滇回謀兩路來犯銘之公偕懋之公至捧鮮籌防回酋賄通守備李鳳才計戕銘之公囚懋之公公白諸大府率軍討之鳳才移其咎於張某殺以謝重賄縣令蒙蔽大府未正其罪公因計出懋之公奉銘之公柩回葬尋興義府知府李公保銜三上鳳才奸狀寃始白 五年丙寅公年二十六歲滇將林自清率師



至縣託言規復府城知縣陳公世鎮閉門不納林怒將攻城公慮激變苦心調停移陳居下五屯又計激林與賊戰不利敗回公出拒賊據馬別橋賊繞逼縣城公先驅回城林謀害公攜居民而去公偵知飭部下率居民同避下五屯公率親軍百餘徒步斷後林不得逞遂擄不及避者千數百家而遁賊乘之城再失公偕懋之公與賊血戰不三日而城再復追至馬別橋僞帥馬仲率大股賊至分踞大龍井馬別橋各處公率軍屯嚮水新場濫潭等處相持廿餘日晝夜苦戰屢獲奇勝因勞致病懋之公代領其衆鏖戰又數十日屢挫賊鋒公病痊回營懋之公適出奇繞襲賊營賊驚潰擒斬至六千餘級大府嘉其功以懋之公署左營游擊公保同知命總辦五屬團務民以城屢失不敢居公移家城中示以鎮定民乃集懋之公率師討李鳳才圍棒鉞計擒斬之 六年丁卯公年二十七歲率師剿賊會戴秉義適翟有魁結滇回千餘襲踞烏紗得耗潛師擊之夜行八十里

有魁大敗據堡以拒圍旬餘堡破擒斬數百有魁遁之滇依樂  
三虎戴秉義復糾合黔回率大股爲有魁援北至楓塘公率輕  
騎三百餘夜行七十餘里襲破賊黑山大寨賊驚潰公截擊之  
衆寡懸殊天忽大雨霧咫尺不見人賊不知虛實狂奔追至滇  
境沙營賊後援至復大敗之斬馘極多焚賊營十餘聞父病歸  
旋丁外艱哀毀骨立不能成禮四方感其忠孝會葬者以數萬  
計 七年戊辰公年二十八歲墨衰治軍會滇團張旭中剿阿  
弊匪酋樂三虎巢將破戴秉義賺踞馬別橋公秘不使衆聞催  
兵猛進立破賊巢黔匪勾結滇匪暨下游苗匪謀大舉時滇垣  
被圍於賊黔垣兵力僅能自保難兼顧公與懋之公分出拒戰  
互有勝負終以兵寡不敵退守下五屯賊復踞縣城分攻四鄉  
營寨惟東鄉一隅未下賊圍下五屯堡數匝勢張甚時公部不  
滿三千人晝夜搏戰氣不少衰遣人說西林鄉紳葉正邦率勇  
五千餘由坡脚進規府城潞城團紳曾珠浦率粵團五千餘由



八渡進規貞豐更說降回馬經魁襲新城以牽賊勢請於滇督  
劉公嶽昭退賊後以葉爲興郡守曾爲貞豐牧馬爲安義鎮總  
兵均得許各路並進賊聞耗遁伏兵追擊鄉團咸反正助戰殲  
賊以寓計旣復縣城乃率師圍納省討戴秉義躬自督戰礮穿  
左足鎮靜如恆步行里餘始乘輿歸營懋之公督兵繼之秉義  
出降願立功自贖爲白大府許之 八年己巳公年二十九歲  
剿西鄉匪首朱二茯苓及滇屬阿弊匪首樂三虎擒斬之公以  
內患漸平乃養精蓄銳謀規復府城並命部將鍾占魁率兵二  
千人解普安廳圍時滇黔兵大集屢爲賊創鍾至審度地勢越  
日出戰破賊營十七城圍解 九年庚午公年三十歲安義鎮  
總兵楊公聯桂興義府知府葉公定邦率師來會請於大府命  
公統領鎮府及本部各軍規復府城新城以滇紳同知張旭中  
副之五月公遣別將呂調陽紮魯屯鍾占魁紮葛屯圖新城自  
與張旭中直取府城前鋒屢獲奇勝拒木哨距府城三十里遣

部將謝清恩說降府屬東鄉從賊各團使夾攻新城悍賊來援  
公潛至萬屯遣軍襲取賊交那大寨距新城亦僅三十里賊大  
恐以重賄誘龍廣各夷寨使助己復調貞豐安南普安各老賊  
譚五受楊九等來援公偵知其情計殺龍廣夷目王連生殲其  
悍黨千餘獲偽旗偽印數十件出奇計懸重賞大挫賊鋒獲賊  
間諜稱戴秉義將叛斷我糧道歸路遂調鍾占魁守龍廣自歸  
部署後路夷寨復應賊圍攻我軍失三營公聞警馳救至正屯  
知要隘盡失調各軍退守馬別橋 十年辛未公年三十一歲  
公以滇黔各匪將次肅清遣紳耆乞滇黔大府會師剿興郡各  
屬回匪自願捐助軍糧大府許之以湘黔二省軍由永甯遇克  
安南滇軍由興邑進直趨府城公選精銳千餘人爲滇軍先薄  
府城克之以功擢知府賞戴花翎是月會各軍新城居興  
郡各屬中爲回逆老巢糧足械多悍賊死守拒戰各軍幾二萬  
人日有傷亡未敢逼城而營公軍至連戰皆捷直抵城下爲營



賊不敢犯督辦吳公德溥就而問計公獻奇策欲誘攻之免頓  
兵堅城吳以爲涉險不敢用相持數月賊始降十一年壬申公  
年三十二歲以復新城功加道銜奏留雲南

下略

咸同貴州軍事史第四編終

江蘇謝公允校字

咸同貴州軍事史

貴陽 凌惕安 編著

第五編 善後

第八十一章 各方軍事之底定及全黔之肅清

咸同廿年間起作軍事之運動者凡五十四起

事定之原因

自咸豐四年二月二十七日獨山楊元保起於豐寧上司而貴州大難作矣於是聞風興起者凡五十四起耗無數之金錢流無量之鮮血經各方之援救卒以氣窮力竭亂無可亂始告一段落謂爲某某之功某某之力者則尤第二之原因猶之野火燎原及至無可燃燒自然漸就熄滅已試計其大者至同治七年四月二十八日劉儀順被擒黃白號平漢族運動之事定同治十一年十月初一日金萬照降後被殺而回事已十二年十二月初六日苗族之運動失敗凡在事之有功者莫不各膺懋賞枯萬人骨以成就其功名以去此固千古所同慨者也於是兼署雲貴總督岑毓英貴州巡撫曾璧光貴州提督周達武乃會奏全黔肅清焉其略曰臣等查黔省自軍興以來

會周會奏全黔肅清



苗教變亂回夷繼叛全黔糜爛上下游徧地皆賊先經臣璧光督同司道竭力維持會合川楚官軍掃平苗教及臣達武到黔復會同通籌全局分道出師戰勝攻取收復下游各城殄滅羣寇戡定苗疆上游之永甯威甯安南貞豐興義新城均以次攻拔回黨聚殲上游亦定惟扁擔山各處逸賊嘯聚山林古州生苗丹江叛黨相繼爲患今幸將士用命所向皆捷掃穴犁庭首要成擒全省一律肅清從此烽煙永息慶萬年有道之隆衽席咸登被兆庶無窮之福而上諭亦曰茲黔省軍務初平瘡痍未復全賴地方官潔己秉公安良除暴庶幾與民休息治理日臻著曾璧光慎選賢能牧令切實講求吏治該省地方官吏有不勝任者嚴行糾參勿得稍事姑息以靖地方欽此

第八十二章 善後之規畫

軍事既定一時作善後之規畫者乃大有人如曾紀鳳羅應旒吳德溥陳寶箴鄧善燮等皆本其所以建言因而當時善後事宜不能出此範圍茲條舉之如左

會紀鳳善辦善後條陳七事曰

一修城堡苗疆萬山叢雜路徑疏歧既經戡定仍多劫賊出沒非獨風氣剽悍抑亦地勢使然今乘新定之威爲銷萌之計應將頽敗諸城次第修復以固根本此外扼塞之處均宜度地設險擬請仿照湖南三廳規制擇要害建碉堡固防閑堡資生聚星羅碁布與城垣互在掎角庶良懦衛業而奸宄屏迹矣

二開立屯軍碉堡果成守禦需兵無兵則以險予敵添兵又所費不貲惟有開屯一法自古屯田兵民互用皆於軍伍外分兵置司我朝直省惟黔楚苗疆有屯均就閒田置之清麻都黃之間近多廢土應乘時查收叛絕之產以爲屯田並募凱撤之勇以充屯丁既可消納散卒又可開墾地利且耕且守軍民胥賴至於分旗授田務農講武之法應照張經略原設九衛成章妥酌辦理其九衛原屯亦須切實經理以還舊制

三增建形勢惟王建國辨方正位必審山林川澤以重扼塞麻哈



州東北五十餘里有平定下司者爲新疆門戶當勻江要津東南距丹江八寨西南距都勻東距台拱清江均在百里內外中間空虛無城奸宄最易竊發擬請於下司割丹江八寨都勻麻哈清平凱里各境增建州城或州縣城以資控扼而備鎮撫又黔中貧瘠苦無舟楫之利勻江下通湖南下司適爲泊口雍正中戡闢新疆兵役由此雇苗船赴湖南市鹽布糧貨往來倡導民夷大怵今若於此處建立專城則人煙日轉估客必益雲集又匪特形勢之利也

四改置州縣新疆六廳向歸化外自雍正中次第戡闢分設丞倅駐其地乾隆初年張經略疏請改設郡縣廷議多糜錢糧格不行制以漸而備事以變則通改置之議今其時矣查新疆錢糧永免徵收苗訟第照苗例完結政務原不甚繁但苗屯錯處控馭需權丞倅雖深究未若州縣之專周圍千餘里無一牧令實不稱腹地之制且適啓苗民之玩擬請將台拱清江都江古州諸廳酌改二

三州縣仍酌留二三丞倅庶幾體制壯而錢糧亦不多糜也  
五添設巡道貴州自前明始置行省疆域原不甚廣我朝康雍間  
平水西郡縣之闢新疆丞倅之又割四川遵義以隸之又割廣西  
荔波貞豐羅斛冊亨等境以益之又割湖南鎮遠衛入鎮遠縣徧  
橋衛入施秉縣及平溪青浪二衛改置玉屏青谿二縣以厚之幅  
員式廓居然一大都會矣惟關地日見其廣而建官仍不加多黎  
都鎮思銅思六府縱橫千里接鄰三省其地箐嶺叢紆遞多奸藪  
其民漢夷錯處易生事端乃僅以一道轄之實有鞭長莫及之勢  
擬請於下游增設兵備道一員以資控馭而備巡查至其駐劄地  
方撥隸郡縣移就營汛應俟奉准時再從長計議  
六割正疆域貴州設立郡縣多就衛所土司而改納土建官未暇  
深勘郡縣各境遂多華雜之地摻越斷續不成片段往往附地田  
土非我所屬乃在他境之外致令士民輸納舍近就遠盜賊流劫  
避此趨彼而放令聲教旣阻於重關之外又或不行於臥榻之旁



此有可制之權而無其勢彼有可制之勢而無其權吏治不飭民  
隱不通盜風不靖均是故也擬請逐次清查就地釐審規形便補  
短截長果使四境方域犁然各當民情吏治均必稱便但不得更  
易地名增減糧額致滋紛擾耳

七建立學校貴州苗族不明禮教不知文誥輕趨剽悍嗜鬪尙強  
往往易動而難靜要當有以安之歷代治苗類僅羈縻勿絕故苗  
疆被聲教獨淺我朝設學建官一同內地土苗子弟均得入學肄  
業新闢六廳雖無學官而入寨大小丹江都江清水江台拱古州  
寨頭藏弩月寨等處亦皆分建義學自雍正間卽奉諭旨選擇塾  
師訓導苗人並准酌取入學涵濡至今駸駸乎椎髻衣冠矣今議  
六廳酌改州縣應請附設學官如謂人文未起稟餽徒糜暫請於  
原設各處義學逐次修復切實整頓量收絕產爲膏火慎選士人  
爲塾師養之教之漸之摩之當不難化犵獠爲文物也

羅應旒籌辦上游善後條陳十四事曰

一曰據險要爲汛地如玉華山上大平驕頂山荆竹園猪拱箐諸地素稱天險皆宜設爲汛地營兵耕作其間

二曰毀碉堡亂時非碉堡不足自存然亦有恃險抗官十數年不納糧責之遂據以叛者今宜一切毀之

三曰懲貪吏貪弁往者黔中地丁皆收米旣而改納銀石米一金遂有於一金外復征石米者民從輸之有石米之外又徵銀二兩三兩以至數兩者民不聊生籲請蠲減官吏不可或刑威之於是

有楊龍喜之亂賀濟泮何二強盜及革夷諸苗紛然鬪起強半坐是至如汛弁者亦往往擅受民詞縱兵索賄使是時大吏能誅黜數人稍洩民怨明定章程亂可立戢

四曰查地徵糧大亂初平地多荒蕪宜暫免徵糧然有未經賊擾之地有順賊投誠官軍未擾之地盡征之則不均盡免之亦不均宜令府縣官查明某地戶口所存幾何可徵幾何某地或暫免一年或二三年而後可徵徵可幾何分別彙報司道乃查核示諭百



姓不然征之且盡征之所征未必盡入公家之用而上司轉不及問之者矣

五曰變苗而害湖南鎮筵三廳苗人言語服制與漢人同雜處相安久矣蜀之黔彭酉秀亦然有人曰某之苗也則爭辨以爲恥今苗疆無不雜髮者矣有變漢之機矣誠令服漢服讀漢書浸淫變化畛域旣消教化亦易及矣

六曰均田地團首不得強霸產業以杜爭端

七曰抑強扶弱戒凌侮苗夷也

八曰屯勇清道

九曰裁兵存營

十曰收兵器

十一曰嚴保甲

十二曰設義學

十三曰飭學校

十四日化爭心義學責之地方官嚴行稽查學校責之各教官勤於訓導化爭心則於府城市鎮宣講

吳德溥籌辦苗疆善後條陳曰

黔省軍興十餘年徵兵徵餉無事不仰他省平時文員經費武營餉糈供億浩繁坐索滋鬧已形奇絀一旦事平兵解協餉勢難集驍卒有緊急呼救則無及自全則無策補苴罅漏終非勝算且苗夷雜處自來用兵屢撫屢叛今大功底定不留兵不足以資鎮撫多留兵則餉無所出而各征軍欠餉過多尤非鉅金不能遺散卽散之而惰業游民不去而之他卽聚而爲盜布置審處均須妥善職道意欲黔省無事非能自立不可欲自立非因地制宜不可應乘剝復將轉之機意權宜救時之意昔營軍屯邊卒賴其利郭令公之屯涇陽自種百畝今上下游廢田不下數百萬頃流亡可復者僅十之二三而兵制廢壞尤難復舊擬倣其意創爲營田就各鎮協營汛所駐之地易練爲兵有願者卽予負郭田人各若干頃



定其規制資其耕牧扼塞適中之區亦酌設防營就近開墾建營立寨牛隻籽種初雖由司籌款不無煩費行之以實則二三年間不必借助於人而富強可致則事可爲固有自然之宜惠而不費則利可久無轉餉之勞有盤石之固則兵可復兵實其中人自生聚則不必遠事招徠各私其家自爲捍衛則勿庸另爲守備推而至於司道丁糧文武廉俸及學校役食均宜取資於曠廢田地而周旋以出之通變以行之因地制宜俟行之有效再行奏定章程永遠遵守

陳寶箴善後事宜

陳寶箴籌辦苗疆善後事宜五條曰

一安插苗必須清查絕逆田產按降苗所存戶口較前不過十之三以苗地處苗人儘有贏餘大約有先後順逆不同須分三等以寓懲勸凡大軍入境卽拜迎馬首爲導或集團助剿供糧與苗賊構怨爲所攻殺至令妻孥無依如巴全五岔松柏洞諸寨是爲義苗此等有業者須令復業無業者撥絕逆田產與之戶約三十石

爲率卽令永守除照章完糧外不別征租以示獎卹其被脅之苗不能自拔大軍進剿卽舉寨出降者撥絕逆田產使之佃耕戶約三十石每秋收後令納租十之一歸公丁多之戶願於所撥外更行佃耕公田者則照十分取二納租其負各苗破巢禽渠不得已而乞降免死如烏鴉坡之類無論有業者祇令佃耕公田歲令納租谷十之二分凡派田畝各以毗連山土搭配酌給不別升科征租并永定章程皆征本色以杜前折銀始禍之弊

一清查絕逆田產最爲煩難點苗捏造契據賄囑吏胥納稅誑印以圖侵佔者不一而足總局出示總以未造逆前契據爲憑再示意降苗各將本寨絕逆田產自行指出并與鄰寨團首互相出結承認己業如有隱諱逆產及侵佔者查出並己業充公如仍不明指惟有按降苗初報誅時各寨所報原日戶數分別逆產良田如某寨先已報明原日係百戶今祇存三十戶則以三分作良田七分作逆產則該苗自不能不據實報出矣



一欲永絕苗患必先化苗爲漢除令薙髮繳械外欲令其習禮教知正朔先自知讀書能漢語始擬以絕逆田產所入官租募能通漢苗語音而知書者數十百人爲教習或一大寨數十小寨各置一人設義學一使苗子弟入學讀書習漢語年長者農隙時亦令學漢語此前明沐英平雲南行之有效者復嚴禁苗俗如男女跳月兄弟轉婚及椎髻拖裙黑衣帶刀祀牛角不奉祖宗之類但於立法之初嚴行斬不率教者一二人餘自畏服義學館谷卽於公租撥給此外贏餘計仍不少則以津貼地方官辦公之資地方津貼饒足則前此採買陋規可以永禁緣前此官吏魚肉苗民大概因此釀亂也

一向來苗疆屯田挑選精壯且屯且戍以此彈壓苗民立法非爲不善數十年後丁壯衰老死亡惟此田據爲世守展轉易世頂替曲鬻有田者或不能自耕何有於戍且有一戶而兼數戶數十戶之田而丁口不過數人率老弱坐食不任操作遇軍帥閱兵則按

戶雇人以應之不踰時而事已畢矣有屯田之名無屯丁之實奚彈壓之足望而每歲虛耗租粟五十餘萬以飾此無用之虛名誠可惜也查苗疆屯田共八千九百三十九戶截長補短每戶所耕之田約出粟六十石若悉以此田募人佃耕令納租十分之三每戶可得租十二石約以三戶所入募勇練一名較之綠營口糧有盈無絀通計可得練勇三千人設營官哨長以次鈐束一如近時募勇營規隨時操閱卽隨時汰補不拘泥綠營體制以挽積習如此則無用之屯丁爲有用之練勇戰守可資矣且佃耕屯田可以多募漢人旣資其錯處苗疆以默爲維繫復得此數千練卒顯爲彈壓旣可消其狡啓之患卽一旦有事指揮游擊操縱自如豈往者屯丁之所能及前此積重難返未可驟議更張今屯田之人死亡未止過半大府權其利害銳意舉行卽間有梗議者亦不爲其所搖而事集鎮筭練勇雖東南勁旅粵賊初起人不知兵惟此尚足用爲戰此前事之驗也



一撫苗所以爲民安而後苗戢故尤以招撫流亡爲第一義貴東亂離十八年居民僅存強者散之湖南沅州諸屬及常德洪江等處爲多家室流離日有故土生還之望而村市瓦礫田隴荒蕪思銅一帶榛莽成林民以溝壑餘生卽歸何所爲計前職道過沅州時該民動色相詢皆有襁負相隨之意若聽其流離不爲之所將新疆祇屬苗民安用竭數十年民力與數千萬金錢以與苗爲難而取諸其懷而予之耶然流亡招之易撫之難有田業者歸業無業者使佃耕公私田畝開墾荒田是固然矣牛種籽種及濟貧賑濟之資非鉅款不能周徧合計楚軍所復之區民苗耕墾諸費大約在十萬金以外斷非黔力所能兼顧湘中財力已竭而欲爲一勞永逸之圖仍非代任不可惟在湘省旣不分畛域而清查田畝安插降苗以及經理屯田各事須有劃一之規便宜之柄州縣官紳不慮掣肘庶幾有成是則非湘中之力所能爲已

鄧善燮條陳苗疆善後事宜十五事曰

一言語衣服宜令苗民從漢庶行販通商不致有抑勒之病錯居雜處不致有異類之嫌

一未繳槍礮宜令降衆獻納以消隱憂

一曾經稱王稱帥諸渠宜分別剪除以絕後患

一軍興已久營伍多缺此時若遽行招補則餉糈無出不如留勇分防俟全局大定即將得力之勇按營充伍既省招兵之資又可消撤勇之患

一留防之勇宜嚴申軍令以杜奸回

一禁止尋仇報怨以靖地方

一綠營塘兵原以詰奸禁暴遞送武營文書日久玩生塘多虛設自今武營文書請令地方鋪司遞送而撤塘兵歸營操習以實營武之儲而去地方之蠹

一裁革土司以免隔閡從前改土歸流留此分制苗衆在當時或有不得已之故後來流弊滋生實釀禍亂且土司盡係漢人與苗



素不相洽無事則凌虐暴戾有事則率竄逃而且錢糧詞訟從中隔閡多爲不便今如一律裁革如從前四川副將張鏞所言分設里長甲長而遷其土目於內地揆之時事正所宜行

一清查絕產逆產興設義倉社倉以備水旱之災而儲教養之用升科田畝以裕國課貴州一省東西距一千九百里南北距七百七十里而賦稅不及中土百里之一邑良田從前均屬苗疆未能任土作貢乃至歸流之日糧特從輕蓋不欲以賦稅煩擾冀其永無事也新疆地方則有永不徵收之詔而不謂煩擾日甚其弊有不可勝言者查苗疆有所謂雞糧者原其始不過苗民向化自願於收成後各獻一雞以輸奉上之忱米價而以雞折銀銀價而又以銀折錢凡幾折而所請一雞者竟至納錢數千然此猶指有田者而言其無田之人則有所謂煙戶錢者是更剝及貧窮爲害愈鉅今如掃一切積弊而定之而田畝悉予丈量升科割陋規以爲正供於民非有不便而丈量時上則準中中則準下於裕課之中

仍寓恤民之意則貴州財賦日有可觀外省協濟亦可從減

一準民田科則以改屯田屯田之設重在養兵故其賦特薄而其田特沃然其始也屯丁原足以資保衛而其久也不惟無以應徵調並不能以助守望徒使國家爲正之供減耗折損其甚者展轉運售流弊日滋今宜清查所屯之田盡數歸官募民耕種照例完糧而以所餘歸入地方有司衙門酌量添設士兵如湖南辰沅道標之例則國家不減正賦之常而地方可收有兵之實

一割正華離地界以免凌雜混淆

一正婚姻以端風化

一設義學以正蒙養

一向來考試苗學多因人數不敷取額遂爲漢人篡籍獲售苗人百不得一今宜嚴定冒籍之例而今苗民應試能取一人則一人能取兩人則兩人俟數年後文風日盛然後限以學額並定新進苗生見教官原產保贄儀逾數者罪之其能上進者請學院於按



試後送省書院肄業仿廣西邊課之例以徐收變苗爲漢之功

第八十三章 田業之清查

黔亂二十年全局糜爛一切成法摧毀無遺而人民田業之管理尤失所依據疆塍既散漫契據復失遺當局者因作清查之規畫覈定章程從事清查茲錄其程示以見內容

覈定清查田業章程示

黔省上下兩游徧遭蹂躪居民流散田土荒蕪見因各地方相繼收復本司通飭各府廳州縣辦理善後清查田土除係有主之業自應照常耕管此外絕逆各產或應全數充公或準給還一半逃亡各產或應各爲存業均不準同姓冒認親支希圖蒙混團首私相當賣任意侵占種種弊端亟宜詳察茲本司細加覈議自須明定章程覈實分別辦理方足以杜影射而昭畫一合行出示曉諭爲此示仰該屬各寨團首甲長暨諸色人等知悉見在清查田土原爲清源除弊撫恤難民起見務各按照條規認真清理爾等有

業之戶除流離在外無人承認暫時作爲存業歸公一俟業主回時再行查實覈辦外所有見在各戶無論有契無契查明實係本業許赴總辦清查田產局呈明準予驗契給照管業毋再遷延自誤倘有冒認及賄串蒙混等弊一經查出定卽一併嚴提究辦決不寬貸所定章程開列於後

一清查田土宜分東西南北四鄉每一鄉應分寨責成該寨甲首數人清查本寨有主有契之田若干有主無契之田若干有主見在逃亡未歸之田若干本主已絕尙有嫡派子孫可以承認之田若干本人從逆旣已伏誅尙有嫡派子孫可以承認之田若干應逐一分別某處係何人之田並爲何項之業坐落地名何處坵數若干計種若干額徵丁糧若干或水田乾田均須詳細開具清冊呈送清查局查覈該寨甲首仍應與該寨團首一同出具并無隱匿遺漏甘結隨冊送局

一逃亡故絕旣無嫡派子孫又無三代以內親支者所遺田土自



應照例充公如無嫡派子孫尙有三代以內親支者許由甲長及族鄰出結田土亦準給還其逆犯業已正法尙有子弟及三代以內親支者原業準給一半以存法外之仁至從前被脅勉從見已投誠或投誠後旋即身故其家尙有老幼男婦應由該地方官及各委員紳責成該寨甲首查明實有田土若干一概發還以爲自拔來歸者勸該寨人等不得藉此覬覦致使反側不安

一有契之業呈契驗明及無契而實係己業亦經取具保結給發執照者卽當各管各業外人已無從影射此外荒田荒土無人承認者卽係無主之業一併歸公毋使稍有蒙混

一承領執照後必限管三年并無別人告發方準私自出賣如業主不俟限滿而輒賣買主不查明原照是否已滿三年或明知此照未滿限而輒買一經查出田價田業概行充公并照授受同科之例一併治罪

一年來賊氛不靖各花戶遷徙流離契約多有遺失或被旁人檢

獲因之藉端冒占私相當賣種種弊端在所不免見在設局查辦應由該地方官刊發印照或實係本人或本人已絕實係本人之三代親支所有呈報田土若干額徵丁糧若干坐落地名何處逐一開具黏單併邀同鄰寨見有契據各戶出具連環保結隨呈投遞由清查局員紳查明與該寨團首甲長等所報相符果無冒認情事方準給照管業

一發給執照鈐蓋地方官印信卽與契據無異倘將來尋獲原契及旁人所得之私約均作爲廢紙團首胥役人等如敢藉端刁難希圖勒索許卽據實具稟定予嚴究倘有刁徒串同團甲將他人田土指爲己業隱匿蒙混或冒認嫡派及以少報多越界霸占等事一經發覺或被控告除追還田土外仍治以應得之罪其出具連環保結各戶一併罰產充公併將該寨出結之團甲分別從嚴究處決不寬貸

一由官給照之業原契業經遺失契價已無查考除耕管三年後



應照計穀種一石納稅契銀若干雜糧種一石納稅契銀減半赴  
有司衙門分別辦理外所有此次承領印照亦應按種覈計每穀  
種一石須完納照費銀三錢雜糧種一石完納照費銀一錢五分  
不及一石并一石以上者均照扣算此項費銀無多即作辦公之  
費但不準書差局丁人等於明定章程之外格外需索倘業戶祇  
圖得照於照費之外混行花銷使費一經查出定將受賄與行賄  
之人一同科罪併將失察之本管官照例參處不貸  
一黔省管業花戶所有契據多不投稅風聞從前地方官有訪查  
匿契補價充公等事致使業戶呈契受累殊非體恤閭閻之道此  
次清查設局只驗明契內田土數目坐落地名以憑分別無論各  
戶契據已稅未稅概不準書差局丁從中刁難唯契載田價按照  
一百兩者取驗契小費銀一錢以作局用其不及百兩或百兩以  
上者照一百兩分別加減一經驗訖隨即發還倘書差局丁膽敢  
留難需索許即扭稟治罪

一清理田業準以三月爲限其有遠徙他方一時未能回籍者已暫作爲存業自應寬予限期茲酌定設局之日起在一年內歸復故土者各認本業亦一體遵照章程赴該處清查局具呈遞結有契者驗契無契者給照管業倘再逾限不歸定將田土作爲公產無論有無契據一概不準復業

一清查驗契應另立府廳州縣驗契簿各一本載明某戶契內田土坵數價值穀種各若干額徵丁糧若干及坐落地名何處於簿內編立字號加蓋騎印以備稽覈發給執照亦另立發照簿各一本分別編立字號註明業戶姓名田土坵數地名及穀種丁糧各數目仍於照上蓋用騎印以杜假照之弊清查完竣即將簿冊統呈軍需總局察覈分別發交該管地方衙門存卷

一業主逃難未歸併無親支承認及實係絕逆田土見在業已有入耕種者查明後應令該耕戶赴局出具認耕字據載明田土坵數坐落地名穀種若干準其暫行承種照田分花以充軍糧歸局



有業主者俟業主歸認仍即退還不準霸占

一各鄉廟宇田業應分別查明有廟主者仍歸本廟耕管無廟主者亦暫作爲存業俟本廟有人承認再行給還其絕逆田土均不得私行撥作廟產該寨團甲人等亦不準冒作別項公田希圖侵蝕倘有前項情弊查出即予重究

一得當田土須將上手老契隨同當契一併呈送清查局查驗所當田土坵數坐落地名丁糧若干及上手業主姓名均於清冊內註明即將當契在冊上鈐蓋騎縫戳記再於當契上蓋戳發還管業如係買業而捏造當契蒙混者查出田土充公併治以隱匿之罪其驗費照查驗買契章程辦理

一田土以契約爲憑有稱契約已帶往外省或當與外省人契約業經帶回原籍者是否屬實無憑查考此項田土作爲存業由官招佃收租充公仍以清查之日起予限三年限內呈契驗明其田照契發還管業限滿之後其田永遠充公以杜欺蒙影射之弊

一四鄉各寨清查冊報後應將田冊各分各鄉挨次彙編字號如省城東鄉每寨一冊由附郭寨起作爲第一號挨次編列至第幾號止其西南北三鄉亦照此類推辦理庶無遺漏此外寫遠各鄉孤村小寨或數十里內寂無人煙之處應令附近村寨團甲就近查明附入該寨田冊歸併造報聽候覈辦

一清查前項田土見在各地地方設局辦理所需委員委紳薪水及局用一切經費每月約需若干應由承辦各員紳覈實開報準於驗契及給照收費項下按月開支如有不敷當由軍需總局隨時籌款酌發以資辦公一絲一粒不準派累民間致滋苛擾但值此款項支絀該員紳亦宜各秉天良撙節支用如有浮冒情弊查出立即撤究

一各委員紳查辦各項田土必須格外詳慎實力清查如能認真辦理剔除一切弊端於官民兩有裨益事後仍當覈其勞績酌量獎勵倘敢玩忽從事清查不實或被團甲蒙混舞弊定行從嚴議



處

一四鄉逆絕田土各團隱匿盜賣等弊在所不免各委員紳職司稽查務須嚴密以專責成凡有主無主之田業經清查明確者除該寨團首甲長并業主之鄰寨花戶各具甘結并連環保結外各委員紳應於照上及照簿內各蓋用銜名圖記小戳以昭慎重俟後如查有別項情弊定將經手查辦不實之員紳從嚴參辦

一委員委紳下鄉每人準用轎夫三名跟丁一名每鄉準用書手一名局丁二名每日連火食只準開銷銀一兩夫價在內書手每日另給飯食錢一百文局丁每日另給飯食錢八十文毋得額外浮用每到一鄉無論小菜鹽米均須自行買食概不準向團上需索供應以杜騷擾如違參究不貸

一各府廳州縣清查田土除有主之業呈驗契據并逃亡無契之業經本主歸認或本主已絕尙有嫡派子孫承認應給執照者各立印簿外所有逆絕田產亦應各立府廳州縣印簿一本每到一

鄉或查有逆產若干絕產若干應將原戶姓名坐落地名坵數界址及穀種丁糧各項數目於簿內逐一登記以備稽覈如已安佃承種者亦應分別註明佃戶姓名及承佃日期事竣仍照簿另行造冊報查

以上各條於撫綏善後之中寓正本清源之意陳言立法無非體恤民生所願爾等各安農業毋外生成本司實有厚望焉其各懍遵毋違

續定清查田業章程

一絕逆產宜嚴禁盜賣盜買也查定章凡絕逆產應追入公已耕者準其承佃分穀盜賣者應追價治罪茲訪聞各屬田業率多外來之人承買其中難保無私相授受賣者希圖得銀并非己業買者利其價廉不問真偽甚至串通立契將田少加多糧多減少以爲異日隱糧占產地步此等情弊不可不防應由局議定凡各屬承買田業花戶呈驗契據必須有老契符合或無老契亦須有真



正賣主可質方準照契管業如無老契亦無賣主可質自與盜賣無異查其情節確實原應一律充公唯黔省人戶絕少此等田業耕種多年自宜通融辦理卽以該戶從前所備私價準其作爲押租承佃另立佃約每年覈計約可收穀多少以七成歸該戶以三成歸公不耕之日將原銀由局退還另佃所有盜買之契塗銷存案以示區別如能自行呈明願照田補價以作己業者聽但不準書差團甲人等藉此勒索分肥

一各屬丁糧宜遵照舊額也查黔中各屬城池率多失陷丁糧舊冊蕩然無存該地方官應先稟司飭房鈔發廢經舊冊俾某里某甲丁糧一覽皆知且各屬亦間有年老戶書猶能熟記總期一屬之糧足符舊額并不加多如以本有之糧故爲隱匿或糧額本多蒙混報少一經查出定將該田充公以杜取巧該花戶等亦當知田賦乃朝廷定額斷不能稍有隱漏致溷舊章唯未墾之田雖有丁糧應免徵收

一匿契宜從嚴懲辦也查定章驗契取費無多並非照常稅契可比該民何樂不爲且民間管業田契愈老愈好近有一種奸民明知契載丁糧較重藉地方兵燹爲名老契匿不呈報捏稱被燬另請給發執照或徑寫新契希圖隱糧此等惡習尤堪痛恨嗣後各戶如契據實已遺失赴局請照者宜照局頒條規取具各供再行勘驗田土四至穀種若干原額丁糧若干均準填發執照外如領照後查出存有老契隱不呈驗即將田土充公團甲扶同徇隱亦照前定章程論罰

一絕產毋許外姓承受也查各屬絕產多有出嫁之女再嫁之婦攜業適人轉相買賣致啓爭訟嗣後凡女子適人母家置有賠嫁之業應歸女家管賣自便若因母家已絕遂取爭奪之心亦應查明母家五服以內親屬無人方可酌分給餘悉充公若婦而再嫁無論前夫有無子女概不得攜業他往以爲撫養子女之資必須查明前夫本家親屬承認照管每年分給撫養穀石俟其子成立



全業發還若無子而有女亦止準前夫親屬承受此外僅於酌給撫養與及將來賠嫁之用概不得藉端霸占如違卽以謀奪論其有婦人夫婦並無子女願守志而其家無可繼之子又別無應受家產之人如產業過多或酌量給與養贍餘應充公若家產無多應全行給與養贍仍俟該寡婦身故後再行入官至寡婦故後如無子而有女者其家產準歸親女承受出嫁時應酌給一半以作賠嫁之費餘卽歸公

一開墾田土宜定優獎也查承種有主之田與無主之田照田分花總局已頒有定章此外如有能團集百十戶築屯開荒無論有主無主均準開墾其收穫穀石準以七成分給耕戶三成歸公其倡首者仍由地方官札令充當屯首約束各戶耕種每年應局中所分穀內另行酌給二十四石以示鼓勵斷不得私取各戶顆粒以防敲擻至各屬每年開墾田土若干民間收穀若干局中分穀若干冬季應造冊詳報本司查其荒闕以爲殿最有能招墾至千

人民散之四方

爲繁榮起見

設招耕局

招耕局章程

戶以上者酌量詳請獎敘庶地方荒廢日治守吏亦知所勸懲矣

第八十四章 田畝之招耕

大難既已人民之散之四方不能遽歸且死亡過多有田土無人民直是普通現象於是各爲繁榮其地方起見遂有招耕之事當局者爲免歧出紛爭起見因訂劃一之辦法茲錄招耕局章程以見一般

### 招耕局章程

一 招耕分屯每屯招丁五十名多至一百名委文官一員總理如係散練另委百長一員幫辦擇舊有場市荒地編造草房如合面街式按十戶爲一牌擇其中老成者一人爲牌長另給門牌如式挨次推行自一牌至十牌爲止如有零戶仍歸尾牌此外閒人不得居住

一 願充屯丁者凡係平民準赴善後總局報名取具鋪戶鄰里保結註明姓名年歲里居登時入冊如係各營練勇應由提軍門及各分統造冊移送到局方準發交委員歸屯



一屯丁授田按名給領一人爲一戶領田若干數人合爲一戶領田若干總宜量其人力無得貪多而荒

一發給耕牛應查明每戶種田若干發牛一支如係數戶合領一牛應擇其人老成者具領以專責成其合領之戶仍隨同分耕毋得牛力不均且亦止能按種給牛免使牛苦倒斃

一發給籽種農具搭蓋草房均由委員照章勻給造冊申報其有赤貧之戶應照給食穀每戶幾口按丁每月酌給以小秋成熟爲止或無小秋卽以大秋成熟爲止以示體恤而予限制

一招耕買牛聽民自買須要肥壯齒輕買成後到局驗看截角存記照價發給如有倒斃卽令報明驗角查係耕用一年倒斃者除皮張作價若干外補銀若干耕用二年倒斃者照一年補價減三分之一耕用三年倒斃者照一年補價減三分之二至三年以後不得補價

一牛價多少應須照數繳還若屯丁無力繳銀見定納穀一市石

作價入銀限三年將穀繳清牛價其牛卽歸原領之人作爲私物如不待三年繳清牛價者亦聽其便但三年以後不納牛租卽應照舊升科以符定例

一屯戶聯牌居住望衡對宇朝夕相親久之自成樂土婚娶生育戶口日增見值地方承平自宜循分安業平時出入毋得佩帶短刀及私藏戈矛烏槍等件致啟口角鬪毆等事倘或不遵約束準委員隨時處斷輕則責究重則送地方官嚴懲

一屯丁如係他鄉之人日久思歸倘在三年以內未繳牛價者仍準呈明將原牛并農具房屋繳還由總局查驗發給回籍路票倘有不遵章程私自拐帶逃走或另有不法情事一戶犯法九戶同坐仍通飭各地方官嚴拏務獲以儆效尤而肅屯政

一省城舊設清查屯田總局見於近省三四十里外另設分局總司招耕一切事務所有各處分屯招耕卽歸該局員就近辦理一切應領之款均由該局分別施行本總局不時派員稽查以防滋



弊

一分屯聯牌另立委員公所三間居中隨帶家丁一人局丁二名火夫一名準給火食該委員日則親巡各處督率開墾夜則派丁巡邏支更以防火盜毋稍懈弛至各牌中有遊惰不務正業者開導訓飭如再不悛準稟總局將該民遞回原籍另招妥實之人承充

一分屯委員毋得自顧家丁捏名領牛耕種與民爭利致有擅收膏腴假公濟私之弊違者立即撤退

一此次分屯原爲田地荒蕪無人耕種起見只得見荒即開不論有主無主且從前清查過後並無續報到局呈驗契約之事若再拘照舊章勢必久爲荒廢爾分設總局委員一面仍司清查準各歸來之民呈驗契約照章辦理其有願歸屯戶者均聽其便如有團甲劣紳從中把持者立即送官懲辦不貸

一分屯處所如有資本之戶願開設買賣雜貨各店者準其呈報

到局者官爲修造房屋與耕田各戶編入門牌同居共給告示平民不得恃強賒取以通商貨而廣招徠

一分屯居民務農爲本除二麥稻穀外間時兼種園蔬並果樹可生利者均宜採種鷄豚犬猫民間應蓄之物亦宜照常蓄養以滋生息

一安屯查係舊日場基分立街道應於四至街口設立柵欄或新開地面亦宜察看形勢圍築土牆開通來去路徑設柵關欄并各就地名擇取吉利字樣改立屯名以憑按查

一設屯處所委員先自親臨詳勘併繪具圖說該地何名東距某村西南北距某某村各幾里荒田共存多少就近有無寨洞廟宇有無河道屬何州縣管轄一一開載以憑查覈

### 第八十五章 田畝糧冊之清釐

咸豐四年以後國家賦稅之征收日減一日寢致停頓據布政使黎培敬之呈報庫空如洗僅有八十兩歷任皆以此爲移交以其太少



恢復國家收入

糧冊之清釐

佈告

未經動用其支絀可見茲大事既定一切恢復國家正項收入不得  
不加意整理以爲依據顧殘破之餘一切毀棄當局者因作糧冊之  
清釐其辦法見清釐田畝糧冊示

清釐田畝糧冊示

朝廷之賦稅出自輸將閭閻之土田編入冊籍由來久矣黔省自  
兵亂以來地鮮完善民盡流離開徵之事久已置之不講此庫款  
益見空虛官民因之交困本署司於去歲下車之始即經示禁濫  
派催徵錢糧革貪吏之苛索復天家之正供乃地方官動以殘破  
之餘冊籍俱毀且藉口軍務未靖力護前非不知剝極必復天理  
昭昭苗教巢穴以次蕩平下游統帥復隨時籌辦善後舉行屯田  
爾民等既耕田鑿井之可安即當思食毛踐土之有自雖地方當  
蹂躪之後歸復無多田園值荒蕪之餘開墾不易而歷年來耕種  
未失業者正復不少即宜逐一清查編造糧冊除未經失守州縣  
照常辦理外爲此示仰各屬紳民人等知悉爾等務宜遵示於本

年秋收前將見管有據之田執契報官入冊其契據被失而實係己業者亦宜取具里鄰互結呈請地方官發給執照存案入冊至耕非己田如係絕逆各產抑或業主逃亡未歸均應呈請地方官入冊註明是有主之田既以清釐而永爲定額無主之田亦因耕種而暫予升科唯候三年限滿然後由官妥立章程分別辦理所有此次清釐田畝糧冊實爲爾等身家切近之事不但各定產業亦以永息爭端正宜激發天良毋許冒混致滋後患至地方官舉行清查尤宜不惜勞苦事事認真斷不準胥役從中需索以示體恤本署司來自田間洞悉民瘼當此天心厭亂之時正宜百廢具興之日况值庫空如洗時有可爲因不憚訓告再三期與爾民同維大局倘或恃強霸占弗服清查匿業不呈希圖瞞隱許地方官嚴拏懲辦將產業充公决不寬貸若地方官藉此欺壓愚民辦理不善亦準爾來轅具控如虛坐罪各宜懍遵

第八十六章 要隘之屯戍



光緒二年黎培敬繼任貴州巡撫以下游漢苗雜處驛道所經至爲重要因自貴定玉春觀起至黃平五里橋止共驛路二百二十里共建碣七十座撥綠營弁兵屯守其摺單如左

創設碣屯撥兵駐守以資捍衛摺 光緒二年九月二十六日

奏爲黔省下游創設碣屯保護驛路酌撥綠營弁兵專歸臬司管轄以資捍衛而垂久遠恭摺具奏仰祈聖鑒事竊查黔自前明始置行省逮我朝節次經營規模漸備雍乾之間苗人發難經前督撫臣鄂爾泰張廣泗等次第削平開闢新疆創設六廳丞倅增設各路協鎮添設弁兵誠以苗漢雜處山箐叢深一切邊防不能不密臣考下游形勢苗類在南漢人在北驛道自西而東橫互其中是爲漢苗之大界限沿驛州縣城市盡屬漢家凡附驛傍橫出歧出窮鄉僻壤之處類皆苗寨林立以故從前苗亂往往先梗驛路首陷清黃旁擾橫延遂至不可收拾以驛道無所恃以禦之苗乃有所乘以入之也自咸豐初苗變驛道不通垂二十年至同治十

一年始就平定其時雖通蓬蒿滿目豺狼盜賊伏莽甚多行旅視  
爲畏途防兵又難徧設臣於藩司任內與前臬司林肇元議設礮  
卡開墾荒田詳由前撫臣曾璧光奏派道員曾紀鳳總司其事而  
以候補知府鄧在鏞副之由是建礮以設防募兵以守礮墾田以  
屯兵旣足以護通衢又有以盡地利其建礮之處先擇形勢要隘  
砌石成方上蓋樓屋一間以便樓宿瞭望中開礮眼三層藉備隨  
方攻擊自黃平州以上歷清平縣平越直隸州麻哈州至貴定縣  
凡二百二十里爲礮七十座次第修建一律完工或附城郭或傍  
場市或據山川險要之區或扼左右歧通之路或三五里或七八  
里或一礮總扼數處或一處並建數礮或爲品字形或作梅花格  
審規形便足爲捍衛之資其募兵守礮之法每礮有礮兵有礮長  
或兩礮合設礮長悉視礮卡之疏密爲準又於各礮適中分立四  
屯曰乾華曰鼎熙曰震綏曰泰安各設屯軍立屯官以爲各礮之  
領袖乾華屯屯官駐平越州屬之黃司轄二十礮鼎熙屯屯官駐



平越州屬之羊老汛轄十八礮震綏屯屯官駐清平縣屬之大風洞轄二十一礮泰安屯屯官駐黃平州屬之馬場街轄十一礮各分地段以專責成彼此無嫌跨而聲勢自可相聯其墾田屯兵之法緣此次苗亂最久人鮮孑遺曠土荒田所在皆有凡附驛叛絕荒蕪之產清查既晰卽令礮兵就近開墾後有業主歸來仍撥閒田絕產以償之俾小民無礙生計而屯務不致動搖耕守兼資幸各就緒唯是規模創立礮兵係照營勇給饗長留則恐不繼應就屯田之勇永籌統轄之員將來分別撤留略倣綠營兵制方足以垂久遠而固苗防臣因札飭司道悉心詳議旋據署布政使余思樞署按察使吳德溥署糧儲道曾紀鳳詳稱礮屯係防奸禦暴之用而臬司實有詰奸鋤暴之責礮屯建在驛道之間而臬司實有統轄驛傳之任以礮屯弁兵統歸臬司管理與地方官一氣貫注並議每屯設千把總一員外委一員計四屯共設千把總四員外委四員又每屯應照戰兵例設屯軍四十名以備屯千把總防守

巡緝之用計四屯共設屯軍一百六十名又每碉隊應照馬兵例設碉長一名以備董率約束之資計四十二碉隊共設碉長四十二名其餘碉兵照守兵例共設四百名通共應設碉屯弁兵六百一十員名擬於通省各標營酌量勻撥以資移緩就急之用查平越營分防有酉陽千總羊老把總今酉陽羊老等處遞設碉屯節節聯防則汛弁汛兵轉成虛設可於該營撥千總一員把總一員馬兵四名戰兵十九名守兵九十名又松桃一協額兵過多可撥千總一員外委二員馬兵二十名戰兵八十一名守兵一百七十七名又安義鎮地近粵邊改土爲流歷增兵額今邊鄙相安已久情形視昔較鬆可於該鎮撥千總一員外委一員馬兵十四名戰兵四十四名守兵一百名又安順府向有城守營該府城係提督駐劄之所提標既有重兵可於城守營撥外委一員馬兵四名戰兵十六名守兵四十名通共計撥營弁兵丁六百一十員名定爲新設碉屯之額倘或不敷分布容當酌量奏詳添撥總期饒不必另



籌國家無虛糜之患兵不必增設苗疆資鞏固之謀該司道等會議詳請具奏前來查下游驛路自創設碣屯行李安堵無驚流民陸續歸耕游匪無從託足同治十二年冬丹江苗人復叛破寨戕官事起倉猝相距驛路甚近經曾紀鳳調集碣屯兵星馳堵擊賊遂窮蹙大兵進勦殄滅無遺是碣屯兵無事可資耕守有事可備征調已收實效應作永圖唯有籲懇天恩俯準敕部分撥立案並將此項弁兵專歸臬司管轄以與地方文員聯絡一氣永爲定章除營規屯制訓練巡哨暨一切經制事宜續行詳細具陳併先將碣樓地段碣屯隊次另繕清冊咨部查覈外所有創設碣屯擬撥弁兵緣由謹會同雲貴總督劉長佑合詞恭摺具奏伏乞皇太后皇上聖鑒訓示再黃平以下至鎮遠沿路碣樓亦經修築唯未安屯守能否一律推行容再妥籌辦理合併陳明謹奏

碣屯地段隊次咨部清單

附

謹將建碣處所及碣屯分防隊次開具清單咨送查覈施行

一由貴定縣出東門五里玉春觀一碣 由玉春觀下五里巖頭鋪一碣 由巖頭鋪下三里半半邊街一碣 由半邊街下三里半茶花園一碣 由茶花園下三里谷濛關一碣 以上均屬貴定縣境自玉春觀至谷濛關一帶山徑幽邃最易藏奸卽承平之日時有匪類搶劫貴定平越例於谷濛關會哨今節次設碣足資捍衛矣

一由谷濛關下五里高家橋一碣 由高家橋下三里冷溪塘一碣 由冷溪塘下三里江西坡一碣 由江西坡下四里老羅廟一碣 由老羅廟下五里黃司一碣 由黃司下三里大衝一碣 由大衝下二里半舊黃絲一碣 由舊黃絲下三里半清水塘一碣 由清水塘下五里西陽一碣 由西陽下二里貓貓營一碣 由貓貓營下三里湯關坳一碣 由湯關坳下三里如來頂一碣 由如來頂下三里響琴峽一碣 由響琴峽下三里楊柳坪一碣 由楊柳坪下三里馬場坪一碣



由馬場坪下四里阿里塘一碇 由阿里塘下三里廟山一碇  
以上均屬平越州境自谷濛關至廟山山多路雜在在小徑  
與麻哈州苗寨毗連兩歧之區最易逋逃其中設碇處所均  
極幽險衝要湯關坳響琴峽尤爲險峻足資控扼

一由廟山下四里黃泥三灣一碇 由黃泥三灣下二里干壩  
哨馬家坳一碇

以上兩處係麻哈插入平越之路麻哈州境

一由馬家坳下三里清水塘一碇 由清水塘下三里倒馬坎  
一碇 由倒馬坎下四里懶板橈一碇 由懶板橈下三里半  
金桂坡一碇 由金桂坡下二里半羊老巖關坡一碇 由羊  
老右手里許老羊寨一碇 由羊老左手里許獅子背一碇  
由羊老下三里帽殼山一碇 由帽殼山下三里沙子坪一碇  
由沙子坪下四里黃茅嶺一碇 由黃茅嶺下二里白泥塘  
一碇 由白泥塘下三里石關塘一碇 由石關塘下二里臘

梅塘一碕 由臘梅塘下四里沙子坳一碕

以上均屬平越州境自馬家坳至沙子坳唯羊老地勢稍平  
衍餘皆亂山夾道形勢幽邃兩旁山徑歧梳向來濫苗棒客  
容易出沒劫掠今節次設碕聲援在在可通矣

一由沙子坳下三里華嚴墳一碕 由華嚴墳下三里洛邦塘

一碕 由洛邦塘下三里牛鼻衝一碕 由牛鼻衝下二里金

銀洞一碕 由金銀洞下二里五里橋一碕 由五里橋下三

里校場壩一碕 由校場壩下二里爲清平縣西一碕 又清

平縣城南黃泥坡一碕 又清平縣城東黃土坡一碕 由清

平縣出北門五里海生橋一碕 由海生橋下二里小風洞一

碕 由小風洞下三里龍洞哨一碕 由龍洞哨下三里雙乳

峯一碕 由雙乳峯下二里大風洞一碕 由大風洞下三里

冷風口一碕 由冷風口下二里洛仲塘一碕 由洛仲塘下

三里太平坡一碕 由太平坡下四里觀音山一碕 由觀音



山下三里老君關一碣 由老君關下二里拖牛坪一碣 由拖牛坪下三里爲重安江之對江塘一碣

以上均屬清平縣境自沙子坳至對江塘山勢蜿蜒回翔路徑幽邃紆曲左右多苗寨輒易出沒擾害行人今節次設碣可資控禦

一由對江塘下五里新路口一碣 由新路口下三里慶腰巖一碣 由慶腰巖下三里梨樹哨一碣 由梨樹哨下四里老木哨一碣 由老木哨下二里三座巖一碣 由三座巖下二里石頭鋪一碣 由石頭鋪下三里雷梯坡一碣 由雷梯坡下二里鐙草哨一碣 由鐙草哨下三里油榨衝一碣 由油榨衝下三里五里燉一碣 由五里燉下五里爲黃平州城又五里至五里橋一碣

以上均屬黃平州境自對江塘至五里橋旁途小徑處處可通苗寨且右手與香鑪山等處相距均不甚遠今節次設碣

藉資防守矣

總計自貴定玉春觀起至黃平五里橋止驛路共二百二十里之遙爲礮七十座其礮屯隊次就地分布另列於後

一泰安屯

屯官率屯軍均黃平州屬

駐防馬場街係黃平州屬其所隸各礮

泰安屯前礮隊

駐五里橋礮

泰安屯副前礮隊

駐五里墩礮

泰安屯左礮隊

駐油榨衝礮

泰安屯副左礮隊

駐鐘草哨礮兼管雷梯坡礮

泰安屯中礮隊

駐石頭鋪礮

泰安屯副中礮隊

駐三座巖礮

泰安屯右礮隊

駐老木哨礮兼管梨樹哨礮

泰安屯副右礮隊

駐慶腰巖礮

泰安屯後礮隊

駐新路口礮

以上礮隊九凡每隊礮長一名礮兵多寡不等每礮長管一



方下...  
礮或兼管兩礮共管礮樓十一座其次第自下聯防而上駐  
守黃平地境屯耕黃平絕田見立泰安屯屯官駐馬場街居  
中督率擬請將礮屯各兵撥作制兵竝於馬場街撥設千總  
一員外委一員以資董率而垂久遠

一震綏屯屯官率屯軍駐防大風洞係清平縣屬其所隸各礮

震綏屯前礮隊駐對江塘礮兼管拖牛坪礮

震綏屯副前礮隊駐老君關礮兼管觀音山礮

震綏屯左礮隊駐洛仲塘礮兼管太平坡礮

震綏屯副左礮隊駐冷風口礮

震綏屯中礮隊駐大風礮

震綏屯副中礮隊駐龍洞哨礮兼管雙乳峯礮

震綏屯中副礮隊駐海生橋礮兼管小風洞礮

震綏屯右礮隊駐校場礮兼管清平附城三礮

震綏屯副右礮隊駐五里橋礮兼管金銀洞礮

震綏屯後礮隊

駐洛邦塘礮兼管牛鼻衝礮

震綏屯副後礮隊

駐華嚴墳礮

以上礮隊凡十一每隊礮長一名礮兵多寡不等每礮長管

一礮或兼管兩三礮共管礮樓二十一座其次第接連泰安

屯之後礮自下聯防而上均係駐守清平地段屯耕清平絕

田見立震綏屯屯官駐大風洞居中督率擬請將礮屯各兵

撥作制兵並於大風洞撥設把總一員外委一員以資董率

而垂久遠

一鼎熙屯

屯官率屯軍駐羊老汛係平越州屬其所隸各礮均

鼎熙屯前礮隊

駐臘梅塘礮兼管沙子坳石關塘兩礮

鼎熙屯副前礮隊

駐白泥塘礮兼管黃茅嶺礮

鼎熙屯左礮隊

駐沙子坪礮

鼎熙屯副左礮隊

駐帽殼山礮兼管巖關坡獅子營兩礮

鼎熙屯中礮隊

駐金桂坡礮兼管老羊寨礮



鼎熙屯副中礮隊 駐懶板橋礮

鼎熙屯右礮隊 駐倒馬坎礮兼管清水塘礮

鼎熙屯副右礮隊 駐干壩礮

鼎熙屯後礮隊 駐廟山礮兼管黃泥三灣礮

鼎熙屯副後礮隊 駐阿里塘礮

以上礮隊凡十每隊礮長一名礮兵多寡不等每礮長管一礮或管兩三礮共管礮樓十八座其次第接連震綏屯副後礮自下聯防而上均係駐防平越地境兼防麻哈邊界屯耕平越絕田見立鼎熙屯屯官駐羊老汛居中督率擬請將礮屯各兵撥設制兵竝設千總一員外委一員以資董率而垂

久遠

一乾華屯 屯官率屯軍駐防黃司係平越州屬其所隸各礮均平越州屬未有連及貴定屬者

乾華屯前礮隊 駐馬場坪礮

乾華屯副前礮隊 駐楊柳坪礮竝響琴峽礮兼管如來頂礮

乾華屯前副礮隊 駐貓貓營礮兼管湯關拗礮

乾華屯左礮隊 駐西陽礮兼管清水塘礮

乾華屯副左礮隊 駐舊黃絲礮

乾華屯中礮隊 駐黃司礮兼管大衝礮

乾華屯副中礮隊 駐老羅廟礮

乾華屯右礮隊 駐冷溪塘礮兼管江西坡礮

乾華屯副右礮隊 駐高家橋礮

乾華屯後礮隊 駐谷濠關礮

乾華屯副後礮隊 駐茶花園礮

乾華屯後副礮隊 駐巖頭鋪礮並半邊街礮兼管玉春觀礮

以上礮隊凡十二每隊礮長一名礮兵多寡不等每礮長管一礮或兼管兩三礮共管礮樓二十座其次第接連鼎熙屯之副後礮自下聯防而上均係駐守平越地境兼防貴定地面屯耕平越絕田略兼貴定之田見立乾華屯屯官駐黃司



居庸督率擬請將碣屯各兵撥作制兵並於黃司撥設千總一員外委一員以資董率而垂久遠

通共四屯計屯堡四處碣隊四十有二碣樓七十座共驛路二百二十里之遙或三里或五里疏密相間層聯蟬遞守望俱通聲息合併登明

### 第八十七章 驛站之恢復

吾國疆域廣博交通阻滯然憑當時之智力亦自有其道即驛站之設置是也一鞭遙指風馳而電掣自京師北平之至貴州省城路程

在前往湖北道上永新驛分路

一千六百七十里至永新驛九十里禹州清潁驛九

十里襄陽縣新城驛六十里葉縣渙水驛六十里保安驛六十里裕州赭陽驛六十里南陽縣博望驛六十里宛城驛六十里林水驛六十里新野縣湍陽驛入湖北界七十里襄陽縣呂堰驛六十里漢江驛七十里宜城縣鄆城驛九十里荆門州麗陽驛六十里石橋驛七十里荆山驛一百里建陽驛一百里江陵縣荆南驛六十里公安縣

咸五以後黔驛道塞改由川陝  
入京師者二十年

川陝負擔加重

於光緒元年恢復

孱陵驛六十里孫黃驛入湖南界八十里澧州順林驛六十里蘭江  
驛七十里清化驛八十里武陵縣大龍驛六十里府河驛八十里桃  
源縣桃源驛六十里鄭家驛六十里新店驛六十里沅陵縣界亭驛  
六十里馬底驛六十里辰陽驛六十里盧溪縣船溪驛七十里辰溪  
縣山塘驛七十里沅陵縣懷化驛六十里羅舊二驛六十里沅水驛  
七十里便水驛六十里晃州驛入貴州界八十里玉屏縣平溪驛六  
十里清溪清浪驛一百里鎮遠縣鎮遠驛六十里施秉縣偏橋驛六  
十里黃平州興隆驛三十二里平越州重安江驛三十里清平縣清  
平驛三十五里楊老驛三十里平越驛三十里黃絲驛五十里貴定  
縣新添驛六十五里龍里縣龍里驛六十里貴陽府貴筑縣皇華驛  
巡撫駐劄所自咸豐五年巖門司之役而驛道塞改由四川陝西山  
西直隸入京師者至二十年之久繞越既多川陝各省之負擔加重  
不少迨黔事底定經川陝各省之催促始於光緒元年二月將各處  
驛站房舍橋梁道路渡船馬匹豫備齊全恢復其舊焉



第八十八章 臨時款項之停止

軍事既起一切法規多苦不適應不足故嘗隨時隨事加以暫行之  
釐定茲事已定亟應分別停止以節庫支茲得當時善後局停止臨  
時各款章程頗可逆溯當時情形不得以明日黃花目之也

詳定善後局停止各款章程

一停止府廳州縣不準募練見在黔省肅清間有土匪竊發即可  
齊團收捕如係巨匪準稟局派營搜勦其前經稟准以幾月為限  
者屆滿即撤不准加展

一停止府廳州縣奉委署事到任不準到局借支領款以作路費  
如藉稱無力赴任準其辭缺另行詳委

一文武各官不準借發他人款項無論司庫正款祇準由本人請  
領局中亦祇能覈其款數無多者酌發如盈千以外款項祇準抵  
捐不能覈發現銀

一停止請領從前陣亡殉難人員義助銀兩查此項係由各官領

臨時之釐定

臨時款項之停止

善後詳定停止章程

款扣存早已無款可扣斷不準發

一各員借差回籍及赴都引見希圖發給路費於事無益徒糜局款應即停止

一各屬墊辦夫馬差費原係不應發之款近來各員紛紛請領應祇準發照自行勸捐不得發給實銀

一各員軍需墊款在同治三年六月以後概準照成案覈算只能抵捐不得請領實銀

一同治九年以前各武員帶練本無定饒自周軍門接辦後始議有新章所有從前各營官散練多年不得以見在黔章補領亦不得追補舊欠以示限制

一武營及佐雜各員修理衙署均由地方正印官稟請估勘請費興修以歸畫一而專責成武員及佐雜等概不得自行來局領費  
一佐雜教官到任與正印不同準借支領款十餘兩以示體恤毋得過二十兩



一各府廳州縣非著名瘠苦及見有防禦等事不準發給經費除  
上下游當驛各屬見由司詳奏復驛照例按季覈發驛費毋庸再  
給經費外如思南思州興義等府長寨清江丹江八寨等廳廣順  
定番平遠等州都勻荔波等縣或地方尙應鎮壓或丁糧毫無徵  
收暫行給予經費然府廳每月不得過二百州縣不得過一百一  
俟地方無事丁糧可徵卽行停止此外各屬概不準發前有發者  
亦卽停止

一各府廳州縣應領各款有因解款未清或詳報豁免尙未奉準  
部覆應留司庫備抵者不準借支

一驛站各屬自光緒元年起已詳復舊制其例支驛費除暫扣備  
抵解款外每月準領若干應照司庫例定數目按月給發不準於  
額數之外再添經費

一驛站各屬凡遇尋常差事供應夫馬應於驛費項內開支不得  
以賠墊爲詞藉故報銷若實係支應大差姑準據實造報聽候酌

覈

一大路驛站嗣復舊制後凡暫設台站各屬均停給幫費

一各府廳州縣交代於卸事後應令後任依限結報如交代未清未經結報或此任已結而從前署理各任尙未由局結算清楚者卽有長銀不準預支

一各府廳州縣辦理地方事件在任時先未稟準有案於交卸後補報練費團費及各項墊款概毋庸議

一各屬修理城署監倉及疏通水利等項應先期稟候委員估勘確實由局批定準用修費若干隨時酌發興修不準於事後補報任意增添如未批準之先亦不得藉口動工以杜取巧其原估數目仍酌留十成之三俟詳報工竣委員履勘出具保固甘結始準補領倘有草率偷減限內坍塌毀壞仍責成經手之員親往賠修若後任官隱匿不報查出分半攤賠

一各屬如遇水旱災荒應先期稟候委員勘明酌量賑恤其尋常



偶被火燒災民無多應令各該地方官自行酌恤不得藉端報銷  
一歷年發給牛種籌款不易見辦善後領過牛種各屬自元年正  
月起通飭查明領過經費若干原發各團牛種若干每年應收牛  
租若干先後收獲若干或見存何處一體按季造冊報查以重實  
儲無論何項要需不準碾用顆粒如有虧短卽著落經手之員賠  
補足數

一由局委辦各屬清查田產先後不等自元年正月起除貴陽貴  
筑兩屬另行隨時覈酌外其餘再以半年爲限趕緊清查限滿未  
能完竣從七月初一日爲始委員薪水局費概行停止仍著該委  
員會同地方官辦理完楚方準銷差

一辦理善後除上下游兩總局事宜應歸各總辦酌覈外其餘各  
屬只準用委員一人覈給薪水局費照舊經理至都勻府所屬及  
平遠一州支用較鉅自元年正月起應飭該守牧查明實在情形  
酌量覈減每月應需薪工局費若干據實造報以便覈定準數按

月支給以示限制而節糜費

一武職三成廉俸應俟司移到局按季支發不得預支其或奉委赴任實在緊迫者準通融暫借一季不準多支

一武營兵丁非奉征調出境不準報支鹽糧及借支公費等項以杜冒銷

一各綠營兵饟停支已久除貴陽三營外其餘或因兵丁寒苦應酌量撥濟者須由司於地丁稅課項下就近酌撥不準赴局借支  
一同治九年以前黔勇口糧太輕本局不扣大建以示鼓勵見在黔勇月饟已經周軍門增定新章自應查照營制分別大小月建按數扣發不得仍前統算致違成規礙難報部其不及二二二饟數者仍不扣大建

一各防營製造旗幟號衣棉衣等項自同治十三年冬月起已定章程均應於正饟內扣除其由局發給帳棚應以一年半爲限方準更換如未屆限不得率請更換



一武職副將以上及參遊各員如不遵照章程仍來局分外苛索者由本司稟候院憲嚴奪

一凡批準抵捐各款不準再請改發見銀如仍瀆請立案不行

一各屬營文武各委員或遇事故更調未定凡應領經費驛費練費及薪水等項均應俟滿一月方準給領不得先期借支支發所委員違章私借記過示懲

一局用食米及零星口糧仍令委員照舊承辦所有中西各路營練口糧自元年正月起應按市價照數折發見銀以省運脚

一故員家屬來黔請領各款真偽莫辨應令該家屬邀同該省同鄉官二人加具保結併飭貴筑縣查明實係親支嫡派代具正副印領呈司覈明移局酌發仍須該同鄉官同該家屬隨帶副領親身領取以杜冒詐如有冒領情事仍著落出結之員賠繳歸款

一局中批準各項款目計數甚鉅每到饒項不敷支發均屬分起輪給遲早本無定期近來各營屬及各處文武官員均派弁兵丁

役在省守候每聞饟到卽紛紛來局催索難以理喻殊不成事自元年正月起每屆饟到應於次日候本司批定數目懸榜曉諭應領者卽各持印領遵批具領不得計多較少未批者再候下次輪發亦不得爭先恐後藉詞混竄

一見在各條係爲樽節費用周轉局需起見本司一秉至公併無稍懷私刻嗣後各該員應共體艱難恪遵辦理以無分外之求規其操守之正遇有委任尙可勉以有爲如有不知自愛之員藐視章程仍不時來局瑣求其貪利之情已可概見以之署缺委差斷不能潔己奉公忍辛耐苦本司唯有隨時留心體察以分優劣而肅官常考成具在其共懷之

第八十九章 吏治之整頓及兵制之恢復與改易

軍興以來失陷之城池旣多而捐納與勞績兩項之人員又復激增守約日久得缺不易則四出鑽營若一旦受任則削民以自肥以新復之區初還之民何以堪此當局者知其弊病因從事整頓故黔撫或司貴州軍民也



黎培敬原奏有曰黔中兵燹垂二十年百姓流離瑣尾存者不及從前十分之一加以城郭已毀室廬已墟田園已荒滿目凋殘草昧無異還定安輯非有良吏無所措手黔中瘠區承平時候補人員甚少軍興糜爛服官者尤視爲畏途以故保舉捐納兩項人員稟到即可差委遂致漸積漸多勢成壅滯流品日雜吏治日非奔競寅緣紀綱敗壞矣迨光緒五年岑毓英爲巡撫復大事裁汰原奏云伏查貴州額設府廳州縣七十三缺佐貳雜職六十三缺現在黔省人員凡實缺候補府廳州縣合例人員連正途出身及勞績捐納兩途共有三百五十一員合例之佐貳雜職連實缺共二百零七員其未經引見不合例之府廳州縣共一百三十八員又未奉部覈准驗看不合例之佐貳雜職共三百五十七員以貧苦之省聚千餘之員不但人浮於事位置無從抑且各員在省守候坐困稍不自愛者因處約日久一旦得差得缺難免朘剝於民是欲整頓吏治必先遣散冗員俾清仕途而便考查云云合計先後遣散五成以上又復嚴加甄別本正

正本清源

軍事日亟始募練勇

分別遣撤或改勇入伍

招復額兵

兵制之劃一

而源清吏治始有起色矣當辦理善後之時首及此事實爲要着也至貴州兵制向卽所謂綠營制也承平日久營伍廢弛全成廢器咸豐四年楊龍喜一役不得不臨時招募以應急速爭效湘軍營制以部勒之所謂練勇者是也事將定川湘援勇紛紛撤回諸路空虛提督周達武招募填實以資捍衛乃竟招募至一百數十營之多雖肅清之後酌量裁撤然布置彈壓留防實已不少營官多保至提鎮其志已驕士卒惟相率巡邏其氣亦餒而局餉久欠氣習惡劣黎培敬爲巡撫爲策久遠雖經分別遣撤或改勇入伍然猶有存者復招復舊制額兵五成查黔省綠營兵額計額外並馬步戰兵爲一萬六千六百二十一各守兵一萬五千二百六十九各統共額設營兵三萬一千八百九十各光緒五年岑毓英繼任巡撫復通飭全省綠營將招復在營之五成作爲守兵更以各營防勇挑補額步馬戰兵仿照直省章程爲練軍設統帶管帶等官及行坐長夫仍留於各隘駐防不準另設勇營以節糜費至是貴州兵制始稱劃一非復前此之各



自爲制矣

第九十章 殉難人員之採訪

軍事日亟關於殉難人員之採訪每苦難周雖歷經彙報仍虞疏漏致使鄉邦人士徒膏原野事定之後因飭屬採訪請卹其理由與事實如左

飭各屬採訪殉難人員請卹示

黔省各屬自兵興以來生民苦遭塗炭或練團而殺賊遇害或城破而闔室效忠或慘遭鋒鏑於道塗或忍受殘傷於山洞匪特縉紳巨室悉化沙蟲卽至里巷窮民亦膏原野無論學士文人能全大義卽至童孺婦女亦抱孤貞種種慘烈不可名言忠骸旣乏收斂之區毅魄何有憑依之處所賴表揚有術克發幽光庶幾義膽忠肝不歸泯沒本司總理軍需局務以來查從前設有旌卹一所準各營陣亡員弁練勇隨時稟報按季彙詳各府廳州縣亦間有具報無不立予彙案詳請議卹數年以來迭奉部準集有成案已

飭屬採訪

飭示之懷愴

犧牲之慘烈

由局分別各屬彙列姓名刊刻成編以垂久遠並可藉資觀覽知某某已經請卹而某某尙未呈明前經由局通行日久並無續報甚至各屬有全未舉報一人者推原其故地方當兵燹之後百務廢弛司牧者視表彰爲具文而團首劣紳或以死事之人從前稍有私隙故爲隱匿不聞又或以旌卹有恩藉此向人需索而捐勒未遂以致大節不伸盛典久闕殊堪痛恨豈知茫茫大劫良善難逃而世道人心關係甚重國家深仁厚澤無微不彰於各直省死綏殉難諸人尤爲有求必應煌煌天語不憚再三恩至渥也服官斯土者竟不能闡揚忠義以慰朝廷旌卹之心清夜自思能無抱疚除將已刊各冊分發各屬并札飭遵照辦理外合行出示曉諭仰各屬紳民人等知悉準由各城鄉公正紳士各舉所知具呈稟報或設局採訪或聯名彙呈隨地制宜期無遺漏唯不準借名捐派致干嚴究至從前嫌隙既經死難即可冰銷闔室絕亡卽無親丁亦當具報爾紳耆情關桑梓責有攸歸而本司嚴立限期法無



寬假定限三箇月彙報一次到局以後限季續報盡數乃止慎勿再因循遲延致令湮沒久而不彰倘經本司與地方官訪聞查辦該紳耆等恐難逃厥咎如果胥役暨在事人等從中需索準卽指名稟究懷之無忽

第九十一章 最後之印象

軍事既定清廷之官吏乃舉貴州之土地人民復歸於清廷統治之下以迄於其亡然亦裁四十年耳茲將當時曾經失陷之府廳州縣城池試加以統計示吾人以最後之印象故作咸同貴州城池失陷統計表

本表有五項說明如左

甲本表所指城池只限於當時府廳州縣而言其他分廳州縣汛衛司鎮城池不計

乙本表一依當時府廳州縣統屬次序開列

丙城池失陷一次作一記號於表內各該府廳州縣名下

十如某府廳州縣被漢族失陷一次則作一十記號於本表內某府廳州縣之下如被苗族失陷一次則作一⊗記號被回教民族失陷一次則作一◎記號又如被漢族苗族互相團結失陷一次者則作一⊗記號被漢族回族互相團結失陷一次者則作一⊗記號被苗族苗族互相團結失陷一次者則作一⊗記號被回族苗族互相團結失陷一次者則作一⊗記號二  
次以下照推例如本表普安縣一欄有十⊗⊗⊗⊗⊗五個記號即為被漢族失陷一次被漢族回族團結失陷一次回族苗族相團結失陷一次回族失陷二次共失陷五次也  
戊未失陷者作

咸同貴州城池失陷統計表

咸同貴州軍事城池失陷統計表		失陷次數及類別	總計次數	備考
府廳州縣名稱	貴陽府			同治二年十一月幾陷同治四年四月又幾陷
貴陽府	貴陽府			貴陽府附郭縣貴陽府未陷故亦未陷
貴筑縣	貴筑縣			





歸化廳	千◎千	三次	
興義府	府⊗◎	二次	
興義縣	縣◎⊗◎	三次	
普安縣	縣千番⊗◎◎	五次	
安南縣	縣千◎◎千◎⊗◎	七次	
貞豐州	州千⊗	二次	
普安直隸廳	廳◎	一次	
大定府	府番番	二次	
黔西縣	縣千千	二次	
畢節縣	縣		咸豐十一年五月幾陷
平遠州			同治八年十一月幾陷
威甯州	州◎⊗	二次	
水城廳			
遵義府			同治四年十一月初四日 宋玉山堡入幾陷

三五



丹江廳	都江廳	獨山州	麻哈州	荔波縣	清平縣	都勻縣	都勻府	仁懷直隸廳	正安州	綏陽縣	仁懷縣	桐梓縣	遵義縣
⊗	干	干	⊗	干	⊗	干	干		番	干	干	干	干
一次	一次	一次	一次	二次	一次	四次	四次		一次	一次	二次	四次	
						都勻府附郭故亦同失陷							遵義府附郭縣





銅仁縣干	銅仁府干	青谿縣干 ⊗	玉屏縣干 ⊗	思州府干	印江縣干干	葵川縣干	安化縣干干	思南府干干	餘慶縣	褒安縣干 ⊗	湄潭縣干	平越直隸州 ⊗	清江廳 ⊗
一次	一次	二次	二次	一次	二次	一次	二次	二次		二次	一次	一次	一次
銅仁府附郭縣故亦同陷						葵川備禦備防七次縣城 不可守但經失陷縣城 從失不足計矣	思南府附郭故亦同陷						

未失陷之城池不過七分之一  
碧血遍膏原野

據右表則當時倖免於陷者僅貴陽遵義安順黎平四府縣城仁懷  
一直隸廳城水城郎岱二廳城平遠一州城畢節龍泉餘慶三縣城  
以與已失陷者較則未失陷者約占七分之一正不殊以人民之碧  
血遍膏全黔之原野其未失陷之處不過血跡略為淡漠耳

第九十二章 結論

咸豐四年至同治十二年二十年間一八七五至一八八四至  
貴州之軍事已如上述吾人試一凝想其怵目驚心為何如者戰爭之慘酷雖今古一  
轍顧以貧瘠之貴州嬰此錮疾則尤足痛矣哉約略計之兵連禍結  
歷二十年之長歲月公私財產耗費至一萬萬五千萬兩合五省之  
兵力先後動員至七八萬人死於兵疫者幾四百九十萬眾蹂躪遍

兵連禍結二十年  
公私耗費一萬萬五千萬兩  
合五省之兵力動員至七八萬人  
死於兵疫者四百九十萬眾  
失陷城鎮百餘座  
被兵四千餘歲  
于役職官三千餘人

十二府一直隸州三直隸廳四十八散州廳縣失陷城池至百餘座  
被兵市鎮四千餘處於役職官三千餘人洵可謂空前之浩劫也矣  
事定以來忽忽六十年甲子已周今年為中華民國二十一年而元氣



戶部書少軍事步  
 猶未復糾紛猶未已六十年來家庭已會事伴西當時軍事所起清  
 釐猶未定也各縣征收撥開每以當年民交病已嗚呼孰或使之孰令  
 致之論黔者未嘗不歎息痛恨於貪墨者之貽禍無窮也夫含生之  
 氓其最大願望在得遂其生意非至不得已孰顧甘冒不韙鋌而走  
 險以尋求不可必得之僥倖嗚呼此所以投筆歔歎感不絕於余心  
 也

總附錄

國史喬用遷傳喬用遷湖北孝感人嘉慶十七年進士以內閣  
 中書用二十五年充軍機章京升侍讀道光十一年授廣西南  
 甯府十四年調桂林府歷任甘肅鞏秦階道廣東按察使山西  
 布政使二十五年升貴州巡撫先是貴西苗寨向有客民附居  
 前任巡撫嵩溥將客民戶口編入保甲不准續增並奏定查核  
 章程每年將徙者按冊開除二十六年用遷疏言苗寨附居客  
 民或歸原籍或徙他鄉固事所恆有惟占籍既久生齒日繁其

子孫有分戶另居者各府廳州縣只將舊戶徙去者開除未將分居戶口載明日久易滋流弊查分居客民租墾荒山自食其力卽屬編氓請飭各地方官督村寨保長人等將客民舊戶徙去若干見存若干另居者若干一律查載辦理如所請行三十年四月以苗匪聚衆搶劫拒捕戕官積案一百餘件飭候補知府胡林翼等深入搜捕將巨盜二百九十餘名悉數擒獲奏保出力各員弁從之時湖南會匪李沅發作亂擾及貴州邊境用遷檄貴東道周作楫古州鎮總兵崇福鎮遠鎮總兵秦定三各帶兵勇於黔楚交界處堵勦嗣賊竄洪州太平山一帶經官兵攻擊生擒賊目斬獲多名又合湖南弁兵追勦至水口等處殲斃無算餘匪由黔界之摩天嶺翻山竄逸五月李沅發就擒邊境肅清上嘉用遷用心協勦賞太子少傅銜六月上以貴州湖南接壤地界向有會匪出沒宜乘此軍務告蒞力圖振頓命用遷會同湖廣總督裕泰籌議添兵設防暨團練保申各事宜咸



豐元年卒賜祭葬如例

國史蔣爵遠傳蔣爵遠漢軍鑲藍旗人父攸銛大學士蔣廷由舉人捐員外郎分戶部又捐郎中道光十五年成進士以戶部郎中卽補旋補郎中二十一年授雲南開化府知府調雲南府歷升迤南道調迤西道山東浙江按察使山西河南布政使咸豐元年十月擢貴州巡撫二年捐輸軍餉下部優敘時議復綠營兵制及裁馬改步章程爵遠遵諭奏言貴州舊制撫提二標及各鎮協營實兵三萬二千四百八十五名乾隆四十六年增兵五千二百八十四名嘉慶二年新設銅仁一協增兵一千六百名嗣於嘉慶十九年道光十一年二十年節次裁兵二千八百九十二名現在兵共三萬六千四百七十七名核計全省尙應裁兵三千九百九十二名方符舊缺業已分咨提鎮遇有缺出勿庸挑補俾陸續裁歸舊數其苗疆險要簡僻今昔情形不同當察地方繁簡酌裁兵數多寡以資控馭又黔省額馬二千

四百七十七匹除經制額外外委四百八十一員騎馬四百八十一匹毋庸減裁外實在馬兵一千九百九十六名以步守兵而論原設馬兵之數本不及十分之一苗疆方隅遼闊山嶺崎嶇通省各營四十一處其中駐兵較少之所原設馬兵不過二十餘名如照額兵總數一律按成裁減則少者愈少不足以資驅遣似應查看地方情形核原數之多寡分別裁減庶於節費之中不失邊防之重其都江通判親標原設馬兵僅四名該地苗多漢少毗連粵西差務繁要應毋庸裁改提標安義威甯鎮遠松桃銅仁都勻等七營原設馬兵在八十名以上者酌裁馬十之三定廣台拱長寨畢赤平越長壩黔西凱里等十四營原設馬兵在三十名以上至六十名者酌裁馬十之二荔波下江歸化黃平天柱石阡仁懷冊亨朗洞丹江思南水城普安安南新添二十營原設馬兵十數名二十名者酌裁馬十之一通計裁馬改步兵四百十五名核計原設馬兵額數已在二分以上



所有應行裁汰之馬請以咸豐二年秋季爲始定以一年之限各營倒斃馬匹例應買補者暫行停買一年以四百十五匹爲限至馬兵降步亦請以本年秋季爲始凡有事故馬兵開除一名卽補步兵一名扣足各營應降之數而止疏入下部議行十一月請停止捐輸軍功舉人附生略言科目者取士之方庠序者育才之地惟能盡其實斯不愧其名今之爲是議者誠萬不得已臣以爲此事一行苟能於國計大有裨益臣猶慮所益不如所損况乎未必有餘也以知縣與舉人較知縣捐數少而舉人捐數多捐生以五千兩之資必捐知縣者多而捐舉人者少見當會試之時豪富之子因鄉闈未售而奮欲一試者容或有之然亦鮮矣至軍功附生旣無實之可圖又無名之足重其懷才欲試者皆捐監捐貢而不必捐附生其頂戴榮身者皆捐貢監職銜而不必捐附生此其尤大彰明較著者也奏入上韙之十二月廣西會匪竄入湖南上以黔楚毗連諭令嚴密堵禦

遠奏言黔省貴陽興義都勻界連廣西黎平南接廣西東接湖南思州鎮遠銅仁松桃皆與湖南接壤已飭文武各員率同兵練在邊界巡防並咨提臣挑選精兵分派隘口以作聲援至衝要通衢恐有內匪勾結滋事防範尤宜加嚴前因防堵粵匪奏委貴東道周作楫督辦今粵西尙未撤防湖南又復告警黔境與楚粵相連之處沿邊二千餘里該道勢難兼顧另委黎平府知府胡林翼前往鄰近湖南一帶會同地方各官認真籌辦逸匪竄入隨時搜捕先後拿獲韋阿大楊蘭生等數十名並飭各村寨力行保甲雇募鄉勇分團操練俾家自爲守人自爲戰慎固邊隅庶可有備無患報聞三年黃平榔匪陳文亮及甕安縣土匪劉瞎么等糾衆滋擾爵遠檄胡林翼督兵馳剿禽斬無遺四年二月獨山州匪徒陸阿貴勾結粵匪楊元保竄踞下司地方四出焚掠爵遠派軍迎勦斬陸阿貴搗其巢並擒楊元保之子楊三尋粵匪自紅水江來援復擊走之四月進攻賊硯賊奔



董□場地方官兵并力追勦楊元保負創遁追及於廣西□里  
山擒之餘黨解散九月桐梓縣匪徒楊鳳等煽亂連陷桐梓仁  
懷十月安南縣匪徒涂令恆復攻陷安南普安縣遠以援勦不  
力下部議處十一月涂令恆犯興義府縣遠飭知府張鏜偕通  
判胡霖澍內外夾擊賊遁乘勝追剿陣斬涂逆賊竄卡戛寨據  
險抗拒胡霖澍率敢死士直上山頂焚其巢其另股之賊亦經  
官軍擊敗遂復安南普安二城十二月會合雲南四川援軍進  
勦楊鳳先攻克桐梓仁懷二縣賊據雷台山諸軍乘夜縱火燬  
山砦賊巢殺隨竄黔西犯州城官軍復擊走之五年正月飭各  
軍分道進攻賊望風奔潰追至石阡府之葛莊司河斬楊鳳於  
陣並其黨悉殲之捷聞開復處分三月郎岱廳等處夷匪滋擾  
勾結清平台拱黃平等處苗匪四出焚掠縣遠以未能先事防  
範自請議處並將軍餉不繼情形入告得旨交部論處並命四  
川等省督撫將應解黔餉速行籌解十月以都勻苗匪陷羅斛

汛城復下部議處十一月羅朗官軍進抵賊巢焚其上下兩寨  
生擒逆首羅得鳳等誅之時銅仁府教匪徐廷杰戕官據城連  
陷思南石阡思州各府及玉屏清溪等縣爵遠檄思州府張瀚  
中等激厲紳團屢戰屢勝遂將各城收復思南松桃賊竄石阡  
分據毛家寨爲犄角勢我軍進薄城下攻破之援賊自毛家寨  
來犯復大敗之遂會楚軍攻克銅仁燬毛家寨營斬賊首毛大  
仙等四月克復羅斛賊竄黎亭又追敗之八月苗匪陷都勻府  
施秉縣丹江土匪復勾結苗匪疊陷古州清江台拱等廳及黃  
平州上以爵遠屢次失機革職留任七年四月賊犯鎮遠府攻  
文德關檄總兵蔣玉龍等擊敗之五月賊復犯麻哈州提督佟  
攀梅迎擊火其營賊遁都勻其另股黑苗來犯檄總兵巴揚阿  
進攻賊巢破其五洞獲賊首趙洪隆斬之八年以佟攀梅擁兵  
株守麻哈屢催拔營會勦輒借詞延宕劾之褫佟攀梅職二月  
苗匪復犯麻哈爵遠派巴揚阿迎擊以民練開門遁賊遂闌入



知州何銓及佟攀梅死之賊遂由都勻上竄官軍分路扼擊自四月至六月屢挫賊鋒匪始潰退九月賊復犯鎮遠知府吳登甲督兵抵禦忽城中火發兵練驚潰城遂陷爵遠以調度無方下部議處賊旋逼黎平府官軍合楚軍進援連破三十餘座斃匪無算賊喪胆遁時上下游寇益充斥所在咨警安順府歸化廳仲夷滋事威甯州橫匪滋事正安州等處硃苗肆擾普安州回匪與民尋釁聚衆犯城甕安土匪占據縣城綏陽桐梓股匪竄擾各縣均經爵遠分調兵勇激勸民團以次撲滅解散疊獲首犯置諸法九年二月都勻麻哈之賊復圖上竄官軍分路迎擊巴揚阿設計招降匪衆萬餘人用以攻賊官軍繼之賊大敗盡焚其壘六月賊傾巢來撲普安爵遠檄總兵金剛保擊之賊少卻游擊鄧逢霖夜襲賊營民練從後抄擊賊敗走十月賊犯湄潭縣提督蔣玉龍迎擊賊另股由松烟鋪抄出衆寡不敵城遂陷蔣玉龍退紮三度關兵練潰散爵遠劾之褫蔣玉龍職十

一月因病請假十二月卒賜祭葬如例同治十三年全黔肅清  
巡撫曾璧光奏霹靂遠前辦防勦支持危局省城賴以保全功德  
在民請予諡建祠詔如所請尋賜諡勤愨子斯岱陝西鳳陽府  
知府斯松戶部郎中

畿輔通志韓超傳云韓超字南溪直隸昌黎人慷慨有大志家  
貧厲學尤究心武備由副貢生官州判道光間署貴州三臯望  
州同遷獨山州知州獨山多盜號難治超至募勇練團以土民  
爲嚮導禽獲渠魁悉置之法令大行聞者不寒而慄胡林翼守  
黎平深器之咸豐元年秋臺拱清江八寨丹江古州五界之烏  
沙苗倡亂超隨林翼進勦斬獲數百人餘黨解散明年春通判  
清江會獨山土匪句結粵逆內犯超率軍討平之未期月而桐  
梓賊楊鳳大熾陷數城圍遵義超馳至冒雨疾戰解其圍賊遁  
超日夜窮追攻之於葛章司五年三月苗疆同時叛超馳援臺  
拱解黃平平越圍轉戰至勝秉鎮遠所向無前賊塹山斷道以



阻官軍援師不前超以孤軍馳突其間屢瀕於危卒獲無恙以功擢貴東道八年率所部二千人收復鎮遠府衛二城於是謀因地足食之道下游民團舊以十戶養一壯丁超因其意稍變通之官募士而民輸糧略倣隋唐府丁之制又籍叛產分援降衆流人以田代餉行之二年得不餉之兵三千人軍威益壯十一年特旨署理巡撫旋實授以疾乞休年七十有九卒於家賜諡果靖

順天府志劉源灝傳云劉源灝字鑑泉永清人少穎悟善讀書家中落讀益勤道光三年進士選庶吉士散館授編修甲午充山西鄉試正考官乙未出知揚州府治獄如神數十年積案皆清釐多平反揚俗浮靡源灝首崇節儉敦教化召各屬高材生來郡讀書勉以根柢之學造就甚衆王凱泰蔣超伯其尤著者江督陶文毅澍蘇撫李文忠則徐皆相倚重署常鎮通海道清江下游高郵設滾水壩四河水長至一丈二尺卽開壩洩水河

督張鵬翮舊制也道光十六年秋洪澤湖盛漲大吏檄開壩急源灝念壩開則下河數州縣田禾廬舍均被淹沒力持緩開之議河帥怒遣參將張某持令箭飛騎來督視開壩下河居民沿隄數十萬哭聲震地源灝泣曰吾力竭矣奈水勢不落何跪請於張吾已偏諭鄉民徙高阜願少待遂以身禱已而天氣開霽湖水陡落張驚異以爲神祐兩岸民歡聲雷動皆曰生我者父母活我者太守比於陳鵬年云九月移任陝西督糧道署陝撫湯文端金釗委同臬司審理積案釐剔倉糧款目添置關中書院經費延整屋路德主講黜浮華崇實學如任揚州時調潼商道清釐稅務裁減浮費以潼久湮沒農人失灌漑利捐金疏淪復其舊民德之累遷山東按察使再遷布政使攝鹽運使運使陋規逾鉅萬卻之咸豐元年代辦鄉試監臨武闈主考倡捐京師賞戴花翎四年粵匪竄陷臨清巡撫張亮基督師防禦源灝督辦省城團練嚴紀律均甘苦巡防守禦民賴以安入爲光祿



寺少卿旋按察湖南遷雲南布政使升貴州巡撫粵匪石達開由川犯黔衆數十萬直抵廣順距省僅七十里時兵單餉黜源灝日夜籌防守具皆備復疏請提督田興恕來黔辦理軍務興恕名將源灝激以忠義故屢戰皆有功人咸謂源灝知人善任云再遷雲貴總督以年老乞休同治三年卒年七十

國史何冠英傳何冠英福建閩縣人道光十六年一甲二名進士授編修歷充山西浙江鄉試考官二十二年五月轉浙江道監察御史十一月轉掌山東道二十七年任江南道御史轉掌湖廣道二十八年俸滿截取記名以繁缺知府用咸豐元年授貴州貴陽府遺缺知府尋補銅仁府知府四年調貴陽府知府五年桐梓匪徒滋事冠英辦理防守並糧台出力賞戴花翎六年教匪陳得華等謀陷省城冠英嚴密訪拏悉數弋獲七年升貴東道八年賊圍黎平府冠英竭力守禦會同湖南知府兆琛參將田興恕殺賊二千餘圍立解十年三月幫辦貴州剿匪事

務六月署糧道兼總辦糧台事務十一月以勸捐辦團出力賞加按察使銜十一年正月賞二品頂戴署貴州巡撫七月總兵田興恕督兵回省奏言軍興數載以來當事諸大員毫無把握藉口地瘠民貧無從設法所以賊益滋蔓若仍因循軍務安有起色請勸捐抽釐協濟軍餉並保同知謝葆齡知縣張茂萱總司各局允之八月卒遺疏入諭曰署貴州巡撫何冠英由編修外任道府署貴州巡撫半載以來征兵籌餉懋著勤勞茲以積勞病故悼惜殊深卽照巡撫例賜卹並賜祭葬子翼爲廣東知府樹爲兵部主事

李元度雲貴總督張公別傳云張公諱亮基字石卿江蘇銅山人道光十四年舉人官內閣中書二十一年大學士王文恪鼎奉命督治河工疏調公從行會林文忠則徐謫襄河務獨契公公嘗卻武弁餽金三千文忠密識諸手冊亦未以語公也工訖文恪疏薦公文忠仍戍西陲公晉侍讀二十六年授臨安知府



調永昌時漢回構釁亂甫定公開示恩信與民休息衆翕服郡境無事公之赴永昌也道謁林文忠時方賜環授雲貴總督文忠懽甚出手籍記卻金月日公茫然不復省記矣文忠尋疏薦公且曰其才勝臣十倍宣廟以此大用公超擢雲南按察使遷布政使晉撫雲南距其遷提刑時歲未稔也陞見召對十五次溫語如家人父子手敕有能謀能斷之褒咸豐二年調湖南巡撫當是時粵寇圍長沙公縋城入視事日夕登陴籌戰守識江忠烈忠源忠武公塔齊布鄧忠武紹良瞿威壯騰龍羅忠節澤南王壯武鑫於諸將中今使相左公宗棠方爲舉人公禮之入幕軍事悉諮之初密薦胡文忠林翼至是疏調來南逾年乃至賊犯長沙時以南城外爲窟穴北阻堅城援師壁東南面莫能越攻惟河西無重兵賊方擄船筏造浮梁公慮賊且西竄數移調提督向公榮總兵福興公出營河西龍回潭土牆頭諸要隘皆不聽公擬自督軍往江忠烈請先帥所部楚勇築壘待公行

有日矣會魁星樓側地雷發城壞十數丈公預調瞿威壯鄧忠武等督兵堵禦城復完忠烈請渡河公太息曰今事且迫卽渡江人且謂巡撫出城取自便吾不可以行矣乃令忠烈馳抵湘潭謁欽差大臣某公具言賊至西竄請速入長沙調遣諸將不從會地雷再發官軍仍卻之賊糧盡果由龍回潭竄走遂寢不可制矣城圍解僚屬稱賀公獨拊膺歎息謂賊趨絕地可盡殲顧空一面縱之若遂渡洞庭而北患且及天下吾屬誤大局罪奚辭忍言賀耶已果如其言時巴陵土匪晏仲武句黨劫軍餉應賊公檄江忠烈討平之而瀏陽徵義堂匪首周國虞陰與粵賊通公密檄忠烈移師瀏陽聲言赴江西及至瀏距城十餘里而營國虞知將圖己率數千人來犯大破之遂毀其巢國虞尋就禽伏誅當是時武昌失守前督逮問詔公署湖廣總督賊已棄武昌東竄陷九江安慶遂據江甯分黨渡黃河北犯半濟浮橋斷後隊自河南竄鄂公部勒諸將一敗之鵝公頸再蹴諸馬



鞍山賊遂不敢犯楚尋調撫山東忤欽差大臣勝保爲所劾吏議戍軍臺文宗鑒其忠蓋未及瓜召還會河決銅瓦廂廷議修復言人人殊上命公馳驛往勘疏言黃河南行二千餘年淤墊日高議者方欲改復北行故道今不煩人力而北徙繇大清河入海宜因勢利導之不宜強遏使南疏上議遂定亡何雲南回變命督治雲南軍務授滇撫尋晉總督時漢回仇殺十餘年悍將乘機叛所在麀沸前總督恆春公自經死吳公振械移疾歸公至威惠大著板橋之役逆回圍公數帀所部八百人堅壁不爲動夜大雨雹擊賊多死傷賊遂潰退而滇撫徐之銘持兩端通賊暗陷公公憂憤成疾疏乞骸骨許之明年行抵鶴峯州詔仍督滇中軍務同治元年自蜀入滇之銘涎蜀富愆署提督林自清率所部八萬人入蜀就食川督駱公大恐疏言自清公舊部請命公遣散會參將張正洪索擾公立斬以徇衆譁公面叱自清噤不敢動立繳印事遂定而副將張昇率所部踵至敘州

觀隙至是亦逡巡遁公抵敘州適僞翼王石達開悉黨犯郡公以所部八百人協守城得全田君興恕者前欽差大臣貴州提督署巡撫者也殺法蘭西傳天主教者數人事聞詔興恕赴蜀聽勘偃蹇不就道詔署滇督潘公鐸勘辦田不聽勘尋密敕川督駱公往撫定川督疏言田亦公舊部也請壹以屬公於是命公督貴州軍務署巡撫兼署提督公待田君故有恩馳書曉以大義遂迎接公於播州立交印初法蘭西人必欲殺田公以田曾任置臣繫國體力持之乃得減戍旣臨黔庫藏如洗公不得已疏請分重慶稅銀什二三以紓黔難得旨報可川督力柅之乃請割數郡隸川數郡隸湖南爲遺黎請命皆不行公智勇俱困竭力措拄五六年會有齟齬之者得罷職歸同治十年某月卒年六十有三公短小精悍無城府勇於任事撫湖南以挽回積習爲任賊退後卽疏請寬文法假州縣便宜并檄行所屬條舉地方利病反覆訓誡諱飾者罪之尤汲汲以延訪人才通上



下之情爲務二十年來湖南鄰警四逼而士氣強固內患不生屹然爲東南數行省根本實公提倡之力也公卒後湖南士民請建公專祠當事疏請與駱文忠潘忠毅合祀額曰三公祠得旨如議行贊曰元度初未識公辱疏調援黔有知己之感比如黔東則公方被議求代不可得擬走會城謁公阻於賊賊平始歸見公於長沙時方手寫十三經爲日課意豁如也讀公自訂年譜爲太息久之又三年遂哭公於寢門悲夫

李元度勞文毅公別傳云公諱崇光字辛階先世籍紹興客湖南遂爲善化人道光五年拔貢是年舉於鄉十二年成進士選庶吉士授編修歷充國史館協修纂修總纂武英殿纂修本衙門撰文十九年典河南鄉試明年典湖北鄉試又明年授平陽知府尋調太原府擢冀甯兵備道署按察使二十八年遷廣西按察使明年充冊封越南國王使事竣入關會寇起駐思恩南甯等府會督官軍勦賊遷湖北布政使未行李沅發反新甯奏

留會辦楚粵軍務賊平賞戴孔雀翎三十年調廣西布政使時  
嶺西羣盜如麻奉旨馳驛兼程回粵駐南甯勦土匪公廣設方  
略用間出奇解散匪徒四十三起詔賞頭品頂戴尋督辦梧州  
艇匪平之招撫海寇張家祥收爲部將後易名國樑官至江南  
提督殉難丹陽諡忠武爲時名將以此多公知人咸豐元年充  
欽差大臣翼長總統各路兵馬二年擢廣西巡撫加節制通省  
兵馬銜兼署提督當是時全州及潯梧柳慶等屬賊蠶起所在  
陸梁恣焚掠聚散分合無常民失業或數百里無人煙公廣布  
耳目具知賊情進止黨與離合及彼此猜忌各情狀每有調遣  
輒洞中機宜無虛發人莫測所以賊益畏而神之公嘗言蕩寇  
之法能防芽蘖之初生則餉不虛費能絕根莖於事後則師不  
重勞會武宣有上隊會匪將起事公偵實密檄在事文武撲滅  
之誅其渠餘黨駭散鬱林州土匪黃東桂句劇盜鍾玉保爲亂  
蔓延數州縣公擇健吏李孟羣劉體舒等進討一鼓平之餘用



以賊攻賊法設反間使互相戕殺勢迫則自拔來投或密約禽渠魁自效公機牙四應兩利而俱存之臨陣則倒戈助順或悉所部降公益結以恩信俾各招撫餘黨一年中勦撫並用計斬逆渠四十五人滅賊二百數十起亡何逆弁黃金亮叛踞平樂與興安靈川賊相犄角官軍屢攻之不下餉無出乃乞師湖南巡撫駱文忠遣候補道江君忠濬知府蔣君益澧各率師赴援始至復興安靈川及平樂其桂柳梧潯諸府以次略定公撫粵八年賊犯桂林十餘次並堅守得全居頃之餉斷兵卒飢譁謀變刃及冠者再公不動聲色卒皆悔罪投戈縛首亂者寘諸法潮勇隊目謝揚王昌等十餘輩分屯省垣暗通賊積年驕恣多不法公召湖南援軍入密誠蔣君治具宴諸隊目酒半悉禽斬之并治其黨無脫者桂林獲安九年調撫廣東兼署兩廣總督先是泰西人擾粵海番船迫羊城置吏失職粵東亂西人入居節署及民廛文武僚屬避居佛山鎮會城逃徙一空公聞命兼

程抵廣州從者請緩入城公叱曰非爾所知也屬吏叩馬交諫  
入卽爲所制矣公笑曰吾奉天子命來爲督撫不入城將焉往  
遂單騎疾驅入時官吏軍民環觀者數萬人均不意公敢徑入  
西人亦駭愕遂與營弁均列隊郊迎旣入洋酋請見公見之若  
無事者及論事則折以理不爲少屈西人莫測公所爲明日商  
民復業者數千家西人氣奪因退去詔除兩廣總督兼理鹽政  
署粵海關監督同治元年坐事註誤部議鐫三秩調用詔仍以  
頭品頂戴充欽差馳驛赴貴州案事二年四月授雲貴總督初  
雲南漢回民互鬪黠者因煽爲亂自署督潘忠毅鐸殉難後會  
城爲回所踞守土大吏不能自異或寢與之合公勘黔事畢馳  
抵昆明僚屬裒裒伺進止或尼其入公曰吾嘗單騎入五夷城  
島夷萬計視之蔑如也豈懾叛回哉遂入城文武僚吏皆從之  
回漢軍民並郊迎如抵廣東任時旣至語屬吏曰漢回仇殺乃  
械鬪案不必作軍務辦也益開誠心安反仄武員中有初持兩



端者感公忠蓋皆革面以功名自奮賊繇此漸平公嘗佩小印章其文曰忠信篤敬至是人益信其可行蠻貊云六年正月十七日卒於官年六十有六詔稱其老成練達沉毅有爲宣力滇粵各行省能不避艱險使地方日有起色贈太子太保照總督例賜卹予諡文毅賜祭一壇本籍請祀鄉賢祠廣西請建專祠且入祀名宦並得旨報可公所著曰易圖詳說常惺惺齋詩文稿讀書日記居官自省日記奉使越南日記子五文翔按察使銜陝西補用道文鬻鹽運使銜廣西補用道輔芝同知銜直隸某縣知縣文翔福建補用通判早卒文翔布政使銜四川補用道孫啟捷廕生賞舉人贊曰長沙郡人二十餘年間諡文毅者兩公兩公居相距三百里耳然陶公持節在道光中時海宇敕謚獨勞公遭時多故爲其難方其單騎泣粵滇置生死度外雖叱馭之勇曷加焉夫豈不以其時哉語云不遇盤根錯節不足別利器公之爲其難抑卽其所以不朽也歟

國史曾璧光傳曾璧光四川洪雅人祖籍廣東道光三十年進士咸豐二年授編修上書房行走八年照料恭親王讀書並授醇親王讀九年授貴州鎮遠府知府同治元年因防守省城出力賞加道銜署貴東道二年以勦平銅仁踞賊蕭文魁等敘功以道員用並賞戴花翎三年署糧儲道經雲貴總督勞崇光等保薦命開缺歸道班委用四年署按察使六年署布政使八年賞二品頂戴署理巡撫七年二月逆匪何心觀等踞開州鼎照山璧光飭官軍進勦破賊卡三何逆乞降七月特旨補貴州巡撫時麻哈州青黃苗匪踞城滋擾璧光飭游擊唐天佑招降被脅漢民並命提督張文德等分隊進攻遂復州城八年已革總兵林自清擁衆萬人擾四川焚殺搶掠並戕害興義縣知縣陳世鎮璧光密遣提督陳希祥擒斬之事聞上嘉其不動聲色籌畫精詳辦理迅速會青山餘匪四出滋擾璧光飭同知吳宗蘭等分路進攻普安斃賊三百餘生擒賊目馬成保等克復普安



及安南縣城九年正月定番逆首陳喬生勾結青苗各匪竄擾大塘廣順等處璧光飭副將何雄輝等馳剿破其巢擒陳喬生斬之九月鎮甯州屬之烏東隴匪徒滋事檄道員畢大錫勦平之誅其囚潘長林包么大武弁林貴祥叛踞鍾華山大錫復攻破之斃貴祥時黔省自軍興以來秋闈久停璧光疏請行鄉試允之旋以貴州軍務緊急籌餉艱難奏請於兩湖川浙總辦協黔捐務下部議行尋遵文巨匪吳三亡與桐梓縣匪首魏振桶等合擾大溪瀘溪小溪等處璧光檄道員蹇閻攻毀逆硿擒吳三亡斬之斃匪多名初都勻府城陷於賊署副將張樑被創經隨征兵勇背負至落□苗寨張樑尋卽招集良苗曉以忠義屢乘夜襲都勻府並約各營規谷紀關以便進兵璧光飭提督劉士奇等會張樑軍出關後攻毀賊柵數十斬馘百人生擒三十餘人救出難民數百殪其囚吳章遂克都勻璧光奏請寬免張樑失守罪革職留營以觀後効從之十年二月檄提督鍾有思

等勦辦上游各匪連克永甯威甯兩城五月勦平下游巨匪潘  
得洪等收復八寨等城其都勻東路八寨上江下江三脚各城  
亦督飭降衆收復鍾有思迭破賊於查喇五里塘大平羅烘等  
處拔募役司汛城斬逆酋向大八等並分軍平鎮甯歸化賊巢  
總兵鄧有德勦水城踞賊於里塘誅其渠侯大五別將攻郎岱  
金家碕踞賊破之賊酋金大七伏誅盤江北岸一律肅清畢節  
縣賊目羅么大踞觀音碕壁光飭知縣王正璽等以團勇破之  
么大就擒吳奇忠進攻威甯州杠匪斬其渠楊五豺狗時八寨  
三脚等城雖經官軍收復後羣苗仍間來犯壁光檄副將唐天  
佑等屢敗之提督鄧有德亦殲包大肚之衆於八寶山平八寨  
三角一帶賊巢二百一十處尋總兵何世華等攻安南縣境賊  
壘破之斬僞元帥潘么乘勝進克貞豐州城戮賊首馬斯駿等  
先後奏入優旨嘉獎十一年五月提督周達武等各率所部會  
楚軍記名按察使席寶田各軍分路勦賊連克牙塘烏遂猴子



坳等處踞匪擒斬收降甚衆陣斬逆首九大白於椿爐烏牙坡賊巢相屬者二十餘里悉平之提督蘇元春等復由雷公坪等處搜勦斃匪酋嚴大王於陣擒逆首僞大元帥張臭迷及僞平楊王楊大六及姜老拉潘老冒等苗逆全股蕩平其平茶牛角坡等處踞賊提督鍾開蘭鄧有德等破之生擒包大肚金幹幹及悍黨多名奏入諭曰此次黔楚各軍戮力同心連戰克捷遂使積年巨寇悉就殄除苗疆底定洵彰天討而快人心張臭迷一犯尤爲苗逆渠魁卽著就地正法傳首犯事地方曾璧光等均能和衷共濟克竟全功一併優敘七月偕周達武奏官軍會同湖南援黔兵勇次第將匪首李宰輔等殄除並將巨匪高禾歐保隆等拏獲正法十二年正月雲貴官軍會攻新城老巢貴州上游肅清賞頭品頂戴太子少保銜四月新城防軍丁發桂等索餉滋事逆酋何玉亭復攻新城其黨黎正關攻興義府璧光派官軍分擊斬發桂擒玉亭正關餘黨二千餘人悉就殄除

上以璧光籌辦軍務始終出力下部優敘光緒元年八月卒布政使黎培敬奏言璧光由翰林出爲貴州鎮遠府到任後旋署貴東道正值苗疆不靖已竭盡籌防之力嗣以厯署糧道臬司藩司篆務責任日增心力亦日瘁迨權巡撫羣賊披猖全黔糜爛籌兵籌餉危局支持卒能鼓舞殘卒聯絡援軍務節用以益兵儲屢誓師而資掃蕩黔疆以次底定善後正亟圖維復捐廉積谷用備飢荒正己待人勤求吏治不敢以勞苦艱難稍形詞色而其精神日耗實爲致病之由臣屢與提督張文德臬司林肇元就榻看視易簣時猶以百姓元氣未復外省協餉不克愓念不置絕無一語及私疏入贈太子少保銜照總督例賜卹子尙矩賞員外郎孫瀛森賞舉人哭賞主事並賜諡文誠三年四川總督丁寶楨以璧光功德在人懇請於貴州四川建立專祠並宣付史館立傳允之

國史黎培敬傳黎培敬湖南湘潭人咸豐十年進士同治元年



授編修三年提督貴州學政貴州自苗教倡亂大定黔西相繼陷遵義路久斷四年三月間關抵任時雲貴總督勞崇光駐黔與貴州巡撫張亮基論兵事各持意見培敬密疏督撫不和恐誤大局時言黔事者皆依違疏入始得實情六月按試貴陽革出棚規供應捐廉自辦八月試安順府未歲事賊麇至與安順知府嬰城固守援至城賊解圍去遂調考普安廳武生童荷戈助登陴聲威甚壯賊不敢逼時都勻知府改駐獨山州並移試院校士甫戒裝獨山報賊警請緩行培敬不顧至賊已退屯州城三面三十里而近試畢捐廉爲倡令各學教職視力所及集資爲木城以資捍衛次試黎平府間道由廣西湖南乃得達廉知苗民學籍不樂漢民侵占出示以安苗召試爲言苗民翕應方試銅仁鎮遠荆竹園賊驟至府縣力請緩期並議就城外禹王廟作試院培敬駐城外如期局試先是培敬在上游時道員岑毓英方爲滇軍總領道過黔西培敬與語稔其知兵疏請以

毓英專辦滇中軍務六年八月任滿得旨留貴州學政旋以太常寺卿石贊清條奏黔省勦撫事宜稱培敬深得民心懇請量加擢用上會同該省巡撫辦理剿撫屯田事宜專摺奏事尋賞四品頂戴署貴州布政使是時寇患方亟賊渠潘名杰堅守龍里久不下培敬籌捐米石索庫儲得二千金以兵三路進攻七年六月克之旋復貴定名杰遁去黔地省出軍克捷自此始詔嘉其悉合機宜授貴州布政使先是學政任內密陳降寇林自清屢戕官吏請旨交張亮基查辦未果行至是請於巡撫曾璧光設法誅之函首省城八年五月上其功賞戴花翎旋獲匪首陳喬生定番軍務平十年復都勻府城十一年大軍平牛角坡苗巢七月曾璧光疏言培敬忠以運謀和以濟難自克龍里貴定後南平陳喬生西除林自清東定都勻北靖開修以通中路關鍵大轉氣象日新培敬勞心焦思卒以艱難著効且講求吏治教養兼至勦撫咸宜十年以來軍事雖交提臣而左右維持



每恐糧餉告缺前敵滋譁賴培敬竭力籌思始得挹被注茲借資騰飽其始終勞績在身立行間之右十二年官軍會克新城老巢黔省上游一律肅清上以培敬在事出力賞頭品頂戴並三代一品封典光緒元年九月擢貴州巡撫是年川滇逸匪竄擾黔邊粵賊竄陷永從下江六洞苗騷動遣將討平之尋奏設軍民待質公所請推廣各直省一體照行得旨允准復奏請設立貴定至黃平州沿途碉屯石堡撥兵駐守衛驛道四年二月奏請停止各營兵米採買挽運先是藩司任內以各綠營兵力虛懸空支兵米而地方丁糧徵收匪易仍仿照閩陝裁兵節餉章程詳請通飭各營認真簡練汰弱留強擇荒絕之地爲兵屯以資開墾通行有年兵食稍足至是遂請停止採運兵米從之六月定番苗民吳琴高等謀亂旋即撲滅嗣因奏請開復已故革職雲貴總督賀長齡處分並請予諡建祠奉詔切責下部議降三級調用五年閏三月授四川按察使入覲六年正月抵任

清理積案九百餘起立投到所更定結案章程裁鋪司雜款一  
萬餘兩六月超擢漕運總督十一月勘禮字河親駐隄監工又  
籌修堰澗汛石工七年擒斬積年海寇會奏導淮要工五月授  
江蘇巡撫八年將赴任忽禮壩替河口門決冒雨往勘飭河弁  
設法堵閉露處堤上三晝夜以是得風疾開缺回籍調理八年  
卒賜祭葬予諡文肅敕於貴州省城江蘇清江浦建立專祠子  
錦纓廕生承禮舉人



咸同貴州軍事史第五編終

江蘇謝公允校字

咸同貴州軍事史跋

余生以咸同黔亂定後二十年殆劫餘之民也當毀齒之時每聽父老傳述此役經過雖甚各囿於其所聞見已足令人欷歔感動矍然以驚悚然以懼矣蓋我銅江一隅當年戰爭之禍已極可慘况徧黔中更無一寸乾淨土耶及年事漸長求此役紀載乃竟闕鬱而弗彰因念黔中軍事若元之平八番明之平奢安清之平古州平南籠其歷時之久成功之難及其意義之嚴重未有過於咸同之役者胡竟落落莫莫一至於此使我先民無量數頭顱之犧牲擲諸不存不論之列天下可歎之事孰有甚於此者哉余因有



感於此故頻年浪跡四方省道所經凡有可以憑弔  
故壘搜採前聞者靡不再三致意焉今年春再起爲  
貴州省翰長而吾友凌君惕安所著之咸同貴州軍  
事史一書適告殺青獲快先睹平生結想一朝取償  
積快於心而不能喻之於人也余與當軸諸賢旣感  
於惕安之精勤故當其編著之時凡所徵集所策畫  
有應由政府爲之倡者皆嘗破格變例加以贊助而  
省主席王公紹武尤能起而肩之俾不霄於中道蓋  
其樂觀厥成之心不殊善化賀藕耕中丞之汲見遵  
義府志之成也茲全書由慈惠圖書館印行以廣流  
傳慈惠圖書館者我黔之人士所以紀念前省主席

毛公及王公之太夫人者也黔人既感頌兩公之德因而推戴及於其所自云爾惕安負俗之士熱腸冷眼矢志著書江山文藻蔚爲吾黔之光今其清代貴州各賢像傳及黔乘黔靈山志等書亦正屬草中以今日省內外人士期待軍史之殷以推之則他日諸書之出紙貴洛陽直意中事自歎簿書鞅掌夙夜在公以視惕安之從容著書各編時就者其苦樂爲何如乎今跋此書不禁感慨系之至其編著之精審體裁之新穎讀者當有同快無俟余言矣

民國二十二年十月萬宗震





咸同貴州軍事史跋

世之論者每謂中國同化力最強故古來戎狄蠻貊徧布四方及今皆化爲省區其勢有若易然者不知同化之故初雖不能不用武力實則中國之長技並不在此其涵濡浸潤惟以道德禮教爲依歸用能漸漬人心以成爲敦厚之俗蓋幾經層累曲折推蕩流移始奏此同化之功非一蹴所能幾也卽如吾黔設立牂牁郡統轄十七縣遠在漢武之世似其時苗蠻各族已皆同化矣然而統治之權未能實施變亂頻仍亦惟令自保就蓋彼之種族繁多勢力強盛漢四百年來雖有郡縣之名亦僅羈縻之而已中更三國



六朝之亂中原多故未遑遠略苗蠻復占有其地不通重譯者又數百年唐宋統一始廣招徠而土官世襲仍沿其舊如黔西之安氏播州之楊氏皆有千餘年之歷史其餘雄視一方涵淹卵育以長子孫者多不勝數元明以後始漸因叛亂廢其世職而易置流官至清中葉以降而十二府一直隸州之制度乃告完成蓋距漢代之設牂牁已二千餘載而文教普及成爲衣冠禮樂之邦始完全等於中土其同化若斯之難也由是觀之黔省千餘里之疆域本苗蠻之遺產凡有血氣皆有爭心其不肯輕易喪失理也亦勢也而我漢族之入其地者或以從征或以貿易或以

勞役或以游宦或以流寓遷移之迹至爲繁複無從核計其始也戶籍寥寥能力薄弱與彼族雜居每犯土人之忌難免殘殺之虞變端一起不得不假兵力以平定之故用兵一次則我漢族之實力增長一次彼之實力漸消我之實力漸長僑居之衆始獲奠安故來者愈多而成爲邑聚演爲風俗非偶然也今雖苗蠻各族分布於上下游者尙不爲少而服從教令偶具無猜久已躋於同化之列矣清末咸同兩代之軍事乃漢族與苗族爭鬪最後之一役而吾黔歷史上之一大紀念也時值洪楊據有南京清廷以邊遠之區鞭長莫及而是役情形複雜加以積匪號匪教



八  
匪齊匪回匪與苗族同時並起紛紜擾攘二十餘年  
我漢族之死於是役者不下百餘萬人徧黔中幾無  
一寸乾淨土蓋較諸元之平八番明之平奢安雍正  
中之平古州嘉慶中之平南籠其歷時之久成功之  
難黔自有史以來所未有也顧紀載之書寂爾無聞  
間有私家著述往往挂一漏萬前歲胡羽高得光緒  
間所修平黔紀略因舉以付印然而疏於校勘錯簡  
訛文觸目皆是幾不能得其端緒及門凌生惕安病  
之惕安平日留意故鄉文獻以爲前事者後事之師  
也雖世運更新不考鏡前聞何以收因地制宜之效  
黔中數千年變革之事或見諸正史或具諸志乘皆

有途轍可尋惟咸同之役關係最要而紀述最疏誠  
爲缺憾爰就平黔紀略爲紀事本末復徧考諸家著  
作詳徵故老遺聞凡與此次軍事有關者不憚數千  
里馳簡追求期於必得故增輯多至二百餘件又參  
取新舊體例之長益以各項圖畫表解分門別類用  
力數年甫告脫稿目張綱舉洋洋乎蔚爲鉅觀昔司  
馬公之史記班孟堅之漢書皆成於一人之手故條  
理精密文詞茂美爲史家之極則後世官書皆集衆  
人之力爲之遂每况愈下惕安此作雖未逮古人而  
能以獨力成此宏編備一方之掌故不亦盛歟當惕  
安動議之初以及進行之際皆與余屢次商摧折衷



至當今既樂觀厥成故爲撮其要旨以諭世之覽者  
庶有以知惕安苦心孤詣艱難締造之功爲不可沒  
也

民國二十一年秋八月安順楊恩元覃生識

咸同貴州軍事史終

貴陽陳竹樵繕稿